


《續修四庫全書》編纂委員會編

續修四庫全書



上海古籍出版社

五三三三・史部・傳記類

本朝分省人物考一百十六卷（卷一至卷三十六）

〔明〕過庭訓撰

.....

2670/03

本朝分省人物考序



從來論友道者莫備於子與
氏由一鄉而一國而天下由
天下而進之於誦詩讀書中
論其世而知其人夫鄉國天

序

下今之人也詩書中所討論
者古之人也乃若挺生於一
代之中而業已謝世不及為
親面之交而幸未相遠則其
嘉言懿行昭垂簡冊流播見

聞者更可惜以自泚而兼泚
人故孔子生周之世一則曰
從周再則曰從周而其所夢
寐不忘者獨於周公為惓又
意可知已余家世脩詩書之

序

二

業自先孝子以來多購簡冊
貽子孫先王父剛經龍濱公
益恢弘之嘉靖中年沿海諸
邑受倭夷焚掠之慘余家亦
被焚掠而二伯年來所積遺

書盡為煨燼余少受經於先
侍御九山公專背課以性理
學不旁及他編余年十八先
侍御早世家日益落借舌耕
以供先太孺人菽水乙酉丙

序

三

戌間館於南大司寇孫簡甫
公家因得讀鄭端簡五學編
與古今言從中探討
本朝人物擇其德業聞譽之彪
炳者手錄而心識之壬辰後

則余館於給諫佑山馮公家
故多藏書余得宏肆其耳目
與其孫孝廉銘忠朝夕切磨
者十餘年而余友榜首趙若
無給諫陸開仲時為過從爭

序

四

出已見以商確人物初各不
相下後復相合而其中去取
自信亦不甚舛謬矣癸卯余
坐賢書甲辰提南宮乙巳館
於江陵江陵故巖邑又冲衢

撫循應酬幾無暇晷何暇旁
搜遠覽止余丙午本房士令
治兵蘇松鮑君雨亭為余季
兒銘簋西席秉公餘之暇間
與考究人物或舉朝夕所行

序

五

與昔年所手錄者時為質正
云爾尚未有所增入也庚戌
春選入西臺值
神祖慎重言路不輕下
旨余乘此餘閒得尋究

本朝故典而其中所載人物不
敢不廣為收而嚴為擇因輯
有名臣類纂列為內外篇內
篇則學術行誼著述等門外
篇則經濟推轂忠貞等門似

序

六

亦再三考核而始定者未幾
考選得
旨余因巡視南城得鐫性理翼
聖學嫡派兩書隨款併標名
臣類纂俄有出賑東省之

命拮据荒政幾廢寢食因不果
禱而余旋以假歸未踰年遭
先太孺人之戚矣戊午己未
間讀禮有暇時檢閱
本朝名臣紀竊服其揀選之精

序

七

而收羅未必廣又檢閱列卿
傳竊嘆其收羅之廣而揀選
未必精且人之地位隨其性
之所近與其學之所到而分
人之樹立又隨其時之所值

與其哲之所遭而異矧大道
本自玄同胡得妄為分內而
分外全材世所時有又胡得
限之此拙而彼工始悟向者
類纂一編幸未發禱而猶慮

序

八

其見聞之有限也余觀近世
進士履歷一書分省分府分
縣開卷了然豈

國初以來

列聖所敷求二伯餘年德澤教

化所培植而可無以志其盛
乎若曰名臣則必魯望仕籍
赫然較著斯得與其選耳惟
槩稱人物則遇不必顯晦惟
其人又不拘門類惟其行孔

序

九

門四科首列德行古稱三不
朽首曰立德則總之不媿於
德行即不媿於人物矣近世
所稱人物要以事功節義理
學文章為大端夫以學即德

行別名也余竊以為事功不
本於德行淮陰布越之流可
文章不本於德行盧駱王楊
之流可節義不本於德行亦
匹夫匹婦之諒耳故總人物

序

十

而計之要以無忝德行為主
而德行非高遠時人事也孩
提赤子之良擴而充之平日
清明之氣培而養之便是真
德行亦便是真理學故其人

多忝於德行即布衣寒士武夫祿流不敢概弃其人者忝於德行即名公鉅卿才人文士不敢混收取其長非不搜其短而長受居多字舍短而

序

士

取長要其終非不原其始而晚節能蓋寧暇始而取終宣尼不云乎多聞擇其善者而從之是緝之成或錄自

全遺石室之藏或輯自釋友野

史之記亦既殫竭心力廣為搜索矣而非其人不敵輕入也即所稱事跡詳略不能盡同必其人足為地重地又因人而重使便於觀覽者更便

序

士

於效法可敬云垂信事禩席是興起後學斯亦宣尼擇善而從之遺言也余居長安時嘗從同門友念泉周公處得窺

本朝實錄實而藏之不常一字
一全也然亦有不可盡憑者
他不具論王文成古今一大
豪傑發明良知之指何減性
善養氣之功不由

序

三

詔旨自行勤王為平

寧藩之難幾於可與權矣而
實錄中微有貶詞陳白沙東
粵真儒奉

詔旨出款徹章服以繫其親耳

銓部欲強之試似與

詔旨有違不得已而稱病稱病
而仍授職授職而即歸乃其
榮親至念耳親沒後以葛巾
道袍終身其潔意可榮見而

序

四

實錄中殊多遺議

宣宗以諸臣准貪問楊文貞首
舉劉觀似確然無可疑矣查
劉觀守嘉興時風有廉名有
一囚欲求脫罪持白金以獻

立截其手身沒之後幾無以
為欽貪者似不應有此舉動
光景也此在

金匱石室之藏猶然乃爾則釋
官野史之紀載更可知已故

序

十五

曰盡信書則不如無書神而
明之存乎其人

賜進士第文林郎奉

勅提督學政巡按直隸應安等
府監察御史前奉

勅督理屯馬巡按北直山東河

南等處特奉


專勅督理荒政巡按山東過庭

訓誨



序

十六



叙

本朝有實錄無史實錄者編年無
列傳間書教行惟首撥大總裁得
秉筆惟三品大臣如侍挂名傳中
且副筆秘局之禁林雖薦紳彥
縫之家莫由觀一班嘗一商況守

叙

膏嗷腹者而能与之滾、考鏡人物
乎實錄不獲是莫若考、野史
而僣儒山澤、之癯不練朝章亦
實矢口信耳其病在善誣又莫
若考之家史而志狀碑版借臨
舌以媚扶骨其病在善諛此侍御

本朝分省人物考叙

選出本朝人物考之所由作也侍御自

少負盛名抱大志其先自過孝子
通傳龍溪先生家多藏書一毀於
倭再毀於火其後授經於孫簡留
馮給諫兩長者家博綜羣籍多
錄而排纂之日與同志陽休人物

叙

收此選難此中業者完泐其後
成進士宰江陵泰初於南郡兩
亭燕公又其後以江狀召入為友
待詔久稍得餘閑輯名臣類纂
分列內外篇又其後讀禮之暇蒐
羅日忘廣品藻日忘精贊分內

九

分外似未刻同乃成京省人物考不論品
論顯晦以治行為主德行不論品
類以人為地重地因人重為主讀其
書可以仰止景行入其境可以訪
求初墓閩巷及遠胤故跡之所在
此在後學之觀感與起實者躍

叙

三

萌動者非止為史五藉乎已也古者
名山大川奇琛異寶不足為環佩
之觀而產者名公鉅人則子孫引
以於詡其祖里人指以誇耀其以甚
則寓公宜之皆借光而筆書之
蓋閩於此者如京省之人

物尚之美何氏若何里若何品何井
而墻悖不知置對其可恥孰甚焉
今當車書大同之版圖

祖宗列聖磅礴之浩澤人物輻輳
盛本初後者或有日遠日亡之歎
賴侍御公旁收博采自洪永以及

叙

四

曆昌自多學編名臣紀列卿琬琰
憲徵以及山經地志之屬非納爐鑄
之中則借為竹頭木屑之助者揚
善無刺惡何懼日黎之天刑者
至傳聖帝紀何憲崔浩之國憲
出於一手成於一家何頓漢東觀

之羣英凍水氏幕屬之昭召而史
于十爵泰半矣侍御公托名考考者
姑避詞云爾方山薛公撰四書人物考
不誤孟也考也止世王元禎又有辭
林人物考不辭林也考也惟侍御統
之以

叙

五

皇明括之以德行分之以京省彙之野
史刪其誣証之家史去其諛後考
作者豈能舍公大手筆而別考考鏡
哉侍御公正直潮宗庶播在人亦多
能以荒政顯江表以學政顯風表
匪懈寢食不遑猶以整齊舊以

本朝分省人物考 叙

以補實錄中五傳之所未備括括
汗青事苦頭白未忘此生精力空
得來日亦本朝之有知人物矣頃

題

貞二皇帝賓天

詔學使者采輯事實送史臣纂備

叙

六

尺一微書物色朝野若侍御公
等兩用之豈遜木天諸君子後而侍
御公顧乃任考不任史晉天文云柱
史一星主記左右史之象也澠池之會
秦御史前書曰秦王與趙王會飲
蒲相如顧呂趙御史書曰秦王為

一一

趙王擊缶素趙其猶古乎則侍御
公尔何辨於史矣是考也古以翼
本朝正史可也

天啓壬戌季夏華亭陳繼儒撰



叙

七

序

京省何以分志地也人物何
以考志才也分省何以人物
考志人與地相藉而彰也

明興二百餘年諸所紀載如彭

序

公之錄贊尹公之通錄楊公

之理學錄林公之補贊錄徐

公之近代錄袁公之獻實錄

亦既林林備矣然專紀名臣

則潛德之光勿耀徒搜宦牒

將生平之隱靡彰識者病焉
况其所徵信大都衷于誌傳
碑文家乘野史之書羨墻往
哲疑殆實多庚辛之際余以
文字之役與當湖年友過成

序

二

山先生比肩共事南中得披
閱是編而嘆先生之用心于
世教勤也先生行誼淵純鑒
裁精朗家有酉山之秘潛心
石室之藏手翻眼訂正僞補

遺蓋苦工而編屢絕閱歲而
籀更深以軼行勿彰興起莫
由爲懼人勿論顯晦期于程
世事勿論久近期于原心而
又以地靈人傑相得益彰留

序

三

琬琰之香名錫山川以佳話
信矣先生之用心于世教勤
也竊謂名人在地猶明星麗
天故漢域秦封帝王之版圖
有盡而名賢偶然寄迹之地

某水某丘少遊曩釣百世之
下猶艷而題之以誇示千古
超烟石之消沉與天壤而共
敝懿爍哉人之能重地也抑
余因是而有感也事捷于因

序

四

而用優于逸高山景行後先
相望至便矣後之學者如拾
級登堂而闖中葦如從雲耳
譜高曾摘枝攬葉而究其根
蒂豈其掖我於修途而不知

奮也將鄒魯之士不操觚而
遂可貌文學名耶抑又有感
焉士生于世猶玉產于山喬
木秀于林芝根醴源豈問種
族不有繚厲非常之士自我

序

五

作古開山者乎若人者雖僻
壤遐陬猶將炳耀天霄者也
覽是書者其爲代興之德類
與不待教之豪傑在所自取
昔劉劭志人物以偏至爲小

雅具體爲大雅公茲標目一
以德行爲宗德行以孩心爲
本不務瑰異難循之事輝赫
可喜之名愚夫婦聖人一昧
可接嘉惠血氣之倫視劉志

序

六

孰侈哉余故樂而爲之叙

欽差提督學政巡按南直蘇松

等府監察御史年弟毛一鷺

譔



後學毛應鑿書

序

時人之事功節義文章時人之德行
是也時人之德行時人之心是也時
人之心吾人之心是也僅吾人之心
與時人之心稍不合何以百世之
上有時人焉直令百世之下聞風興

序

起如影答形如鐘酬叩如泉寫照必
於而靡忒也而况乎青徽未邀餘美
尚新燦史冊之昭垂馮諸岐而足弔
其為景行私泚可勝道哉蓋吾心之
不離時人猶時人之不離吾心也自
吾心之有所待而忽於憬動則時人

之事功節義文章已隨吾心而森然
形矣然自其感時人而有得也未嘗
不恍然神游乎幹濟侯烈著作之林
若徑耳提面命目擊身侍而不覺膚
理血脈之怡然以迎躍往以赴融結
以液也夫安得以寓於事功節義文

序

二

章之為時人而隨吾心森然形者之
非時人耶又安得以吾所待者之為
吾心而有所待而怡然以迎躍往以
赴融結以液者之不為吾心耶其所
待而隨吾心森然形者此真種也者
所待而怡然以迎躍往以赴融結以

液者此真機也真種時動時伏能引
伸以充滿其量者與有幾真機一觸
則莫崇子與氏之言曰豪傑之士無
文不興夫無文猶興則有文而興倍
可知也第不待文耳待文而興則凡
民皆豪傑矣故曰師道立而善人多

序

三

興起之謂也是以泚人君子曠然號
千秋之人物者其陶世治民開之以
見闡樹之以標的拓之以敲斲探之
以本原而不但已也於是乎統之以
億人地人不言同往之揆而輯之以
一鄉一國各鍾其秀之美此尤默揣

夫言所待者之易為息而予之以生
有所待者之難為領而予之以捷也
前此未有之自成山先生意者人
物考始吾師成山先生忠孝天植經
文緯武左有右宜諸不具論向齊魯
薦饑先生注賑到今洞酌之歌洋之

序

四

盈耳董學江表正已物正作人之化
雲漢為章矣朝德夕造寢食哉廢於
且飭理收諸次第成書蓋先生少負
大志有表著作其先過孝子迄龍溪
先生代喜蓄異書而回祿煽成助傷
為虐數世購貽一旦告燼及孫簡肅

馮給諫兩先生敦先生授徑其家因
博討羣覽加以旁參互訂自三五丘
索玉
昭代之典章
秘府之載籍雖稗官野史咸用研究謂
前事之不忘後事之師也每留心人

序

五

物而於
本朝時人流鴻樹駭蜚英孕實者尤所
居念手錄秉裁積有年所已成進士
宰江陵膏幸出先生之門與季公聯
席克侍馨歎竊窺陽秋萬一已奉軍
入臺待詔良久禛名臣類纂篇分丙

外已讀禮之館搜羅益富掄擇益精
玄而同之作京省人物考遇不向顯
晦品不限門類總之事功節義文章
無忝於德行者近是惟是地以人靈
人只重地展卷而音徽餘美爛然同
堂矣嗟嘻荆馬壽丘神異特結姚墟

序

六

闕里萬禩共欽異時時人誕生茲土
亡向藪胤殘支侈口誇訥即里巷
人有不津，引重者乎即車跡馬蹄
徑祠道墓想而見之者不低回歎而
者乎即相去千餘里未嘗謁故宮訪
遺蹟而遐思其靈若何卓，出若何

素、若何氏族若何黨卷有不志飛
神往者乎則燕趙吳越齊晉秦楚衛
粵滇黔于向上苞象偉下萃精奇蔚
為豪英可指掌觀也則因程之時沿
創常震半暇競球閩闕遲速於向內
茲機智外妙張弛絢為規恢可刊眉

序

七

曙也則因程之秩，召名銓省臺署藩
宣儒武寒雜於向體饒韞藉用展動
勳輝為雄杰可印鬚數也則因程之
才治教以刑兵農禮樂論次卷誤於
間根柢性命况湛精微吐為光華可
凝眸時也大拉時人，心德行儉之

時人之德行事功若義文章儉之時
人之事功節義文章是偏儉之由音
徽餘美觀感而自得焉當幹濟而幹
濟必偉當侯烈而侯烈必奮當著作
而著作必釋何者事功若義文章之
真種存也當事功節義文章而事功

序

八

節義文章必醇而旨疵慙而不偏何
者德行之真種存也有所待而怡然
以適躍行以赴馳於以液之真機觸
之而忽靈言所待而隨吾心森然形
者之真種諍之而不棄先生蓋予真
種以生而不虞其易息予真機以提

本朝分省人物考序

而不虞其難領矣讀是編者緣吾心
之人物友當代之人物進而尚友百
世以上之人物師道既立而興起善
人其何涯淡之有昔夫子志在從用
而注類淵以為邦則夏時殷軺韶舞
占用寬並議蓋折衷群聖斯為善律

序

九

用者夫進而尚友百世而不局於
當代先生之竊比從用者在斯乎先
生之人物可以千秋矣
賜進士出身奉
初整飭蘓杭兵備兼理糧儲水利浙江
按察司副使督安門人熊膏頓首

拜撰



平湖後學俞思燁書



序

十

凡例

一是集始於

開國以至

今上初元業經物故見聞有據者始為採
入其尚未論定或更須博詢姑闕疑焉
以俟君子

凡例

一是集但主褒善雖善無私褒寧恕無
苛故或全收或節取卽瑜瑕相半初終
互異而或功在社稷與未至獲罪名教
聊亦採入以備參考
一是集或採之

本朝實錄或採之家乘野史或從吾學編

列卿紀名臣言行錄獻徵錄與各省通誌等書翻閱有得卽隨筆劄記以故詳略不能盡同詳者至千萬餘言畧者不過數十行數行大都因其舊文稍加潤色非獨任己意爲也宣尼大聖尚云述而不作春秋之作亦因魯史不佞恥識

凡例

二

奮跡在此肄籍在彼者止從一處開載庶免重出

一不佞輯有名臣類編未及發梓是集則從讀禮之餘考覈裁定自揣濶疎亡當辛酉視學南畿正值賓興屆期倉卒無暇壬戌春始於句容發梓會有歲試

凡例

三

之役不獲時時屬目案發後一取閱之所誤漏重複頗多夏仲請告得旨習靜山中且訂且補故卽于原稿中加補遺二字其未及補與未及改者姑俟異日

一官評可假鄉評難欺是編所載大都

官評與鄉評互參無柰見聞有限何也
嗟乎事垂青史豈盡實錄從來良史猶
然惟鄉之童叟持人衡尺或多率真不
大刺謬故所載人物本郡較之他郡爲
多本邑又較之他邑爲多在鄉言鄉其
猶有管之窺也夫

凡例

四

一事功節義率多迫而後起不得已而
後應其有敦行足以起敝維風脩詞足
以信今傳後雖不以事功節義顯而其
人之不朽自在也故詳畧雖隨所見聞
抑或時勢遭際使然鶴長鳧短又安所
軒輊其間至若方外異人亦多採錄以

資博洽

一寓宇之賢不可勝紀而臭味之投可
以互徵故有因父以及子者有因祖以
及孫者又有因友以及友者雖不及縷
數其事別爲立傳而義均錄賢觀者當
自得之

凡例

五

一是集所載人物止分府不分縣恐其
繁雜也而廣西雲貴僻處一隅人物難
于遍查又夾雜軍民等府更難于分割
故總括之于省異于各省之分府者
一是集于分地之中兼分發跡與物故
之歲月然或世次歲月間有參差勢難

改正者姑仍其舊

凡例

六

國朝京省分郡人物考總目錄

一卷

北直順天府

二卷

順天府

三卷

永平府

四卷

保定府

五卷

本朝分省人物考總目錄

保定府

六卷

河間府

七卷

真定府

八卷

順德府

九卷

廣平府

十卷



| |
|-------|
| 大名府 |
| 十一卷 |
| 南直應天府 |
| 十二卷 |
| 應天府 |
| 十三卷 |
| 應天府 |
| 十四卷 |
| 鳳陽府 |
| 十五卷 |
| 鳳陽府 |
| 十六卷 |
| 鳳陽府 |
| 十七卷 |
| 鳳陽府 |
| 十八卷 |
| 蘇州府 |
| 十九卷 |
| 蘇州府 |
| 二十卷 |
| 蘇州府 |

本朝分省人物考

總目

二

| |
|------|
| 蘇州府 |
| 二十一卷 |
| 蘇州府 |
| 二十二卷 |
| 蘇州府 |
| 二十三卷 |
| 蘇州府 |
| 二十四卷 |
| 蘇州府 |
| 二十五卷 |
| 蘇州府 |
| 二十六卷 |
| 松江府 |
| 二十七卷 |
| 松江府 |
| 二十八卷 |
| 常州府 |
| 二十九卷 |
| 常州府 |
| 三十卷 |
| 鎮江府 |

本朝分省人物考

總目

三

| | |
|---------|------|
| 揚州府 | 三十一卷 |
| 揚州府 | 三十二卷 |
| 淮安府 | 三十三卷 |
| 廬州府 | 三十四卷 |
| 廬州府 | 三十五卷 |
| 本朝分省人物考 | 總目 |
| 安慶府 | 三十六卷 |
| 徽州府 | 三十七卷 |
| 徽州府 | 三十八卷 |
| 寧國府 | 三十九卷 |
| 池州府 | 四十卷 |

本朝分省人物考

總目

四

| | |
|---------|------|
| 太平府 | 四十一卷 |
| 和州 | 四十二卷 |
| 廣德州 | 四十二卷 |
| 浙江杭州府 | 四十三卷 |
| 杭州府 | 四十四卷 |
| 嘉興府 | 四十五卷 |
| 本朝分省人物考 | 總目 |
| 嘉興府 | 四十六卷 |
| 湖州府 | 四十七卷 |
| 寧波府 | 四十八卷 |
| 寧波府 | 四十九卷 |
| 紹興府 | 五十卷 |

本朝分省人物考

總目

五

| | |
|---------|------|
| 紹興府 | 五十一卷 |
| 紹興府 | 五十二卷 |
| 金華府 | 五十三卷 |
| 金華府 | 五十四卷 |
| 台州府 | 五十五卷 |
| 嚴州府 | 五十六卷 |
| 嚴州府 | 五十七卷 |
| 溫州府 | 五十八卷 |
| 溫州府 | 五十九卷 |
| 處州府 | 六十卷 |
| 處州府 | |
| 本朝分省人物考 | 總目 |
| | 六 |

| | |
|---------|------|
| 廣信府 | 六十一卷 |
| 廣信府 | 六十二卷 |
| 臨江府 | 六十三卷 |
| 吉安府 | 六十四卷 |
| 吉安府 | 六十五卷 |
| 吉安府 | 六十六卷 |
| 吉安府 | 六十七卷 |
| 吉安府 | 六十八卷 |
| 吉安府 | 六十九卷 |
| 吉安府 | 七十卷 |
| 本朝分省人物考 | 總目 |
| | 七 |

| | | | | | | | | | | | | | | | | | | | | | | | | | |
|-------|------|-----|------|-----|------|-----|------|-----|------|-----|------|-----|-----|-----|-----|------|-------|-----|------|------------|-----|------|-----|-----|------|
| 福建福州府 | 又七十卷 | 福州府 | 七十一卷 | 泉州府 | 七十二卷 | 建寧府 | 七十三卷 | 延平府 | 七十四卷 | 汀州府 | 七十五卷 | 興化府 | 邵武府 | 漳州府 | 福寧州 | 七十六卷 | 湖廣武昌府 | 漢陽府 | 七十七卷 | 承天府 鄖陽府 | 襄陽府 | 七十八卷 | 德安府 | 黃州府 | 七十九卷 |
|-------|------|-----|------|-----|------|-----|------|-----|------|-----|------|-----|-----|-----|-----|------|-------|-----|------|------------|-----|------|-----|-----|------|

本朝分省人物考 總目

八

| | | | | | | | | | | | | | | | | | | | | |
|-----|-----|-----|------|-----|------|-----|------|-----|------|-----|------|-------|-----|------|-----|------|-----|------|-----|------|
| 荆州府 | 八十卷 | 岳州府 | 八十一卷 | 長沙府 | 八十二卷 | 衡州府 | 八十三卷 | 郴州府 | 八十四卷 | 郴州府 | 八十五卷 | 河南開封府 | 開封府 | 八十六卷 | 開封府 | 八十七卷 | 開封府 | 八十八卷 | 歸德府 | 八十九卷 |
|-----|-----|-----|------|-----|------|-----|------|-----|------|-----|------|-------|-----|------|-----|------|-----|------|-----|------|

本朝分省人物考 總目

九

續修四庫全書 史部 傳記類

| | | | | | | | | | | | | | | | | | | | | |
|------------|-----|-----|------|-----|------|-----|------|-----|------|---------------|-------|------|-----|------|-----|------|-----|------|-----|-----|
| 彰德府 懷慶府 | 九十卷 | 河南府 | 九十一卷 | 南陽府 | 九十二卷 | 汝寧府 | 九十三卷 | 汝寧府 | 九十四卷 | 本朝分省人物考 總目 | 山東濟南府 | 九十五卷 | 兗州府 | 九十六卷 | 東昌府 | 九十七卷 | 青州府 | 九十八卷 | 登州府 | 附遼東 |
| 衛輝府 | | | | | | | | | | 十 | | | | | | | | | 萊州府 | |

| | | | | | | | | | | | | | | | | | | | | | | | | | |
|------|-------|-----|-----|------|-----------|------|-----|----|------|-------|---------------|------|-----|------|------------|------------|------|------------|-----|------|-----|-----|-----|------|-------|
| 九十九卷 | 山西太原府 | 一百卷 | 平陽府 | 一百一卷 | 遼安府 遼州 | 一百二卷 | 汾州府 | 沁州 | 一百三卷 | 陝西西安府 | 本朝分省人物考 總目 | 一百四卷 | 西安府 | 一百五卷 | 鳳翔府 平涼府 | 漢中府 鞏昌府 | 一百六卷 | 臨洮府 延安府 | 慶陽府 | 附綏德衛 | 慶陽衛 | 寧夏衛 | 涼州衛 | 一百七卷 | 四川成都府 |
| | | | | | 大同府 澤州 | | | | | | 十一 | | | | | | | | | | | | | | |

九... 卷一

| | | |
|-------|--------------------------|--------------------------|
| 一百八卷 | 保寧府 叙州府 | 順慶府 重慶府 |
| 一百九卷 | 夔州府 潼川州 嘉定州 瀘州 | 馬湖府 眉州 |
| 一百十卷 | 廣東廣州府 | |
| 一百十一卷 | 廣州府 | |
| 一百十二卷 | 惠州府 瓊州府 南雄府 廉州府 | 潮州府 肇慶府 韶州府 高州府 |
| 一百十三卷 | 廣西全省 | |
| 一百十四卷 | 雲南全省 | |
| 一百十五卷 | 貴州全省 | |
| 總目錄終 | | |

本朝分省人物考 卷一

| | |
|----------|-----|
| 人物考卷之一目錄 | |
| 北直隸順天府 | |
| 董倫 | 竇承芳 |
| 李慶 | 劉士原 |
| 劉英 | 甄庸 |
| 劉中敷 | 張渙 |
| 李季鼎 | 薛斌 |
| 李素 | 楊善 |
| 李敦 | 韓定 |
| 冀傑 | 毛勝 |
| 張敏 | 李震 |
| 殷謙 | 芮釗 |
| 王復 | 李侃 |
| 董方 | 李賓 |
| 岳正 | 何盛 |
| 陳壯 | 秦敬 |
| 朱銳 | 段正 |
| 展毓 | 李紳 |
| 劉瓊 | 王信 |
| 田景賢 | 王傳 |

本朝分省人物考 卷一目錄

北直一

劉機

張恕

燕忠

本朝分省人物考

卷一目錄

二

北直一

本朝京省人物考卷之一

南直督學御史西浙過庭訓纂集

門人蘇松備兵副使南郡熊膏叅閱

男 過銘盤

過銘孟

過銘篋

寧國府學生員嚴弘志全訂正

北直隸順天府

董倫

董倫字安常世居燕之宛平自處山林間布褐藜藿

本朝分省人物考

卷一

一

北直一

已懷憂世之志學者多從之遊以所居貝川因稱貝

川先生元末徵辟不出世高其行國初擢用單縣儒

士張寧寧以倫薦徵為春坊贊善大夫賜冠帶事

懿文皇太子陳說多長厚語 太祖高皇帝聞而善

之陞左春坊大學士會東宮晏駕出為河南左叅議

盡心民事名其退食思政之堂日後樂嘗草封事數

千言無一不當 上心者又上書薦肇州吏目諸葛

伯衡 太祖遽擢為陝西右叅議三十年以註誤免

官典教滇南倫行至成都蜀獻王深寵之賦詩八章

以導行至滇凡作養成就用夏變夷漸摩膏煦皆出

於仁義道德故雖蠻童夷豎皆知向方 建文帝卽位眷念東宮舊臣屢詢及之左右亦多言倫可用召至京師慰勞備至拜嘉議大夫禮部右侍郎兼翰林院學士與方孝孺同入內閣侍經筵御書怡老堂及髹几玉鳩杖各一賜之初監察御史解縉以權臣讐嫉譖之謫河州衛吏倫爲之言乃召縉還以爲翰林待詔其汲引人材類如此倫爲人質直敦厚富文學爲時所重建文間屢懇言當務親睦不聽 文皇卽位時倫年八十餘有旨令致仕出京悒悒成疾數日卒

本朝分省人物考 卷一 二 北直一

竇承芳

竇承芳順天通州人洪武中以貢入太學永樂四年詔國子監選才識英敏者應科道之選承芳擢拜山東道御史大節磊磊侃直不避以建言下詔獄赦復原職尋建言忤 旨謫龍江典史已復職陞浙江僉事卒

黃 綬

黃綬順天平穀縣人洪武末年以奇童召見命送國子監讀書中宣德癸丑進士除拜山東道御史 英廟北征綬疏言兵玩脩弛虜鋒正銳 陛下柰何以

祖宗付託之身親犯危機平不報扈 駕至土木塞而師潰 大駕蒙塵綬奮節死焉

李 慶

李慶順天府順義縣人洪武中以國子生署都察院右僉都御史後授刑部員外郎陞紹興府知府永樂元年召爲刑部侍郎五年改都察院右副都御史營建北京陞工部尚書二十二年調兵部尋兼太子少保 仁宗皇帝命侍 上謁 孝陵慶約束侍從將士不敢秋毫犯民 上欲獵亦屢諫止遂留南京兵部宣德二年安遠侯柳升等征交趾命慶叅贊軍事

本朝分省人物考 卷一 二 北直一

至廣西病作及交趾境遂卒慶正直剛果遇事敢爲不畏強禦深嫉脂韋媵媵者以嚴馭下以恕用法有幹局其在刑部時所領事多不得數至部凡屬吏與囚交通或私餽飲食慶輒知之加重罰衆畏憚不敢肆 仁宗卽位慶請令直隸及各都司官軍更番於京師操備 上嘉納之時大理寺少卿戈謙言事有過於矯激者 仁宗不悅大臣呂震劉觀等交口傾之賴 仁宗不聽時惟慶與夏原吉不語然自是言事者少 仁宗悟遂降勅自引咎且勉諭謙又責羣臣之嘗傾謙者震乃大愧於慶兩人時治山陵事多

趣辦中官或有過求慶執不與至相詆詰不為動若他事有未便亦侃侃爭論未嘗苟徇當時皆嚴憚之號為生李焉

劉士原

劉士原昌平人洪武中以才能薦舉擢山西潞州知州有惠政及民陞陝西叅議累官左布政使應朝至京止跨一蹇隨一僕帝廉得其實稱揚不已命馳驛赴任時有天下清官劉士原之譽

劉英

劉英寶坻縣人洪武中仕為山西繁峙知縣廉能守法深得民心後秩滿縣人詣闕乞留詔復任仍命禮部書其政績超羣以曉示天下

甄庸

甄庸順天府宛平縣人洪武三十年舉人才授戶部主事有賢聲革除元年陞松江府知府端謹廉明政平訟簡永樂二年坐累降右軍都督府經歷三年以薦舉擢山西道監察御史出巡廣西激揚有體吏畏民懷四年召還陞工部右侍郎本年坐事免官五年復原職十九年定鼎北京尚書扈北命庸掌部事二十一年奉命成造冬夏衣給賜雲南官民生駘進

本朝分省人物考 卷一

四

北直一

等并琉球官生周魯等役竣仍奏准自後依時給賜不待奏請著為令二十二年陞南京工部尚書宣德元年兼掌兵部事二年致仕庸性凝重言若不出口遇事處之綽有餘裕故人稱為篤厚君子云

劉中敷

劉中敷順天府大興縣人太宗舉兵靖難中敷以府學生員守城有功授河南陳留縣丞遷工部營繕司員外郎仁宗嘗命署掌部事滿九載陞江西布政司右叅議宣德二年遷山東布政司右叅政尋陞左布政使正統初陞戶部尚書嘗坐事枷號於長安

本朝分省人物考 卷一

五

北直一

門尋釋之一日被召問瓦剌來朝馬駝留養於大同者幾何合用草料幾何中敷不能對遂下獄論死久之宥為民時中官王振方竊威柄故也景泰初復起為戶部左侍郎尋兼太子賓客卒年七十有四遣官賜祭命有司具棺殮并營葬事以其子給事中璉乞恩復尚書仍兼太子賓客中敷為人謹約食不重味每與僚友食殮殽品雖多惟食其近者一味而已居官幾四十年家無厚貲云

張渙

張渙霸州人永樂初為兵部郎中成祖召至便殿

問以急務敷對剴切 上嘉之賜衣一襲玉硯一枚
尋擢山東左布政繼調陝西值歲饑賑恤全活甚衆
宣德二年廣東苗夷倡亂渙至宣布德威苗遂平秩
滿詣闕力陳休致

李季鼎

李季鼎大興人永樂初以國子生拜爲春坊贊善講
授經書深見禮待爲人博學強記當時號爲書庫及
致仕猶訪以時政宣德初以輔導功錄其子

薛斌

薛斌昌平人永樂中累立戰功進封永順伯子綬襲

本朝分省人物考

卷一

六

北直一

伯爵從征虜寇沒於陣謚武毅

李素

李素平谷縣人永樂初年由國子生擢山西道監察
御史朴實簡靜不炫風跡十年陞湖廣僉事繼進浙
江副使俱用刑平恕於民不擾十四年陞湖廣叅政
在楚最久行守廉介楚人多宜之 仁宗嗣位召爲
右副都御史宣德元年以事調福建按察使秩滿致
仕卒於家

楊善

楊善字思敬大興縣人少補諸生不甚通經術而性

沈敏能爲人策事時年甫十七 文皇起義兵已知
善名署典儀所引禮舍人 文皇卽位之明年以守

城功召補鴻臚寺序班歷鳴贊司賓署丞再進右寺
丞繼擢爲卿善偉丰儀工舉止音吐如洪鐘每朝謁
引進奏時 上目屬之正統十二年進禮部左侍郎
明年從北征至土木師潰間行達京師時已六十五
矣足胠不倦虜犯京師以善曉暢軍事改都察院左
副都御史使佐于謙營九門外郭以與虜角數有功
進右都御史自侍郎至右都御史皆領鴻臚寺事是
時 太上皇在漠北元旦故事自朝正出卽相率於

本朝分省人物考

卷一

七

北直一

朝房投調稱賀善獨流涕曰此何時也 太上皇何
所而戎 稱賀耶衆爲止時所遣使漠北若王復王
榮李實等皆以庶僚假卿佐往不得要領李實得一
見 太上頗倨而其辭慙虜挾 太上請賂欲奉之
還而朝意更緩至是以虜酋責王復等非大臣故遣
善再往然絕不爲奉迎計亦不予善一錢善乃悉其
貲不足則貸之中貴人悉益市綺繡女紅線釵之類
旣至也先所使館伴者來與飲帳中詫善曰土木之
役六師抑何弱耶善曰是時六師之勁悉南征而中
貴人振欲邀 太上幸故里初不爲戰備今者南征

之士悉歸可二十萬又募中外材官技擊得三十萬
悉教以神鎗砲火弩射命中百步之外洞人馬腹透
七扎又用言者計沿邊要害皆隱金椎三尺所值蹄
立穿刺客林立夜度營幕若猿猱而皆已置之無用
矣問何言無用曰和議成則歡飲若弟兄而又何用
也因賂之其人悉與語也先次日善入謁又大賂也
先也先喜坐定善乃前責之曰 太上皇帝朝太師
所使使必三千人歲必再卽穉子亡弗賚者金帛器
服絡繹載道太師乃背盟好而見攻何也先曰然
則奈何削我馬價又予我帛時有剪裂幅不足者善

本朝各省人物考

卷一

八

批直一
劉光

曰非削馬價也太師之馬歲益增價亦不繼而不忍
拒是以微損之太師自度價所得比前孰多也先曰
者者胡語是也復曰帛有一二剪裂幅不足者諸通
事爲之也事露而誅矣卽太師所使進馬有劣弱而
貂皮敝豈太師意耶也先又曰者者善因復進曰太
師之攻我兩矣所磔殺剝剔以數十萬計而太師之
部曲寧無有血吾刃者上天好生太師獨好殺夫是
以數有雷警今者能奉 太上歸我和好不絕器幣
溢於穹廬而黎庶彼此俱逸不亦快乎也先益喜曰
者者因謂善歸而 太上皇有重寶來購乎善曰太

師得重寶而歸我 太上皇天下後世謂太師貪重
寶也歸我 太上皇而不索重寶天下後世以太師
貴信義而賤貪黷令名奕奕况我之德太師無已而
重寶以漸繼乎也先大悅曰者者遂以善見 大上
皇善再拜進醪稱問萬壽侍立不敢坐也先數目
太上皇太上皇謂善太師與汝坐則坐善頓首辭曰
君臣之禮雖草野寧敢廢哉也先嚙指顧其下曰咄
咄汝曹中國禮乃若此遂以輕騎奉 太上皇與善
歸歸而 上以非初遣旨薄其賞僅遷左都御史仍
領寺事而大司馬謙心許之時 太上皇在南宮元

本朝各省人物考

卷一

九

批直一
劉光

旦朝正出復且修投謁善復泫然曰 太上皇不受
賀何我曹乃相賀也識者益稱之善始善中貴人振
後善中貴人吉祥等而與石亨比會 景帝病善知
亨吉祥有迎 太上皇謀遂與之合 太上皇卽位
論善功封典濟伯予誥券世世承襲改領左軍都督
府尋加禮部尚書領部事恩賜赫奕所陳請無不允
又嘗陰薦李賢入內閣而定襄伯郭登亟疏善使虜
功請位之三公於是亨吉祥稍稍間於 上而明年
善已卒年七十五贈興濟侯諡忠敏子宗自勲衛襲
四歲例奪爵爲金吾衛指揮使孫增尚公主授駙馬

都尉

李 敦

李敦字居學順天府涿州人生五歲始能言為州學生永樂癸未經魁入國子監因言事切直受知 仁廟命有司給以脚力每朔望率諸生朝見後授京衛經歷陞戶部主事歷禮部員外郎持已嚴厲臨事剛決銳於建立十七年陞江西右叅議所至吏奸民隱纖微洞燭號令必行無能撓者宣德二年陞四川右布政使益礪廉隅官中物不私一毫志鋤奸豪有犯法者繩之不少貸蜀人稱為鐵面李在川中十六年北直一

本朝分省人物考

卷一

十

北直一

韓 定

韓定字世安號靜菴其先居廣平威縣曾祖某洪武初從征有功陞錦衣衛千戶因家京師定生而質確好學不倦正統元年以儒生選人翰林院習學夷字八年精於業授鴻臚寺序班十四年隨駕親征景泰元年選入內閣辦事三年以兼精楷書陞中書舍人天順改元差雲南報計還陞吏部驗封司員外郎成化初入史館修 英廟實錄及大明一統志成以預

有勞陞本司郎中提督四夷館事十二年陞太僕寺

少卿授中憲大夫誥命十三年史館續資治通鑑成

以預有勞陞食正三品俸二十一年陞本寺卿定自

幼事親孝處兄弟友愛親有疾躬視湯藥衣不解帶

既卒哀毀骨立依禮殯葬天性儉約雖祿漸豐平居

飲食衣服宅第器用未嘗奢靡至於姻族鄉里有貧

不能嫁喪不能葬凡窮獨無告者則極力周恤無所

吝居官四十餘年在內閣書制誥朝入暮出無或少

怠處僚案以義待生徒以禮一時入館習夷字者無

不暗曉天順間 英宗皇帝詔求通夷字者大學士

李賢以定應詔入奏夷音譯字之說 上悅賜寶鈔

錦綺一日造朝適曹欽反殺朝臣定避難民舍適有

火千戶同與避匿亂定各散火被讐家誣執為欽黨

擬死罪臨刑訴言與定同避定力爭火遂得釋成化

乙巳卒年六十有九賜祭葬

冀 傑

冀傑東安縣人由行伍從 太宗皇帝靖內難以功累陞左軍都督府都督僉事屢從北征 仁宗皇帝嗣位命守開平宣德元年進左軍都督府右都督尋卒追封清源伯謚忠壯傑資性平直無所矯飾屢從

本朝分省人物考

卷一

十一

北直一

征恭勤不懈明於知人高煦反 上親征列侯中有
陰持兩端者言高煦機變不測用兵若神傑揚言於
衆曰吾知其爲人矣徒尚詐而無膽氣今天威臨之
卽震懼就擒矣何神之有竟如其言衆服其明云

毛勝

毛勝字用欽薊州人天資剛毅風神俊偉有膽氣善
騎射於凡兵書悉通大義宣德辛亥以父安泰陰陞
都指揮使正統辛酉從征麓川入其境賊酋力招漢
伏兵於路勝將遊兵覘之射其象馬應手而仆遂敗
其衆督船濟江直抵其巢穴走其賊首思任發破寨

本朝各省人物考

卷一

十二

北直一

而還以功陞左軍都督府都督僉事明年奉勅克右
叅將復征麓川勝益思自效勇氣當百平其寨柵而
繫其黨與前後無算還進都督同知己巳秋大同有
警勝適公幹嘗遇寇於道生致數人以歸尋復委勝
巡視邊城屢敗賊衆朝廷嘉其功進左都督往紫荆
關倒馬諸關追殺虜寇累有金帛之賚是歲冬奉勅
克左副總兵往征湖廣貴州苗賊凡下百十餘寨賊
皆敗散景泰初重安江苗寇復叛總戎者有難色勝
慨然當之卽日以兵壓其境旣與敵遇勝獨發一矢
中其酋而斃餘賊驚潰由是香爐山諸寨苗賊皆望

風警服生擒偽王韋同烈等械送京師斬之西南
之患遂息壬申委勝鎮守雲南金齒騰衝諸處論功
封南寧伯子孫世襲賜以誥券勝在鎮號令雖嚴而
御軍撫夷率以仁恕酋長聞風歸嚮無梗化者明年
將兵詣金沙江械賊子思機發送京師又明年餘寇
刁放革復叛勢甚猖獗勝率精兵突至騰衝賊不暇
爲謀遂生繫刁放革餘衆悉竄伏事聞獎勞有加益
倚賴方殷而勝已邁疾不起矣享年五十有八

張敏

張敏永清縣人中宣德壬子科鄉試登癸丑科進士
歷官給事中才幹聞擢工部侍郎敏倜儻不羣博
聞強記居官不畏彊禦嘗忤逆振幾被排陷然無隙
可乘竟不能加害曹文忠于肅愍雅與孚契名重一
時在工部三載而歿勵尤多天順元年致仕

李震

李震字用初別號省菴先世山西臨汾人元季曾伯
祖希賢遊宦於燕因家宛平祖嘉永樂中累官禮部
左侍郎震天資穎敏自幼嗜學以廕補太學生領宣
德乙卯鄉薦正統改元登進士選庶吉士讀中秘書
力行問學詞林諸公深器重之改工科給事中職務

本朝各省人物考

卷一

十三

北直一

修舉嘗持節往河南 親藩行 冊封禮餽遺一無

所受癸亥陞右給事中戊辰丁艱已巳虜寇犯順京

師戒嚴奪情起震守東直門辛未陞通政使司左叅

議適南京通政缺遂改蒞焉戊寅陞南京兵部右侍

郎成化丙戌 召改兵部踰年陞左侍郎進階勳正

議大夫資治尹食正二品俸辛卯奉 勅巡視紫荆

關一帶山場置立界牌禁養林木衛護關隘防禦賊

寇還奏稱 旨壬辰清理武官貼黃甲午忽邁瘡疾

竟勿起震賦性醇厚才識高邁居家孝友蒞官勤慎

任兩京所至除弊興利政聲籍籍尤厚於故舊冬官

本朝分省人物考 卷一 十四 北直一 陳昌

孟侍郎初任南京任部堂後庶忽得疾卒同官諱之

移斂庶外震往吊歎曰孟公生為卿佐死可委於此

乎立命昇還舊寢宛平陳定與其祖為友及歿其弟

安留金陵年老家貧且食指眾弗克返故里震至即

為助舟車歸之其急於尚義類此

殷謙

殷謙字文撫涿州人中正統戊午解元登已未進士

授戶部主事陞兵部郎中遷右通政出知太原府晉

人儉嗇褊急號稱難治謙寬猛得中至今民思之歷

陞左布政使召拜右副都 撫宣府猛將悍卒

莫不馴服陞戶部侍郎尋轉本部尚書財賦充足軍
國賴焉進太子少保致仕家居唯賦詩飲酒日遊別
墅人比之文潞公居洛云

芮釗

芮釗字宗遠其先世居應天溧陽父琦徙家順天之

寶坻遂為寶坻人正統壬戌登進士觀政都察院掌

院事者見釗姿宇魁梧及試刑名輒出倫輩甚器之

奏請遴選進士為御史得二十有四人釗其首也授

河南道未幾掌道事是道分隸皆劇司兼考覈郎署

以下及畿內百職政績激揚有方考察明允一時聲

本朝分省人物考 卷一 十五 北直一 張泰

名籍甚嘗奉命按治遼東河南江西所至持風裁鋤

強擊貪不少寬縱吏民惕息畏服其在江西能聲尤

著蓋江西地大民眾訟獄繁劇釗處斷明敏庭無滯

囚不踰時令行禁止闔境清肅既代去良善懷慕不

忍舍居無何 朝廷擢釗按察副使從民望也釗至

振揚風紀有加於前頃之以外艱去任江西十三郡

之人羣訴於部使者異奪情蒞職部使者以聞事寢

得終制起復遷陝西右布政使陝西地方接戎虜三

邊嘗屯重兵供餉為難釗夙夜盡心區畫有方邊儲

以足明年進左布政使天順丁丑召拜都察院右副

都御史仍食從二品祿奉 聖書巡撫甘肅地方至則首詢兵民利病而罷行之其於練士卒謹斥堠精器械廣儲蓄尤盡心焉庚辰以丁內艱聞 朝廷重邊計特命奔喪且遣官營葬祭釗襄事始還鎮辛巳虜眾寇涼州甚急釗率輕騎馳赴涼州不可近復分部屬散掠莊浪諸處釗隨機應變分兵追勦所向克捷虜勢屈乃遁去是時虜出沒邊境幾一載而城守無虞居人不致流散者釗調度拊循之功居多壬午以疾卒下人感歎有殞涕者總戎暨中貴視其裝惟衣服簿書又相與歎服其清操云訃聞 上深悼惜

本朝分省人物考 卷一

十六

北直一

賜祭營葬如禮

王復

王復字初陽固安縣人正統壬戌進士擢刑科給事中謹厚識大體十年通政司缺官以奏對洪亮特陞左叅議十四年土木之變 英廟北狩 景帝嗣位尊為 太上皇十月虜酋也先入寇紫荆關時選能使虜迎 駕者復請行乃以復為禮部侍郎中書舍人趙榮為鴻臚寺卿持羊酒往也先營其弟伯顏帖木兒掇甲胄操弓矢 太上帶刀引復等前露刃夾之復等拜訖也先謂復等皆小官可令胡濙于謙楊

善等來復辭歸仍理通政司事 英宗復辟改兵部右侍郎尋轉左成化元年陞兵部尚書時邊患漸興眾議戎政非其所優特改復為工部尚書加太子少保在部謹法識體又善節縮財料聲名勝於在本兵時有中官怙寵市恩以結人心令騰驥左右等四衛無名奏乞力疏止之一國病且死語人云吾示寂在某日某時至期不死象于取其不驗潛絞殺之凡法王國師死中國者例該營造墓塔復奏言此僧平素受國賜賚積蓄頗多宜以營造墓塔不須動煩縣官人以為得宜十六年致仕卒贈太子太保謚莊簡

本朝分省人物考 卷一

十七

北直一

李侃

李侃字希正順天府東安縣人正統壬戌進士授給事中進都給事中己巳之變一時言官奮發言事侃居其間多所建明景泰中嘗面糾戶部尚書金濂格詔徵歛罪有旨宥之侃膝行近前厲聲言濂罪不可宥遂下濂獄易儲議下侃與林聰等初不肯署名既而不得已乃署選官僚以侃為詹事府丞聰司直郎時史館欲採宋元事實做朱子綱目例續其書奏選文學之士充纂修官侃與焉書未成而 英廟復辟改太常丞丁外艱改太僕丞進少卿未幾陞右僉都

御史巡撫山西兼提督鴈門等關首奏巡按御史李傑不職傑坐除名貪墨者望風歛避有生擒虜酋小石愛子者虜備駝馬來贖侃請歸之以結其心從之時方無事侃於固圉廣儲選將厲兵之外專以變化風俗興起人心爲政時時有所建請施爲多合人情惟欲令吏胥服儒巾以變革其心頗近於迂尋以丁內艱解任軍民擁留至不得行服除再陳休致如所請年七十有九而卒訃聞遣官諭祭常例外特賜葬侃氣節方剛論議持正無所回撓好學嗜書平居手不釋卷性尤孝友事親備極孝道虜犯京畿二親在

本朝分省人物考

卷一

十九

北直一

董方

董方字仲矩灤縣人正統甲子乙丑聯第授大理寺評事陞左寺副未幾陞左寺正法律精明濟以仁恕以故滯獄沉寃多所伸辯時有巨室被盜方捕時東阿縣民蔣傑適與賊偕行因併執縛傑不能辯以拷掠遂誣服方廉察之證驗皆明遂出傑神策衛軍詐稱錦衣旗校奏旨訶事誑取人財事覺有司以

本朝分省人物考 卷一

許傳 詔旨論應死方以彼冒名誑財耳傳 旨無實跡因得減論金吾衛卒領銅內局中道竊符板尺許邏者得之有司以盜內府物律斬方以物既領出非潛入內府盜者宜以監臨自盜論遂減從徒其諸平反咸若此景泰乙亥屢災異 朝廷以濫刑爲憂乃 簡廷臣往讞諸處獄方得山西時太原民白政與邑人王選構怨殺之投尸於河事覺政復誣選妻與已通同謀殺既成獄方疑彼爲夫婦三十年生子十餘人安得有此乃盡拘鄉隣質之且以事跡語言反覆覈驗始得其情政遂服選妻得免天順丁丑陞

本朝分省人物考

卷一

十九

北直一

本寺右丞時忠國公石亨用事熏灼中外或謂一往見薦揚可立待方抑之曰士貴氣節屈千金軀忍恥以要權貴吾弗爲未幾出其門者果皆敗聞者服之庚辰曹欽謀逆舉兵焚闕方及同官李賓急趣軍士救護曹竟不能害賊平李遷左都憲方遷本寺右少卿執法持正衆論皆平成化乙酉遷刑部右侍郎癸巳遷都察院右副都御史理本部事甲午巡撫大同節制諸軍事至則飭官吏謹備禦嚴操練清屯種籌略多方士卒用命甫數月風聞於虜戒勿南向以刑部尚書召還京建言十五條皆邊務 上嘉納之乙

三九

未 上策士殿前為侍講官丁酉乞致仕進階資政大夫既歸杜門謝客人罕有見其面者成化十九年卒壽六十有八贈太子少保謚襄敏

李賓

李賓字廷用號敬菴順義縣人正統乙丑登進士授浙江道御史丁卯觀風兩浙深得憲體已巳值邊關有警往大同察看虜情虜寇深入奉 勅召募河南懷慶諸處民兵得壯丁萬餘操練以法軍威遙振虜遁去庚午陞太僕寺卿賓釐革宿弊馬政為之修舉癸丑陞右副都御史提督永平山海諸處軍務兼總

本朝分省人物考

卷一

二十

北直一

糧儲凡關隘城堡器械車馬無不整飾戒嚴以時無事乃散兵歸農籍其糧歸官而屯田之利以興 英廟復辟首召為廷尉各該衙門相沿以竊盜罪囚遇赦宥俱免以革後所犯論為初犯免刺發審實具題律為萬世常規赦係一時恩例今盜賊日多律法從減事發問擬做工往往隨即在逃仍復為盜見問者未結而犯之者即至若欲彌盜以安民必須依律而坐罪宜通以革前革後准三犯論絞開奏定奪永為遵守又因刑部擬罪太刻具奏用法莫貴於寬平發落莫患於不一用法寬平則人易信服而法亦可恒

法不一則難以奉行而民亦無所措手足矣疏中歷舉失刑者數事朝論譴之已卯丁母憂 上遣官葬祭即 詔奪情庚辰父病甚陳情乞視 上俞允之至家而父逝居喪哀毀盡禮遣官諭祭乞守制於家辛巳春 特詔起復視事是歲秋曹欽謀為不軌躬率家人子挺身擊之於長安右門撲滅火勢為 英廟所知深蒙眷顧遂有右都御史之擢及總憲度言聽計從百僚振肅甲申進階資政大夫尋陞南京兵部尚書參贊機務受命之初見餓莩載道首以民食為急奏發倉廩賑貸賴以全活者甚眾復令有司各設常平倉俾饑饉無流移之患時有鹽徒乘巨艦張旗幟數出江上大肆劫掠往來商旅患之乃嚴督操江將士捕獲渠魁餘黨悉平參贊數年奉 聖書二十餘道夙夜王事未始怠忽丁亥上章乞歸不允進階資德大夫正治上卿已丑以九載考績朝京陞左都御史總治憲臺見荆襄流民嘯聚嘗建白處置至今地方賴以無虞癸巳進太子少保仍兼前職丁酉乞休時年六十有二優游林下者幾十年置別業於鄉山日與故老徜徉詩酒間乙巳春忽沾微疾竟弗起訃聞 賜祭葬如例贈太子少保謚襄敏

本朝分省人物考

卷一

二十一

北直一

岳正

岳正字季方灤縣人修頎美髯神采秀發氣屹屹不能下物舉京闈鄉試卒國子業李文忠時勉為祭酒簡四方名士置講下正與商文毅彭文憲王端毅諸公皆預焉正統戊辰會試誤寘落卷侍講杜寧見之曰此我輩中人遂擢第一廷試賜進士及第授翰林院編修景泰壬申選右春坊贊善天順丁丑改修撰英廟廉知其名 召見文華殿遙見遠嘖嘖稱歎既陞陞登殿問年若干問何處人問治何經問何科進士 上益欣悅不已遂以內閣叅預機務且曰凡事為朕主張許彬老矣不足恃也正赴閣石亨張軹愕然不平力於 上前撓抑而 上不聽宣召賜賚絡繹於道正感 上知遇銳意功業知無不言言必盡肺腑欽天監臣湯序言變異謂奸臣未盡之故上以問正正曰奸臣未聞若求之將人人自危且序術疎淺不足信事遂寢錦衣官校邏一僧自言當大貴眾惑之至妻以女以覬非分獄具僧坐反叛太監牛玉援進例請官邏者正謂事縱得實不過合妖言律耳活其從十數人邏者准應捕律給賞朝廷避之時亨與太監曹吉祥怙寵擅權有投匿名書指斥時

本朝分省人物考 卷一

三十一

北直一

政者緝捕甚急舉 朝惶駭亨勸 上自撰榜格緝

捕正與呂文懿見 上曰為政有體捕盜賊責兵部奸宄責法司豈有天子自出榜購募之理且堯建進善之旌舜立誹謗之木秦始護非杜諫乃下誹謗妖言之令由此過失不聞卒至亡國 陛下新復寶祚正當以堯舜為法以秦為戒縱窮治其事緩則人情怠忽事自覺露急則人情恐懼愈求韜晦不如勿究吉祥從旁請究甚力 上徐謂曰正言是也亨從子彪鎮大同遣使獻捷內閣詢其狀其人盛陳戰伐且稱斬首無算皆梟於林木不能悉致正取地圖指示

本朝分省人物考 卷一 三十一 北直一

曰其地至其地四面皆沙漠梟於何所其人驚伏正間為 上言曹石勢太盛慮有變宜早為節制而二人怨之益深會承天門災 上下詔責躬實正視草歷陳弊政詞極切直天下傳之遂有蜚語指為謗訕七月 內批降廣東欽州同知道潔以母老留閩月尚書陳汝言曹石黨也憾正嘗言其不可用至是嗾邏者以私事中之逮繫詔獄拷掠備至謫戍肅州鎮夷所京第遂為幸臣季鐸所奪至涿州夜宿傳舍手梏急氣奔且死涿人楊四者頗尚意氣哀求解人怒不肯楊醉以醇酒伺其熟睡以酒噴封印就炙之紙

本朝分省人物考 卷一

三十一

北直一

得燥皆昂起乃去釘脫桎剝其中復釘而封之其人
覺有異楊曰業已然矣因賄以數十金正乃得至成
越五年曹石俱以不軌敗 上謂內閣李賢曰向岳

正固嘗言之賢因請曰正有老母得放歸鄉里幸甚
命釋為民甲申 憲宗嗣位起正充 經筵講官纂

修 先朝實錄會廷薦正為兵部侍郎與給事中張
寧名並上已俱被譖遂皆補外正得知興化府時論

譁然不平正才大不屑條格動輒為闊遠計至興化
正察民間利權而操之府於是建澄江書院及孔子

廟鑄祭器下諸縣作小西湖開兼濟河築南北隄塞
本朝分省人物考 卷一 三四 北直一

白埕港別購民田開河直趨江口修江口橋他如通
津鐵河猴溪諸橋多修治而白埕功最鉅復購穀實

饑民倉出羨餘以補料價民輸料京庫類多侵尅正
親為會計且教之納省其半費士大夫家食利於官

者皆弗得於是貴有力者共騰為謗書橫不可遏惟
彭惠安韶陳太常音保其無他而正亦厭於吏職以

成化己丑入覲京師因引疾致仕時季鐸已敗 朝
廷還其故第壬辰九月卒年五十五正於書無所不

讀謂天下事無不可為俯視一世其為文高簡峻拔
追古作者詩亦雅健脫俗字法精邃大書尤偉旁及

雕繪鐫刻悉臻其妙嘗戲畫葡萄遂稱絕品晚好皇
極書有所論述及經解皆未及就惟類博稿僅存十
卷行於世深衣纂疏一卷藏於家

何盛

何盛大興人由舉人為六安州知州景泰初陞知高
州府公明剛直抑強扶善興利革弊禁淫祠絕巫術
自是百廢修舉所屬奉法又建讀書帷於府學之中
以較士設排柵於城外以保障居民時胡虜犯邊諸
蠻效尤肆其荼毒高涼地連廣西蠻寇越境必此先
至時炭山賊來劫擄坊廂生靈血腦塗地者若干人

本朝分省人物考 卷一 三五 北直一

盛乃召邑令談祥暨坊老莫暹等于堂共謀立柵開
塹密種刺竹以防禦之衆以工浩力寡恐弗克濟盛
曰是非爾所知也遂命民壯率其居民採木為柵掘
地為塹繚以竹刺盛躬臨經畫不憚勞瘁僅及兩月
而完計七百九十餘丈建鼓樓鳴柝以防晝夜設保
民寧江靖江清江四門以嚴出入賊知其然雖連歲
鄉村流劫終不輕至迨天順己卯臘半賊聞盛往述
職又來犯城荷梯欲從東入阻於刺竹柵塹之險棄
梯而退城廂均賴以安

陳壯

陳壯字直夫其先越之山陰人父簡成交趾後移京師隸籍京衛壯生時骨相奇秀父愛之每抱與人曰此子宜當還吾鄉也年二十中景泰丙子順天鄉試二十七中進士授南道御史壯素有直氣不能阿世求合讀書亦務寔踐有用於已至南道未久翰林章公懋莊公昶黃公仲昭俱諫鼇山謫官壯慨然疏章力救得改謫爲御史數年輒上章不絕其大要從根本之說直欲置國家於無窮之休而人有不能盡知者一峰羅公倫居官南都與壯極契厚及持父喪壯與倫計處喪事往復周悉壯輒身行之倫常歎服其

本朝分省人物考

卷一

二十六

北直一

勇扶柩歸山陰營葬事畢卽結廬墓山不復與世交涉居三年人有不知陳直夫者成化辛卯服闋僦居錢塘士大夫每稱之曰浙士居喪如古禮者惟見少保于公及今陳御史耳至京復以母徐老乞南道便養上書論中官汪直尚書姚夔苗守朱儀言皆剴切激厲有益治道乙未母徐卒居喪一如居外艱時復起爲御史遷江西按察僉事壯念父母卒後雖官不爲榮遂乞歸居鄉卽如鄉人不復知爲御史時布袍蔬食於清江之浦作鷗沙亭讀書其中爲老焉之計踪跡寡出非公事未嘗入城府然風采凜然鄉人仰

之有司亦嘗懼其知不敢輒移曲直良民善衆玩心高明見道益切祀先訓後皆足作世典則弘治丙辰南京吏部尚書張公悅薦爲福建按察僉事辛酉擢河南按察副使隨職必有發明而剛直之氣不衰且復有仇之者矣刑部尚書林公俊爲都御史時特舉壯自代然人之知壯者終寡癸亥遂乞身還時年六十六歲至甲子仲冬卒於家

秦敬

秦敬字克恭涿州人正統戊辰進士授刑部主事進郎中陞浙江右布政使轉左以憂去服闋復除福建

本朝分省人物考

卷一

二十七

北直一

左布政使推右副都御史巡撫貴州夷人戢服以病告免歸年纔五十三家居十餘年卒賜祭葬如例敬爲人羸豪喜自矜然臨事精緻有果斷通曉政術自郎官一蹴至方伯歷任閩浙民多喜而譽之

朱銳

朱銳通州人天順辛未登進士少貧爲州庠生嘗宿學舍同舍生失銀簪者誣銳竊之銳不與辯償以銀後同舍生於他處得簪乃愧還其銀又曾於儒學門前拾得金銀器皿一袋俟於學門候其人至詢得其實歸之其人感謝以金竟不受歷官工部郎中每過

鄉里至州城西郭外卽下馬步行遇間里親識無貴賤貧富一以禮接之鄉人至今稱仰

段正

段正字以中號介菴家世出山西澤州宣德間其祖始籍錦衣居京師正爲文敏贍七歲賦鸚鵡已有奇句由京學生領鄉薦第一人明年登進士令元城召拜監察御史河南江西兩奉巡按之命遷浙江按察司副使尋坐累謫柳州同知繼丁二艱改汝寧進擢荊州知府旋陞江西左叅政元城劇邑訟繁甫至卽罪其尤日勤聽斷獄無留滯邑歲有水患憂之走

本朝分省人物考

卷一

三

北直一

視地形多方疏塞至忘晝夜竟賴以安秀藩就封侍徒多橫索獨至元城戢不敢肆費視他邑省七八爲御史持大體舉劾率時政之急小故不瑣及出巡三司輒屏息貪墨望風而遁吏書斥以千計嘗覈邊儲積蠹悉剔出不知有權閹有勢家子弟江西歲薦饑閩盜起賑理隄備布約束四十餘條嚴而有要得無事尤明於知人所舉劾無不確服者巡按例歲一更再留江西一年而假以巡撫都憲之權前所未有浙西水大溢亟規畫督郡邑球治數百里民免漂溺而鄉曲武斷之豪無有逃於法者汝寧科率重民病無

告力爲爭於守得損三四荊州在遼藩封內宗屬多撓法道路以目憤不顧疏奏移幽松滋三將軍於中都而遠安長陽二郡諸將軍中尉俱削官祿郡境遂寧吉興岐雍四府第肇建費不浮而告成速贊襄功居多再臨江西時嶺北九江多盜南昌湖西多訟分歷剿治芟獮易於破竹而大利害興除尤力撫州有糧長厲民甚立破其家追贓至數萬廣信苦夫役繁以寺觀稅多有餘積者籍使出傭直民少甦凡舉行多類是蓋正精吏事能斷簿書率躬自檢察姦黠無所售治惡雖不貸然惟其罪不事文致以故所至吏

本朝分省人物考

卷一

三

北直一

畏民懷嘉聲勃蔚汝寧江西聞其再來多瀝酒相慶巡撫藩憲上其治行章前後亡慮數十生平嚴於自律寡言笑基酒無所好服食無重帛無兼品清勤廉介夷險始終一致自入仕來先盧久就無一椽一瓦躬學業該博深厚於書無不讀恒以通儒自期少暇卽卷不去手所著有介菴集三十卷宦遊紀十卷栢臺公案十五卷課程日記三卷弘治戊午卒至無貲以殮無冢以葬年僅五十有八

展毓

展毓字鍾秀徙自鳳翔之岐山居京師家故貧始爲

著卜術已而棄不事事舉子業遊順天府學天順丁丑舉進士擢河南道監察御史三載階文林郎兩按藩鎮皆有譽其在山東剗奸刮癘十去四五民無賴詭爲僧遊食市中者甚衆悉驅之耕時有欲傾之者陰縱人狙之撫掇無所得毓益嚴戒立崖岸爲之吏民無敢犯其在朔方有中官出鎮橫斂荼毒人莫敢抵牾毓首爲狀白都御史奏之彼竟得罪去大同萬全之間有牧地數百里析兩地兵民居之衆侵攸擾亂手挺與刃相殺有司莫能制毓掘地爲塹數里抵南北山麓中分之戒不得過乃已時戎政廢弛命尚

本朝分省人物考

卷一

三十一

北直一

書王竑及毓理之乃閱士卒壯勇者復營爲十二置長若屬居則共習戰則俱往其爲法最良尚書去十二營遂廢後乃復爲十二營馬之在畿牧者民多以略爲奸其名僅存實喪其三之二不足用毓與給事中一人偕受命往治之責太僕之不任事者劾罷其丞六人其在道考覈爲多毓風義疑重嶷然不挫於物其有不合者雖貴勢必與之抗人皆以爲難毓真能御史

李紳

李紳字縉卿其自號曰抱犢山人世居徐之沛縣後

徵至京師隸錦衣衛籍生而朗潤數歲能屬對人爭誦之舉成化乙酉鄉貢連捷丙戌進士授行人司行人數奉使足跡徧天下聞見益博九載考最遷戶部員外郎郎中其所領司最劇書簿立辦時貴戚方盛有所干請力爲摧抑尚書李公敏薦爲光祿寺少卿意氣勃發遽惟猜忌會考覈京朝官調知山西之忻州忻其所嘗奉使地方不欲往上疏乞致仕再上未允復疏乃得請榜於座曰五斗懶將雙膝屈三章乞得一身閒論者賞其志因惜其才之不盡見也紳舊居城南徙禁禦西偏已乃復故業間歸沛置屋數楹

本朝分省人物考

卷一

三十一

北直一

劉瓊

劉瓊順義人登成化己丑進士爲御史時獨持風裁不避權要陞山西布政司叅議時屬下有主簿貪墨

狡黠畏其廉明以賂啗其吏實中傷於瓊果為所陷遂不辨而歸居鄉破屋蕭然至自拾馬通以給爨

王信

王信順義人字中孚成化戊子舉人為弟子員時每撫几歎曰讀書不致君澤民安以讀為授延川縣知縣延川民俗驚獷信召其巨室戒諭懇至凡蠹於政者革之益於民者亟行之不逾歲化洽俗變臺院交章薦揚遂調咸寧縣延川之民遮擁行車共樹去思碑以紀惠政咸寧負郭藩省軍民相叅政績懋著方將起擢遽以病引至盧氏而卒

本朝分省人物考

卷一

三十三

北直二 高梁

田景賢

田景賢字宗儒涿州人成化乙未進士初任給事中值貴戚慶雲伯周壽用事景賢首倡劾之上震怒廷杖幾斃猶極言不諱未幾擢通政叅議累奉命查理邊儲經略戎務建裁咸切時宜官吏非貪虐顯著者務在保全輿論稱為長者繼陞太常少卿復掌通政司後加禮部侍郎尚書仍掌太常寺事進太子少保賜玉帶麟服皆出特恩當逆瑾括國時奴視諸大臣景賢長身玉立簡靜自持終瑾之身竟不能中傷上疏懇辭乃進太子太保 賜寶鑑馳驛歸仍令

有司月給役廩卒加贈太子太傅祭葬如例

王傳

王傳寶坻人生有異質大父徽州司獄某謂其父縉曰是兒骨相當貴囑其母護愛惟謹既長廣領疎髯性資高朗領成化辛卯鄉薦以乙未進士為山東武城縣知縣下車值歲侵民多流亡縣帑廩罄竭移文兗郡得銀二千餘兩移檄殷富得粟麥二千餘石布帛二千餘匹以需賑給民賴全活人稱其仁惡少殺一家七人獄久不決傳廉得其情抵於法人稱其明以是有良有司之稱甲辰拜御史多所論列風紀肅

本朝分省人物考

卷一

三十三

北直二 高梁

然初使南畿察馬政繼使遼陽又按關陝按江西皆悉弊端著能聲深得憲體時江西多事傳毛舉細故無不悉於慮必欲無歉以是有良御史之稱然亦以是得勞瘁疾慮不能支遂上疏乞歸冀優游林下以畢餘年而竟不起壽纔四十有四

劉機

劉機字世衡大興縣人大父中敷官戶部尚書兼太子賓客父璉官遼東苑馬司卿十歲即喪母哀毀如成人稍長就傅不事嬉戲老長異之苑馬公初為光祿卿例廕子為國子生以屬機辭曰弟相早失恃請

以命相苑馬公喜後雖以左遷中寢然人皆多機之讓馬苑馬卒於任機時爲學官弟子徒步往護喪歸遂卜葬族人泥於陰陽家言各以生年與葬期相值久不克葬陸禮部淵之來弔問故族人具道所以機從屏後趨出泣拜曰願以機生年所值月日葬父陸領之乃克葬成化丁酉舉鄉試明年第進士改翰林院庶吉士授檢討弘治己酉轉修撰辛亥 憲廟實錄成進侍讀直講經筵戊午 武宗出閣進學命爲講讀官尋轉侍讀學士明年日侍經筵講讀會典成遷學士乙丑充廷試讀卷官 武宗登極進少詹事

本朝分省人物考

卷一

三五

比直一

外從事律學每取法家所謂疏義者細書各條之上蓋志在建立不屑章句間也喜談名理壘壘不倦善辯者莫能奪代世子以酌酒革爵卒後 朝廷葬以世子之禮已而其子嗣玉以追封請且欲祔廟下禮部集議不可機以學士與議曰葬以世子其罪已原進封固宜旣可進封不可廟享乎况 伊府亦有故事宜從其請議上可之在吏部適逆瑾用事之後忠賢放逐流品混淆機洗雪振拔銳意甄別所用多當其才流氓犯江上機謀於同事諸公曰今日之事惟擇主將立賞格修營柵郵軍士爲急時李都督昂自

本朝分省人物考

卷一

三五

比直一

貴州罷鎮還南京方遣人邀致之而委重焉李以未得朝命辭機曰朝廷勅諭我輩有曰凡勅內該載不盡者爾等從宜區畫此卽朝命也亟取瓦屑壩竹木爲營柵使沿江軍士免暴露之苦又欲發官帑銀七千餘兩犒軍諸公皆猶豫機曰某當獨任遂草奏行之防守有備人心以安旣歸自南京日與故舊飲笑爲樂機性孝友事繼母甚謹苑馬公所遺孤待之甚有恩禮雅尚儉素薄於自奉無世祿之習別號樂忘人因以稱之

張恕

張恕霸州人成化辛丑進士初知夏津縣禦水患闢荒田民立碑頌德行取擢南京山西道監察御史以內艱歸除補貴州道巡按陝西克平哈密陞河南副使雲南按察使繼陞南京操江都御史工部尚書卒於官恕天性廉介居官二十年所得俸祿俱散族親產業自祖遺之外未嘗有所增益卒之日幾不能殮

燕忠

燕忠字良臣薊州人成化甲辰進士授常州府推官以內艱歸服除改寧國府兩郡故多豪右莫敢窺其庭戶凡所讞獄多平反民某賈於江淮間其僕偶有

本朝分省人物考

卷一

三十六

北直一

過被管怨家嗾之遂與僕殺其主於采石因盜其貨愬於官罪人久不得忠廉得其情捕而鞠遂伏辜郡大旱承檄發官廩賑恤多所全活弘治甲寅被徵為福建監察御史旋丁外艱戊午服除改浙江道以災異陳親賢納諫重名器節財用嚴賞賚諸事言甚剴切 孝宗嘉納之庚申出按陝西力舉憲度風聲凜凜雖方岳重臣未假以辭色周歷郡縣不憚險遠賊吏望風多解印綬去執政者有所親厚被摧折乃病其苛察壬辰遷陝西按察副使整飭環慶兵備至則留心戎務日訓練防禦不少懈正德元年擢陝西苑

馬寺卿尋轉陝西按察使發奸摘伏如巡按時禁和買之弊裁省里甲支費三之一民有冰玉之謠庚午進左布政使以簡靜為治往事公罰聚以給用因自封殖至是一切禁絕瑾賊柄國附者瀾倒陝固鄉土尤所屬意忠獨無饋遺干謁瑾雖啣之卒莫能害也寧夏變作經畫兵餉食足而民不勞辛未擢都察院右副都御史巡撫宣府軍政一新是年冬改大理寺卿執三尺惟謹不肯少有推移貴近有所請托必正色拒之知州田崑為人所訟 上怒其不敬將寘重典忠屢疏雪其誣竟得釋有胡某者烝父妾因毒殺

父行厚賂祈緩其獄忠曰罪孰大於此牒至輒駁之屢牒駁會奉 命江西而止江西藩臬官交惡相奏訐致與大獄久不決忠受 勅往獄成無異言屬歲饑民重困再受 勅賑濟驗丁口給粟民賴以不死初吏部擬薦忠為吏侍及兵侍皆不報或諷使少貶以求進忠曰大臣進退當以正求而得之人將謂何竟不及再 命而卒性狷介峭直居常寡言笑不輕交際人望而畏之有包趙之風焉自奉儉約在仕途三十年祿入僅供朝夕田園邸舍無所增卒之日囊無餘蓄贈刑部尚書壽五十七

本朝分省人物考

卷一

三十七

北直一

無餘蓄贈刑部尚書壽五十七

人物考卷之二目錄

北直隸順天府二

歐信

夏昂

鄧璋

馮傑

朱驥

甯河

周盛

牟斌

柴義

張欽

楊泰

楊和

史道

萬英

王儀

陳儒

徐珏

陳堯

宗禮

蘇志皐

劉效祖

福時

王遴

王鈇

趙錦

劉體乾

李玳

姜壁

張祥

楊慶

江北

王原

尹山人

崔鑑

楊塤

補遺 武周文

本朝分省人物考 卷二目錄

北直二



本朝京省人物考卷之二

北直隸順天府

歐信

歐信字季先薊州人成化甲辰進士授戶部主事奉命賑京西活饑民以萬計為郎中督餉大同增置東大有倉乘賤易粟備用歲積至五十萬石歷浙江參政河南右布政使山東左布政使俱有聲稱後陞右副都御史巡撫大同始至即選將訓兵綜理屯牧以修舉廢墜未逾年卒賜祭葬如例信脩幹美儀邊幅整峻才足集事亦一時能吏也

本朝分省人物考 卷二

北直二

夏昂

夏昂字景德順天宛平籍吳縣人成化甲辰進士授工科給事中陞本科右給事丁憂服闋復除禮科陞本科左給事中弘治癸丑充會試同考官歷湖廣參議福建叅政陝西左右布政使南京太僕寺卿陞右副都御史總督南糧儲尋陞工部左侍郎卒賜祭葬如例昂為人醇謹直質不脩邊幅居官以廉慎稱

鄧璋

鄧璋字禮方涿州人成化丁未進士授江西南昌府推官弘治七年擢江西道監察御史十五年陞大理

寺右寺丞尋轉右少卿正德元年陞都察院右僉都御史巡撫遼東智勇公勤虜人畏之遼東人呼為鄧鐵面三年陞左僉都御史巡撫宣府六年陞巡撫河南右副都御史值流賊作亂運謀勦平之八年陞南京刑部右侍郎改兵部未及履任奉 勅賑濟江西事完陞都察院右都御史總制陝西三邊軍務時哈密陝巴死其子立不行正事屬夷哈即欲謀害之正德八年走入土魯番令頭目看守哈密遣使遺書甘肅鎮巡官曰哈密城金印在我與段匹一萬將城與他差去使臣速打發出來不來我領軍馬往漢人地

本朝分省人物考

卷二

二

北直二

方去璋以土魯番書聞且言逆虜所求不可允乞照先年差侍郎張海故事差官經畧時虜大舉入寇直犯隴州璋隨機戰守虜遁去改撫甘肅地方繼陞南京戶部尚書十六年致仕卒贈太子太保

馮傑

馮傑字秀夫涿州人成化丁未進士任知縣陞知州歷南京刑部員外郎中擢知府繼擢四川兵備副使劇賊倡亂率兵奮勦屢致克捷大振軍威乃復深入賊巢陷陣死有司具實奏聞 上甚嘉悼贈按察使建祠祀之輿觀還鄉 諭祭管葬廕一子本衛世襲

百戶

朱驥

朱驥大興人久官錦衣 憲廟時掌衛事十四年雖柄陟崇要一務長厚不少逞於糾緝有涉註誤者輒縱舍歲饑民以攘奪被收捕自斗粟以上法皆死驥矜之奏從未減時重妖言禁邏卒多鈎致徼功有真惠為妖書株連百輩坐死驥奏通減戍邊往錦衣用巨梃勵威驥獨易之嘗從高陽伯禦虜斬獲有功擒把禿王以歸驥小心慎密未嘗妄與一事亦未嘗輒遣校上下安焉前後所積擒捕功甚夥驥有所論列

本朝分省人物考

卷二

三

北直三

甯河

甯河字伯東別號石津通州人弘治乙丑進士任戶部主事謫遷河南臨漳縣知縣治有政績陞山東德州知州隨都御史馬中錫撫處流賊將就平為中璫沮抑當路者知其才擢河南按察司僉事兵備信陽時信陽為盜賊窟穴河至發奸擿伏雖間里銖兩之姦皆無遁遺一時大盜捕治殆盡郡人稱兵備信陽

者前後無倫匹也以疾告歸信陽人為建生祠祀之

周盛

周盛字永昌號誠齋其先吳縣人也永樂間遷江南大姓實京師迺為順天大興縣人盛童時即謹禮容動遵尺度為府學諸生嘗謝客閉戶誦讀一日大雪無火擁衾端坐至夜半聲益悲鄰舍聞之皆歎以告里中長老自是為里中所尊禮學成諸生咸心下之凡七應試輒弗中有為流涕者盛口吟曰丈夫有命將奈何及歲貢入太學太學諸生亦心下之每試首冠諸生然而終不遇也弘治乙卯選直隸沐陽縣令

本朝分省人物考

卷二

四

北直二

其治敦大體絕苛刻厚重廉謹嘗有鄉人竊鄰舍物者主人翁覺而縛之縣盛曰汝亦人耳胡為羞鄰里如是貽之斗米居無何里有遺物候還者詰之乃向貽米盜人也一縣聞之皆感化外戶自是不閉令七年移牒告歸令未下飄然而行民泣送之如失慈母歸而家居徒壁立顧終日陶陶賦詩奕碁為樂焉

牟斌

牟斌字益之正德初掌錦衣鎮撫逆瑾竊政逐方正大臣言官劉莖戴銑等凡數十人下詔獄斌輕刑緩械曲為申救任御史者自懇上奏時諸僚屬陰置其

名而斌實他出斌曰古人耻不與黨人乃以得與名為悔邪瑾令獄詞去疏首權閣字目斌不肯謂其僚

曰存此則諸君子臣節自白於他日昔宋鄒道卿以失原奏被害吾儕宜自為計奏入瑾大怒又偵知其曲庇言官矯旨廷杖垂死瑾誅復任鎮撫知府劉祥與內臣相訐下斌治內臣賄張雄并以賂斌斌不從而祥得不死然雄竟以此陷斌安置武昌感疾而卒當斌再用時適喪長子工部官以三百金為賄斌指其兩子曰斌司刑不道天禍一子若受金行且及矣斌屢屢敝衣再遭禍處之怡怡然

本朝分省人物考

卷二

五

北直二

柴義

柴義字時中號宜石其先仁和父潤以軍功授錦衣百戶遂為順天人義登弘治乙丑進士授刑部主事劉信以毆傷人被誣繫獄劉瑾庇所厚者屬義坐信死義不從瑾銜之圖中傷而瑾敗壬申擢用通政右叅議嘉靖乙丑進左次年上親擢為通政使傳命通政官奏事一如柴義戊子冬義出造親友方歸忽得疾不能言而卒義孝友謙和入樂親之家居儉朴如未仕時卒年僅五十六上悼惜命賜祭葬如例

張欽

張欽字敬之別號心齋通州右衛籍正德辛未登進士第任行人司行人拜貴州道監察御史奉勅巡視居庸關時武廟欲出關北狩乘輿已迫關矣欽時在關乃閉關三勒疏堅請回鑾武廟壯其忠遂止居臺卓有聲望僉議即當京擢會言事忤當道出知陝西漢中府未幾總制都御史楊一清特薦陞按察司副使兵備延綏歷陞山東山西福建叅政按察使左右布政進太僕寺卿遷都察院右副都御史巡撫四川陞工部右侍郎

楊 秦

本朝分省人物考 卷二 六 北直二

楊秦初登第即除行人時聖駕欲南狩抗疏懇留廷杖謫國子監學正嘉靖元年詔復為行人授福建道監察御史欽差陝西清軍復命掌四道印議大禮不合陞四川按察司僉事平寇有功欽賜表裏分賑川北川西道饑民以勞瘁卒於官蜀人惜之

楊 和

楊和字節之固安人自少孝親睦族勤學好問及長嚴重剛方不愧暗室且絕口不言人非晚領鄉薦授遼州學正陞山東青州府學教授謫直隸徐州學正

被徵陞國子監學正歷任教職勤於訓誨造就人才居多又篤於恩義當時生徒咸欽仰之陞代府左長史未幾卒於官比歸行李蕭然平昔不務蓄積惟嚴於教子所至必為擇師以講明義理不專於科舉之學也其在徐州路當水陸之衝名公巨卿道經徐者必使諸子執贄求教以聞所未聞故皆掇巍科致盛譽為海內聞人長子維傑正德丙戌廷試第一甲第二名授翰林院編脩官至左庶子兼侍讀次子維聰正德辛巳廷試第一甲第一名授翰林院修撰官至南京太僕寺卿

本朝分省人物考 卷二 七 北直二

史 道

史道字克弘號鹿野家世涿郡父栢菴諱俊中成化戊子解元乙未進士官至潁州兵備僉事誕道時夢一方士鬚眉皓然揮扇而入因遂命名道應正德癸酉鄉試栢菴見道三場文即封一東遺之令勿發及聞報中解元視之乃對一聯云二三千人中文章魁首四五十年來父子解元比時相傳以為美談甲戌會試中式未及廷對翁栢菴即世道哀毀過禮廬於墓側三年服闋賜二甲進士出身選授庶吉士改兵科給事中劾江彬神周李悛等包藏禍心謀為不軌

劾太監魏彬及其弟爲江彬之兒女婚姻劾都御史
劉達之阿徇江彬劾太監張忠張說等之專權亂政
劾兵部尚書王憲黨惡通賂劾蘇進劉祥等爭獻淫
邪虧損聖躬劾太監武忠等之網利害人穢行無忌
劾太監蕭敬名下劉恭等之撥置壞事諫止大學士
楊廷和蔣冕及太監張佐等封爵諫止豹房新寺銀
兩免送內庫悉發太倉諫止 世宗登極後復蹈
武宗朝弊政四十餘事論救王瓊等之死遂蒙謫戍
輕處章疏凡數十百 上俱嘉納嘉靖改元奉命賜
玉帶一品服出使朝鮮至其國饋贖一無所受雖皇
本朝分省人物考 卷二 八 北直二

少卿適正卿缺且供用乏甚皆借太倉及馬價取給
焉道至卽署寺事雖官聞之用不經者悉奏罷免比
時中貴皆憚其科中舊名所裁省無不奉行以是署
印年半積有庫銀二十餘萬 上察知其忠殊極眷
注時首相遂菴楊公次相羅峯張公不相協睦道卽
上章爲辨真賢以承嘉會平戾氣以消災變事奏之
得溫旨近百言尋陞大理寺左少卿未幾推道延綏
巡撫時道病消渴面容瘦甚閣臣以 聖意爲諭史
道近病不可以邊事勞之竟點陪推者無何以道爲
坐院僉都御史時天下歲貢士子不以年資名曰拔
本朝分省人物考 卷二 九 北直三

華集亦却之朝鮮國王以道之清介奏聞且以皇華
集封進 勅禮部頒給劾奏大學士石齋楊公疏其
不法三十餘事奏入陞山西按察司僉事已而復下
詔獄給事中閻閻御史曹嘉相繼論救俱蒙降謫道
謫陝西金縣縣丞嘉謫四川茂州判官閻謫雲南蒙
自縣縣丞道及閻嘉俱嘗爲庶吉士故時稱爲館中
三傑臺省數十人交章薦之仍復道原任兵科給事
中道以旣經陞授外任具疏懇辭遂蒙俞允復江西
按察司僉事無何改河南僉事兵備潁州比時潁人
以道父子俱嘗兵備潁州相傳以爲盛事陞光祿寺

二鼓小僮隔門接到徐縉禮柬開有黃精白蠟之數汪遂欲劾奏道乃止之云臺綱大臣非可風聞言事况是暮夜彼此未見必有奸人乘機造害者汪遂止下都察院叅看汪遂以道勸止之言奏之 聖明但付之不問壬辰考選庶吉士已經定有名次禮部尚書夏言申奏旋復報罷道即奏為嚴選真材以光盛典事遂蒙俞允行令再考如數作養給事中鄭準以言謫典史當應朝時中途患病誠齋即以逃回罷官惟道獨不舉筆講解甚力汪拍案大嘆次日給事中孫應奎據實劾奏汪奏辯以準為怨望君上史道再

本朝分省人物考

卷二

十一

北道二

三攔阻坐是孫謫縣丞道遂罰俸半年十三年陞大理寺卿未幾都察院掌院事缺員屬道署掌四月內科道互糾題覆二次俱以尚有奸惡顯著者責吏部黨護時道過大明門與汪遇諸塗乃力言人材可惜老先生留得一分是一分汪亦以為然及有旨再考汪遂奏道替科道作說客復奉旨回話罰俸五月坐是汪切齒銜之一日會推官以其到遲遂叅奏降道山東布政司叅議及陞辭以行禮到遲被糾冠帶閑任嘉靖十五年特起道左僉都御史巡撫大同時值總兵李瑾之變有勸其勿携家者道乃奉王太淑人

以行年八十餘人心遂安道見連年失事係將官不能奮勇遂慨然以身先之次年二月親自督兵會同總兵官梁震玉林川斬獲甚眾本年三月沙河等處斬獲又多奉 勅獎勵賞賚有加陞都察院右副都御史照舊巡撫雲中軍民雜處兼以宗儀之府第日繁民居益促甚苦之鎮城之北舊有一城古草場也道奏許令民間居住民極稱便大同鎮屬孤懸朔漠士子調考極為虜患所苦道至即具疏酌處遂改隸本鎮分巡僉事提督學校士子至今懷之八月內妖賊楊通等礦賊王喜等叛軍劉喜等欲先殺代王及

本朝分省人物考

卷二

十一

北道二

鎮巡等官謀已定道設伏擒獲一夜之間旋即剿平十七年達賊入犯丁家村復多斬獲是歲雲中旱甚諸宗室及司府官禱之不應道乃自為文詣雷公山禱之時方烈日比回即雨下沾足禾乃大收十八年虜賊四萬大舉入寇磔袖河道逆戰克捷大同鎮城二十里外即係虜賊屯牧之處輕騎往來時出剽直至城下追逐按伏糜費額外錢糧數十餘萬先年二次議脩五堡都御史張文錦總兵賈鑑俱各遇害道至即身任其事創立五堡聲勢相援虜賊遂不敢犯開拓出膏腴田土數萬餘頃此皆二百餘年虜賊常

川任牧之地一旦收而入之版圖真足爲國家萬年之利工完賞銀五十兩紵絲四表裏陞兵部右侍郎照舊巡撫十九年二月賊犯乾河門十二月又犯泥河兒道連戰皆捷二十年陞兵部左侍郎回部管事適遇大虜入犯山西本鎮諸將俱各隨賊以往復有守營賊衆動以數千人犯道二次身親督戰俱獲全勝本月以內艱回籍二十九年秋虜賊入犯畿輔召復兵部左侍郎道携家僮數人卽倉皇奔赴時虜猖獗蘆溝橋一帶肆行劫殺行旅絕者數日已道旣行旅人數千皆荷鋪執槌隨之於後京師之路遂得相

本朝分省人物考

卷二

十二

北直三

通比時鄉人殊極壯其行及抵京中外人心皇惑部中危疑特甚道至卽署事部中正色直言每有題覆多見嘉納人心遂安未幾復以防邊禦虜至計列款陳奏蒙古嘉納次年邊事少寧道以往年邊城暑月值太淑人大故晝夜號泣且復從事鋒鏑之下遂成目疾後雖少愈每遇多勞輒復患作乃懇以目病乞休荷蒙俞允歸休甫及七日隨復召還勅令處置宣大邊務且有嚴旨不許退避比時宗屬親黨以及遠近大小無不爲道寒心若不敢以生還爲期者道陛辭九卿以下及諸朝士俎餞北郊無異荆軻易水之

別道但以慷慨激發承之且對衆大言曰堂堂天朝儘有寇冕大樣題目好做却以大臣爲牙行於此行大有所未堪爾及發二子泣以相送道慰之曰勿恐吾之與虜臨也以恩信結納乘機構會可以縛名王而獻之闕下爾曹第安之豈可效兒女子輩相對泣耶及至就事之日調停區畫殫盡心力虜卽縛妖逆蕭芹等爲獻奉旨陞兵部尚書賞銀五十兩紵絲四表裏道以首首俺答爲諸虜梟雄設能剪除此賊則賊之諸子素不相下必不攻自潰可以殺其勢而爲中國之利乃密以方畧授指揮林叢蘭等卽萬一成

本朝分省人物考

卷二

十二

北直三

功慮有追者乃出虜營北行且轉而向東可達陽和達陽和則達大同矣先是道有此意恐驗功時無以爲真僞之辨乃犒賞之際令善寫真者暗描俺答之像以歸雖叢蘭等莫能測識其故也惜其事方在計會有旨催取協理戎政道遂行道入居庸以同事之人難於相處但稱目病侵甚卽於塗次上疏乞休奉旨勉留復具疏懇辭 聖明見其情詞懇切特賜俞允復以擒獲功加太子少保蔭一子錦衣衛百戶道歸家未幾而卒合郡之人皆赴吊盡哀至有不能認識其爲誰者

萬英

萬英字子俊順義人性端慤尤不喜組麗補邑弟子員文譽籍籍同鄉有趙公見而器之即字以女早失父事繼母以孝聞舉進士選授兵垣時逆瑾虺颺縉紳獨閭閻持大體有命查錦衣官校不係軍功者罷之瑾親党皆應革不待事竟遂出守池州下車即革秤頭銀七百兩流賊望風不敢犯無何改永州永素號難治且多宗室治之無異於池又永旱三歲禱於城隍隨大雨以外艱解任遂不起

王儀

王儀字克敬別號肅菴文安人也儀為人濶達警敏沉密有大畧自諸生時已諳人情世務正德丁卯舉於鄉嘉靖癸未登進士授靈璧縣令值歲大侵盜僅相望民各鳥散儀下車不及解衣即培鎖出倉粟與民設糜以飼疫者所藉以全活甚衆奸民有窩盜者衆至千官府不敢問儀廉得其素昵者明貸其罰藉以報諸盜出入及得盜書出信乃督捕人卒至獲其主即火其家盜來無所著邑遂靖俄改嘉定嘉定於南土爲最劇儀爲之績業奮起每決事解若迎刃郡或有疑獄輒委之儀立斷無留邑中稱平先是軍兌

本朝分省人物考 卷二

十四

北直二

有耗加量之三以爲常儀令民輸銀粟如額而止衆譁以爲贏已儀爭曰此國計有額吾不令雜以粗糝足矣若之何益之卒如議民減粟數千諸豪奸逋負飛詭悉議釐革太守甚重之吏民愛敬焉徵拜御史按陝西值關中饑甚至則疏言民所困苦請發公廩暨羨金分屬賑之漢中守素貪黠儀遇之如常出境即論其狀詔逮而黜墨吏喪膽焉時秦府人虐奪民田場利亡筭王爲之窟守令亡敢爲民直者儀直之竟歸之民府中自此斂戢再按河南有陳守光守汝陽令皆甲科不檢儀按之如法一道怖栗江左自正

本朝分省人物考 卷二

十五

北直二

統以來田賦戶籍浸失其初吏因緣爲奸而吳中尤甚輔臣顧公蘇人也口薦儀才遂有守蘇州之命僅三月坐前河南劾宗藩不法事宗室訴之詔奪儀職而吳父老聞儀罷則相率數百人詣闕留之不報會言官亦交章論薦復儀職得江西撫州而吳父老聞其之撫不之吳復相率數百人以上書願留儀守蘇至再不報吳父老歸則又相率號於侯巡撫侯上其事於是移守蘇州儀至歎曰郡賦當天天下什二而田額溷亡可考何以定賦賦不均不可以救民吾誠不能一日安其上遂日夜沉思擘畫率僚屬躬循阡陌間

計丈數仍溝洫縣縣各爲記籍卒披籍驗之或然或否恒以一警百民毫釐不敢有所隱乃以八事定田賦而賦平以十歲編徭役而役平以三法考課鈔而民之灌輸平令下初若煩碎後無不稱便者暮年化行訟簡治平爲天下第一擢按察副使兵備蘇松四郡時秦璠王良以南沙反伐之一年尤張遂哨狼山儀筴總兵湯軍福山以與賊遇將戰儀登壘望曰徐之利未可趨也令舟師與遇皆北賊易我不備儀曰可以夜半擊楫上長矛火箭齊發賊倉皇竄海中盡殪功上詔加俸一級賜白金文綺轉叅政守冀寧

本朝分省人物考

卷二

十六

北直二

所遇稍被剽掠儀督將走之事聞詔加切責遂奪巡撫儀雖罷而廷臣交口推薦旋授陝西副使兵備肅州肅故有哈密遺種襍民間歲久滋蔓爲害儀計徙之境外肅以寧夷亦大安邊將士由是益愛之無不願爲死者詔加俸一級又賜白金文綺明年庚戌進叅政以藩臣入賀特旨改僉都御史卽撫甘肅未及行適虜擁衆犯京師移儀駐通州扼其衝儀聞命星馳乘城見城下有胡服四掠者問之衆曰此仇督府軍也儀曰軍爲掠又何求虜命擒數人至治以軍法枷置市門外一營大譟儀不爲動翼日詣營鸞盛氣以待儀曰天子遣某來治軍不知有公能爲公保奸耶鸞忿密中儀會御史助之論儀不宜責入衛軍時上方倚注鸞遂逮儀奪其官未幾鸞以逆敗天下多其不假藉權奸真有見云儀有吏治才舉措事有法後人所罕及生平清約自持既貴食不重肉衣不裁綺兢兢如少時所歷履諸郡縣民皆思之飲食必尸祝每守令至輒相告語曰得毋如王公否其薦引士類後多爲名臣所劾治俱應法莫有怨者退居九年卒春秋七十有八

本朝分省人物考

卷二

十七

北直二

陳儒

陳儒字懋學世出交南其大父曰復宗當宣德時父子並從王師征黎氏有功以所屬如京師 宣皇帝嘉其忠賜第長安授錦衣衛百戶正統己巳北虜犯闕復宗曰事急矣臣請以死戰遂身先入賊中流矢虜退復以功進一級陞本衛千戶世襲又詔其子孫世補京學食廩應科貢儒則復宗之孫也自少穎異七歲時讀書輒成誦比長博學能文名冠諸生登嘉靖癸未進士歷戶曹知東昌府陞浙江副使改提督學校陞陝西右叅政按察使山東右布政左遷宜君縣典史量移廬州府推官轉真定府同知陞湖廣僉事起復補山東陞南京尚寶司卿改光祿寺少卿陞太僕寺少卿南太常寺卿南戶部右侍郎改刑部擢右都御史總督漕運巡撫淮揚儒始以文著名呂涇野薛西原諸公亟加稱賞及筮仕乃得戶部人謂處之非宜儒盡心職務罔敢忽易管昌平倉首陳五事戶部善之下其法於諸屬邊餉用饒其署郎中事餘羨獨多於諸司時有京師大賈藏珠玉欲售以規利賄中貴人奏行召買儒堅執不從止行兩廣歲辦而已部中奏稿多儒起草以屬僚裨益大司徒甚眾為戶曹七年而守東昌東昌據會通漕當南北孔道民

本朝分貨物考

卷二

十八

北直二

力疲竭儒曰太守者州縣之倡也乃出教所屬禁貪酷崇教化懲奢侈慎刑獄約束既明其下無敢犯者武城諸縣適被水患民幾魚鼈儒自往救發粟賑濟民賴以全活既而民以稅告儒疏其事於 朝請以郡帑積金代民田租詔可其奏男女老稚又焚香籲天曰公活我儒為政甚惠而持身甚廉凡公費罪贖悉以積穀備賑不私一錢節浮費以省過客之科索均田糧以抑富豪之兼併以是或得罪於勢要而聲名亦因此起儒之在浙也巡視寧紹海道寧紹者浙東海洋要害豪商猾夷湊泊處也治利用嚴儒首按文武賊吏捕縣丞藍佐指揮楊淮寘之法軍民惕然震懼韃靴渚等衛所屬海外巡視者不至以故多奸儒破浪渡海操閱軍容因按其尤不法者諸衛所憚其威名各思自戢久之改提督學校儒遂以崇經術禁浮靡為已任與諸生約數千言皆以道德實行為先首革書院之冒濫衣巾者士習翕然一變時有議欲為某公某公建三仁祠者御史業已許之儒駁曰中心安仁者天下一人三人者豪傑之士也未可為仁也御史曰然則易以同仁何如儒曰吾所爭者在仁不在三也其事遂寢儒識鑒精明士一經品題輒

本朝分貨物考

卷二

十九

北直三

中高等浙省至今稱爲得人儒之在陝也分守慶陽適大學士翟公巡邊以儒自從坐籌樽俎相得甚歡庚子秋虜入原州儒以兵從尚書劉公督戰却賊擒斬數多欽賞銀幣平鳳等處誣人以盜死罪數十人儒掌憲司立辨之得釋者過半卻陽令張某以炮烙刑誣服盜罪在死者五六輩矣前按察使劉君直之而張令者與權力幸臣有故嗾御史劾劉君落職儒鞠其用刑迹執令下獄令復乞幸臣祈免儒笑曰吾得正國法雪民冤足矣寧殺人以媚人耶獄成知縣罷黜誣者得釋詔復劉君官而御史以失法降外任

本朝分省人物考

卷二

二十

北直三

之講學不赴門生故吏饋遺一切謝絕雖顛沛中清操自若也踰年量移佐郡尋復僉憲以內艱還服滿補山東始乞居宜興久之赴任出入南北間歷光祿太僕及太常卿權國子監事舉廢墜立教條勤勤懇懇不少置南京糧儲舊有餘積此因司徒用訕哀南額以益之而南計亦訕儒提督其事及署部篆心切隱憂若不能以終日者及具疏建言利害督江浙湖三省藩臣監運上納復查汰冗食歲省數萬當其憂慮初人或謂其過不數年而叛軍以缺糧激變乃知其非過憂也甲寅秋虜入宣大殺總兵官岳懋時儒在刑部廷推兼僉都以撫其地儒至邊宣布上意散軍糧清屯田理逋負劾冒濫將官邊務肅然凡六閱月復命稱旨陳安邊十事悉見施行上欽賞銀幣以酬其勞乙卯夏奉勅巡撫漕運冒暑就道僭運如期復條陳漕政事宜無不切當是歲倭夷由通泰寇揚州揚州當運道之衝沿河舳舻銜尾相接又運司設城外鹽商輻輳居民數百萬賊尤垂涎儒奏築城下令所屬邑鎮如臯泰興海門瓜洲一時併築城甫完而賊已至居民皆入城守禦糧運入瓜洲城以免賊遂遁明年春儒感病危急家人驚惶儒索筆書

本朝分省人物考

卷二

二十一

北直三

曰鞠躬盡瘁死而後已復恐以病廢事召其子龍授以疏草乞休不允越三月少瘥倭賊復寇揚州儒聞報力疾前進檄召徐邛等處兵殺賊亟命徙運司積稅入府庫寇至首犯運司環顧一無所得大詬城下而儒所調兵亦集乃晝夜登城督將士力戰前後斬獲數百級三獻戎捷於京師倭賊既退儒病益甚累疏乞休召回別用儒又陳乞 天子勉留復序其禦賊功賜銀幣丁巳春隨衆陳乞得致仕乃避居西山杜門謝客絕口不道時事儒惡貨殖之徒視財有若讐已積數十金便不能寢必散盡乃已以故罷官後

本朝分省人物考

卷二

二十二

北直二

家益貧徙居宜興就田資給以終曩志足不入官府惟日與一二耆老結社以詩酒倡酬辛酉二月以疾卒

徐 珏

徐珏字汝和少遊涿州性骨鯁有膽智以屢試不第遂投筆事武登嘉靖癸未武進士始贊畫寧夏即立戰功後陞居庸把總時大同軍叛殺鎮巡官據城不下上命職方郎往撫乃携珏行珏至單騎入城諭首惡以大義衆咸感泣悔服事寧賜白金三百兩陞大同都司歷轉副總兵庚戌虜犯京師入援與虜力戰

身中流矢猶奮勇鬪擊虜號為天神虜北捷聞上方食即撤御前饌以賜仍錫飛魚衣一襲遣中貴親賫至營勞之實授都督僉事佩征西前將軍印鎮守大同以忤時相意左遷紫荊鎮守復改保定鎮守是時虜薄浮圖珏與虜拒戰八晝夜枕戈露宿虜道當道薦之以為奮不顧身雖古名將無出其右者無何為忌功者所擠時論多不平丙辰南倭蹂躪福浙珏率子姪為先鋒夜抵倭巢值大霧論諸子姪曰事危矣余受國恩隆渥以此腔血報 朝廷故願也汝輩須念妻子勿強從我盍去諸子姪感奮激勇遂三獲

本朝分省人物考

卷二

二十三

北直二

大勝至今子孫多世祿者蓋其功焉陞南京中府僉書提督大教場珏以直道不為時容被論促裝未行時南京有脫巾之變殺黃侍郎劫藏庫珏聞奮然曰今雖不用我脫身苟免非吾志也即驅家兵戰於城中擒首惡數十人梟渠魁馬三兒首示衆叛始解散留都文武百執事交章復留居舊職未幾轉北京後府僉書以老乞歸 恩詔進階一品

陳 堯

陳堯字敬甫通州人生有貴徵始在外傳日誦千言齟而舉里塾中就州試高通州鵬得之喜飯之郡齋

肱篋授堯尚書立盡二三策無所失頃之督學使者
行縣覆試大奇之會臚列諸生以次進使者置堯坐
側則以首卷授之既而目堯問何如堯不對使者驟
然咲曰此不足汝邪退語人曰孺子難下人嘉靖壬
午舉於鄉十四年舉進士部尚書試 世廟議堯宜
言曰尊親宜莫如循禮宗祧之謂何夫以世則獻宗
得齒 孝宗其 昭穆同也異日者祧 孝宗則以
獻宗祔比歲大裕則並出王裕之於禮得矣部尚書
當其議卒莫敢持始爲郎則以水部出治清江浦所
至審擇便利人至今法之已亥轉虞衡司員外郎尋
進管繕司郎中會 世宗治行宮鞏華城堯與同會
郎爲植堯力言徵商不便第罷勿徵同舍不以爲然
徵如故比卒事堯視同舍省數十萬緡無何復領大
高玄殿之役故事諸內暨徒屬悉竄將作籍中堯晨
入操籍而名比及期按籍而稽故事內府徵材用部
議率以三之一削之堯咲曰此愈削則彼愈騰此直
爲彼地也堯獨操心計不豫計而事事辦所省又數
十萬緡比論功堯獨避舍不入於是諸同舍皆擢去
堯僅得賜金壬寅出守台州居五載治行爲東省第
一部使者四上之會貴公子奪婺人田堯不假貸遂

本朝分省人物考

卷二

二十四

北直二

中以蜚語量移南安堯治南安如治台州得民愈甚
其月而郡大治戊申轉長蘆都轉運使居五載人人
爲堯望堯咲曰使中大夫轉運佐 國家之急何望
也故太宰萬公自南過堯公署公署一新太宰喜曰
今有司率以遽廬視官舍而以磐石視私家君不其
然賢矣賢矣尋轉廣西叅政蓋出太宰云又三年轉
貴州按察使時方程材木取丹砂使者相望於道堯
獨持議毋罷荒服以稱 上心丁巳以平寇功 賜
金幣戊午轉雲南右布政使堯以粵踔遠而法弛務
張之諸宗室必待報而後食祿毋先期諸達目必籍
本朝分省人物考 卷二
二十五 北直二

本朝分省人物考

卷二

二十五

北直二

何命也六番招討二子爭立其黨各操兵堯檄長子楊承譽襲父官散其黨鄉民以白蓮教上變境內講張堯逮首事者繩之散其黨雲南土舍鳳繼祖叛入建昌彼中購之千金詔捕之蜀堯言滇阻水終不能加蜀兵籍令兵自蜀興是蜀賈滇禍也卒按不發繼祖歸蜀吏多舞文率火廨宇滅其籍堯廉得奸狀皆伏誅癸亥轉南京戶部右侍郎尋改工部兼憲職總理河道比歲水溢奏蠲江北椿草河夫逋賦三萬緡會黃河由溜溝入漕淤上流數十里費以萬計者二方議興工適河水出飛雲橋淤悉衝去其後淤沛

本朝分省人物考 卷二 北直三

下百二十里大害漕堯遣小艇得古廟碑刁陽湖遂引漕舟悉由湖陵城入即河塞漕如期堯已改刑部右侍郎既代輒疏引疾不許已復轉左侍郎進者三始得請堯少從高陵呂先生游既仕卒以文學餘吏治所至輒聚徒講業以故吳粵川濟之士多成材堯負直方不失跬步比遇形勝未嘗廢游觀南安爲之築醒翁亭於龍屏山則以堯當廬陵直不飲耳堯喜因號醒翁尤篤於孝友始入官自省之郡必奉母行既而其母春秋高輒留內子代養出入西南垂二十載終不以家從及當母季年輒力引疾歸養堯始

有產不忍令仲季獨亾輒割居室二區負郭之田數百畝分其歸休十載而卒

宗禮

宗禮字周道別號清渠其先蘇之常熟人國初有阿佛公者從軍北征隸於燕禮中嘉靖己丑武舉由祖職加二級署指揮僉事歷本衛軍政大寧都司北直民兵叅將神機營佐擊歲積勞勩因以佐擊奉命禦倭於浙即日兼程行至時新場百里皆賊藪數奮兵挑戰先後被創堅守不敢出又敗賊於新城堡乘勝攻破新場賊大慟倉皇奔新場遂去旋奪回被虜

本朝分省人物考 卷二 北直二

婦女六百餘口而新場諸穴悉平前是以南人柔脆不任戰倭益張禮屢剉之聞者相顧愕眙以爲神四月總督胡公宗憲檄禮隨賊所向追剿之連有吳江嘉興之勝十九日兵至崇德縣探倭至皂林勢且犯杭禮率兵過往皂林迤西石橋止營禦之三十日倭萬餘夾河來戰禮統兵不滿九百人自寅至辰所殺傷多賊敗去頃之復來戰自辰至巳又自午至申賊番休來攻三戰三北死傷無算軍大振會石橋前鋒中賊砲橋失守禮被重傷猶裹創奮臂戰徒以九百當萬人衆寡遠不敵兼盡日乏食軍無後救者禮力

竭仰天疾呼曰死當滅賊以報國遂遇害乃是日之暮也事聞下詔褒之贈都督同知廕一子世襲指揮僉事予祭六壇謚曰忠壯建褒忠祠於皂林有司以時饗焉

蘇志臯

蘇志臯字德明固安人登嘉靖壬辰進士授湖廣瀏陽知縣調江西進賢縣被徵以催科不及額陞刑部主事員外郎郎中直隸廬鳳兵備僉事爲建甯壩事陞俸一級陞分守宣府右叅議爲捷音事陞一級陞陝西潼關兵備副使以宣府督餉不力謫河州知州

本朝分省人物考

卷二

二十八

北直二

以督撫兩察院會保陞涇邠兵備僉事庚戌虜警九卿科道會推陞鴈門等關兵備副使歷陞陝西左叅政山西按察使右布政使甲寅會推陞都察院右僉都御史巡撫遼東贊理軍務考滿陞右副都御史爲生擒大虜頭目等事陞俸一級爲捷音事廕一子入監讀書累蒙賞賚寵遇特厚焉

劉效祖

劉效祖字仲修別號念菴其先出山東濱州始祖當文廟時徙實都下占籍武驥左衛祖達以明經爲御史大夫效祖在襁褓卽喜弄圖書早善屬文嘉靖庚

子領順天鄉薦時年甫十九已而御史大夫歿家中落效祖侍養盡歡父疾日夜侍湯藥顙天願代父不起哭幾絕人以孝稱庚戌登進士第出理衛輝故事司理以風聞應直指效祖察舉一二豪猾及事之重且大者鞠報稱文無害嘗謂擊賣菜傭爲風裁不爲也延津周氏某冤罹大辟竟白之其所平反無筭攝郡事釐奸剔蠹惟民便暇則進諸生談藝得其教以進取者翩翩焉磁州牧周某有墨聲恐洩夜懷金遺之則遜謝去後復以私篋竄行李中旣露則密馳以還以是剡薦纍纍俱以人望推轂之癸丑陞戶部主

本朝分省人物考

卷二

二十九

北直二

事卽視九門未幾奉璽書易粟梁趙間輦之督亢備雲谷緩急事將竣又勅督所歷逋負則次第催科商民便之已而督漕天津歷陞本部員外郎郎中職市金珠爲內供時上厠主豐臺省建自主儉效祖籌盈濟虛權可剔否大司徒據之以請如調劑然比歲烽火無警各營草日腐累商效祖議散之諸營而見貯者給商以直人人誦便蘭州度支蘇郎中以不預支倉儲被誣劾效祖爲雪之蘇得無恙清苑高公以諸司事盡委視草分宜父子每見其疏私重之欲羅之入幕乃婉爲謝遂陞陝西固原兵備副使行不入

辭別不具饋固原於平涼阿寺地去步武阿卿某有
內援日庇牧卒如私人卒每縱橫有問者輒撼以危
言效祖不為意徑執之置于法郭公宗臯謫戍原州
請間一歸葬母諸大夫但佯應效祖大言曰戍者以
失柄臣心吾儕可錮人以媚人乎况纍臣非埒大僂
且也以親圖歸何失孝子心第歸我即懼謹勿恤中
丞裴公行塞歷平涼朝王就席次以通祿請裴公難
之既罷遂誣以舉爵壽王緩屬不敬欲上其罪效祖
聞之乃曰嘉禮有注責在藩相所不預具焉用彼哉
當先繫璫矧王以糧故於杯酒責望如國體何璫語

本朝分省人物考

卷二

三十

北直二

塞既而諸王孫遮道以挾則請姑面允去裴又否否
諸王孫開效祖責以危言身護裴以行王與諸王孫
乃知朝廷紀綱森然如此一日虜忽闖入花馬池城
下元戎提兵出無乘城者效祖先登鼓諸老稚備矢
石虜覘有備竟解去城以完癸亥大計為忌者所中
當東歸原人扶老攜幼號泣車前者聲震四十里歸
則關日涉園陶情觴咏間少醺作樂府數闕擊節歌
之乃肆力修詞人業與海內詞客為詞林盛會諸大
夫或就而問政多所指畫語不及私會王大成變有
欲以奇禍中素隙者事屬白金吾白請決策則握手

示曰族人徇人毋論非丈夫所為如冥冥何第訊罪
人自得其情白如其言大成伏辜幾中者得無恙京
兆曹公念京畿首善地闕專誌欲徵載筆督府劉公
以薊門邊乘先聘之因而如檀州作關鎮志凡三閱
歲以是得縱遊諸塞上所至輒有紀效祖一日聞
主上問其姓名因賦詩志盛曰更生雙鬢已蕭騷敢
謂文章擅彩毫過誤偶承 明主問因緣不是鬱輪
袍萬曆己丑卒年六十有八著述有四鎮三關志十
二卷春秋憲稿二卷劉仲修先生詩集若干卷文若
千卷塞上言一卷盛世宣威清時行樂二卷燈市謠

本朝分省人物考

卷二

三十一

北直二

長門詞二卷雲林和稿空中語短柱效顰閣中一笑
裁冰剪雪都邑繁華蓮步新聲共七卷行於世

福時

福時東安人生而相貌奇偉性資穎悟熟韜略善騎
射嘉靖二十四年由世職歷官漕運叅將值黃河為
害僨運八載以軍法部署日泛駕於洪流怒濤之中
艱苦萬狀飛輓為浙直先時身處膏腴不私一錢嚼
然不滓之操信於遠邇以故相國徐公階本兵楊公
博相與為特達之知晉掛印總兵填淮安總漕如故
一時聞譽上徹 宸扆 世廟以清不過福時勇不

過馬芳稱之尋徐楊去國有欲得時秩者賄言官論去之人無不以爲寃數載益都張侍御特疏薦起有徧問在運官旗毫無科尅之語足徵公論之不容泯矣里居以來家不增一椽飯蔬飲水日與農夫野老逍遙林下不以爲悔也

王 遴

王遴霸州人嘉靖丁未進士初授浙江紹興府推官陞兵部主事員外山東僉事河南叅議山西岢嵐兵備副使擢延綏宣府巡撫兵部侍郎歷兩京工戶兵三部尚書職業修舉聲譽卓然所著有大隱堂集四

本朝分省人物考

卷二

三十一

此直三

卷二鎮疏草八卷奏議十卷

王 鈇

王鈇字德威其先東陽人後徙順天左驤衛鈇自爲諸生儻蕩有大志所與游皆四方豪雋譚論好稱奇節常目笑咕咕豎儒不足共天下事嘉靖庚子舉于鄉庚戌登進士第會胡騎薄京師鈇盛氣白大司馬願提三尺從行間擊虜都人士壯之尋上命如楚封八王道東陽上先人塚具酒食大會族里意氣逸甚壬子拜常熟令邑海壩大豪多斃亡命作姦監司檄收之鈇曰網疎則魚漏繩急則麀驚招之便亡何

諸大豪躡踵至鈇盡貫其罪俾隸署中爲爪牙癸丑島夷入寇吳中震動鈇語諸大豪曰爾輩罪百吾不卽爾刑以有緩急也儻一日寇來爾輩何以報我咸曰願效死鈇乃立爲耆長俾部署子弟得數百人合邑中素練士教射列陳至盱食命工厲兵械試以擊刺無不應手糜者邑故無城鈇請監司城之甫興役寇犯福山且內向市人惶急走鈇擁衆壁野誓以死禦會邑簿李宗昭有蒼頭安者猝遇賊挾毒弩射殪三人賊喘恐宵遁鈇乃親執扶行築凡三月而城成明年甲寅夏孟月賊由故道入薄城北矢石交下賊稍稍去鈇曰賊來未創也而去其懈我耳倍繕具待之詰朝賊果突至鈇督兵出間道接戰斬首數級賊潰走仲夏復入三丈浦大掠鈇馳羽書乞援備兵任環統苗卒應鈇駐浦七日會天雨將戰猶豫卜靈棋決之繇曰有客王孫夜叩我門以往應之其福無倫是夜鈇果叩任門請昧爽進兵任私喜協卜亟從鈇請比戰大捷斬首百五十級生縛七人溺死者不可勝數吳越中論勦寇功輒以三丈浦爲冠自是鈇料賊必不敢復犯我卽犯成擒矣明年乙卯賊掠旁邑方舟從吳門向尚湖還海上鈇按劍起曰最虜乃尚

本朝分省人物考

卷二

三十三

此直三

敢涉吾地耶吾不能坐令陽陽去時叅藩錢泮者素善射初寇至從鈇登陴耦而射相顧沾沾喜至是錢從史之鈇益奮倉卒召諸耆長各率所部揚小艇數十追躡賊偵我入隘中出不意夾岸攻我時獨耆長數人從前諸健兒皆後數人者力鬪死鈇奮擊及潭不克進怒髮上指瞋目大呼而刃刺鈇腹中矣錢亦鬪而死時鈇年四十二監司上其事于 朝詔贈太僕寺少卿製文遣祭賜長子汝祐錦衣百戶世勿絕

趙錦

趙錦良鄉人登進士第除南京戶部主事分司揚州

本朝分省人物考 卷二

三十四

北直二

鈇關一無所私陞署郎中改吏部稽勲司大同軍變佐戶部侍郎胡公奉 命往平之歸掌職方事咸允愜大司馬依重焉陞温州府知府山東副使山西右叅政浙江按察使擢右僉都御史巡撫延綏陝西艱服闋推任大同與總帥周尚文不協上疏求選改甘肅又改雲中上疏論兵機十六事 召用為大司馬協理戎政以獲哈丹功廕一子錦衣衛百戶加太子太保逆鸞事敗連及于錦謫戍山丹衛士論憐之

劉體乾

劉體乾東安人登嘉靖進士為給事中時有所建明

繼任通政以恭勤著尋轉戶部侍郎于國計多所裨益擢南京兵部尚書能勤職弗替卒贈太子少保

李玳

李玳霸州人初授刑部主事陞員外郎中恤刑山東多所平反出知岳州府以採木忤當路調彰德消藩王之變尋陞山西雁門副使轉陝西叅政以母老乞歸囊篋蕭然所居僅蔽風雨 穆廟初詔起江西叅政不就性極恬淡而與衆又極和易識者謂其為真士夫古君子云

姜璧

本朝分省人物考 卷二

三十五

北直二

姜璧字元卿別號蒲汀文安縣人生而馴謹篤學領隆慶庚午鄉薦明年成進士授樂安令萬曆丁丑入為河南道監察御史戊寅出按兩淮鹽法既報命以外艱歸癸未服闋出按中州以疾歸丙戌起原官巡視京營戎政復巡視京畿兼掌河南道事大計羣吏壁在西臺先後十三年始進大理右丞尋轉左晉左右少卿辛卯春晉僉都御史撫治鄖陽壬辰秋有言其速化者詔改璧留都壁以太夫人老不復出又三年疾卒年五十有七初樂安有大俠王彥飛者聚黨橫里中操赤白丸報讐以睚眦殺人它令莫敢問備

兵使者行縣索之弗能得壁至召諸賊曹語之曰若輩受賕縱奸梟當死能縛王自贖當貸若梟眾恐願自効卽共爲具飲王中酒伏健兒急縛之壁度已得王又虞有道劫者預勅尉率徼卒逆之劫者猝遇尉悉駭走遂逮彥飛至庭論旣具立斃獄中而爲令散遣其曹悉勿問衆咸凜凜在邑五載威惠大著其按淮上也主在杜干請別積蠹富商倚請託爲奸利者無所容其私時淮揚饑奸民以其間競爲私鑄錢法大阻商販不通百姓嗷嗷幾釀大亂壁檄所司禁私鑄而亟發金錢萬餘倉粟數千賑之始以事聞全活

本朝分省人物考

卷二

三十六

北直二

甚衆於時黃水入淮淮大溢總河大臣與撫臣相掣肘而有司行河者率委之倖貳又有議罷范公舊隄勿修而別開支河者壁疏言倖貳權輕不如專任守令大臣事權不一難責成功宜罷總河以其事歸撫臣便又河口外高內下開支河則引倒流之潮關私販之路不若修范公廢堤使內水不出外水不入外不損鹽竈之地內不傷耕植之田疏凡數百言皆鑿鑿可行部覆如議事竣有白金之賚中州宗室最衆而祿最不給或有言宜開宗學恤貧宗者下有司悍宗睦密輩指是爲宗正睦禕罪鳩其黨羣擊之因

聚衆稱亂人情洶洶壁時方在道聞之卽疾馳入大梁捕其謀主袁東魯數人令武卒列伍備非常始疏陳其狀有詔梟首惡而釋其黨中州宴然壁常言治大猾宜緩急則謀洩而易脫平大衆宜急緩則黨固而難安真名言也河南贖鍰歲額四千後漸倍之壁曰此膏脂也非刑罰嚴峻何至是卒疏如舊額睢陳東連曹徐西接亳潁故設有兵巡道彈壓盜賊久而罷至是有議復者壁言增官則增費若改清軍道兼屯鹽而以屯鹽道移駐睢陳則事專而費省議雖寢識者是之壁之主大計也疏言五事曰急先務精考

本朝分省人物考

卷二

三十七

北直二

嚴禁營餽懲貪酷慎委署雖未盡用其言而無私毀譽無徇造請時服其公已開府鄖陽當樞掇之後推誠布公一以寬行之而不欲如東濕然地方方賴以救寧而中蜚語歸矣壁旣歸猶有跡其撫鄖時事者見一切鍰金皆儲以待餉議者始息壁豐儀偉貌望之者以嚴見憚而卽之油然可親嘗誦伯淳言掇拾短長以希直名有所不能蓋終身以爲則焉

張祥

張祥灤縣人字夢麟號魯郊爲人孝友廉慈遇事敢爲凡有不便於民者輒條議妥當邑賴以甦息舉父

遺產盡與兄姪蕩盡復以已產與之中萬曆丙子舉人初任壺關縣知縣復任原武縣皆有異政及歸撫按連章保留百姓百餘人赴闕借寇不報建生祠尸祝之歸田數載閉門却掃潛心義理身體力行不為矯飾居恒一布袍未嘗以一事干人至於葺學宮立文會新岳文肅公祠諸懿行有不可盡述者

楊慶

楊慶順義人為弟子員時咀儉茹朴讀書學官別舍常以鐵磬注水而炊領鄉薦後十年授胙城縣知縣先胙有公田千餘頃為權貴所據歲可獲四五百金

本朝分省人物考 卷二

三八

北直二

江北

江北霸州人初授河南洛陽縣知縣歷陞南京福建道御所建白以平島寇欽賞白金文綺後因論北臺長卿千相意出為山西平陽府知府尋罷城內外創兩園積書數千卷日諷咏其中而未常一字干有司郡中文物賴以一變

王原

王原文安人原在襁褓其父珣貧甚苦於里役謀於妻張氏曰吾單弱不能支門戶今躬耕薄田數十畝其值不能辦一歲之差使地去差存吾與汝俱不免為餓殍吾將逃焉汝母子守薄田勤紡績庶可以存活別後勿相念也出而不告以所往張氏撫原筑筑以居原幼多病及長問父存亡母曰汝父累於貧不能顧我母子棄家避差今已二十年矣淚下如雨原酸痛不能言及冠娶段氏月餘一日跪其母曰吾將去尋吾父以歸母曰汝父去家二十年不通音耗尋

本朝分省人物考 卷二

三十九

北直二

詎可得乎原仰天號曰人而無父何以為人泣與母別初去涿鹿境轉而東行周旋齊魯之郊者數年經於田橫島時日已西沉颯風甚急止宿於塗路口土神祠夜夢入古剎日近午見廊僧煮飯就乞食與一孟曰此莎米飯也味苦為汝澆以羹乃肉汁也曰甘乎曰甘曰如來真箇來好去還須去忽驚祠門軋然有聲一丈夫携杖而入問原奚自原以實對丈人曰鶴鳴於天其子隨其影以和之今形影不相屬而卒以相合不敢許爾原語以夜夢曰吉夢也人非匏瓜焉能繫於一隅夢日當午南方也莎草根附子也調

以肉汁附子膾也可急去當於寺中求之原如其言
趣清源而上渡淇水晝行夜禱踰月入輝縣縣帶山
有古寺名曰夢覺曰愍報原雪夜造夢覺寺寢於門
下天將曙一苾芻出見而駭之曰少年何處人何以
至此原噤噤曰文安人尋父而來曰識其面乎曰不
識也引至禪堂住持哀而食之粥珣方與禪僧供晨
炊住持素知珣文安人因召而問曰汝識此少年乎
曰不識也曰同桑梓曷敘寒溫珣曰汝父謂誰曰某
珣呼原乳名不覺歛歛原曰是也相抱而哭珣絕無
歸意曰棄妻子二十餘年有何顏見汝母乎不免為

本朝分省人物考 卷二 四十 北直三

鄰山下孤魂耳原以頭觸地牽珣衣望住持哀而大
號住持曰天作之合非人力也強之行住持號法林
名僧也口占七言以贈之曰豐干豈是好饒舌我佛
如來非偶爾昔日曾聞呂尚之明年罕見王君子借
留衣鉢種前緣但笑懶牛鞭不起歸家日誦法華經
苦惱衆生今有此援紙筆併述其始末以付原時珣
年已六十有四歸而團聚有司嘉其行以壽官榮之
尹山人
尹山人者北地產也元世祖時為天慶觀道士懷一
牒綴之羊皮久而尚存成化間遊南都髮累歲忘櫛

而自不團結南都人呼為尹蓬頭云尹得邸寓輒閉
關臥多者踰月少亦五六日而後起居常不飯人饋
之食亦不辭嘗造一民家會設餉客麪近四十餘碗
客有戲尹者曰公能盡噉之乎曰能取而噉之盡無
留餘也一孫姓者接山人市中而賣瓜擔停焉孫戲
曰公能盡此一擔瓜乎曰能即買而饋之噉瓜立盡
無留餘也戶曹員外李遣僕上病疏一日辰刻尹見
其僕於北闕端門前僕曰命已下主人幸得告矣是
日午餐尹報李曰今日端門前見使者已得告急東
裝行耳後僕還覈問果合南北迢遞三千里驅返纔

本朝分省人物考 卷二 四十一 北直二

一飯頃人聞而大異之其御史當仲秋耗磨日命其
隸召尹來隸曰昨昔之暮尹登大中橋觀月兩鼻孔
垂涕尺許尹殆死矣夫何召御史笑曰此為鼻柱非
老病也隸甫行而尹已扣門入蓋就其召已也御史
亦異之魏國館尹於居第嘗偃大棹晝睡寤而語魏
國曰適遊姑蘇洞庭山而返魏國愕不信即出袖中
兩橘畀之其時南都尚未有洞庭橘也南都一貴人
之母敬事尹數數修供進衣饌甚虔既而所愛孫少
未冠而病沉綿疴瘵諸醫擅時名者皆謝不可治迺
邀尹力懇之尹曰此非藥物所能為我以太夫人遇

我厚不得已費我十年功為爾一救令置兩榻相附
昏夜縛少年之足於尹足連屬數重尹鼓氣運轉喉
嚅嚅有聲氣達湧泉貫少年足大勢遍體流汗如雨
注臭穢畢泄詰朝解其縛而少年蘇蘇有生色別授
刀圭藥徐服而愈王文成公守仁試禮闈卷落卒業
南雍走從尹遊共寢處百餘日尹喜曰爾大聰明第
本貴介公子筋骨脆難學我我所以入道者危苦堅
耐世人總不堪也爾無長生分其竟以勲業顯哉文
成悵然惋之洛陽有野毛頭張姓者售偽誑世自務
飾而以聞見該洽論說雄俊引重薦紳間客抵南都

本朝分省人物考

卷二

四二二

北直二

士人慕而爭趨軒車滿戶外尹識其偽也敝衣跣而
往謁隨眾稱老爺尊之張方危弁高坐側侍者肩摩
張傲岸不為尹禮顧罵曰乞兒辱吾教尹迺據東面
坐而謂曰爾欲譚道耶我亦任爾問張曰爾乞兒吾
又奚問尹因刺之曰爾無我罵爾注悟真篇恐天下
訕刺爾者無窮已張曰然則爾曉叅同契與悟真耶
尹張目朗音為抽廣成壺丘延歷度紀樞奧稍論序
柱下五千文暨內典華嚴楞伽姬易艮卦彖爻三教
渾合之旨翩翩千百言眾驚異悚聽皆俗耳所未聞
於是始知山人之辯慧不羣遂於玄學也尹歸倚牆

立自掌其頰者數十下恨猶有勝心且道非可言言
則與道遠因鍵扉寢伏久之終南黃山人過訪值尹
睡正熟謂弟子曰謹貽爾師青衣鞋我不能待別矣
又數日尹起問曰有友人黃來渠何言子弟獻所贈
尹曰是豫料我將遙適也無何逆闖劉瑾潛圖不軌
惡尹私有詆斥羅而戍之關右尹至戍所偶過鐵鶴
觀騎一鶴凌飛去

崔鑑

崔鑑者燕人也年十三父佑賈於市性嗜酒有魏娼
者善治淫聲佑聞而悅之延與私焉遂留與居鑑母

本朝分省人物考

卷二

四二三

北直二

王嫌其非類欲諫止之佑不聽娼恨遂日搆王之闕
訴於佑佑每被酒輒窘辱王箠楚之娼由是益肆如
是者數月矣一日佑出娼以語侵王王復之娼怒擊
王敗面王含忿入室撫床淚泣忽鑑自生舍歸王見
之悲慟不自勝因謂曰吾為娼婦所搆被辱萬狀今
且自引決爾善自愛鑑聞之且泣且怒曰母第安志
勿他也語畢即潛入生舍挾刃以歸躡娼所在從傍
拔刃刺其左脇深入寸許娼隨斃鑑以刃匿牖下以
走數里餘忽自念曰吾殺娼而吾父不知必謂母矣
吾走母無以自明必被逮吾殺人而令吾母抵罪哉

續修四庫全書 第 6 版之內

因復歸未至佑果疑王所殺甲者已繫王將置諸理
矣鑑至請解王所縛曰殺人者我也母何罪衆不信
欲舍之鑑曰若輩不吾信吾殺人之刃尚存牖下第
視果然衆乃釋王而獨以鑑馳報聞於上詔下法
司議於是大司寇石塘聞公僉議曰可緩死故事減
死者悉發伍以鑑幼且情可原議併釋之迺廷尉春
岡劉公奏曰臣等竊見崔鑑所犯母子之情根於天
性雖冒重罪志在全母司寇議是上乃下詔曰崔
鑑既爲母冒辟情可矜卹其原之鑑遂釋

楊 塤

本朝分省人物考

卷二

四十四

北直二

天順間錦衣衛指揮門達怙寵驕橫凡忤之者輒嗾
覘卒潛致其罪逮捕考掠使無詰證莫可及異由是
權傾一時言者結舌其同僚袁彬質直不屈乃附以
重情考掠成獄內外咸冤之莫或敢發也京城有楊
塤者戍伍之餘夫也素不識彬爲之上疏曰正統十
四年駕留虜廷羣臣奔散逃生惟袁彬一人特校尉
耳乃能保護 聖躬備嘗艱苦及駕還復辟授職酬
勞公論稱快今者無人奏劾卒然付獄考掠備至罪
定而後附律法司雖知其枉莫敢辨明陷彬於死雖
止一夫但傷公論人不自安乞以彬等御前審錄庶

得明白死者無憾生者亦安臣本一介草茅身無祿
秩見此不平昧死上言遂擊登聞鼓以進仍送衛獄
達因是欲盡去異已者乃緩塤死使誣少保李賢指
使塤佯諾之達遂以聞會三法司鞫於午門前塤乃
直述所言皆由已出於賢無預達計不行而彬猶降
黜居第盡毀未幾 英宗升遐言者劾達罪舉塤事
爲證達謫死南丹彬復舊職代達總衛事成化初修
英宗實錄稱義士楊塤云塤字景和其先某處人父
爲漆工宣德間嘗遣人至倭國傳泥金畫漆之法以
歸塤遂習之而自出已見以五色金鈿並施不止如
舊法純用金也故物色各稱天真爛然倭人見之亦
齟指稱歎以爲不可及蓋其天姿敏悟如此於書法
詩格不甚習而徃徃造妙故其藝亦絕出古今旣不
避權奸爲此義舉人亦莫敢以一藝目之有欲授之
以官者不就遂隱於藝以終

補遺

武周文

武周文順天府大興人洪武末年以儒士明經入侍
燕邸 成祖龍潛時命入侍講未樂丙戌召至慰勞
備至特命爲侍講學士賜冠帶織金羅衣一襲 上

本朝分省人物考

卷二

四十五

北直三

謂學士胡廣曰朕守藩時閒暇喜觀易時王府官僚亦有知者然未若武周文切實但所言亦有拘滯不流動處蓋易貴知變不失其宜古人隨時從道之說最為要妙亦在虛心玩之耳又曰為學不可不知易只內君子外小人一語人君用之功效不少次日周文入謝 上憫其老乃命為侍講學士賜之休沐

人物考卷之三目錄

北直隸永平府

郝郁

韓志

趙勝

張文質

周英

王銳

杜謙

陳恕

周斌

閻蘊

周玉

齊章

鄭巳

周璽

才寬

郭鏞

蕭顯

王和

李時

白弘

王翊

李金

霍恩

任惠 附王蕃

李炫

魯鐸

馬永

翟鵬

王道中

王念

廖自顯

詹榮

李充濁 附弟充拙

趙得

張世忠

王

人物考卷之三目錄

北直三

厲汝進

韓梅

李涵

周冉

王好學

王好問

盧耿麟

劉復禮

王大用

劉文煥

楊騰

補遺

麴祥

萬信

李采非

本朝分省人物考

卷三目錄

二

北直三

本朝京省人物考卷之三

北直隸永平府

郝郁

郝郁字文盛世家永平之撫寧文盛自幼父知其必貴稍長俾學甫冠有司擇主案牘永樂元年内難肅清之後論守城功授陝西咸寧縣丞未行改光祿寺典簿持躬勤慎釐務周悉陞本寺丞益克砥勵時并泉爲光祿寺卿恣無忌畏罔上侮下至於儲君亦肆譏問文盛盡力彌縫靡有遺闕泉旣以罷黜遂超陞光祿卿愈篤弗懈恭事四朝始終一心正統二年以疾卒計聞賜祭命有司營葬文盛爲人質直坦易無城府居家事親孝撫其從弟勝貴壽盡友愛居官處僚屬和馭下寬平其卒也衆咸悼惜之

韓志

韓志字英氣其先永平之昌黎人考曰文國初編燕山左衛護後從上靖内難伐北虜樹戰功累官大寧都司指揮僉事志性剛毅寡言笑馳駿引強衆莫能逮年甫弱冠以大寧公請老卽拜金吾衛世襲指揮使時已練達如老成人吏士咸服之永樂中每扈駕北征宣德元年從宣宗皇帝馳樂安州平庶人

高煦以還三年從大將出塞北生擒一虜五年從征
 荅刺安地而一虜馳近營志躍而擒之衆服其英武
 正統五年調邳州衛邳當北孔道兵民多窘乏志至
 則撫養士卒時以司馬兵法練之簡器械葺城隍使
 客過亦善待無忤者令不嚴而肅事不勞而理下皆
 畏而愛之遠邇稱譽在朝多知其名十四年虜大舉
 入寇京師戒嚴志被薦入衛陞署都指揮僉事提兵
 出哨棗林諸處景泰改元從武靖侯駐山西大同府
 虜寇北門外志奮先突陣大破走之陞署指揮同知
 天順改元加陞中軍都督府都督僉事五年逆賊曹

本朝分省人物考

卷三

二

北直三

欽犯闕志與諸將相犄角平之陞本府都督同知掌
 五軍營之大營忠慎勤勞 英宗大嘉之時命帶刀
 侍衛寵遇日加賞賜蟒衣玉帶鳳翅盔明甲寶刀皆
 異數也八年疏請致仕 上允之志乃歸老邳衛日
 居別業事農圃賢士大夫過之必命酒雅歌投壺以
 爲樂歷二十餘年而考終吊而哭者填巷塞門里人
 至今感焉

趙勝

趙勝字克功系出漢充國之裔世居河朔至伯父赤
 考再興國初始徙家永平之遷安遂占籍焉靖難師

興赤以謀略從征有功授永平衛百戶沒于戰陣無
 嗣再興襲陞千戶永樂庚寅北征大破虜酋本牙失
 里殺敗阿魯台餘衆陞指揮僉事洪熙改元復以征
 虜功陞指揮使尋卒勝襲秩甫髫鬣賴母王夫人矢
 節育教底于成立勝尅志勵行事母極孝敬始終無
 違禮正統己巳虜寇犯京畿勝率兵出西直門扼其
 衝突躬履戰陣斬馘無算虜遂奔遯景泰庚子擢僉
 都闔英廟復辟錄其舊勞加僉前軍都督府事佩刀
 侍衛天順戊寅選管三千營操辛巳秋曹孽叛逆勝
 擒獲功多遷都督同知時虜寇深入陝西固原勝率

本朝分省人物考

卷三

三

北直三

師勦敗之 憲宗嗣統命兼鼓舞勇營典操推恩給進
 榮祿大夫成化乙酉重建承天門勝董軍應役既訖
 工適山西邊徼有警奉命佩平胡將軍印統軍往援
 次雁門關報虜已遁乃還明年秋勝往延綏虜酋聞
 風渡河趨大同納款入貢師旋即命典操耀武營戊
 子夏建州毛憐海西諸夷弗靖廷議請以勝總鎮之
 乃佩征虜前將軍印杖節以征至則申嚴號令簡閱
 軍士調度有方屢奏克獲賜勅獎諭辛卯春召回總
 典五軍營壬辰春調三千營是夏至甲午秋兩奉制
 勅佩印總師北征虜輒遠却丙申總督軍士濬築京

城垣塹兼葺西直門城樓陞後軍都督府左都督戊戌加太子太保癸卯勅封昌寧伯丙午加太保兼太子太傅丁未奉勅董工造墳于天壽山之西南朝夕督視觸冒寒暑邁疾輿歸遂不起贈昌寧侯謚壯敏

張文質

張文質字允中昌黎縣人正統七年舉進士授工科給事中景泰中陞都給事中以音吐鴻鬯選爲通政司右叅議天順初進左通政復進通政使成化中加兵部左侍郎工部尚書俱仍掌通政司事既而加太子少保改禮部尚書管部事歲餘以母喪去服除仍

本朝分省人物考

卷三

四

北直三

以禮部尚書掌通政司事後爲言官所劾致仕弘治五年卒賜祭葬如例文質爲人重厚有容居家以孝稱歷官四十餘年無過舉其子忱亦舉進士爲兵部郎中

周英

周英字用傑其先永平遷安人勝國時有官至右丞者祖亨國初率其家百口來歸朝授燕山護衛指揮賜田宅東安縣故爲東安人父斌永樂初以靖難功讓其兄或授都督賜蟒衣復還遷安故又爲遷安人

生英但教以力田讀書漢庶人有罪英以漢國連姻

註誤與父同下獄父竟死獄中英謫戍萬全開平衛

時都督楊洪以遊擊將軍禦邊英隸其麾下見奇

之委長騎隊未幾虜寇邊令英襲擊出境至瓦房嗟

馳入敵壘得生虜脫脫白及驅其駝馬而還正統三

年復與虜遇連陷其陣擒其酋長明年至黑松林斬

捕甚衆奏功陞副千戶八年擊虜過把禿河獲其酋

那歹九年勅出陝西至應昌別兒克之地與虜鏖戰

一晝夜生擒平章少台斬首四十餘級奪其所掠男

女牛羊五千以歸陞正千戶十二年出開平至以克

蘇遇虜大戰矢下如雨英突入其陣獲虜達刺孩等

本朝分省人物考

卷三

五

北直三

男婦檻送京師十四年虜大入寇英宗親率六軍

待邊時都督楊洪進昌平伯授節鎮宣府以英隸都

督楊能護蹕至大同與虜遇于拷栳山英擒生虜則

不丁者以獻命誅馮牙既又從右叅將江廣擊虜至

乾庄兒堡斬首虜猛禿兒麻等還奏捷行在土木失

利英身被重創力戰得脫天子北狩京師戒嚴

景皇帝以邸王監國徵洪兵勤王英亦裹創赴難至

京師洪進爵爲侯因面陳英謀勇可任且賞未當功

遂陞指揮僉事後從洪禦紫荆諸關與虜連戰彌月

因大敗其衆生擒首虜阿歸等復斬首百餘級僞太

師也先乃率衆北遁景泰改元陞指揮同知二年錄前乾庄兒等處戰功陞指揮使其年洪卒一軍盡還宣府獨英留京師註府軍前衛 英廟復辟陞都指揮僉事五年又以平逆臣曹欽功陞都指揮同知六年英盡以橐鞬戈甲付其子璽而告老以終

王銳

王銳遷安縣人正統己未進士授崇明知縣有政績景泰中陞彰德知府銳長身修髯顧盼有威有權術政治尚嚴察郡中吏民賢不肖及奸邪猶賦獄訟盡皆籍識自聽其政吏亡得爲姦出必鎗關泥之終歲

本朝分省人物考 卷三

木

北直三

不得與吏交一言縣吏以賄聞者案之卽令去他事不中程者答督令改吏民畏之如神姦人莫敢入郡地尤留心學校凡朔望謁先師已坐明倫堂聽諸生說經發疑抉異諸生皆居學宮籌識諸生姓名政少暇令隸持數籌造明倫堂諸生持籌來自臨試或背誦書或作義其他出及不衣冠居者受笞當是時黷序間讀書聲日洋洋盈耳成化五年陞都察院右僉都御史巡撫延綏值開城土達滿四謀反率兵討平之論功陞左副都仍巡撫延綏八年致仕

杜謙

杜謙字益之昌黎縣人正統丁卯領順天鄉薦會試不偶以國子生歷事戶部時山陽金濂爲尚書待下方嚴獨奇謙欲奏薦爲屬謙力辭之景泰甲戌登進士 朝廷修寰宇通志遣采事實於山東還授工部都水司主事督呂梁洪七年改禮部主客司天順庚辰陞本司署員外郎癸未陞郎中本年以父憂去成化三年服除改儀制司郎中戊子冊封 晉府充副使五年 詔廷臣三品以上各舉所知時姚夔在禮部知謙才可用卽以名上擢浙江布政司右叅議乙未陞本省右布政丁酉轉左布政使庚子召爲順天

本朝分省人物考 卷三

七

北直三

府尹壬寅陞工部左侍郎甲辰漕河淤卽以 命謙方兒嚮用丁未勘事大同還乞致仕年六十九矣還鄉八年而卒年七十有六謙居官善理事爲工部主事時在徐州值歲饑區畫荒政作粥食人多所全活推其餘及牧養孤老男女過時而貧不能嫁娶者皆出所助呂梁之人至今思之而平生政績尤多在浙江時平易明決民懷吏畏賓接士人忘其勢分而禮法之際有所不可雖顯要亦不肯阿從也初各省以織造上供文綺不如法者獲重譴衆因畏避至積數年所織造者久而濕蒸多壞工人或破家不能償謙

曰利吾身以害人吾不忍也遂合數郡解運卒亦無事人始免患嘗清理軍伍有訴於御史得更衛者謙以爲非例持其文不下御史雖恚不怒也他日定賦役等第按察使欲增損其則而盡貸無產之家謙以此輩皆游民而令賦役獨歸於力穡之農非重本抑末之意卒從謙議歲侵特奏免田租若干舊有起運存留之數戶部以起運者不可免而止免存留者謙言若然則一省官俸軍餉俱乏矣二者必增損之乃可執奏不已 朝廷亦竟從之及在工部適運河淤塞受 勅修濬因以其屬從行得便宜行事謙盡心

本朝分省人物考 卷三

八

北直三 劉汝德

水利不憚勞苦數月舟行無阻公私稱便已而兵部尚書余子俊巡撫大同多用公帑物有誣其侵漁者特受 勅借給事中御史往覈其實或謂謙曰 上怒叵測公與余有浙省同僚之舊辭之可免禍謙曰吾知奉公守法而已他何足計頻行又有以危言怵之者亦不顧卒得其實而還余之事竟白其幹濟如此故凡被委命事竣輒受 賜賚云居家事親能盡子道父嘗病疽醫莫能療泣禱於天躬吮之良久愈後父年九十猶就養於官以浙地善且迎其兄姊事之人稱其孝友者無間言自少無聲色之奉雖退食

燕居必正襟端坐妻子不敢狎視至接人臨下更溫厚可親是以人皆愛之又待人不以升沉易節在呂梁時商文毅以罪罷遇之尤厚後商入相每汲引之子源亦第進士官至青州知府

陳 恕

陳恕字達道灤州人鄉校以德行稱好性理學景泰庚午舉人適歲凶編民輸糧稅于本府恕念偏涼汀地險厄出資興坊扁銀備饑民鑿平爲坦途再歲不稔爲專門師以糊口嚴教條不倦諄諄以踐履爲主仕至開封府同知子民下士折獄立斷吏抱牘聽命

本朝分省人物考 卷三

九

北直三

不敢近案一語嘗于道中遇數人騶從若貴游者恕曰此巨盜也邏致之果得其實稱神明河汴屢決請府發帑羨躬督築塞保全腴田數百頃九年考滿乞骸骨歸吏民泣送者塞路行李蕭索人不識爲宦者歸惟乘一蹇驢入城有司重其賢贈銀五兩卽市鐵鑄文廟祭器積善行義類此

周 斌

周斌字國用昌黎人也景泰辛未進士授御史侃侃不事細瑣嘗出巡南畿河南陝西右諸藩申理冤獄摘伏如神 英廟復辟之元石曹輩擁奸乘勢作威

福戕逐善類道路以目莫有敢嬰之者斌為河南道御史首倡同官張鵬周瑄等具其欺罔萌亂十餘事糾之 上震怒逮至便殿俾誦彈章而歷詰之眾皆怖懼伏地不敢出一語斌神色自若手持章疏朗讀不少懾每讀至一事輒正色別白之且誦且對歷陳二凶罪狀明甚至其冒功濫職 上愕然曰彼率將士迎駕有功何謂冒論功行賞何謂濫斌曰此輩貪天功當時迎駕止數百人光祿賜酒饌名數具存今陛職乃數千人非冒濫而何 上默然悉收各御史下錦衣衛獄降謫有差斌斥知江陰縣時諸御史亦

本朝分省人物考 卷三 十一 北直三

皆坐貶而斌當利害際批逆鱗以持公道能易人所難而首出之以為望風承旨者戒蓋其激揚彈劾類如此石曹相繼取敗 上從內閣李賢言令冒功迎駕陞官者自首改正四千餘人而悟御史言不謬也斌外威嚴而內平易下車江陰士民聞其風裁敬憚久之愛戴其愷悌嘗為歌曰旱為災知縣禱甘雨來水為患知縣禱陰雲散天順癸未薦知開封府江陰攀轅泣留不可得其治開封陞陝西叅政去日民如江陰時遮道者萬計治陝奏績成化癸巳陞廣東右布政使蒞事甫閱月卒年五十有七

閻 彙

閻彙灤州人景泰間由進士任御史彈劾無所避巡兩浙禁中官暴橫清鹽鑛奸弊人以閻羅目之著有直菴集

周 玉

周玉字廷璧世家滁之南湖高祖庇哥在 國朝定天下初起從大將樹戰功遂占戎籍於永平衛父賢勇略善戰以功遷至後軍都督府都督僉事充右叅將分守獨石等城天順戊寅虜寇延綏 上驛召至京命提兵往援至則日與賊戰多所斬獲已卯正月

本朝分省人物考 卷三 十一 北直三

哨賊野馬澗接戰四日賊益擁眾迎敵乃挺身直前為流矢所中死之事聞贈都督同知特命玉嗣授萬全都司都指揮同知玉時甫弱冠痛父歿于王事感激自奮期以報虜居官廉慎自持督理屯田邊庾充膽甲申少宰文莊葉公巡撫其地首薦玉掌都司事玉勤于職業剴繁理劇若老于吏事者政譽籍然成化改元威寧伯王公方以都憲總制諸路兵馬復薦玉志氣英銳號令嚴明宜任遊擊將軍統領奇兵以靖地方 上賜璽書命玉具如所請是歲秋延綏有警玉提兵往援斬獲甚眾癸巳虜寇漫天嶺玉率所

部據之虜衆大敗斬獲甚衆進都指揮使總制諸公
遂建議以爲虜雖挫衄然尚據榆林河套以爲巢穴
非潛兵擣之未肯遠遁時各路將領聞議莫有任者
玉乃奮身與前總兵都督許寧統兵出境直抵紅鹽
池賊巢殺敗賊衆殘虜奔竄渡河而北進後軍都督
府署都督僉事甲午秋宣府西路屢報賊警勅玉往
援八月戰賊馬營齊家溝再戰赤賊袁家墩斬獲甚
衆追賊出境而還乙未奉勅充副總兵官鎮守宣府
丁酉奉勅佩鎮朔將軍印充總兵官鎮守宣府庚子
春埃兵報賊窺伺玉率兵自青邊口出追賊至紅崖

本朝分省人物考

卷三

十二

北直三

兒復至龍門獅子衝累敗賊衆追奔出境至水磨灣
等處乃還以功進陞署都督同知癸卯賊自柴溝堡
出沒繼又自大同許家堡出沒玉兩率兵追逐俱獲
全勝積二功與實授仍署右都督八月掛征西將軍
印移鎮寧夏冬十月殺賊棗兒溝丙午奉勅掛平羌
將軍印充總兵官鎮守甘肅明年實授右都督先是
迤西土魯番賊嘗於成化初劫哈密王母金印而去
至是復殺都督罕慎占據其城朝廷議討之玉請因
虜使之還者使齎詔往諭庶或有濟已而果遣使人
貢并獻金印城池及所虜人口始知玉所籌 上大

悅賜勅曰不勞士馬軍餉而坐收成功由爾本謀也
玉歷鎮三邊勞於計畫雖所至有功兵民賴之然亦
坐是嬰疾日思東歸矣前後六七疏乞解兵柄詞意
懇切 上皆不允甲寅疾增劇詔俾回京料理聞命
卽日就道明年正月卒壽五十有七玉器宇凝峻自
偏裨爲大將愛養士卒撫循有恩苟不用命必罰不
貸每遇賊計定而後戰往往克敵制勝功績爲多虜
人至見其旗幟卽驚呼遁走隱然爲邊關之望者若
千年豈偶然哉

齊章

本朝分省人物考

卷三

十三

北直三

齊章字應璧別號慎軒世家永平之灣州大父貴從
文皇靖難授燕山左衛試百戶父安累立戰功歷
陞指揮僉事章雖生于將門自少篤志力學與伯兄
文同領天順壬午鄉薦登成化丙戌進士己丑文亦
第甲科官至戶部侍郎人以二難稱之章初授戶科
給事中甲午丁外艱服闋復除本科庚子進左給事
中再進禮科給事轉都給事中壬寅轉鴻臚寺寺丞
尋進少卿弘治庚戌擢太常卿凡郊廟祀典駿奔誠
恪儀文節奏亶極詳明 天子嘉其勞洊膺寶鏤之
賜章在太常寺幾六載寅恭匪懈翊贊國家禮樂之

功居多其在鴻臚傳玉音達下情鏘鏗洪亮凡朝覲會同万方聳聽其在諫垣累抗章論列陳時政得失以激直忤旨下詔獄人或危之章曰君仁臣直吾忍負 聖明哉竟從寬貸聞者避之謂得諫臣體嘗奉使冊秦晉二宗藩禮成餽遺一無所受其謹于操持增重國體始終益一致也年僅五十八而卒賜祭葬如例

鄭 巳

鄭巳字克修山海衛人也成童入邑庠儷句輒驚人貧而刻意向學隆冬夜燃柴誦書達旦舉鄉試亞魁本朝分省人物考 卷三 十四 北直三 登成化丙戌進士選庶吉士劉文安典教每閱其文輒歎曰山海乃有此子耶改御史會廷推撫臣有弗當巳出即抗章論之語侵當道又累疏指摘撫臣及中貴而權要多忌之矣巡按陝西甘涼諸路災沴連歲邊境繹騷巳上匡時圖治等疏大要以安民練兵責在守令將帥而守令將帥之選責在吏兵二部探本則歸重于君身親儒臣以講學延大臣以勤政獎直臣以來諫壘疊數千言極剴切咸斷斷可行得上允遂講賑濟飭邊備陝以西賴之時勲貴出鎮統袴子弟怙勢凌下監司莫敢問巳捕而杖之濱死實

勲貴人親弟也乃謀中之謫戍宜府總兵慕而敬禮焉館諸佛宮士從學日衆有黠卒怨總兵奏不道事累及巳繫闕下誣白放歸田里尋復官知者欲薦嚮用而堅謝不起蓋其亮節勁氣嫉惡如仇讐談世事弗平輒攘臂憤惋至面詰人罔避故多不耦于時云

周 璽

周璽字廷玉遷安人英之子也成化丙戌英以老謝事璽代為指揮使辛卯征北虜以功擢署都指揮僉事用薦領十二營號令尋統五軍右掖戊戌勅充右叅將分守陽和庚子與威寧海功進都指揮同知調大同副總兵辛丑以黑山墩功進都指揮使壬寅以黑石崖功署都督僉事癸卯虜酋亦思馬因大舉入寇分兵三千守懷仁賊逼下米莊中軍失利璽還兵內援夜忽直賊營時賊乘勝勢甚銳璽大呼厲將士曰今日之事有進無退則無遺類矣衆爭奮無不一當百銳弩齊發呼聲震天地賊少却良久又突入短兵接戰璽臂中流矢令左右拔其鏃督戰益急與其子鵬及共事數輩斬獲十餘級會遊擊將軍劉寧兵至合為一營中軍潰卒多來歸兵勢乃振賊既退失律者皆得罪錄璽功進都督僉事甲辰改元充總

本朝分省人物考

卷三

十五

北直三

兵官鎮代州兼督鴈門三關弘治甲申移鎮陝西庚寅命充總兵官佩征西將軍印鎮寧夏甫一歲議修邊備爲久遠計偶得疾召諸子曰吾生獲佩印分閭分已足無所復望獨未嘗大破醜虜爲朝廷報抱恨死矣瞑目絕忽大呼曰好殺好殺遂瞑年四十有二璽負氣蒞事斬斬尤精騎射知兵習戰近時論邊將者必指屈焉

才寬

才寬字汝栗遷安縣人成化戊戌進士坦闊曠達不較小節喜建功名初任西安知府惠民禮下晝則接本朝分省人物考卷三 十六 七直三
訟牘夜則飲宴遇事裁決如流皆談笑應之正德二年以副都御史巡撫甘肅地方自許襄毅經略哈密以後號稱無事及正德初曹元繼之元黨逆瑾偷處恬逸無復宿謀於是奸孽漸萌寬任情裁決綜理周悉三年改撫陝西行事磊落如治郡時條彙粗立尋遷刑部左侍郎未任復以兵部四年陞工部尚書俱踰季而遷會楊一清忤逆瑾養病命以本官兼副都御史總制陝西三邊軍務抵任慷慨好野戰不拘陣略一切裁決自將值大虜在套率師由興武營擊之斬首數十級徃勝深入忽伏兵起中流矢卒於陣事

聞廕子百戶錦衣衛世襲

郭鏞

郭鏞興州右屯人由成化進士授金華推官刑清民服修通濟橋拜御史按宣大遼東糾劾權貴綽有直聲轉山西副使節省糧耗軍民甚便築修邊墻不憚勞瘁卒於官囊無餘貲

蕭顯

蕭顯字文明號履菴更號海釣以山海衛學生舉順天已卯京闈第二試禮部輒弗利成化壬辰乃得進士第甲午擢兵科給事中有武臣中官怙勢求賞者

本朝分省人物考卷三 十七 七直三
顯批奏尾駁其功坐是賈怨弗卹也涿州巫邪術蠱衆自東方來京城男女爭負土爲築祠宇顯抗章劾之并禁私翊菴觀等數事言極剴切留不報外間傳言禍且不測忽召至左順門令中官諭遣之人始知事後數日詢之則巫已逐矣然權幸人嫉之不置辛丑遷鎮寧州同知時方作草書手閱朝報付其子趣治裝仍終數紙乃罷鎮寧非人所居至普定衛居焉夷俗每獻饋流官納則喜拒則疑且恚至相戕害顯遜謝理論皆敬服無敢恣者弘治戊申稍遷同知衢州府勾稽戎籍取非法刑具悉焚之而所得隱丁甚

衆他如撫筮婺修學舍士民賴之辛亥擢福建按察司僉事領屯田事勸督交至民相率輸納歲無留逋又一年以 萬壽聖節入賀刑部尚書白公昂欲有所薦擬親戚有力者亦樂爲之援顯不復顧戀上疏徑歸歸數日而命下乃治別墅與騷人使客遊行其間有乞書千文者秉燭終卷遂得目疾而賦詠不輟正德丙寅卒續未屬猶憂及時事口占對句課其孫其至死不 如此壽七十有六顯爲詩清簡有思致所著海釣集鎮寧行稿歸田稿若干卷其爲書尤沉著頓挫自成一家卷軸徧天下傳至外國後來者殆本朝分省人物考 卷三 十八 北直三

王和

王和遷安人成化戊戌登進士知館陶金壇二縣布愛舉滯召爲御史巡視鳳陽洗剔夙弊在南道劾戶部尚書張鳳在北道劾西廠太監汪直并奏革西廠聲動朝野按察山東冒寒暑平青州劇盜生平廉介方正不移於時好卒日貧不能歸葬同官陳璧哀金爲賻焉

李時

李時永平衛人成化中中鄉試父貽產悉讓諸兄獨

養老母知岢嵐州廉平多惠政民俗因財退婚曲爲解諭完聚吏卒有鰥者捐俸以配之同知漢中府甚得民心知平涼府持守不渝忤逆瑾改授思州府剛毅有治行所至畏戴德重鄉評

白弘

白弘字宗大別號松菴其先出元部落有把思台者以功受王封國初有士頌者始受籍永平之昌黎弘曾祖也祖誠從 文皇靖難有功後再以克虜功累陞永平衛指揮使弘父廷玉襲嘗推總三千營事弘生器宇英異六歲讀書日記數百言與羣兒戲有一誤墮溝中者衆奔去弘獨垂繩援焉十三能屬文選補武學生三應科舉司馬余公子俊保國朱公永臨試弓馬策略屢優獎之時京營候叅帥者若干人弘爲之首弘治戊申始開武舉弘舉第二陞署都指揮同知未幾實授癸丑冬有舉弘久諳軍務者以前官總理神機營事司馬馬公文升一見稱材且以久滯爲惜尋遷都指揮同知理軍政兼屯田清軍馬政諸務庚申歲總漕都憲張公敷華以弘廉勇協望舉總浙漕弘疏八事上備朝議多見施行居二年奉勅總督海道葺城于圯浚濠于淤抑強警惰以御守卒先

本朝分省人物考 卷三

十九

北直三

是有事於海島者往往招釁而私鹽竈燒疑於烽火
弘悉去之他所施罷皆當利弊又以餘力設師塾以
訓武胄居歲餘海道寧肅正德二年移弘掌湖廣都
司事弘鎮以簡靜南人懷之是歲三法司奉勅流獄
于藩有議死而稱寃者弘得其情正色言之不少畏
却得釋者二百餘人又明年以疾請乃還於浙越三
年江西盜侵衢州鎮巡謂弘練達委以疆事弘竭力
備禦未幾興疾還卒享年六十有五弘雅好吟咏與
客倡和動成卷帙有松庵集藏于家

王 珮

本朝分省人物考

卷三

二十

北直三

王珮字汝溫永平衛人弘治己未進士選兵科給事中
中督工 泰陵中使董役者剝削軍士伐近 陵山
木代薪以規利劾之伏辜故工易完且美糜費之省
爲多賜銀幣陞工科左徽州有豪族爭訟數年不決
命勘遂得情獄成改御史覈應天諸郡公藏知府某
不職懼得罪密通賄即發其贓私罷歸事傳京師陞
刑科都給事中 武廟鋪宮奏省費數千金以濟邊
餉陞順天府丞歲荒餓莩載途竭力賑活甚衆陞都
察院左僉都御史提督鴈門諸關兼巡撫山西裁宗
室驕橫以機要規鹽利者峻拒之合境肅然會虜分

路入寇督兵于寧武關戰禦將官以逗遛失利劾其
罪械繫京師因自劾並三邊撫臣俱左遷尋授浙江
左叅議豪民有匿租數十載躬履畝得數百頃爲公
稅孝豐有作亂者遠近騷然衆議調兵剿之請先往
至卽解散陞河南右叅政分守南陽捕浙川礦賊乃
別脅從若干值盛寒多凍餒死悉活以粥遣之陞左
僉都御史巡撫山東擇有司布各郡審編戶則以均
徭役王師討逆濠道經濟齊魯籌芻糧供億兵皆無敢
犯者及 武宗南幸有司預集夫役數萬候境上疫
作且乏食第令及期無誤悉令散歸活者不可勝計

本朝分省人物考

卷三

二十一

北直三

鎮守指以供御大肆科索屢戒不聽卽正色責之欲
擊以笏乃止陞右副都御史巡撫陝西秦中宗室繁
衍祿每不給爲有司累令多方務積折補其數上下
稱便河湟黠虜欲南下牧馬督因原將士嚴兵禦之
遂遁歸略無所失邊民安堵陞南京大理寺卿擢兵
部右侍郎卒賜祭葬如例

李 金

李金遷安人弘治間進士官戶部員外郎時倉儲馬
政多奸弊清稽不少假借有貴戚誣占民田勘實歸
於民孝廟奇之書名殿壁賜寶鑑以旌之知德安府

賑饑節冗有疑獄禱廟夢中神若告之其誣立白有
誣坐其婢殺主母者讞釋之淫祠為祟杖僧而焚其
廬平劇盜周濂等以神明稱次子涵官至左布政使
清才雅度所至人羨慕之

霍恩

霍恩字天錫廬龍人也高祖成以靖難功陞燕山前
衛正千戶曾祖旺調茂山祖敬父贊皆世其官弘治
辛酉恩舉于鄉明年登進士第拜山陽知縣丁父憂
起補安邑丁祖母憂起補上蔡縣知縣初閣瑾竊柄
天下詢詢靡寧于是大盜乘之扇眾起亂屬久安備

本朝分省人物考

卷三

二十二

北直三

弛民不識兵賊突崩燒聚屠邑煙燄相接賊乃乘勝
勒降吏多棄城走者恩固武胤知兵乃增陴濬隍繕
甲實庾申令嚴約慎邏謹謀泣而誓師曰今日有死
而已退而訣諸妻妻泣而曰脫城破妾焉死恩曰起
臺衙屋後賊至汝登而望之潰汝則死之已而賊果
一騎來勒降曰大王至矣亟辦牛酒犒恩聞之怒執
而戮之徇于師曰吾不盡磔諸狗奴決不共此一天
賊聞之乃大怒悉眾而圍之恩禦之力竭而潰賊執
之妻見其潰也下臺而縊死恩之被執也詬罵瞋瞪
怒髮上指羣酋愕顧失色氣為之惛將釋而用之恩

不屈以刃挿諸口脅之叫罵愈厲遂遇害頸斷無血
白氣縷縷若騰龍乃其面猶生也壯矣哉

任惠 附王蕃

任惠灤州人弘治間舉進士為吏科給事中以彈劾
太監高鳳革為民尋起已卒矣 世廟登基詔旌為
忠直諫諍王蕃亦灤州人弘治間舉進士授御史與
惠交劾鳳亦革為民詔與惠同旌起平涼太守

李炫

李炫遷安人幼而好學冬夏兀坐一室弘治間舉進
士甘肅行太僕寺卿居官忠信好士甘肅歷叛將亂
炫匿民舍中示方略而戢之誣執甚眾炫讞鞫多全
活致政二紀課子耕讀足不至官府

魯鐸

魯鐸撫寧人弘治間由進士官大理評事逆瑾擅權
有黨繫獄欲出之鐸按其罪竟置之法分巡遼海風
節炳著人咸服其公

馬永

馬永遷安人世金吾左衛指揮好讀左氏春秋及兵
法機警善射正德中江彬統宣府兵練西內即自稱
疾篤不諫彬以叅將守太平虜入塞再創去克總兵

本朝分省人物考

卷三

二十三

北直三

官治三屯盡簡諸軍散遣其老弱聽其農市取其備
值給諸健武者健武卒咸奮習武藝益精當是時漁
陽一軍稱獨雄未幾上至喜峰口馳馬欲出塞永
扣馬諫不可上注視久之顧內侍曰此馬永耶笑
而止朶顏首把兒孫結諸虜邀官賞不得輒入塞永
迎擊再敗之自是效順保塞嘉靖初大同軍亂殺都
御史張文錦參將賈鑑朝議且撫永力言不可撫他
日九邊效尤將有河北藩鎮之禍勅永出居庸討
賊以流言而止疏乞宥大禮言官奪總兵寄祿南京
十二年大同軍再亂召至業已撫復還南十四年遼
東軍亂召總兵遼東十八年軍再亂以家兵捕斬軍
遂定陞左都督卒于遼遠人為罷市哭喪過漁陽漁
陽人亦哭罷市兩鎮皆祠焉永為將善詞虜情先
知所從來及眾寡因勢設伏以故虜往往失利去善
養士卒同甘苦又善知人所獎拔列校皆拔起為方
鎮云

翟鵬

翟鵬撫寧人正德戊辰登進士抽分務光出守衛輝
卓有異聲上計考天下第一扁於部王守開封有
並包之謠巡撫寧夏釐奸革弊著有籌邊錄嘉靖二

本朝分省人物考

卷三

二十四

北直三

十三年虜大入寇鵬時任兵部左侍郎總督宣大等
處督兵追剿斬獲晉秩本兵設策生擒逆酋王三奪
韃馬器甚眾為宣大數十年來第一捷竟以過直被
逮卒於京穆宗即位追卹賜祭葬觀其惟有寸丹
懸帝闕更無尺素達權門之句可以想見為人

王道中

王道中撫寧人正德間進士授安慶府推官太湖險
遠人多匿避徭役有一人至縣者即令賠納蕩產民
苦甚道中親詣其所婉曲曉諭止令輸辦本家民甚
稱便揚州知府孫某被劾賦鉅萬道中一勘輒明科
道做服時宸濠餘黨未盡當事者往往以平民誣作
奸細收捕甚寃道中查有賊仗旗幟者止坐四人餘
數百盡釋之稱神明為鴻臚卿侍經筵小心如一尹
順天府卒著有黃齋集

王念

王念遷安人副使和之子登正德進士部使為立坊
念以民貧謝寢之知九江府修復廢毀而民不知勞
念復奏開貢額使知向化居鄉廉靜事母孝以先業
畀兩弟不言公事處喪用家禮士夫化之平居鼓琴
遊詠觴舊游忘倦

本朝分省人物考

卷三

二十五

北直三

廖自顯

廖自顯盧龍衛人家貧力學以廉耻自持登正德進士知穎上賑饑活數萬擢御史巡通倉革中官監收弊按宣大將校科歛冒功者執法釐之嘉靖庚寅疏革鎮守建昌中貴更置將官至今快便附闡者銜甚幾為所陷知汝寧府以直退著拾燼集放言集憫遺錄

詹榮

詹榮字仁甫號角山其先為尤溪人洪武間其曾祖旺者以戎籍隸山海衛榮少即英敏年十二補衛諸

本朝分省人物考

卷三

二十六

北直三

生嘉靖四年舉于鄉明年成進士授戶部廣東司主事權稅河西監兌湖廣皆有廉幹聲晉山西司郎中督餉大同大同帥李瑾者馭士嚴軍中不附屬虜窺塞下瑾令卒浚濠四十里遏虜騎刻日竣工眾譁攻殺瑾守臣以聞詔遣卻永為帥劉源清督師討之叛卒懼欲誅首亂自贖源清不許趣攻之終不能下乃相與謀城可灌也榮曰雲中重鎮以數十叛卒隳其城非計且鎮人何罪而以爲僂乃與都指揮紀鎮等歃血盟討賊而私察賊黨馬昇楊麟者有才略可用也為請貸其死畀三十金使自募士昇麟遂計擒亂

本朝分省人物考

卷三

二十七

北直三

首黃鎮等九人斬之又捕斬許章等二十六人縛獻王寶等二十八人內外讐伏榮乃開城門延諸制府大帥直指使者以次導從鼓吹入拊循城中城中人皆歡呼動地曰微詹公我曹皆魚肉矣自變起至事平凡五閱月焚掠無算獨榮所部錢穀儲胥秋毫莫敢犯論功晉光祿寺少卿以艱歸除服補尚寶司卿晉南京太常寺少卿隨擢僉都御史巡撫甘肅甘肅地與諸番犬牙時肆侵掠榮宣布威德剿撫兼施境內晏然魯迷貢使留甘州者九十餘人大帥楊信驅以禦虜死者九人榮劾信夷以好來而用之鋒鏑傷向化心且示虜弱非計也 詔奪信官厚恤死者樁車送歸國夷皆悅服大同巡撫趙錦與帥周尚文不相能事多肘掣廷議榮故于大同有功宜徙榮大同 詔從之虜以數萬騎入榮與尚文禦之黑山斬五十餘級殺其一酋論功晉右副都御史賜金幣明年虜復犯中路鐵裹門鴉鵠峪且將深入榮嚴兵遏虜衝而遣游騎四出邀擊斬獲甚多虜遁去榮又修邊牆三十餘里為堡七里為墩臺一百五十四虜自是不敢窺大同 肅皇帝喜甚璽書褒之賜金幣晉俸一級代宗克灼與其黨張文溥等謀為亂使告虜若

來吾爲內應又遣人焚諸草場絕芻牧以困我師榮
偵獲之充灼等俱正法論功晉兵部右侍郎巡撫如
故當嘉靖時虜張甚其大酋帳直雲中日蹂躪塞下
人情皇皇而榮爲撫翁萬達爲督尚文爲帥相與戮
力戰守邊備大修虜人輒創去最後以數萬騎犯滴
水崖裨將董賜江翰與戰死之尚文遇虜曹家庄三
戰三克所斬虜過當奉其旗捷聞晉榮俸一級隨
召入以右侍郎攝曹事屬當防秋榮條上十策皆施
行隨轉左而榮病矣其卒爲嘉靖三十年年僅五十
二贈工部尚書

本朝分省人物考

卷三

二十八

北直三

李充濁

附弟充拙

李充濁永平衛人父時官知府充濁孝友力學登嘉
靖中進士知葉縣收黃山巨寇民咸德之徵爲禮科
給事中屢上封事轉河南叅政修築隘口順德山西
九百餘里按察陝西辦官家子五人積寃歷貴州布
政使轉輸賑銅仁荒歉募民以備苗變疏歸於城北
營萬柳庄結社鄉黨深德之弟充拙與充濁同掇鄉
科知陳州州刁猾戀公門溷文檄以擾害鄉民久莫
能去充拙下車訪首罪杖殺之餘衆悉逃散後知南
通州政平訟理卒于官

趙得祐

趙得祐字元吉盧龍縣人曾祖忠由永樂甲子舉人
任御史改刑部郎中致仕以行誼著聞祐三歲失恃
稍長好讀書爲諸生隣人有加以橫逆者讀書自如
人服其雅量登嘉靖癸未進士凡公服以布爲之當
道有司皆重其敦雅甫三月選陝西道監察御史巡
按應天掌南京畿道而嚴緝蘇松等府案牘上疏糾
劾輔臣羣黨側目陞貴州僉事以去未幾以邊材調
遼東巡海省築邊金費調山西兵備分巡冀南道轉
貴州畢節道陞山東叅議而分守遼海東寧道陞陝
西副使備兵肅州其在貴州却金而服蠻夷及撫哈
密酒泉頌之陞陝西行太僕寺卿以丁內艱請致仕
歷任二十七年以清介終始焉林居泊然如書生時
仍下帷枕席皆典籍也薪粟之乏不問蓋其所好在
斯焉居第敞甚知府紀公以贖鍰置瓦甍于城扁命
役守將爲葺聞而艷然曰得祐薄官時無敢取一介
恐虐地方赤子耳今顧累及桑梓耶樂引後輩而企
前修鄉族稱其孝友無間言應事接物坦如也壽七
十三卒至今稱官家不以財累者趙氏也

張世忠

張世忠字顯甫其先山東日照人宣德間祖俊由臨
洮衛鎮撫調衛始為山海人俊三傳無嗣以猶子鳳
襲世忠其子也生而神爽志向不凡少長入衛學慕
詹公榮文藝就正之通兵法而兼文藝嘉靖丙戌中
會試武舉贊畫軍機於薊戊子襲祖職加武舉二級
授署指揮僉事撫臣薦管衛印編徭為後法薦授提
調石門進守備黃花鎮革中璫斂役諸弊進署都指
揮右叅將分守大同中路振揚士氣虜不敢輕犯民
遠出耕穫復請加衛學廩糧科貢額頓加舊尋調應
援宣寧斬獲虜級二十九顆馬駝牛羊八百有奇夷

本朝分省人物考

卷三

三十

北直三

器二千五百餘陞實級資金幣續給誥命兼斬獲捷
奏大臣奏保因邊事回籍對簿旋以西寇棘兵部請
授偏頭叅將是時太原失利人措為畏途世忠聞命
奮然曰正報國之秋也亟赴之虜寇太原矣世忠所
部軍士先期選策應止存千餘而統之與叅將劉維
琥大同副總兵段堂等從寧武關合營追賊歃血誓
相救援乃結隊自侯林西行追至祁縣六支村西遇
虜衆督率力戰虜見其軍士壯戰又力呼騎三千餘
合圍四將縮閉營世忠督戰益力賊亦窘會火藥已
盡世忠憤呼曰我軍被圍諸將皆盟竟不相援國憲

天刑寧汝追耶復督短兵血戰自已至西賊見我兵
死傷衆無援久戰力竭遂躡我營馬為射死世忠頭
中二矢又騎墻獨射被穿腋一箭而死家丁五人往
救張臣及百戶張宣俱即死而士馬亡過半矣嘉靖
壬寅七月九日也事聞 賜祭葬用一品禮謚忠愍

王 鎬

王鎬字宗周灤州人也父璋為義烏丞母李氏感異
夢而生長七尺如神英姿比玉家世故殖為友人周
冉之難以貧值侵歲自啗糠粃而以粟事母嘉靖壬
午舉于鄉嚴嵩為司業欲收之門下不顧己丑成進

本朝分省人物考

卷三

三十一

北直三

士授大理寺評事廷尉雅重之疑獄必屬焉京師有
惡少誘宦家子淫博失千金廷正欲重惡少罪鎬舉
古人言曰凡居官廉雖大臣無厚積其厚積必貪婪
致之如子孫善守是天福不道之家不如恣歸于人
廷正善其言而止居二年改山西道御史首言追崇
之禮出自 聖孝議禮諸臣不過將順而已何敢貪
天功以微榮自私當時中外臣僚羣起攻之未必無
所見何至廢退者未起禁錮者不釋哉疏上人為傍
懼而不恤也初按江西典試事所舉皆知名士分考
官呈中夏相婿鎬曰寧得罪于一家不得罪于多士

竟黜之而相亦不銜世兩賢其人再按河南論其屬
曰當興不興者爲善人遺害也當革不革者爲惡人
殖利也下令蠲贖緩出餘帑大築黃河堤連護十城
全腴田萬頃境內人材不通姓名舉之而鼓勢行私
者抑焉京營冒鉅萬計姦利不可勝數而提督臣爲
宰執肺腑親人莫敢問鎬巡視之輒奏去甚者宰執
銜之出爲山西副使兵備代州邊有警而代當衝鎬
禦免虜患而銜者已媒孽其間左遷湖廣叅議提督
太和山至則督發中賁人贓幣人以天神目之轉山
東山西副使甘肅行太僕寺卿兼攝四道戎馬貨胡
本朝分省人物考 卷三 三十二 北直三

遷一級廢子忌者沮之止賞銀幣轉右僉都御史巡
撫寧夏入境輒有斬獲會楊襄毅公初入吏部首推
薦欲擢貳司馬相子世蕃大恚嗾給事中某論之召
回京別用既入京遇嚴相長揖而已遂乞骸骨歸與
兄同居貴不置私橐親猶子如已出終世未嘗一言
干有司遇親舊有婚喪者輒助之而佐士之貧者時
交薦無虛歲以年至而堅卧矣隆慶戊辰不疾而卒
萬曆改元覈邊功賜銀五十兩

厲汝進

厲汝進字子修灤州人生岐嶷若玉垂髫補弟子員

本朝分省人物考 卷三

三十三

北直三

而苦學博覽尤長于史記先達高京兆王中丞皆虛
心接引之貧爲里中師名士多出其門束脩一錢不
私侍父疾湯藥三月餘疾愈方還帷室嘉靖甲午舉
於鄉或有出百金助息者謝曰書中自有之不願聞
命矣戊戌成進士授池州府推官束帶坐堂判十年
疑獄者七撫按賢之凡諸郡大獄皆質成道路有神
明之頌辛丑徵拜戶科給事中歷轉都掌科論柄相
疏指嵩爲國大毒于世蕃弄權納賄其勢方張童牛
之牯宜禁于始疏上嵩黨黃璫者御前給之曰當大
雩齋戒時何得又來救楊杲 上大震怒不及覽命

廷杖八十謫雲南亦佐縣典史慨然曰生即懸蓬弧長何計秦越即日就道次年竟以考察罷例不復錄楊忠愍繼盛疏云嵩考察外官時逼嚇吏部將汝進罷黜夫言官縱言不當既降之為典史則無過可指也乃以私怨罷黜之則外臣被中者又何可勝數耶曩在池州建德徐紳為諸生以事逮繫汝進奇其才特釋之後紳舉進士至都御史巡撫順天而稱門下士人咸服其識鑒直聲遠震外夷高麗使人貢時問曰厲給事安否其名重如此居鄉二十餘年徜徉泉石詩酒自娛好誼樂施濟貧赴急不計勞之輕重囊

本朝分省人物考

卷三

三十四

北直三

之有無也隆慶踐祚方復原官秋尋以疾卒訃聞京師朝士大夫罔不咨嗟曰正人未究其用世可無斯人哉年五十有九

韓梅

韓梅永平衛人以文行著名領鄉薦任大同府同知六年廉平多惠政士民永懷有驛丞范姓者歿於官妻子流落鬻女為婢梅捐俸贖歸其母當邊事孔棘而轉輸調度得宜總督翁萬達器之薦欲大用而遭疾歸居家惇倫任質鄉黨稱之

李涵

李涵遷安人按察副使金之子孝事孀母以田產讓弟嘉靖間登進士為戶部郎督兌運尚書稱為廉吏知延安府除水患賑饑民兵備肅州修嘉峪城事竣賜金幣旌功軍民勒石紀其事補貴州兵備雪冤理枉民有天星之謠轉左布政擒首惡龍許保等苗民率服

周冉

周冉灤州人少貧備書養親為諸生時上巡撫條議一曰兵失於遙制二曰糧失於漕運三曰田失於屯種四曰虜失於撫賞切中時務登嘉靖進士坊銀遍

本朝分省人物考

卷三

三十五

北直三

散親識貧乏者出使遼東雪中却軍官貂裘之饋歷漢陽知府卒不能斂賻金葬之

王好學

王好學灤州人領嘉靖庚子鄉薦令陳留蠲逋修學及判澤州佐歸德多善政及補太原弭盜祥刑請治宗室驕橫檄撫石州為畫戰守之策為戶部郎督餉有執陞楚雄知府懇疏乞歸助城守火器償被誣者筦金訓同宗恤母族與弟司徒好問媿美焉著有遊藝集

王好問

王好問灤州人知府好學之弟生有異兆弱冠抱嘗世志嘉靖間登進士授太常博士擢御史即劾巨璫不法事出按秦晉上興革便宜却諸祥瑞不以聞穆宗朝益多獻替而重孝思止行幸查內庫諸疏并劾近習謀典兵柄尤極剴切遷大理寺歷官戶部尚書憂時思職無少替南中米湧貴先發倉粟而後以聞有古大臣風先是爲卿貳即抗疏求退至是章屢上始得允歸數月卒賜祭葬贈太子少保立朝恭謹動循矩矱謙抑若不勝衣而內寔不可奪鄉誼族範遐邇共孚所著有春煦軒集

盧耿麟

盧耿麟灤州人嘉靖間以弱冠登進士官工部郎議節浮冗轉江西僉憲多洗沉寃駐大同當叛逆甫定戢以恩威虜入監兵有運籌功督修五堡巨鎮賴以永安世廟褒之卒家無餘貲性直方敦孝友父產悉讓二弟所居庭前無旋馬地博極羣書著有藍山集

劉復禮

劉復禮山海衛人嘉靖中領鄉薦宅心坦夷視躬謹飭歷官陝右同卿兼憲銜二紀餘致政歸服食居處澹然如儒生桑麻外無厚產幼以孝聞迨暮年尚與

本朝分省人物考

卷三

三十一

北直三

季弟同爨每舉箸必呼弟儻它往必輟不食有脩鄰者相與質成愧服平生清而儉簡而有禮可匹古人

王大用

王大用東勝左衛人登隆慶進士授扶溝知縣執法無所阿避當路銜之左遷東平州判陞滕縣令明習吏事每事必探弊端一大瑞進貢折辱驛官吏大用詣郵亭令開篋驗之皆胖襖遣人收捕其解戶於獄大瑞甚懼求免其練明肩事類如此陞大理寺評事改戶部郎中歷官遼東陝西叅政兩縣并祀之

劉文煥

劉文煥字世英樂亭縣省祭官素行端樸爲吏無過父早逝事母王氏孝妻盧氏又孝姑疾焚香祝天誓冬着單衣者三年疾果愈姑歿願爲廬墓文煥曰廬墓此爲子事也葬母後即廬墓所哀毀骨立每日舉土三次墳可望數里嘗鑿井墓傍汲以自爨不數尺泉水湧出始苦忽甘人以爲孝感號其井曰孝子泉署縣事推官沈之唵獎之給米而至其廬聞其言劬勞罔極抱蓼莪之戚乃思歸而侍親文煥喪畢命知縣迎之路沈選給事中不赴任而告病歸養蓋不負文煥所感也

本朝分省人物考

卷三

三十七

北直三

楊騰

楊騰遷安增廣生也廬母吳氏墓有冰花結於盆絲
文秀異儼如樹下人拜伏墳前之象已芝草生焉隆
慶元年親以老疾告終哀毀踰禮幾于滅性既葬居
廬咸如初喪三年七月地產靈芝大小四枝黃紫二
色廬左右成列若植孝行感格事應異常縣以聞于
上官立純孝格天華表于通衢仍給冠帶人丁榮其
身復其家云

補遺

麴祥

本朝分省人物考

卷三

三十八

北直三

麴祥字景德其先永平人永樂初侍父百戶亮調任
金山年十四為島夷所虜轉商日本其王召見之留
侍左右改名元貴因得力學遂為士官蓄妻子然心
未嘗一日忘中國也屢諷王入貢宣德中與使臣抵
京上疏陳情臣夙遭虜抱釁痛心死生路梗流離困
頓辛苦萬狀生還中國夫豈由人伏乞歸省侍 上
意在柔遠不欲遲留之遣令還國許給驛暫詣金山
獨其母存耳母曰果吾兒則耳陰有赤痣驗之信然
抱持慟哭悲動隣里未幾重違 上命別去祥至日
本啓以 聖意仍令人貢申前請 詔許襲職歸養

祥母子相失二十載又有華夷之限得遂其養亦天
幸矣

萬信

萬信直隸昌黎人宣德中知開封守職廉勤夜夢一
男子裸身稱冤曰某為祥符縣民耿陽兒所殺屍埋
庄後信驚寤明日至其家果得屍考驗俱服人皆異
之在任歲久一夕澡畢燃燭廳事呼酒獨酌召二子
曰強毅可建事功忠孝可通神明我去汝勉為之言
訖遂逝

李采菲

本朝分省人物考

卷三

三十九

北直

李采菲字君采號臨江昌黎縣人嘉靖乙丑進士由
行人選授四川道御史兩巡川廣所至以風裁稱尋
掌河南道大計外吏汰斥惟精累官至右副都御史
巡撫山西采菲自行太僕卿以至藩司臬長咸在晉
地故于閭里疾苦長吏賢不肖邊關阨塞夷情向背
如燭照數計諸所措注悉當機宜先是礦徒張守清
聚眾豪里中恐其久而獷悍也編其眾而什伍之會
大璫祀五臺者有所要求意弗厭歸為 上言守清
作奸狀竟以縱寇殃民詔歸歸數年而卒

本朝

人物考卷之四目錄

北直隸保定府

李彥名

何禮

邱鵬

李得成

王寅

趙豫

劉觀

李友直

郭璉

王哲

吳祥

李宏

楊璜

李敏

王文

張哲

本朝分省人物考卷四目錄

馮珪

寇深

王驥

何翕

王瑾

宋傑

孟鑑

張鵬

劉慶

賈俊

田昭

呂雯

楊宣

侯璜

田景暘

吳麟

韓文

王道

黃縉

吳檟



北直四

馮貫

李鳴鳳

曹臻

王宗彝

劉瑀

朱英

張貫

侯觀

王寅

本朝分省人物考卷四目錄

二

北直四

本朝京省人物考卷之四

北直隸保定府

李彥名

李彥名字資善保定府安州人自幼穎異博極墳典
洪武中以通經儒士舉用至京洪武二十年試禮部
尚書時詔天下行養老之政自八十以至九十有差

上慮有司奉行不至令彥名申明德意二十二年

詔定歷代帝王名臣從祀彥名奏以風后力牧皐陶

夔龍伯夷伯益伊尹傳說周公旦召公奭太公望方

叔召虎張良蕭何曹參周勃鄧禹諸葛亮房玄齡杜

本朝京省人物考

卷四

北直隸

如晦李靖郭子儀李晟趙普曹彬韓世忠岳飛張浚

傅爾木赤老溫伯顏阿木安童凡三十六人 帝去

趙普安童阿木進陳平馮異潘美及元臣木犁華餘

悉如彥名所擬三月 上親策多士臨軒命題策問

祀禮賜進士及第任亨泰等九十七人又命彥名龔

石題名祭酒宋訥撰記二十二年冬命彥名申嚴巾

帽之禁凡文武官除本等紗帽外遇雨許戴雨帽公

差出外許戴帽子入城不許其公差人員出城外者

亦如之將軍力士校尉旗軍常戴頭巾或櫪腦官下

舍人并儒士吏員人民常戴本等頭巾鄉村農夫許

戴斗笠蒲笠出入市井不禁不親農桑者不許入魯

王檀堯詔議喪制彥名等奏宜輟朝五日皇帝於諸

子無服宜素服五日而除其諸王及世子服制悉條

議以上 上從之遂著為例彥名在朝贊定禮制最

效勤勞出入拱手按步不差尺寸端謹羣臣莫比二

十三年致仕

何禮

何禮保定府清苑縣人洪武初以才行異等舉十三

年陞兵部侍郎十五年擢兵部尚書奏准令廣東廣

西福建浙江湖廣江西布政司淮安蘇州等衛馬草

本朝京省人物考

卷四

二

北直隸

不許科收馬料不許支給其各衛軍士有年老及殘

疾有丁男者許替役管軍官不許生情留難違者悉

坐以罪十六年奉 旨令僉四府之民有占田四十

頃以上者出上馬一匹三十頃以上者出中馬一匹

二十頃以上者出下馬一匹後又命各處驛馬不問

官給自備其孳息聽令貨鬻惟為事給軍馬匹有孳

生仍令報官又奏准天下衛所善於射者十選其一

於冬月農隙輪班赴京校試不中者罰其指揮千百

戶中者賞鈔五錠連中者十錠不中者亦給道里費

各邊軍士就於本衛較射本年以事免官

邱鵬

邱鵬唐縣人洪武七年進士尋擢御史稟性忠鯁剛決清廉知無不言言無不當值時法嚴遣官籍沒其產止木匙二張木筋五雙故鄉物也復擢廣東臺憲

李得成

李得成涑水人父德儀早卒母張氏洪武初避兵溺死得成臥水求其屍塑父母像與妻事之甚謹洪武十九年縣舉孝廉為大官署丞二十四年改太常贊禮郎二十五年又以割肝報效之忠陞尚寶司丞二十七年八月旌其門孝子靖難兵起李景隆敗於德

本朝分省人物考 卷四

三

北直四

州濟南被圍急黃子澄等謀緩燕師遣人講和得成慷慨請行見 成祖濟南城下請回軍還燕 成祖必欲得齊黃乃肯解兵遣得成歸報朝廷以得成辱命下獄已而宥之永樂初陞陝西左叅政歷陞陝西右布政使數上言民間疾苦民感其惠

王寅

王寅高陽人洪武間以明經薦為洛陽訓導又以經明行修薦授禮科給事中敢言不避權要忤冢宰出守思州至則宣布威德蠻夷率服

趙豫

趙豫字定素保定安肅人洪武間以生員督賦守城

永樂丁亥授泌陽縣主簿未任擢兵部主事陞員外

郎丁內艱起復洪熙初陞郎中宣德庚戌奉 勅知

松江府一意撫循與民休息困窮耄稚至者咸得盡

其情每誦范文正先憂後樂之言曰此吾輩所當法

也滿考吏民數千人請留增秩三品復任前後十五

年清靜如一上下皆化之正統十年吏部論天下有

司治行尤著者十一人豫在上列詔宴於午門 賜

織金衣一襲縉紳榮之及致仕去吏民攀擁不得行

豫在松郡每見訟者非急事即諭之曰明日來始皆

本朝分省人物考 卷四

四

北直四

笑之故有松江太守明日來之謠然而訟者止乘一時之忿經宿氣平或眾為譬解因而息者甚多比之鈎距致人而自為名者何啻霄壤哉

劉觀

劉觀雄縣人登洪武間進士授太谷丞召拜監察御

史陞僉都御史後出守嘉興嘉興稱治尋丁外艱永

樂初 詔訪耆舊奉 命起復除戶部侍郎轉副都

御史時肇建北京命觀鳩木於浙先是所司懼不如

數恐獲罪往往誇功利飾虛文觀至盡革其弊事不

後期因是全活者累千萬人後陞禮部尚書未幾涼

州羌叛搖毒西陲 太宗命觀以刑部尚書督將臣
 往征之羌戎授首羣醜就殲推髻襁負而至者萬二
 千餘西土以寧凱還遷左都御史時雄屬畿內尚為
 雲川軍所擾奏遷白楊口鄉里至今安之官至太子
 少保有議其貪墨者遂令觀巡閱河道尋逮觀并其
 子輻俱下獄尋戍子於邊而令觀隨居王齊曰世傳
 觀守嘉興決死刑刑者數伸手有黃金二千兩字觀
 即截其手以進 太宗嘉歎久之遂蒙眷注冰蘖之
 操始終不渝特因得罪三楊適其子遊官伎忤都御
 史故見構陷歸休止有草舍數椽貪墨者固如是乎
 本朝參贊考 卷四 五 比直四

李友直

李友直字居正清苑縣人讀書通大義兼習律法
 成祖靖難之初友直時從事北平廉司首發密事用
 是深契宸衷遂擢藩司叅議贊翊居守摠誠效勞禦
 敵之方捍城之具罔不周備永樂紀年肇建北京設
 行部除左侍郎尋以事謫戍四年復原職及管官宇
 承命綜理沿河輸運諸務悉心殫慮雖隆寒盛暑不
 替利興害去人咸德之十八年竣事調行在工部十

九年定鼎北京命署兵部事二十二年九月以居
 大行皇帝喪不齋戒公宿降順天府丞尋陞工部右
 侍郎 仁宗嗣位追念舊勞拜工部尚書未幾改北
 京行部奉命代祀秦中前代陵寢還朝懇懇以軍民
 利害為言深承眷遇 宣宗繼統改行在工部命往
 西蜀總董夫匠鳩工料材寬不至縱嚴不至苛軍民
 便焉自是凡有營建一以董督之任委之友直夙夜
 敬慎撫循慰勞人忘其勞而事必就 英宗臨御屢
 勅繕葺京倉及濬築通濟等河施設措置智力弗衰
 正統戊午以疾卒於官

郭璉

郭璉字時用初名進保定府新安縣人由國子生出
 身早不違問學然天資甚美受氣完厚臨事從容喜
 怒不行於色精於吏事簡切不泛永樂初年為戶部
 主事以勤敏著稱已為 文廟所知歷陞福建叅議
 山東叅政俱有政績五年進工部右侍郎九年命往
 湖廣武當山督官觀事集而人不擾事竣回部十九
 年定鼎北京特命安撫江西軍民考察官吏二十二
 年改吏部會 仁廟嗣位益隆眷注命兼詹事府少
 詹事乃改今名暨 宣廟嗣位又命掌行在詹事府

本朝參贊考 卷四

六

比直四

四年蹇義以年老輟吏部政務贊謀密勿遂進尚書
代義理部務為人寬洪簡重得大臣體甄別士類人
服其當但三楊當軸薄其不學無術議 勅方面風
憲郡守令京三品以上官舉保又議 勅今後御史
知縣許在京五品以上官舉保由是天下要職吏部
不得除已而奔競之風大作有以弊言者遂罷御史
知縣舉保之例郡守以上仍舊出於三楊之門吏部
拱手而已正統初侍臣因蝗旱言大臣不能盡職久
妨賢路有 旨回奏衆欲歸罷田里以謝天譴璉獨
以爲不可云非是貪位但 主上幼冲吾輩皆 先

本朝分省人物考

卷四

七

北直四
劉志

帝簡任受付託若皆罷去誰與共理只宜戴罪修省
改過以回天意衆從其言識者是之後八年致仕

王哲

王哲清苑人永樂中由鄉舉入太學擢監察御史按
遼東及江西河南所至有聲累陞山東叅政遇境內
蝗分道督捕毀淫寺以宏公館之未備後以學士楊
溥薦陞湖廣左布政凡有便于民者悉力爲之未嘗
疑滯性至孝歷官廉正嚴明人不敢以私干之民因
爲歌曰王捕虎最執古心無私人不苦囊無錢衣有
補民愛之如父母焉

吳祥

吳祥蠡縣人永樂中知嵩縣爲政寬和逋民自歸者
二百餘戶縣有猛虎劫賊爲害祥乃禱神未踰歲獲
虎二十餘賊黨亦各散去邑內遂安秩滿去吏民詣
闕奏留 上許之在任三十二年卒于官

李宏

李宏蠡縣人由進士任御史素行清介難干以私嘗
巡歷有奸犯密令人以袋金書名事犯置察院厠壁
間入厠見之既出以示衆明正其罪時論廉之

楊瓚

本朝分省人物考 卷四 八
北直四
王國瑞
楊瓚蠡縣人由進士永樂中任山西趙城縣知縣廉
能有聲爲天下賢令第一遂陞鳳陽府知府政績大
著已丑朝覲推天下賢守十八人居第四賜宴并衣
一襲陞浙江左布政時陶得二鄧摩齊等作亂諭平
之省兵財無算時忌於權貴未蒙武功之賞止賜表
裏進二品俸尋卒

李敏

李敏字好學新安縣人永樂丁酉舉人宣德四年除
鳳陽府同知有惠政正統三年陞汝寧知府十年以
善狀著聞特陞應天府尹寬嚴相濟士民敬愛景泰

二年陞戶部左侍郎總督蘇松糧儲兼撫應天等府
景泰五年夏大水滄浸田禾經久不退敏與知府汪
許議當開浚白茆等塘以洩之許躬往常熟縣相視
時久不疏濬壅成隄堰近民耄倪皆臥泣堤上以求
免言一開浚則堰下之田亦就浸矣於是挑濬青墩
浦橫瀝塘共五十六里以通白茆塘鑿開三堰約三
里餘引水通鮎魚口其海口淤塞漫以叢葦仍挑去
約千餘畝於是水得歸海敏在江南救災恤患撫恤
軍民彌盜督餉事克有濟六年陞戶部尚書專督糧
儲撫應天等府天順元年致仕

本朝名物考

卷四

九

北直四

王文

王文初名強字千之宣德間御筆改今名先為鳳陽
府霍丘人大父壁仕元為杭州路總管洪武初左選
保定府清苑簿占籍束鹿焉文穎悟過人甫弱冠領
鄉薦登永樂辛丑進士擢四川道監察御史激濁揚
清綽有能聲時都御史顧佐掌院事少許可文與王
翱于謙同時為御史咸為顧所器重三人中嚴毅剛
介文獨過之時彰德妖人張普祥逆謀惑眾地方騷
動 宣廟憂之命顧佐擇風力御史往治其事顧舉
文遂命與中貴劉永成偕行劉強悍最鍾寵遇文一

以正氣臨之言動無少忽劉亦深服比至羣盜悉平
先是普祥於士民之家曾受一飯一茶者悉附簿書
以識姓名事敗同事者得簿書欲盡捕之坐以通謀
人心恟恟文曰此賊未反時以募緣與之飲食豈知
後日為逆耶坐之非朝廷意也取簿焚之亦不究人
心始安回朝悉以上聞大為朝廷嘉獎用是受知
宣廟越明年擢關中按察使將往丁外艱朝廷奪情
命蒞任章數十上不允正統己未擢右副都御史巡
撫關內期年召回本院視事又明年轉大理卿壬戌
夏大旱朝廷命中貴與安審錄兩法司重囚無慮百

本朝名物考

卷四

十

北直四

餘起文於招議情節悉能背誦於可矜可疑者率以
一二語斷之無不中節與安驚服且歎曰法官如是
者目所未見受知 英廟擢都察院掌院事右都御
史時吏部尚書連璉招權納賂盤據要津莫敢誰何
文疏其貪婪劾罷之風紀大振時朝廷重陝右重地
每以掌印都御史越歲代鎮守正統己巳文在陝右
虜酋也先犯順朝廷以璽書命移陝之關廂居民悉
入城以避賊鋒文以虜賊悖逆天道不久必悔過此
去京師數千里不宜妄自驚擾以搖人心卒如所料
既而得代回京加太子太保左都御史掌院事如故

時南畿富民固山周家豪橫以私債殺人御史按之以法周乞請大同納粟三十萬以贖死時大同有事用兵倉庫告乏司錢穀者請集廷臣議詔可其奏會議間衆未發言文正色曰 祖宗律殺人者抵命貪賊者落職奈何貪富民三十萬糧廢 祖宗法乎衆莫敢異卒坐以法景泰壬申南畿山東河南大饑命文以便宜從事賑貸文徧歷郡邑賑恤之全活不下數十萬越明年朝廷以內閣密勿重地改兼吏部尚書翰林院學士入閣典機務疏納言舉賢賑民數事稱 上意五年南畿復饑仍 命往貸至則訪民疾

本朝分省人物考 卷四 十一 北直四

苦蠲民徭役大開倉廩賑恤所活又不下數十萬餘還加少保兼東閣大學士天順丁丑值 英廟復辟時權奸石亨等以文在都察院時曾劾之乘機報復設計誣陷而卒四方冤之年六十有五久之 英宗亦悟成化己丑復原官諭祭錄其一孫入成均弘治戊午特贈太保諡毅愍文爲人嚴毅廉介寡言笑熟知國家典故雖貴極人臣自奉無異布衣時每廷議百官會集莫敢先發文以一二語裁決衆自帖服屢鎮大藩兩總憲紀振舉綱維無敢干以私者景泰初與陳鎰同事一揖之外未嘗交談諸御史仰其風采

若神明及入閣毅然自任盡心奉國知無不爲事有可否多所匡正朝廷眷重錫以白金印章其文曰忠誠匪懈云

張哲

張哲蠡縣人永樂甲辰進士任大理寺評事有寡婦曾氏私與人通忌其子乃誣以不孝繫獄哲疑之後數日令獄卒出別囚屍僞言于母曰汝子已死汝來收掩密令人伺其母竊與一人喜笑卽併捕訊之果服辜子得免死平冤獄胡景先等一十三人俱奏免歲久旱是日雨時以爲雪冤所感陞江西按察司僉

本朝分省人物考 卷四 十一 北直四

事適有寇葉宗流等竊發山東 勅哲同都督楊洪統軍盪平之獻捷 上賜金帶陞巡撫雲南僉都御史未幾卒

馮珪

馮珪字廷玉安肅人永樂中以壁經領鄉薦初授南京理問折獄詳明庶民允賴陞行太僕寺丞禁革奸弊馬大蕃息巡撫交薦復陞太僕卿初心益勵抵官二年致仕行李瀟然非公事不見邑宰

寇深

寇深字文淵唐縣人永樂中爲郡庠生上言時務

朝廷奇其人召入冑監時山東要路軍需錢穀有弊政遣中貴人陳保生往廉之求國子生精敏者同事得深甚喜宣德初擢刑部主事以勤能稱尋陞員外郎丁父憂服闋復任盡心刑獄凡疑獄人不能辯者必屬之正統甲子用執政薦陞山西按察司副使時天久不雨 朝廷念刑獄有冤抑者特委錄山西諸郡大辟因察其情有矜疑者五十餘人悉奏釋之又上邊務數十事多見采納丙寅四川松藩夷不靖守臣請出師勦之 朝廷念撫治者非其人乃命廷臣推有風力者僉謂深可即日陞右僉都御史以往遂

本朝分省人物考

卷四

十三

北直四

破賊寨擒其渠魁送京師諸番讐伏獻盛甲刀劔三千童男三十七人駿馬四百餘匹繼後入貢不絕於是撫恤士卒相地要害築關堡城池六十處道路險峻者咸削平之以便儲運番夷酋長或率其黨來見乃宣布 朝廷威德且諭以享福之道莫不感化地方底寧 朝廷嘉其能進左副都御史加食二品祿綵幣帛金之賚甚重因母老上章乞終養 朝廷優詔慰留之景泰辛未召還特加獎勞番人乞留者十有七奏不從未踰月奉命提督遼東軍務假便宜之權以往至遼威名大振積糧練兵畫防禦守備之計

中外守臣咸敬畏之海賊李福挾妖術以惑山東之民聚至萬人身親率數百騎直抵海州遣都指揮周英授以成算捕之遂獲千餘人詰其造亂之由得首惡二十餘人械至京師餘皆釋之景泰甲戌北虜入境深議巡邊之策因其勢便斬首賊七十餘級獲馬六百餘匹在邊歲久思親益切或與同事者言及母老輒流涕終日不食累上章乞歸不允丙子得還京議邊事時母年九十有四已感風疾日吾得見吾兒即瞑目矣深悲泣懇求歸省至家母一視而逝哀毀踰禮 朝廷起復任乞終制不允天順改元 英宗

本朝分省人物考

卷四

十四

北直四

復位乃許終制二年臺長缺人復起視事進左都御史深嚴厲忤急百僚畏憚 上深嘉之寵賚優厚常召訪政務但呼老寇而不名性至孝雖居顯仕惟以不得養親為歉諳於世故聽獄能斷人服其明天順辛巳見逆賊曹欽父子兄弟恣意妄為率御史劾之欽等反謀首害之賊誅滅特贈少保謚莊愍

王 驥

王驥字尚德東鹿縣人自幼警敏年十三為諸生卽有遠志登永樂丙戌進士授兵科給事中尋出使山西見徐溝民困奏免鹽池虧課二十餘萬時應天府

缺承務急且冗委署之立辦復署行在都察院事持
正不撓陞山西按察司副使洪熙元年 仁廟素知
其才召爲順天府尹敏決不滯畿甸大治特賜誥褒
之 宣廟卽位之明年陞行在兵部右侍郎時慮南
京根本重地真定州畿內要衝秦蜀二王府護衛兵
多兩遣分調屯駐皆處之得宜宣德乙卯進行在兵
部尚書先是虜酋阿台朶兒只伯之軍猖獗塞下
英宗卽位改元卽遣視師許以便宜行事至見沿邊
城堡不堅將無紀律歎曰邊防如此宜乎寇至翼日
大集官兵問曰往年出兵遇虜於魚兒海首先退縮
本朝分省人物考 卷四 十五 北直四 劉光

者爲誰咸曰都指揮安敬卽命左右引出斬之一軍
爲之股慄又誓於衆曰自今遇敵有不前者罪如之
號令一新兵威大振旣而虜首把禿字羅入莊浪卽
遣都指揮魏榮授以方略率兵勦之遂擒其部落以
還虜始知懼遁走及閱甘涼軍冗冒者汰其三之一
八月還京 上親慰勞之未幾虜聞驥還復入寇
上復勅往至則遣大將蔣貴率精騎數千出境且戒
曰遇敵不捷無復相見也再遣偏將趙安率兵繼之
與太監曾安都督任禮分兵爲殿遂擒阿台俘殺醜
類幾盡邊境底寧捷聞 上遣人齎金幣獎勞加兼

大理寺卿明年還京先是雲南麓川宣慰使思任發
叛累征不利大學士楊士奇等議遠夷不足較只爲
耕守計而驥獨主於用兵辛酉春復命蔣貴率諸道
兵往討之仍命驥總督軍務賜以明鎧雕弓蟒龍緋
袍以壯其行比至聞賊在太候州卽遣都指揮馬讓
授成算以往斬首數百級餘賊遁去是歲冬分道並
進會兵上江以火攻之因風縱火斬獲無算盪平其
巢寨捷聞 勅獎勞召北還時蠻賊耶羅造孽於維
摩州乃遣指揮萬誠率土兵討之賊潰散耶羅逃之
安南復傳檄諭之邊人遂函其首來獻廣南富州土
官儂郎與沈政讐殺十餘年乃宣諭 朝廷恩威兩
雙頓釋至京 上親宴於奉天門百僚以次陪宴論
功封靖遠伯食祿一千二百石特賜誥券追封三代
未幾思任發竄入緬甸謀復叛驥復總諸軍至金齒
遣人促緬甸送思任發至軍前緬人佯諾不遣驥至
騰衝分爲五營與蔣貴及都督沐昂分督以進木邦
宣慰使統兵萬餘駐於蠻江許驥責以忠義賞以牛
酒遂感悅而退緬人擁衆大至密令貴率兵匝江而
下焚其舟數百艘大戰一晝夜賊潰首惡又遁去不
可得捷聞召班師加祿三百石壬戌秋北虜近邊

本朝分省人物考 卷四

十六 北直四 劉光

上復命出巡仍許便宜行事乃自寧夏抵甘肅凡寨堡烽墩悉增修之仍授邊將以破賊及練兵方略事竣還京麓川遺孽思機發思卜發復據孟養以叛戊辰春 上復命總督諸軍率兵往討之至金沙江賊於西岸立柵以拒乃伐竹為梁麾兵悉渡一鼓破之又於鬼哭山顛立柵驥與偏將親矢石往拔之二孽死於亂兵南服遂寧景泰初都督官聚征湖廣苗賊失利乃命佩平蠻將軍印代總其兵遂大破苗賊獲其酋長檻送京師餘黨悉平振旅而還復增祿一百石子孫世襲總督守備南京壬申秋以老乞閒還京

本朝分省人物考

卷四

七

北直四

丁丑 景帝有疾同石亨等奪門奉 英宗復位仍兼兵部尚書理部事再閱月解職禮遇甚厚驥天資通敏遇事敢為每陳利害休戚疏辭懇切讀者悚然與人交不立崖岸循循和易雖位兼將相曾無驕貴之意體貌清臞風儀峻整善談論見之懼然天順四年疾亟家人皆惶懼驥曰古人以死為歸何至是耶對敵人火埋卿龔永吉叙閒闊神思如常客甫出門就席而逝年八十有二追封靖遠侯謚忠毅

何翁

何翁安州人由監生永樂中任武陟縣令敦行教化

寬仁愛人導民孝弟力田捐俸助婚喪不能舉者考滿民走闕留之銓曹嘉其賢加通判俸仍管縣事蒞政十八年以賢能第一擢監察御史振揚風紀辯理冤獄甚多及謝政表正風俗施地建學鄉人賢之

王瑾

王瑾安肅人由舉人宣德中分教潞城陞咸陽知縣興學勸農鋤強植善凡利於民者罔不殫厥心力為之丁外艱歸民思不置陳於 上特旨奪情起復尋以秩滿銓除新尹王瑀來代民猶不忍釋復陳於 上特旨進六品秩仍留咸陽新尹改三原縣後二載

本朝分省人物考

卷四

十八

北直四

陞延安知府凡所以惠其軍民者一如咸陽九載秩滿撫按藩臬各具軍民請留狀交章於 上允之進三品秩陞河南右布政使忽疾不起士夫軍民如喪考妣爭繪像祀之咸陽至今春秋廟祀

宋傑

宋傑字廷英定興縣人宣德癸卯鄉舉登庚戌進士歷任兵科給事中光祿寺少卿陝西布政司左布政使都察院左副都御史叅贊甘肅軍務天順改元為權幸所擠左遷山東叅政移湖廣左叅未幾仍進方伯成化改元進職右都巡撫蘇松尋致仕先後共歷

仕途四十年傑性和厚質實而量有容居官能行所無事人以鎮靜稱之

孟鑑

孟鑑博野人宣德壬子魁鄉薦明年登進士擢吏科給事中嘗持節封王饋遺一無所受陞都給事中不數月拜戶部左侍郎時廣東海寇黃蕭養作亂攻沒州縣進圍廣州甚急朝廷已出師往征復命鑑叅總戎務鑑至去城百里左右請勁兵爲衛鑑惟以五騎從之而入時州城四閉已兩月矣薪穀騰貴人心洶洶鑑卽下令開門聽民出入賊詭乞降鑑知其計募戰士繕甲兵以待之賊果率衆圍城鑑出精銳指授方略刻期擊賊遂獲黃蕭養傳首京師餘黨悉平景泰朝召還措置山西邊儲總理湖廣軍餉所至有功謝政年餘召起南京工部左侍郎抵任數月卒

張鵬

張鵬字騰霄號拙菴世爲保定涑水人父築官兵部職方主事鵬幼已負卓異不與里中羣兒嬉年十四失所怙繼失所恃雖處煢疚而向學則勤勵不懈及入邑庠才思日充正統丁卯領順天鄉薦景泰辛未登進士授山西道監察御史立朝謇諤有才名凡百

本朝分省人物考

卷四

十九

北直四

施爲務持大體略苛細常條奏時事關民之休戚者十而人服其切直朝廷嘉納悉下有司施行之尋按治隆慶等處已亥監南和伯軍之湖廣丙子清理京畿馬政在在卓振風裁賢聲益著天順丁丑武臣石亨恃寵作威福人莫敢犯鵬奮不顧身率同列極詆其罪亨憾之竟被誣構謫戍遼東鐵嶺衛尋改廣西南丹衛後亨事敗人服其矧見幾先憲宗卽位宥還乙酉召復舊官明年超擢福建按察使戊子擢巡撫廣西左僉都御史鵬常謫居其地備諸民夷土俗凡政令之出甚合時宜而邊境用寧已丑言官劾中

本朝分省人物考

卷四

二十

北直四

外大臣之不職者誤及鵬上知其忠獨留巡撫如故尋改理南京都察院事是非予奪一以至公而臺綱振肅辛卯春復改都察院總督漕運兼巡撫淮揚等處明年盜發境內奉勅巡視廬鳳等府惟以恩信爲治輯捕有方踰年盜息仍還南京理院事隨擢右副都御史巡撫寧夏丁酉召爲兵部右侍郎尋轉左壬寅特拜尚書甲辰進階資政大夫加太子少保自是多疾常在告累乞致仕不獲允後復請不已上察其意堅俾馳驛以還命有司月給米二石歲給役夫四人陞辭復賜鈔二千緡皆異數也孝宗卽

位詔進資德大夫正治上卿居家優游自適凡七年而終享年七十有二謚懿簡鵬剛直貞介夷險一致凡六為臺憲歷內地邊方者八所至必感激自效竭盡心力為本兵時遼東守城請開邊雲南孟密思乞受官修貢皆奏止之武臣有乞金齒叅將者執不可其臨政簡約每以生事喜功為戒當歲饑四方奏多盜賊陝西河南諸處尤甚鵬報言此輩特逼於饑不得已而然耳惟罪首惡者一二餘悉宥之則其黨自散矣各道奉行未幾果無事其居官處事益如此鵬為人悃朴無華雖居顯要自奉如寒士資性樂易莊

本朝分省人物考

卷四

三十一

北直四
高安

重不立崖岸不輕笑語其侃侃若不可近然待人直誠故多樂為之用云

劉慶

劉慶字本善保定新城人祖子欽父普安永樂間隨王師征討有功朝廷報之以官不受歎曰吾世業儒以詩書起家安事兜鍪為也遂棄歸田里教慶讀書慶沉毅淵默而性少許可不肯脂韋世俗少游學河間既成瀛鄭之士欽手避莫敢當其鋒遂舉正統丁卯鄉薦卒業成均謁選授河南道監察御史持斧行郡國威聲四震成化改元兩廣弗靖廷議須命文武

兼備御史往大司馬白公圭遂以慶名奏請以行比至廣賊鋒甚銳豨突豕奔眾嬰城自守蓋自元戎以至偏裨莫知計所從出慶為之出奇決勝進三軍而諭之曷以溫言責以大義倡勇敢禁擄掠民間一絲一粟不敢耽臨敵雖矢石交下亦不敢輕有動移慶曰士用命可以戰矣翌日元戎整兵而出號令嚴肅部伍齊整器械鮮明賊望風而遁兩旬間大功遂成慶之力居多焉班師之日行李蕭然 朝廷嘉之陞大理寺右寺丞賚予益厚丙申陞右少卿成化己亥卒年五十有八

本朝分省人物考

卷四

三十二

北直四
高安

賈俊

賈俊字廷傑東鹿人景泰庚午舉人天順己卯就國學被簡為山西道監察御史凡五出巡所至獎廉黜貪鋤梗植弱共稱為能歷按察副使督修德王府工輒就緒遷左僉都御史巡撫寧夏蓋異選也俊至則持憲度嚴軍法麾指任使惟所當數年虜不敢犯成化癸卯召入為工部右侍郎飭材訓藝動必信度乙巳河南饑 勅俊往視悉力賑貸多所全活丁未遷左侍郎未幾遷尚書弘治辛亥勅修 太廟夾室成加太子少保久之有足疾四上疏乞休歸三年卒俊

歷事三朝始終完名巡撫六年不携家眷敝靴泔服至今猶有傳頌之者宦官汪直權傾中外六卿咸屈膝下之俊獨奮然與之抗禮直雖改容起敬然百計傾陷竟莫能動 孝廟欲建水亭俊謂財用匱乏不宜興此無益之工疏凡三上 上雖寢其事而中不憚會太監李廣方爲 上理髮前跪曰罷此老可也 上怒曰工書爲朕省費渠安敢出此言以靴尖踢其一齒俊聞之累上疏乞休 上再出溫旨慰留之俊之直節勁氣受知 孝廟如此

田 昭

本朝分省人物考 卷四

三三

北直四

田昭字明德清苑人由景泰癸酉科舉人歷任福建鹽運司副使天性廉潔一毫不苟取致仕還空然一囊行城市中不車馬守祖產百畝餘以勤儉治家儼若農夫教二子長芝次蘭芝舉鄉薦蘭登進士鄉人以爲德厚流光云

呂 雯

呂雯字天章保定府安州人舉景泰癸酉鄉薦試禮部輒弗利成化初選爲監察御史數直諫有聲會出師征東夷從左都御史李公秉往紀功還擢南京光政司右叅議未幾以內艱去十三年服闋改南京光

祿寺少卿十五年召入爲太僕寺少卿馬政修舉十九年薦爲都察院右僉都御史巡撫延綏有虜警衆議未決雯曰虜旣深入宜堅壁待之彼無所獲必困而歸歸則以勁兵邀其後可以得志果如其言事聞有白金文綺之賚旣乃築邊墻三百餘里虜不得近人恃以安山陝饑榆林獨熟民流集者甚衆雯慮其生變縱令出境必饑而死欲招集無米可恃後設處多方所活不可勝計邊人至今能道之久之徼外益無事二十二年有兵部右侍郎之擢弘治三年遷左侍郎時天下無警曹務外無以自見屢有建白皆下

本朝分省人物考 卷四

三四

北直四

有司比持節封宗藩清稽武誥名籍皆其餘事也其爲人樂易可親交朋友待鄉黨俱從厚遇事善裁決論象緯有驗祿命亦多奇中弘治甲寅卒年六十六

楊 宣

楊宣新城人登景泰甲戌科進士任河南道御史歷禮部左侍郎掌鴻臚寺事立朝有救劉千斤餘黨誣陷疏劾曹吉祥石亨橫逆疏 上僉嘉之至今朝野赫赫有聲

侯 瓚

侯瓚雄縣人景泰甲戌進士授戶部主事奉 命視

湖廣饑奏免稅糧八十餘萬石民困以蘇歷員外郎
出守鳳翔下車卽賑濟流移全活者衆九載陞山西
叅政進光祿卿轉右僉都御史巡撫甘肅時有哈密
之變瓚召赤斤蒙古二衛授以方略克復八城俘賊
千五百餘不自有其功兵部奏聞降 璽書嘉諭及
戰勝邊虜兩賜金幣繼陞兵部右侍郎改南京禮部
轉戶部左侍郎遷南京工部尚書轉兵部叅贊機務
數懇致仕進階榮祿大夫卒子觀登進士官至戶部
尚書

田景賜

本朝分省人物考 卷四

三五

北直四 陳士儒

田景賜字時中保定高陽人登景泰甲戌進士授山
西道監察御史陞大理寺丞累陞左右少卿進本寺
卿成化乙巳致仕歸景賜爲人峭直精敏有幹局爲
御史甚著風裁按治所至貪墨多斂迹推掌三法司
事彈劾無所避在大理持法不撓詳讞平允後引疾
去時年五十九在林下餘二十年吟咏自適絕世故
進階禮部尚書正德元年卒謚文懿

吳麟

吳麟清苑人景泰間領鄉薦由中書陞德府左長史
爲人敦孝友樂施予父嘗罹疾嘗冀以驗安危居官

所得俸祿悉惠宗族嘗值荒斂族人不能自給者罄
家貲易粟以濟之以故鄉里婦人女子亦知其爲吳
中書也

韓文

韓文字貫道新城人天順丁丑進士授行人擢給事
中使琉球嚴禮度宣上意辭所餽物遷戶部郎中會
畿內山東水上疏陳便宜十事尋擢陝西叅議岷番
作亂出奇兵勦之轉叅政進右布政權茶易米以備
儲蓄得二十餘萬陞右副都御史巡撫寧夏尤留心
邊事有司奉令捕豹上疏請止之已而乞休致命給
本朝分省人物考 卷四

三六

北直四 陳士儒

王道

王道蠡縣人天順丁丑進士初授行人爲戶部福建
司員外郎尋陞郎中時荆襄流民倡亂道議郡縣其
地悉入編戶帖然順治陞山東右叅議督理廣寧邊
儲陞叅政歷都察院右副都御史撫治鄖陽時流民
野王剛復亂悉勦捕之又劾宗室擾民及按荆藩諸
不法時以爲允宜

黃縉

黃縉安州人天順丁丑進士授戶科給事中多所建議明爲人性狷介毫髮不苟人有餽謁者嚴拒不受擢江西叅政歸家隱鄉村布衣蔬食如儒生鄉人至今稱賢

吳 櫛

吳櫛博野人登天順甲申進士拜禮科給事中遇事敢言擢四川叅議山西叅政陝西布政時關中饑條陳救荒數策皆見採納巡撫湖廣德威並著總督南京糧儲以疾辭得致仕櫛爲人孝謹嘗捐貲修學置造祭器創建石橋以濟往來修治道路以便行人市

本朝分省人物考

卷四

三七

北直四

藥以濟時疫

馮 貫

馮貫字大用保定蠡吾人也曾祖守道元西臺御史貫少起田畝年十八始知自奮於學正統己巳之變士民驚潰失業貫誦讀不廢及領鄉薦入國學貧無膏燭夜每挾冊隨月光以讀晦則燎薪續明其勤苦如此登天順甲申進士授監察御史嘗出巡邊關按州縣搜吏弊索民隱貪廉才頑多見褒黜成化中上疏言時事曰慎爵賞卹窮民處流移修兵政廣儲蓄禁盜賊平刑獄息邊患節冗費重憲職數事 上嘉

納之及掌三法司事治山西妖民及劾兵部大臣不法事聞者肅然九年進大理寺右寺丞轉左寺丞進少卿不數年遂擢都察院右副都御史又改大理寺卿法律精明持心仁恕嘗曰大理平天下獄獄之不平咎在誰執故當奏讞必反覆訊鞫無憾而後已每廷議叅酌得宜其言載在條例有司至今遵行之嘗應詔舉所知衆稱得人弘治六年拜南京工部尚書九年以瘵乞致仕詔可且命馳驛以歸抵家一月而卒壽六十有四貫魁岸美髯爲人詳審沉靜而有謀謨度量汪如莫窺其際在大理嘗承詔會同三法司

本朝分省人物考

卷四

三六

北直四

錄囚有餼羊上尊之賜會勘肅府汾川王承奉及廷試爲讀卷官皆有寶鏹之賜及卒 上遣官諭祭治其喪葬

李鳴鳳

李鳴鳳定興人天順甲申進士授刑部主事所治皆京兆獄訟間遇權倖家不法必嚴鞫之務俾服辜雖動以危言弗恤後知太原府一富室初育從子爲嗣者旣壯不檢逐之因積憾潛殺其父而遁去有司寬及死者之妾繫獄四五年勿白鳳多方審悉其故卽擒其從子一訊而妾遂得免人稱神明

曹 臻

曹臻安州人登天順甲申進士授監察御史按山東先是濟寧郡縣河流淤塞民饑為盜臻至疏水下洩民得稼穡盜聞風解去擢湖廣按察司副使鄖陽巨賊據險叛亂臻奏立鄖陽府縣卒于官

王宗彝

王宗彝字表倫東鹿人初名倫文之子也嘗鄉試不第 景皇帝以文故欽賜舉人天順初文被法宗彝亦謫戍事白復領鄉薦以成化丙戌進士授戶部主事尋用薦遷郎中督理遼東軍餉後討建州夷以督

本朝分省人物考

卷四

三九

北直四張洪

餉有勞陞大僕少卿久之擢右僉都御史巡撫廣東時建州以方受討疑懼不貢又遮掠朝鮮貢使宗彝謂用兵費且不貲請寬之許令修貢癸卯坐累左遷四川叅議會番夷毀朽茂餉路宗彝出彼不意窘以兵俾修復之累遷右副都御史巡撫陝西入為兵部右侍郎閱潮河川等路兵馬城池尋轉左庚申虜寇大同經略居庸等處右都御史虜犯遼東以宗彝提督軍務亡何擢南京禮部尚書正德丁卯逆瑾用事乃罷歸瑾敗言官累薦不起年及八旬耳目聰明手不釋卷乙酉卒賜祭葬如例謚安簡宗彝儀幹修癯

端謹厚重所至靡不盡力然不事表暴故無赫赫之名

劉 瑀

劉瑀蠡縣人成化丙戌進士初授北臺御史出按陝西風岸峻整不少假借監鄉試尤號得人尋陞蘇州知府以簡靜鎮驕奢風俗為之一變擢山西叅政歲饑盜起瑀乃賑恤嚴緝民賴以安轉福建山西左右布政陞都察院都御史督南京糧儲凡巨猾積弊釐革殆盡復與同事者嚴體統之辨自是不相安矣弘治五年致仕

本朝分省人物考

卷四

三十

北直四張洪

朱 英

朱英博野人成化甲午鄉貢辛丑進士除大理寺評事陞寺副時山西疑獄歲久不決奉命往鞫始得平允轉寺正持法公直強貴敬憚呼為朱蝎子出知鳳翔襄陵王雅敬重之

張 貫

張貫蠡縣人成化乙未進士初授河南知縣慈祥樂易不為苛刻擢南京湖廣道御史轉陝西按察司僉事整飭邊務邊境晏然弘治戊午哈密犯順承命出師平之賜彩幣陞四川副使尋陞貴州按察使以持

法忤逆瑾謫官叅議復進右副都御史巡撫遼東銳
意邊務謹烽火明斥埃凡兵馬芻粟城臺墩堡卒有
成效賜璽書加二品俸蟒衣三襲卒于官

侯 觀

侯觀字士賓其先山東諸城人永樂初曾祖文質以
間右徙實畿內遂占籍雄縣父瓚官南京兵部尚書
觀以成化十三年舉鄉薦明年第進士試政戶部又
明年授河南登封令勤恤民隱薳剔宿弊邑有豪猾
武斷鄉曲父子濟惡人以虎目之觀廉得其情置之
法積害頓除十八年大旱繼以瘟疫觀禱於中嶽願

本朝分省人物考

卷四

三

北直四

以身贖移時雷電交作大雨如注病者以起歲亦大
熟二十年復旱流離餓莩枕籍道途觀發倉賑貸老
羸不能支者為粥食之賴以不死者甚衆部使者交
薦之以治行異等徵時父瓚為兵部侍郎例不得任
御史乃授戶部主事弘治二年淮徐大水奉命往問
百姓疾苦奏免其租稅有差丁母憂服闋復除舊官
九年陞員外郎進郎中十四年行河督漕運令嚴而
信領運者皆如期而至尚書周文端公器之薦觀自
江西司調補雲南司蓋雲南司屬京府事倍他司故
也部中章奏多以委之十八年陞南京太僕寺少卿

既之任念翁年老留京師疏乞終養翁樂之比卒京
毀益甚正德五年改太常寺少卿提督四夷館尋進
本寺卿七年陞戶部右侍郎總督京通倉場明年理
部事又明年虜入宣府大同二邊十一年盜起畿內
皆 命觀兼左僉都御史理軍餉有白金文綺之賜
轉左侍郎 武宗北巡應州之役復兼憲職隨軍給
餉班師賜飛魚衣三廕一子世官十四年陞尚書仍
總倉場疏請裁冗食停工役以實京儲下廷臣集議
咸是觀言謂宜即令臺諫查革不報 世宗御極乞
休致仕溫旨留之四上乃得請令有司給廩月三石

本朝分省人物考

卷四

三

北直四

與隸歲四人觀感泣謂其子孫曰 主上之恩厚矣
吾無以為報汝曹勉之既退杜門謝客終日端坐閱
書史聞親友至則飲酒數行與與如也久之歸雄縣
得疾不起贈太子少保賜祭葬

王 寅

王寅字敬夫容城縣人成化辛丑進士授大理寺右
評事進寺副弘治壬子遷福建按察司僉事辛酉遷
陝西按察副使正德丁卯遷廣西按察使己巳陞四
川右布政使 召拜太僕寺卿庚午擢工部右侍郎
辛未改戶部奔父喪歸守制服除甲戌改刑部到官

幾一月而病再疏乞致不允疏三上 詔許歸養疾
 疾愈起用歸兩月而卒壽五十有七初寅為諸生嘗
 執經從都憲楊一清遊愛其慤而文動循規則及為
 評事執法惟謹權利不能奪山西豪右有坐法當死
 者懷白金二千求脫寅怒曰胡為以是加我將執之
 其人懼走久之陞福建僉事運籌策勦海洋羣寇申
 嚴號令寇畏威遁去海道肅清在陝西分理馬政稽
 牒按藉不遺餘力復墜緒於磨滅之餘還牧地於官
 數萬頃其功居多至其分巡諸道理戎務覈邊情所
 至刮奸剔蠹拒請托制強禦陝之人多能道之韓藩
 本朝分省人物考 卷四 三十三 北直四

支庶因姦毒一女子死井中初有司誤坐他人獄且
 具都憲楊一清廉得其實屬寅治之有緋袍玉帶者
 造寅所出寶帶一束請曰願救吾兒寅正色拒之竟
 論如法在廣西二年一方之獄稱平而簡易安靜不
 失柔遠之體川藩命下會南北邊警告急 詔廷舉
 習知邊務者數人以備用寅在列被徵為太僕馬政
 一新為工部專理易州山廠剽繁折紛得其機要完
 逋負二十餘萬在戶部卽罹家艱以去在刑部病歸
 卒于家

人物考卷之五目錄

北直隸保定府二

| | |
|-----|-----|
| 劉大寧 | 李儼 |
| 李敬 | 張天衢 |
| 劉瓚 | 傅珪 |
| 丁鳳 | 胡昂 |
| 仇惠 | 韓璚 |
| 劉錦 | 李師儒 |
| 張宦 | 馮顯 |
| 崔嵩 | 韓春 |
| 崔岑 | 馮蘭 |
| 宋璉 | 鄭陽 |
| 李緯 | 劉愷 |
| 王凱 | 冉繼志 |
| 郭鳳 | 石宗岱 |
| 王堯封 | 袁宗儒 |
| 石麟 | 邵錫 |
| 王德明 | 賈道 |
| 田蘭 | 鄭紳 |
| 王承恩 | 岳倫 |

本朝分省人物考 卷五目錄

北直五 梁仲德

張勅

何思

高燿

孫慎

楊繼盛

劉斯潔

張執中

張時

陳典

鄭洛

許大亨

劉兌

甯化龍

邊靜

張英

補遺

楊寧

楊潭

魏彥昭

王重賢

本朝分省人物考 卷五目錄

北直五

本朝京省人物考卷之五

北直隸保定府

劉大寧

劉大寧字汝功完縣人儻有大志淳朴如愚恂恂雅飭自幼天資穎異讀書雖寒暑不倦遂得博極羣書淹貫經史尤邃太極圖說以理學名成化十九年領鄉薦授隴西知縣改廣陵復調安陸皆有政聲

李儼

李儼高陽人由進士成化間授南京戶部主事歷陞山西叅議治邊餉先是奸豪多所乾沒儼盡法繩之不少假借顧為當路者所扼遂致其事歸儼孝友性成樵從子無異已出大學士新都楊廷和表其墓畧云公不能容人之私而有容人之量人能屈其所可為而不能屈其所不可為聞者以為知言

李敬

李敬高陽人由進士授監察御史成化間北京大饑敬監糴太倉附闈戚者多陰佔射利敬率按法繩之出按陝西振揚風紀布按官多啣之陰諷他御史劾敬齋憤而卒

張天衢

張天衢高陽人由進士成化間授封丘令有商鬻布置縣前石獅上為盜所竊踪跡無驗天衢取石獅杖之觀者傾縣乃闔門視衣果得布號時人號為斷石公有殺人者匿其屍誣逮甚眾十年不解天衢訊之有羊角風興於前隨至其處有伏屍因緝得其人誣者頓釋人又號為斷鬼公當道交薦授監察御史

劉瓚

劉瓚清苑人成化間知蒲臺廉明沉毅有治劇才建廟學開荒蕪勸耕織民安其業旁邑民將謀盜境內未行輒捕之人以為神明後擢監察御史尋調知襄

本朝人物考

卷五

二

北直五

垣縣時歲饑勸富民出粟以賑之又令採橡實教以煮食之法民賴以甦後復建社倉貯粟四萬餘以備荒歉居五載政通民和及陞知壽州百姓攀轅泣送如失慈母

傅珪

傅珪字邦瑞清苑縣人成化丙午舉順天鄉試明年舉進士選翰林院庶吉士弘治二年授編修甫三月丁憂服滿復舊九年禮部會試充同考官尋為經筵展書十三年兼司經局校書纂修大明會典書成陞左春坊左中允兼編修賜以金幣十八年復同

考會試是年陞左春坊左諭德兼侍讀經筵講書有金帶緋衣之賜正德元年纂修孝宗實錄清理軍職帖黃明年主考應天鄉試又明年主考武舉咸稱得人四年教習庶吉士進日講官是歲實錄成例當陞職時逆瑾欲摧抑之乃以大明會典字訛珪嘗預修詔奪其官降修撰尋以實錄恩陞中允未幾陞侍讀學士五年陞學士主考順天鄉試頃之陞吏部右侍郎尋轉左時太宰楊一清外號秉直陰樹私黨又通餽遺珪數其不公一清不堪於七年越次陞禮部尚書實遠之也時諸司當瑾煽虐之餘事多因

本朝人物考

卷五

三

北直五

程法杜絕請託人不敢干以私條陳十餘事皆關國家之計又以四方災異疊見凡有至者皆具疏以聞時內閣李東陽壻為儀曹郎中恣橫不法珪乃按其廢法笞責之教坊禮部屬也優人臧賢輩憑寵賜請改牙牌製如羣僚又以其舊篆狹小詭奏篆文模糊請易鑄珪令但做舊式鑄與之諸教坊官乃日騰謗欲以中傷而卒不可得上方好佛自名大慶法王番僧奏討田百頃為大慶法王下院珪劾僧曰法王何為者乃與至尊並號大不道當誅詔不問

其妄求亦止又西番僧法王佛子封號皆關禮部珪
執奏以爲狄教不足崇 國制不可廢士論翕然稱
之盜劉六擾中國勢炎熾大監陸闇立監鎗名謀出
統軍 命多官議可否衆依違不斷珪怒而言今兵
老民疲直以多冒功者失志賊在肺腑孔棘民譁然
思亂禍旦夕及 宗社吾儕死不償責諸公尚唯唯
將何待乎明日竟遣監鎗者傳 旨令致仕卽速裝
就道旣歸清苑杜門謝客跡不至郡闢園城西蒔花
植木日與親舊飲酒賦詩爲樂絕口不談朝政不通
書朝貴中有佳山水趣携親友往遊浹旬而返峻絕

本朝分省人物考

卷五

四

北直五

幽邃人所不至之地皆留題焉十年四月以疾卒年
五十有七爲人厚重朴直沉毅端方耻浮薄寡嗜好
內剛外和與人言侃侃無所隱伏自檢甚嚴於繩墨
不失尺寸居閑渾然遇事則精核明審人不敢欺主
應天試事時簾外官有權要囑之行私者送廩餼時
令一私人至簾內欲有所請白卽叱出痛笞之曰此
豈汝所至之地其人竟不敢言說者謂當時一容其
人啟口則行私者得以藉詞矣在禮部尤稱執法一
時士夫倚以爲重爲文平正不事矜刻有北直集人
卷藏於家卒之日棺槨衣歛之具皆自處分書籍詞

翰之類皆封以付諸弟且戒死後勿乞 恩祭葬勿
求墓志銘勿作佛事旣卒撫巡官以聞 上命賜葬
祭珪在翰林時無事表見及柄用則剛大之氣忠貞
之節經濟之才鎮定之力卓然不羣而其處進退死
生之間尤爲俊偉求之古人蓋無愧云

丁鳳

丁鳳字應韶蠡縣人成化丁未進士初授戶部主事
監督京通倉臨清糧斛剗宿弊改鴻臚寺丞累選
少卿南京鴻臚寺卿應天府尹活繫囚百數轉左副
都御史總督南京糧儲奏革冗食軍匠五六千人爲

本朝分省人物考

卷五

五

北直五

通政使兵部右侍郎正德丙子冬虜人宜府兼都察
院左都御史提督軍務六月虜寇大同鳳同總兵劉
暉帥師討平七月復寇宜府鳳調兵却之 朝廷嘉
其功厯錦衣衛世襲百戶十三年回籍

胡昂

胡昂定興人進士成化十七年令如臯性簡朴廉靜
政嚴明綽有聲鄰邑民訟未決者每質成焉十八年
大饑昂面白當道截貸蘇松運糧賑濟全活甚衆民
至今德之累官按察副使

仇惠

仇惠新安人成化丙午鄉試壬戌進士初任知縣更畏民懷當道薦擢御史巡按山西赫赫有聲所作教民榜勸善勸農文曲盡閭閻情狀時值宦監傾害左遷滁州判官後知泗州俱得民心陞山西按察司僉事卒於官

韓 璿

韓璿高陽人弘治間以進士授戶部主事屢督運餉出納稱平歷陞山東僉事分巡遼東時妖人李真等作亂璿捕誅無遺類擢陝西按察副使避謗歸尋起四川按察副使整飭威茂兵備威茂寓萬山中由疊溪達松藩五寨蠻夷據山絕嶮運道弗通璿調集兵士攀木緣崖夜襲其寨且斬且焚五寨悉平一方安堵陞湖廣叅政致仕

劉 錦

劉錦蠡縣人由舉人弘治間授陝西華州知州屬商山猛虎為患錦授民以捕擒之法屢獲虎民賴以安山東盜起將逼潼關錦以武略巡守盜聞之匹馬無敢近關後知湖廣武崗州時戍卒強悍素為民厲見錦威令咸斂服興利革弊士民咸畏敬之

李師儒

李師儒高陽人以進士弘治間授宗藩長史不就罷歸起遷四川布政司照磨歷仁和知縣守汝裕二州時瑾黨橫行郡邑官皆望風下拜師儒長揖而已分巡臨清大賈汪信闔門為兩傭所劫而泯其迹師儒曰安有禍及主翁而兩傭獨存之理一詰得實境內稱神陞山西叅政

張 宦

張宦完縣人弘治中以進士授南京戶科給事中彈劾不避權勢人稱其有骨鯁風陞四川叅議以忤逆瑾落職瑾誅復官終陝西行太僕卿所在有水蘗聲

本朝分省人物考 卷五

七

北直五

馮 顯

馮顯字德彰安肅人由進士弘治間授濟南府推官獄獄明恕賢聲四達復除廬州入為監察御史查盤甘肅軍餉釐革宿弊巡按河南百務肅清時逆瑾諷顯誣冢宰許進顯執不從曰寧忤權倖不枉忠良瑾怒繫還至途瑾被誅得免陞山東副使兵備徐州改九江兵備法令大振盜賊屏息

崔 嵩

崔嵩霖之子始建都司學初第進士任慈谿縣知縣有惠政未逾年而瑞麥瑞穀兩見於夏秋人以為德

政所感陞廬州同知至廬脩郡志築運河有文學濟幹之稱官至按察僉事

韓春

韓春蠡縣人弘治辛丑進士授睢寧知縣時大旱春自責請禱夜夢神柳義送雨果大雨三日劾平江伯擾民罷之擢北臺御史痛革時弊督修皇陵劾宦官李典條陳六事朝廷賜衣一襲銀五十兩尋陞山東按察司副使逆瑾用事以剛罹禍遂歸進階亞中大夫

崔岑

崔岑蠡縣人領弘治癸卯鄉試性行剛毅規模整肅閱極羣書不專師授父母繼沒廬舍於墓側三年遠近士咸依之兄沒撫其遺女撫育禮嫁如已出知榆次六年政化大行後人思之勒於碑述治績彙為錄傳焉

馮蘭

馮蘭蠡縣人弘治癸丑進士授吏部稽勲司主事歷陞文選司郎中守法奉公人不敢干以私陞南通政轉北通政陞光祿寺卿工部左侍郎總理易州山廠致仕卒蘭以清慎公勤受特恩加蟒衣三襲嘉靖

本朝分省人物考 卷五

八

北直五

政元贈通議大夫

宋璉

宋璉字汝器清苑人弘治乙卯舉人初任樂陵教諭兩典文衡皆稱得人擢御史巡視中城鞫金牌鐵劄之獄名重當時奉特旨經略三邊時逆瑾專政璉上疏劾其黨以邊事尅內帑金鉅萬請誅璉而後奸黨可治瑾閱奏深銜之以方謀逆不及加害疏上閱日瑾敗康陵稱真御史云巡按關中墨吏皆望風去釋被瑾誣者幾百人因諫遣歸肅皇即位起湖廣僉事調榆林却餘金萬計給軍士榆林人甚戴之

本朝分省人物考 卷五

九

北直五

鄭陽

鄭陽字宗乾安肅人聰慧過人少從宦學於浙弘治丙辰登進士授夏津知縣躬節儉振頹敝刑清政舉擢監察御史巡按河南瑾賊納賂奪民田而歸之宗藩陽執法拒之遂繫獄左遷主簿尋知潛山縣瑾伏誅遷四川僉事陞浙江副使湖廣按察使所至克舉憲職遷山西右布政使尋轉左陞巡撫寧夏及陝西風紀肅然武宗西巡命督餉於邊時公私匱乏人

皆危之陽毅然區畫事濟而人不擾 武宗悅之有蟒衣金環帶之賜值段州盜起猖獗陽督官兵討平之奏績於 朝詔贈二世如官尋致仕

李 緯

李緯字汝靜唐縣人由進士弘治間授監察御史孤忠危言有氣節居官不滿歲上諫疏幾百 孝廟愛其直後以忤逆瑾謫揚州推官卒以疏稿殉葬

劉 愷

劉愷新安人由進士弘治間任刑部主事才辨明敏無留獄歷鴻臚寺卿授漕運副都御史值山東盜起

本朝分省人物考

卷五

十一

北直五

漕運阻塞愷陳便宜十事徵調兵馬屯拒要害禁築堤墻設墩舖以便防守河決黃陵人力不能為愷為文祭告河復故道尋陞兵部侍郎禮部尚書 賜蟒衣玉帶

王 凱

王凱蠡縣人由進士授南陵知縣慈祥愷悌務勤儉興士風勵民俗擢御史巡紫荊等關號令嚴明按關陝吏畏民懷陞山西按察副使整飭固原兵備時寵宦盛行凱以剛方自守未嘗有夤緣之私後陞山東左叅政未至卒於途

冉繼志

冉繼志蠡縣人弘治間進士授餘杭知縣興學校正風俗禁師巫邑大治擢都察院都事轉本院經歷值逆瑾用事繼志觸之捕下獄遷長子令時歲久不雨民多離散繼志率僚屬齋戒沐浴遍祈諸神遂雨數日陞吉州知州轉順天府治中陝西行苑馬寺少卿以疾歸

郭 鳳

郭鳳清苑人由舉人弘治間授湖廣荊州府通判陞山東萊州府同知賑活饑民數萬監兌德州餘銀三千餘兩悉歸公帑遷戶部員外郎郎中陞四川夔州府知府惟以愛民為心尤勤課士夔庠始發科焉士民立石頌德鳳命仆之致仕鰥居不治垣屋凡宦游者至多避之不見

石宗岱

石宗岱字岳山清苑人由進士弘治中任歷城縣知縣慈祥愷悌省徭役修廢墜時逆瑾擅權索賄弗與遂罷歸後瑾誅復起漢中府褒城縣令遷衛輝通判致仕鰥居杜門三十餘年官郡縣者未識其面云

王堯封

王堯封字伯圻定興人弘治乙丑進士正德中授襄陽府推官操履廉正讞獄詳明崇重學校酷嗜詩書簡訓生徒數人卒登科甲擢監察御史巡按兩浙籍籍有聲尋陞順天府丞嘉靖二年陞巡撫山東右僉都御史八年改巡視閩浙右副都開任十一年再起巡撫十三年遷南院歷南工部右侍郎改戶部進右都御史總儲戶部尚書致仕再起南京兵部尚書

袁宗儒

袁宗儒字醇夫號靜菴其先爲山西郭縣人徙保定之雄縣宗儒幼而穎特舉動不凡比長篤志力學博

本朝分省人物考

卷五

十一

北直五

極羣書弘治戊午領順天鄉薦正德戊辰登進士已授江西道監察御史未幾奉命權茶於陝西綜理周密宿弊盡釐癸酉巡按江浙俗嫁女費侈或因以貧家故多有不舉女者卽嚴爲之禁仍戒諭使節省於是女生始免沉溺又多惑風水之說有親死除喪而未葬者宗儒論以人死歸藏之意及人子不忍之心其惑遂解於是始無暴露其棺者又貧民不克葬者多畀諸水火宗儒乃爲置義塚至今賴焉乙亥巡按河南會有河決勞費莫計郡縣苦之宗儒卽定規畫慎出納省費巨億民力用甦復上六事於朝深

切利病時趙藩軍校不法爲居民患宗儒以法繩之事干宗室因以勢來脅之宗儒卽劾諸輔導官遂致斂手并河北亂法鎮守一切按法正之風紀大振宗儒爲御史時首值逆瑾擅朝政繼又諸養子濁亂紀綱宗儒守正不阿時雅重之丁丑陞大理寺右丞丁內艱嘉靖癸未服闋陞本寺右寺丞時議大禮廷臣頗有異同宗儒執論不移受杖幾斃尋陞本寺右少卿乙酉奉命偕司禮錦衣重臣往襄藩勘事至則據典執律研審詳確衆論戇之事竣 上特降勅褒獎是時有長沙宋知府見忤當道將致大辟 上復勅

本朝分省人物考

卷五

十三

北直五

宗儒往勘至卽湔除枉屈同事者欲誣宋以取媚宗儒曰殺人以媚人吾不爲也事聞 上嘉論之丙戌陞右副都御史巡撫貴州乃力辭資望淺薄不當驟膺三品重任乃改右僉都御史以行時貴州巨盜沙保等攻劫府庫聲勢甚熾宗儒至相機設奇發兵勦捕遂生擒首惡斬獲餘黨捷聞有白金襲衣之賜又劇賊王阿勝等盤據山谷爲二省患宗儒用策殄滅地方遂寧又緬夷貽害遠方欲建長策乃陳九事於朝亦賜俞允戊子以事忤當路回籍別用辛卯復起撫治鄖陽等處地方至鄖陽急先務脩廢典表鄉賢

名宦以勵人心旌孝子節婦以敦風化有故鄣陽通判子寇韋者山東人流離不能歸宗儒爲之備禮納婦遂成室家其後韋中湖省高第實宗儒成之也未幾改巡撫山東時山東盜千百爲羣宗儒至卽克平民皆安堵歷城章丘有窪田數多淫瀆積久廢爲沮洳乃以田數定夫額令鑿渠以通河導河流以入海匝月而就遂成膏腴癸巳以災異自陳致仕宗儒既去任言官交章論薦乙未復起原職管理院事丙申陞南京戶部右侍郎戊戌改北尋轉本部左巳亥春二月 上南巡宗儒扈蹕勤勞旋京浹旬而卒訃聞

本朝分貨物考 卷五 十四 北直五

上甚哀悼命禮工二部給祭葬焉宗儒跋歷中外三十餘年冰蘖之操有如一曰其居第卑隘自奉甚約雖淑人之冠紳衣帔尚未克備乃割香城里田數畝置義塚曰使吾鄉之貧不能葬者有所歸生平無私書私謁閑居則兀坐靜室不妄接人雖隆寒盛暑手不釋卷嘗曰吾以忠孝事吾君親以勤儉示吾子孫吾事畢矣當隨 駕南狩時民有以子易鵝獻者宗儒知之顧同坐者曰吾輩食人嬰兒也亟命持去贖其子霍文敏常曰文官不要錢惟戶部侍郎袁宗儒而已

石麟 石麟字邦瑞完縣人少負異質善摘文正德戊辰登進士筮仕戶曹出納惟允出守太原却羨餘千金理冤獄五十有古循良風未幾力乞骸骨歸或浪跡竹林寄傲詩社解組三十餘年無一書抵政府年八十四嗜學教子不倦

邵錫 邵錫安州人登正德戊辰進士賦性剛方持身廉介久居諫垣獨持風采諫止邊徼巡幸論頒迎立爵賞爲 朝宁倚重勘事甘肅讞獄明允拒却鹽商萬金

本朝分貨物考 卷五 十五 北直五

疏請大臣賑濟饑民多所全活既拜中丞所屬官吏望風解組查革王府奏討莊田澤及小民尤篤於孝友歸來杜門課子不干有司生平多著述藏於家

王德明 王德明字宗周清苑人由正德戊辰進士歷官巡撫山西都御史以直節著稱惠政感召瑞麥疊見跋歷中外最効勤勞其宦轍所至俱得士民心歸家後訓課子孫科第相望持已接人確然不失尺寸時論賢之

賈道 附弟運

賈道字會稽東鹿人由進士正德中授山東益都知縣陞戶部主事監河西務稅講明道學爲士林矜式居官峻潔一塵不染卒之日無以爲歛時論高之弟運字會期由進士正德中授南京廣東道監察御史陞陝西慶陽知府歷西寧備兵按察副使其直節懿行有古人風

田蘭

田蘭字世馨清苑人昭之子由進士授山東道御史理刑遭逆瑾索科道千金蘭不從改蒙陰令政不苛察得子民體繼歷官大同知府時以邊卒缺糧久戕及憲臣蘭踵其後多方處給反側始安以病告歸蔡中丞憫其貧贈之白金還卒於家僅成葬禮門第蕭然

鄭紳

鄭紳字公佩別號敬菴涑水縣人祖友以從兄征進都勻東苗西堡有功授錦衣百戶世襲遂居都城友生表以從征大同有功晉副千戶累指揮僉事紳爲指揮君長子當承廕乃顧雅嗜文墨年十餘受書不釋手指揮君侍朝蚤起紳必先焉歸入戶輒聞讀書聲定省唯時色詞以恭指揮君暨母胡相顧喜曰世

本朝分省人物考

卷五

十六

北直五

本朝分省人物考

卷五

十七

北直五

稱讀書人明理道習孝敬吾兒信然大吾門必此兒也令就學於司徒李公李公大奇之一時同學多士鮮或之先焉舉正德丁卯鄉試甲戌成進士乙亥授戶部主事已卯父指揮君卒侍疾執喪務竭其情既葬廬於墓側百日以母命歸處中門外不入私室不與宴會者三年辛巳補戶部晉員外郎歷遷鴻臚寺左右少卿丙戌陞本寺卿戊子居母喪庚寅起任通政司右通政尋轉左丙申進通政使已亥扈從南狩賜衣帶銀瓢三事已晉工部右侍郎以慈慶慈寧二官工及城垣鼓樓京倉諸工數賜金幣庚子以大工告成加俸二級及金幣之賜已晉尚書掌通政司事俸食一品紳自入官三紀凡九遷不出都城門而累績近列晉位上卿紳曰吾其止足時矣遂上疏乞老得俞旨是爲歲乙巳紳既賜休甚適乃故都城居也朝大夫舊游及諸後進知紳名數就紳訪政理輿馬相屬紳一切謝避之乃於都城之南里許築居號南池書院引泉種樹鼓棹中流就訪者又至乃又去都城數十里於西山得冷泉之勝築居號北泉書院偕朋舊子姓數輩以往間來南池復往探幽尋樂紳之詩曰世多君子扶皇極天放閒人養太和都城人誦

焉紳事父母孝事仲父如所生仲父持家政有幹濟勞紳念之為之勒石墓所示不忘與諸兄弟約曰母爾我視也母有餘不足論也吾黨今則七人矣其先一身耳願世世同堂合食母改於今日約定俸人不問所費久之食指以千計勢不得終合紳乃悉捐先世遺業讓諸兄弟曰吾固食公家人也烏用此諸兄弟感泣弟紋幼紳教之學後領鄉薦仕至濟南府同知故所師事李公寢疾獨招紳受遺囑如子紳為治後事如所生同學友病疫且死不能語執紳手授之千金竟不語後紳為卜居定業安處其妻子子長以

本朝分省人物考 卷五 十八 北直五

所餘金還焉居官門無私謁而紳亦未嘗干人以私涑水邇都城邑侯有為夫役之餽者紳曰吾家世邑人也乃今詎可私役邑人謝之居身不喜為無益之勞所在正襟屏息坐竟日因以敬名菴卒之前數日手為書遺親戚朋友備道情故曰吾其長別矣遂卒年八十有一

王承恩

王承恩高陽人由進士持志剛方立心廉靜官至工部郎中監運同知土房一間薄田致訟而已林隱四十年不及公門雖上官賙恤里人餽送悉却不受郡

守吳嶽再造其門未獲一見嘆為一世高人縣官狀其行於憲臺題其門曰一鄉善士

岳倫

岳倫字厚夫別號雲石保定人少負奇節以上谷僻陋寡見聞挾冊來京從學士許公遊許公奇之嘉靖壬午領順天鄉薦丙戌登進士第授行人使汴歲歉見饑孳塞途還 朝即上免徵遺賑一疏詞甚激切已復兩劾權貴專擅數十事遂落職為山東齊東縣簿稍遷山西曲沃知縣累晉工部主事員外郎郎中職所宜舉不遺餘力會 朝議羣臣才可往諭安南

本朝分省人物考 卷五 十九 北直五

者倫名在選中己亥正月也駕幸承天倫首諫止詔下禁獄凡六閱月獲賜罷歸上谷平生憤激之抱時於聲詩焉發之倫美髯渥顏身長七尺偉然一驍雄丈夫謂當遠到而官止郎署年僅五十有一倫性剛烈遇事輒發然心極慈仁恤困扶危古人不過俚夫有一言當理亦不忍棄嘗欲上書 闕下徧歷九邊分屯建戍選銳募勇起遼海迄今蜀川修洪公舊業以扼潮河之險追王渙遺跡以復興和之城徙朶顏諸夷於開平廢壘以大寧地內屬振哈密孱弱之裔以制吐藩又欲仿金元故事立瀛海平滌諸鎮羽翼

神京諸所經畧既定則西羌不敢窺甘涼而吉囊僉
答無能猾夏也有志未就惜哉

張勅

張勅字汝欽完縣人嘉靖己丑進士任御史氣度磊
落落事體練達巡山海關卓有風裁因論劾冢宰同掌
道者俱回籍屢有疏薦竟未起用萬曆初進太常寺
少卿致仕

何思

何思雄縣人嘉靖壬辰進士任戶部郎中氣質俊偉
才力恢宏陞大同知府軍民雜處措置得宜陞巡撫

本朝分省人物考

卷五

二十

北直五

都御史戎事咸修邊方攸賴以疾在告後用臺臣薦
復起宣府巡撫軍務不振舊疾作乞歸始終清淡如

高耀

高耀字子潛號熙齋登嘉靖乙未進士歷官戶部尚
書太子太保耀里居築室城東隅種竹蒔花嘯咏其
中當路先修謁者始出報謝無所造請或以事咨有
關一邦利害如建麗譙行條鞭審馬戶則侃侃盡言
利大溥於鄉人至接人則和易率真卽遇子行無傲
頰而又大德容物甚有鄉紳後進加以不遜者亦頷

之不校爲文純雅不事矯飾所著有太保集藏於家
蓋惇惇先進君子也以故年登耄耄子姓振振焉

孫慎

孫慎號聯泉大寧都司人祖濂保定右衛百戶以孝
行著聞有友人垂死寄一篋於濂濂俟其子至付之
封識宛然子啟篋有白金千餘兩感泣欲折半爲報
而濂終不受教慎如嚴師慎登嘉靖甲辰進士歷官
御史大夫性度倜儻器量揮霍當鎮撫榆林秩尚僉
都以搗虜巢首功蒙 恩錄蔭晉貳總臺風裁獨持
歸田來尤嗜義無窮嘉惠後生閔都司學官庠隘爲
捐資恢其制羣里中茂異與諸子攻制舉業爲館穀
而督誨之登科第者多出其門族黨戚友待以舉火
者數十家築灤西莊觴咏其中所著有樂府詩集藏
於家

楊繼盛

楊繼盛字仲芳其先小興州人也當洪武中小興州
數中虜詔盡徙其民內地得保定之容城家焉繼盛
生七歲家貧父使飯牛踰年從牧所以間往里塾觀
里中兒誦讀揖遜而心好之歸謂兄請得受里塾學
兄曰若幼何學艱然曰夫幼者任牧牛乃不任學耶

兄言於父聽之學然不廢牧也十餘歲父喪兄坐邑賦踐更遂往代踐更至十三從師受經為舉子業漸有聲十八補邑諸生踰冠讀書於邑寺僧舍自勵刻苦恒讀至夜分燈且盡瞑坐而思會寒無下襦透屋行且溫誦日所臆令脛以上微暖得稍假寐明年春諸僧病疫且甚同舍生俱去獨留為之親爨事問醫調藥僧以次愈而兄病疫亦作於是歸日夜不解衣而扶持亦愈時人異之為語曰疫無鬼以為不信視楊子既為諸生數從有司薦不利家益貧然益以勤苦其術業益進登嘉靖丁未進士授南京吏部

本朝分省人物考

卷五

二十三

北直五

驗封司主事及與考功郎鄭公曉遊鄭公者素負鑒裁獨愛重之謂人曰夫夫非吾所及也因為語古今成敗得失與國家章典諸郡邑吏入肄事者鉤得其弊乃為嚴登籍定序先後革冒替翕然稱服是時關西韓公邦奇為兵部尚書韓公大儒始從之而受樂三月而得其數乃謂韓公曰樂體於理而用於聲者也有器而後有聲夫器理所寄也乃構桐竹絲漆手製管和矣已製琴若瑟若簫笙埙篪之類諧而合奏之若一以復韓公公大悅曰技更進是乎居吾語汝吾欲製十二律之管管各備五音七聲而成一調何

如退而凝思廢食寢者三日夢大舜坐投以金鐘使之擊而謂之曰此黃鐘也醒而汗愧若悟者起篝燈促復製管至明而成者六已而十二管成韓公撫膺高蹈曰得之矣始吾輯志樂成而九鶴飛舞於庭其應乃在子耶韓公既歸老語之曰樂不足以盡子吾授子以天文地理太乙六壬奇門兵陣之書乃徧習焉會諸僚有講聖門之學者又從講學人或謂此曹子什伍賣聲譽奈何中之不顧曰道在人志耳子不聞夫商丘中誘而投火以得寶者耶明年滿三載考道由山東謁曲阜孔顏氏廟徘徊於俎豆之間久之

本朝分省人物考

卷五

二十三

北直五

登泰山絕頂望雲氣慨然歎天體之不盡益有志於學辛亥遷兵部車駕司員外郎時咸寧侯仇鸞以雲中騎勤王驟得兵政天子虛已聽之而侯鸞驕且內畏虜虜請於二邊互市市馬侯鸞王之奉以中國幣帛議遣使乃上疏條論其十不可五謬且曰夫此十不可五謬非唯公卿大臣知之三尺童子皆知之然而有為 陛下主其事者蓋其人內迫於國家之深恩而外懼虜之重勢內迫國家之深恩則圖倖目前之安以見效外懼虜之重勢則務中彼之欲以求寬宜振獨斷發明詔悉按言互市者選將練兵聲罪

致討不出十年臣請得爲 陛下勒燕然之頌懸倦
答之首於菁街以示天下萬世疏奏 上壯之下相
嵩等八臣議咸唯唯侯鸞怵憤曰豎子目不知虜宜
其易之乃密疏云云上意遂中變下錦衣獄就置訊
持論侃侃不屈獄具貶狄道縣典史狄道在陝西之
臨洮山中其民不畏法比至敬共其職冬月受請讞
竟暮弗倦臨洮民翕然稱楊公神明卽監司以難獄
猶豫者輒問楊典史云何不以及令也少暇則進邑
諸生爲講說文義大指諸生人人得意恨見晚因買
東山超然臺剪棘立書院以居諸生祀伏羲而下至
本朝分省人物考 卷五 二十四 北直五

山耶邑遂不苦薪爲典史狄道三年吏民愛之呼楊
父諸生或稱關西夫子而虜數敗約入寇侯鸞奸復
露罪至族天子思之稍遷山東諸城令之諸城月餘
卽遷南京戶部主事之南戶部三日而遷刑部湖廣
司員外郎復調兵部武選當是時相嵩最用事惡侯
鸞刺骨而善繼盛之策以不得立貴之爲恨然天下
之惡相嵩甚於惡侯鸞始遷刑部卽欲移疾歸旣復
調兵部則中夜起坐自詔曰天子遇我厚矣我何以
報塞張夫人從傍笑曰公休矣且歸耳公曰何謂也
張夫人曰夫一侯鸞而困公幾死今相嵩父子百鸞
本朝分省人物考 卷五 二十五 北直五

周孔配以濂洛關閩諸賢狄道之旁地故多回夷其
子弟悉習梵典召而約束焉爲立二經師而身誨其
稍異者三十人諸生日益衆無所取食乃集邑吏搜
飛灑者伏糧得三十石而鬻所乘馬及婦張夫人服
裝買民間最重賦地二百畝白於府以伏糧予之乃
倣故井田意割授諸生父兄使畝入粟以給筆札及
婚喪之費又買城西廢圃使茹蔬而引洮河之水灌
溉之地益以肥饒給諸生邑故有煤山生番制之不
能開而仰給薪於二百里外乃挾衛指揮單騎往召
生番諭之咸服曰楊公卽須吾穹廬且舍而況此煤

臣既去豪傑必出賞罰既明軍威自振胡虜畏 陛下之聖斷知中國之有人將不戰而奪其氣聞風而喪其膽矣內賊去外賊除其致天下之太平何有疏奏 上恚其慙而相嵩方以他事得 上意構之復下錦衣獄詰以何自引二王對曰非二王疇不懾嵩者且王家事渠寧不憂為嵩敗耶獄具詔杖至百有遺以蚶蛇膽謂服之可以禦杖笑曰吾自有膽何蚶蛇為却之第飲一卮酒畢受杖送司寇獄劊甚至夜半而蘇獄吏內畏嵩屏去藥食乃碎菟碗手破諸腐肉血稍稍起司寇當以詐傳親王令旨絞中外駭且

本朝分省人物考

卷五

二十六

北直五

十月朔論死臨當赴義出所著年譜授其子應尾曰後十年可開也復為詩二章其一曰浩氣迎太虛丹心照萬古生前未了事留與後人補其二曰天王自聖明制作高千古生平未報恩留作忠魂補蓋慷慨曼聲長嘯以沒沒之七年而相嵩姦狀大露御史林潤白發世蕃大逆狀論棄市籍其家貲巨萬萬嵩削藉寄食於人以死又三年而 天子崩遺詔褒錄諸死諫者吏部以繼盛名居首贈太常少卿錄一子太學生謚忠愍祠於保定額曰旌忠

劉斯潔

本朝分省人物考

卷五

二十七

北直五

劉斯潔號我山易州人登嘉靖丁未進士歷官南京禮部尚書為人雅尚氣節清介剛方所至不阿權貴惟執法廩廩位躋八座囊無餘資居家恬靜嚴整遇子姓儼若朝典日夕督課之不少怠部使者取道易水咸為脩謁時或一面去曾無所報謝至公府覓一字之干不得也庶幾有廉頑立懦之風矣

張執中

張執中號歷山清苑人中嘉靖丙午舉人由日照尹擢戶部主事行能廉善方駕循良晉署度支則剔奸蠹平出納錙銖不染迺恬介不阿竟失權相歡而歸

時年甫踰強仕家居篤於孝友仰體父意戒殺樂施每疫癘行卽延醫捨藥全活甚衆與弟不析箸者三十年育諸姪無異己子門內不失雍熙之軌焉日取四書五經子史折衆言羣疑而衷諸理勒成一家言爲諸子姪及後生先資至老不倦壽八十二部使者表爲人瑞品可知已

張時

張時字宗易保定易州人也少與楊太常繼盛同學楊兄事之嘉靖中先後舉進士楊拜南京吏部主事稍遷員外而時方待次公車會北虜入寇長驅薄都

本朝分省人物考

卷五

二十八

北直五

城下京師戒嚴時倡言於當事者請與虜決戰當事不能用虜退復來以入貢爲名大將軍鸞上言請令塞上得納胡馬因稍易以繒帛塞南侵之望詔許之其年楊適入考調兵部客於時所遂草疏劾鸞誤國不道以稿示時時曰此疏正不可少第必無聽如聽之將令爲之當誰屬乎楊曰請以屬余某有死以報國而已時勃然作色曰丈夫死必濟國家事豈徒死耶因私往見陸太傅炳說曰大將軍議開馬市楊真外以職事宜言主上幸而見原大善有如聖怒不測使漢有殺計臣之名爲夷狄笑竊爲大將軍不取也

此其責宜在太傅太傅深然之及疏上下楊繼盛詔獄責問坐謫邊尉得不死後歲餘鸞伏誅楊復召還兵部甫至京十九日又坐劾奏嚴氏父子事論棄市先是楊旣之邊時亦尋以憂免至聞楊召還諫死獨恨弗能救又復自念業已往卽救俱死無爲也因爲之發喪於易水之上而服焉且爲力存其後或問君與楊子異乎答曰昔者伯夷太公兩人者同歸周豈其志不同哉然而孟津之會尚父鷹揚夷齊叩馬彼固各有謂耳其後六年丁巳服闋補刑部主事有詔令大臣各舉才堪邊寄者以聞於是九卿中三疏薦

本朝分省人物考

卷五

二十九

北直五

時調職方主事其年奉使徵兵入衛西自秦中還上邊事因言故將某某可用從之己未遷員外郎尋出爲山西按察僉事備兵獨石是時邊戍久空動倚客兵爲援其實首鼠伏匿不敢戰所過騷然不寧邊民苦焉時乃始請罷客兵復屯戍稍益募壯士教練之久之西北傳舉烽言虜酋黃台吉且入寇時私與部將計曰虜入必先掠龍門龍門者宣府之右臂也龍門失守虜必乘勝南下逼近紅門此其爲患不小乃自選騎卒得七百餘人趨援龍門俄而虜果大至凡數萬會日暮分屯夾道爲營營長可數十里時復私

計曰虜至不知我有備且賊雖衆屯夾道道狹難猝聚可掩擊也因出死士數十人夜襲虜營中大亂首尾不得相救盡獲騾馬牛羊以歸台吉聞之大駭黎明悉衆來攻龍門時令集民間車環以爲營以五色綵繒畫龍文衣車上出城中老弱守之而以精騎自將而前與台吉戰大破台吉兵於龍門之野我兵銳甚往往馳戟入虜壁斬騎將騎墜輒刺殺之有捕虜者謂台吉言我累歲盜邊莫我抗今若此固憤不肯退及遙望見後車車畫五綵龍文勢甚壯望之如山業思爲遁計適城中樵夫爲虜所得問得虛車狀

本朝分省人物考 卷五

三十

北直五

陳典字敦卿大寧都司人嘉靖庚戌進士任山東東昌府推官擢給事中練達老成風裁懋著陞叅政按察使左右布政所至卓有政聲薦剡相繼爲閩中方伯三年人皆感德卒於官

陳典

鄭洛

鄭洛字禹秀謚襄敏中嘉靖丙辰進士授山東登州府推官選廣東道御史歷官至兵部尚書爲直御史又爲名藩臬以至開府建牙節制經畧其壯猷偉伐功在封疆居家明農積粟三千石以歲之無年捐二千石以賑闔邑接待里人無論士大夫卽齊民亦與之平等揖讓里人士生則頌義歿則致哀焉

許大亨

許大亨字貞甫安肅人登嘉靖乙丑進士授山東兗州府推官卽辨張子時之寃人號神明徵拜御史初按雲南至則却樣金珠寶累巨萬而又奏免採金之額劾黔國沐朝弼之暴滇人至今尸而祝之再按蘇松以不阿江陵相國轉漢中知府遂疏請休致歸家杜門謝客片刺不入公府母病籲天以代夢賜良醫而疾果愈蓋真正直立朝孝友宜家者矣

劉兌

劉兌新安人中隆慶丁卯鄉試初知陝西富平以治行高等擢戶部主事去之日邑人愛慕不忍釋管太倉銀庫盡釐風蠹卽權貴無敢干以私三年積羨金四十萬尋陞員外管餉代州二年復積羨金二十萬

本朝分省人物考 卷五

三十一

北直五

毫不以潤私橐又置倉實穀萬石以濟州人尋陞靖虜道叅議政績益茂請告無幾尋蒙特旨起肅州道叅議前後蒙 賜鎡寶者三蓋異數也其居家置義田立義學修橋梁以惠宗黨里閭者尤難縷指所著有靖虜議二卷新安考二卷淑世談數十卷大有裨於國事風教者

甯化龍

甯化龍字文明號雲田保定新安人生五歲始能言比就外傳一意問學年十四補弟子員萬曆丙子舉於鄉丁丑第進士戊寅授中書舍人已卯冊封周藩

本朝分省人物考

卷五

三十二

北直五

壬午陞工部都水司員外郎視慈寧宮養心殿諸工程夙夜勤事有尚方膳醴之賜甲申督理京城街道卽以其年權稅荊州化龍至荆王在禁奸節費通商惠民比得代課無溢額橐無私裝荆之人士爲詩歌以頌之丁亥督修胡良巨馬二橋日與中貴人處調停節縮不激不隨工竣賜白金文綺晉虞衡司郎中加俸一級其主虞衡一切規畫厝注誠心爲質爲大司空所倚辦聲稱藉甚己丑陞山西按察司副使備兵赤城赤城密邇虜巢青把都安免諸酋環其外而史車二夷處其內爲邊陲重地化龍爲明約束嚴號

令懲偷惰之習清虛耗之蠹凡所經理悉綢繆大計謂龍門虜衝獨石隔遠裨將一人難於兼制白於部使者增叅將一人分守其地庚寅史車二夷逸出塞議者紛紛遂至易置諸將吏乃移化龍潼關化龍無幾微見詞色卽候代猶日督將士嚴兵保境若寇至者未幾史酋率所部寇龍門化龍督遊擊杭大才與戰於唐子衝擒酋女所捕虜斬獲甚衆旣至潼關念關地據黃河上游控制三省秦之襟喉急以暇日塹土堙谷練兵積餉關若益雄而盜賊屏息壬辰陞山西布政司右叅政理屯糧覈逋負滿三載陞陝西按

本朝分省人物考

卷五

三十三

北直五

邊 靜

邊靜字以寧慶都人由監生任遼東廣寧衛經歷父友諒嘗得危疾以寧嘗其糞味甜滑晝夜憂悶父病尋瘥越二年父卒以寧晝夜哀號七日幾絕葬畢廬於墓側值以松柏時天旱少雨樹將枯槁朝夕竭力汲水灌溉墓傍泉忽湧出松柏得以茂盛人皆以爲

孝感所致有司以聞 朝廷旌表其門

張英

張英字世傑完縣人任大寧都司都指揮僉事性至孝母趙氏年七十餘患傷寒疾屢醫弗效英憂甚禱於上下欲以身代母疾轉劇供奉晝夜衣不解帶藥必親嘗踰月默禱於神刲股煎湯調服即愈越數年母患癰疽英令妻遮其母目吮三次不日而愈人皆謂其孝感有司上其事旌表其門

補遺

楊寧

本朝分省人物考 卷五

三十四

蓋

楊寧字振方新城縣人景泰五年進士六年除河南道御史天順初劾太監曹吉祥總兵石亨擢鴻臚寺少卿累陞禮部右侍郎卒

楊潭

楊潭字宗淵別號紫泉保定新城人成化丁未進士授刑部主事審克簡孚獄無冤滯弘治癸丑丁外艱服闋擢光祿寺丞供億繁夥出納詳明百務胥飭陞本寺少卿正德改元奉命祭告海岳回上民瘼四事切當時務未幾轉南京大理寺丞始至即視篆適魏國僕以謀殺人犯大辟鞠得竟寘于法改北大理進

本朝分省人物考 卷五

三十五

蓋

少卿于時逆瑾掌內廠專事羅織其叅送諸獄每乖正法潭一奉國法堅執不阿廣寧伯義男為其叔毆死瑾坐抵命曰縱使親侄孫法且不死矧義男孫乎不從瑾銜之乃摺據他事罰出穀五百石已陞光祿卿擢戶部侍郎總理倉場 命初下會征討流賊敗以隨軍督餉因請發帑銀分路收糴復取存留者從權協濟劾奏山東巡撫張鳳酌酒怠政捕盜都憲寧杲及指揮江彬貪功妄殺併論諸將老師玩寇疏入上嘉之鳳坐落職餘罰治有差風裁凜然蓋自是諸師始協謀戮力而賊平矣捷奏晉俸一階陰子入監復拜命督餉于宣大時虜寇壓境兵馬大集區畫有方儲精不匱事竣還 上賜麟袍及金幣復陰子如初陞本部尚書總理倉場先是督倉中貴率憑藉專慢相見接遇以禮而事不與議且歸併剩糧革久濫官攢以祛煩擾平收斛面以絕通賄人咸服其剛正改蒞部事適寧藩遘變 上親征百官景從供應急于星火加以恩倖之賞賚無紀客兵之支費益增劑量計處日不暇給隨取具足中外倚之考績 上遣中使頒賜羊酒楮幣辛巳夏以倦勤懇乞骸骨再上始得旨甲午卒計聞 命禮官論祭者二命工部營

葬事恩遇始終人咸榮之

魏彥昭

魏彥昭字德輝容城縣人弘治十二年進士由行人選山西道御史巡鹽河東建言降利津縣丞陞魚臺知縣累陞江西叅議致仕

王重賢

王重賢字子尚交河縣人正德十二年進士由卽墨知縣選浙江道御史建言廷杖降壽州判官陞嘉定知縣累陞江西僉事致仕

本朝分省人物考

卷五

三十六

北直

人物考卷之六目錄

北直隸河間府

劉敏

道同

呂淵

王翺

馬昂

李溥

李琚

程信

邊永

倪通

邊鏞

左鈺

于欽

強珍

張玉

陸珩

本朝分省人物考

卷六目錄

一

北直六

馬孔惠

吳正

戈瑄

馬中錫

朱瓚

孫博

張泰

戈孜

李棨

郝鑑

邊憲

周郁

李旦

鄭宗仁

王濟

馬思聰

廖紀

屠伸

李咨

沈冬魁

房瑄

鄭璠附弟珩

張時叙

孫緒

李時

李銳

及宦

邊億

劉綱

于大節

馬政

牛鸞

殷尚賢

戴才

湯賓

宋諾

余繼登

本朝分省人物考 卷六 申錄

本朝京省人物考卷之六

北直隸河間府

劉敏

劉敏字好學阜城人以孝行著洪武三年舉孝廉為中書吏時暮以小車出龍江市蘆葦且載於家而後入錄事妻以蘆織席鬻以奉母人或瞰亡以績帛瓦器遺其家者敏懸於梁候其復來竟還之為楚相府錄事值中書以沒官女婦給文臣家眾咸勸其請給以奉母敏固辭曰事母乃子婦事何預他人及權姦事敗敏獨無所預人稱其有行識洪武十三年由工

本朝分省人物考 卷六

北直六 高梁

部侍郎轉刑部特授通議大夫尋出為徽州府同知

卒于官

道同

道同河間人其先韃靼族也洪武三年以才幹舉太常贊禮郎十年出知番禺縣性剛毅廉潔番禺素稱繁劇而軍衛尤強橫需求百出佐吏動遭笞辱前令不能堪比同至視民如子民亦愛之如父母堅執公法凡事違理者一切以法從事由是民賴以安權要惡之未幾永嘉侯朱亮祖至數以威福撼同同不為懼時有土豪數十人遇間里珍貨輒抑價買之稍不

如意卽誣以鈔法人莫敢誰何同廉問得實捕其首
悉械繫通衢以令衆諸豪詣亮祖求辯亮祖召同勞
以酒食徐爲言之同厲色曰公爲大臣不當爲小人
所使亮祖不能屈次日亮祖竟破械釋之又有富民
羅氏納女於亮祖其兄弟因怙勢凌人同按法重治
亮祖奪去反借他事笞同同遂歷數其事而奏之疏
未至亮祖亦誣同抗訕先聞 上不知其由先命使
取同首級適同奏亦至 上以其職卑而直言大臣
有骨鯁風特遣使宥之二使同日繼至而同已先死
邑民甚悼惜之同性峭直器宇魁岸奉母備甘旨與

本朝分省人物考

卷六

二

北直六

妻子同粗糲布政使徐本雅重同嘗按一醫士罪當
笞本急欲得醫遣卒語同釋之同曰徐公亦效永嘉
侯耶笞之乃已後同卒於官縣吏有奉其主於家者
出入輒告有事卜之輒驗人或以爲神云

呂淵

呂淵其先涿郡人曾大父靖元福建路總管大父榮
宗詹事府詹事父及至正甲午進士韶州通判永樂
初徙居任丘淵承祖父儒業積有雋才由薦辟主事
刑部時遠夷多反側上假淵以鴻臚卿往兩諭占城
兩諭日本渠魁莫不心服旣歸錫予甚盛爲員外郎

未幾國方營建甚峻又命督材川廣處置得宜

王翺

王翺字九臯滄州鹽山縣人翺生而岐嶷與凡兒不
類甫十歲讀書一二過輒成誦父嘗戒曰庄家勤苦
有飯吃秀才勤苦有官做翺惕然自勵潛心經史志
期古人永樂乙未中二甲一名改翰林院庶吉士甲
辰授大理寺左寺正獻獄公平爲兩法司所敬憚因
註誤左遷行人宣德丙午楊公士奇薦爲山東道御
史陞右僉都御史正統丙辰奉 勅鎮守山西剛果
孤介去華就實植良善抑奸貪風采凜然官民畏愛
本朝分省人物考 卷六 三 北直六 高棅

戊午奉 勅巡鹽浙江事竣還己未四川松藩番賊
爲患 命將征之翺奉 勅叅贊軍務威聲大震賊
懼率所部來降翺以 上所賜白金寶鈔易羊酒犒
勞之首首商巴等感悅盡邀各部落生番一十八寨
來歸受約束地方獲寧辛酉奉 勅鎮守陝西整飭
關隘操練兵馬舉用將帥三邊晏然關中以治羌戎
莫不服其令壬戌遼東邊務弗緝虜寇頻侵累失機
宜 朝廷深以爲憂特 勅翺提督遼東軍務面諭
以便宜行事翺至前屯總兵以下庭謁翺命斬失機
者若而人哀請得免三軍股慄莫不用命至廣寧自

山海關直抵開元高墻垣深溝塹五里為堡十里為屯烽燧斥堠珠連壁貫千里相望簡閱行伍懦弱者更之貧窮者賑給之鰥寡者婚配之凡詞訟無問重輕量情以布絹穀粟贖罪雖人命亦以物抵償其家有指揮孫璟者因漏關鞭戍卒身死其妻與女哭之俱死他卒訴璟殺一家三人翺判曰某死以罪妻女死於夫與父非殺也令璟償其埋葬之費得無累卒為名將焉癸亥九載秩滿陞左副都御史時母喪上疏乞歸守制降 勅奪情命率官軍征剿達虜斬獲首級人畜無算捷奏 賜勅獎諭陞右副都御史尋

本朝參省人物考 卷六

四

北直六 高棟

又以虜功陞左都御史是年也先犯京師以數萬寇廣寧時翺方給賞軍士且戒約三軍為禦虜計不意虜騎卒然突至我軍大潰翺亟歸坐城下收拾散卒堅壁固壘間有謂城不可守以惑眾者翺怒勒劔示眾敢有異謀者斬徐侯虜退選精銳分途四出或奔其前或躡其後或衝擊其左右賊不得息遂遁去翺在邊十數年設法處置積銀萬餘兩糧數萬石馬千餘匹邊用充足器械鮮利軍士飽煖人樂於戰所舉總兵叅將如施聚焦禮輩自儔眾拔起皆智勇有統馭才為夷狄所憚近邊建州毛憐及海西諸夷來則

厚以款待去則嚴加隄備老少男婦莫不感翺之恩而畏其威景泰三年壬申 勅取回京管都察院事尋加太子太保兼都御史值廣東廣西不靖鎮將皆庸流地方大擾 命翺總督兩廣軍務得以便宜行事翺略去兵威一意推誠撫諭其酋長向化者犒以金帛酒食多見歸順思恩軍民府知府岑英有疑其反側者翺居之桂林城中禮待甚厚更恩養其士兵由是人思効力思明知府卒同族黃震黃道爭襲而道父兄皆死於兵翺憐之奏以道知府事慰其家被禍之慘一時帖靜叅將范信有才略兵部因事革職

本朝參省人物考 卷六

五

北直六 劉汝謙

翺不惑羣疑奏復其官信卒以能將名兩廣者十餘年癸酉 欽取回京遷吏部尚書太子太保如故乙亥上疏乞致仕不允 詔命有司為翺起第於縣郭之西時冢宰泰和王文端尚在位而選法一委於翺於是洗剔垢弊嚴考察公銓注抑倖進杜請托故事官吏給由起復文憑過限多匿乃行覆勘法而奸人不得為計往臨選以硃書下緣為奸糊塗莫辨翺易以墨弊遂絕 英宗復辟翺累乞致仕不允時有欲傾陷者賴 上素知之得無事九月以翺在邊效勞特官其子竈為錦衣千戶適內閣李公賢以事黜補

外任欲用翺翺力辭薦岳正以代賢尋謫去復請還李賢於內閣 上篤信之眷愛加隆 賞賜金玉束帶綵幣玩器等物歲無虛每用人必訪於翺翺亦以用賢報國為已任翺未嘗使人知以要為已功必曰朝廷用人豈若小丈夫汲汲沽恩弔譽待人求而後與哉 上嘗召翺與李賢等同遊西苑及晚宴醉命人扶還南城五花樓成 召翺落成上元節 賜觀燈於 武英殿燕賜優渥每引選入奉天門或遇雨雪 命中貴扶而上下之有所遊幸 召翺與俱宣傳侍郎選官翺遊畢雖晚必蒞閱所選訖放榜惟恐有未當也辛巳曹欽反夜執李賢於長安砍傷其首奔翺卧所賊併執翺翺曰 朝廷何負汝汝乃反耶殺他人寧殺我賊素畏服翺因謝曰豈敢殺長者耶遂上馬去李乃得釋事 聞加太子少師癸未乞致仕不允成化改元復乞致仕 上諭以為朕勉留任事只朔望朝參仍加太子太保榮祿大夫丙戌翺有疾懇疏辭歸不允三年復疾乞歸 上遣御醫來視七月疾益篤上疏懇乞骸骨歸 上勉從所請褒賜甚渥甫欲興疾出關而病不能舉矣卒年八十四訃聞贈太保謚忠肅子九祭造墳安葬給舟車送還

本朝分省人物考 卷六

六

北直六 劉汝清

其鄉翺高邁孤峭人不敢干以私鎮守遼東還朝饋遺一無所受某太監者與同事久持明珠數顆餽之固辭某曰公於他人之餽皆不受我之餽亦不受耶有死而已翺不得已受之乃自綴於衣領間卧起自隨雖其妻不知也居數年太監死其猶子以貧不敢見翺使人召之曰何不買第宅日貧不能也翺曰第買之其人訖不肯買翺乃解其珠出之衣領間與之值可千金買第尚有餘也為吏部尚書仲孫以廕入監將應秋試以有司印卷白翺曰汝才可登第吾忍蔽之哉如汝誤中選則妨一寒士矣且汝有階得仕何必倖冀非分邪裂卷火之又一女嫁為畿輔某官妻夫人甚愛女每迎女婿固不遣恚而語女曰而翁掌銓遷我京職則汝朝夕侍母且遷我如振落葉耳而固恡者何女寄言於母夫人一夕置酒跪白之翺大怒取案上器擊傷夫人出駕而宿於朝房旬乃還第塔竟不調其公執如此

本朝分省人物考 卷六

七

北直六 李思禹

馬 昂

馬昂字景高其先河南祥符人後移籍河間之滄州永樂癸卯登鄉薦明年會試下第入國子監宣德丙午以儀容俊偉聲音宏亮授行在鴻臚寺序班正統

丁巳用廷臣薦陞監察御史奉命整飭宣府大同偏頭關兵備及巡按陝西淮揚徽州等處所至有聲癸亥行在刑部獄禁失嚴囚因劫獄逃竄尚書以下咸禁錮跡捕乃陞昂右侍郎未幾改右副都御史叅贊甘肅軍務時叅贊都督王喜玩寇失機昂至劾其罪謫戍遼東官軍畏服先是赤斤蒙古罕東等衛番族恣肆鈔掠至強劫總兵進貢馬駝昂受命帥將士討之盡得主名梟示及擒其偽祁王鎖南奔并妻子械送京師自是番人不敢近邊已巳北虜寇甘州昂令人畜悉入城堡簡精銳選騎射躬擐甲胄出屯山隘

本朝分省人物考 卷六 北直六 李思禹

以何虜聞遁去西邊方倚為長城而昂以乞疾忤旨乃命致仕景泰庚午也甲戌兩廣夷寇擾攘起昂總督兩廣軍務兼巡撫便宜行事昂乃大布 朝廷威德帥總兵方岳并土官兵民剿其為暴害者生致其偽將軍周鐵盛盤等獻闕下 上遣行人勞以綵幣寶鈔陞右都御史丙子征斗峒賊平轉左都御史天順丁丑有不足昂者造謗 上命致仕及入見復留命之山西巡察邊境比還遂理院事戊寅陞兵部尚書辛巳虜寇陝西勢甚急命懷寧伯孫鏜為總兵昂仍總督刻日出師是夕曹欽反昂與鏜討之欽伏誅

進太子少保仍掌兵事自是 上寵待特厚賞賚以金玉束帶繡金麒麟服其銀幣玩器書畫禽鳥時鮮之賜歲無虛月衣有號撒哈喇者雖勲戚有不可得昂與賜焉屢召遊西苑南宮及扈從校獵南海子一時進退廷臣亦必召昂咨訪甲申 憲宗嗣位信任益篤調戶部尚書尋奉勅同右都御史林聰給事中潘禮陳越按籍點軍士既畢乃分精銳者為十二營以備調用又籍軍帥之賢否而黜陟之慮後事之違變而禁約之實皆出其議云戊子昂年七十時有災異謫見力求退避得命旨賜勅榮之陞辭復賜燕餞

本朝分省人物考 卷六 北直六 王國瑞

并寶鈔若干既歸八年卒訃聞 上嗟悼贈少保諡恭襄

李 溥

李溥字文博號約菴任丘人生而神慧稍長自能課學不煩指諭固安學諭劉公輓明易學溥往從焉劉公器之妻以女劉卒溥扶櫬西歸鳳翔竭力營葬且曰鳳翔即吾土也因補鳳翔學弟子員宣德七年舉陝西鄉試明年試禮部中乙榜遂就巴陵訓導嚴科條勤獎誘士多登顯科正統八年陞懷仁藩府教授秉禮抗義動裁以正奏改山西高山衛繼除延安復

一第... 卷六

除順慶復左遷泰安州學正成化中解官溥豪爽雋毅博洽善爲古文以易爲任丘經學倡尤精于象緯星曆諸書人皆比之康節官六任凡四十餘年清苦如秀才時誨人必先忠孝故所在咸有聲稱子棨孫時俱貴顯贈溥如其官

李 琚

李琚字崇璧鹽山人天性孝友以弟子員充貢入太學卒業甫暮擢戶部雲南司主事尋調廣東司正統甲子冬陞郎中復用薦進階奉議大夫在官凡卿貳有所商確若國用之贏縮邊儲之豐耗與夫兵民之轉輸從中贊之議論允當有裨於國計者甚多時河間民有部運租稅者以白金若干遺家僮而道其姓名竟趨去琚走白卿貳召其人笞而還之生平清介大率類此

程 信

程信字彥實其先徽州府人祖社壽洪武間謫居河間遂隸籍河間衛信中正統辛酉順天鄉試明年第進士授吏科給事中己巳 英廟北征偕廷臣上疏諫止不報已而師潰土木虜遂南侵京師戒嚴命守西城上言五事曰新號令以振軍威募勇敢以備警

本朝分省人物考

卷六

十一

北直六

劉憲

急召勤王以遏南侵設武備以防內變養銳氣以備

戰守皆見采納虜首也先自西山一帶進薄都城都

督孫鏜禦之失利乞領衆入城信堅不可躬督軍自

城上以火鎗礮石鼓譟爲鏜援虜引去景泰紀元命

充副使持節冊封華陽王凡王府有饋遺悉却之歸

陞右給事中辛未九月 英廟還居南宮復上中興

固本十事曰敬天求賢納諫謹災節用詳刑選將練

兵尚儉隆師而敬天一事則當時天象屢變請 景

皇帝隆孝友之實以答天心之仁愛聞者壯之壬申

陞山東右叅政總理遼東糧餉時巡撫都御史奏管

本朝分省人物考

卷六

十一

北直六

楊海

倉官吏卒盜糧幾石以上者死乃造新斛視舊加二

寸付信信立碎而火之曰使彼真盜死不足惜今故

爲此斛置人于死地豈情也哉遼卒至今能道其事

會以憂去轉四川分巡所至問民疾苦松藩夷人作

亂偕侍郎羅綺進攻破其黑虎諸寨天順丁丑 英

廟復辟奉表入賀時方錄景泰間上言之人遂留爲

太僕卿二年陞巡撫遼東左僉都御史遼守將海寧

伯董興姻聯曹欽信一切裁之以正又造戰車創義

倉行贖罪法設月輪簿凡百號令一新建州夷酋董

山潛結朝鮮乃使土官佟成授之以成筭往廉之得

朝鮮授董山中樞院使制書以還上疏曰乘其未發急遣二使問之可伐其謀朝廷廼命一給事往朝鮮一錦衣譯者往建州西酋不肯承出制書示之咸相顧愕然各貢馬謝罪虜酋字來聚眾欲入寇自率師巡邊營于境外者凡三月得風濕之疾都指揮夏霖事多不法與董興相結納僉事胡鼎按其罪四十條具以狀聞 詔中官及錦衣衛指揮逮霖籍之不意中途受賂乃奏虛實相半都御史寇深因劾信輕聽胡僉事言調南京太僕寺少卿五年召陞刑部右侍郎尋以憂還河間 憲宗即位起復兵部又轉左侍

本朝分省人物考

卷六

十二

北直六

楊海

郎成化丁亥四川貴州都掌蠻賊據大壩箐之險破合江以上九縣勢甚猖獗陞信尚書提督軍務與襄城伯李瑾統番漢兵討之信至永寧自督大軍入金鷲地又分四路兵期會于大壩將士依其方略用神銃勁弩攻賊不能支連破二十餘寨獲銅鼓數十斬首五千級生擒二千餘賊復走入深洞又命軍士以土石塞其門以兵圍之月餘賊死洞中臭聞十餘里又陰察九姓土遼之附于賊者還師撲之未及一載都掌悉平又布置衙門以定邊防凱還進兼大理卿有白金綵幣襲衣之賜前此營大壩凡兩月淫雨不

時瘴癘游興舊恙復作至是四上疏請老俱不允辛卯春 上以雨雪不降求言上言兵事可更張者四兵弊可伸理者五 詔下所司執政者難之未幾三邊有事悉如所料應城伯孫繼先多不法事覺有詔下信多請賞之者信執筆奮然曰侯伯乃武臣領袖懲一戒百正在于此遂盡發其貪尅諸事繼先坐免黨與皆謫戍嶺表軍府肅然又北虜潛伏黃河套中歲為西患輔臣有請興師十萬以大同守將楊信為總制搜剿之信力言河套地曠遠無水草興師十萬則餽運者加倍自古禦戎來者拒之去者弗追此

本朝分省人物考

卷六

十三

北直六

東士儒

不易之法而楊信亦止請三萬人巡邊禦敵信曰此舉繁國勢之強弱以三萬人搜套則少巡邊則多且關隘連歲受兵今此之往勝形未具而先自困豈謀國之道眾服信言卒與二萬人巡邊而罷搜套之議七年南京缺叅贊機務大臣交章薦信及至南京適彗星現乃與六卿合議復上言興利除害三十餘事多見施行他若汰貪縱修舊典可書者尚多四載復疏乞休 上重違其志賜勅還鄉明年還休寧里第又四年卒贈太子少保謚襄毅壽六十有三信儀觀魁偉性資剛果六籍諸子無不涉獵為詩文略不經

意而雄渾可傳事親孝少時力耕以養居憂廬墓側有芝產之瑞教子弟嚴而有方待內外親族恩義兼盡遇故人子矜恤振拔惟恐不及凡百玩物不以掛目爲諫官知無不言言必達大體而疾惡大嚴佐兩藩及法司必以敬慎方正輔其長不隱忍坐視以爲賢掌兩京兵政及征伐俱有成績又能任怨南京守臣或欲預錢穀詞訟信曰叅贊機務所以謹非常若此乃有司之事也論者以爲得體征川貴時詔以便宜之權付之自祭兵至凱還不爵一人不殺一人同事者爲言信曰刑賞人主之大柄懼聞外事不集而

本朝分省人物考

卷六

十四

北直六
陳士儒

假之人若幸而事集又竊弄之豈人臣之道耶論者又以爲此古名臣之心名臣之言可以爲後世法號晴洲釣者有晴洲釣者集若干卷藏于家

邊 永

邊永字仕遠任丘人父復初當 太宗靖難時率鄉人歸附屢立戰功授世襲百戶永少業儒不恃廢廢學領正統辛酉鄉薦乙丑成進士拜官行人景泰庚午使安南王率其臣館次迎謁將拜於階上永正色責之曰外藩名知禮義者惟安南與朝鮮耳今傲慢若此禮義安在衆皆矍然退拜階下壬申使占城其

國風俗鄙陋夷情狡詐永待之以誠接之以禮國中敬信哈密入貢還永驛送其人至甘肅禁制有方供應取具外俾無得侵擾州縣其人言於甘肅守臣曰哈密入貢且十三次矣館伴之使未有如邊公者天順間請 楚府行祀禮先是每祀用白金百餘兩永閱得其實減浮費十七八後復請 代府行喪禮閱實減費如在楚時或謂此有司常事無庸更革者永曰大同地極邊民困殊甚一祭祀之需省銀若干糴粟實倉廩遇饑歲可活若干人奈何仍舊弊乎平生所至若河南山東陝西雲南足跡殆半天下未嘗少

本朝分省人物考

卷六

十五

北直六
高尚武

通路遺人稱其廉介秩滿陞戶部山西司員外郎訂外艱服闋復除戶部貴州司督餉臨清時同事者中貴四人咸怙勢肆虐永一以直道處之不激不隨而出納有條宿弊寢革民甚賴之成化戊子引年致政歸甲辰病不起春秋八十有一子鏞孫憲皆爲名卿而俱及見其貴固盛德所致也

倪 通

倪通阜城人正統辛酉舉人筮任刑部主事陞陝西屯田僉事自玉門抵沙漠屯田甲於他省租負幾百萬而實爲豪姓所扼通至秦劾之置於獄不半歲而

負者報完矣未幾丁外艱銓曹扣其闕期補山西僉事擒僭號糾貪濁凜凜風裁人不敢干以私尋以疾乞致仕歸

邊 鏞

邊鏞字克振任丘縣人父永登正統進士仕至戶部郎中童少時隨父官京師勤苦力學寒暑無少間識者器之已巳北虜犯順近京之民多挈家走避鏞毅然不為動從之者頗衆已而竟無事於是愈益器重焉長從秀水呂學士原明書經領景泰癸酉鄉薦累試春官不捷卒業太學選拜河南道監察御史在職

本朝分省人物考

卷六

十六

北直六

二年繩愆糾繆大著風采嘗按南畿馬政淳安商文毅於戶部公為同年時召起於家道遇之見其行事大加稱賞成化丁亥建州夷為亂武靖伯趙輔等將兵往討命鏞監其軍持法嚴明軍行千餘里少有犯者抵遼陽分五路而進鏞居右腋適當勅敵斬獲復多師還八年以功遷南通政司右叅議南京散地人咸為鏞稱屈而鏞不以為意益慎厥操視御史時有加焉戶部公聞鏞遷官即引年致仕鏞在南京馳慕益切所得俸祿即寄歸為養未嘗自私十六年九載滿遷南京大理寺少卿 召為通政司右通政未行

以內艱歸事戶部公曲盡子職鄉人稱其孝十八年服除仍為通政領武職 詔勅二十年用薦陞都察院右僉都御史巡撫山西地方兼提督鴈門等三關同事者或以他事干沮鏞正色曰吾謬當倚用惟知守法而已屈法以市恩誓所不為聞者悚然踰年虜寇大同乘勝至關下關兵力不能支甚有懼色鏞奮然督命據險設伏以待之虜至伏發不得利而去關南地方得免虜患未幾戶部公卒鏞歸葬舊例僉都御史四品止有祭 朝廷以鏞在邊有功併 賜以葬服除弘治二年遷左副都御史管院事嘗上時政

本朝分省人物考

卷六

十七

北直六

十有五事言皆切直 朝廷嘉之下有司議行三年改南京刑部右侍郎抵任甫數月遂引疾乞致仕既得 命即歸屏歸墓所杜門謝客非慶吊不入城市遇忌口哀慟如初喪得食品美味必聚諸昆弟然後食遠近親族婚喪貧不能舉者賙之弘治辛酉卒年七十二

左 鈺

左鈺字廷珍先世山西沁州人永樂初以貲財饒于鄉奉例移阜城遂家焉鈺少以穎敏魁兒輩少長游邑庠景泰癸酉領順天鄉薦成化乙酉以急缺風憲

銓司於鄉進士中選老成及學行卓越之士鈺遂拜
監察御史丙午督理兩淮鹽法豪強斂跡而鹽有餘
課已丑按福建風紀丕振八閩迄今有真御史之頌
壬辰陞陝西僉事 勅令協守懷慶等地方討賊有
功 上有銀牌表裏之賜時韓王取假于自紹事敗
連歲不決鈺一訊得實時稱其才己未陞本司副使
戊戌討岷州叛虜捷至加支從三品俸壬寅陞按察
使癸卯陞右僉都御史巡撫遼東甲辰調大同撫馭
有方邊地賴以寧妥乙巳以中外推薦佐管都察院
事未幾奉 命巡撫山西提督鴈門等關有寶鑑金
織之賜尋疏乞致仕家居二年以疾卒

本朝分省人物考

卷六

十八

北直六

于欽

于欽字政恭交河人偉貌美髯外雖負氣岸而中甚
坦夷蚤游邑庠肆力問學作文不事葩藻一惟理致
是歸登天順丁丑進士擢吏部文選司主事勤慎自
持事無苟簡時太保王忠肅翺掌部事嚴重馭屬不
少借詞色獨善欽同官亦多其才且賢由是聲聞勃
興三載陞署員外郎成化壬辰卒

強珍

強珍字廷貴滄州人成化丙戌進士初知涇縣奏減

賦額人為立祠擢御史負氣敢言嘗按甘肅及江北
諸府人凜然畏之按遼東會權闖汪直挑釁債事時
無敢論者珍獨上其罪下詔獄撻辱備至謫戍遼東
三年有旨復職致仕弘治初起為山東按察司副使
未幾陞大理少卿遷右僉都御史巡撫宣府坐言官
論列召還改南京右通政以母老乞歸弘治十八年
八月卒珍性強鯁政尚嚴刻所至有風采為時所重

張玉

張玉吳橋人成化丙戌進士任監察御史正色立朝
權貴斂手尋按關陝進廉去貪風裁振肅六年陞浙

本朝分省人物考

卷六

十九

北直六

江按察使僉事九年陞福建副使未幾轉本司按察
使復起陞左布政使閱十餘年凡盜賊之隱伏人民
之誣罔謀逆之不軌征徭之不均為所摘發裁革損
益者至夥弘治七年以薦進順天府尹時民方困於
征輸玉迺條陳其利害上之事下廷議皆聽之遂以
為例計歲減數千萬緡居者安堵流離者復業丁巳
巡撫遼陽謹斥埃嚴烽燧敦信義軍士以守備為本
而不言攻戰有徵求以希爵者正色厲言拒之戊午
進階一級庚午乞骸骨然中外方倚重留之愈懇而
辭之愈堅竟以致仕歸

陸珩

陸珩阜城人成化己丑進士任南京刑部主事郎中歷西安福州知府所至皆有聲轉陝西岷洮兵備副使夷民畏服尋轉江西按察使湖廣右布政廣東左布政居官平易近民惠政逮下晉應天府尹致仕

馬孔惠

馬孔惠字孝卿東光人成化壬辰進士初授兵科給事中歷轉都給事中剛正自持彈劾不避凡所條陳多裨時政以諫中官忤旨左遷福建布政司叅議

吳正

吳正字以時交河人研窮經史朋儕中咸推服之成化辛卯領順天鄉薦會試得乙榜入監造詣日閱以肆銓司簡在首選授鎮江府通判持已廉謹蒞事明決其待士也謙而有禮其治民也恩而有威專督水利若京口開虎踞橋督併修葺往來便之下至河道岸圩之類壅者疏之廢者補之坂峻者剗除之用是漕輓無滯車戽有源人爭誦焉秩滿六載乞歸既去人皆思之比之何武云

戈瑄

戈瑄字良玉別號蓀溪其先浙江嘉興人曾祖諱惟

本朝分省人物考 卷六

二十

北直六 張天叙

善永樂間坐事遷河間之景州家焉瑄成化辛卯舉於鄉乙未登進士授河南嵩縣知縣先是嵩多逋稅又礦徒不時發瑄謂此不可以急治也乃寬徭役廣措置專務以德化民視歲之豐凶為補徵之多寡積數年逋盡償民賴不罹於罪政暇輒躬巡近礦民居諭以禍福使得自新礦患亦稍稍息邑人歌思之辛丑召為廣東道監察御史督通州倉剔抉宿弊癸卯以父喪去位服闋復除廣東道監察御史會 萬妃怙寵率同官上章論之 憲廟震怒撻之午門或尤其愆瑄曰進言受責何辱之有復上疏獨論不報丙

本朝分省人物考 卷六

三十一

北直六 劉對

午巡按南畿弘治初年命刷南京文卷所至著有風裁以繼母喪守制癸丑復任推掌三法司事甲寅陞四川按察司副使重夔保順等地多盜負山出沒瑄至明約束布威信雖僻鄉僻邑必躬臨撫綏召父老諄諭之俗為丕變又奏請於湖陝出入之地若利州施州等衛宜統於一庶可責成 上從其言令易勅行事蜀人乃安壬戌陞山東按察使剖決滯獄囹圄為空歷城人有兄弟異居者弟盲人也置肆酤酒頗獲利兄嫂屢嫉之弟憤恚自縊弟婦奔告其兄併其備縛之遂乃以謀殺親夫愆有司鍛鍊獄成婦及傭

誣服瑄至鞠之云其夜有二軍主於其家宜知狀趣
二軍對區剔研審得其情坐兄嫂以罪弟婦及備具
釋人以爲神乙丑陞浙江右布政使正德丙寅轉江
西左布政使丁卯陞南京都察院右副都御史戊辰
改都察院左副都御史時丹山屠公掌院事瑄佐之
有所執論屠公輒欣然稱善嘗奉 勅清查牧馬草
場辯疆界嚴條約不爲權勢怵時劉瑾專政疾其違
已追論浙江布政時事罰米七百五十石再陳休致
不允改南京大理寺卿庚午陞南京刑部右侍郎辛
未改刑部左侍郎奉 勅勘岷府事賜羊酒寶鈔壬
本朝分省人物考卷六 二十三 北直六

馬中錫

馬中錫字天祿故城縣人早慧三歲識字七歲能賦
詩父處州爲 唐府長史以直諫忤 王械送京師
并姚淑人皆下之獄中錫以幼免訴辯如成人部使

者感動詣 王曉警家得釋復依母趨京訟屈事卒
得白年十六游邑庠成化甲午舉鄉試第一明年乙
未中進士丙申拜刑科給事中時 憲廟萬貴妃之
弟恃寵驕恣上疏發其奸語過直被杖幾危再疏再
杖不爲沮悔公主侵畿郡民田被命往覈以其田還
民中官汪直梁方怙勢橫甚又劾其不法數事直喉
邏卒日誦其門竟無所摘然久不得遷也既滿考僅
陞雲南按察司僉事尋丁外艱服闋改陝西其督餼
於延綏也革分司沿舊私用之銀三百餘兩弘治已
酉主鄉試錄文多出其手太宰王恕奇之改提學副
本朝分省人物考卷六 二十三 北直六

使嚴條約慎章程士習以振壬子陞大理寺右少卿
留都守備中官蔣琮屢興大獄中善類遣官廉問至
再俱爲所制乃以屬之中錫不事刑威第以言誘致
其黨抵琮於法乙卯陞左少卿奉 命閱實居庸紫
荆倒馬諸關事竣有羊酒寶鏹之 賜丙辰陞右副
都御史巡撫宣府自鎮守以下私役頗多首革行臺
雜匠百餘以倡之軍伍復實數總兵馬某及監搶叅
將之奸三人相繼罷去又以居庸爲南北襟喉榆林
大同諸鎮貿遷餽遺往來雜沓請於巡撫行臺給掛
號如後府式以防奸宄出入之弊在鎮三年嚴禁例

杜請託凡芻糧工匠馬匹之利舊為世家所擅者悉歸之官乙未二月北虜擾邊督兵斬獲甚衆捷奏

賜白金文幣三月以疾得請邊人叩關願留 詔病

痊亟用居家七年足不及官府治園亭挾親舊日以

觴詠為樂若將終身焉而廷臣論薦不已前後凡十

有三疏乙丑 武宗即位起巡撫遼東諸勢家舊占

屯田之便利者至數百頃且歲役官兵代耕屯卒所

受虛張冊籍實皆硤瘠之地又代為勢家輸稅遼人

苦焉上疏取便利田給卒其虛籍盡除之太監朱某

開客肆擅馬市厚自封殖武職效之肆為侵牟亦各

本朝分省人物考 卷六 二十四 北直六

有錢行魚戶識字頭目諸稱悉裁以法且疏朱監之

姦抵其左右以罪人大懾服正德丙寅六月 召還

陞兵部右侍郎未幾轉左逆瑾方用事有朱贏者其

心腹也冒邊功槩陞牽連數十百人脅兵部為之覈

請大司馬既許之矣中錫曰如冗員日增邊人解體

何哉卒據實上請事得已而瑾銜之十二月矯詔改

南京工部左侍郎尋罷其官瑾怒猶未已也丁卯十

月使遼覈芻糧者以腐損過多希瑾意罪歸中錫逮

下詔獄瑾必欲以死處之戊辰三月械繫遼東尅期

償所負計當用銀數千東人聞來爭出迎願代輸者

襁屬中錫曰此適足重吾辜耳固謝之有司承望追

迫乃盡鬻田廬復稱貸以漸償之衆為憤鬱無所泄

適瑾黨戶侍韓福覈屯田抵遼盡稅中錫所除虛籍

以投瑾好衆憤益甚已巳二月廣寧卒數千登城夜

呼欲為變戶侍怖且窘人告之中錫偕獄吏登城大

呼曰我馬某也今在此汝輩擾擾何為衆以中錫故

遂解去歲餘償完猶褫職為民庚午九月瑾誅復起

巡撫大同諸所興革如宣府遼東時宗室有邀去任

郡倖而奪其資者中錫廉知疏請坐罪竟還所奪威

名赫然方瑾之未敗也人苦苛征四方盜並起機伏

本朝分省人物考 卷六 二十五 北直六

舉結為日既久而人不敢言其後瑾雖敗露而亂勢

已成不可猝遏辛未春霸州盜魁劉七楊虎等擁衆

抄掠山東河北遠近騷然 上乃召為右都御史授

鉞往督軍務固辭不允即兼程而行與賊戰於彰德

又追奔至泊頭鎮皆敗之前後斬馘甚衆 賜勅獎

勵陞左都御史掌院事寇奔入山西數月復還有衆

數萬我軍勢不能遏七月圍棗強中錫調參將宋振

撫其前而自引兵躡之振與所部兵皆怯鬪不敢前

戰及棗強陷令以下死者近千人中錫提孤軍止七

八百人知進戰決無成功乃便服單車從數僕直抵

寇壘 諭以 朝廷恩威具開其自新之路寇感泣
橫刀誓水願丐餘命奏 聞廷議遷延未決劉七潛
使人至京師探諸中貴無招降意遂復縱兵焚掠中
錫以老師玩寇被劾徵下獄久繫未釋明年竟以疾
卒於獄年六十七御史盧雍追頌其冤謂賊實聽招
而僉事許承芳忌之密請益兵以疑其心後雖更受
中錫約束而徵入之命下矣 朝廷是其言予祭一
壇中錫耿介孤峻不肯以私干人遊宦四十年甘守
寒儉終始如一日遇事敢任不遑他恤平生問遺未
嘗及權貴于其不法者又輒加裁抑故所至多與物
本朝分省人物考 卷六 二十六 北直六
忤其處鄉鄰親識亦嘗過矯惟恐廢法用是聲稱雖
著而不能彌少恩之謗其事繼母處兄嫂及撫孤侄
能曲盡孝友族人老而貧者廩之終身家法嚴整雖
宴集無敢狎例當蔭子家人欲徇俗陳乞乃正色謂
之詎宜爲子而稱乞乎酷嗜讀書自爲諸生時日取
經史百氏博觀而詳玩之應務之隙未嘗虛廢晷刻
爲文有雋才刊落凡近士類喜傳誦之既入仕益橫
逸奇崛於詩尤工評者謂其體格早類許渾晚入劉
長卿陸龜蒙間藏於家者有入秦棘寺上谷廣丘遼
西雲中東征諸稿甘陵志箋經寓意諸作

朱 瓚
朱瓚阜城人登成化乙未進士出知襄城縣政尚嚴
明以薦陞監察御史剛直敢言多所糾劾人皆憚之
遷山東副使未幾復遷福建按察使風紀肅清吏民
畏服尋陞湖廣左布政除姦革弊綜理周密累上章
疏裨益弘多歷官三十餘年清介自持始終不渝及
致仕杜門謝客人少被其容接焉

孫 博

孫博字約之景州人倜儻有志節通毛詩博極羣籍
尤精語孟酣飲沉潛著爲論說深得聖賢之指諸儒
本朝分省人物考 卷六 二十七 北直六
競傳誦之領鄉薦爲歷城教諭登成化戊戌進士授
禮科給事中論事不避強梗聲振鎖闥成化庚子汪
直用事立西廠密令左右親校覘察公卿以下官得
失輒注考語乘間聞奏或徑自捕繫考鞠內外恐懼
里巷細人爭詣廠污衊官吏機柄下移謁私門行苞
苴者益大起博上疏論直盜弄國柄作福作威使君
相廢職漸不可長疏入上令毀西廠直大恨之會北
虜寇雲中直與都御史王越保國公朱永受詔北伐
將團營軍五萬人出山後直乃奏用博紀軍功陰欲
中傷縉紳危之博曰論諫吾職也榮辱生死命也將

安避乎遂行既抵雲中虜勢猖獗每出戰輒令紀功
 官隨行管博雖書生意氣峭拔兜鍪繡襖彎兩石弧
 馳突萬眾間如健將時或聚議機務益侃侃雄辯指
 畫利害不少挫衄直始心敬之越亦從旁時時救護
 得不死師還論功陞山西按察司僉事博既禁閹舊
 臣又襟韻疏暢居法司鬱鬱不得志會當道時欲有
 所指適遂乞致仕還鄉里茅茨蕭然未嘗有戚色日
 役蒼頭課田園或遇故人賓客觴咏不倦凡仕宦至
 景州者猶時時勞問弘治甲子知州馬某貪虐毒民
 博累言之不憚反以事見侵博發憤詣京師論其罪
 本朝省人物考 卷六 二十八 北直六 陳士德

惡及人命十餘事得賜詔獄問且遣使者詣州覈實
 知州度不可解乃佯為謝罪置酒毒死聞者莫不憤
 歎初博且死囑其夫人曰吾以孤直不容於朝幸奉
 先人之業得休息田畝教誨子弟百無所恨今乃為
 羣小所害命也夫我死勿埋吾屍庶幾朝廷覺悟得
 為百姓除暴去亂吾且含笑地下矣遂死馬後竟伏
 誅博為人卓犖開爽有古國士之風然慮事不欲太
 深又不設城府故始以此立節中以此去位終以此
 致死焉

張泰

張泰字世亨肅寧縣人成化戊戌進士授鄒平知縣
 敷政愷悌不尚嚴刻民多宜之以行取擢陝西道監
 察御史在道不為奇絕之行而所守亦無物議弘治
 初歷陝西副使進按察使十四年陞河南右布政丁
 憂十七年起復補山東右布政十八年陞陝西左布
 政使正德元年陞都察院右副都御史巡撫陝西泰
 在陝西最久歷臬藩以至巡撫俱能確守官箴三年
 遷大理寺卿時逆瑾竊柄泰不為忤然確守自全不
 入其黨五年遷刑部左侍郎六年陞都察院右都御
 史總制陝西三邊軍務行部過蘭疏西郭故道以興
 水利復開小渠以利城居者餘悉由東郭出以達於
 川甫彌月隍塹週滿人沾其利八年卒於固原贈刑
 部尚書

本朝省人物考 卷六 二十九 北直六 陳士德

戈攷字勉學景州人登成化戊戌進士授戶部主事
 督賦山東尋擢郎中督儲大同首革宿弊謀利者忌
 之弘治戊午竟以謗謫守鄆州政平訟理尋遷廉州
 知府以理繁治劇之才處遐荒犴犴之地綽有餘裕
 能聲大起戊午丁內艱歸已未以疾卒

李棨

戈攷

李蔡字從質任丘人父溥贈官光祿寺丞遂于易學歷湖蜀秦魯間多所造就蔡生而凝重簡靜因以易授蔡蔡補縣學生提學閩御史禹錫重之試必居首從游者至四十餘輩任丘士多業易實自蔡始成化甲午舉京闈戊戌登進士知上海縣賦訟叢沓持以鎮靜和而不狎每有鞫問人稱爲明以外艱去民遮道攀送有下泣者服闋被徵復以內艱去服再闋擢光祿丞弘治壬子遷少卿南京工部解 御膳供應物至卿胡恭者以鄉人不爲檢視典守者因出空文後事覺恭坐貶連引諸僚佐蔡以丞時事出同知青

本朝分省人物考

卷六

三十

北直六

州府家人咸怨恭蔡曰命也會二弟連喪曰此亦恭耶又六年戊午擢知萊州府值歲屢歉撫煦凋瘵理疆界均力役捕劫盜六千餘人時勾稽屯地戎衛欲移患于民或議牧馬于萊又有獻地衡藩者皆力爭以免招徠流徙與屬縣期約視多寡爲殿最旬月內復業者至數千人民稍饑輒發粟施粥活者尤衆暇則修葺學舍集諸生勵以行業萊人爲刻石頌德焉越八年不調蔡以子時已舉進士爲翰林編修乃上疏乞歸吏部言其恬退可嘉宜進秩以示勸特陞山東布政司右叅政致仕越二年卒蔡夙敦孝慕每見

儒官輒加禮遇曰吾父嘗爲是也父所遺田宅悉讓諸弟羣從子女皆爲婚嫁處已慎密澹然無所利有治事才而爲寬厚所掩又耻自衒故鮮有知者後時入內閣贈蔡如其官

郝 鑑

郝鑑字廷重先世長安人先世名濟賢者爲河間路總管子孫遂居河間祖祥官思南府知府有善政鑑幼好學誦習舉子業雖貧益勵鄉人徐佑鄉薦回同學者皆避去鑑獨具幣跨驢迎之成化癸卯領順天府鄉薦甲辰登進士第授天長知縣民有貸而不償

本朝分省人物考

卷六

三十一

北直六

者誣券爲僞爭于庭鑑曰吾倦且休矣取其券令畫字封而去鑑閱券字無異詰之曰券字非爾手筆耶誣者愧服民不知種麥鑑給種教之麥乃大穫至今天長有麥以檄理齟政于儀真平心處之無不稱便弘治辛亥遷南京雲南道監察御史丁內艱服闋改南京廣東道巡視南京諸衛倉場搜姦剔蠹人皆憚之奉勅清戎躬閱故牘積歲隱沒之弊多所釐正大司馬馬公嘗謂鑑曰聞君清戎數增于舊而人不寃行將上君績于朝以勸天下之理戎政者又命巡視鳳陽等府貪吏望風解印上疏欲起用致仕尚書秦

公紘為朝論所稱壬戌遷慶陽知府慶陽邊郡久不治民多穴處不知桑麻鑑至則革吏胥之奸宄徵輸之弊百事一新且招工陶瓦甃治屋廬教樹藝暇則飾公署學校民有殺人報父仇者鑑據法當赦憲司不從後臺議卒是之鑑治為諸郡第一正德丙寅卒年四十有九鑑孝友剛直尚節槩恤故舊事親曲盡奉養之道處兄弟友愛獨至登第後盡以祖遺田宅與之同年主事蜀人盧錦與中貴人構隙坐廢道遠不能歸鑑時尹天長適至南都見之遂與同舟至縣僦屋居之遣邑子弟穎秀者從之游擢士人女為之

本朝分省人物考

卷六

三十一

北直六

邊 憲

邊憲字汝成別號桂巖世家河間之任丘祖永歷官戶部郎中父鏞累官至南京刑部右侍郎憲甫十歲能為韻語書過目輒成誦既長學於少傅邃菴楊公每期以遠大成化癸卯舉于鄉明年登進士授青州府推官時甫弱冠人皆以少易之憲發奸讞獄如老

吏郡中無不畏服者青濱海海溢壞民田廬將及城憲率眾築隄障之城中人恃以無恐值歲饑議賑撫按以其事屬憲憲計口給食處之有法所全活者甚眾又屬憲均六府之役其輕重盈縮一視貲之高下里書莫能售其奸民皆便之弘治癸丑擢湖廣道監察御史奉命按山西復按宣大所在別白賢否裁抑貴勢風采凜然陳邊務數事皆為 上所嘉納又奉命至遼東覈實邊儲諸宿蠹剔抉殆盡兵出宣大受紀功之命人不敢請寄賞比還陞淮安知府以父憂歸服除改鳳陽不兩歲積備賑之米至萬餘石正

本朝分省人物考

卷六

三十三

北直六

德丁卯陞浙江按察司副使時逆瑾竊政欲士夫阿已往往假他事羅織為罪而罰米以困之憲所罰至二千餘石竟不肯少挫庚午陞按察司使尋陞布政司右布政辛未陞都察院右都御史巡撫山東畿甸賊流入內界憲遣官分禦多所斬獲嘗荷勅獎勵且有金帛之賜明年賊勢益熾至命近臣統諸將以邊兵剿之師久無功言者請罪一二重臣以示警憲與保定巡撫蕭紳俱就逮繫獄旬歲賊平始得釋以舊職謝病家居處之恬然未嘗有怨甲戌復起巡撫寧夏至則築垣塹蓄芻糧凡邊備罔有不飭嘗禦虜花

馬池斬馘若干虜遭挫劔而遁又禦之紅兒山五日七捷事聞獎賚有加丁丑陞南京刑部右侍郎巳卯改戶部右侍郎以母憂歸服除以舊官總督太倉疏漕運數事未幾轉左蒞部事乃南遷尋復有中臺之擢甲申年六十有一而卒憲資稟篤實容觀簡重孝友爲鄉邦所稱有時鮮必薦然後入口母老失明左右扶掖未嘗少離兄弟七人居時日聚飲食遇親友恩禮曲至口未嘗及人過失人有犯亦不與較居官清慎嚴取與夙夜奉公蓋邊爲河間望族相傳漢有司馬者其冢至今猶存入國朝累世爲名臣世卿

本朝分省人物考

卷六

三十四

北直六

可謂盛矣

周郁

周郁字文盛號東陽阜城人戶部員外郎全之子登進士累官南京戶部郎中性敏而識高氣剛而行方往來京師未嘗持書幣履權貴門以是不調官者十餘年後時相中以他事陞陝西行太僕少卿始至卽上章劾退軍職不法者十四人又明年劾退九人人皆竦息不敢犯弘治癸丑又劾苑馬司少卿某賊私不法事十餘條時巡撫都御史某以太僕苑馬班行而叅奏不關白于巳謂郁紊亂舊規勒令致仕

李且

李且字啓東獻縣人願身玉立磊犖不羈藻思迅發由進士任刑部主事成化末上奏修人事以謹天戒凡十事其一正君心以培治體大略謂陛下欲求正理先辟邪心如神仙佛老之說燒煉脩養之術私外戚納女謁聲色貨利奇技淫巧之屬皆陛下素所溺惑者也加以宦官宮妾左右近習有欲苟慕富貴覬保身家而誘之以蕩上心逢君意則以物交物以非遂非心能正者幾何繼自今務養心以正制心以理異端罷而不談脩煉置而不講聲色不邇貨利不殖外戚不私女謁不行奇技不尚淫巧不作而便嬖倖臣擯斥之驅逐之日進儒臣講求治道大開言路款納忠良然後此心不爲彼所動而正大光明之體不失矣二曰篤恩義以親宗族三曰收宦官以重任使四曰惜名器以杜僥倖五曰絕珍玩以遠盜臣六曰別賢否以隆治效七曰撫流民以弭大患八曰恤畿民以固國本九曰整邊備以固藩籬十曰納諫臣以施實政凡此俱切於君身裨於治道者疏入貴戚權倖側目竟坐是罷黜君子惜之

本朝分省人物考

卷六

三十五

北直六

鄭宗仁

鄭宗仁字體元其先河南祥符人曾祖輝徙任丘遂家焉宗仁生而慧悟年十一補縣學生隣有爐從地躍起盤旋人恠之宗仁至輒墮或曰是豈凡子哉成化十六年舉鄉試魁二十三年第進士擢戶科給事中弘治二年奉 勅覈薊州邊儲薶姦剔蠹人咸畏焉巡視光祿寺疏陳節供應專任使實邊儲汰冗食四事五年天下郡縣以災告者百九十餘處宗仁疏請賑卹明年災倍於前復疏言之有建議者以國用不足欲令齊民得入粟受千百戶仍帶俸宗仁曰名器濫至是耶此令一下軍士將解體况一時所得不足償帶俸之費抗疏言之復上崇聖學嚴考察理冤滯三事多見采納晉尚寶司丞十七年轉南京太僕寺少卿疏陳馬政四事深切時弊正德四年改太常寺少卿明年晉南京太僕卿尋改北奏增庫官一員典錢穀六年改光祿卿時權奸用事費出無經宗仁據弘治初元供應例日省百金 上偶幸光祿寺樓宗仁承 命進芽茶等物僚屬少之且虞得罪宗仁曰有罪在我或傳 上且去笑為節儉管家云七年擢都察院右副都御史提督鴈門等關兼巡撫山西始至訟者二千餘人宗仁令各以情言不者舉而遣

本朝各省人物考 卷六 三十六 北直六 高尚武

之遠邇肅然出路引若干下之郡邑每引令人粟四斗得至千萬餘石 宗藩缺歲祿宗仁奏以粟募人取鹽於河東運司正額外得鹽二十萬引與商易芻粟以給邊令民以歲租折銀以給宗藩人以爲便孟縣礦賊千餘人流劫村堡宗仁檄鴈門寧武兵合民兵捕之斬首二百級擒其首惡餘黨悉降有欲以捷聞者宗仁却之各關缺馬宗仁市千三百餘匹復請太僕寺馬三千分給軍士仍時廩犒禁侵牟於是軍士欣躍復伍者二千餘人偏頭關西北二百里許曰草梁山有甘泉甚美虜恒恃以牧馬間爲抄掠宗仁令以毒藥置泉水中寧武城北山險虜每據之瞰我堅脆宗仁益以雉堞又于沿邊坎地爲窖增於舊者十五虜知我有備邊患稍息居一年民隱吏治利害有當興革者輒疏言之其更將領裁冗官建學校諸疏俱報可九年召爲戶部右侍郎提督倉場明年監通州水兌陳六事十二年宣大二鎮奏虜且近邊命兼左僉都御史往督軍餉未幾 帝幸宣府又幸大同宗仁從十五騎先驅會計芻粟三晝夜冒險行六百餘里抵懷仁是夜凡五嘔血以應州之捷 賜蟒衣三襲廕一子錦衣衛百戶世襲宗仁辭且乞休

本朝各省人物考 卷六 三十七 北直六

不允十六年奉 懿旨迎 世宗于新鄉扈從至真
定稿之羊酒至良鄉饋之盤食 登極後降 手勅
進一品俸 賜金幣尋進尚書仍總督倉場漕司故
有折耗銀四十七萬餘兩多為典守者所侵宗仁置
綱司簿稽之嘉靖元年十一月卒得年七十有二訃
聞 命禮部諭祭者再工部營葬域宗仁為光祿卿
時廷鞠逆瑾事瑾厲聲曰内外文武皆出我門下惟
田尚書鄭光祿無私謁又何問時論偉之 武帝駕
出宣大宗仁迎於鷄鳴驛中官欲以戎服見宗仁曰
君臣禮不可褻竟以品服謁之因面啓回鑾退復上
本朝分省人物考 卷六 三十八 北直六
疏切諫其正直固如此

王 濟

王濟河間人成化丁未進士任戶部主事早年才智
過人博學好問動遵禮法居官以清慎自持陞山西
布政司叅議擢太僕寺少卿以得罪內臣劉瑾繫獄
卒卒之日家無餘積 朝廷特賜祭以表其忠焉

馬思聰

馬思聰字彥誠青縣人學醇行端天性孝友以丙午
舉人授陽谷縣令有廉能名時張秋河決檄令督工
作堰功垂成以過勞卒於工所百姓奔哭如喪考

妣至今思之

廖 紀

廖紀字廷陳別號龍灣世居閩父瑄商於東光因家
焉紀幼有至性好學不喜嬉飲成化庚子領京闈鄉
薦庚戌舉進士時屠公總憲風裁炳著少許可紀觀
政屬下獨器重之逮握銓柄首疏紀為考功主事紀
亦節介不渝期副所薦鄉人有圖仕者奉贄干謁紀
不辭既乃完壁充贖以歸其清而不激類如此歷遷
考功郎中再轉文選雅不阿時宰士類高之陞太僕
少卿太常卿皆有實政紀錄尋擢工部右侍郎督理
本朝分省人物考 卷六 三十九 北直六

易州山廠時歲羨餘將萬金紀一無所染悉以 上
供因定為例陞吏部左侍郎既而擢南京吏部尚書
頃又轉兵部叅贊機務凡勢權所役奪之俾盡還伍
戎政用肅因人言求退章再上獲允家居踰兩載起
為吏部尚書紀感激益自磨淬值修 獻廟實錄受
命總裁事竣進太子太保 賜鞍馬金幣丙戌請老
上不奪其志加少保給人夫月糧以示優遇仍

勅乘傳歸既抵家日惟杜門研索古義嘗著庸學論
孟管窺少業毛詩晚年尤嗜易紀卒贈少傅謚僖靖
賜祭九壇 命工部管葬 恩禮稠至士林榮之

屈伸

屈伸字引之號蠖菴任丘人弘治初進士選翰林院庶吉士時上初元新進紛紛大言沓撓新政伸每聞輒領之及為禮科給事中同列蚤夜伺揣有封事顧寂不動一旦脫然勸御日講謝游觀曰是大繫世故吾何可無言遇災異置其苛細條興利除害數事事下禮部議倪文毅公歎賞卽是其議以覆崇王就藩久 太皇太后憶及言於 上擬發使召至京師大臣臺諫力諫不得伸以輕離封守一語寤 上立止其使自禮科陞兵科右給事中又轉吏科遂陞兵科都給事屬虜大舉入寇首將提兵至榆林以虜退聞虜實自它道入內地張甚而永順宣慰彭某黠首也幸有急興事上言欲帥所部入助戰伸謂同列曰是關國體也乃劾將帥逗遛請降詔責之而駁某無勞遠方助順詞婉而厲將帥懼至擣虜巢以勝奏凱歸而四夷亦由是絕他覬將家子聚麀褻職者攀戚晚謀復起而越人呂紀者畫工也暨一二兵官相繼內降注授要職伸大憤次第率言者排之最後鎮守河南太監劉瑯請柴夫舊制柴夫者名為夫實入銀于官以備爨薪者而數則視其官之品中官例無之

本朝分省人物考

卷六

四十

北直六

而瑯請至四倍於尚書伸乃獨言祖宗制柴夫為庶官養廉助爾中官無當得之例 上為殺其半朝野悚息交以為賀居禮科凡兩使而兩廣之役則人多以貴戚憚行者伸毅然請往至則挺與奧援敵卒直尚書秦公之誣積獄遂解居兵科一同考禮闈所得多名士會權幸爭長進用上章切言觸犯忌諱逮捕繫獄而讜直愈堅賦詩自解曰七年常愧此言官萬死于今豈憚難此舌料應終在口歸來何必要妻看其忠貞類如此嘗書座右曰富貴自有定分世有奔走而得者不過一二不得者千萬以一二之故至于勞心費力死而無成者多矣觀此則生平品節可知疾革士夫問者諄諄談國事了不及私語卒之日不能備棺斂惟書二籠藥瓶二隻故衣數件而已伸歷諫垣十五年所上四十餘疏每一疏上 孝宗歛容敬憚之故時稱善治功居多諸縉紳咸為文哭之積成巨卷

本朝分省人物考

卷六

四十一

北直六

李咨

李咨字汝弼故城人少警敏不凡嘗從鄉先生東田馬公天祿學易館一女巫家巫欲與人私思以計去乃夜作巨人跡憚之復誘以娑婦夜奔咨嚴呵拒之

最後又飾少女如嫠奔狀屹不動巫計窮咨亦知其意遂徙去鄉人以是稱之舉辛丑進士授襄陵令值歲大歉民流離不相保幼穉之棄滿野咨遣收孤兒數百日給薪米俾不乏有疾輒遣醫診療之隣縣就食者日數百人其愛民類如此改治丹徒政治大敷如其所以治襄陵者未幾以薦陞監察御史去之日小民號泣遮道請留爲御史正色立朝務持大體未嘗訐以爲直嘗按河南河南竹根山賊董宦陳州豪民劉幹怙惡人莫敢撻靈寶諸山礦砂可盜取者互相讐殺時號三害悉除之民庶歌焉子獻可際可俱

北直六
四十二
本朝分省人物考 卷六

沈冬魁

沈冬魁字伯貞號立齋又號漳涯其先吳興人也至大父徙居阜城冬魁蚤舉順天鄉薦登弘治庚戌進士授中書舍人歷稽勳員外郎郎中擢順天府丞起艱太常少卿轉光祿太常卿左副都御史巡視河南入爲工部右侍郎總理易州山廠尋改戶部復爲工部遷南京禮部尚書居五年致政 上嘉重之錫月廩歲役冬魁生而穎特甫澡髮人見者業以非常目之六歲卽能讀父書屬對應聲時時作警語隨父省

墓歸安年始十一凡道所經歷山水形勝州邑名理

略能憶誦之父喜曰兒能若是辨乎乃使就學鄉先生鄉先生大加珍器登第授官中書纂修會典及孝廟實錄俱預有勞其爲光祿貶裁浮靡供億有藝疏節省事宜中時弊 上曰光祿卿議是其聽裁損焉巡撫河南至則先條列所欲興革摘示之河南榜示無不帖服以爲真都御史云指揮石姓者素豪挾貴倚權璫爲暴冬魁發其奸并劾權璫中右權璫加旨詰責甚峻冬魁曰都御史固知有法終不阿中旨脫有罪督捕嵩盧盜盡平之捕郟城盜又平之濠庶人

北直六
四十三
本朝分省人物考 卷六

炳逆西江變告冬魁防禦繕績尤悉中州無恐雖不遇變而策略預遠矣易州故利府多豪猾中官乾沒漏削至不得有所詰問或操繩約急輒訕構橫發冬魁曰豈有爲天子操法明利復能顧刺譏者耶竟滌理之舊常虧公帑賄內貴積漸已久冬魁獨以廉正自持一無所賄滿九載考加俸二級勅吏部記其勛尋有南都之命冬魁已絕意仕宦歎曰吾年望懸車乃復顧戀不能引決乎累疏乞休予告家居每延戚舊行酒賦詩鼓琴瑟甚歡鄉人忘其爲禮部尚書云性孝友執喪中禮家故有產業盡舉以與弟恂恂夷

雅見者咸慕悅之至秉權蒞事卓乎不可誘奪沒前數日自制年譜屬子以後事而卒

房瑄

房瑄字廷獻號西莎任丘人弘治庚戌進士授刑部主事典內藏中貴專利給事中胡易疏發其奸上怒下獄瑄獨抗疏申究並劾太監韋太尚書白昂比黨亂政士論譴之歷陞河南按察使累著聲績仕至太僕卿

鄺璠 附弟珩

鄺璠字廷瑞別號阿陵其先世為廣東高安人至大

本朝分省人物考 卷六

四十四

北直六

父始徙任丘璠方孕時其母夢異人以犢角馬蹄磨身牛尾書其門覺而璠生自幼以穎異聞淹貫羣籍弘治壬子中順天鄉試明年登進士出知吳縣下車即有能名中使道吳知其不可犯例給外一無所索或冒貴戚來謁勢張甚發其奸并餘黨擬配朱氏子以販漆富謀殺弟母曲庇之官數易弗得其情御史以屬璠夜夢所殺來愬語含糊莫辨似謂其嫂氏兄子害之璠曰是必斷其舌矣明日使人扶其口驗之果然獄遂成御史神之邑五萬戶其貧富璠輒知之及定役叅之里甲不數日而竣無以不均愬者閭門

富室沈甲規避重差詐為懸鶉狀匍匐庭下璠曰若顧欲欺我若嚮嘗統綺而嬉於市謂我不能記乎遂惶懼自占上戶蓋璠嘗一見之遂不忘其聰明識事類如此在吳八年奏蠲洞庭荒山之稅六千三百石

梁西成之渡疏普安歸涇之壅皆便於民闢學宮建社學公署壇壝祠宇鉅麗皆加于故以忤權貴僅轉徽州府同知暨至徽值大司馬彭公方典郡一見莫逆疑牒輒移決焉武弁之獄恃貲多數年不決及璠至乃決郡俗送葬輿馬咸辦自喪家貧者病焉寧緩葬至有三喪弗克舉者璠以禮刻期諭戒踰月葬者

本朝分省人物考 卷六

四十五

北直六

萬計壬戌進表入京故事率挾當輸之稅利其羨為道里費凡數百金璠却之道聞父憂歸終喪改金華俗器訟璠嘗署篆郡庭聞然中人家以厚嫁破產故女多不育璠嚴諭之屬縣蘭溪民居櫛比素弗戒于火乃拓其衢率五門潞水一甕自是不復延燒邑人因命曰鄺公街正德丁卯以母憂歸終喪改河南府初河南有督驛傳馬價於吳者鄰盜竊其百金易以磚積封如故罪其主且逾歲璠驗諸鄰竈有取磚故隙與所積封者合盜遂服嘗署篆事辨治如金華辛未擢守瑞州府時盜魁陳福一等塞華林擁眾來犯

璠親擐甲胄登譙樓禦之毒矢雨下殪三十餘人賊縱火且逼樓璠額天風反賊乃退追數十里多所擒獲總制都御史陳金奇之上其功嗣是築城浚隍爲固守計又于治東阜建明遠樓演武亭以時訓練嚴賞罰勁卒日多壬申六月率衆薄華林分令僚屬營於渚嶺檄鄉人隨城地分戍適獲賊謀斬以徇仍焚近山之積聚賊大懼乃分寨瑪瑙山仙女嶺璠復攻圍之擒斬無算福一等窮蹙率妻孥降璠卽遣降者攻其餘孽而陳於其後鼓行而前連大捷蓋大小百餘戰璠瀕於死者至再僕勤竟死之時饒之姚源盜

本朝分省人物考

卷六

四十六

北直六
徐妻

方熾提督都御史俞諫又檄璠往剿璠提兵夜入三十里賊謀知曰瑞兵至矣相戒勿動且日悉衆來犯璠揮兵奮擊斬首數百叅將桂勇與璠連營亦服璠之神速暨還瑞盜復百人挾異術撼衆璠殲之御史以聞武宗降溫旨犒獎府面錦江春夏漲輒沒兩崖廬舍璠廉得其故以市河爲豪強所侵悉力浚之淹患遂絕飭新學宮創建書院延經師以課諸生置黠吏及奸民于理珥筆之風少衰乙亥考績北上亡賴子汪鳳等乘間縱橫璠旋悉磔于市逆濠以親藩怙寵朘削郡縣屬邑新昌劉氏以富聞濠利其財遣

校尉持僞券責償播密令抗而毆之一無所得乃謀而之璠愬焉璠曰彼敢抗親藩何有於郡吏耶某固靖民者華林幸輯而敢激彼使變乎濠聞恚甚欲致璠以洩其怒璠峻絕不爲所動又喻象賢者以非罪忤濠捕急連及姻友破數十家璠庇之獲免濠智竭不得逞乃嗾當道罷之璠曰吾活瑞百萬生靈功成身退抑復何愧當卧視此輩敗矣瑞民聞其去徬徨若失父母乃建祠肖像事之里居數年猶問遺不絕璠精于吏事而每以儒術綠飾彬彬可觀晚歸亦唯以鴈詠自適性孝友終其身與兄弟相愛不衰任宦

本朝分省人物考

卷六

四十七

北直六
劉汝恩

幾三十年未嘗厚自封殖與人交洞見肝膈而言議爽邁風格出塵爲政主於愛民終於靡懈義所不可甘與時忤不阿徇爲自全計故雖爲逆黨所中而君子深惜之春秋僅六十有四弟珩字廷用登弘治己未進士歷工部郎中平涼知府致仕嘉靖中奏舉修河有功收入史館縉紳咸重之

張時叙

張時叙字九叙滄州人中弘治丙辰進士授浙江青田縣知縣甫下車卽修文廟伯溫祠縣猾吏刁民革頑服化布按二司所批詞訟常無虛日一訊立辦民

呼為張青天陞兵部職方司主事管山海關到日即與守備太監誓曰禦暴而不為暴凡往來客商聽其所之纖毫不染卒時城樓星落如斗大其鐘自鳴至今青田山海士夫經過滄州者羅拜墓旁

孫緒

孫緒字誠甫沙溪其別號也世為東海人曾大父元季避地來故城因占籍焉父振富而尚義鄉鄰賴之舉火嘗以歲荒焚券里中父老為相率立祠生祀之前一日寢後忽產異花奇香襲人凡七日乃已緒生而警敏異常五歲未能言嘗手書一貴字父見之喜

本朝分省人物考

卷六

四十八

北直六

屢試弗爽八歲出就外傳能賦詩十七入邑庠聲稱卓然弘治戊午中鄉試第二明年登進士廷試二甲第一授戶曹主事辛酉火節入寇遣朝臣往禦緒被簡改為叅謀以行畫策售奇酌以權變總戎以下咸改容禮之是時許襄毅公為戶侍每見緒輒咨詢歎賞事竣調稽勲主事鈞陽馬太宰深器重之癸亥丁外艱先是父病亟緒欲終養再具疏弗獲請乃微行歸省於私第數日還京將乞休而訃音至矣既免喪復除原官未幾轉員外郎考功文選郎中時逆瑾嘗械繫某御史於市士夫莫敢申理者緒過而惻然因

諸瑾曲救得破械出浙江有褚知府者自知當免以在勢者為之地而懷金謁緒峻却之卒不以其事白諸人及轉太僕少卿迎母于宦邸歲暮大雪日晏而養具未備因婉辭以悅母心母喜曰惟願終始不渝耳乙亥晉正卿時大司馬王德華交結錢寧勢頗張移文太僕語涉不遜緒作書數之王引咎浙人胡澧者隸知印緒見其少年雅秀教之讀書後舉乙酉鄉薦胡感知遇至以父事之舊例太僕供邊騾以千計歲久無用緒上疏罷其役先是淮安鳳陽諸郡饑饉馬俱小弱緒察其故咸與交兌省費至萬緡民賴之

本朝分省人物考

卷六

四十九

北直六

不破產者千餘家至過緒之里有醜金設醮為祈福者南陵丞韓思義貪殘日著緒庭杖之而按以法思義席權宦張雄凡與思義素者皆為之言雄亦托親信寇錦衣來致意皆不答會思義以病死雄以故勘誣緒乃繫御史臺閱月幸菴彭公力救還職雄乃矯報褫為民 世宗龍飛詔復太僕卿致仕家居足不及官府朝夕侍母愉愉如也母性嚴急或怒緒長跪暑月揮汗如雨遇初度愀然塊坐終日蔬食曰吾念母氏劬勞也母沒後築漢陰亭剪韭軒於陂東柳曲自署陂東居士跡入城市者歲不二三間招朋舊遊

樂累日夜不倦緒生而美丰神順身玉立鬚髯望之如畫重交游慎然諾與人語必倒衷曲至於嫉邪惡佞則又毫髮莫之假借然性慈惠雖草木魚蟲之細罔不欲其生喜音樂生平不飲乃勸人飲則又弗之厭也爲文響振漢魏雄視屈宋詩則冲淡含蓄浸浸乎逼大雅矣博極羣書天文地理老佛醫卜以及國家儀文典禮莫不洞究所著有沙溪稿四十卷無用開談十二卷蒙求族譜大學中庸放言易經奇語陂東新論四書小說語孟毛詩尚書雜義各若干卷藏於家遂菴公至評其作爲近代宗匠允哉嘉靖丁未

本朝分省人物考

卷六

五十

北直六

高深

卒是夕有巨星隕於異隅其光如炬空中有聲如雷其異如此年七十有四

李時

李時字宗易任丘縣人弘治壬戌進士改庶吉士嘉靖三年進侍讀學士尋陞禮部右侍郎四年二月纂修獻廟實錄命時與吏部右侍郎溫仁和爲副總裁四月時言頃者仁壽宮災詔加修省然中外臣工未有以奉德意者議禮者幾於聚訟催科者甚於繭絲希進趨權倖之門在位乏羔羊之節習於世祿鮮克由禮抑於冤獄多所未伸邪正雜居名實未核凡

此皆足以召災致變而諸臣方且佞諛成風以言爲諱忠鯁之士有懷欲吐思及罪譴輒復中止乞廣求直言令指實敷陳以祛時弊章下所司尋轉左丁憂七年起戶部左侍郎復改禮部八年陞禮部尚書九年時議姚廣孝在文廟雖有帷幄之功而崇秩顯爵已償其勞今以削髮緇流配享太廟實所未安乞移祀大興隆寺從之十年加太子太保三月時言各處鄉試巡按不得收取遺才不得與主考較禮儀不得徇私聘取房考官從之會浙江巡按李佶請經房閱得雋卷仍發監臨叅閱公同去取時言若令叅閱

本朝分省人物考

卷六

五十一

北直六

高深

去取則失 祖宗糊名易書之法亦非救弊補偏之初意 上深然之九月召爲武英殿大學士叅贊機務十二年 帝幸南內召孚敬時等閱馬觀花賜蟒服 上製古樂府七言二章命各和以進復同遊西苑製七言五言各二章命和十三年五月 上幸南內召孚敬時同閱青爵尊 賜扇及酒食復留閱宣宗輿地圖詩及御和詩十四年三月復召同遊南內時等各作奉制記樂賦以獻 帝亦作一詩命曰御製記樂同遊命刊示羣臣本年加少保進少傅兼太子太保吏部尚書謹身殿大學士十五年端午召

時同夏言郭勛泛舟西苑命蕩槳近龍舟被顧問賜宴無逸殿翌日時等表謝以為自 宣宗賜蹇義同遊萬壽山楊榮同遊西苑後迨此乃再見云九月以實訓實錄成加少傅華蓋殿大學士十七年十二月卒於官贈少傅謚文康

李銳

李銳河間人弘治辛酉舉人有孝行親喪廬於墓側獨居三載悲動鄉閭嘗以易學教授生徒咸有成績後任平陸安邑知縣擢平定知州俱多善政民咸思慕焉

本朝分省人物考 卷六

五十二

北直六 杭 未

及宦

及宦世交河人家世力田至宦始振儒業補學官弟子駿駸有時名正德癸酉領鄉薦明年舉進士選授兵科給事中是時流賊掠畿甸甚熾都御史甯杲討賊無功宦疏劾罷去乃後代者竟剪滅焉虜犯邊邊將失守言官多有論劾宦獨疏倖門未杜債帥成風顧欲將才兵練是塞源而浚其流也人以為確論嘉靖初奉 詔覈錦衣官校革冒濫者二萬有奇請托不行歷工兵二科左遷寧國府知府抵郡獨處齋閣日蔬食三日一肉訟庭如水市無赭衣隸人暇輒午

卧令鋤庭草而已賦民以寬簡教令先之隸無野跡獄訟以清六邑大治會南京太僕寺議以他郡馬移牧寧國輿情恟恟稱不便下令慰諭移文為達其隱事遂寢調守懷慶去之日民慟哭而送者聲振野至今祠祀之尋以父喪歸終制補鳳陽遷浙江按察副使巡視海道時海寇不靖宦督捕八十餘人中有力者煤孽當路事聞勒歸里聽覈覈明無他改除陝西遷布政司叅政以母喪歸終制補湖廣遷山西按察使右布政使轉左轄所至皆舉其職入為光祿卿未幾遷南京都察院右副都御史提督操江宦於江

本朝分省人物考 卷六

五十三

北直六 杭 未

邊億

邊億字本一號東瀛憲之猶子任丘人進士授戶部主事往密雲招商不畏權勢改兵部歷陝西僉事值安化王之變奉 勅撫輯寧夏諸郡賴以保全陞漢南兵備副使首飭軍務除廖曹鄢喻四巨寇中丞彭公奏 聞欽賞銀牌命服加俸二級蒞官凡二十餘

年至湖廣左叅政

劉綱

劉綱字克立號秋溪任丘人進士知屯留縣值歲歉民流綱至勞來復業者眾召入為禮部主事館人索夷貨減廩餼綱悉革之疏陳處置夷情十餘疏皆蒙嘉納改刑部陞員外郎 詔錄囚山東有一家死罪者三人綱憫之時旱焚香籲天曰斯人法當生天其雨乎明日果雨遂釋二人後出知西安府有巨盜行劫綱授方略斬捕數百人功上擢山西叅政卒

于大節

本朝分省人物考

卷六

五十四

共直六

于大節字守正號北莊其先自進賢徙居任丘大節少聰敏勤學舉進士授行人安置甘肅降夷夷不敢肆或私貨中國子女責之立還擢御史巡薊州山海關劾中官武臣曠職詔督責之出按大同劾去債事者萬全衛艱於汲乃命鑿井得泉迄今名于御史井再巡湖廣悉心疑獄刑得不濫聞 京師地震上八事忤中貴左遷鶴慶府推官報至無愠色從容賦詩曰武昌城裏得文憑小小扁舟載我行莫訝滇池荒服外版圖猶自屬 皇明值歲饑發廩賑貸俗不知學選秀民補郡學弟子員時親指授勘夷獄諭以情

法竟息其爭陞四川僉事尋陞浙江按察使以目疾致仕復起按察山東剖決如流民賴以寧卒于官大節性溫厲篤于孝友方在泮有親喪不能舉者倡義士買棺助之時人謂其名字咸稱情云

馬政

馬政字公敏青縣人性穎悟博學能文登進士第授翰林檢討歷興岷楚三府長史善為詩有魏晉以來風韻見人過惡輒面斥之不少貸然竟以峭直忤權貴致政歸雅好吟咏尋以疾卒 詔進朝議大夫鄉邦咸思慕之

本朝分省人物考

卷六

五十五

北直六

牛鸞

牛鸞字鳴世獻縣人正德戊辰進士任益都令時劇賊劉六等轉掠山東躡曹濮蹂淄澠所過城邑望風奔潰獨鸞與樂陵令許忠節公達東西遙應屹若巨鎮鸞尤臨機設變出入鬼神號稱異特賊嘗縱兵圍城三匝鸞日夜距守賊斂兵退鸞曰此特自完計耳不一大創賊必復來乃駕子弟兵及諸亡命躡賊戰大王橋身被四矢扶創疾鬪賊遂大奔斬獲無算賊自是不復東矣事聞擢按察司僉事備兵青州尋遷副使仍理兵務嘉靖初顏鎮賊王堂豪俠好施聚眾

山谷每戰困衆脫之鸞挺身突入賊中賊覺鸞奮刃大呼賊衆披靡未幾就殄山西馬五寨賊首陳卿者據山作亂數年不靖鸞奉 詔移兵平之即其地建平順縣鸞累平劇寇聲望赫然而懷奇負氣不能泯忍爲詭隨態世亦以嫉鸞尋謝病不起終於家

殷尚賢

殷尚賢其先廬州合肥人洪武初始祖成隸籍宣武衛已而改隸安吉成子忠屢從戰有功由本衛百戶陞河南歸德衛世襲指揮僉事調天津左衛於是世爲天津仕籍云父健襲指揮僉事倖卒尚賢甫七歲

本朝分省人物考

卷六

五十六

北直六
高梁

倜儻不凡母馮躬勤養育俾有成立弱冠入鄉校修詩書俎豆之業有四方之志嘉靖乙未襲父職迨壬寅春守禦黃花等鎮改任天津右衛尋管本衛事撫按廉其忠幹每加推獎丙午秋用督撫交薦守備遼東寧遠移駐瀋陽陞山西都司僉書已酉秋充遊擊將軍督軍駐延安內盜外訌四野洶洶遊擊爲一時創設兵皆市人不習練尚賢受命厲志忠武身先士卒嚴刀斗多間謀以哨虜情而叅以遁甲孤虛諸法用能屢殲賊虜奏凱廷下於是諸鎮之兵延安稱強焉時 天子加意邊陲廣求將材以儲折衝之用尚

賢威名日盛本兵屢推轂壬子夏擢山西太原左叅將賜勅以往是秋分守大同東路路當虜衝而鐵裹門等口尤極邊隘虜騎時出沒士馬單脆物故每大半尚賢曰不遇犀革何以別干將邪益勵志奮謀務淨虜氛以報 主上殊遇屢挫敵鋒斬獲無算時巡撫侯公在圍急甚尚賢督率前軍衝之圍遂解虜嚙指啣之功聞 上嘉賞有加甲寅克分守遼陽副總兵尋陞都督僉事總兵官鎮守遼陽掛征虜大將軍印賜璽書寵諭備至尚賢尤感恩圖奮訓練六軍修繕墩堡申嚴號令由是軍威大振犬羊懷畏居遼陽

本朝分省人物考

卷六

五十七

北直六
李思馬

二月降者數百人聞有犯而侵境輒剿截沙磧無敢牧馬捷書遊奏諸鎮聞風思奮而尚賢矢志益勵矣丙辰冬虜騎數萬猝至士伍不服行列尚賢聞之躍馬而出血戰移日力窮矢竭遂遇害贈少保左都督特進榮祿大夫仍廕一子世襲指揮同知命禮工二部祭葬如例立祠以旌忠烈

戴才

戴才字子需別號晉菴其先景州人五世祖徙滄州家焉才生而穎異沉靜始就外傳即端重如成人年十二試於郡郡守姚江吳公大奇之曰此公輔器也

聲籍籍起嘉靖癸卯舉於鄉甲辰成進士授行人已酉擢戶科給事中庚戌之秋虜薄都城倉卒乏軍興請一切加諸道賦才抗言今畿輔山陝諸郡歲苦虜募兵市馬甚勞費矣而復議增馬江南諸郡每先期輸納料銀又豫輸機兵民快皆目前權宜之計而復議增賦是竭澤而漁以重困民也部議竟格不行已巡視光祿清覈伏蠹修爲四事上之歲省大官金錢十萬壬子轉吏科右給事癸丑轉左以內艱歸服闋補工科左尋陞兵科都給事才以倭夷猖獗閩廣用兵無虛歲乃疏陳三事曰亟剿滅慎防守馭客兵言

本朝分省人物考

卷六

五十八

北直六
李思禹

言中窾下所司行之才在諫垣不以鷹擊毛舉爲名高然數引當否耻趨和承意久之陞南京太僕寺少卿循行郡國精心牧政踰年以外艱歸服除陞都察院右僉都御史巡撫甘肅甘肅新中虜無見車騎卽羸卒乘亭障者半菽不給才至撫其瘡痍而乳哺之首爲請帑餉墾荒田興水利乃次第簡兵將習技擊飭烽堠虜入輒遭劄去而紅柳林鎗竿嶺之捷甘鎮向未嘗有也虜旣數不利遠塞則以其間建學明教振廢省刑撫甘五年斬首捕虜數十百人修築墩墻以千百計招揀降口若干奪獲羊馬器械無筭以積

勞晉副都御史巡撫陝西五郡父老及諸番夷卧轍攀留才甫至陝有秋防之役卽移鎮原州儲芻糧守要害比及瓜期旣撤防套虜忽入延綏殺總兵郭江執副總兵時鑿以去科臣列失事狀嗣連才夫虜所出入定邊瓦查諸路非才所轄地言者誤及才不自明也詔才歸就覈隆慶丁卯事白仍以原官巡撫河南三月入爲大理卿己巳陞刑部右侍郎尋轉左才再爲法官持法平允所定買休賣休諸律著爲令庚午八月宣大總鎮臣以謀者言東西虜酋當大舉入寇京師戒嚴 莊皇帝飭大司馬修戰守具詔諸鎮

本朝分省人物考

卷六

五十九

北直六
余立德

整兵待援乃起前都御史帶川劉公守通州提督援兵而改才戶部左侍郎兼左僉都御史督餉事才言虜勢叵測徵發貴豫請令密雲諸處司計之臣悉心經畫益廣儲蓄俾應援兵馬在所關支如取諸寄此與輦輜重而勞軍者功相倍也旣而虜偵我有備旋解散去是年冬陞右都御史兼兵部右侍郎總督陝西三邊軍務才三蒞陝益熟其利弊舉劾諸帥咸當其人凡汰冗增餉議屯田鹽法檄鎮兵防禦諸路俱不遺餘力中衛南有裴家川地腴田可萬頃民苦虜不得田作才爲相度地形築墻建堡疏於朝且請以

固原守備某督兵營田以死馬寺少卿兼僉事某移靖虜整飭兵餉而秦隴之間屹然成巨鎮矣會俺酋款關乞貢市報可而虜吉能者俺酋支屬也援例以請下才議才言東西虜各為雄長授職宜均通貢宜隨俺酋進入為便若互市則陝西重鎮既不可招之內地甘肅開市已久又不宜令強虜混入以滋禍階惟延寧二鎮頗為近虜然闌出之禁甚嚴亦不宜因市啓釁互市第可行之宜大不可槩陝西也有旨切責才才卒主延寧二市且疏改延綏市於紅山關門之外復寧夏清水營舊廠以備不虞乞椿朋馬價以

本朝分省人物考

卷六

六十

北直六
余正德

充市本列卒環市以懾虜心故竟才蒞事無一敢譁於市者尋進兵部尚書兼右副都御史總督如故兩歲中白金文綺凡六錫焉繼命以原官掌南京都察院事未抵任改南刑部又改兵部叅贊機務才按江防緩急為飭兵卒部署方略巡鹽御史某奏改浦子口五衛隸御史節制才言南畿各衛分列六營以藩籬根本統領則以內外守備巡視則以科道其來已久一旦改隸御史使堂堂六師下同部伍非建制意也事遂寢蓋才習掌故持大體時方倚為重而俄以繼妣憂歸矣家居久之撫按交章推轂而才願以老

無意于世方才爭互市時或諷以第開四市如貴人指延賞可立埃才正色曰市之利害籌之熟矣狗下而謾上便身圖而不計國是有臣如此將焉用之謝絕其人去才既去鎮喜事者卒開甘肅之市令番夷交惡為國家生一邊隙蓋十餘年而才之言竟成左券云才長身嶽立望者知為正人君子居常恂恂飲人以和至當大事決大議則天動星迴而不可奪也性至孝居喪柴毀過禮甘恬澹薄嗜慾仕宦四十年自奉甚約終其身無世俗聲色之好闔門養重無一語撓守牧權亦無尺一走長安道中輿論高之萬曆

本朝分省人物考

卷六

六十一

北直六
余正德

丙戌卒年七十有三

湯 賓

湯賓字繼賓號交川上世為楚齊安人有遠祖徙順義永樂間曾祖福春者始卜南皮而家焉賓方孕時其父夢一少年冕笏入戶賓遂生父通星學知賓大貴賓自幼穎敏殊凡兒書口授輒成誦屬對應聲而答皆奇麗驚人五歲時忽向翁前朗誦大學康誥章益奇之已而其翁授吳江丞賓時可八歲隨侍行道里二千而遙中所經行山川郡邑水陸交際下極媿瑣一一能舉其詳後治舉子業有名嘉靖庚子舉順

天鄉試至庚戌成進士母病篤賓侍湯藥目不承睫衣不解帶者逾月晝夜焚香願以身代而母病竟霍然已人以爲孝感云初授安福知縣潔已愛民劑量里甲其他平反疑獄保障流寇諸政事原本經術士民戴之越三年轉戶部主事初權崇文門稅再巡通州草場三轉邊鎮糧餉四督淮安倉政所至以勤廉著聲尋轉員外郎中知萊州府事甫一歲而丁內艱服闋補常州府常州爲東吳劇郡巨室大猾陰持官府差繁賦重弊竇萬端賓明以察之寬以劑之竟用治行高第擢湖廣按察司副使兵備蘇松蓋吳人不能一日去賓也時當島夷兵燹之際賓外捍海岸內安黎庶其時開府大吏不問人情徑裁兵餉沿海無賴偶語市中謀鼓譟地方洶洶大吏聞之倉皇無措賓立召幕下開誠告戒許以括帑金爲餉而諸黨叩頭散去是年挑七府塘百里白茅河百二十里度地程工胼胝爲勞其心獨苦先是賓父丞吳江時曾濬白茅工未竟而賓卒成之人羨其父子有德於吳如此庚午轉河南按察使便道省親上九十壽鄉里以爲榮辛未轉湖廣右布政使無何再進左癸酉擢撫治鄖陽右副都御史賓領節抵鎮譏察山寇招

本朝分省人物考

卷六

六十二

北直六

撫流移軍政修明地方寧謐俄以外艱歸幾不欲生至乙亥以中讒言致仕賓既襄大事橐裝如洗日惟課農教子凡大夫有司之干旄並皆謝絕暇或羣一二耆宿共話桑麻賓儀貌修偉內無城府與物甚和而介然之守萬夫難奪萬曆十三年卒年七十二歲

宋諾

宋諾字子重故城人生有奇質九歲能屬文甫垂髫爲諸生其父從邑先達受經所聞師說歸以語之無不解嘉靖乙丑第進士授戶部主事歷員外郎郎中咸有能名同舍郎主藏有所亡失註誤及諾謫四川忠州知州忠去長安幾萬里險遠矣諾慷慨叱馭往抵任五日召爲南京戶部員外郎未至擢爲郎中居無何以久次拜知東昌府視事五月以內艱去服闋除知鄖陽郎中丞薦其才堪治劇徙知河南視事四月聞父病甚卽解印綬自免去尋丁父艱久之部使廷臣爭上書言故河南守良吏以父故棄官其人才可用有詔起知兗州諾往居三府不甚久然所至廉平執法名聲流聞及守兗幾三年得盡其才治行愈著兗屬二十七城直兩京孔道吏刑民敝徵發驛騷諾既熟其利病務爲拊循安息煦以愷悌至所興除

本朝分省人物考

卷六

六十三

北直六

鈎校無不精核卽有骯髒奸法輒繩以重典不少貸
 吏兢兢奉約束母敢飾情以免部使上疏言究治狀
 者牘相踵矣以入覲詣闕下而遽卒諸卿大夫無不
 歎息者諾爲人儁偉玉立容貌甚修坦夷誠慤不爲
 矯飾然亦彊直自遂卽於意不當未嘗少有所訕其
 才博大通敏遊刃有餘論事衍衍洞於指掌然常本
 人情無迂恢語未第時甚貧竭力奉親甘旨無缺及
 後貴迎養宦邸朝夕侍食職事執掌終不少廢有同
 胞三弟悉推父貲讓之子女婚嫁又佐以私財故人
 子楊生孤貧召至家塾與子同業親督課之生後學
 成爲名士他所周卹孤嫠尤衆

本朝人物考

卷六

六十四

北直六

余繼登

余繼登字世用別號雲衢交河縣人生八歲而父母
 俱喪族人欲攘其業爭欲死之竟不死則厝薪其間
 而燔之火及門而燬復得不死自少醇篤喜讀書志
 意如成人十三補弟子員試輒高等族人始不復謀
 以萬曆丁丑成進士選翰林院庶吉士其學務考國
 家故實及前代治亂所繇在館局三年未嘗尺寸易
 其度癸未分校禮闈是年纂修會典丁亥會典成陞
 修撰賜白金文綺戊子使於周藩却餽遺無所受歸

渡黃河中流而舟膠波濤撼之柁折舟人皆泣具衣
 冠而禱曰予以使道於河逢神之怒舟膠不渡予小
 子之罪也以予小子故而至震驚龍節神亦有佚罰
 惟神實圖利之禱旣而波恬如或翼舟以濟已丑充
 經筵日講官 上又不御講臣子無所關其忠因以
 通鑑分類註解引古誼傳時政以獻治亂得失皆具
 陳其所以然或庶幾以三百篇諫言者亡罪聞者足
 以誠也辛卯留都主試壬辰陞右諭德典試武闈甲
 午陞少詹充正史副總裁修 武宗毅皇帝紀丙申
 大內火借講臣上章引劉向不學道厥妖火焚宮以

本朝人物考

卷六

六十五

北直六

諫是年擢禮部右侍郎戊戌充會試知貢舉官申飭
 令甲加恣以三品滿課績最予三代誥命任一子國
 子生陞左侍郎署部事自爲中允至今官皆兼日講
 故在講筵最久獻納最多歲 賜白金文幣廷臣無
 敢望焉已亥擢尚書值雷擊 太廟樹上言弭災以
 實不以文今所謂修省皆文耳不 郊祀不 廟享
 皇長子不婚不冠不冊立而礦稅日亟 祖宗寧
 無望于 陛下乎寔怒氣也兵象也循理度勢恐有
 窮苦之民弄兵潢池中者此時而泄泄循修省之文
 欲以應變回天豈可得也是年秦晉齊皆地震南都

雷火西寧鐘不擊自鳴紹興地出血復上言四方所報二氣舛錯之狀近歲未嘗有也天視聽寄于民今畿甸郡國百姓苦于征調催權織造開採各欲以情訴于上而不可得計惟有仰天而泣耳天不言故以變異譴告之昔漢臣徐安以民困主不恤下怨上不知爲有國之戒伏願以愛民實心爲應天實事罷諸弊政不便于民者疏入上溫旨荅焉播州酋楊應龍叛破綦江城徵諸路兵討之力請罷四川礦稅以佐兵食寬民力不報九月太白經天道山崩湧出土山五復上言天不和寒暑隔人不和贅疣生地不

本朝分省人物考

卷六

六六

北直六

和丘阜出方今星纏失度水旱爲沴太白晝見甚且經天此天氣不和也鑿山開礦裂地求砂以至地不能固脉而山崩金不能生水而川竭神不能奠維而地震此地氣不和也閭閻窮困加以必不能止之誅求帑藏空虛責以必不能辦之珠寶奸民蟻聚中使鳴張世變如亂絲民命如累卵中外太隔上下不交此人氣不和也戾氣凝而不散怨毒結而成形陵谷變遷高卑易位是爲陰乘陽邪干正下叛上之象夫羣臣者陛下子也臣子不能動君父言愈數愈厭陛下者天之子也天以非常之變感悟陛下尚

可恬然不爲意乎始以貳卿署部事數月請皇長子選婚疏凡九上及正席南宮疏請建儲及行冠婚禮者三與羣僚署名以進者五卽病肺咯咯不休猶伏枕具疏草以上每譚國事潸然流涕曰大禮不舉禮官死不瞑矣庚子春詔旨將有事於東宮趣禮部具儀時已瘠甚扶掖起視事已而病劇數乞歸不允卒於官訃聞予祭葬加祭一壇贈太子少保謚文恪性忠直有大臣之節善執持重許可一顰笑不輕假人貴近無敢干以非法士大夫與語無敢及非義僚屬有不當卽正色訶之終身不置姬侍不營產業曾學士過其家茅屋數楹蓬蒿沒足歎息而去生平不受干謁亦不以一事干人次子道一累試學官皆見置楊夫人求爲之地曰子而才自當得之不才自當置之卽郡邑小試終不肯爲一言產旣薄又時分給親族比歲大侵傾廩以食之不給縻至就于京邸復分俸給之里人皆歎其貴而能貧貧而能賑人不可及也所著通鑑進講錄五十卷國朝典故紀聞十八卷行于世

本朝分省人物考

卷六

六十七

北直六

本朝分省人物考卷之六



人物考卷之七目錄

北直隸真定府



趙燿 崔亮

李遵義 張益

李琦 杜時

黃懋 邢端

扈暹 趙向

侯保 曹鶴

馬謹 張鳳

馬恭 畢鸞

本朝分省人物考 卷七目錄

北直七

白圭 毛玉

張春 王詔

楊傑 白鉞

張子麟 張舉

石玠 石珣

王宸 郭濬

呂鏜 孔環

張璿 呂秉彝

劉俊 賈應春

王誥 楊宜

毛鵬 王命

宋登春

補遺

寇義 張宏

蔡黻

本朝分省人物考 卷七目錄

二

本朝京省人物考卷之七

北直隸真定府

趙 燿

趙燿寧晉人洪武初以湖廣行省掾進中書省左司提控大將軍徐達取蘇州還授大都督府都事及達平山東河南克元都取山西入關中燿在幕府綜理慎密不憚勤勞達愛重之至于遣將四出攻戰守備機宜方略燿皆預焉比還擢湖廣行省叅政陞辭上以燿從達取元都知其風土民情邊事緩急改授北平行省叅政且使守護王府宮室及行 詔入諭

本朝分省人物考

卷七

北直七
劉汝德

之曰聞北人多來歸附者汝宜速往選其驍勇可用者為兵月給米贍之餘處之臨清東昌之地毋令失所燿因進工部尚書張允所取北平宮室圖進 上覽之令依元舊皇城以改造王府燿受命辭行未幾卒于官

崔 亮

崔亮藁城人洪武元年授中書禮曹主事遷濟南知府丁母憂起復為禮部尚書癸未詔定官員親屬冠服之禮亮於內外官員及隸卒軍士等制各定有差三年 上諭亮曰司天臺言朔日以來日中有黑子

占者多以為祭天不順禮所致令亮制之亮引漢唐宋及元損益不同復以我 國家前議園丘從祀之禮以漢唐為煩故止祀日月星辰太歲為簡當 上

然之而止復問郊祀未地拜位皆正中而百官朝參則列東西避正中何也亮對以天子祭天升自午陛祭社升自子陛蓋社主陰陰北方也故君南向答陰之義也郊主陽陽南方也故君北向以答陽也若羣臣朝參無相答之義俱當避君上之尊故升降則皆由卯陛朝班則分列東西以避馳道此其義不同上重亮議因命百司朝參左右班不得越省府臺俱

本朝分省人物考

卷七

一一

北直七
劉汝德

就拜甬道上復承命議百官及內史監官於皇太子親王前稱謂又定大朝會常朝及內外官員辭謝奏事侍班等禮付侍儀司行之并定皇太子以下及羣臣賜坐殿上坐墩墩制參酌宋典各為等差又請旗纛止祭于當祭之月與夫 宗廟四時之祭皆用四時孟月及歲除凡五祭於清明等節各備時物薦享俱允行之時禮儀草創而亮引証考據多本經典云

李遵義

李遵義衡水人性嗜學博洽經史洪武庚午鄉薦登丁丑進士授河南新鄭縣令政識大體務合民情尚

廉介抑苞苴吏尤畏之或政暇常巡視閭里以稽民瘼有富民者賄里書妄訴為貧遵義歷述其富狀以詰其偽乃自驚服至斷訟不勞多語甫聞兩造辭即判曰某也許某也實一言而決人咸服其明允永樂二年擢浙江紹興府同知尋改除按察司僉事歷大理寺左寺正陞河南府知府至今立祠祀之

張益

張益安平人洪武丙子膺鄉薦入太學以才能拜郢王府典儀成祖入承大統益以才行卓越陞刑科給事中益侃侃敢言惟務伸冤理枉時有郭禮因視

本朝分省人物考 卷七

三

北直七 劉汝忠

田毆死盜禾軍人事覺有司以殺死軍人律抵罪益曰律有明條罪人拒捕主者格殺之勿論今郭禮田主也盜禾者罪人也以田主毆死罪人法當免坐若抵死於律有乖具以事聞上特宥之未幾轉禮科右給事中上臨朝羣臣奏對多失序益代陳奏事明辦稱旨特呼為響張以示寵渥後刑部都察院凡有所逮罪囚皆令禮科官引奏益自益始永樂已丑扈駕幸北京會胡虜數為邊患上命監軍深入虜營主將失利益被執虜持刃脇益不屈曰生為大明臣死為大明鬼非死無以報國虜憐其忠烈竟棄

之時仲秋天寒兼雨雪跣足南行數百步墮然而終

李琦

李琦元氏人洪武末人以文學授滄州訓導坐事謫戍雲南革除中以經明行脩授監察御史尋遷大理寺副復謫雲南永樂初上書陳情召試御史會安南侵廣西地命琦往琦援引趙佗呂嘉逆順禍福之理凜然可懼安南感悟遂罷兵歸侵地比還實授監察御史宣德元年陞行在禮部侍郎後占城與安南交惡復命琦往諭之兩國遂和自是西洋諸番有事悉令往焉所至無不款服後陞湖廣布政使甚得士民心陞行在都察院都御史掌院事尋卒于官

本朝分省人物考 卷七

四

北直七 劉汝忠

杜時

杜時深州人永樂十五年舉鄉試第一十九年登進士授山東道監察御史督學政校文崇雅黜浮士子頌服宣德七年特下求賢詔在廷重臣以時為首時公忠方正操行益堅平居不妄發一語及論天下得失生民利病社稷大計則疊疊便便面諍庭辯不稍囁嚅必欲直以理而後已及巡兩浙強眾不敢凌暴寡弱至今口誦不衰後陞順天府尹卒于官

黃懋

黃懋元氏人永樂甲午鄉舉乙未進士擢戶部主事
有能名尚書夏元吉甚敬重之累官嘉興知府公廉
剛正子惠困窮力除宿弊盜息賦均民戴之如父母
尤篤意學政孜孜好賢樂善有古循良風後遷福建
左布政使歷五年致仕卒于家

邢端

邢端井陘人永樂庚子中鄉試授監察御史尋陞湖
廣襄陽兵備副使端素性剛直蒞政守法不阿權勢
時僭苗爲梗作亂端奉勅征之勦其寨三十餘所
及回賜金幣褒嘉之秩滿屬民詣闕保留復任三年

卒于官

本朝分省人物考

卷七

五

北直七
陳鹿

扈暹

扈暹元氏人永樂甲午鄉舉歷任戶部郎中擢鳳翔
知府政務寬簡識大體作興學校時以內艱去任部
民詣闕保留及秩滿復保之遂增俸仍管府事三十
餘年乞致仕月給俸米三石以終其身

趙向

趙向無極人永樂中由歲貢入仕性剛介寡合尤恬
於勢利不趨權貴遇難處事識見風生歷任俱有能
聲士民戴服官至湖廣右叅政鄉人祠之

侯保

侯保贊皇人賦性剛正少有大志及就貢知許州襄
城縣坐南陽指揮雍善人命事落職襄民李仲等數
百人赴闕極陳清廉愛民狀恩宥還職尋以取勘錢
糧謫潘陽戍未及役刑科給事胡信以清廉撫民才
堪太用力舉之復除知海州蕙榆縣時丁外艱欲歸
蕙民劉釗等復以廉靜撫字民得安業奏留及守制
起復補知山東博興縣尋陞交州知州三載例考滿
仍令在職後以課最陞交趾布政司右叅政時交趾
復叛賊勢猖獗保專以討除爲任奮不顧身前後三

本朝分省人物考

卷七

六

北直七
陶仲英

十七戰生擒賊首斬首若干級保復率民兵築堡寨
禦之後賊復來攻保寡不能勝遂遇害人皆惜之

曹彙

曹彙字德恒寧晉縣人彙幼有遐志日誦數千言居
常篤行事繼母備極孝養永樂癸卯舉鄉薦宣德丁
未中乙榜授代州學官疏辭不受銓曹銜之改任泰
和典史時中使旁午郵無虛日彙處之裕如暇卽延
禮師儒講明理性宣德壬子督工匠赴闕疏乞入試
中第二人楊文貞一見奇之明年廷試宣帝策以
義禹河洛象數萬對稱旨上親擢第一賜宴於禮

部承為定例授翰林院修撰從楊文定公遊所得益深正統改元 英廟初御經筵掄選講讀官鶴首預馬敷納明暢聞者聳敬三年預修 宣廟實錄轉侍講五年 命入文淵閣辦事甲子進學士乙丑廷試讀卷得商輅為第一是歲陟吏部左侍郎仍兼學士入閣爾學瞻行端內剛外和識達政體才智出人為英廟所眷法國朝制母止封兩人正統十二年爾陳情乞將前母孟氏一體追贈詔允之不為後例蓋特恩也十四年己巳五月戊申爾奏侍讀劉鉉修撰王振堪教習庶吉士修撰許彬郎中潘勤堪督四夷館

本朝分省人物考 卷七 北直七 梁仲德

從之七月虜酋也先大舉入寇中官王振力請親征上命武官英國公張輔等文官兵部尚書鄜墊等及爾與侍讀學士張益扈從巡邊是月壬寅車駕次雞鳴山癸卯次萬全峪是夕金星犯亢甲辰次懷安是夕黑風四塞丙午次陽和是夕火星犯土王振蔚州人邀 上幸其第癸丑次白登王振益恣肆驕橫迫挾進兵成國公朱勇膝行聽命戶部尚書王佐竟日跪伏草中噤無一語惟欽天監正彭德清首斥振曰象緯示警不可復前若有疎虞陷乘輿于草莽誰執其咎爾繼之曰臣子固不足惜 主上繫宗社安

危豈可輕進振怒詈之曰倘有此亦天命也八月辛酉次土木命太監吳亮相地布營陣未定虜已據南河次日虜偽退王振復矯制起營追之虜大蹂躪我師敗績死者十餘萬人爾及諸臣五十二員死之景帝聞之贈爾少傅謚文襄遣官諭祭官其子恩為大理評事 英宗復辟加贈太傅改謚文忠又官其孫為錦衣衛百戶

馬謹

馬謹字守禮新樂縣人宣德丁未進士癸丑拜貴州道監察御史正色立朝慨然以功業自期嘗巡按浙

本朝分省人物考 卷七 北直七 梁仲德

江等處所至克振風裁貪猾屏迹時楊文貞輔政不輕許可重其廉介特贈之詩至以冰霜鐵石比之時以為確論正德壬戌改吏部驗封郎中秉公不阿勢要凡用人悉遵常格無敢越者雖臨勢力炎涼終不改其操節乙丑陞湖廣右布政使至官敦德化剷宿弊吏民悅服時所屬多淹獄久滯決御史閻寬以謹精於法律奏同審錄平反甚眾歲己巳邊郡隆里等處苗賊生發攻圍城寨殺擄官軍 朝廷以謹歷練多謀特勅同叅將張善御史侯爵往總軍事兼督糧餉至沅浪眾議分兵勦殺之謹曰苗之叛逆非苗罪

也有司橫征暴斂以至斯耳盡殺之徒傷國家好生之德蓋先傳檄申諭降者安輯使得其所彼負固弗庭然後分兵討之未晚也衆皆稱善及期諭之來降者數千悉分布郡縣給糧賑之冥頑不服者督兵繇沅州綏寧等處四出截殺攻破淇溪等寨斬首百餘奪回被擄男婦三百有奇頭畜千餘景泰庚午復與張善等攻破洞賊千餘馘斬至四百有奇奪回被擄男婦頭畜倍之捷聞賞賚獨厚已而青龍渡馬楊山等處賊猖獗檄謹同叅將李震等由澇口進奪浪江破賊擒斬餘賊奔潰甫回靖州而石壁等寨賊復乘隙出掠遂督衆奮擊擒斬千餘既而東山賊寇復出仍督官兵追殺擒獲捷聞獎賚尤厚歲辛未春武岡城溪平水等處賊通廣西蠻寇圍聚青肺山陸梁滋蔓謹謂震曰今用兵累勝勢同破竹苟玩愒歲月則刀鈍節堅雖進不可得也於是督兵攻破賊寨死者無算而扶城等寨聞風悉降乃奏凱班師當時會議平苗之功與震等同冒鋒鏑而其運謀制勝糧餉不絕則謹之力居多朝廷賜誥進階正奉大夫正治卿景泰元年陞左布政使其後朝廷論平賊功又陞正二品俸歲乙亥被召至陞都察院左副都御史奉

本朝分省人物考

卷七

九

北直七

勅巡撫河南明年奉勅奏覈所屬官吏凡貪墨無狀者悉黜罷之允愜公論天順改元援例進階資善大夫遽以老致仕居家十有餘年惟課子孫耕讀而已未嘗輕出門戶享年七十有七

張鳳

張鳳字子儀安平縣人父益故爲禮科給事中初母有娠一夕夢大星出懷中覺而生鳳人以爲異隣有病者召巫治之鳳往觀之竟不驗扣其神曰卿相在此及去神乃降隣衆驚異曰此子殆不凡者稍長授春秋每有講說卽能問難穎悟異常已而母病躬侍湯藥衣不解帶母卒居喪盡哀人服其孝永樂乙丑北虜犯邊文廟親征父益以給事中贊理戎務因主將失利沒於軍鳳年十四大父母垂白在堂家道蕭然鳳哀毀踰禮與兄奉祖還家竭力侍養甚得歡心久之有司聞其孝友選爲邑庠生鳳奮力於學雖祁寒暑雨不輟遂領薦入大學時鴻臚序班缺員例選北人爲之吏部尚書蹇義見而異之曰是生不可就此職也宣德丁未登進士第癸丑春擢刑部江西司主事時江西豪民爲逆者千餘人繫獄未決一訊皆得其情獄上獲生者數百人能舉大振大司寇嘉其

本朝分省人物考

卷七

十

北直七

才特令總闔部章奏及錄在京逮獄者正統戊午冬
陞授本部右侍郎由主事而進侍郎者前未有也已
未夏以京城草廠出納多弊勅巡督之辛酉奉改南
京戶部右侍郎鳳上疏曰南京根本重地糧不可不
素蓄宜每歲分米二百萬石遂定為令往年南京芻
粟專委之憲臣至是勅兼督益以出納嚴慎故也時
人以其執法呼為張板朝廷亦知其名已巳春賜

聖書嘉勞有清勤公慎之褒資以白金文綺景泰壬

申奉陞本部左侍郎未幾進本部尚書明年廷議轉

南京兵部參贊守備機務又明年召為戶部尚書時

本朝分省人物考 卷七 十一 北直七

邊務方殷錢穀之費動以萬計多以不給為憂鳳處
之裕然國用不勞而足天順改元仍命為南京戶部
尚書兼督儲辛巳春以考績赴闕 上慰勞有嘉以
足疾懇辭休致不允舟還疾甚未抵任而卒享年六
十六鳳為人正直而心地平易遇事敢為人不敢以
私干之尤篤於友義故人李恂為太常贊禮郎母老
子幼夫婦相繼而卒鳳惻然遂養其母以終聘其女
為子婦教養其子至於成立又急於濟人嘗渡江偶
遇一舟覆於急流即捐白金購人救之舟中之人賴
以全活性尤真率客至即出酒餞對酌為樂不計豐

約與之接者未嘗不稱為朴實君子云

馬恭

馬恭唐縣人由監生授杭州府推官正統二年除陝
西道監察御史八年奉命往陝西巡邊尋又奉命協
贊延綏等處軍務九載任滿陞都察院右僉都御史
仍理前事景泰二年以殺賊功陞右副都御史恭在
邊十餘年軍政修明下人悅服四年以老疾致仕卒
遣官諭祭

畢鸞

畢鸞井陘人父貴莒州學正以疾卒于官鸞時年少

本朝分省人物考 卷七 十一 北直七

窮不能歸喪遂藁葬于莒獨奉母暨幼弟歸井陘家
業荒落鸞朝則經營力食夜則讀書尤以父骨未葬
為恨與人言輒涕淚交下不止正統元年母卒鸞哭
踊幾絕水漿不入口者四日乃諭弟曰母歿無事于
養我其歸父骨以葬遂衰經銜哀徒步負父骨歸躬
營合壙葬邑之西山既事乃廬墓側朝夕哀哭之有
野鹿當哭痛時亦為之悲若助其哀者又有兔領其
雛遊於廬之前後動息如家畜者忽巨蛇蟠門上不
驚不愕若有所守眾始為異後如其初歎曰是乃孝
感所致鸞曰適然耳有司具其事以聞 詔旌表其

門後舉正統壬戌進士授福建道監察御史歷山西湖廣叅議蒞官嚴明有清操學士劉文介傳其事稱為孝廉云

白圭

白圭字宗玉先河南磁州人祖進忠仕元為千戶徙真定之南宮後遂為南宮人自幼天資英偉識度過人登正統壬戌進士除監察御史先是南宮士未有中科者有之自主始進士未有即授御史者有之亦自主始主持憲秉律恒存大體嘗奉命監出塞捕虜軍及巡山西已巳之變廷議簡朝臣有文武才幹

本朝分省人物考 卷七

十三

北直七 陶見

者俾守要害圭得澤州募士練兵悉可就用會虜退召還陞陝西按察副使司多滯獄比至鞠得其情悉斷遣之民掠官糧為食者有司置之法惻然曰民饑至此不幸也若拘於法死者眾矣乃杖而釋之景泰中陞浙江布政使浙自葉宗流亂後民多凋瘵餘賊有伏草莽者圭宣明德意捕誅連孽因歲大饑奏蠲其租賦發廩勸貸而賑濟之數辨疑獄申理冤滯民安堵焉天順改元湖廣貴州苗賊弗靖陞都察院右副都御史巡撫其地時賊據險我兵不能討乃多為疑兵分道進攻賊遂不能支遁去擒其渠首斬之餘

黨悉平在湖三年興利除害善政尤多常有勅督

造戰艦甚急眾議欲賦材於民圭持不可請於藩府得以抽分木代造民德之三年虜眾寇關內召為兵部右侍郎往贊戎務入對便殿賜賚優渥即日就道至陝適總戎失利虜勢甚熾乃按兵不戰至固原值虜奄至從騎僅百人令悉下馬結陣以待虜疑有伏兵乃引去躡之獲十餘騎及牛羊以歸既而花馬池海納都入侵連戰皆捷虜因解去還朝董慈壽皇太后葬事於景陵有銀幣羊酒之賜七年工部尚書員缺帝意屬圭執政者欲舉所知託以俸淺為

本朝分省人物考 卷七

十四

北直七 陶見

言帝曰卿所舉乃方岳爾白圭由方岳歷都憲至此不可授乎卒授之憲宗即位幸大學耕籍田開經筵皆預侍裕陵營造承天門修建董役俱有犒賜荆襄賊嘯聚攻劫州縣上命撫寧伯朱永總兵圭提督軍務往討之至南陽分兵為五路圭與撫寧由南漳入遇賊誘之臨城擊破之乘勝進兵賊退入窠穴犯險冒雨恒先士卒而登賊憑高為拒時諸路兵會已二日攻之不能下圭命裨將率卒千餘由間道出賊後焚其營而自以大軍臨之賊眾迎敵顧其營火起遂驚駭蹂亂走斬首數萬級生擒首賊獻俘

京師會父喪乞守制不允還京論功加太子少保陞
從一品俸兼兵部尚書提督十二營操練復辭職乞
終制俱不允賜玉帶寶刀織金麒麟以寵異之四年
彗見求直言具請分遣大臣巡視民瘼黜貪酷旌賢
良以和民情庶天變可弭從之陝西土達滿四反總
兵官伏羌伯戰沒餘將俱北關中震動圭違眾議特
舉都督劉玉可用卒以成功十一年以晝夜勞勩成
疾 上數遣中貴及御醫視之以滿三考進階資德
大夫正治上卿丁母喪 詔葬畢復任辭不允還家
治事數月疾復作竟卒年五十六贈少傅謚恭敏仍

本朝分省人物考

卷七

十五

北直七

官其子錦衣百戶圭在任有識見處邊務動中機宜
每以師出糜費害及地方感傷天和不敢輕議兵事
平生孝友勤敬業師沈彥昌沒殯於南宮歲時展謁
不忘遇同僚及所知喪事猝不能辦者輒為棺具在
荆湖常泛舟江中值暮風大作舟人震恐神色不動
甫登岸舟溺焉在貴州時人有憤中貴嚴酷欲刺之
者悞入圭所擁衾問之刺者驚曰我公也即自刎未
死仆於地圭略無怒意善遣之其度量優弘類此

毛玉

毛玉字良器真定元氏人祖伯時號蘭竹先生生而

失明能誦易精潛虛學預談人貴賤壽夭貧富吉凶
無不應者被遇 太宗嘗以袁天罡稱之寵眷優渥
久之以老乞骸骨詔以中貴護送還鄉以卒時玉已
生蘭竹撫之曰振吾宗者其此兒邪應正統辛酉鄉
薦人太學時祭酒古廉李先生典教事特獎拔之一
時英士多從之遊戊辰登進士第官南部已巳擢兵
科給事中改吏科凡叅駁彈糾務存大體略虛文言
罷諸不便事數十如停起復禁請謁革濫舉停鬻官
免征逋負寬稅凶荒留養太學生徒皆國體政本之
大者又疏求賢講武之要凡數千言皆見嘉納然體

本朝分省人物考

卷七

十六

北直七

素羸遇盛寒暑輒病病稍間輒出出不數日而章奏
屢上及疾亟猶陳六事事未下而玉已逝矣壽止四
十有二玉資性明敏器度灑然人皆愛敬之交游半
朝野事母最孝撫教弱弟尤篤友愛為文清婉有致
尤長聲詩其在吏科一時章奏皆出其手不但文辭
工緻而人情政體曲盡其窾惜未竟其用也

張春

張春真定人長於詩賦正統乙丑登進士初試南宮
主司欲首薦以北卷為疑既拆封知為真定人以問
宰相曹公曹與張同邑銜張不往見但謝不知遂真

第六廷對復得第一甲第三人曹又易置第二甲第五初授南京廣東道監察御史 國朝進士釋褐爲御史自春始時中官王振用事齊韶附之得南京刑部尚書倚托縱恣人莫敢言有指揮某者與徽商友善往來無間結爲昆弟指揮富而無子有三女指揮卒徽商遂謀襲其官媚指揮之妻其妻信之遂許爲嗣既得官併欲奪其產沉指揮之妻於江旣而事漸彰聞指揮女在儀真者訟之刑曹齊韶受賂竟右商人而誦指揮女徘徊都市商殺之血汚女衣以石沉之井又連殺指揮一奴一婢都下無論貴賤皆痛憤

本朝分省人物考

卷七

十七

北直七

皆張手筆韶見之大驚曰彼書生何精練至此始有懼色因求都御史勸阻之都御史曰吾前叱之今日何面復與之言乃令同官言之春遂列齊韶見阻之意都御史轉託之言并同官三四人連獄詞具疏呈都御史求印都御史固不肯印月餘都御史去御史曹姓者署印強使印之乃得聞 上而齊韶之疏先上矣時北京都察院都御史寇莊愍公見之曰此疏何得先上都察院本亦當卽至宜徐待之三日張疏果至下錦衣衛提問韶與春連逮至京錦衣衛金指揮者亦無子問其事悽然泣下故齊韶無所措詞時

本朝分省人物考

卷七

十八

北直七

而總兵官石彪猶恃勢暴酷貪剝無厭春不勝慨上疏力劾其惡尋被構謫後彪敗人皆誦其直歷山西僉事轉應天府治中致仕其贈友人詩有人心恒隱竭天道不張弓之句至今人傳誦之

王詔

王詔字文振趙州人天順八年進士授工科給事中論事務持大體 睿皇后崩值秋享 太廟時議謂不當以卑廢尊詔言禮有喪不祭則移日請俟釋服行之雖不果行然議禮者不能屈遷都給事中與同列會奏起致仕尚書王竑李秉而御史王越或

本朝分省人物考 卷七

十九

北直七

有譖之者 憲宗召至便殿賜杖且詰責之眾莫敢對詔仰而呼曰臣等言雖不當實區區犬馬之誠非有他也聞者壯之陞湖廣右叅政以父憂去服除再任遷右布政使弘治初進貴州左布政使獨携二僕之任未幾擢右副都御史巡撫雲南飭守禦嚴斥埃復以孟密亂招集有功再荷褒諭已酉奉詔錄囚躬冒危險觸炎瘴平反甚眾尚書吳雲洪武中繼侍制王禕死事雲南後禕賜謚文忠令雲南歲祀而不及雲詔言于朝賜雲謚忠節與禕並祭四年赴任南京病卒年六十四時詔官三品未及考 上特賜葬祭

詔儀觀魁岸坦衷夷節自處不苟歷官顯要清約如寒生卒時無子弟在側官屬為治後事囊無長物世稱其諒直而惜其勿究于用云

楊傑

楊傑廷俊其字也別號立齋世為平定州人傑聰悟異常比成童即為邑諸生每試必冠成化戊子鄉試中式明年會試下第歸郡西有冠山佛廬靜深讀書其中以餘暇為詩歌追古作者士多從之遊蔬食菜羹淡如也郡守素知傑意欲傑往而後修好或有從他郡招之者皆堅不肯往其自守如此戊戌禮部試

本朝分省人物考 卷七

二十

北直七

廷試俱高等為庶吉士時學益進造詣益深庚子授翰林編修聲望日重甲辰會試為同考官稱得士戊申 孝宗即位充經筵官有文綺白金之賜已酉滿九載陞侍講尋充講官啓沃得體辛亥同修 憲宗實錄成有銀幣襲衣之賜遂陞司經局洗馬壬子為應天府試官是科最稱得士甲寅充日講官復充東宮講讀官與修大明會典未終事而疾作竟不起享年五十有六事聞賜祭一壇蓋特恩云

白鉞

白鉞字秉德南宮縣人父圭歷官兵部尚書鉞舉成

化庚子京闈第一甲辰舉禮部廷試第二人授翰林院編修弘治戊申同修 憲廟實錄以內艱去癸丑同考禮部丙辰秩滿遷侍讀己未充經筵講官壬戌復同考禮部癸亥修大明會典成進侍講學士賜宴禮部尋命與修歷代通鑑纂要甲子考南畿鄉試乙丑武宗登極進學士加從四品俸充日講官賜紗帽鞞鞞諸物丙寅開經筵賜白金綵幣丁卯命教庶吉士署掌院事擢禮部右侍郎賜御製蟠龍諸物并纂要本年改吏部三年轉左尋陞禮部尚書己巳賜玉帶庚午復命兼學士入內閣專典誥勅掌詹事府事

本朝分省人物考

卷七

三十一

北直七

張子麟

張子麟字元端其先代州人永樂中以間右徙實真定遂占籍藁城麟生而穎敏異常十九舉於鄉登成化甲辰進士授南京大理寺評事陞寺副寺正凡居理寺十年擢守汝寧歷山西叅政河南布政使都察院右副都御史巡撫湖廣入爲刑部侍郎晉尚書加

太子太保麟歷事 四聖更踐中外四十餘年其在理寺剛直精慎刑讞駁正無所依避以平允稱汝寧之政訟平賦均膏濡弘洽報政則拜燕服之賜解任則遺銘頌之思時以爲天下循良首山右澤潞等郡歲饑志切焚溺濟以便宜亟於傾廩緩於稽券所活民以數萬計厥後撫荆南值凶歲復以山右之法賑之所活民四十餘萬急邊圉謹儲備戒戎律飭官常無居勦叛舉良刺頑罔不秩然各究其實爲方伯河南鎮守巨璫恣橫不法執其黨屬罪之而地方以寧及爲刑部屢更諸大獄若逆藩宸濠及逆瑾寧彬輩相繼不軌優然決斷悉抵於法論者謂非守有定植才無卻流不能及也嘉靖初特加眷遇屢荷白金彩幣寶鈔羊酒玉帶蟒服之賜至於賜給人口及歸省給鈔爲路費咸爲殊典麟貴時父母皆生膺一品之封朝廷命有司具牲米存問恩榮特異麟以親老乞休溫旨勉留最後得請歸養天語諄切促其復來而麟浩然雅志優游林下者二十餘年享年八十有八以終訃聞賜諭祭者九遣官營葬可謂福履備至也已

本朝分省人物考

卷七

三十一

北直七

張舉

張舉藁城人世以農為業至舉始讀書卽刻志鑽研聞京師多名公碩儒乃裹糧負書徒步至都下復從京口楊舍人一清聞道德性命之說侍立終日未嘗倦倚諸儒咸異之客邸甚窶日提一油罌詣館宿乘間請問辨難古今舍人惕然曰士未有如此篤信者也成化丁未擢進士授戶部主事初監京城明智坊草場及巡象馬牛等房卽剔抉姦蠹悉論如法賄賂不得行時倉場多儲中璫督收半歸囊橐多供張設樂以娛部官遂掣肘結舌舉獨不受自携菜果裁度饑渴雖所乘馬亦清鞚終日不與少林歲以為常內

本朝分省人物考 卷七 三十三 北直七

外憚之無敢犯法者後監宣武諸稅日往稽閱出其不意諸課始入公家門官患之請於大司徒大司徒教下執不從乃泣訴於司禮曰主事為誰對曰張舉司禮曰是弔馬張乎汝慎避之復督天津運軍採秋青草舉身督率復廉知運官姦弊廢冒廩及督運總兵故縱不問諸事上疏論列請寘於法不報然上下皆稱其鯁直會岳州知府缺劉東山大夏力求得為守舉到郡考能激汚首罷民所不便十餘事郡前湖水多魚故事守以下有之至是未嘗舉網歲辦鮮貢裁取足用有餘悉付漁戶為課家貧親且老俸悉

以供養妻子未嘗衣紈綺食重肉天資挺直不依違詭隨數與監司因事爭曲直詞色凌軋上官積不能平亦屢詘抑之輒憤歎曰張舉亦男子也何至為富貴下人哉卽遺書欲求去會御史復出行部有所意望箠主簿一人譴死舉仰天曰以吾忤物之故乃不能庇其屬哉方草劾欲上求直其事不勝憤按筆而卒其篋惟俸錢數兩及衣衾而已東山過其里親謁祠下涕泗交下益慟其志不獲大用云

石玠

石玠藁城人父王歷官按察使性耿介端方尤嚴義

本朝分省人物考 卷七 三十四 北直七

方之訓故玠與弟瑤奉教惟勤同登成化丁未進士瑤改庶吉士玠授汜水知縣有惠政召為河南道監察御史嘗奉勅覈大同邊儲按甘肅復按陝西邊務興革悉中機宜監臨鄉試時號得人乙丑推綜三法司事左都御史戴珊素知玠事無巨細悉委之正德丙寅陞山西按察司副使督學政教人以修德行務經學為本歷本司按察使陞右布政使尋轉左至是去父王按察公舊治僅二十年而吏民安其政如按察公時人以為世美常作瞻栢堂以志感辛未陞都察院右副都御史巡撫大同玠久歷邊陲習諳戎務

凡將領而下量才任使皆得其宜間有違法者裁以大體不爲深文小苛故人爭盡力邊境用寧未幾入爲兵部右侍郎遼東諸夷不靖命以左侍郎兼右僉都御史往諭之玠宣布威德相率歸服乙亥陞戶部尚書留心國計酌盈濟虛時武宗北巡日有調集軍費不貲玠經營籌畫未嘗告匱會錢寧竊權阻壞鹽法累執奏與之忤被讒奪俸因疏乞骸賜勅乘傳還鄉歸杜門却掃意緒澹然喜讀國語左傳尤好淵明樂天詩所著有東溟漫稿藏于家

石 珪

本朝分省人物考

卷七

三五

北直七

石珪字邦產灤城縣人父玉由進士歷官山西按察使珪自幼穎異莊重弱冠爲諸生卽與兄尚書公玠俱有文學名謁楊文襄公以文爲贊文襄甚奇之舉成化丙午鄉試丁未同兄玠登進士被簡爲庶吉士弘治己酉授翰林院檢討德器剛毅知識不羣館閣重之與修大明會典同考禮部會試少師李文正每曰諸後進可托以柄斯文者其石氏季方乎辛酉充經筵展書官乙丑遷修撰同修孝廟實錄正德丙寅武宗初開經筵充講官賜宴及銀幣因士風漸漓多巧宦作媒說以諷尋遷南京翰林侍讀學士已

已擢南京國子監祭酒教法嚴邃濟之以恕時闕瑾用事士大夫多附會之以苛刻博勵精名南京禮部因監生查對軍冊有患病者不容給假珪力主之南京戶科因晒晾黃冊有不至者輒行典簿廳取供珪以祖宗成憲不敢擅改答之諸生感悅庚午改北監八年珪言正統景泰間西北用兵糧儲乏少廩餼不繼暫令減歷今則坐班人寡不敷差撥宜照先年事例照舊歷滿方與起送撥補仍申飭復班限期不使冒送 上從之九年陞南京吏部右侍郎簡靜持正乙亥改禮部丙子轉左丁丑命兼翰林學士掌院

本朝分省人物考

卷七

三六

北直七

事教習庶吉士庚辰主考會試辛巳擢禮部尚書仍兼學士掌詹事府事尋陞吏部尚書是時輔臣有不悅者託辭請命仍兼學士在內閣專管誥勅實奪之權也修武宗實錄爲副總裁官壬午遣祀闕里及東嶽少昊陵既還復主癸未會試事甲申奉手勅兼文淵閣大學士入典機務乙酉武宗實錄成賜宴禮部加太子太保賜白金鞍馬尋賜玉帶蟒衣丙戌上御平臺召內閣四臣面諭各賜詩一章於珪稱許尤至進恭睿獻皇帝實錄加少保宴賜如前以災異自劾所免不允丁亥錦衣官有構飛語訐

輔臣者併中傷之遂逮下廷鞫臺諫皆白瑤無他大學士楊一清為瑤等力辯之瑤不自白惟求去疏再上許之既入謝僦民車歸私第閉門不出邑人罕識其面人望益歸重之瑤在國子時以身率人教嚴而諸生莫敢犯時 武宗無嗣上疏請於宗藩中擇其親且賢者育於官中代行溫清烝嘗之禮其為翰長

武宗狩宣大疏請回鑾曰六師不備遠違法駕內無近親之託外有事變之虞若鑾與一日未返則臣子之心一日不能安其後百官相率諫南巡者罪且不測瑤上疏救之辭尤切直其在吏部承羣小竊柄

本朝分省人物考 卷七

二十七

北直七 劉汝奇

之餘政以賄成官以意授士習靡然日趨於壞屬考察京官諸凡清議有干者多見屏黜登賢汰冗不及究所施而遷去前後所上封事士林多傳錄其要語則勸 上清心省事法堯舜之恭已無為用漢文之與民休息力行王道辨別忠邪賢才皆可用之人不必備求平易有近民之實不必苛擾治有端緒不必責効於旦夕之間事可包荒不必刻意於淵魚之察人謂其救時之藥石云其在內閣有所論列多觸忌諱 上優容之再求退不允有勳戚怙勢奪畿內民地萬餘頃詭言國初所賜歲久失之既得 旨矣畿

民大恐瑤言於 上曰百姓為業且久一旦奪之恐生變 上為停前命仍給之民性沉靜寡默居政府不輕發言遇事所難徐出一二語輒中窾節屢典文衡以平正簡要取士力去浮誇險怪之說文體為之一變詩文冲澹沉著自成一家言博極羣書根於理要世有非考亭之學者瑤曰彼何所見第好名耳力詆之戊子以疾卒壽六十四謚文隱

王宸

王宸字具瞻其先河南鄭縣人因從戎籍于真定弘治庚戌進士授吏科給事中遼東守臣妄殺降夷冒

本朝分省人物考 卷七

二十八

北直七 劉汝奇

功次命宸往按之有以千金行賄者卒不能動竟置於法尋選禮科都給事中正德初年番僧那卜堅道士陳應循以左道出入禁掖宸請明正其罪言極剴直朝論韙之正德中逆瑾擅權宸忤瑾矯旨繫獄幾死瑾敗得釋遷光祿卿歷官應天府府尹政務寬大屬邑孔姓欲冒先聖裔有言賂以萬金者叱之竟不許乞歸四年卒賜祭葬宸始終清慎居官所在著聲居家孝友尤礪名檢內外無間言焉

郭濬

郭濬平山人弘治庚戌進士歷吉水新城知縣砥勵

清操自俸祿外分毫不取屢遷戶部郎中經理糧儲民頌公廉及轉兩淮運司同知釐革宿弊權貴歛迹鹽法大振然雅志恬退以山東叅議致仕給半俸終身

呂鏜

呂鏜晉州人弘治庚戌進士尹武進縣卓有能聲縣治至今祠祀之薦擢御史首劾逆瑾所昵亞卿四人皆去瑾啣之遂諷銓部補山西叅議隨以他故矯旨送錦衣獄杖而黜之由是隙家乘機以飛語誣鏜再下錦衣衛獄坐杖殺之世廟初追贈右叅政天下

本朝分省人物考卷七 三五 北直七 士論多惜焉

孔環

孔環南宮人正德中由歲貢知來安縣時逆瑾擅權環忤其黨竟為所陷左遷河南西華教諭六年大盜起霸州奄至西華城陷被執賊持刃迫之曰若呼我大王即舍汝去環厲聲罵曰賊狗奴我為國家臣恨不斬汝萬段以報國肯呼汝逆賊為王以求活耶遂被害時河南總制彭澤以死節聞奉旨詔一子冠帶西華至今祠之

張璿

張璿字仲齊號恒山晉州人生而聰慧英發自為兒時即有犬志年十四入郡庠刻勵向學一時並遊者皆推讓之戶曹李君夢陽見其文遂大驚異弘治甲子鄉試第一正德戊辰舉進士已巳考御史第一再考實授復居第一臺卿屠公瀟每指所試獄詞曰是書生乃有老吏筆如此尋掌道事會邊帥馬澄乞討蟒衣上疏劾之風采動朝宁未幾巡茶陝西會逆瑾煽虐凡官秦地者必先納交其親識族屬璿一切拒之莫以私干者時將官曹雄結姻於瑾佩征西大將軍印其子入京過陝城撫按藩臬多趨承者獨不為禮雄子啣之肆毀於瑾使人伺察者三至卒無所得辛未復巡按山東是時大盜劉六劉七劫掠諸省而山東為甚臺中被差者多假告而去璿則慨然請行比至檄下諸郡縣城池練兵士嚴詰察為守禦計巡歷所及問民疾苦去吏貪殘復請蠲賦稅表忠烈東人以得更生為幸先是巡撫都御史張鳳任情虐下疏劾之宰執有欲庇之者再疏其言動之非文移之謬宰執雖甚怒璿而鳳竟罷去左轄姜洪廉正人也不能諂事舊按遂劾其年邁昏妄璿力與白之朝論爭傳其疏先是閩人谷大用督兵勦賊謾無成功璿

本朝分省人物考卷七 三十一 北直七

疏陳三事一曰罷征未果二曰冗兵太多三曰事權不一蓋指宦者爲地方害也 上嘉納之尋詔大用回無何賊出東萊境上會僉事許君達牛君鸞及邊將劉暉許太輩會兵逆入璿爲分命把截指授方略賊始遁去遂劾各官怠緩縱弛者俱蒙罰治賊平撫鎮以奏捷會稿璿曰叅劾吾職也至于奏捷則諸公事吾或附名是借衆邀賞也遂不具奏識者以爲知大體後以公論有文綺白金之賜癸酉還京甲戌春值乾清宮災率同僚御史條陳八事還宮閫復司香早視朝御經筵掣邊軍去番僧革皇店謹濫功言極

本朝分省人物考

卷七

三十一

北直七

至赴訴者盈庭乃憤然剪其枝葉漸及根株庶人始有懼意又以謀復護衛奏下禮兵二部移文勘報璿據法以聞事遂寢庶人憾之陰結官犯謀爲中傷暮夜聞報罪人就擒璿以反狀奏 上遣中官憲臣往勘庶人徧圖救援勘官利之動爲掩覆璿與總鎮因有提解之命未幾獲庶人納賄私單總鎮喜曰持此上聞助逆者當復何說璿曰奈何爲此敗滿朝縉紳乎遂引火焚之比至京賴 上明聖得還原職及嬰變故後百念淡然遂上疏乞歸旣歸日侍兄太守公田園鷓鴣咏若將終身西夏士人感其遏亂之功爲

本朝分省人物考

卷七

三十一

北直七

剴切 上雖未納亦不之罪旣而復差南畿提學是時學政寬弛富室宦家子弟濫名庠校者甚衆及就試多曳白者於是嚴條約公勸懲革浮靡振篤實雖勢豪無復假借人以爲嚴毅公明乙亥轉大理右寺丞丙子丁母憂免喪轉左寺丞嘉靖壬午總制侍郎臧公鳳疏薦大同巡撫不果旋轉右少卿贊佐大理後先五年凡叅駁稍偏反復論辯必歸於是而後已癸未轉右僉都御史巡撫寧夏首劾總兵大將之退怯者軍將莫不凜然慶庶人台沈先倡寘鑄之變漏網免誅流惡邊陲正德以來撫斯地者莫敢誰何璿

建生祠肖像祀兩京臺諫先後薦於朝有謂台沈之惡不減宸濠張璿之功不下王守仁而當國者受庶人私賂若罔聞知以致中外至今悼惜已丑詔求耆舊南北言官一時疏薦再起爲都察院提督操江至則振紀綱勤校閱嚴訪緝明賞罰官吏畏威一時凜肅先是 上之建四郊也協諸御史上疏忤 旨奪俸南禮部侍郎黃瑄恃寵貪污爲御史張寅所劾黃卽奏辯且自陳議禮功並示其背刺盡忠報國四字冀動 上心寅復劾其罔上並行都察院勘焉尚書某謂黃背實有字非罔也璿正色曰原其刺字之意

不過欲求美官耳今穢迹已著不能斥抑反欲誣正人乎尚書默然而璿亦得薄謫方相臣張孚敬觀政大理也建議大禮張以書示之璿謂廷尉鄭公岳曰張言未可誣也自是秉用遂感爲知己且欲顯用而璿漸拒遠之自後吏屢推巡撫理卿并河南道侍郎俱不果用張罷相李公時繼之時以文序送王太宰瓊歸中有大德大才大功之語璿乃笑而弗言李有愧色因構其鄉人徐給事劾以不能捕盜反箠撻軍官疏入李陰爲之地而罷璿歸矣璿子已成進士以工部郎過家乃率諸孫捧觴膝下璿及其兄太守君

本朝分省人物考

卷七

三三

北直七

惟甚且曰彼忘我者將以去官爲辱安知其樂如是耶於是釀酒栽花治田種圃日惟爲娛老之計戊戌詔復致仕而兩京部院臺諫多連疏薦之者方擬起用竟以疾卒享年六十又六所著有家藏集東巡錄撫寧錄若干卷

呂秉彝

呂秉彝字性之晉州人也幼卽哲靈有遠志嘗與羣兒戲郡守至儕輩皆驚避秉彝獨留止問朗然直對人已覘其不凡比爲郡庠生董督學得所試文輒以傳諭多士畿內士無弗以爲佳者然積試不第至正

德丁卯戊辰始連舉進士選爲御史辭弗就復選爲給事又辭弗就友人詰之對曰居諱言之朝處必危之地享其名而怠其職非仁趨於始而悔於終不智旣尹章丘適歲大饑而上官督租尤酷民多逋亡乃勸富人輸粟以賑貧窮民用少蘇是時誅求孔棘燕趙青兗盜騷然煩興所過郡邑十七屠破崇城浚隍練器撫士嚴賞必罰以作忠勇盜薄章丘輒遁去他日民有訟人以死罪於上官而訛於民者上官移縣捕未獲會有他訟詣庭者見其辭懇遠曰爾非誤人以死者耶其人驚服凡發姦多類此去章丘民攀轅

本朝分省人物考

卷七

三四

北直七

泣留未三載大水浸城不陷民又相謠曰昔非此城吾其虜乎今非此城吾其魚乎仁人之利何其裕乎於是醮錢立祠及去思碑旣抵京大宰知其循良卒授御史甲戌三月以母喪歸初自章丘被徵過家遭母疾日夜親湯藥旣瘳猶不忍離故久而後授職除喪未幾又遭父憂痛楚結衷頰肉頓減遂成鰥寡至庚辰始獲實授時天下多虞武人用事宜大尤急而巡按且缺竟以越例奏往旣至邊商同儕有被殺者餘商法當誅故緩其獄尋果獲殺商者邊鄙以爲神凡兩鎮遺姦積弊剗革殆盡歲雖饑饉罷瘵亦皆安

堵秋魁見於家有鵬雛於寢室遂病反胃不起兩鎮士咸哀悼焉距生四十有八耳秉彜貌偉行莊望之知為端士且醇慤明坦人樂與之遊至其辨析物理該括羣書超邁眾見足聳人聽聞若乃持正不私寬厚不伎奉身儉約自為諸生已然矣惜天奪之年不能究其所蘊蓄也

劉俊

劉俊字君佐深州人也舉進士初授青州府推官鞫獄詳允不避盤錯每行部不治裝亦不列騶從衣大布蕭然匹馬如書生雖強梗桀驁無敢不懼伏秋毫

本朝分省人物考 卷七

三五

北直七 高用

無所容私吏庶凜凜大稱廉平尋召為御史風裁益振權河南按察司僉事遷副使所決獄多人所避難弗任者則陽推曰非劉公莫治俊亦蹇蹇自負聞事風生無少回屈有罪者度不可行即首服每分巡大梁河內等道一道肅清歲當代姦吏酌酒相慶是時進士多出補州縣上司禮之視他為優其州縣亦自謂行當被召故往往為急政立聲名或倨肆自如甚者苞苴公行不自重惜俊曰凡州縣皆吾屬也政均以品則可矣若分析大明則使賢者弛其志而不肖者傷於寵政蠹民敝恒必由之故御屬吏一視兼

聽惟以法為準不少寬貸後有劉某者河南人也弗悅俊遣為飛語遂註名貪虐以奏詔下公卿議大司徒侶公鍾識俊名曰是青州故廉吏劉俊邪聞其砥節愈厲奈何有此事遂寢然性慙直不飾邊幅在官終日閉門不通一謁有善客至時或對飲惟蔬菜湯餅而已必求盡醉指大樽曰吾與在是非浹洽不可獎善疾惡皆越常格率意而行不為詭激後以致仕卒于家

賈應春

賈應春字東陽號樵村世為真定縣人正德己卯中

本朝分省人物考 卷七

三六

北直七 高用

順天鄉舉嘉靖癸未登進士授河南南陽縣令縣當南北孔道衝劇莫加又藩封在邦域中軍民雜揉豪右玩法難治應春威惠互用境內肅清秩滿擢知和州繼拜南京刑部員外郎擢本部郎中盡心讞斷明威著聲尋改刑部郎中拜知山西潞安府踰年改開封己亥 世廟幸承天過汴當路者檄以綜理諸務區畫詳審綱舉目張人服其敏無何擢陝西按察司副使會河南巡按摺撫流議劾其勘報失實左遷山東鹽運司同知俄遷知漢陽府丁未進陝中憲副尋擢右叅政寧羌賊起地方騷擾按檄令視師應時

底定事聞 上嘉之有幣帛之賜已酉擢本省按察使庚戌擢布政使法紀風行保釐政舉辛亥拜右副都御史巡撫關中繕兵積儲攘外安內癸丑加兵部右侍郎兼右僉都御史總督三邊軍務時虜酋俺荅吉囊最強率其黨乘秋寇邊蹂踐禾稼雲龍應朔諸州亟罹其害時關陝亦有震隣之虞應春夙夜惕勵罄心殫謀防禦備至是年六月虜大舉入寇鄜延誓師率旅衝擊斬首二百餘級獲馬駝夷器甚多醜類大剽八月虜復入寇逆戰牛營繼戰于神木堡山丹斬首級無算甲寅正月有延綏之捷八月有濫泥溝

本朝分省人物考

卷七

三七

北直七

疾上疏得 旨致政歸二親壽皆踰耄應春承懽膝下愉愉如也居無何疾復作不起計聞贈太子少保王誥

王誥 誥字公遇號棠谿趙州臨城人誥體貌魁偉手神俊整性簡重寡言甫冠領正德己卯鄉薦後登嘉靖癸未進士授行人奉命伊府祭葬力却餽贖尋擢司副歷戶部員外郎郎中監收糧斛出納惟謹管內十庫多所釐革中貴不敢干以私嘗請汰京師養濟冒濫歲省米八萬餘石大司徒李公雅重之未幾乞歸省丁父艱甲午服闋之京會大同兵變殺總兵官李

本朝分省人物考

卷七

三八

北直七

時倭夷猖獗自通泰直犯淮泗諸路所過屠毒哭聲震野屬誥至嚴兵固守遂疏請旗牌督率將士誓剪此朝食會都指揮劉顯至分兵夾擊倭奴氣奪大破之捷奏蒙賜白金文綺既而議兵餉休客兵寬租稅停馬匹數事皆長慮却顧先事為備人服其見淮海方倚為重而病不起矣計聞予祭葬如例享年六十誥天性孝友儻有大計遇事敢為不喜矜伐久歷邊鎮威望赫然至今人想慕其風采所著有河西稿淮南奏議西平縣志東隅集行於世

楊宜

本朝分省人物考 卷七

三九

北直七 張天叙

楊宜字伯時直隸衡水人嘉靖癸未進士任監察御史以風力著稱督學南畿藻鑑精確士一經其賞識無不得雋以去如瞿文懿陸宗伯諸公位卿寺登八座者數百人釐正文體敦崇行誼時以司馬文正公方之後總計留京開府兩浙所至聲績蔚然至今士子稱正直忠厚者必曰裁菴先生云

毛鵬

毛鵬字汝南號雙渠家世冀州棗強縣人生而穎異總州補邑庠諸生試輒為諸生冠嘉靖丙午丁未聯掇巍科筮仕江陰令廉明方正事如素練平徭薄稅

節冗賑乏摘奸宄以遂良闡書院以督課士民迄今頌之邑濱江土城卑圯盜賊不戢比至撫良抑奸盜皆望風喙遁於是增築城垣易以磚石財力殆數萬計而民不告勞費壬子海倭抵城下恃以無恐奏最召拜御史歷諸煩劇率著風裁癸丑出按宣大二鎮酌時宜條邊務至百六十餘疏陳宗室饒陽王充焯通夷稔惡承奉劉寶助虐憑陵並桀悍難制奏訊于辟宗藩肅然乙卯按山東剔蠹起頽飭僚貞度父老言數十年來所聞視廉清而安靜者指不多屈訓士崇古誼論文黜浮靡是秋監鄉試所取皆一時名士

本朝分省人物考 卷七

四十

北直七

號得人丁巳閱京管汰老疲練什伍增軍糧戎務大振戊午冬掌河南道會計羣吏秉虛持平甄別明當莫敢干以私己未春監禮部會試檢防嚴密發士之懷挾者寘諸法夙弊頓息庚申奉命留都理積牘辛酉晉貳同卿考牧政隨事靖共罔不底績壬戌陞寧夏巡撫初漢唐有二壩夏人引以溉田歲久堙塞至則親度疏濬水利復興稔無虛歲橫城馬頭隘口虜酋出沒舊無亭障乃築墻塹一萬八千五百餘丈以伐虜謀先是鎮城及河東諸營堡一經地震率多崩圯自鵬增葺守用無虞秋套虜窺山後入犯清水營

一帶及興武花馬池之役鵬前後指授方略俘獲甚多然不自尚其功盡以歸將卒人咸效死力且恤商販而人樂輸粟禁侵牟而軍得安業西夏咸倚之爲長城云甲子擢都察院右副都御史提督雁門等關巡撫山西盡瘁邊事遂遘危疾乞歸竟以不起時年四十有四已耳鵬體貌魁梧丰神爽朗賦性剛介持身端嚴博典籍工詩文孝友嫻睦之行素孚于里閭至其經濟醞藉尤爲時所推重方虛倚毘而竟爾齎志莫不傷之

王命

本朝分省人物考

卷七

四

北直七

王命字欽甫別號鶴程真定饒陽人嘉靖甲子舉于鄉累上公車不售除鳳翔令履任一主於節愛盡減諸供應不以煩民直指行部至僅具廩餼且自言邑居貧甚令不能加賦以飾厨傳令當罷去直指大駭旣而廉其治狀語諸守巡曰令古人也吾儕當共調護之俾行其志命以此益展意自信邑之驛騎每爲往來者所倍取或倍索其直折辱之命乃置籍于座右按牒而給竟無敢多索一馬者歲所省凡若干金郡邑歲時公宴舊皆倚辦里甲猾胥因而乾沒其中命省見年諸役悉令歸農而計費授直平市之民所

省復若干金公用器具一切出入司之者不敢問時苦賠累命曰于守自掌其籍計籍以出計籍以入終歲不損一物所省復若干金凡一切站糧之新派丁力之加派者悉從豁除矣兩造具命但判其曲直不科贖緩薪俸所入別貯之日詢民之耕不能具牛種織不能具機杵貧不能婚嫁者逋官租久繫不能償者咸以多寡周給之俾各安其生業邑有尼以妖淫敗俗命爲逐之出境而詢問風俗表揚貞節禮敬士夫作新學校以端導民之路邑之審編舊必浹月旣竣而告者紛紜以爲常命裹糧躬歷諸郊隨民所聚以次審之八日而畢民不費一錢無不懽然服其公者郡東雍水所注每暴漲行旅阻絕命出橐中金辦材鳩工旦暮往督之未兩月而石梁成大都命視民如子視官事如家事靡利弗興靡害弗除薄於爲身而勞于爲民苦於厚下而儉於奉上蓋三載如一日關以西語循良者必舉命爲高等戊戌入計卽騎乘皆自其家備之蕭然僕隸數人而已旣而竟罹察典陝之藩臬士人皆錯愕從役爲之號泣或問其故命曰吾不能善事上官負罪實多大人長者時或見原獨恤刑使者移檄治衣費可五十餘金吾妄意使者

本朝分省人物考

卷七

四

北直七

奉命恤民非以剝民也未有以應今牒具在疏言於朝當與兩敗矣然寧人傷我吾無傷人吾實以拮据病因緣是得歸幸矣命歸家未幾而以疾卒年六十有六命家食時溲泥大溢水沒城城不浸者數板饒民皇皇無以為計有婦人呼於市曰必王春元祭之時饒有兩王春元問主名指曰命也命聞殺牲為文登城望祭祭畢而水落迄不為災或以問故婦曰渠東斗星也翌日復問其婦懵然不復憶矣人咸異之又治鳳時秋禾正茂忽有蟲如蠶而微卜色正黑緣苗食之徧四境皆然百姓奔告祈拯救命即為文率眾禱於神詰朝而蟲跡如掃竟亦莫知所往鳳士民為圖頌之命常以治邑勞瘁成危病醫藥罔效夜夢梓童神告之曰服補心丹乃愈覺以語醫醫言非對症藥已之既復夢如前即和而服之遂愈豈非精能感神者哉

宋登春

宋登春字應元趙郡新河人壯歲髮即衰白因自號海翁人業以海翁稱之晚居江陵之天鵝池更號鵝池生宋先世嘗累高貲登春少失父母家乃貧落然性嗜酒家貧不能長得酒則時發憤讀古人書見前

本朝分省人物考 卷七

四三

北直七

世結纓射書擊筑棄印諸賢豪急難奇節未嘗不慷慨悲歌泣數行下也始慕俠能挽韁馳騎間出其餘智為小詩輒自喜不欲以示人又稍稍通繪事師江夏吳偉鄰之父有頎而鬚者生戲為之貌絕肖父因勸習此可生業何乃日沈酣里中也傲然不應以是里中盡目為狂生亡所知名年三十會一歲間妻子女五人俱相繼死仰天歎曰咄嗟天平將驅我於埃壚之外乎遂屏家於其兄而自囊書遠遊遊至博陵博陵有故所善客憐之餼之塾舍二年默默不自得竟謝去去之京師日跨一蹇驢行長安道中往來覓詩是時臨淄布衣某以詩遊公卿間聲稱甚生間得其詩唾之曰作詩何為者而令七尺軀津津諛貴人巧活耶居京師月餘亡所遇又去之渤海入兗州登嶧山觀秦皇帝遺碑還居長白山一蕭寺出囊中故所貯漢魏盛唐名家詩閉關揣摩如是者三年頗窺作者之戶遂大放厥詞而於五言尤工眼駸駸白亡今人矣又去而浮淮海渡楊子江登北固山以望金陵鍾山紫氣過雲陽匍伏延陵季子祠下涉吳會訪錢塘天竺靈隱諸峰已復走徐青歸新河數日又云出居庸循太行而西窮關陝澤潞諸邊塞其在井

本朝分省人物考 卷七

四四

北直七

徑嘗居龍窩寺瓶粟罄矣寺僧厭苦之曰僧母窘我
我試繪一小圖持至市中當得粟已而果鬻粟五升
伺粟不盡不更繪而市人爭欲得其繪則日擔粟詣
寺門相賂乃避至城外一山樓樓依岨陡絕樵蘇所
不至山鬼晝出侮人生坐臥其中第繙華嚴經數卷
足不履戶外者累月山中人疑爲逋客將逐之而生
遂遊太原太原之逆旅人以生衣垢敝待之不爲禮
會旁舍賈欲覓詩爲其長者壽逆旅人以試生即
與之詩復問生能書乎又與之書逆旅人始恨知生
之晚也而賈更製鮮好衣數襲遺生生佯受之而轉

本朝分省人物考 卷七 四十五 北直七

投其逆旅人逆旅人愈慚感生復自衣其垢敝者長
揖逆旅人去也已由棧道入西川遊峨眉山遡巴下
荆鄂將達於潯陽返於黃迂雲夢而北走大梁偶憇
釣州酒肆而釣州有党中丞者得其所題酒肆中絕
句詩強致之家留數月復自宛涉襄過京山所跨驢
蹶於唐氏之淖傾其囊中書曝之衢唐氏異生所爲
要與之飲食歡相得也遂主唐氏一歲而行唐氏爲
刻其詩傳荆郢間更贈以二童子命其名曰丹砂白
石挾二童子轉江陵登王粲樓讀其賦感昔賢流寓
地有終焉之志前嘗至江陵居城西開元觀故遼王

奇其詩召謁便殿語不合一夕遁去去數年復來生
老矣乃依其兄子宋鯨耕天鵝池之石田歲獲菽十
斛以其半易米雜菽炊日度一餐稍羨則盡以給酒
費晝夜哦詩不絕口是時吳人徐學謨爲荊州守聞
生高自往物色之生始匿不欲見至再始見明日戴
紫羅冠衣皂繒衫報謁据太守上座太守侍人竊竊
私語曰客顯妄亡知太守奈何輕威也久之往來廨
中而太守察東逢太守意皆浮慕生爲謬恭延致之
生揣其無實終不肯往太守爲生授室城中從天池
徙之居約以他日見訪是日太守偶先有所往經其

本朝分省人物考 卷七 四十六 北直七

門而遲及之生恚曰是太守給我也比臨其室生已
鍵扉臥不欲內太守太守令人穴其垣入見生方科
跣席一藁僵偃壁下太守笑曰若欲爲龐萌耶瑯琊
人將捕汝矣生起謝曰室無几榻難淹尊官耳因索
酒飲之薄暮而罷其後數年太守坐廢家居生在江
陵念太守憔悴業欲從之遊而貧不能促裝乃詭爲
羽人裝手持一鉢裏敗衲行乞於途自江陵塚足數
千里來海上海上人以爲太守客遠來爭勞苦之而
日持河豚酒享生一嚼而盡明日見持河豚酒者
不爲謝亦不知爲誰其後持河豚酒者遂不復至而

海上主帥郭公者亦以太守故遣人遺之金為生壽
生揮之曰將軍以貧士為金遊耶東海苦笑我矣幸
使者謝將軍時太守欲買田舍生于海上而廉其性
骯髒不能借時俗人不復強也居三月別歸江陵生
歸太守囑之曰江陵難將作矣盍定計審處之生領
之而去其後二年遼王果坐不法廢比奏當成而遼
王之客亡得脫者生嘗為遼王上客而又為人倨卒
以狷介故不及于難後遊石首為少年所窘辱發憤
去因童髮為頭陀不知所之

補遺

本朝分省人物考

卷七

四十七

北直

寇義

寇義字宗彝直隸平山人永樂中知新野縣有能聲
宣德中陞知鄧州正直嚴明聽訟立剖誠偽吏民不
敢欺宿弊盡革賦役均平凡百廢墜一一脩舉暇則
詰學課勵生徒城中掘地嘗得一石云若要鄧州治
還須寇公至其政績果能繼萊公云

張宏

張宏字維裕真定縣人正德三年進士除雲南道御
史以劾劉瑾謫蘇州府推官陞青州府同知累陞都
御史巡撫延綏致仕

蔡燾

蔡燾字天章寧晉縣人嘉靖八年進士由行人選浙
江道御史刷卷淮揚以劾吏部汪尚書鉉廷杖為民
十八年起原官丁憂二十一年改河南道降山東按
察司知事隆慶元年復御史致仕

人物考卷之八目錄

北直隸順德府

楊述

高從吉

張瑛

韓翼

許能

崔恭

安珮

孫瑜

馬銓

毛玘

李厚

韓燾

馬騏

王震

吳相

王本固

本朝分省人物考 卷八目錄

趙孔昭

達其道

楊鈇

王可信

王寅

王鼎

張學禮

朱裳

張贊

撤大經

張仁覆

呂應律

李尚賓

陳登雲

高瓚



本朝京省人物考卷之八

北直隸順德府

楊述

楊述邢臺人洪武間任歸安知縣陞兵馬指揮使事父母至孝敬飲食必親供每進酒壽親必僕僕跪勸屢再不違顏色愉愉至今貳百餘年其族人長老猶有談其孝者

高從吉

高從吉邢臺人永樂初任南京山西道御史巡按湖廣浙江陝西四川四省以風力稱永樂十三年交趾叛命英國公張輔征之以從吉為監軍獻績有男女田地衣服誥命之賜陞都憲總督交趾軍務尋卒于王事

張瑛

張瑛字子玉世居順德之邢臺自幼及長豐偉凝峻初補弟子員勤於問學同輩咸推讓之甫弱冠即以明經領永樂丙子鄉薦授陝西寧州學訓導調武德衛學所至嚴教條責實效生徒多成材者秩滿擢吏科給事中稽考銓選封駁章奏克舉其職 宣宗為皇太孫時 太宗選文儒侍從講學瑛實與焉 宣



宗正位東官陞左春坊左中允改洗馬 宣宗卽位
 首錄舊勞陞行在禮部右侍郎宣德改元二月陞本
 部左侍郎兼華蓋殿大學士入內閣典制誥明年陞
 尚書兼職如故修 太宗 仁宗兩朝實錄爲總裁
 官旣而命蒞南京禮部蓋以根本之地非重臣不可
 也凡再奏績當赴京 上皆賜璽書以止其行其見
 委任若此後以父喪歸於家 宣宗旣遣官治葬祭
 詔瑛復職視事而竟不起矣瑛於經史善講解其侍
 宣宗每與言帝王傳授心法與夫修齊治平切要
 之言漢唐以下人君行事可爲勸懲者必反覆敷陳

本朝分省人物考 卷八

二

北直八
余孟德

之日見親厚先後賜賚甚多當起復入見時 宣宗
 特出御製詩詞并緡錢二千錠賜之瑛退而語人曰
 古人云稽古之力予亦云然瑛性寬厚喜愠不見待
 人接物一以真率爲本推讓賢能僚案協和平居嬉
 嬉然若無所介意臨事施設毅然不可奪人以此稱
 之而亦嘉其遭際之盛云

韓翼

韓翼順德府人舉鄉貢進士永樂間任主事時河決
 爲患漕運艱苦翼奉命治水有功陞大理寺少卿當
 時有平獄緩刑民無冤之頌歷朝四十年憂國愛民

始終一節卒于官欽賜葬祭

許能

許能字任之沙河人永樂間以貢入太學一日成
 祖夜夢緋衣人升殿翌日能早朝 上異之遂 欽
 授兵科右給事中歷都給事居諫垣七年忠諫頗多
 陞浙江叅議時錢塘江水爲患能塞治有功民建祠
 祀之官終山西布政使

崔恭

崔恭字克讓廣宗縣人正統丙辰進士除戶部主事
 提督延綏軍儲有能譽陞郎中乙丑考最知萊州府

本朝分省人物考 卷八

三

北直八
張洪

事恭至巡行屬邑撫良善去貪暴尤加意學校增修
 文廟齋舍生徒德之丁卯登萊旱蝗遣使遍捕且焚
 且瘞蝗不爲害明年復旱乃發郡縣倉穀勸富民出
 粟賑之奏免膠州卽墨諸逃戶芻糧民賴全活已已
 北虜入寇逼京師恭括所屬機兵雜民壯爲什伍入
 援京師是歲建議城臨清檄發郡夫恭以方春民務
 耕作及秋始以郡民赴役適中其會人服其識治萊
 六載威惠大行後數年山東大饑萊父老相與言曰
 使崔公在我輩何至此極乎具詳美政立去思碑於
 楊震祠中以震嘗刺是郡也景泰壬申陞湖廣右布

政使諸凡取辦於民間者諭察屬革去之苗蠻侵武
岡巡撫三司議進兵督餉練兵助之苗卒效順岳州
謀報公安監利流民擅相殺害恭令下曰願附籍者
收之不願者俟下秋遣歸事不迫而民稱便未幾遷
江西左布政使將行一無所取篋中惟大明律書數
冊衣數襲而已比至江西關理獄囚無病死釋放陷
盜良民活者甚衆寧王與弋陽王交怨恭陳天倫同
氣之義二府始平又作均徭法至今行之天順戊寅
改左副都御史巡撫南畿所至郡縣進諭耆老令人
得盡言於以周知利病崑山民王凱素無賴利別籍
本朝分省人物考 卷八 四 北直八 張洪

士李賢以吏部右侍郎不可久缺命與翺訪其人明
日於文華殿以恭奏 上喜得人至則佐翺用人無
所偏黨商確政理翺亦倚信不疑五年轉左一日
上謂李賢若吏侍姚夔崔恭亦佳賢曰二人才器異
日皆尚書之選 上將嚮用不果成化三年翺卒於
位遂補恭吏部尚書未幾丁母憂七年起南吏部南
京屬官中恃才放恣交通賄賂者多乃黜郎中方嵩
門相等十數人士風爲之一新南雍監生歷事滿必
抵北紀選而還卒業其中貧乏者病於往復率多淹
滯疏令南士得紀選於南部定爲令甲午勅恭贊守
本朝分省人物考 卷八 五 北直八

所遺田產自冒爲軍御史連坐隱蔽者二十四人悉
配戍衆訴於恭恭下有司集里老覆其實事遂白乃
坐凱罪時米價踴貴出倉米給民而取其值以充義
役費米價遂平松江舊役澇清夫天旱則開門隨潮
引清水灌田水大則泄之以防滄沒後漸廢弛沿江
之民歲被淫潦卽親詣其地督工挑浚分江爲三段
崑山縣自夏界口至白鶴江上海縣自白鶴江至泖
家渡嘉定縣自泖家渡至莊家涇皆以次受役至今
利之又浚曹家港蒲漚塘新涇大營浦諸水民因目
曹家港爲都臺浦以識不忘四年冬 英宗諭大學

士不見全書出賞鏤刻五經四書布之適邑後廢
之士科不乏人卒贈太子少保謚莊敏

安 羽

安羽字伯玉邢臺人由舉人天順間為福建道御史
奏劾曹欽逆叛正直謇諤中外憚之以極諫土木貶
刺朔州尋調乾州治有善狀入覲賜宴于禮部有才
行超卓政績顯著之褒三載當遷百姓詣 闕保留
竟卒於官

孫 瑜

孫瑜字孟秀邢臺人登進士授刑部主事歷員外郎
本朝分省人物考 卷八 六 北直八
中陞開封府知府開封府素號繁劇處之有法不以
為勞持已有冰蘖聲及卒至無以為殮巡撫檄所司
辦提學陳選雅知瑜廉檄諸學賻祭皆近代仕宦所
無

馬 銓

馬銓字秉衡南和人登進士授戶科給事中多所建
白陞湖廣叅議襄人有訐奏親藩者撫按委勘之銓
但治撥置者罪事上竟得俞旨改督武當山有金殿
香錢素無紀籍守者得肆侵漁銓置籍嚴出入歲得
銀三千餘兩陞叅政歷官左布政累著茂績年七十

卒

毛 玘

毛玘字國珍任縣人為府庠生後應貢兩讓次者卒
舉鄉薦登進士授蒙陰知縣先是母久失明祈於天
母目復明人以為孝感有通稅不完召逋者理論之
不數月報完民有犯逆者密以金祈脫玘竟正其罪
某叅政以均徭役至意有所需曰殘下媚上吾不為
也郡守有子喪他邑祭賻甚厚玘獨不致守啣之卒
以是嫉遂歸

李 厚

李厚字洪載順德府人以進士為偃師令剛明果斷
本朝分省人物考 卷八 七 北直八
吏畏民懷時值旱荒勸富賑貧民用安妥以政最擢
監察御史直聲凜然與同列早朝時議雲南賞軍同
列憚遠厚奮然曰為臣子豈可避難明日命下遣行
厚至雲南處置有方甚得夷心後丁憂家居守令欲
修宅舍輒辭不從鄉邦重之

韓 燾

韓燾字宗仁平鄉人母夢鳳鳴而生人曰此兒他日
當瑞世稍長知學同庠毛玘齒先學優即師事之發
解丁酉與玘同登進士授刑部主事鞫獄明刑一循

公道司寇彭公最號嚴明不輕許可惟憲所白無不當意一時同曹傾讓諸司有事恒咨決焉陞員外郎中悉留本部弘治甲寅河南藩府與巡撫交相論奏上命法司選能者往按衆皆難之憲獨毅然至則裁決允當兩皆稱服 上嘉其能陞金華知府訪民瘼剔奸蠹凡所興革皆以愛民爲心修理學校規制宏敞民無勞費與諸生講明經學折衷義理專意恤民預修荒政兩浙大饑朝廷遣大臣賑貸獨金華民粒食無恙迎養二親于官出理政事必入告曰思貽父母令名不敢爲親辱在郡八年聲名籍甚以疾卒

本朝分省人物考

卷八

八

北直八
陶安

士夫惜之

馬 騏

馬騏字文祥鉅鹿人曾祖諱子玉洪武初大祀奉使有德於華陰立祠祀之騏少俊偉補邑弟子員有奇節縣博卒于官忽失所有百金妻子殆無以歸騏曰家之藏誰知之此必僮僕潛移他所拵爲已有耳約儕輩往尋弗得數日復獨往見垣磚參差起之金見乃告其妻子取之騏後領鄉薦家居值大水平地丈餘溺死無算其父村居厄於水不知所在騏沿水號泣忽一小舟至遽登往親識勸少需騏曰爲親死復

何憾中流幾覆少頃得抵大樹下因憑藉以免獲見其父立樹上絕食已三日後父患秘結醫不能奏功騏祝於神而導之便下咽之疾尋愈弘治辛亥授封丘令邑多逋賦爲豪猾局騙騏曰賦之貧民官吏擾之也於是禁制約束之租賦之期爭先輸納巡守至有索分例者騏曰民不堪命尚可科取乎哉吾官可去民未可擾也巡守不可奪後有至者不復言分例矣然上司滋不悅遂引疾乞休民皆憤惋泣下相率齋白金幣馬以餽皆卻之家居布衣蔬食恬如也年七十終

本朝分省人物考

卷八

九

北直八
陳士儒

王 震

王震字威遠邢臺人弘治癸丑進士歷戶部主事員外郎中出納錢穀稱職陞郎陽知府當道累薦卓異陞河南叅政有安儲王平郡盜功尋布政陞應天府尹致政歸歷任所得書籍千餘卷送府庠資士子誦讀孝思至老不衰建永感堂以志不忘焉

吳 相

吳相字汝立內丘人戊戌進士初授建昌府推官丁嫡母憂哀毀骨立廬于墓三年復除東昌府讞獄明允後選浙江道御史彈劾不避權貴人咸以名御史

稱之陞河南府知府時伊藩暴虐不法相善為駕馭故終任不逢其怒華州論德其憑分宜寵過郡作色矜傲相戒驛傳勿給其為媿謝之至於廉介子惠周恤民隱百姓皆曰無如我吳公也後陞山東按察司副使卒至今鄉評稱耿介者必曰吳御史云

王本固

王本固字子民邢臺人老成持重不輕言笑嘉靖甲辰進士任樂安令縣濱海風號難治本固惟以清淨理之事農桑重學校罷諸不急務良吏之稱遍於遠邇徵拜監察御史初使秦以覈兵行繼使蜀以巡察

本朝分省人物考 卷八

十一

北直八

行先後奉公守法官屬肅憚如一未幾丁內艱服闋按浙值倭寇猖獗時有海寇王直者逃罪居倭數為浙患督府以計誘歸欲釋罪官之本固不可竟阻其議置大辟罪朝論避之督府又以寇平欲置酒高會號太平宴本固以用兵之後不宜冗費乃罷後督府又以糜兵餉事為言者糾冀其勘報掩之竟以實聞由是督府愈結分宜每求所以中傷之會遼左饑奏命賑給米六萬石以驟車運意為緩不及事假此禍之耳奏改一半折銀濟遼陽遠地一半本色濟廣寧近地凡再閱月而完遼左安焉故事御史八年序宜

留內竟以分宜憾出陝西西寧副使寧有指揮星鏡者罪當削職潛入邢臺以千金行賄本固覺竟坐以法又有莊浪糧官措勒軍餉以致魯府家丁倡亂委曲諭以情法亂者僉服後分宜敗以叅政尋陞大理寺少卿晉南京右僉都御史奉勅提督江防晏然無警尋移北晉左副都御史歷刑兵左侍郎協理營務隆慶初改吏部會新鄭以政府攝銓衡任意予奪公卿累息下之屢以不合故竟遷南京吏部尚書時當大察京官有為江陵忌者一給事中一御史遺書欲俱罷其官竟不允始末歷二柄臣毫不少挫持正不

本朝分省人物考 卷八

十一

北直八

阿蓋如此萬曆元年以二品考績還移疏乞休准調理疾愈以江陵憾故家居不起謝人事閱醫藥周貧恤族外無他羨焉迨江陵歿屢被薦舉起用漠如也年七十卒歷事三朝偉節豐功昭人耳目欽賜祭葬如例

趙孔昭

趙孔昭字子潛邢臺人少有奇質言動不凡年十八舉於鄉甲辰成進士任鄆陵知縣清慎明敏尤長聽斷百姓尸祝之後詔為監察御史出按遼東時遼將李錡不法咸寧侯仇鸞恣橫言官側目難於先發昭

首劾之繼按福建風紀凜凜權豪斂手再按兩浙會倭寇猖獗大肆殺掠歷世廟宵旰有詔切責撫臣勦之昭以巡按御史紀功罪一不當卽寘重典當事者難之時督撫某結歡權相氣燄薰熾異已者傾擠立至時應天府臺曹橫被陵轍且欲誣以重罪孔昭對衆抗辨略不少遜事竟寢會監乙卯秋試前督撫陰置所私欲其子中式微以意示之卽出示令勿唱名其計遂沮及試錄成某序多溢美盡削之簾內外諸執事相視有變色吐舌者次年平倭績上錄其功陞俸一級有白金文綺之賜尋陞南京大理寺右寺丞一時疑獄多所平反戊午陞南京都察院右僉都御史提督操江兼管巡江命甫下丁外艱歸服闋起都察院右僉都御史巡撫宣府贊理軍務時黠虜人寇京師震動同總督江公統兵星馳直走岔道虜乃遁去初宣大巡按董公欲以功狀上且云當得陞廕力辭之會科臣媒孽論劾不俟終日以行時庫有羨金數萬守者以請竟不取癸亥丁母憂服闋會穆廟卽位復以右僉都御史起用巡撫浙江舊宮闈服御倚辦東南中官織造歲不停遣尅減騷擾民不勝苦抗疏罷之又條陳時政十事上嘉納焉戊辰

本朝分省人物考卷八

十一

北直八

陞戶部右侍郎尋陞左侍郎兼右僉都御史總督漕運兼提督軍務巡撫鳳陽時徐淮大水民甚苦之夙夜修荒政題請蠲賑外仍發官藏數萬金招商易菽粟哺之全活不可勝計淮人至今誦德云科臣有息其名望者承人風旨乃以蜚語誣奏回籍世廟初復起兵部左侍郎兼右僉都御史提督鴈門等關兼巡撫山西時順義雖稱款塞事實叵測昭徧歷險隘指畫方略每秋防未嘗解嚴歲報欽賞及遣大臣閱視疏功最又蒙欽賞尋詔以右司馬原官協理京營戎政比回部管事痰火劇發遂請致仕爲人剛方廉介言動真率不設城府無世俗依阿澆忍態故宦轍所至每有虜功偉績雖間值沮抑殊不爲意也歸家十年春秋墓祭外靜坐觀書蔬食布衣宴如也嘗題趙清獻琴鶴圖云德馨何用更焚香琴鶴隨時亦覺忙但得洗心無一事只將義命作行藏又題楊伯起却金圖云清夜孤燈獨坐時關西心事總天知卻金自是平常事太史標題似好奇年六十五而卒訃聞欽賜祭葬如制外遺疏稿并詩文若干卷載藏不述

本朝分省人物考卷八

十三

北直八

達其道

達其道字行甫淵之兄任縣人生而穎異絕人初名

潛督學于公閱其文詫曰此天下士也豈得終潛於是為更今名舉戊午鄉試第一人次年成進士初授工部主事掌權濟寧諸閘癸亥轉員外郎職後庫出納庫與閘俱財利府而兩處脂膏毫無自潤甲子遷郎中 肅皇帝命疏玉河甚迫眾僚皆怵焉莫敢應尚書雷公獨以屬之未幾河工成欽賞白金綵幣丙寅轉河南按察司副使提督學校嘆曰今之督學者弊在重文稅斯道化衰徇干請斯中裳濫此其係於世教者非渺小也乃程業兼稽行誼以樹標立俗要使人名實不爽其登進黜罰惟執之已即尊要素所

本朝分省人物考 卷八

十四

北直八 劉國才

楊鈐

楊鈐字希尹邢臺人嘉靖己未進士除行人使晉藩禮成而返餽遺秋毫無受癸亥授福建道御史督理兩浙鹽課商人規利者多方沮格鈐條便宜數則以上咸施行之課入加於往昔丁卯巡按陝西戍卒軍需歲給發吏多乾沒為奸凡遇稽覈則詭文避罪廉知其弊凡諸姦欺者皆按論如法邊儲一清隆慶已

已命掌京畿道凡府部卿寺案牘有不法者皆得糾舉而南中素多浮議梗法諸當事者類避忌鈐至則糾舉盡職庚午陞南京大理寺右寺丞多所平反萬曆改元以入賀行中暑而卒人咸惜其位不滿才云

王可信

王可信字于忠平鄉人寅之孫也登嘉靖癸丑進士授廬陵知縣繁劇難治薦紳咸難之曰擇地而仕非忠吾惟盡心以求無負朝廷他何計焉及抵任即詢民瘼剔奸釐弊甫三載邑遂大治累薦陞戶部主事已未遼左大饑 上遣持節給邊軍賴以安癸亥

本朝分省人物考 卷八

十五

北直八 劉憲

北虜入犯京師督餉守垣毅然不辭陞郎中出守襄陽蒞政加於治廬時有穀城赫某者恃惡害民即正以法又有大使黃某者持稅餘三百金正色叱之一毫罔受襄宗室驕悍有司嘗為所挾處之以禮御之以正肅然不敢犯也丙寅秋大水城不浸者一尺晝夜巡視躬督水手救濟全活者千餘人陞河東運使襄人泣送之乃曰吾親年踰七旬秩晉三品於以養親足矣何以官為時復與當道者隙遂抵家杜門謝客雖親友相屬亦不承許鄉評咸謂有祖風云

王寅

王寅字時正平鄉人舉人知鎮遠縣適大稔後民生彫瘵寅勸農興學請託不行三年以治稱當道累薦其賢鄰邑李端爲盜所誣上司委寅按之卒爲辯理端持金謝不受曰明爾之寃吾事也何謝爲邑人愛之如親去任立碑誌之

王鼎

王鼎字重器鉅鹿人幼穎慧甫弱冠習禮容先達器之既成立好學能文時譽浸起舉進士官大理評事家貧所得俸給僅可糊口布袍之餘日側錦繡之間怡如也嘗謂人曰慎勿妄語此口一妄彼雖不言而

本朝分省人物考

卷八

十六

北直八
王國瑞

腹已誹矣人攻其過宜直受而改之澧陽周偉稱其學問純正人品剛方云

張學禮

張學禮字以立平鄉人登辛未進士授行人遷司副奉使冊封山東親藩餽贖一無所愛擢南京監察御史彈劾不避權要未幾卒于官所遺者圖書數卷而已察宋重其清白共白于都臺贈白金二百兩檄本邑辦致祭田

朱裳

朱裳字公垂順德府沙河縣人父鳳嘗教之曰汝裳

勵操行無以家爲慮予一盂飯一裘葛之外於我何有裳刻志自砥爲諸生衣食不續裕如也正德甲戌登進士擢監察御史巡山西鹽法錢寧差官市鹽拒不與有倖人奏討鹽引司空石公曰爾徒往無益朱御史定不允也時御史王相被閹鑑構下獄裳抗疏曰朝廷設御史如齊民蓄猫捕鼠猫鼠相持主人其可助鼠耶疏鑑八罪王得從輕刑又勸 上戒佚樂近儒臣 武皇巡幸諸司請大治備以候裳不許後果有以重欵獲譴者人曰如朱公在免此矣還朝又諫止南巡數變人熒惑之禍十五年庚辰出知鞏昌

本朝分省人物考

卷八

十七

北直八
劉光

民儉而富俗不務學裳與文振教郡以大治嘉靖初詔舉先朝典故選天下方面知府治行高者賜燕勞得八人鞏昌守以清苦與列後給事中劉世揚等舉內外清正臣大學士石瑄而下八人裳居次嘉靖四年陞浙江副使冬夏惟紗絹袍各一襲無可更者夫人荆釵布裙菜羹糲飯親操炊汲迎父就養同列共製一衣爲壽父力却之其家教嚴正如此會御史王璜按浙不畏權勢浙有重人啣之璜竟罷官裳以副使齋賀表至京重人問璜何如人曰真御史也重人慚沮七年陞福建按察使十年陞浙江布政使十二

年陞都察院右副都御史總督河道建牙於濟十三
年丁父憂勅賜葬祭自都御史守制還寒約如素士
居無賓堂土壁席門自奉止茹蔬菜十八年再起原
官仍前任本年夏卒於官謚端簡性淳篤朴直目所
見必行言雖久可復凡在官鑰戶遠嫌堂室如寺妻
子甘菲惡益窮經探賸以聖賢自飭謂尊德性道問
學其的旨也衍而成論士頌其廉知友服其不市名
民惠其不取享年五十有八而卒

張贊

張贊字行道邢臺人舉人性孝慈豈弟以親老授益
本朝分省人物考 卷八 十八 北直八
都令初與秋試取四人俱第人服其甄鑑善政為民
戴誦衆方倚賴尋丁母憂歸服闋補保安縣即乞休
是年四十八親友勸之仕曰吾仕為親親已終矣復
仕何為蕭然林下二十載動無踰閑人雅重之

撤大經

撤大經字守道廣宗人正德丁卯鄉試第七人少聰
慧日記數千言篤志於學以聖賢自期家貧無書走
借於廣宗崔尚寶家未幾還之曰吾已得其槩矣以
病尋醫京師上書少師西涯稱其才曰海內人豪也
甚禮重之讀書郡東官舍郡守高其人往見之值母

忌不出接守怒揚言欲以官舍與人大經即移歸守
遣人謝之不去又召其弟兄再三謝終不去其介類
如此平生著述甚多皆未脫藁與士夫書惟勸以聖
賢為準年三十二而卒士大夫甚悼惜之

張仁覆

張仁覆字子旻邢臺人丰姿俊偉制行端嚴以嘉靖
壬子鄉薦仕米脂令政治為諸邑最互市四次虜僉
諾服欽賜表裏銀四十兩獎云加意疇邊矢心報國
總理貨物之出入而稽察嚴明主司宴賞之等威而
處分詳允且臨場而多方駕馭適隨機應變之宜監
本朝分省人物考 卷八 十九 北直八
市而逐處分解得因事翕張之體宜當厚資以勵臣
工以縣令而被寵褒前此所未有也時期大用倏卒
家世清素如故

呂應律

呂應律字贊元南和人性孝友朴直少年人即服其
行領隆慶癸酉鄉薦寒素自甘無一事干囑公家郡
守嵩縣王公嘉其節造第給粟周之後授尹昌邑三
載一塵不染忽以疾卒官裝笥索然喪具且無以辦
旋入名宦士民至今祠祀之

李尚賓

李尚賓字允興廣宗人性謹朴登隆慶戊辰進士居鄉如寒素初令高密密最疲邑賓留心撫字民甚愛戴爲立祠祀之陞戶部主事愈廉謹管祿米倉一切常例盡革之比丁父憂俸金僅餘八兩居喪哀毀過禮服闋監兌小灘盡剗宿弊尋陞本部員外郎嘗自言曰予不苟取一文以玷官箴會有足病適內艱訃至遂感傷而卒壽不滿德官不償才人共惜之

陳登雲

陳登雲字從龍別號南濱唐山縣人萬曆丙子舉於鄉明年丁丑成進士論議慷慨有烈丈夫風印以古

本朝分省人物考

卷八

二十

北直八

今善敗犁然洞晰下筆滾滾數千言可立就雲少病痞百療罔效竊自念痞者否也可以通否惟窮理乎因下帷日發諸載藉讀之更無他念蓋二載而病如失所請益以深一山魁鄉會成寅除鄆陵令至鄆見細民苦於豪強文法舞於奸吏冗費無節賦役不均田野荒蕪學校頽廢河水爲患流亡載塗嘆曰此邑之所以病也首黜積役數十人捕所謂五虎者置之法躬履畝度境內田爲三等賦役以是爲差令訟者得以墾田贖罪所墾歲百餘頃爲建屋宇置器具牛種以招復業來者旣衆復教之以種植桑

榆益其生業洪溝青泥諸河爲扶溝所壅歲溢爲災

力爭於部使者令隣封毋得壅激而河患頓息斥俸

餘捐贖鍰新學宮給學田興除之外一意以教化爲

務癸未拜監察御史初按遼左次按晉後按中州按

遼悉心稽覈條上安攘十事而其所特疏者在議賞

功之異大略言首功之賞給發不時貧軍不能枵腹

以待不得不鬻之富人富人挾其貲以冒功累級多

貴至參遊者此其人力不能禦敵智不能謀虜而冒

濫名器混淆體統役占軍士糜費俸給邊鎮之蠹無

大於此在晉在中州值歲大饑晉人猶以木皮草根

本朝分省人物考

卷八

二十一

北直八

雜土爲食中州則父食子夫食妻以人爲市以雁糞爲糧矣皇皇然爲請蠲請賑請弛山澤之禁請借留都之儲上發帑金數十萬以至官闈察家咸捐俸佐之登雲亦自清贖金得三千有奇爲郡邑糴本而民始獲甦凡政先其大者如此若夫約已率屬激濁揚清則手裁卓然嘗有餘勇先後侍經筵監會試主計吏筦京畿霜肅風行有觸必言有言必盡多人所不敢言者信陽王太史見其所天永命疏歎爲隆萬以來奏章第一忌者爭欲甘心焉賴主上明聖竟無微譴幾滿九載推少京兆廷尉丞俱不報因以假

請歸而疾復作雖抱疾猶喜肅客每語及時事意有所不可輒不勝憤至強起坐榻上語刺刺不能休以是病轉增久之遂卒年五十有八耳有志未就鬱鬱以死人咸惜之

高瓚

高瓚字大用邢臺人幼貧好讀書嘗走借友人書抄誦之以歲貢授樂陵訓導聚諸生講解經史贊金盡卻茹淡攻苦尋陞大同諭乞休家居日以教誨著述為事雖老不倦也臨終書對一聯云到得七十四歲歸還故鄉都是八字五行造定機軸庶幾乎謂樂天

本朝分省人物考 卷八

三十一

北直八
張天叙

知命者歟

人物考卷之九目錄

北直隸廣平府

賈銓

楊璵

郭恕

張鏞

郭瑀

張斌

馬顯

徐敬

李果

劉誠

鄭賢

鄭銘

王濬

郭忠

賀思聰

連盛

本朝分省人物考 卷九目錄

一

北直九
高檢

董威

馬子聰

蔣勛

孫修

胡瓚

王育英

申綸

薛謙

杜璋

朱雱

趙禹

張潤身

連鑛

李仁

王允武

張棐

石永

賈待問

王世揚

姚三讓

本朝分省人物考 卷之八

本朝京省人物考卷之九

北直隸廣平府

賈銓

賈銓字秉鈞先世山西之太谷人後徙居廣平銓純謹敦厚寡言笑博通經史永樂甲申進士擢刑科給事中尋掌科事彈劾無所徇當道憚之出為雲南大理府知府至任革去一切宿弊以興民利而水蘖之操豈弟之政聞於上下會征麓川興兵數年大理當其要衝百需出焉銓區畫盡善事無不集民無或擾時靖遠伯王驥總督軍務每見之輒為加禮退而歎

本朝分省人物考

卷九

北直九

羨不已陞雲南布政司右叅政仍掌府事既而陞左叅政管司事尋陞左布政使久歷雲南稔知俗尚凡所施設不拂人情民夷晏然天順四年入覲賜燕陞都察院左副都御史巡撫山東未幾兼撫河南往來二省便宜行事為政務實而耻浮名或面稱其美即推而不受喻之曰此某同僚之所主而某受委任者之所行也故人莫究所自成化二年勅取回京理都察院事繼掌院章所存所發一循故額人不忍欺三年六月疾竟不起朝廷遣官葬祭謚曰恭靖

楊璵

楊璵清河人家素貧積學力行個儻有大志人多奇

之中永樂戊子科鄉試任直隸廬州府通判剛方正

直難干以私明法勅罰而仁愛之意常存廬之士農

咸欣戴焉政聞遷戶部主事厥職益懋仕至郎中兩

膺封錫以疾終

郭恕

郭恕字安仁世居雞澤弱冠領永樂十二年鄉薦初授思南府推官再歷湖州府明恕兩盡多所平反所

本朝分省人物考

卷九

北直九

在以明允稱及擢御史屢有建白英廟賜錦衣一襲以旌其直後轉官山西叅議先守雲中後奉勅守鴈門積糧撫士要害重地卒賴無虞恕遊宦年久多不挈家先在思南止帶一僕又以不檢遣迴獨一身遠寄萬里之外而未嘗少動其心歸老林下儉素如寒士大叅葉盛稱其行純而政善宦久而節堅人以爲實錄云

張鏞

張鏞肥鄉人少業儒有文譽中永樂十八年鄉試初授近官朝廷見而器獎之時風憲員缺遂授監察御史風紀凜然出為平涼知府下車訪利病得失鋤強暴綏善良一郡咸畏威感德時虜賊入寇鏞畫策

攘却之民爲立平虜碑以紀其功三載奏績入見上素聞其清苦以鹽運乃積貨之司非廉介者不能釐其弊也遂拜鑄山東都轉運鹽運使別宿蠹饒國計雅能稱上意焉

郭 瑄

郭瑄威縣人永樂庚子舉人任戶部主事籌量國計出納維允陞刑部郎中門無私謁理冤獄錄繫囚多所裨益子銓登成化己丑進士任戶科給事中屬志忠慎馳名諫垣卒於官人皆惜之當時稱爲三清先生今已入祠

本朝分省人物考 卷九

三

北直九 高安

張 斌

張斌永年人正統己未進士任戶部主事忤權奄王振謫戍遼東後朝議以浙江鹽法夙弊積多惟斌可以釐正復舉以前職往清理之斌持法剛正不通賄賂復爲權倖所忌有平日邀利於其間者不遂所欲斌時有微疾遂內外通謀駕言中風以艾炙之復加以毒被害時悼惜之

馬 顯

馬顯廣平人登正統壬戌進士授戶科給事中己巳之變顯扈 駕北征幾沒於陣景泰初進都給事中

適權奸用事顯指陳得失多所裨益尋中忌者出爲河東都轉鹽運使鹽法流通國計用裕天順戊寅擢四川左布政使時蠻寇猖獗境內繹騷顯贊畫戎務調度軍餉蜀人賴以帖然旬宣之政不可悉數秩滿陞巡撫都御史奏復留三年成化庚寅擢南京兵部右侍郎值歲大侵奉 詔巡視鳳陽等郡省民瘼撫窮獨擊奸慝民賴安堵轉左侍郎未幾丁內艱服除乞致仕 詔許之退休林下十五載卒享年八十有五計聞遣官諭祭顯居家孝友忠厚稱重鄉邦出處大致真不愧於古人矣

本朝分省人物考 卷九

四

北直九 高安

徐 敬

徐敬永年人少警敏有遠志與同郡郭謙共硯席時妖人唐賽兒以左道惑衆敬偕謙執之於官事 聞召見授謙以永年諭奇敬青年偉貌遣入太學肄業正統間選授戶部主事景泰初督儲大同征虜有功尋轉員外郎進本部郎中奉 勅清理陝右邊儲景泰三年命將討播州寇復以敬總督軍餉兵不乏食戎寇悉平天順初擇廷臣分督邊儲而宣府則委之敬焉所至以廉幹公勤稱三載還擢福建布政司右叅政惠敷績著閩人德之以疾卒於官得年甫四十

有六中外嗟悼咸以爲未究厥施弟政舉天順三年鄉試任西安府知府時三年不雨民饑甚欲爲亂禁戢有方賑濟有法民得安妥陞河南布政司叅政其勲業與敬相伯仲焉孜亦中成化十年鄉舉卓有文譽子英登成化丙戌進士拜監察御史彈劾有聲陞四川按察司副使一門父子兄弟之盛爲廣平鉅族云

李果

李果成安人景泰庚午舉於鄉初授山西平陽府通判分理易州廠柴薪綜理周詳臨晉有刁民楊耀及

本朝分省人物考

卷九

五

北直九
高安

臨汾盜祝英等皆長惡不悛里閭畏之果申明憲典諭以禍福皆改行從善焉及考績獲錫命擢杭州府同知海岸舊有朱將軍廟者禱雨輒應歲久廟圯值大旱新其宇而禱之甘澍霑足西湖水時溢爲民患果築隄防之民賴其利諺曰開湖偉績千秋利捍海高名萬古傳奏最加俸一級尋陞濟南府守惠澤四達歸田卒入祀鄉賢所著有四書音考大學明解小學摘義及校補衛生寶鑑諸書板行於世

劉誠

劉誠字敬之世家廣平之雞澤誠賦質明粹幼知向

學不煩督勸弱冠登天順丁丑進士擢翰林院檢討輔導德王尋陞秀王府左長史從王之國賜四品章服王薨改寧國府同知仍食正四品俸在郡有賢聲遷湖廣布政司右叅議童時喪父悲哀毀瘠如成人事母以孝聞家貧爲童子師資束修爲養既仕凡俸祿所入悉歸於母錙銖不入私室每有賓客讌會先具甘旨進母然後出以待客終其身以爲常嘗以公事蒞施州久不見母一日方治文書忽潛然不自勝從吏請其故誠曰吾思吾母不得見耳兄早喪事寡嫂敬而有禮其孝友蓋天性也少從國子丞閻子與

本朝分省人物考

卷九

六

北直九
高安

學易既登第窮探力索務求四聖之旨嘗謂焦贛易林專取納甲飛伏非聖法迺作周易衍辭其文與雅深於易者躡之又取漢唐宋詔誥章表可爲訓者作典謨遺旨楚漢以降詞人之作散見諸書採其得三百之旨者作風雅遺音邵子皇極經世自鄱陽傅氏後知之者鮮誠深究其理欲加之訓釋而未就也蔡氏洪範皇極內篇撰法不傳精思潛玩遂得其法且爲補其釋數之缺蓋其立志直欲與濂洛關閩諸儒同歸不欲以文詞名也其爲長史以禮輔王多所啟沃作千秋日鑒錄以獻王嘉納之及王就國汝寧在

途淹留上章懇諫王即兼程以進既抵國羣小欲毀孔子廟以廣王官力諫不可廟得不毀嘗講書西伯戡黎誠主吳氏說曰戡黎者武王也右長史趙銳主孔氏說曰戡黎者文王也誠曰紂都朝歌黎在畿內豈有人臣伐畿內之國尚能退就臣位乎此乃孟津之兵首事於黎耳相與辯於王前王解之曰二先王皆先皇所選以輔子經義未明不嫌往復何遽見於辭色其思寇賈交歡之義乎誠頓首謝其在寧國凡所設施務在安利其民不恃聲威以徼時譽上官或非之自若也及在湖南所至教民築陂塘以備旱

本朝分省人物考 卷九

七

共直九 高用

濟嚴保伍以防盜民其化民振俗嘗引古誼諭之不加笞罰或譏其迂誠曰吾道如是也居官廉俸祿之外毫不妄取成化十六年六月疽發於背慮遺母憂有問者輒曰無傷也疾亟以手拊床曰我死不足惜第念老母不獲終養耳遂卒享年四十有八卒之日囊無寸帛幾不能斂賴僚屬相率致賻乃克歸其喪

鄭賢

鄭賢肥鄉人生而穎敏不凡少孤力學鄉里推重與封史蔣鳳知州郭敏相友善時稱為肥鄉三傑登順庚辰進士授南內尹仁厚平恕居二年以母喪

去士民追思之不已服闋改知新鄭縣賢治之一如河內未幾以疾解組歸田里築圃結廬明農課子為優游終老計鄭民德之列名宦祠祀焉賢退居凡二十年足跡未嘗輕入城府人咸稱其恬靜儉飭有古人之行云

鄭銘

鄭銘邯鄲人登天順甲申進士授監察御史成化二年巡山海關繼巡陝西茶馬皆有靖邊足用之畧尋按蘇州等處擊貪暴獎善良伸冤抑聲振南畿時有嘉定賊越獄倡亂者銘率民兵勦平之陞山東按察司副使然以性不阿比有閹宦譖之左遷山西叅議後得直累擢本省左布政使持憲兩藩多所樹立後乞歸老卒於家人咸稱其宦履鄉評兩無玷云今入祠

王濬

王濬威縣人幼負異質登成化丙戌進士任監察御史巡按陝西山東蘇松常鎮等處所至有激揚聲其按蘇松時隆冬有建議驅眾以濬運河者民不堪勞多凍死濬奏止之全活者無筭累官南京都察院右僉都御史風紀凜然巡撫甘涼重鎮及提督鄖陽荆

本朝分省人物考 卷九

八

共直九 高用

襄等處練兵儲糧民安盜息虜聞風遠遁時兵部尚書王越生平氣岸嶄然少許可嘗爲經綸治化卷以贈濟有詩曰中丞才與識兼全赫赫威聲滿路傳學海洗清三省地筆鋒撐住半邊天救荒曾爲民儲粟執法不容官要錢公論廟堂虛席久幾時歸侍 玉皇前後卒於官今入祠

郭忠

郭忠肥鄉人登成化己丑進士少有志操爲諸生時嘗旅宿比舍有女子夜奔拒之不去乃出避之篋仕戶部主事督收京儲尋督天津諸衛及汗石諸場芻

本朝分省人物

卷九

九

北直九

賦宿弊盡會計允當遷員外督儲臨清職務畢舉進郎中有 宗室訟民田久不決 勅忠勘實歸奏稱 旨及擢守處州嚴關防判訟獄忠信明決人不取欺焉處有銀冶土人競利恒據險爲患忠痛懲其不悛者復設法禁之其患始息至於感神夢以獲大盜敷惠政以還逋民禱雨而雨輒應祝蝗而蝗盡死瑞竹瑞蓮嘉禾異草疊見於郡衆咸歸頌於忠而忠不自以爲德也是秋鄉試郡士無一中式者忠欲以朴示教鄉大夫力爲先容庭見之際峻言勉諭之自是以作典文教爲已任士類奮然來科遂中數人嗣

是蟬聯科第者比比也忠治處之政皆取諸所豫策者行之處人輯其條教曰爲政紀綱曰括蒼規約以傳爲建生祠祀之忠家教甚嚴弟恩舉鄉貢懋惠皆有文名子郭猶子郊俱登進士第鄣亦鄉貢進士所著有詩文若干卷

賀思聰

賀思聰永年人性純篤警敏業儒有聲登成化乙未進士初授毫縣令吏良民懷會以憂去服除毫人詣闕保請復任得允終以惠政奏績擢光祿寺丞進御無侈靡 上眷重之尋擢本寺少卿聰峭直不阿比

本朝分省人物

卷九

十

北直九

忤當道意出謫陝西運同廉白自持且多所建明以紓民困民德之爲立生祠未幾擢守丁州惠澤流行大得民心後以疾告歸晚節益勵非公事不至邑室郡守秦民悅嘗語人曰始終完節賀公可以爲人師矣衆以爲確論

連盛

連盛永年人成化戊戌進士弘治中拜監察御史性剛介方正彈劾有聲貴戚爲之斂手正德初擢山東運使時逆瑾擅權中外爭賂之盛獨抗直不附瑾怒尋以事中傷之竄海南盛携家屬毅然就道未幾瑾

誅 詔復舊爵而盛已逝矣及還葬 天子遣使御祭焉

董威

董威威縣人成化丁未進士任南京戶部主事轉郎中清慎自持會計必當陞江西布政司參議時逆瑾播弄威福藩臬多納賂求媚不者必陰中傷之威曰枉道徇人剥民取寵君子不為也吾寧自守以獲罪吾甘心焉瑾聞之果矯 詔遣輸粟於居庸關以贖罪威傾囊輸之了無怨色尋轉參政上章求去當時稱為急流勇退焉

本朝分省人物考 卷九

十一

北直九 余孟德

馬子聰

馬子聰字舜達廣平人登成化丁未進士初授南京禮科給事中時 孝宗御極之初都御史錢鉞本以庸瑣叨致高位守備太監蔣琮復克悖貪縱無所紀極子聰奮不顧身首劾錢鉞之倖進繼陳蔣琮之奸惡 朝廷卒納其言於是罷錢鉞繫蔣琮於錦衣獄未幾丁外艱去服闋赴京復除北京禮科再轉戶科朝廷將於萬歲山建毓秀亭費用不貲中外洵洵子聰具疏以陳 上命輟毀之前後數十疏大畧深切時政排斥奸貪皆衆人不敢言而獨言之者然終以

此忤巨璫欲中傷之因母老給假省親許之明年春吏部兩推南藩大叅竟為宦官所阻是年病卒於家為衆所惜云

蔣助

蔣助肥鄉人幼孝友聰秀動止端嚴成化登辛丑進士授河南濟源知縣時民俗獷復喜爭助至勤慎寬廉斥猾胥擊豪右以雋果集事衆駭愕而服甲辰歲歉撫養瘡痍省減逋負民賴全活者甚衆丙午徵赴銓曹尋授御史立 朝諤諤不少依阿弘治戊申奉勅給賞紫荆等關軍士已酉奉 勅查盤遼東糧儲本朝分省人物考 卷九 十二 北直九 余孟德 庚戌奉 勅巡視居庸等關悉隨事清理茂振風裁辛亥出按山西糾貞百度明年監鄉試為秋闈十事圖咏以勸士乙卯陞河南按察司僉事積歲訟牒填委省閱俱完士類中貧不能舉婚喪者捐俸餘濟之戊午分巡河南道往蒞洛西至陝州疾作歸汴臺卒於官時悼惜之

孫修

孫修字用吉號廣原其先蜀之富順人父顯行貨燕趙間時正統己巳所在盜起遂占籍邯鄲應募禦虜積功至指揮使生脩十有二齡父歿母拊脩孀居脩

少卽勵志於學文譽焱起高出倫輩弘治辛酉舉順天鄉試乙丑舉進士正德改元拜戶部浙江司主事出視壩上諸廩中官素羣蠹其中逆瑾燬方熾衆皆危之脩曰惟法是徇餘非吾憂也已而卒無他已已命責逋賦於蘇常嘉湖諸郡脩召守若令以禍福諭之未幾吏勤於督民樂於輸賦入大司徒錄其勞進廣西司員外郎尋改山東道監察御史是時言官救過不暇衆縮若萃澤凍人脩獨侃侃自將咎譴亦弗頃之瑾敗脩治其獄有能聲辛未擢陝西僉事治延綏之東陞督察姦蠹時糧訓卒虜偵知有備引去

本朝分省人物考

卷九

十三

北直九

總制張公泰輩薦於朝者凡六疏癸酉改理全陝屯政邊民不忍其去攀號滿野甲戌巡撫金公獻民輩復薦於朝凡四疏先是屯廢不治者已數年脩立法簡而嚴歲入數倍於昔陝人神之乙亥虜犯秦隴別部萬餘奄至平涼藩臬重臣有事於土者皆不至脩偶以公事過其地關柝弛備宗室內震城且陷急令塞諸門招胡騎哈指揮者率敢死士百人發勁矢射之虜大驚乃環城數里而陣於是城守始嚴虜遽引却當是時微脩則平涼皆虜魚肉矣總制馮公清輩尤偉其績與部使者論薦六七疏丙子夏進陝西副

使秋監文試戊寅陝人御史宇文鍾主事田龍與給事中王元凱有隙王誣宇文以謀逆有狀鎮守中官劉寶惑於廖愷之說奏於行在所武宗命逮至軍門鞫之脩察其無左驗止錄尤重者數人械送南都劉怒曰謀逆大事也烏可止以鍾龍輩塞詔旨其家屬并諸證人宜悉在遣中何故釋之衆不敢應脩徐曰鍾龍雖曰謀逆而按驗無狀執二人以往足矣它日鞫而實彼家焉往如其誣也必獲伸雪又焉可累及無辜哉且誰無子弟公亦宜自念其家劉噤而止二人至南都雖瘦死獄中而其枉亦白罪竟坐元

本朝分省人物考

卷九

十四

北直九

凱而數十百家卒賴脩以免庚辰秋商有巨盜嚴天柱獲礦利甚厚擁其徒三千人襲商州破之遂僭號署官聲搖關洛巡撫鄭某陽托固原有警避去檄脩禦寇脩率兵五千疾馳赴之甫一月雉獮無遺者既立功當有異擢而本兵欲薄鄭避事之罰不復序列僅被勅褒賞而已辛巳擢山西按察使公廉有威上下憚之銓司擬以巡撫甘肅雖未得旨而聲望益重嘉靖癸未擢河南右布政使尋陞浙江左轄舟行抵維揚母病去浙祗數驛或勸倍道赴之有不諱殮費可責辦有司修泣曰此豈規利時哉留二旬而母

竟卒乙酉秋服且闋遂巷楊公在關中首疏薦之內
 戌補江西左轄脩念兵火之後公私空竭乃謹出納
 杜請謁常賦賴以稍裕丁亥拜右副都御史巡撫湖
 湘脩夙望素嚴賦吏初率棄印綬去時顯陵繕治與
 有勞勩戊子改南京操江江洋巨盜陳表出沒剽江
 上諸民居乃嚴立賞格躬率舟師蹙之三月就縛
 上嘉勞有白金文綺之賜脩以北院改南其秩任如
 故特以操江與在院者事權稍異院長張琮抑脩於
 後來者之下脩不悅曰禮與法未之前聞也吾不能
 辱官以媚僚友遂不復入院視事而引疾之志決矣

本朝分省人物考

卷九

十五

北直九

劉汝忠

胡 瓚

胡瓚字伯珩號紫山永年縣人也瓚少警悟年十六
 補邑學弟子員善爲經傳義督學御史陸公奇之登
 弘治癸丑進士明年授官行人屢奉命湖廣河南山
 西冊封諸王至皆以謹廉稱庚申擢監察御史乙丑
 按關中尋丁外艱服闋復除監察御史再命按關中
 故事御史按事例一年歸逆瑾專政累年符牒下諸

本朝分省人物考

卷九

十六

北直九

劉光

省事未竣者皆令瓚督上之遂留陝二年始得代瑾
 誅陞南京大理寺丞尋陞大理寺右少卿轉左時
 武宗皇帝命太監蕭敬錄囚大理寺瓚時握篆遇有
 疑獄輒爲敬反覆辨之敬歸白 上謂瓚爲真法司
 遂有寶鑑內醞之賜大司馬胡公世寧初在江西疏
 逆濠異志逮繫獄倖闖錢寧脅刑官必坐以誣告親
 王罪至死瓚曰濠謀賴世寧以發而置之極刑何以
 服天下遂與輕比議上留中衆謂不測瓚不爲動後
 僉都御史巡撫大同典利革弊剔蠹除奸宗室有遺
 毒地方者瓚疏其罪錮之高牆復上邊務六事原情
 罪以責戰守嚴事例以防推避體人情以省支費養
 間牒以資探報明賞格以激人心增兵備以專經畧
 上皆嘉納之庚辰 武宗皇帝幸大同虜大舉入
 寇瓚督官軍與戰大破之 上賜璽書褒美及蟒衣
 三襲復推恩任一子錦衣衛百戶瓚以沙漠之地
 上不宜久留而扈從邊兵及諸從臣多怙寵大爲邊
 地害上疏極論請回鑾至引漢袁盎諫文帝馳峻坂
 之論不報因乞休乃與告歸辛巳卽家起操江留都
 疏陳江洋事宜大畧專委任明約束實軍伍示激賞

處戰艦時操練 上皆從之尋陞右副都御史癸未
陞南京刑部右侍郎尋轉北刑部甲申陞戶部左侍
郎乙酉大同卒亂戕害撫臣劫掠庫藏 朝廷命大
臣撫之益驕悖 天子乃赫然震怒勅瓚提督軍務
偕總兵都魯綱統兵往瓚曰此首惡數人耳豈濫及
無辜吾惟殲厥渠魁當自定耳未至大同四十里駐
兵授方略於羣將都督桂勇朱振由是首惡就誅地
方悉平還京 上嘉瓚功有白金綵幣羊酒之賜時
有短瓚於 上者瓚不與辯第屢疏乞休 溫詔勉
留之初魏國有賜田山海撫寧諸縣幾千頃業已給

本朝分省人物考 卷九 十七 北直九 陶見

民而其孫光祚復請之瓚謂撫寧逼近邊塞貧民世
守之業軀命所關奪之恐生意外變由是 上卒不
與戊子陞南京工部尚書奏裁內監局冗食工役之
半履任九閱月致政歸踰月以疾卒於正寢壽五十
有九瓚天性亮直事親孝處兄弟不私其俸入輒付
其兄令營生產二弟令進學京師累大官囊無厚積
好爲詩有唐人風致所著有柴山詩稿若干卷

王育英

王育英威縣人弘治己酉舉人任建平知縣以賢能
政績溪持身有法施政有序兩任清勤薦剡交上因

親老乞終養母清操愈厲非公事不見邑宰雖逆意
不與人校鄉飲三十餘年享年九十有七鄉評謂其
居官無玷汚居鄉無罅議有德獲福爲時重望云

申 綸

申綸永年人性忠亮有雅度弘治乙丑進士授知山
西定襄縣續丁內外艱居喪盡禮歷永康平陸太原
尹擢守潞州所至有惠政入爲兵部員外郎轉戶部
郎中出納維允遷衛輝知府政和民安有蝗不入境
禾生六穗之異士大夫詠其德政者有曰無冤清漢
獄多稼頌周田中州論循良吏必以綸爲稱首乙酉

本朝分省人物考 卷九 十八 北直九 陶見

調常州明年述職以治行卓異首 賜宴賚焉不踰
年擢四川按察司副使尋改雲南風裁端嚴得憲臣
體尋告歸時年六十三矣築室淦水之側扁曰南濱
草堂日夕徜徉其間倡郡之耆宿效古人爲真率會
郡邑大夫每就其家咨訪治道均田賦開闢河多出
於其議焉

薛 謙

薛謙邯鄲人弘治元年歲貢先知陝西蘭州金縣愛
民如子時民有疾疫爲醫藥以療之存活者衆有死
無所依者爲之置棺具以痊之九年將滿陞浙江金

華府通判催科不擾時大旱謙率眾徒步祈禱未幾大雨如注頌聲交作致政歸家利人濟物接士大夫以禮有勞謙君子之風壽九十一而終

杜璋

杜璋鷄澤人弘治十四年舉鄉薦初授鄒縣尹時流賊剽掠城邑及於鄒平璋親率士眾拒敵四日兵力不支城遂陷子崇熙被害璋冠帶危坐辭色慷慨賊以兵逼之碎其襟袖卒不屈賊欲殺時縣丞某求以身代死賊義而兩釋之以去後改潞城射洪二縣令俱著美績以親老乞歸終養及親卒廬於墓側三年

本朝分省人物考 卷九

十九

北直九

鄉邦皆稱其為孝子云

朱雱

朱雱永年人性聰敏耿介少孤事兄以弟聞篤志好學鄉試屢次不偶弘治丙辰以歲薦卒業成均授陝州同知歷官十餘年清慎不渝後乞歸祗挽一車回田里足跡不入城府力田課子稍有餘即出以賑鄉鄰之貧乏郡大夫屢延之鄉飲皆辭不就人人稱其有古君子之風云

趙商

趙商雞澤人以歲貢生任戶部司務忠厚直慤遂於

理學居常以清介自守及陞南京刑部員外郎操履益堅有屬吏杜姓者以金三百兩來餽商却之不受時人咸以關西楊震稱之歸政之日行李蕭然居家事親之外惟杜門修輯有詩經會意等編行於世

張潤身

張潤身成安人登正德甲戌進士第初知西安縣事以賢能著聞選授戶科給事中歷轉工吏二科有譽諤聲親老乞終養釋服後轉兵科都給事中居諫垣前後十三年彈劾不避論巨璫之席勢貪將之債兵與夫指斥侍近之汗穢停寢武弁之奏帶諫疏數百篇皆切中時弊被劾者陰相排擠遂出守平陽比至郡問民疾苦狀凡利所當興弊所當革者即次第行之百度嶄嶄居二載浩然有歸志即抵家日唯以耕讀課子睦族人敦鄉約為事後以疾卒鄉士大夫咸稱其文章政事多可紀述所著有四科奏議傳焉

連鑛

連鑛字伯金初號白石繼號明山其先從上黨襄垣徙家永年縣鑛天性豪邁神清氣爽與人不苟合事父母孝敬處兄弟友義讀書求諸心得文追先秦詩步盛唐字法端勁如其為人所著有明山疏略燕山

本朝分省人物考 卷九

二十

北直九

鄉邦皆稱其為孝子云

漫稿人以私事言者仰面不應立朝以忠貞自矢惟
利於國不卹其身語及賊吏姦黨則怒髮上指若不
與之並立者居官二十八載而囊無厚貲鑛以嘉靖
壬午舉鄉薦丙戌成進士選翰林庶吉士以時例出
補日照日照地鹵民瘠逋賦為常招來撫字租稅不
乏改令建平豪健難治潘姓者怙勢強娶嫠婦鑛治
之以法境內肅然有虞順者挾妖術據五牙山為亂
設計擒之有紵絲白金之賜甲午陞戶部主事督理
易州倉廠豪猾皆望風遁去掌崇文門稅大司徒梁
公姻屬有匿稅者論如律梁公歎服謂其相信之深

本朝分省人物考

卷九

二十一

北直九
劉汝奇

也十四年詔改風力部屬為臺諫遂授山西道監察
御史巡陝西茶馬條陳種馬牧地事宜皆見實用後
改浙江道恭送 章聖梓宮葬承天復蒙紵絲白金
之賜庚子按山西議類解額辦錢糧而三晉民力少
蘇時秋警方殷兼鄉試重務鑛晝夜勤理疏五上皆
切中機宜科目亦稱得人議寢馬地餘銀廣平八郡
陰受其惠條陳防虜八事語過切直罰俸三月 上
由此益知其名癸卯陞浙江副使丁卯陞河南左叅
政巳酉陞廣東按察使庚戌陞右布政尋陞浙江左
布政辛亥陞都察院右副都御史奉勅總理河道是

歲澍雨運堤衝潰阻後幫四千七百餘艘鑛自濟趨
邳極力疏通至十一月而工竣上疏曰北河張秋濟
寧地高而水易涸患在春月故啟泉門以濟之南河
自徐州小浮橋引莆河以濟運而清淮一帶橫流浩
蕩犯之尤難必春夏未盛之前可循也運早過淮則
南河免汜濫之憂北河當順利之勢識者皆以為確
論因請造運船補軍夫先時徵兌早督過淮堤濬新
莊等閘以為來春運地壬子 上命以原職總督漕
運兼撫治鳳陽等處因請疏治房村汙塞及濬黃河
下流使循故道始至淮值漲水殘傷之後蕭徐邳宿
漕為巨川百姓轉死劫掠者不可勝數鑛奏蠲夏稅
秋糧發粟賑饑使民應募河水落田出則示所司
給牛種勸樹畜而淮徐之間稍休息焉去之日疾作
於途抵家卒享年五十有九

本朝分省人物考

卷九

二十二

北直九
劉汝奇

李仁

李仁字士元曲周人少強學工文辭登嘉靖癸未科
進士授戶部主事出守許野關自勵清苦及去撫按
為之立水鑑碑轉本部員外郎未幾卒於官

王允武

王允武字殿邦別號棘亭其先自山右徙居廣平允

武生而敏慧才質過人長厲志讀其父書為文儁朗多奇氣既隸學官每試輒冠其曹性嚴重不與曹伍即其曹亦帖然服之顧數試數不售晚乃以明經入太學嘉靖庚戌謁選銓曹除江西南康府通判南康地故瘠薄而俗善逋賦每郡吏督賦者至黠者輒釀金錢前為壽一入其賄即噤不敢問以故賦恒逋允武廉直不私受謁既視事前行金者徘徊門下不敢入乃召諸逋者按緩急為期而遣之諸黠凜凜以次輸無敢後期者部使者奇其能疏聞於朝為下璽書褒予之會守缺即以武攝守事時粵西狼兵調入剿

本朝分省人物考

卷九

三十三

北直九

月糧為所訟讞者受賂右令而重繩諸訟者眾兵怒遂歃血以叛饒郡戒嚴時直指徐公方行部至饒倉卒無以計適允武以它務至徐公喜曰王別駕來事其濟乎即令之停他務而撫亂兵諸亂兵聞允武來亦相戒無動王公治我吾屬當無患矣前讞者私謁冀為之地不應既繩諸亂首而令亦論如法眾心始安直指益奇之即以署萬年事乃更約束嚴稽覈省一切煩費鹽米瑣屑一取給于南康壯兵其訟其隊之長而所株連甚眾心察其冤為爭之御史竟反其獄萬年民頌之治萬年凡六月以考績赴闕下民攀

本朝分省人物考

卷九

三十四

北直九

倭者所過橫甚百姓患苦之以次至南康郡人甚恐乃預為檄檄其渠率曰以爾勦倭柰何乃自為倭今與爾約餽餉不時罪在所司餽餉時而爾橫如故三尺法具在吾知用吾法耳率得檄懼而戢其下允武亦勅屬邑為具以待竟過南康無敢縱者郡瀕湖盜賊之所出沒舊有游徼船若干艘歲時繕治郡任其費而王者任其勞守備甚匿其費而責繕治於郡力持不可其志甚諳於巡撫都御史都御史怒為停其月俸乃徐條故事暨所為侵匿狀上之都御史內媿卒褒其治行為江右第一饒萬年令其以駿削機兵

留不可得則相與圖像尸祝之既以最聞名益起復移景德鎮董陶事愈孤立行一意自責額外諸造為淫巧以賂遺權貴人者槩從禁絕歲省工費數千百緡景德人德之如德父母浮梁尉某以巡徼至鎮而縱其徼卒有所剽取民不勝忿鼓譟圍尉將甘心焉尉恐避匿允武署中允武為尉慰民乃解散去庚申陞兩淮鹽運司副使日講求利弊擇所為通商惠民者佐其長次第舉行之或有諷之為囊橐計者峻詞以謝其人慙而退都御史駭以嚴相私人得總海內鹽政大以賂聞鹽政壞亂淮商黃某鳩金數萬將

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

逆諸境上廉得其實亟置諸法淮陽鹽賦甲天下都御史視爲外府比至無所得大恨之會遷慶府右長史猶未釋恨嗾所厚善御史伺其隙無所得竟以老落職致仕時年五十七耳旣歸杜門謝客布袍蔬食無異寒士又數年壬戌秋以疾卒得年五十有九

張 棐

張棐邯鄲人登嘉靖壬辰進士授金壇令金壇爲江南劇邑素稱難治棐至祛宿弊布新政立劉漫漶之廟表張節婦之貞凡所以正人心勵風俗者務以禮義激發之尋遭內艱去服除補河南之延津時值歲

本朝分省人物考

卷九

二十五

北直九

歉民窮盜起棐賑救招來賴以全活者甚衆鄰邑之盜相戒不入境已亥 大狩南巡所過郡邑俱費不貲而延津得免於困者皆棐經畫之力也民爲之謠曰前有張清張父后有邯鄲張母云三載奏績最擢南京河南道御史清忠亮直凡臺中所上封事多棐具草辛丑奉 勅按下江慨然有攬轡澄清之志激揚得風憲體壬寅夏歷潤州感疾還京復 命事竣便道抵家卒於正寢鄉人咸嗟嘆之謂其充積極盛而厥施未普云

石 永

石永字壽卿威縣人嘉靖壬辰進士授中書舍人乙未擢雲南道御史丙申巡山海關覈部伍校技藝焯著風采尋丁內艱服闋補河南道庚子按淮楊獎廉斥墨不少假貸法豪強爲民患者未幾疏乞養病歸壬寅起補山西道巡按四川所至訪吏治得失示勸懲有豪強被罪當流候永出伏刺客於橋下至則其人忽心寒作聲執之輸情請罪蓋鬼神默佑之也監癸卯鄉試綜理周密號稱得人乙巳掌河南道大計京朝官持公秉正謝絕私交於小過不事苛索備訪當權怙勢潛通關節及中傷善 審呈臺長曰必

本朝分省人物考

卷九

二十六

北直九

去此爲公不則縱吏部與臺長去留一無異議後有忌之者陞知南陽府尋以事註誤降判濱州怡然就任丙午陞南京太僕寺丞丁未陞平陽知府芟煩祛靡與民休息藩府競訟累年不決委曲開導訟乃息太宰張潤稱其風寒貴戚威寢奸豪戊申陞陝西副使駐甘州竭力經營郊行見原隰草木蕃盛詢知舊爲水田以地震泉涇遂求濬其泉五十餘處灌田八百餘頃居民爭復業庚戌陞陝西右叅政視涼州地宜耕募民墾關導泉以資灌溉後皆爲沃壤甲寅陞陝西按察使持憲明慎民以乂安乙卯陞江西右布

政丙辰轉山西左布政使未抵任陞都察院右僉都御史巡撫延綏至則飭將練兵革冗役禁包占懲負販養勇敢謹問謀有黠虜犯仄條溝前後斬首級獲駝馬器械甚衆節蒙金幣之賚凡三任朔方歷九年民戴之尤深丁巳陞南京大理寺卿戊午改南京兵部右侍郎己未陞兵部左侍郎兼右僉都御史總督湖廣川貴等處軍務一崇寬大率屬以廉凡事務責實效不爲文具徭賦沈雅等勢猖獗督率將士直擣其巢於淑浦縣龍潭等諸洞捷聞 賜白金彩幣方隅晏然時督撫請調葉麻等司兵禦倭永上疏極論

本朝分省人物考

卷九

二十七

北直九

賈待問

賈待問字學叔別號春容其先東萊人國初徙籍威之新臺里母娠夢神白衣執幢導一童子入門寤而降生嘉靖戊午舉京兆高第隆慶戊辰成進士令陝之咸寧咸寧當省會煩劇待問才敏器博推以至誠

案牘如積迎刃而解嘗清兼并之稅五千餘頃治聲流聞壬申召爲禮科給事中稍遷吏工左右其居瑣垣也風儀詳整進退雍容而擊斷糾虔不諱彊禦再疏論劾馮璫聲震中外 上固不之罪也而當塗嗾之出爲懷慶知府懷慶古之河內沁水出城西北秋雨汎溢民居漂流乃疏而濬之築長隄其上水不爲災察能調煩改守松江松江中倭日深困於兵食爲節縮裁省除冗役冗食若干請發帑金五萬代墾境內閒田下其直而售之得金三千以佐都水戊寅陞山西參政駐節汾州汾城殷研民居東南二郭狹而

本朝分省人物考

卷九

二十八

北直九

憂虜乃增西北二郭爲之子城恣民徙占辛巳轉本省按察使甫三月陞湖廣右布政使無何轉左居楚三年出納平允賦吏無所低昂潦旱薦災請免秋稅七千餘石絜以爲額楚民德之甲申轉南京光祿寺卿旋拜都察院右僉都御史巡撫南贛鎮遏有方盜不入境疏通鹽法使吉人受竿於廣公私交便丙戌召入協理院事道中進右副都御史巡撫福建條上清查寺田兼省客兵禁勾引簡練水陸諸事精意行之皆有成效旋以內艱去庚寅火真與套虜合入寇莽捏二川河湟大震詔遣經略制府會兵出討適值

服除起撫甘肅至則日夜籌畫設伏制虜斬甲首及
鹵馬牛羊無筭招其芴番族八萬有奇虜斷右臂不
敢飲馬於河明年改撫陝西會有他 詔需後命家
居三年薦者日衆乃以操江起家陞兵部侍郎兼右
僉都御史巡撫陝西時當寧夏兵變歲復不稔民多
饑孳多方拊噢稍得蘇息秋月防虜移駐河湟適中
調度再出遮擊斬首積二百三十餘級所俘鹵降服
可六千餘虜創而逸西塞以寧詔晉右都御史仍兼
侍郎巡撫如故已而關中又饑下在所長吏煮粥施
賑全活可數萬人松山在河西塞外羗虜之要地小
本朝分省人物考 卷九 二十九 北直九 高委

及得鎮守三邊如正德故事曰此亂萌也亟會制府
上疏力陳不可其謀遂寢陝人歡若更生及其沒也
軍民悲惋如失所天云

王世揚

王世揚字孝甫先世家山右後徙居爲廣平人世揚
淮運使允武之孫也母方娠夢宰官擁童子從天門
下曰以錫汝寤生世揚能言已英英露頭角既授讀
輒了了大義垂髫補博士弟子員學使阮公鸚奇其
才時從大父官於淮慨然民叱吏弊與伉直之不得
伸也廉吏之不見察也庶幾當吾身一振之年十九

本朝分省人物考 卷九 三十 北直九 高委

酉寅兎竊據三十餘年莫能驅逐乃會制府甘肅大
集七路之師分道出擊遂復疆土所部將吏收番族
千七百有奇馬駝牛羊萬四千有奇羗虜道絕詔晉
兵部尚書兼右副都御史巡撫如故久之火酋復入
寇邊遣將逐之戰於節子岡斬首虜二百有奇詔進
勲階壬寅九月二品滿考會樞府以積功併聞詔進
太子少保賜之策書時以防秋出次十月事竣還省
行至臨洮以寒疾卒享年七十待問撫陝八年德教
浹洽元元樂業稅使梁永恣其僭從剝民財物多殺
無辜上疏劾狀逮其人付之重典梁請於四鎮稅馬

生番也任牧莊浪西北林莽間頗媚虜世揚曰河西
要害無踰莊浪而馬政獨闕可乎計收部如熟番歲
增馱馱四百七十騎歲省椿朋金五千有奇且斷旬
奴右臂自餘察吏安民肅然持大體當機畧多如此
類已奉 命按浙先是漕艘踐更不如期窘費且碎
不得辦曰是不足十五爾而太倉陳陳議改折十之
三國不費而民蘇賦集已疏織造得減已疏杭嘉四
郡災得蠲得賑間彈治其不恤民瘼者一二人浙吏
士亦復肅然而民安已奉命按中州中州歲歲患河
河蝕者無時而人蝕於河者恒實實汎瀾不可問猥

本朝分省人物考 卷九 三十一 北直九 高凌

當其碎一切問諸水濱乃行視堤縷間俾積埽厚餼
旦旦若傲於蝕者且豁其虛賦使緣河流民占田自
種而河亦安其故道得不蝕或言道沁入衛可殺河
勢曰是虞溢也而不虞梗耶吾聞沁善淤衛獨當沁
則衛病而漕且梗潞居衛下獨得不念乎仍道晉入
河便會梁州連兩歲檄泗毫餘粟移賑之又議留兩
歲秬粟若干其所以饘粥兩河起溝中瘠而生全之
者又不啻浙東西四郡已比還刷卷京畿道尋遷大
理寺右寺丞歷左轉少卿 特遣仍兼御史銜閱視
延綏世揚故諳九塞詭調狀乘障士內吳市馬蹄非

一歲所一切奉 璽書閱實按營壘下軍司馬上尺
籍新故儲糈幾何次第及屯政謹法堅甲利兵赫焉
一振馬如初市否者閉關其大賞轉賞勒如初額無
侵士儲糈夫儲糈以餉壯士寧餉虜壯士令乘障寧
令芟夷灌莽也具勒如制他所簡練部伍移壁斥野
謹烽燧布渠荅種種數千百年桑土計最後條十事
天子嘉之下所司覆著為令尋晉左少卿遂擢右
僉都御史撫上谷初廷議撫史車二酋作塞外偵而
大酋黃台吉等鬧與媾也計且縻彼以甘心我而撫
處者忸其欸漫不厝意西庭酋安兔因是得誘史酋

本朝分省人物考 卷九 三十一 北直九 高凌

依帳下與為豕突三歲邊患苦無誰何世揚首下令
諸將亟招撫而西單于因是縛獻史酋 廷議欲俘
之 廟而覺諸世揚矍然曰是故吾屬也果爾則我
更為鷓安兔為叢塞下諸屬夷且股栗脇息急移書
大司馬復上疏 廷列狀竟得 俞旨還史酋所部
而諸屬夷謹焉嚙指稽角王公真卯翼我委心受戎
索而安兔懣然失算時闌入盜塞檄東陞將吏斬首
四十餘級酋惶然罷兵請媾故持之而左谷蠡王朝
兔輒與輔而抗我潛令降虜斬級獲馬朝兔輒掠我
乘障士易馬譯令謹視吾士委一士漠外者必擒爾

一當戶朝兔乃遁癸巳虜大饑關市馬不如額乃以額馬十折皮張馬一虜懼如更生而省歲市二萬有奇於是撫三年矣東西陲晏然亭障無聳縮省金繒無慮鉅萬萬考功上績加右副都御史尋內召協理院事錄蔭一子太學錫白金文綺尋又彙所縮省金繒功錫白金五十兩居無何晉兵部右侍郎兼都察院右僉都御史總督宣大山西諸邊既稔藉其威名虜部諸酋皆嚙指稽角奉約束望其旌旂靡不凜凜也而獨安兔宿昔故怏怏復壁白馬關大營諸虜頗稍稍屬之世揚曰會須一大創此而後安寢檄各路

本朝分省人物考

卷九

三十三

北直九
高州

出塞前後擒斬五百餘級奪獲馬牛羊無筭安兔懼叩關悔罪順義王青白滿諸酋頓顙爲乞款勒令還我屬夷若而人故所登叛卒若而人往反支吾頗欲得我所收部夷回易世揚曰部夷吾已署爲百夫長不可得會須更一戰耳安兔遁歸諸屬夷出塞者不復敢言回易他諸酋愈凜凜而白登甌脫鋒銷燧息蓋先後部治虜諸方畧至是始完而三晉屹如長城矣尋以正三品滿錄蔭一子太學戊戌召入爲少司馬賜白金文綺次年晉都察院右都御史仍兼少司馬協理京營戎政部署肅然歲終小閔分爲三等等

同論官官同論薦薦同論資畫爲一切而簡汰諸老羸竄尺藉者收召部伍以時訓練貴豪無得占一役而名射者畢出更條十事以上上嘉納之下所司復列著爲令會甘肅捷奏復賜白金文綺晉兵部尚書頃之自念太夫人春秋高乞省覲至四上方倚重勿允詔中使勞問羊酒又三歲竟奉太夫人諱以歸歸當甲辰歲晏時蓋六十餘矣泫然如孺慕免喪廷推者二疏薦者屢俄而閱視者上宣大功特晉太子少保錫白金文綺蔭一子世世執金吾蓋宇內駸駸望復起而竟不可作矣

本朝分省人物考

卷九

三十四

北直九
高州

姚三讓

姚三讓字崇謙益軒其別號也先世由太原奉詔北徙占永年籍家焉生時父夢關壯繆與戰北而痕額已生墮地痕額宛然也稍長從學穎悟絕倫十歲嫻爲制舉文駸駸道上吳興潘公以督學試拔置文學弟子第一屢試輒冠聲振膠庠間萬曆癸酉舉於鄉連第進士授祁門令而披誠盡下不爲鈎棘祁人亦安其坦易獷悍化之若苾芻之翹陽光也歛民怙勢將嫁絲絹稅於同郡四邑民操挺起矣祁觀釁而動亟諭之謂有令在必不忍而曹代歛民且諫能已稅

乎祁以令故靡所譁卒之四邑扞文罔而祁獨安堵
稅竟以不坐一時上下服其恬鎮足屬大事三載上
績值母孺人棄養倉皇扶柩歸邑民攀號如喪厥妣
枳其車三日不得行已相與醵金建祠勒石紀事他
以常位祠者千家矣癸未服闋拜山東道監察御史
乙酉出按三河饒周視饒池劑量池勢高下別為塍
畦翻車以時轉運不令亢乾潦淖猶夫土炭低昂屬
諸造化而以吾陰陽反移之饒乃大有秋於是三河
不至割裂方幅為長蘆倍丁亥出按陝值歲大稔發
賑勸貸迄無餘術忽有老父教以石為糗糧石爛可

本朝分省人物考

卷九

三五

北直九

噉也奏石於 朝舉朝咤異咸謂其精誠感格神明

云按部務持大體不為毛屑然所至不寒而栗即諸
王國人屏氣相下事竣用劇移疾歸數載未嘗以
片牘抵郡邑門郡邑閭管不識驄馬姚公何狀諸守
相令長無不凜凜於姚公甚者辛卯起補浙江道出
按應天諸郡一切虧除興建風裁之外佐以陽和然
至郡大吏有所憑依軌法則又露章糾舉畧不假毫
釐人相指目謂曰此真御史也及報命肺疾忽作又
驟聞父疾踉蹌以歸罹於大故哀毀踰恒丙申服闋
猶委頓不能北上會臺檄屢至不得已趣駕入臺補

河南道掌道事清理軍政拾遺疏中多冒時所譁遂
不能一日安於其位矣於時直言見訕南北省臺幾
空無人先是權璫煽焰立貴顯人有諷以往詣者曰
七尺之軀與三尺之輿孰重遂投綬以歸歸則杜門
謝客密戚執友無故不一面遇婚喪可哀憐事則不
恡傾橐以助之擇地營兩塾羣諸子弟延師督誨不
倦奏疏剴切及他文皆沉渾爾雅然稿多逸去亦以
見其生平任質不銜云

本朝分省人物考

卷九

三六

北直九

本朝分省人物考卷之九

人物考卷之十目錄

北直隸大名府

秦裕伯

宋訥

劉矩

蔣廷瓚

柰亨

史五常

王越

李衍

甘澤

張如宗

吉惟善

劉珂

侯英

王綖

李珏

趙廷瑞

本朝分省人物考

卷十目錄

申鑄

晁琛

張師伊

李思孔

吉陳

王光祖

王永壽

穆文熙

晁東吳

丁蕃

王循吉

盧學理

王一元

魏允貞

魏允中

張瓘

耿介

盧構

補遺

李化龍



本朝京省人物考卷之十

北直隸大名府

秦裕伯

秦裕伯字景容大名縣人從父仕元都就學胄監登第累官至福建行省郎中會世亂棄官寓揚州復避地松江之上海以養母母卒舉喪如禮時張士誠據蘇州遣人招之不納吳元年上命中書省檄下松江起之裕伯對使者曰受元祿二十餘年背之不忠也母喪未終忘哀而出不孝也乃上書中書省固辭洪武元年檄起之稱疾不出上乃手書諭之曰海濱之民好鬪裕伯智謀之士而居此地苟堅守不起恐有後悔裕伯拜書入朝辯博善為辭說上命為侍讀學士上登鍾山命裕伯與學士朱升張以寧等扈從擁翠亭給筆劄即景賦詩甚見寵待洪武二年降侍制尋出知隴州卒於官

本朝分省人物考

卷十

北直隸

宋訥

宋訥字仲敏大名府滑縣人父崇祿元陝西行臺侍御史追封魏郡公謚忠肅訥為名家子雅性持重不妄言笑讀書記問該博登元至正癸卯進士筮仕鹽山縣尹遭亂隱居入國朝文名益昌洪武二年中



書省徵儒士十八人纂修禮樂訥與焉事竣不仕而歸五年秋過元故宮盡焉傷之作詩以寓黍離之感誦訥詩者知其明于春秋華夷之辨也十三年四輔官杜敷薦訥才堪任用 勅召至京 上與訥語大悅之授國子助教橫經發難擊節廓塞學者如客得歸十五年五月同諸儒應 制撰諸勅文操筆立成雅稱 上意超拜翰林院學士奉議大夫尋 命撰國子監碑文又復稱 旨賞賚衣帽文綺及鈔已而召其子安賜鈔十錠七月 上觀尚書至敬授人時謂訥曰敬天之事後世中主猶能知之敬民之事則

本朝分省人物考 卷十 北直十 高州

鮮有知者蓋彼自謂崇高故威嚴日重而恩禮寢薄由視民素輕故也視民輕則與已不相干而畔渙離散不難矣惟能知民與已相資則必無慢視之弊故曰可愛非君可畏非民眾非元后何戴后非眾罔與守邦尋有上治平策者 上覽之顧謂侍臣曰此人論治而不及用賢天下之大乃欲朕一人理之乎蓋獨智自用則所見者狹資賢而用則所及者廣訥對曰誠如 聖諭但賢才之在天下人主豈能周知必賴羣臣薦舉得賢與否繫夫舉之者何如耳 上曰然觀其舉者即可知其人之賢否矣十一月改文淵

閣大學士年逾七十時大學初成中外歲貢生徒日眾適異悞者掌之師生相奸教尼不行十六年訥轉朝列大夫國子監祭酒請于 上嚴立學規諸生皆知敬畏 上由是特厚眷之慮功臣子弟有不服朴罰者 命曹國公李文忠兼領監事由是貴胄肅然受教會訥有疾 上遣中使致諭恒謂訥骨格必壽適有畫工至 上命繪其像肖焉喜溢 天表以其子麟主望江薄特 勅召之還俾便侍養其被遇優渥如此十八年二月久雨求直言訥獻安邊策云備邊固在乎兵食足食又在乎屯田漢本始年匈奴為

本朝分省人物考 卷十 北直十 劉汝忠

寇趙充國將四萬騎分屯綠邊九郡單于聞之引去人以四萬騎分屯九郡而充國統制其間則當時之籌畫區分槩可想見諸將中勇智謀略豈無如充國者哉宜選數人每將以東西五百里為制隨其遠近高下立法分屯率五百里屯一將布列沿邊之地遠近相望首尾相應耕作以時訓練有法遇敵則戰寇去則耕此長久安邊之策也 上嘉納之遂令邊軍皆屯田且耕且守著為令乙丑戊辰兩科 上策進士魁選恒在太學召訥褒賞撰進士題名記立碑於監門學錄金文徵畏其教範嚴厲嗾吏部尚書余燦

移文以年老致仕比訥 陛辭 上訊知其故以
蔽賢擅權并文徵等皆誅之 賜諭慰訥居位如故
二十二年五月建歷代帝王廟及廣惠祠落成例使
翰林詞臣記其事 上以訥文體莊重乃 特命訥
撰之訥居常寢食恒在廂房未始一日宿于家二十
三年春正月訥有疾 上遣尚醫來治二月乙未朔
疾革子麟等托諸監官懇辭歸家訥厲聲曰是何風
雲氣少兒女情多况在丁社兩祭齋戒中邪丁酉祭
畢乃就昇歸口不及家事薄暮甫抵家卒年八十
上自製文遣官致祭迨臨發極時 上再遣祭舟車
本朝分省人物考 卷十 四 北直十
之費一出于官故事文臣四品無給費者蓋異數也
長子麟擢進士第拜監察御史出主望江簿次復祖
鄉邑訓導其後辛未太學生有連舉大魁者 上思
訥曰此宋祭酒訓迪之功也凡諸生守官稱職者多
出訥門 上每舉訥為教國子者楷法復祖服闋
上召為國子司業進而論之曰若尚思繼武若翁也
其始終眷注自開 國以來文臣未有其比人以訥
素履純恪所致云訥家西南三里即瓠子河昔人嘗
構亭名曰西隱訥更築白雲茅屋其間故所著詩文
二十卷號西隱集今行于世

劉矩

劉矩字仲方開州人體貌魁梧器宇凝重垂髫時恪
執禮度過市未嘗舉目它顧孜孜問學不少以外物
櫻心鄉黨固已待以鉅人長者既長從張好直受舉
子業不數載就試行部侍講曾子啓中允鄒仲熙見
其文大嘉之拔置第二比廷對 太宗復於羣策中
親擢為第二蓋永樂八科中北士之及第者自矩始
也矩官翰林由編修陞修撰前後僅九載引疾家居
踰二十年德性溫粹如玉生平殊無疾言遽色尤篤
于孝友外艱歸毀瘠終三年禮無少違內艱亦然方
聞母疾即疏乞歸侍時 宣廟實錄成立遷官不俟
也在職忠敬其事雖微必謹一時朝野自宰執下見
者罔不稱曰君子家居嚴於祀先一疏果必薦掃迹
公門聞人過失口未嘗一談犯者弗校酒愈酣儀檢
益整清苦之操始終不渝視非義物漠如也嘗有寄
以金帛者其人死初無遺言亟致書其子悉歸之故
人魏良夫以蒲守遠戍窘甚惻然出囊中賜金濟焉
環所居無遠邇強梗者率革而良士夫無論及門與
否僉表式之有過者恒慄然懼其聞人才籍以造就
尤衆諸門人皆列職中外卓卓為時所稱其為文詞

黜華藻務以理勝壽七十一而卒

蔣廷瓚

蔣廷瓚字邦瑞滑縣人少有學術識達治體洪武中以才行薦除都督府經歷改嘉興府通判永樂初陞濟南府同知五年陞兩淮運使所在以清介稱七年召陞工部右侍郎八年命清萊登青莒等郡民戶九年命濬黃河十一年設貴州布政司以廷瓚練于政務特 旨遷授比至撫治夷民綏靜疆宇一應事宜規畫咸當大振聲望竟卒於官貴人至今祠祀之

李亨

本朝分省人物考 卷十 太 北直十 李亨字子真郡庠生究性理之學通五經尤長於易以易學見知於 文皇帝授以密旨永樂初遣使召至京師欲處以顯職力辭願就教乃除荏平教諭調利津縣尋陞四川永寧府教授初至訓迪有方弟子多有成績已而從尚書黃福征交趾多贊畫功乞休歸學者猶質問經史正統間疾卒郡守李瓚觀其遺文知學有本源舉以配祀劉忠定祠

史五常

史五常內黃人父萱洪武間任廣東按察司僉事秩滿將行疾卒時五常甫七歲力不能扶柩還家其母

諭五常曰汝父歿時有大錢置柩中汝謹識之俟汝長尋訪歸葬五常事母至孝不去左右及母死乃入廣中求父櫬歲久迷失所在五常旦夕號顛見者無不流涕已而臬司諸寮聞之命所司物色竟獲骸骨并大錢如母言遂以禮殮殯官給舟車歸葬祖塋去其父沒時垂五十載矣廬墓三年正統間有司以聞旌表

王越

王越字世昌大名之濬人博涉書史為詩歌文章援筆就成而藻思益發為人多力善騎射好談說經濟

本朝分省人物考 卷十

七

北直十

大略睥睨顧盼有天下志二十六舉景泰進士方對策 大廷忽有旋風起攝其策雲表已而不見皆怪異之及秋而朝鮮貢使附越策來而曰其王方視朝有旋風捲一物下者則進士卷也敢以聞 景帝閱姓名謂吏部曰識之此當任風憲于是繇進士選人得監察御史 英宗復辟日視朝越進止奏對數日屬之時寇深長都察院東濕僚吏亡可當者而越精于臺事所建畫必出深意表以故愛異之久之擢山東按察使名聲藉藉尋大同有虜警當置巡撫 上喟然曰安得如韓雍者而任之時雍已撫宣府吏部

乃徵越召見便殿越故偉服而短其袂 上熟視良久曰非故快御史耶可使弁而將也遂擢右副都御史以行會虜稍徙去越乃飭兵政繕器甲簡士伍修堡寨爲經久計尋以病告召還京病良已明年協理院事久之以總督視師延綏輕騎襲破虜于崖窩川俘四十餘人鹵首加百遷左副都御史又破之于黃草梁俘五人鹵首百二十進右都御史前是文臣視師者多從大軍後出號令行賞罰而已至越而始多選驍勇跳盪武騎爲腹心將而與虜搏始能與虜鋒相角間設伏邀虜破之俘斬百餘獲馬牛羊器仗稱

本朝分省人物考

卷十

八

北直十
余五德

兵部尚書明年復加太子太保時 上所寵信中貴人汪直方領西廠得詞察中外事威福傾一時而年少好言兵越亦與之好直以虜酋西犯邊 詔保國公永爲平虜將軍率師西討越爲總督直仍監其軍令永將大兵由南路越與直將輕騎由宣府大同俱會于榆林旣至大同謀虜帳在威寧海則選二鎮之勁騎二萬餘分道乘風雪薄之虜狼狽出戰遂破虜斬鹵甚衆捷聞越遂進封威寧伯歲祿千二百石予誥券子孫世承襲越旣封不當復領都察院而御史許進等上章稱越功德引王驥楊善例請仍領院

本朝分省人物考

卷十

九

北直十
余五德

退越等請班師不許遂巡延綏而虜入寇河西清水營等處越等使遊擊將軍劉寧敗之于塔兒山叅將支玉敗之于大窰梁延綏總兵許寧敗之于三里塔擒十二人斬首虜三百餘功最多虜亦創懼不敢近邊而捷聞僅加祿五十石汪直賞亦薄尋改越征西將軍鎮大同猶與直共一鎮大學士萬安等請移越帥延綏以離之而命延綏帥許寧鎮大同言者以寧直不相能遂改直於南京御馬監既行則姦事大露給事御史紉直八罪因併紉越詔制越官爵追誥券徙置安陸州而盡奪其諸子錦衣都指揮使等官越

本朝分省人物考 卷十

十

北直十

事甚暫大喜曰寒矣手金卮飲之復談則益喜命絃琵琶而侑酒卽併金卮予之已又談則又喜指其中最姝麗者曰欲之乎以乞汝自是千戶所至爲效死力積功至指揮其夜襲虜帳將至風暴起塵翳目衆惑欲歸一老卒前曰天贊我也去而風使虜不覺歸而卒遇虜入掠者還而我據上游皆是風也越不覺下馬拜功成推卒功以爲千戶越之在安陸與還濬時射獵帳飲聲樂如故家近京得通於中貴人李廣爲上言之中旨召掌都察院事爲臺諫所論阻時西虜犯邊急兵部言宜得一重臣時屠瀟爲吏部知越

本朝分省人物考 卷十

十一

北直十

之敗由汪直然直尚得爲奉御一時朝士大夫雖快越之去而有謂其罰太重弗平者越最名能知人其在臺所旌拔御史屠瀟佻鍾等皆爲大官以至同列而故吏將佐多昂貴時時稱越才弘治初赦還鄉尋上書自列冤狀會有左右之者得復左都御史致仕越居常喜奢華自奉若諸侯王而其御軍恤下財往來若流水籠罩豪傑不知所從人皆願爲之死機事百端閃倏變幻出沒若神鬼軍行過陝西秦王賜宴奏伎越因盡乞其伎女歸一日大雪方坐地爐使諸伎抱琵琶而捧觴而一千戶調虜還卽召入與談虜

且德越而中貴人廣史之以越名上 上遂許陞見上慰喻有加進太子太保仍兼左都御史總制甘肅寧夏延綏軍務諸鎮守巡撫而下悉聽節制仍許以便宜行事越至卽擣賀蘭山之別部行剽者覆之斬首捕生過當捷聞加少保太子太傅請復哈密封以兵援其王還國疏上不報而中貴人廣敗自殺言者皆首攻越 上雖雅重之不爲報而越坐憂悴病劇遂卒年七十四贈太傅謚襄敏祭葬如禮越之再起欲還伯爵竟不得而諸子多官環列者越姿表奇邁慷慨自許歷西北諸鎮身經數十餘戰其于邊徼

險易虜情真偽將士之強弱勞逸歷歷在胃臆每出奇取捷謀定而後發同事者莫能測嘗與保國公永帥千人巡邊虜猝至主客不當永欲走越止之爲陣列自固虜疑之未敢前薄令騎皆下馬啣枚魚貫行母反顧自率驍勇殿從山後走五十里抵城虜不覺明日乃謂永曰我一動虜躡擊無噍類矣結陣示暇形以惑之也次第而行且下馬無軍聲故虜不覺也其智勇足備如此雖古名將何以加焉

李衍

李衍字文盛姓李氏其先山東歷城人永樂初有謫

本朝分省人物考

卷十

十二

北直十

成南丹者後改編隆慶州民遂籍隆慶衍自少穎敏爲州學生有聲景泰壬申登進士第授兵部主事歷陞員外郎郎中皆舉職成化二年陞河南右叅議檄所部課民種桑棗戶若干株因以考長吏勤惰且令月條上其他改善則溫言慰之不善則訶譴不少貸由是州縣之吏罔不懲勸四年丁母憂服除改四川奉勅提督松藩等處糧儲出見彭索河荒田彌望乃召其土人而問之曰是可耕地而不耕何也衆皆謂生蠻往往擾耕爲患則相視之害設橋梁墩堡塹柵爲防民乃耕耕遂無擾時松藩有堡曰張臘茂州

有堡曰松溪皆爲生蠻所攻衍與叅將前後擒殺數百人蠻乃遠遁捷聞有寶鈔金幣之賜灌縣都江堰壞歲役夫四萬人修之吏得資緣爲姦去其十九築不逾歲而功告成民永賴焉七年陞河南右叅政其居官聲實一如叅議時十一年陞江西右布政使未幾陞都察院右副都御史巡撫河南至則剗刮宿弊理冤獄黜賊吏定九等差役法時黃河水溢城不浸者三版行視東南角低下乃分命守土之官日夜疏濬始免決囓患十六年陞戶部右叅議尋奉勅巡視山海邊關整飭兵備置牀子弩一萬五千張弩可射

本朝分省人物考

卷十

十三

北直十

三百餘步又設飛石飛木可發五七十步者各數十萬削山坡成峭壁東西數百里歸而以圖進上賜鈔四千貫二十年轉左侍郎權尚書事時河南山東北直隸連歲旱穀無所出州縣當輸邊者類橐銀就糴以輸米踊貴斗至數百錢然亦實無甌石賣者而武吏催督道路旁午勢甚張皇聞之乃請輸銀太倉而以太倉之米轉輸於邊米價遂平二十年奉勅總督三邊軍儲兼賑濟饑民時關陝不雨三年矣齋心默禱所至輒雨又引渭水爲渠經行百餘里以利居民是歲大稔民賴以全活者甚衆還朝復具圖以進

上喜復有寶鈔之賜明年陞本部尚書總督京通兩倉內外僚吏素熟其名皆慄慄危懼惟恐有犯之者時雖不大聲色而事固無不理也二十三年上疏乞身以歸買田築室於隆慶城西北日與親舊觴咏其中或問以官事則不應弘治五年以建立 皇太子恩進一品階七年卒於家年七十有四

甘澤

甘澤開州人號東閣先生與其弟潤俱以純孝稱自為兒時凜若成人能以色養歷官御史山西憲副常祿悉以奉養既而謫滁州天順改元召還至張秋聞父訃痛哭躡蹠幾絕徒跣三百餘里歸葬遂廬墓側蓬首垢面且暮泣奠盡哀期年有兔及蛇游墓傍馴擾如常潤亦篤孝成化間有司以 聞兄弟並蒙旌表

張如宗

張如宗大名入本小興州人父原政始徙大名如宗少家貧力學以端謹聞以貢士為鴻臚寺序班轉光祿寺丞正統時嘗奉 詔巡行真定諸郡問民疾苦狀會諸郡蝗設法捕之督徵川陝茶馬還擢四川叅議子倫登天順丁丑進士遂授劾還故里躬鋤蔬畦

本朝分省人物考 卷十

十四

北直十

明仲義

灌園自給倫官太原太守便道歸省郡太守過候留與飲倫持盃上饌鞠躬待命如童子禮饌既具即退立廡下太守邀侍席倫退走不敢當如宗謝曰幸君侯過敝廬老夫第主之吾兒特將酒耳郡太守惶恐起去乃不得已始賜品食廡下竟不敢廁席其方嚴之旨類此去田園十里數騎驢往來道中田間父老數相追隨諷以孝弟力田人人感悅眾比之漢石氏父子云弘治中入祀鄉賢

吉惟善

吉惟善開州人少穎悟過人性恬淡進退雍容而邃於性理之學不事舉業永樂初以經明行修舉辭不就 就有司嘗敦請署州學事端方整肅言動不苟後學宗師之年八十有三卒於家

劉珂

劉珂字伯瑒開州人少孤奉母至孝正德癸酉鄉試第三登嘉靖癸未進士未授官即上疏乞終養呂涇野先生雅重之贈以詩有曾子終能傳一貫孝經真脉未嘗差之句既歸里居足不履公府定省之暇惟授徒講學平涼趙太史時春其門人也後數歲母疾卒哀毀過禮鄉人稱孝焉已而授刑部主事歷郎中

本朝分省人物考 卷十

十五

北直十

明仲義

以廉平著聲是時有貴戚干犯法紀諸司皆避事無敢當者大司寇每委重珂珂立為剖斷卒無異議尋擢陝西僉事盡心屯政甚著勞緒監司交薦之上特勞以金幣歷陞本省副使俱有清慎之譽然於仕進蓋澹然也遂乞休以歸鄉之後進咸稱珂有古人之風云

侯英

侯英開州人任至河南副憲與兄侃俱以孝稱年十二三時母鍾氏眼疾憂泣輟食每夜稽首祈祐越四十九日疾乃愈後官江西按察使母死訃聞號泣幾

本朝分省人物考

卷十

十六

北直十

劉太

滅性奔還與侃同廬墓側有白鷺數千旦夕飛鳴瑩前人以爲孝感所致有司以聞旌表

王縉

王縉字邃伯別號龍湫先本鳳陽人洪武初避兵於開遂爲開州人縉童時莊重不羣少長卽知敏學弱冠中弘治戊午鄉試春試不第卒業大學先後所交皆海內名士乙丑登進士授戶部主事尋陞本部員外郎時權瑾用事羣閹倚勢請託縉不顧未幾父卒官邸哀毀扶柩還葬服闋陞河南衛輝知府振舉宿廢屏除積奸積牒滿案兩造盈庭從容詳處皆中情

理儒學諸生季必嚴試重行賞罰皆始怨而終服丙子當鄉試監臨東塘毛公以縉有文望辟外簾錄文多出其手毛公嘉曰中州之錄可以式矣特疏薦曰知府王縉學問深遠可學校憲職丁丑當考績時歲歉撫按以縉素得人心留撫之又二年遷湖廣副使初衛輝爲水陸南北通衢臺省權貴過者連車接轎惟庭見一揖人稔知其素亦不深尤也至湖廣適武廟賓天羣臣奉迎世宗嗣統巨閹谷大用者八黨之一亦在侍中強之長跪縉不屈肆行悖侮縉脫冠裂服奔赴王府伏啓深慰答之而卽日棄官歸比

本朝分省人物考

卷十

十七

北直十

劉太

登極後上疏奏劾大用奸惡辭甚激切凡五上而大用斥矣尋起復河南副使鑛寇王鏜橫行河朔間討平之總督奏言副使累經戰陳親冒矢石故致克捷癸未陞山西右叅政時巨寇黃大寶標掠殺戮流毒郡邑以計擒之當道疏薦改鳳門行僕卿乃乞歸疏凡三上始得允己丑薦起四川左布政使土番芒部讐殺累年以恩信諭平之會母疾具疏乞歸未幾丁內艱服闋起江西甲午陞都察院右副都御史巡撫本省地方以恩詔階通議大夫廕一子入太學其撫江西也督逋稅清訟牒禁侈俗理陂塘恤民瘼事關

潘臬卽犯衆怒亦舉行之乙未擢大理卿大理自正德以來避部院尊要久失叅駁之職力舉行之由是衆情不堪私比者多不便左遷山東叅政蒞任疾作乞休不允部移慰留而疾愈甚疏再具未上而卒入仕來凡四里居絕不干謁有司取與進退無毫髮苟日用居處蕭蕭如寒士平生雖好爲詩文然多不存稿卒後訪之親友僅得三百餘篇痛兄氏早亡撫諸孤若子先世所遺產盡以畀之卒年六十一祠祀鄉賢

李珏

本朝分省人物考 卷十

十八

北直十 劉汝德

李珏字廷重別號後菴世爲開人甫四歲喪母孑然孑立鮮伯叔兄弟疑然聰穎倍於常兒年十八入郡庠州守見所爲文曰此公輔器也深重之弘治乙丑登進士第初授長洲知縣年甫二十有五剪剔吏蠹聽斷詳明遠邇以神明稱之居二載適逆瑾用事誣逮至京縣人爭斂金帛以饋瑾正色拒之曰余爲民獲罪若復斂民以脫余是益余罪也事亦得白三年陞刑部主事歷本部員外郎中遂菴楊每言法曹中才能明練必曰李廷重部居三載陞東昌知府政先大體事集民安修葺城郭大建關橋東人至今誦焉

本朝分省人物考 卷十

十九

北直十 余孟德

爲陞都察院右僉都御史巡撫甘肅抵任三月以福建事被逮回京福建事原臬晉時所勘也朝見致詞上深奇其丰采異常中貴密示 上意曰廷鞠之日若能少順 上意諉責巡按豈特脫罪當有不次之擢笑曰死生榮辱自有定分臨難二心非君子所爲豈敢欺天以徼寵也獄成謫戍廣西潯州去國萬餘里羈配所十餘年隨行親屬瘴癘死者自秦安人以下十有七人處之泰然略無怨色尋蒙恩還里居四載爲嘉靖壬寅時大虜闌入鴈門失守畿甸震驚廷臣交薦召以原職起任提督鴈門等關兼巡撫山

西地方被命毅然就道至之日督率將領行視關隘
乃陳禦虜事宜及增兵築邊預定戰守之策 上皆
嘉納焉遂增叅將四員築邊垣八百餘里至今賴之
又調選民兵分布要害是歲虜不敢南犯璽書褒獎
賜以文綺居晉一載夜以繼日焦思運籌寢食俱廢
而精神已憊矣引疾乞歸 上不允溫詔褒答感泣
力疾視事再踰月疾增劇瀝誠懇疏 上鑒其忠誠
許暫還仍俟後命抵家又四載爲戊申遼左不靖
上復起用至遼增築屯堡奏調河間青州之技卒添
募錦義寧前之兵馬選用土人之精壯區措大備戊
本朝分省人物考 卷十 二十 北直十

於家

趙廷瑞

趙廷瑞字信臣別號洪洋開州人生而敏悟日記數
千言總角入郡庠督學浚川王公見其文大異之登
正德辛巳進士改翰林庶吉士壬午授戶科給事中
尋養病家居既起歷陞刑科都給事中時故相張璁
以詹事擢兵部左侍郎上章論璁進士六年遽爾擢
貳本兵恐後進奔競之徒率以璁借口因論吏部尚
書廖紀徒負重望不能因事納忠言雖不用聞者憚
之武定侯郭勛者專恣詭法嘗以私意釋罪人於配
所刑部尚書高友璣侍郎許讚右都御史熊浹大理
少卿曾直錦衣衛指揮使路安等不能執法并論之
本朝分省人物考 卷十 二十 北直十

疏上友璣致仕餘各罰俸有差勛革去祿米及營務
保傅提督宣大軍務缺員兵部尚書李承勳薦左都
御史王憲憲難之瑞論憲擇官避事非大臣體憲竟
罷去他如論李琮爲江彬爪牙齊佐等爲錢寧羽翼
張仁以么麼伶賤潛通逆藩及太監韋霽等奸狀皆
見嘉納一時直亮之聲著於中外吏部嘗推陞河南
叅政及南京通政司叅議 上皆不允曰趙廷瑞着
在京相應員缺推用其見知如此辛卯歲陞通政司
右通政提督騰黃時父直菴翁迎養京邸膺疾思歸
屢疏得請歸養抵家而翁遂不起服闋復除前職丙

申陞南平太僕寺卿戊戌改光祿寺卿 駕幸承天
建儲事推恩兩京三品以上官皆得廢子入監乃以
弟廷璋為父母隆慶上疏以讓其弟已亥用廷薦陞
都察院右副都御史巡撫陝西抵鎮首陳考察王府
文職官員次陳宗室私出郭木虜駐套請預計軍餉
以保障地方時俺答阿不孩率眾渡河住牧套中乃
與總督軍務兵部尚書松石劉公議定方略大致克
捷斬獲首級百餘中有酋長首二顆疏聞 上悅進

本朝分省人物考

卷十

二十二

北直十

兵部右侍郎兼都察院右僉都御史仍巡撫其地先
是秦府輔國將軍秉樞等縱家奴責債動至拘繫平
民勅諭之自是宗藩斂跡在鎮三年累奏虜功辛丑
上遣行人張汝隆齎賜白金彩幣及 勅諭欽獎
廷瑞以寵遇優隆益加策勵秦人稱巡撫關中者馬
端肅余敏肅之後惟瑞能不媿云壬寅改戶部右侍
郎總督宣大山西偏保等處軍情緊急兼程赴雲中
所在官民不擾而兵食足未幾丁母憂 上念其勞
特予祭葬服闋陞本部左侍郎兼提督太倉尋改兵
部左侍郎攝部事總督左都御史翁公巡撫山西都

御史孫公條陳邊事各有異議瑞維持調護懸合事
機俱免債事會試天下武舉為提調官盡革宿弊丁
未陞南京戶部尚書未抵任即改兵部尚書會北虜
結營直抵隆永郊圻震驚疏上防護京師內外五事
為國家根本之慮虜亦聞風遁去戊申遼陽奏捷斬
獲虜首甚眾已酉北虜大舉入寇官軍鏖戰有功加
太子少保賞白金紵絲素體孱弱加以軍務叢雜憂
勞過度以致痰火疾作眩暈顛厥絕而復蘇乃懇求
休致 上謂其託疾求退乃與閑住蓋 上意欲重
用之故責之者深也還里惟留心藥裹端居簡出親
戚友朋罕見其面六月二日忽晨興命駕造直菴墓
所撫視松楸摩挲石獸低徊不忍去少頃疾作輿歸
遂不起

本朝分省人物考

卷十

二十三

北直十

申 鑄

申鑄字鎔範性端嚴有家範諸子自費校歸猶俾之
入田力作曰使知所本嘗以嫁女使長子持數十金
入臨清市奩具遺其金反命曰道遇談易者悅之遂
忘金即置不問以吏事就選仕為金壇簿主徵稅先
是入穀之量恒溢怒曰是焉用量為也命概之百姓
稱平主計者置金米中與入賄發之抵罪宿弊頓革

屢獲優獎偶遭疾數日漸劇歎曰吾居官不苟取今死何以歸葬耶子淵見其危也權辭曰適有餽兒贐者多憂大驚詎曰汝敗吾平生矣遂面壁卧叩頭百解之竟不返顧而卒今兵部員外郎燧乃其曾孫也魏人咸曰申氏蓋有世德云

晁 璫

晁璫字君石別號春陵開州人性至孝少失恃奉繼母以孝聞及長博極載籍工於詞賦高古冲雅出漢唐諸名家右嘉靖辛丑登進士第選翰林庶吉士一時海內俊髦悉推讓焉尋任檢討專制誥修會典

本朝分省人物考

卷十

二十四

北直十

習於典故多所裁定分主會試甄選尤精繼以父疾懇疏求養得告家居於城隅之西築精舍奉養其間親卒哀毀盡禮服闋陞洗馬旋授國子司業以疾卒於官璫居翰林二十年稱詞垣宗匠生平雅慕鑑湖高風更號鏡湖所著有鏡湖文集晁氏足徵錄卒祀鄉賢

張師伊

張師伊大名人少與申考功燧晁司業璫齊名勤學禋行相期以古賢聖之業俱登嘉靖庚子鄉書後申晁成進士有名乃益下帷發憤爲諸先輩祭酒竟阨

數奇歷任浮山項城浙川俱有聲遷黃州判無何卽致仕歸行李蕭然篋中惟圖書數十卷撫書而笑曰他人以金吾以今古賢聖歸所得豈不奢哉乃卽其故所居張家潭者構一室攤書籍其中朝夕遊咏絕跡城市暇則荷笠披蓑與田父牧兒坐茂林語桑麻若忘其爲張別駕也者當道高其風屏干旌往候者後先相望第祇一刺相答報已耳生平恬澹寡欲而畝有書癖所著有劄記詩文若干卷藏於家

李思孔

李思孔開州人嘉靖己未中禮部試卽陳情歸養壬

本朝分省人物考

卷十

二十五

北直十

戌殿試授行人生平篤於倫理薄宦情翩翩自附於盛世之逸民焉卒祠鄉賢

吉 陳

吉陳開州人與弟陽同領鄉薦守河州遷趙鄭兩王府長史多所匡益肅廟以鄭王直諫忤旨錮王併奪陳職陳歸田杜門子澄爲御史孫大同爲行人嘗歸省禁不得乘肩輿謁親故生平食不兼味一褐十年不易卒之日子澄以都御史侍孫已藩臬山東曾玄滿前含笑而逝傳稱其廉平如召杜忠懇如董賈表正如王彥方貽穀如萬石君殆實錄云

王光祖

王光祖字子孝大名魏縣人也生有殊質遊諸生間
 行甚著嘉靖癸卯舉京兆省試其明年甲辰第進
 士授夏津知縣以外艱去服除補陽信其治兩邑皆
 以行能殊絕課最東省遂召為監察御史兩邑之民
 皆尸祝焉既為御史巡視都城以法繩貴疆不少假
 貸大將軍鸞憚之謹飭門下毋犯御史出按遼左虜
 嘗一入塞將吏受指畫多所斬獲而以遼帥某不奉
 法上書劾其罪狀帥遂誅死故相嵩庇帥而心嗾之
 左遷汝寧知府會吳中有島寇簡二千石才者往則
 本朝人物考 卷十 二十六 北直十

副守蘇州未至而寇去吳轉掠江淮以北則調守登
 州光祖歷兩郡所在惠政流聞士民德之久之乃擢
 為湖廣按察副使備兵辰沅再擢陝西右叅政分守
 涼州兩居塞徼威聲遠邕蠻夷懷服是時資望益重
 稍遷即至開府顧以母太孺人老家居不能從日夜
 念之數有歸志亦會為忌者所中遂自免歸天性孝
 友內行淳和居官所餘俸入推以與弟不問出入曰
 以歡太孺人其贍施宗黨也族有義田里有義塾有
 倉以賑有域以藏魏人至今頌之

王永壽

王永壽魏縣人少與申考功燧劉貢士塘稱邑中三
 傑由歲貢登嘉靖壬子鄉試連不得志于禮部而其
 文益高行益苦兵部李公脉泉延為館師時有大獄
 其家持二百金為請託即李公亦欲緣此濟其貪力
 謝不納家蓄一琴養一鶴每客至彈琴鶴即婆娑舞
 堦下助客歡後一日鶴死為瘞鶴文居亡何未病而
 化遺命以琴殉葬其生平高潔類如此

穆文熙

穆文熙東明人嘉靖進士少穎悟經籍無所不窺尤
 尚節義 莊廟初給事石公星以言忤廷杖幾斃文
 本朝人物考 卷十 二十七 北直十

熙奮不顧身周旋醫藥得不死解官歸士論高之後
 歷官憲副浩然而歸所居有逍遙園坐起一編文藻
 蔚然為一代名家所著有逍遙園集左史戰國纂評
 諸書行於世

晁東吳

晁東吳字叔泰翰林檢討璉次子也幼負奇質弱冠
 登進士選翰林庶吉士讀中秘書操觚翰雅追秦漢
 語耻與俗軌軒輊尤善揚古書法每自心得臨趙松
 雪書散置卷中明者莫能辨也在館中相劇切必曰
 強學慎行宰相以下折節與交比之黃叔度云咸以

爲卿輔不足爲而得年僅二十三耳當甲寅上書移疾歸遂以是冬卒檢討君大慟哭曰兒至性孝友不妄言笑卓然有當世志嘗觀時事非是爲之憤恤不食者竟日尋其端萌知其末緒斯非純碩而可以詣遠者耶手錄其遺文總四卷墨蹟一卷名之曰誠痛錄

丁蕃

丁蕃元城人嘉靖三十七年浙倭猖獗蕃與堂弟丁佃以精兵應募總督胡公宗憲命守定海舟山與賊截殺軍令退縮者面縛梟首佃退縮當斬乃號泣曰

本朝分省人物考

卷十

二十八

北直十

死所甘心弟佃有老母孀居又無兄若弟子呱呱在

襁褓間柰何蕃聞之泣謂佃曰弟情良苦我有二弟四子死可代也遂自縛請代軍門悉其狀大義之乃網杖佃免其死逾年還鄉母得終養里人高其義聞於有司入旌善亭萬曆二十一年知縣李炳旌其門

王循吉

王循吉開州人潛心理學不事舉業齋居大成殿讀書十年註五經圖說獻 肅廟蒙 恩賞加處士號著憂世圖心法圖藏於家

盧學禮

盧學禮字立夫號趨庭自潞城徙家東明學禮少負異姿嶷然魁岸爲博士家言敏捷有法度博聞強志名稱超然隆慶丁卯舉京兆再上春官萬曆甲戌將復詣試而值母病或勸盍且趣裝愀然謝曰安有親卧牀簣而千里赴名有如闕于一訣何以爲子竟止不行頃之丁內艱丁丑北上乃成進士筮仕南召令踰年聲績大起銓部偉其才望奏改臨汾尋以外艱去服除補東阿浹歲召爲兵部武選司主事再遷車駕郎中擢兗州府知府復丁繼母憂服除補守襄陽會播州兵興供億徵輸多所勞瘁又以權使暴征爭不能下方欲歸圖旋晉陝西按察司副使備兵洮岷聞命欲謝不往所知咸敦迫之爲一持節蒞鎮又與勅使爲忤竟拂衣歸歸不數月輒病病不踰歲竟卒學禮爲人貌樸而偉性坦夷無城府接人辭色雍雅情義藹然而凝重不佻口若鈍於辭然於世故民情談說娓娓曲中肯綮至竟日夜不倦居職廉儉無紛華爲政簡靜寬和挈綱踈目比讞精詳綜理縝密猾胥不能欺也事使之際不爲崖異而動有執持亦無能撓其法者蓋純然古循良吏矣南召僻小邑然在山谷陜塞中多礦盜學禮日夜拊循小民樽節裁省

本朝分省人物考

卷十

二十九

北直十

與之休息因以嚴飭烽燧盜不得發境內無虞臨汾平陽所治煩劇為尤學禮居是邑獨久外寬內敏不嚴而辦諸緣飾文具者不及也東阿號當路邑其繁不及臨汾其衝倍之學禮不滿暮月政通人和誦聲交作赫然最魯中充為東方大府介在兩都之中最稱望郡學禮以三邑之政移之于守風聲所樹二十七城罔不蒸蒸如在宇下兩臺諸使以疏言治狀且十餘上銓部考其治績表為關中憲副候 命未下遂以憂歸再補而後遷位雖尊顯於學禮資地稱淹抑矣猶以不能為容拂衣而老仕林惜之而里人當

本朝分省人物考

卷十

三十

北直十
高標

學禮之卒識與不識皆為歎息泣下至空市走弔則中心誠信所感矣

王一元

王一元魏縣人少與南樂魏考功允中俱受知兵憲鳳洲王公王公嘗會考十二學諸生拔居第一考功次之即考功固自心服也由選貢登鄉薦潛心聖學有大學中庸主意膾炙人口生平不謁公府無私讌會雖望重一時罕有見其面者天性孝友家庭間恂恂有古人風族中死無棺者為之殯貧無資者為之養沒之日從容正寢囑其弟曰無求墓誌皆虛文祇

增不德耳魏人稱為獨行君子云

魏允貞

魏允貞南樂人登萬曆丁丑進士授荊州府推官正值江陵柄政欲收之以為用允貞兀然自立不少詭隨重懲其一二家奴江陵啣之密伺其短卒無所得後以政績卓異擬入省垣江陵改置臺中為御史風裁大著歷山西巡撫右副都御史兵部右侍郎所在俱建勲名其奏議洞中石畫人人膾炙云

魏允中

魏允中南樂人總角時即擅文譽且負奇節萬曆丙子發解順天庚辰登進士第三甲第一人授太常博士時江陵勢熾方熾炙手可熱允中挺然以正自持絕不相附每每譏切時政張頗聞而恚之後遷吏部竟以憤悶不平抱鬱成疾卒於京有魏子集行於世

張瓘

張瓘如宗孫也大名人家學克紹世德相承門閥雖甲邑中而謙冲和厚無忤於人即田畔有見侵者每讓不較以歲薦分教祁庠繼掌教伊陽咸恪修厥職士習賴以振起晚歸林下舊地為漳水所衝乃結廬

本朝分省人物考

卷十

三十一

北直十
高標

東圃居焉居近郡邑各三里許而足跡終歲不一至抱璞養靜里人高之初總角時已失怙恃兄嫂秉家政頗少恩及析產復以劣下者畀之皆怡然順受後諸任衰替周急扶危久而無厭壽踰八表卒以孫崇功貴贈叅政

耿介

耿介元城人歲貢篤學礪行居喪三年酒肉絕不入口受百金之寄而不負所托周旅士之貧而不責其償義舉多類是教垂兩地德感諸生入蕭徐兩處名宦本縣鄉賢邑人進士董復亨撰高士傳以寄仰止

本朝分省人物考

卷十

三十二

北直十
高

之思云

盧柟

盧柟字少榎大名濟人也其先世業農穫則什一而息之故以貧雄於鄉柟少負才敏甚讀書一再過終身不忘父爲入貲太學上舍數應鄉試罷免歸柟才高好古文辭不能頽而就繩墨攻博士諸生業以故試輒不利而聲稱奕奕在薦紳間爲人跡弛不問生產時時從娼家遊大飲飲醉輒弄酒罵座母敢以唇舌抗者而又豪於詩當所得意下筆數千言立就客咸咋指遁去竟用是敗濟令某者數刻深名法家言

於文非能好也陽浮慕之以張吏術耳諸柟邑諸生才得從事幸甚柟亦欲借令謬恭敬爲相得極歡令嘗從容語柟吾且過若飲柟歸與翁媪益市牛酒夜共張至旦室邑子相戒盧生有重客門之履相蹈也而會令有它事日晏不來柟愧且望之斗酒自勞醉則已卧報令至柟故徐出坐久之柟稱醉不能具賓主禮令恚去曰吾乃爲僮人子辱愧見其邑長者邑人素惡柟者爲柟讒曰是嘗見令君文而笑且唾令益怒亡何柟干振其役夫得伏麥以爲盜也榜之役夫被酒自理而聲加強柟復加榜焉旬日役夫夜壓於牆墮事聞令令色動曰喑纍是復能倨見我耶匿役夫所繇死復當柟抵坐獄具上報可柟既已坐大辟繫獄又令仇之故母敢爲稱寃者而會柟鄉人間嘗侍飲不遜柟目攝之來爲獄吏夜縛柟格筆之數百臂腫悉潰爛且死矣吏以他事罷得不死乃感慨折節益讀其所携書著幽鞠放招賦以自廣其幽鞠曰盧柟既用事逮繫濬獄與幽囚伍脅憤迷惑目無日月不知晦朔仰天太息曰嗟呼聖人修身晉道立命不貳賢者推運循理以定所天顧柟微眇離茲憲網問諸造物而已因作賦以自廣其辭擬離騷又著

本朝分省人物考

卷十

三十三

北直十
劉汝奇

放招文俱有深情麗語居頃之盜行剽迫柎父自剄
 死燒其廬子錢家咸負貸不償柎固已壁立矣令亦
 更悔念魚肉盧生何酷耶陰稍稍寬柎予酒肉食飲
 洗沐尋令去事益解而故人謝榛者携柎賦游京師
 貴人間絮泣曰天乎冤哉盧生也及柎在而諸君不
 以時白之乃罔罔從千古哀湘而弔買乎陸光祖吳
 人有心計俄謁選得濬令至則首為更爰書上論鬼
 薪輸作三歲盧柎既出獄家益貧乃為九騷謝陸令
 而謝檜方留滯鄴柎走謁之因上賦趙王趙王覽而
 奇其文立召見賜金百鎰於是諸王人人更置邸延
 本朝分省人物考 卷十 三十四 北直十 劉汝詩

柎則稱容坐右坐握麈尾辨說揮霍數百千萬言
 風雨集而江波流也嗚毫颯颯倏忽而為辭若賦各
 得以意去既酒醉故態畢發罵其坐人則人人掩耳
 走避柎竟亦不自得罷還顧橐中所餘金幾何趣付
 酒家也婦囁嚅咎柎不顧曰天生盧柎為女曹地耶
 吳人王世貞治獄大名飛書大佐山中勒邑吏具筆
 札受柎所著集若干卷柎故亦慕稱世貞嘗為文托
 謝檜致之不達至是見世貞郡臺把臂為布衣飲三
 日酒語慷慨恨相見晚也既以別世貞去南游金陵
 陸光祖為祠部郎留月餘走越歷吳母所遇還益落

魄嗜酒病三日卒

李化龍

李化龍號霖寰長垣人萬曆甲戌進士授嵩縣知縣
 陞南工部主事歷郎中陞河南提學僉事轉叅議遷
 山東提學副使叅政河南晉太僕少卿遼東巡撫乙
 未陞右都御史兵部右侍郎回籍調理以楊首倡
 亂為總督川貴湖廣巡撫四川經畧播州摠八路
 兵於征勦播平丁憂服除起右都御史工部右侍郎
 總督河道丁未陞少保兵部尚書協理戎政己酉回
 部管事考滿加少傅兼太子太保辛亥十二月卒贈
 本朝分省人物考 卷十 三十五 北直

太師別歷中外動著勲猷卒能保全功名仰膺 恩
 眷于一時稱巨擘云



人物考卷之十一目錄

南直隸應天府一

陳遇 附子恭 端復初 子孝文 孝思

孫炎 周禎

僕斯 杜環

王元吉 齊泰

巫凱 張益

曹義 王一居

張俊 倪謙

張欽 丁璿

本朝分省人物考 卷十一目錄

楊洪 凌錦

金潤 張瑄

楊能 附弟信 顧儼

童軒 樊繼

盧廷佐 金紳

陳達

南直一

本朝京省人物考卷之十一

南直督學御史西浙過庭訓纂集

門人蘇松備兵副使南郡熊膏叅閱

男 過銘盤

過銘孟

過銘簞

寧國府學生員嚴弘志全訂正

南直隸應天府

陳遇 附子恭

陳遇字中行先世曹人高祖義甫宋翰林學士徙居

本朝分省人物考 卷十一

十

南直一

建康子孫因家焉遇資稟純粹識度超遠博通經史

尤邃於先天之學元末為江東明道書院山長開教

永嘉子弟多從之及中原板蕩乃歸建康扁所居之

室曰靜誠人因號曰靜誠先生 太祖高皇帝渡江

御史秦元之薦遇學行才識因以書聘之既見與語

大悅遂命籌謀帷幄益見親信幸其第者三甲辰

上即王位賜冠帶授供奉司丞不受 上即帝位遇

陳治道以復中國先王禮教為首務三授翰林學士

皆不受乃賜肩輿一乘選衛士十人贊其出入洪武

庚戌春承命往兩浙廉察民隱還朝密有所陳賜白

金綵段除中書左丞力辭辛亥召對華蓋殿賜坐命
 草平西詔賞賚有加授禮部侍郎兼弘文館大學士
 復辭時西域進黑馬一匹甚奇召人看遂引漢故事
 為諫 上大悅賜大銀一錠除太常少卿又辭 上
 不許沉吟良久從之會疾醫藥效至疾愈入謝 上
 望見連呼君子君子戊午復除禮部尚書又固辭
 上曰士之有志節者功名不足以介意其卿之謂乎
 朕不强卿以成卿之名也自是每燕閒輒召問古今
 得失嘗值暑賜歸時功臣少有過譴遇力為救解多
 所全釋 上嘗諭曰先生有子着來帶刀隨侍朕當
 本朝分省人物考 卷十一 南直一

重用對曰臣三子皆幼俟其讀書成立以圖補報
 上悅賜織衣兼金當是時寵遇之隆雖公侯卿貳無
 與比者甲子秋病作尋卒 上震悼不已遣中官諭
 祭加東園秘器賜葬鍾山祖塋之次 上所賜詩文
 翰墨甚多并遇所著述嘗燬於火故所存無幾今見
 世德錄云子恭由鄉貢仕至工部尚書文章政事克
 世其家

端復初 附子孝文孝思

端復初字以善姓端木氏其先為衛人出子貢之裔
 今獨以端稱氏者省文也三遷於溧水縣嶠山復初

幼有遠志不肯寂寂落人後至正初以儒試吏江南
 行御史臺同列多貴遊子弟爭事表襮獨泰然不失
 其恒行人咸畏服之俄遷書吏佐部使者行州縣彰
 善癉惡聲獨著聞會四方兵動東南為尤甚袖策言
 時政之急如此則可守如此則可戰否則有歛手就
 降而已上官聞之皆落落不合仰天歎曰彼以吾發
 狂言耶時事從可知矣於是悵然有鄉土之思溧水
 道絕不能歸僑居金華以書史自娛至正己亥 皇
 上親御六軍取金華命常忠武王鎮之聘至幕下未
 幾辭去會有言於 上者召為徽州府經歷徽為江
 本朝分省人物考 卷十一 南直一

東大郡政繁而賦殷悉力佐治百廢具舉功則歸於
 其長田賦久不均民不堪命即城東建局使民自供
 集為圖籍覈盈胸驗虛實而定科徭吏民陰為欺弊
 痛謫之不數月而畢由是民無逋租官無橫斂時孔
 子廟廷久圯葺建之咸中程式賦不及民若不知者
 丙午冬改通判吉州府吉俗尚譁訐素號難治至則
 召父老子弟戒之曰余聞爾民尚豪侈樂訟闕 朝
 廷子惠元元春雨秋露無不霑濡爾曷為良民以報
 上德寧梗化以自戕耶梗化弗祥天刑所不貸爾
 其識之民皆惴惴無敢執牒妄訴者丁內艱服除洪

武辛亥春被召赴京除磨勘司丞時官署新立凡錢粟之出納刑法之是非貨物之變易無所不讞從本達支自流徂源勾稽隱伏纖芥軒露每一奏對上輒廷譽之未幾陞爲令復初嚴於限域人見輒畏不敢有所請托俄僚屬皆以貪墨敗牒藁首東市惟復初清白之行表見朝署冬十一月超授嘉議大夫刑部尚書其用刑本諸法律而持以平恕老於議法者咸以爲允當杭州馬甲飛糧事覺逮繫者百餘人詔往治其獄分羣囚別所人各鞠之合其辭參焉同多者情真否則僞郡守以下皆服罪壬子春三月拜湖

本朝分省人物考

卷十一

四

南道一

廣等處叅知政事階中奉大夫湖廣素號重鎮屬兵戈蹂躪之餘土曠民稀首下屬州民復業者復其賦一年次閱官書凡糧儲轉輸錢幣出入與夫軍裝工役皆預爲計畫且會官屬問事不集者其故何繇皆曰一省所轄府州縣二百有餘遠者在千里外每官多闕事因不集因奏請於朝擇在職賢良吏攝其政不數月無事不舉民驚以爲神既而以事召還京師俄以疾卒居官能厲操守貪嘗著座右銘曰心契上天脚踏實地故翰林學生朱昇謂其謙退似懦夫其專謹似腐儒瞻視精悍似俠客掀髯談世事似辯士

而其精神超越又似逸民隱者人謂爲實錄云子端孝文次子孝思皆以儒士起家孝文爲翰林待詔孝思爲翰林侍書先後使朝鮮以清節爲遠人所服立雙清館旌之

孫炎

孫炎句容人長身跛一足博學善辯論長於歌詩本朝初建炎疏請延攬英才以圖大業後征浙東以功授處州總制措置有方境內皆服後爲賊所執脇使降炎大罵不屈賊怒拔刀叱解衣炎曰此紫綺裘君所賜者我當服之以死賊遂害之追封丹陽男

本朝分省人物考

卷十一

五

南道一
高際

周禎

周禎字文典江寧縣人元末兵起流寓江湖間庚子年王師平僞漢入仕擢江西按察司僉事吳元年陞大理寺丞本年陞大理寺卿十二月詔禎同省臺李善長劉基陶安定律令禎上疏曰立法貴在簡易使人易曉若條緒繁多或一事而兩端可輕可重奸貪之吏得以夤緣爲奸則所以禁殘暴者反以賊良善非良法也 上嘉納之洪武元年八月設六部陞刑部尚書本年改治書侍御史及建廣東行中書省除叅知政事開省之初州縣正員多缺廣州香山縣縣

丞冲敬經營解宇百務悉辦流移四集狂寇倏至
率民捍禦寇乃遁去縣民賴敬以安竟以勤死禎至
卽具文祭之雷州同知余騏孫及揭陽縣丞許德增
等皆能吏也悉上其績纖善必錄 上嘉納之會下
詔開科禎豫聘名儒以待考試洪武二年復召禎爲
刑部尚書三年以年老乞致仕

僕斯

僕斯深陽縣人故元嘉定州知州來附王師洪武元
年授兵部員外郎本年擢尚寶符寶郎二年高麗遣
使上表來貢方物遣斯賫印封之改尚寶司丞仍以

本朝分省人物考

卷十一

六

南直一
高橋

祝文牲幣祭其境內山川使回稱 旨日侍左右四
年出知太安州六年陞河間府知府俱以才幹著而
民亦不擾九年入爲戶部郎中尋陞戶部尚書本年
調山西左叅政十三年正月召拜吏部尚書二月改
禮部尚書三月詔定公侯稱號 上諭斯曰自今封
公侯不必加以散官已授券誥者且仍其舊若追封
公侯生則曾佩將軍印者仍列於銜於是斯等奏定
則式爲三公侯之銜曰開國輔運推誠宣力武臣某
公某侯食祿若干石世襲者曰世襲某公某侯食祿
若干石追封者曰開國輔運推誠宣力武臣某追封

某王某公謚某本年以年老致仕

杜環

杜環字叔循金陵人環博通經史長於翰墨其書法
端妍至於行草亦各臻妙歲丙午太學初建環以儒
士被薦除學錄以書法示六館之士命皆倣而式之
尋入侍春坊大爲 皇太子所眷時天下以工書名
者皆被徵而至然流輩中罕見其比焉故環之書名
騰京師學士大夫有所述作借其書以取重洪武改
元遷太常贊禮郎後爲晉王府錄事終太常寺丞爲
人謹飭重然諾好周人急父友兵部主事常允恭死

本朝分省人物考

卷十一

七

南直一
柳子董

於九江其母張氏年六十餘哭九江城于無所歸有
識允恭者憐其老告之曰安慶守譚敬先非允恭友
乎盍往依之母如其言附舟請譚譚謝不納母大困
念允恭嘗仕金陵親戚交友或有存者庶萬一可冀
復哀泣隨人至金陵因訪一元家所在道上人對以
一元已死惟子環存母服破衣雨行至環家環方對
客坐見母大驚因問曰母非常夫人乎何爲而至於
此母泣告以故環亦泣扶就坐拜之復呼妻子出拜
妻馬氏解衣更母濕衣奉糜食母抱衾寢以待母問
其平生所親厚故人及幼子 章環姑慰之曰天方

雨雨止爲母訪之苟無人事母環雖貧獨不能奉母乎且環父與允恭交好如兄弟今母貧困不歸他人而歸環家此二父導之也願母無他思時兵後歲饑民骨肉不相保母見環家貧雨止堅欲出問他故人環令媵女從其行至無所遇而返意乃定環購布帛令妻爲製衣衾自環以下皆以母事之母性褊急少不愜意輒詬怒環私戒家人順其所爲勿以困故輕慢與較母有痰疾環親爲烹藥進七筋以母故不敢大聲語越十年環以贊禮郎奉 詔祠會稽還道嘉興逢其子伯章泣謂之曰太夫人在環家日夜念少

本朝分省人物考

卷十一

八

南直一 鄧召重

子成疾不可不早往見伯章若無所聞第曰吾亦如之但道遠不能至耳環歸半歲伯章來是日環初度母見少子相持大哭環家人以爲不祥止之環曰此人情也何不祥之有既而伯章見母老恐不能行給以他事辭去不復顧環奉母彌謹然母愈念伯章疾頓加後三年遂卒將死舉手向環曰吾累杜君吾累杜君願杜君子孫咸如杜君言終而絕環殯而葬之歲時常祭其墓學士宋濂爲環傳其事云

王元吉

王元吉字國祥少而重厚好問學英拔奇偉喜讀兵

家書輒以其意爲人言之人笑其過亦復笑曰子何足聞此吾誠過也年十四歲饑與兄行糴旁縣道遇盜利其粟將劫之兄懼走匿元吉不爲動徐給罵曰庸縣官使吾運粟許遣夫防我而不至若豈防夫耶後有粟車數十輛若其防後至者盜以爲然散去里中長老固已異之後大夫福壽在金陵盜陳也先潘甲率兵數千自稱爲元帥聲言討賊索軍食城下大言殺人守將閉門伏不出大夫憂不知所爲元吉造門論以禍福說累百千言驚其座人大夫亦驚喜起問計元吉日今城中無一軍而盜兵甚熾此難

本朝分省人物考

卷十一

九

南直一 劉校

與爭鋒當以計破之盜索芻粟公宜開城門陳芻粟車若將饋之者而陽以好言給之請一元帥以卒來取芻粟彼聞吾言不測吾淺深兩人必相讓則主者必自來吾以計殺之而制其一人易矣大夫從其言既而潘甲果至執殺之也先失勢亦自敗去匿其事絕不以語人去而之燕秦齊魯之間陰察諸藩皆不足與言復歸金陵而 太祖已得江淮卽金陵爲帝都鄉間子弟多致大官元吉嘆曰人主在吾鄉而吾求之天下吾之命薄明矣尚多談何爲因噤不更談世事隱賢肆中自給剗落距角不露幾微故習恂恂

務為訥樸事父孝謹友其兄恭遜與眾人處不求其異人莫知其為奇杰士也卒以布衣終年三十有九耳為人敦風誼知好尚當世名士多喜與交父喪致客千餘人挾其所長嘗以自高而人莫能高之齋志以歿悲夫

齊 泰

齊泰溧水人初名德洪洪武二十年鄉貢明年舉進士歷禮兵二部主政會雷震謹身殿 太祖禱郊廟泰以官九年無過得陪 祀賜名泰三十年陞兵部左侍郎明年進本部尚書 上嘗召泰問邊將姓名

本朝分省人物考 卷十一 南直一 劉國才

泰歷數無遺又問諸圖籍泰出袖中手冊進簡要詳密 上大奇泰是年閏五月受顧命輔 皇太孫時諸王皆尊屬擁重兵專制地嫌勢逼詔諸王臨邸中毋奔喪王國所在吏民悉聽朝廷節制詔下諸王不悅謂此齊尚書問我也 成祖自燕入臨至淮安泰上言急出勅符勒歸國又與太常卿黃子澄建策凡親主罪輒除國泰欲先圖燕子澄不可建文元年北兵起泰專主籌畫命將帥部師旅閭外之事一以付之泰遂移檄指斥削其屬籍北兵以誅泰為名泰以谷王穗漏師遁還又慮遼王寧王近燕為變皆召還

寧王竟不至使李景隆將兵北伐泰極言其不可任三年北兵日進逼淮泗謫泰與子澄官求解兵景隆致書謂齊黃屏竄遐荒可息兵歸藩 成祖曰此緩我也不聽進兵益急尋召泰未及還而金川門已開建文君遜去泰追至廣德欲往他郡起兵興復被執見 成祖不屈死之藉九族 仁宗時泰等宗黨皆得赦還給其田土嘉靖中特祠以祀

巫 凱

巫凱句容縣人國初從征有功累陞都指揮同知永樂元年調遼東都司宣德元年陞都督僉事佩征虜前將軍印充總兵官鎮守遼東以功陞都督同知正統三年卒賜祭葬凱性剛毅饒智略馭眾嚴而有恩在邊三十餘年威惠并行邊務悉舉人謂前後守東陲者莫能與凱並云

張 益

張益字士謙先世姑蘇國初徙閬右實京師遂為江寧人益儀觀豐碩讀書過目輒成誦甫成童為文辭咄咄逼人登永樂乙未進士選翰林庶吉士授中書舍人宣德初預修 文廟 仁廟實錄成賜白金彩幣進修撰以博聞強記見稱九載進侍讀學士尋召

本朝分省人物考 卷十一 南直一 周仕

入內閣叅機務日見委任賜繡衣金帶建第鎮淮
南龍之是歲八月會虜警中人王振力主親征益與
學士曹鼐從時西寧侯宋瑛武進伯朱冕已全軍覆
沒力勸上由紫金關以還行四十餘里忽折而東蓋
振勸以從居庸也十三日駕至土木地無水又當虜
衝明日欲發兵士饑渴束手虜騎蹂陣而入奮長刀
以擊我軍衆相蹈籍死 上與親兵乘馬突圍不得
出虜擁以去而益與鼐俱沒虜中矣年五十有五既
而朝廷錄死事之臣特贈翰林學士謚文僖遣官祭
於其家益才甚敏捷好圍碁求文者敦迫輒令侍書

本朝分省人物考

卷十一

十一

南直一

屬姓

右都御史

曹義

曹義字子宜句容縣人自幼凝重穎敏父奇愛之異
於諸子遣爲邑庠生誨之曰吾家世業儒汝事學毋
怠以底於成已丁嫡母憂服闋見同門多成就遂奮
志讀書晝則閉戶夜則隱燈於帳臥讀雖隆冬盛暑
不少解永樂九年以書經中應天府鄉試卒業太學
選入翰林讀書益自淬礪肆力於學登永樂乙未進
士尋改庶吉士先是宅旁有一背井殆百餘年泉湧

出鄉人以爲兆義之興云歲戊戌授翰林編修丁生
母吳氏憂喪制未終 詔奪情蒞職秩滿轉禮部儀
制司主事仍直翰林未幾丁父憂服闋還官宣德乙
卯陞吏部文選司員外郎正統癸亥知者薦爲浙江
叅政 上特留之明年陞文選司郎中又明年陞吏
部右侍郎義盡心率職品量人物鮮有不當時泰和
王直爲尚書以義精選法凡黜陟賢否一以托之義
事王甚謹於事可否非經咨決不輒行以故王待之
益厚嘗密謂人曰曹公端人也己巳秋北虜犯京師
奉 勅提督官軍守衛正陽門晝夜不遑寧處防範

本朝分省人物考

卷十一

十三

南直一

王國瑞

嚴謹虜不敢近尋轉左侍郎時當多事之秋屢有建
白具見諸施行景泰改元陞南京吏部尚書天順紀
元年七十有二捧賀表自南京至 上念義累朝舊
臣而年且老特賜致仕 賜璽書有典選著公平之
譽議事有忠讜之言之褒家居四年而卒義寬厚周
慎不與物忤人有過必導以巽言不事訐直居官行
己一以忠勤謙慎爲本不矯飾以取名譽外若渾涵
而中有定見少師楊士奇素不輕接人然最愛重之
每與商論人物別白賢否必據其實有不協者反覆
不已楊樂從之尤篤於友義編修邢譽卒而家甚貧

哭之盡哀且買棺殮之并賻以白金其子鴻臚序琮純聘而未娶復助貲以婚隣有竊其屋後木者家人踪跡知之且詬且索乃止之曰彼乏用故取之勿再言也其仁厚不校類如此治家甚嚴訓子姓亦必以正道子冕為中書舍人兄子景第進士為監察御史每誨景及冕以務忠孝慎交際且曰為人宜寡嗜欲立心宜以不欺為主慎勿習奢侈誇誕也吾平生無過人者惟此心不欺物不暴殄耳及致仕家居悉屏世務於屋東闢地種竹鑿池畜魚構一亭於池上其傍雜植以花果題曰怡老日與騷人墨客飲酒賦詩

本朝分省人物考

卷十一

十四

南直一

以為樂識者慕其高致云卒年七十有六所著詩文有默菴集藏於家

王一居

王一居上元人讀書樂善永樂中擢太常贊禮郎宣德元年有事南郊朝廷嘉其禮度醇雅典故詳明特遷太常寺少卿正統土木之難沒於軍景泰初贈太常正卿

張俊

張俊字俊民江浦人自幼聰敏好學弱冠為縣庠生讀書作文名出儕輩上會朝廷修永樂大典徵羣儒

本朝分省人物考

卷十一

十五

南直一

俊一見士民皆能記其姓名人謂其聰察若神不敢欺縣積逋稅累數萬凡十餘年不能足設方略徵之不暮年皆辦是時使者假公事行縣以苛酷取財民不勝其擾令以下聞風多避匿而擾愈甚俊聞其且至曰民恃我以安我先避匿民將何恃獨治事如故使者亦聞其名不復肆縣人賴以安皆德之藩憲大臣亦每稱俊以勵諸邑德清民富而不喜學知富民子姚朝宗質頗秀敏欲遣入縣庠其家夜懷金賂以求免俊曰吾欲得人教之以備朝廷任使豈假此求賂乎聖人在上吾不如是也卒以補學官弟子民有

許三者嘗陰伺官府動靜為姦屢恣暴橫昔為縣吏不敢校廉得其實奏之流徙遠方一邑稱快俊輕財重義有貧不自振者雖倒囊與之不少靳故人李東素廉介欲為子侃娶婦而無貲即以女妻侃且戒女孝敬盡婦道其於諸子尤篤意教之不使佚游嬉慢出理政事夕歸課其學業以為常正統丙辰罷歸優游自適者凡十三年以疾卒享年六十有七子瑄登進士為刑部主事婿李侃與瑄同年登第為戶科給事中

倪謙

本朝分省人物考

卷十一

十六

南直一

倪謙字克讓別號靜存其先浙之錢塘人洪武初徙實京師占藉應天之上元生有異質雙目炯然如電體有四乳性極穎敏書一經目即記不忘補應天府庠生文名大著時初設提學憲臣監察御史彭公勗名知人巡歷所至輒舉以勵諸生故就試京師者爭求識其面領正統戊午鄉薦己未進士第一甲三人拜翰林院編修入讀中秘書己巳奉使朝鮮有乞詩文者即席揮灑略不經意莫不驚以為神至今國中梓行其文景泰間直文華殿每承顧問有裨時政應制賦詩中官立候以進天順初累遷至學士簡侍

憲廟於春宮日進講讀多所啓沃己卯主考順天鄉試斥黜權憲之子遂誣構以罪論戍開平在謫四年悠然以詩酒自娛邊人愛慕奉所親士子及門授經者多所造就至今科第不乏實有功焉 憲廟踐祚詔復舊職尋與其子編修岳同日奉命入史局纂修英廟實錄時以為榮進禮部右侍郎轉南京禮部進本部尚書以疾乞致仕卒贈太子少保謚文僖勅葬城南新亭鄉之原平生德量寬洪與物無競其與人交誠信無偽恒喜獎拔後進不遺故舊博覽載藉閱中肆外人莫能及而勤敏嗜學至老不倦才識超邁用無不宜子孫衣冠之盛遂為南都第一世以為盛德之報云所著有玉堂稿上谷稿歸田稿南宮稿遼海編藏於家

張欽

本朝分省人物考

卷十一

十七

南直一

張欽世襲留守右衛指揮僉事欽年尚少屹有壯謨正統辛酉從征麓川賊黨有刀門棒刀門顛兩酋者極勇黠欽連斬之進攻上江拔孟抵招罕諸砦王忠毅奇其功承制進都督僉事時諸軍自杉木籠山進圍麓川欽率偏師潛入其中堅賊帥思任發大感走緬餘眾悉降凱還得世襲指揮使癸卯命理中都留

守司事戊辰詔以所部從寧陽侯討閩寇鄧茂七以功進都指揮同知景泰庚午再從入閩殲賊孽於延平壬申進都指揮使尋署僉後軍都督府事天順元年命鎮守延綏慶陽諸路抵鎮之明年虜酋孛來入寇出兵禦於柴溝斬獲甚衆捷聞賜白金綵幣進都督同知專守延綏西路虜以前不得志復入寇安邊營欽分道拒之連戰於野馬澗俘斬擒獲更倍於柴溝特勅褒諭命佩靖虜副將軍印總延綏慶陽諸路兵成化乙酉召還理中軍督府事欽出入兵間首尾三十五年自諸衛歷兩府功與能可謂無媿矣年七

本朝分省人物考 卷十一

太

南直一 陶太

十一卒五遣禮部諭祭特贈左都督命工部給喪費

丁璿

丁璿字仲衡上元縣人祖父世為農璿生周歲失母十三喪父鞠於祖母馮自少即知樹立言語動止儼如成人每泣語人曰我幼不能養親長猶可以顯親因入應天府庠補弟子員年二十二以明經領鄉薦登進士第改翰林院庶吉士尋授工部主事謫戍盧龍久之用知者薦授山東道御史巡徐州使雲南所至歷著聲績宣德乙卯賊首張晉祥作亂璿設策捕獲之正統戊午盜起衛輝劫掠居民璿復承命往捕

其渠魁餘盡釋令復業一境以安 英宗嘉其能陞右僉都御史勅同豐城侯大同宣府督運糧儲時麓川蠻叛官民戰失利召璿馳驛往視之至則會太傅黔國公議用兵便宜十餘事以聞仍勅巡撫雲南兼饋餉尋以征麓川功陞右副都御史兼巡貴州正統戊辰年六十七乞致仕得旨未行以疾卒卹典有加璿為人寬厚簡重自幼嗜學篤於踐履及入官公餘猶手不釋卷取歷代名臣行實手錄之以備觀省所著詩文奏疏甚多皆不留稿謫潞河十餘年絕意外慕御史張政過其居適遷者來報聞公失聲今獲

本朝分省人物考 卷十一

十九

南直一

盜者需公認璿曰吾家未嘗失彘辭不往政問故璿曰時禁盜者死寧忘吾彘不忍其死也張歎曰公仁人也因薦起為御史巡陝西時有行人被酒入察院侮罵臬司皆不平請劾奏之璿曰是醉耳不足較也明日行人果請謝璿德量弘雅真不愧古人矣

楊洪

楊洪六合人祖政世百戶洪嗣官調開平機變敏捷善用計出奇兵擣虛累功陞都指揮正統間 上每舉洪功以勵諸將洪益自奮守邊屯營專用鐵蒺藜禦敵尋以都督守獨石敗虜於大石門寶昌州捕虜

阿台打刺等斬首功二百正統十三年封昌平伯
總兵鎮宣府虜畏之呼楊王而不敢名十四年虜犯
京師洪與孫鏗范廣等率兵一萬擊虜涿州等處遂
至固安大捷捕虜阿歸等四十八人斬首功四百餘
邀還俘掠人萬計馬牛弓刀等萬數隨進侯封至景
泰二年賜世券還鎮宣府卒贈穎國公謚武襄洪紀
律嚴明將士用命敬慎自持不敢專殺也先之難奮
不顧身轉戰千里一時諸將洪功爲最卒子傑嗣
傑上言臣家一侯三都督諸蒼頭得官旗者十六人
乞停蒼頭之官秩未幾卒傑庶兄俊嗣侯俊先以擒
叛者喜寧功陞都督

本朝分省人物考

卷十一

二十

南直一

凌錦

凌錦字日章句容人也父天壽永樂初以誣誤戍興
州家業中圯獨撫錦而語之曰吾平生所爲無媿心
者將恃爾以亢吾宗無自棄也錦受命感奮思以自
効宣德初代父軍中騎射之餘時從儒者問書史大
義而於一切世態俛仰宦跡通滯物貨奇贏悉鈎探
其情勢而欲手操之性沉鷲有術長身偉髯慕古策
士亦每以策干時名公卿諸公亦多折節與還往正
統中從大將軍擣虜於甘州兀魯乃歸上言興州官

軍當分番宿衛而地遠外非便兵部是之得旨許內
徙隸忠義前衛已巳秋虜大入寇京城戒嚴錦從副
將軍戰虜彰義門大追虜紫荊關以功授試百戶景
泰初貴州苗作亂錦在行破其香爐山諸寨進副千
戶金齒守將知其能請隨以自輔天順元年正月以
遞奏入京預迎 英廟復位進指揮同知食祿錦衣
衛 英廟亦識其人數有賜齋詔乘傳取馴象於雲
南還奏稱旨久之曹石擅政陷文臣典兵者謫調涼
州明年與邊將出禦虜敗之功未上值 英廟燕間
忽思錦問所在左右曰在涼州卽日召之時方革迎
駕功兵部以錦名劾奏 英廟曰非也仍舊職不問
錦感 上知遇脫險卽夷遂以老疾自免日與方外
者遊而於世故亦未始相忘聞朝政闕失暨邊報民
瘼與客疊疊說不倦自號無默子放遊江東西淮海
間十餘年乃還買西山田三百畝以濟饑捐地以瘞
貧死者築大第作精舍壘山種樹日坐臥其中雖事
聲色而所食無珍味所服不過唐巾氅衣自以爲得
異人授金丹訣恒自闕不以告人也又時操觚著書
以仙自命弘治壬子忽得疾不起享年七十有九

本朝分省人物考

卷十一

三

南直一

金潤

金潤字伯玉靜虛其號也世居錢塘國初以閭右實
 京師占籍上元潤生器識穎敏甫髫鬣教之詩書應
 口成誦年十二從其父遊華陽洞索紙賦詩人以神
 童目之尋充郡庠弟子員銳志經學正統戊午登應
 天府鄉解春闈卒業胷監授司務兵部以宏才雅操
 為大司馬于公謙所器重凡軍國大計所言屢中事
 機有言赤斤蒙古地產異物可資軍用者議欲取之
 潤言昔有小校顧誠者因凍餒嘗獻其伎遣用於邊
 主將失郵誠亡命佗處乃盡以中國伎誨夷狄貽患
 非細奈何啓其端也事遂寢已已春見北虜瓦剌勢
 熾潛謁于公曰閩寇鄧茂七不足慮可慮者瓦剌也
 秋必入寇宜預防之是秋虜也先犯邊車駕將親征
 潤白鄜公曰小虜不足煩 聖躬盍一言鄜公愕然
 曰事急矣奈何遂率諸司聯章上陳不報未幾將臣
 失律 駕留虜庭京師戒嚴公卿相向而泣潤白于
 公曰大丈夫臨危授命正在今日豈徒自經溝瀆耶
 當獎率忠義之士養銳詰兵堅壁清野以待之使彼
 進不得以退無所掠不數日當遁去矣于公收淚謝
 之於是召募義勇數萬人以守虜入知我有備果遁
 去有言置藥水草中可毒虜衆人馬潤曰 祖宗以

天地之心御四夷虜猶背德寧有藥毒可以禦侮耶
 不果行于公問守衛大明門欲請聖木刀為杖如何
 潤曰刀劔用金利器也今用不利之器守衛可乎于
 公即奏閱武庫取國初兵器用之自是軍容復振明
 秋虜服罪奉 駕還京羣臣出迎或疑虜有變趨起
 不敢進者潤曰主憂臣危臣子於君父所在可畏變
 耶遂出迎拜未幾擢知南安府潤往竭心郡事凡興
 學勸農省刑薄賦養老尊賢以至樹蓄溝洫之務靡
 不修舉先是境多虎害潤移檄城隍神俄一虎自投
 檻中羣虎屏迹不踰年境內大治民愛之如父母九
 載秩滿當遷民無老稚咸遮道攀轅留之吏部考最
 將膺大用時潤子紳已成進士仕刑科都給事中歎
 曰仕宦貴知止足吾有子行吾志矣吾其歸乎輒懇
 乞致仕時春秋方六十有一給事為構保節堂蒲石
 軒洞天清賞及永貞別墅歲時偕卿大夫捧觴上壽
 以為慶鄉人榮之無何紳歷官刑部侍郎病卒而孫
 麟壽復舉鄉貢進士孝養備至潤日與賓從娛樂忘
 其年之已耄也弘治癸丑疾作一日起坐賦詩如常
 俄整衾熟寐而卒享年八十有九天性孝慈胸次高
 朗澄徹端居一念可對神明其視得喪榮辱若寒暑

本朝分省人物考 卷十一 南直一 劉汝忠

本朝分省人物考 卷十一 南直一 梁仲德

代謝於前而心不少動待人以誠喜接引士類雖高年猶清談疊疊不倦興至輒鼓琴賦詩嘗製伊尹操以况其志時或寓筆山水間天機所到咫尺萬里人皆寶之涉獵六籍子史傍及天官地志兵法聲律醫卜之學靡不究而通之所著靜虛稿外稿南山十秀集凡若干卷文章冲澹雅則有古作者風尤邃於易嘗畫圖爲解及著淵學探微十二卷推明造化人事之迹鈎玄闡秘殆有功於康節邵子云

張瑄

張瑄字廷璽江浦縣人正統壬戌進士甲子授刑部

本朝分省人物考

卷十一

三十四

南直一

四川司主事戊辰以外艱去辛未服闋補原職轉員外郎郎中癸酉陞知吉安府吉俗素健訟日不下數十百人瑄決斷如流屢辯疑獄痛革吏弊發奸摘伏如神丙子夏郡大饑發廩賑濟賴存活者甚衆郡諸生匱乏者分俸給之建閣以藏御書建祠以祀忠節文廟府治橋梁道路盡爲修葺公私一新時巡撫都御史韓雍氣焰烜赫郡邑望塵羅拜瑄不爲屈天順庚辰遂由郡守陞廣東右布政使去吉之日老稚扳留不獲因建亭刻石以圖不朽及至廣會廣西流賊越境攻破屬邑瑄督官軍擒斬賊首築城堡改邑治

民賴以安賊轉嘯聚於陽江縣黃江屯歲久道路不通頑民鄧李保糾結流賊殺害良民逋負糧差者幾二十年官不敢詰皆勦除之躬督各屬造預備倉修理陂塘圩岸修築廣州新會等府縣城垣俱因民利而利之無一怨者戊子轉左布政巳丑冬滿九載當赴京軍民千餘奔走乞留於是巡撫鎮守交章乞留以慰民情 詔可其奏壬辰陞右副都御史巡撫福建初所屬郡縣多無糧儲命各建倉廩勸富民出粟以備凶荒至今賴之沿海官軍先因事減支俸糧三十餘年遂以爲例瑄令仍舊支給官軍感惠立石頌

本朝分省人物考

卷十一

三十五

南直二

德閩安鎮出海有二港勝國時有鐵索橫絕港口以禦海寇歲久廢沒因命所司重造鐵索長百有餘丈兩岸維以鐵樁中以船二十隻駕之小港如大港之制由是海寇絕跡不敢往來山海寇林壽六等攻劫鎮城歲久不獲瑄至盡皆成擒福安壽林等縣地鄰江浙強賊羣聚阻塞道路計擒賊首餘黨盡散朝廷勅諭有處置得宜之褒鎮守太監盧勝暴橫瑄裁抑之事聞革去鎮守人民稱快甲午秋奉勅巡撫河南風紀益振乙未以例入京議事因奏時宜若安插流民責成守令修舉武備甄拔滯才等一十八事該部

皆議行之河南大饑發廩賑濟仍設粥以給饑者出
衣布以給寒者全活不啻萬數戊戌改南京刑部侍
郎累歲繫逮罪囚不旬月間各得其情問擬如律自
是獄無冤滯壬寅以九載滿赴京陞本部尚書時南
京御史何舜賓等坐贓犯罪徽州富民許通叟強奪
田產咸正以法丁未春以七十有一上章謝事家居
六年七十八所著有香泉稿二卷粉署餘閒稿一卷
凝清集閩汴紀巡錄奏議及南征錄各若干卷藏於
家

楊能 附弟信

本朝分省人物考 卷十一

三六

南直一

楊能字文敬六合人少隨伯父穎國公洪處兵間諳
習孫兵法正統甲子從穎國戰伐有功陞開平衛所
鎮撫時姪開平指揮使宗幼疾不任事穎國奏易其
官從之戊辰冬戰賊灣河三岔口敗之己巳春擢都
指揮僉事冬從穎國還朝賜賚有加時虜入近地詔
令追勦遇賊紫荆倒馬二關連敗之擒獲野刺廝等
景泰初元擢都指揮同知尋拜遊擊將軍禦邊宣府
夏戰賊八里溝及荆子村敗之秋還朝擢都指揮使
冬仍充遊擊將軍統神機京兵尋擢後軍都督僉事
充左叅將鎮宣府夏進都督同知尋充左副總兵甲

戊春召還總神機京兵天順改元以迎復功擢左都
督總兵宣府夏大同有警奮然請自行戰賊磨石山
及石灰站敗之擒獲撞骨兒等秋進爵武強伯乃上
疏欲乘虜弊舉兵殄之不許賜勅獎其忠勇戊寅賜
誥券秋朵顏胡款塞吉虜且入寇能給以礮火諭使
夜斫其營大敗之俘獻所獲於朝夏虜寇大同復請
進討虜聞能至悉驚遁秋戰賊新河口敗之擒獲努
沙等尋往獨石戰賊韭菜衝追至保昌州賊勢窮蹙
悉棄輜重遁詔發兵策應大同賊聞其至夜遁去庚
申閏十一月朔卒於軍能沈毅善謀臨戰決勝北虜

本朝分省人物考 卷十一

三七

南直一

顧儼

顧儼字廷望先世吳縣人洪武中以富室徙京師因
家金陵儼幼負美質器宇魁梧有志於學早從里中
師遊輒能詩賦工書法人皆奇之既長侍季父主事
公於京師從翰林張公士謙學學大進累試京闈不

傷乃歸教授鄉里遠近來學者履滿戶外正統戊辰
巡按御史齊公聞其賢以經明行脩薦於朝召試優
等授嘉興縣學訓導教人有法士多成就登名甲科
景泰乙亥丁內艱服闋至京適朝廷選儒臣以充憲
臺拜儼陝西道監察御史以績最賜勅命階文林郎
持廉秉正糾擊不避人嚴憚之嘗巡視京倉善於立
法盜息弊革奉勅清理福建軍政邊軍多有以詭名
米擾者逮繫妻孥鄰里累年不絕儼究得其實罪其
姦而雪其誣民始獲安沙汀民叛賊殺不辜領兵抵
其境擒斬首惡餘黨悉平還朝陞廣東按察司僉事
本朝分省人物考 卷十一 南直一 三八

水把酒賦詩澹然忘歸世事不以掛懷抱人皆高之
卒年五十有五

童軒

童軒字士昂其先饒州鄱陽人永樂初以天官學召
入欽天監家於秦淮幼穎敏讀書過目成誦領正統
鄉薦登景泰辛未進士拜南京吏科給事中上疏言
省冗員公考察倡武勇擇師儒杜倖進恤京民多見
採納時有詔南京採辦翠毛魚鮑等物極論止之
英廟復辟覽奏嘉其敢言尋上言弭盜安民數事尤
切時弊甲申 憲廟踐祚首上言帝王之治貴先本
本朝分省人物考 卷十一 南直一 三九 劉汝忠

而後末隆聖德用賢才納忠諫愛小民謹邊備之謂
本而簿書刑名其末也且各詳本末施行之實反覆
剴切 上優詔荅之令諸司舉行未幾四川盜作廷
議推軒奉勅以往既奏功還明年鎮巡官奏賊猖獗
謫壽昌知縣尋陞雲南僉事提督學校甲午秋召拜
太常少卿掌欽天監癸卯以疾乞休歸金陵蕭然一
室不異布衣弘治戊申用廷議起仍掌天文事夏日
有食之因奏日食紀元之初當盛夏火旺之候宜修
德以爲取人之本窮理以爲燭奸之要進君子退小
人以謹天戒是歲冬進右副都御史提督松藩軍務

辛亥春召為南京吏部右侍郎甲寅進南京禮部尚書三年二疏乞致仕皆不許有操履清慎方切委任之諭軒感上知遇前後力陳數十言皆軍國要務丁巳以疾乞休致不許至冬請益力許之生平喜讀書為文淵博雄麗詩有唐人體裁書法適勁性篤孝友於物一介不苟取其廉勤慎密真不愧古人也所著有清風亭稿海岳涓埃論蜀稿籌邊錄夢徵錄醢甕集若干卷

樊繼

樊繼字景昭句容人由邑庠生升太學起家學職正統改元用少師東里楊先生薦為興國州知州下車卽訓民以綱常之道擇其從違而勸懲之喪祭諸禮悉依文公所定不用浮圖未三年民化翕然庵觀寺院私剽者悉撤去驅其男女歸俗州治環水春夏為民病率民築堤以障之傍植蒲柳中構橋亭以便憩息民因其堤曰樊公堤立碑志焉州有虎患禱於神數日兩虎自關死其他善政尤多廉介公平始終一致居七年引老致仕去之日州民耆幼男婦送者數千人莫不垂涕為立去思碑

盧廷佐

盧廷佐保竹其別號也世居姑蘇以間右徙實京師占籍應天之江寧廷佐修髯廣頤兩頰如丹容儀秀偉頎然玉立韻度凝遠器識不凡少有大志慷慨負氣節性狷介不苟博極羣書靡不精貫甫成童選補郡庠弟子員中景泰癸酉鄉試登天順丁丑進士第視政戶部嘗奉使大同福建所至纖毫無染庚辰拜兵部武庫主事武庫職主清理天下戎伍利竇百出廷佐特以冰蘖著聲劉文安甚器重之自為文以贈稱其於勢與利淡如也辛巳北虜寇陝西勢甚猖獗上命大司馬率六師討之未及行改命都憲王公

宏於是遴選廷臣之有幹局者往中省簡閱軍馬以益西兵廷佐首奉勅以行比至河南簡閱馬步精銳者得萬人及措置軍裝以給將行謂統帥不可不重而難其人藩臬咸以都指揮林盛材勇可任第鷲猛難馭徵召之果固辭且出不遜語廷佐立責之曰朝廷以高官厚祿蓄汝輩者正欲今日冀以禦侮汝臨事畏難若此 皇上官汝祿汝者何哉勿多言予第知劾正其罪耳盛聞之股慄奉命時衛輝守禦千戶楊英亦黠鷲方在遣中慮其合謀縱軍士為暴復申明軍約給榜曉諭所至秋毫無犯民不知有兵至陝

西總戎輩見其士馬精壯御之嚴而有恩咸嘖嘖歎賞凱還王公入爲大司馬遇有邊報戎務必與之商確而後行如團營五軍三千神機爲十二營以至退冗兵禁私役皆委之綜理廷佐亦持正不阿權貴歛避請託不行事克以濟秩滿得拜武選郎中乃杜倖門革宿弊武銓以清能聲大著時尚書白公旣平荆襄回蒞部事益委任之而當道有欲以大壩功邀厚賞者執不從竟如常議由是銜之已丑春有詔凡方面缺許大臣會薦遂薦以可任叅議蓋擠之耳諸大臣皆謂未宜補外爭之不得乃以閩藩左叅議處焉

本朝分省人物考

卷十一

三十一

南直一
高峯

受命卽往時閩地大饑民攘竊巨室粟以苟朝夕建寧尤甚久之有已巳遺孽倡之嘯聚爲盜廷佐殫心撫濟招徠流移殆數萬人惟政和浦城山谿險阻盜據之爲巢穴有司莫得其要領乃擇所部善星數者二人命之曰汝爲予遍歷山溪間密廉之有所得必重賞泄機有罰無貸二人承命以往賊見術士不之疑託以問卜各吐情實二人假禍福以諭之諸賊色變具得其情狀以歸於是知其爲變非本意也乃輿入政和浦城山中直抵賊巢面諭之許以不死俾之立約期以豐年償所攘粟衆乃散去復陰遣人捕得

賊酋余文興等餘二十人械繫郡獄斃之一方以寧壬辰丁外艱歸毀脊骨立襄事畢結廬墓側朝夕哀慟不輟忽有五色芝二十餘本產於墓之左右遠邇傳聞以爲孝感所致有司以聞詔旌其門乙未服闋卽家起爲浙藩叅議遂迎母夫人就養朝夕公服躬奉甘旨以適其志夜必率妻孥候寢所俟安寢始退以爲常佳時則具酒殺稱觴爲壽或效嬰兒歌舞以樂其心極歡乃罷復有五色芝一本產於公署叢竹之傍嘗守東陽邑民杜春與道士某僞立通券誣良民逼索之反以誣告佐攝至因其辭色有異疑之乃

本朝分省人物考

卷十一

三十二

南直二
高峯

各幽一室俾不相通而以所書券紙互相詰問詞不相蒙其誣立白人服其明又巡三衢聞開化江山邑民爲處盜所掠躬歷二邑廣詢父老備山川險易修舉隘口砦堡立保甲相救之法復諭遠近募人捕盜開示賞格果於處之龍泉悉獲諸盜自是盜不敢踰境矣至常山邑有要地曰迎恩埠頭乃吳越閩楚之所必由地臨溪水壁立懸絕往來者罹顛躓之患鳩工甃石爲梁人甚便焉屬邑歲均徭必經藩司編理旣定則榜示於衆俾知所應何役其費幾何所司匿榜而更張之鄉民弗及詳因得罔而取諸民民皆舍

念莫敢發廷佐乃創置關防由帖命里老率徭戶審之已乃書之由帖唱名而給俾有所據其弊乃革時海水泛溢沿海邑岸皆被衝嚙而海鹽尤甚民不能田乃躬履斥鹵之地不避風日督屬修築民免於患丁酉陞右叅政督理糧儲受勅即諄切戒諭盡祛里書出納之弊所司凜然畏服已丁內艱歸服除改授湖廣時桑植土官爭職互相殺戮切印以逃積二十餘年不能結至是與臬副躬詣其地擒其渠魁置於法事遂解尋陞右布政使轉左立法嚴肅門庭清愷吏胥無所售其奸民以事至頃刻立辦雖僚寅有請託者亦謝不從於是有怨而毀之者喟然曰吾久勞於外年且至可以休陰息駕之日矣遂致政歸居家凡十有五年以疾卒

本朝分省人物考

卷十一

三四

南直一
高委

金紳

金紳字縉卿上元縣人景泰甲戌登進士由庶吉士授刑科給事中踰年英宗復位銳意求治紳適掌科數召對所以寵待者甚至上方有意留用晏駕弗果甲申憲廟嗣位進都給事中首率同列論都指揮門達恣寵竊權都御史王竑剛毅直諒可任大事宜亟召用達因遠謫而竑起為兵部尚書紳於是

益以言責自任嘗陳時政八事一守新政二勤接見三納忠言四求賢才五備邊患六明黜陟七設武學八用武勇疏入悉見採納成化乙酉遣祀徐王滁陽王還時兩京河南水旱相仍漕舟不通疏陳事宜數條用之尋擢南京大理寺左少卿南京為紳鄉里謝絕私謁訊鞠明敏獄囚多所平反凡十年譽望益盛乃有南京刑部右侍郎之命持法益謹每戒其屬曰民易犯法於無可矜疑者尤宜盡心數躬視囚獄給以衣糧以故囚少瘦死者戊戌江西大旱詔往巡視至則先奏停力役徵收等事仍禁郡縣雖小費不視至則先奏停力役徵收等事仍禁郡縣雖小費不

本朝分省人物考

卷十一

三五

南直一
杭杰

陳達

仕而卒

陳達六合縣人初蔭授忠義左衛指揮同知景泰初被薦陞都指揮僉事鎮守通州等處督捕盜賊有功進都督同知尋被命鎮守倒馬關通州軍民保留之以成化二十一年卒賻殮葬祭如例達爲人沉鷲有謀蒞軍行事皆具遠識其督盜用刑不無過嚴然強橫斂跡居民安堵繼此莫有及者天順初于忠肅被誣遭刑是時羣兇氣焰炙手可畏達獨收屍骸斂葬剛毅之氣足以愧彼佶佶澠忍者矣

本朝分省人物考

卷十一

三六

南直一

人物考卷之十二目錄

南直隸應天府二

倪岳

任彥常

都勝

王徽

沈鍾

金澤

李昊

莊景

陳鎬

附弟欽

薛端

王敞

吳文度

陳鋼

楊銳

劉璽

邵清

本朝分省人物考

卷十二目錄

李重

史學

張諫

湯鼐

張鰲

徐珪

張琮

顧璘

金遠

梁材

李熙

黃宏

朱衣

李登

顧璫

顧輔

鄭宣化

吳自新



本朝京省人物考卷之十二

南直隸應天府

倪岳

倪岳字舜咨上元縣人南京禮部尚書謙之子天順甲申登進士入翰林院庶吉士授編修預修英廟實錄秩滿遷侍讀被命編緝文華大訓成化十八年書成進翰林學士二十二年拜禮部侍郎憲宗賓天充山陵使山陵禮畢神主將升祔於制當祧廟下禮部集廷臣議或以德祖以下四廟以次當祧岳以此非太祖崇本尊親之意昔周公追王太王

本朝京省人物考

卷之十二

一

南直二

王季又祀先公以天子之禮其意蓋出於此國家自德祖以上莫推其世則德祖乃周之后稷也不祧懿僖仁三祖以次當祧至太祖太宗為周之文武百世不遷今憲宗升祔當祧懿祖一廟宜於太廟寢殿後建藏祧主之所如古夾室之制每歲暮則奉祧主合享亦應古禘祭之制時又有言孝穆太后當祔廟者岳言周之姜嫄為帝嚳次妃后稷之母故周禮有享先妣樂舞蓋指姜嫄而魯頌闕宮之詩特見其名此別廟之明證也且唐以來皆有故事可考孝穆神主宜於奉先殿旁立廟祭享一

如奉先殿之儀奏上悉從之孝廟初即位言者

全集皆下禮部議擬稿多出岳手遂釐正京師諸神祠凡不經訓典者裁革殆盡時議者又欲改定孔廷從祀岳言馬融王弼之徒立身不無可貶然秦漢以來六經出於煨燼賴諸子抱遺經專門講授經以復存何可盡廢七十子名氏自司馬遷以來相沿已久今千百年後何可臆定宜仍舊弘治元年進左侍郎時以災異求言岳同尚書耿裕疏寅畏天戒七事未幾復陳八事大意謂當今財匱民貧務宜節儉以為天下先又言天下之土地有定而宗室之封制日

本朝京省人物考

卷之十二

二

南直二

增更數百年又將若何至設官分職所以為民近司銓者以添官為疏通故額外設官甚多民安得不困均宜以時裁約又言減齋醮省供應罷營繕數事上嘉納焉宗室冗官二議雖格識者趨之二年撤馬兒罕差人進貢岳具奏海南諸番國惟占城真蠟暹羅滿刺加國瓜哇等處入貢有勘合者例起送赴京其餘不許起送今撤馬罕差人進貢自合諭以朝廷事例并請旨阻回為當如果夷性執拗不從亦合以理阻留星馳具本候請明命却乃擅自起送入京合當參究上從其言差官阻回不受獻六

年進禮部尚書勸 上勵精以勤聖學推誠以開言
 路止無功之賞停不急之役黜奸貪進忠直時有
 旨召番僧領真等入京岳言以西番腥羶之徒汚中
 華禮義之教其獻頂骨數珠進骷髏法碗名曰祝聖
 實爲妄誕 皇上首賜罷黜中外稱聖今欲行取來
 京本部查無取番僧國師例必須創始而行事有未
 便且四川離京遠轉相傳報驚駭騷繹於 皇上
 初政之清明不無少損時西域胡人從海道進獅子
 岳言外夷之獸真偽不可知使真非中國所宜畜非
 真豈不爲外夷所笑且海道亦非西域常貢之路有
 本朝分省人物考 卷十二 三 南直二

旨還之時 太皇太后思憶 崇王欲得一見有旨
 寫 勅差官取來岳極言其未便者三近傳黃河泛
 漲水高於岸洶湧異常 王欲來朝乃舟楫必經之
 地保護之責誰敢當之未便一也兼聞河南彰衛二
 府自春徂夏一雨不霑赤地千里夫馬艱窘不言可
 知 王欲來朝乃車馬必經之地不獨供億之費無
 所給萬一盜賊乘時竊發保護之責又誰當未便二
 也况二年之間 三王之國所過郡縣十分騷擾民
 不聊生今若加以 崇王來朝送往迎來勞費增倍
 瘡痍之民何以當此未便三也况奉 命來朝雖小

遂一時欲見之心然欲別則難計必眷戀不捨憂思
 倍增他日上屨 聖慮所未敢言雖欲悔之無及矣
 疏上奉 旨免來岳力居多弘治九年改南京吏部
 尚書太子少保時議謂不宜處之散地會考殿在京
 諸司岳所黜罷者若干人衆稱明允十二年春因灾
 異率九卿陳言二十八事多見施行本年改南京兵
 部尚書叅贊守備修舉兵政疲弊盡剗十三年召拜
 吏部尚書岳善知人凡用人之際羸縮弛張各當其
 材大要以抑僥倖褒恬退振淹滯爲主故除目一下
 中外稱快謂數十年來未有也中貴逆真武像於武
 本朝分省人物考 卷十二 四 南直二

當山道路騷然岳復倡諸大臣抗疏諫止以弘治十
 四年十月九日終於京年五十八計聞 上賜寶鏡
 萬緡爲治斂具贈少保謚文毅岳狀貌魁異有文武
 大畧事當廷議每片言而決天下皆仰其風采獨在
 翰林時太監黃賜母死衰服送葬論者謂其急於功
 名昵比權要君子益深惜焉

任彥常

任彥常字吉夫別號克齋學者稱曰克齋先生其先
 廬州合肥人國初屬籍南京江陰衛遂爲金陵人幼
 遊京庠刻苦有志蒐獵羣書爲文章辭理並到天順

壬午以葩經試京闈大學士博野劉公典文衡見其卷驚曰此奇才也拔置第一人梓行其文及揭曉物論以為允當壬辰第進士授南京戶部貴州司主事陞廣東司員外郎中又明年陞福建按察司提學僉事體恤士類甚得其心弘治紀元致仕歸八府師生道人赴京保奏保連一十二章不報從容林下十有二年而歿所著有克齋稿若干卷

都勝

都勝字廷美其先河間寧津人父忠以蔭改南京羽林左衛指揮僉事生勝年十五入武學讀書綴文與

本朝分貨物考卷十二

五

南直二 陶見

儒素等江東名士樂與之遊守備大臣聞之俾守上元門有以私貸屬者立寘於法眾益賢之遷大教場管軍操備天順己卯委管把總舍人營改都總操江擒獲鹽徒劉奮子丙戌奏委把總南京漕運興華利弊軍便事集丁亥用大臣薦陞都指揮僉事戊子奉勅守備儀真軍務嚴整盜賊屏息而廉慎詳密百廢具舉真民畏愛之壬辰奉勅兼管揚州高郵地方癸巳春鹽徒金藩等犯嘉定上海奉勅兼管備倭賊徒聞之散去是年冬賊徒復乘巨艦數百欲犯江陰率眾捕獲之俘獻於朝丁酉年奉勅充叅將協同漕運

仍鎮守淮安地乙巳山陝饑奉勅運米百萬餘石往濟之尋奉勅陞署都指揮使掛印充總兵官提督漕運兼鎮守淮安丁未冬陞都督僉事銓註中府屢疏乞休致不許優答之弘治甲寅懇乞骸骨以南京前府帶俸閒住在官五十七年所在懋著聲績為時名臣已未冬卒於家賜祭葬如例勝居官廉潔臨事恪慎歷官六十餘年自奉甚儉日惟蔬食豆羹而已

王微

王微字尚文辣齋其號也其先河南考城人國初隸錦衣衛始為南京人天順丁丑舉禮部進士以外艱

本朝分貨物考卷十二

六

南直二 陶見

歸庚辰始廷試對策數千言援據古義論及時事諸卷者擬及第都御史寇琛嫌其語直抑寘第二甲第三人選庶吉士試春雨詩傲栢梁體頃刻賦百餘韻李文達主忠肅相顧幸得人會詔限年以選乃不與兩公甚惜之除南京刑科給事中 憲宗皇帝初臨朝微率同官言五事大畧謂古昔得失載於前史乞經筵兼講通鑑綱目無所隱諱朝夕取為法戒諫官之言有可採者乞戒有司勿廢滯權倖者不得假托以中傷之選任大臣宜隆禮貌大罪不可宥小過不可辱庶人知自重而名器尊近年將領多以私暱進

繇本兵者非其人先黜尚書白昂擇人以洪則
將可得最後言禁近之臣宜悉遵舊制使無他與否
則始雖愛之及其敗而治之非保全之道其言尤備
上皆嘉納之踰數月適中貴人謫至南京微諗其故
倡同官曰是可輕貫乎操筆具疏一日而就一日明
刑罰以正朝綱二曰監往事以防後患數其大不韙
之罪四乞寘諸法因指斥執政者之不職曰必如是
斯可以善後奏入聞者皆爲震懼有欲以危法中之
者給事中御史爭上草論採賴 天子仁聖仍其秩
俱調遠州判官微得普安州普安貴州遐方也比至
本朝分省人物考 卷十二 七 南直三

樂遂謝病歸當路於陝者爭留之而堅不可奪已時
年六十有三也微天資超悟刻意問學考古今成敗
治亂務求其要自諸生時已慨然有當世志孫御史
鼎馬府尹諒皆奇之京兆特月給緡錢爲學舍費及
居言路冀以次論列天下事一再言遠被謫故天下
士誦其言者皆高其識壯其直一時侍從臺諫相繼
疏留者至十數上不已自陝歸杜門不出聲聞益重
名碩之士多以公傳擬之論治每誦張宜公語無求
辦事之人當求曉事之人論士習惟以廉耻不修奔
趨日下爲極可憂嘗曰今仕者以剛方爲刻怠緩爲
寬學者以持正爲滯恬軟爲通文者以典雅爲膚淺
恠刻爲古健皆後生所宜深戒聽其議論無不咨歎
歛服者文章師韓歐詩倣王維劉長卿筆札邁勁鑿
別古器若書畫尤稱精博有辣齋稿史疑引笑集若
千卷傳於世子韋以進士選授庶吉士改南京吏部
考功主事賢而有文其孝友慈恕百務整悉忠信明
決人莫敢欺蓋得諸家教者有素故始終人無間言
焉

沈鍾

沈鍾字仲律其先長洲人洪武中徙閬右實京師占

籍上元鍾生岐嶷絕羣為應天諸生惟堂鼓鳴乃一出舍古聖賢書諸史無不讀者所業不苟徇舉子時好天順庚辰登進士會選科道不赴曰恐言未足利

天下授驗封主事請便母養改南客司扁所居齋曰思古日讀書其中倭人入貢嘗奪人市物鍾給賞至禁之無敢登岸署司儀制值 萬壽聖節六卿例一人奉表賀時章恭毅為禮部侍郎有所執論莫肯行

同官無可否者鍾從容一言即為趣裝崔莊敏公為冢宰時知其名欲見之屢從借書鍾但檢付而已卒未嘗往見崔益重之與章公懋羅公倫輩相友善時

本朝各省人物考

卷十二

九

南直二 陶仲義

有十君子之號陞山西僉事提學內艱起仍舊秩除湖廣理刑秩滿遂擢副使提學尋督學山東歲餘上書乞休致不許因號休齋以見志書再上乃得報即日南歸年五十七鍾坦易不事表曝家之有無一切不省孝友天植官資入必跪進太安人不寘私篋仕餘三十年一無所干謁西涯李公嘗謂今之不識相門者沈仲律一人耳直道性成至接人則和氣藹然聞人善稱道不置雖不解飲酒燕會未嘗不終提學三省身教大行故一時多實材所至詩成輒大書道勁盈紙竟壁無傾斜在江夏居間校古今名集時有

批評客至語世務憂形於色忌辰齋祭老猶號泣如嬰兒云享年八十有三所著有思古齋集有晉陽楚遊等詩集若干卷

金澤

金澤字德潤江寧縣人中成化丙戌進士七年授刑部主事陞員外郎中謙獄明允十三年丁憂服除補南京兵部職方司郎中陞四川右叅議尋陞叅政播州宣慰司厚饋以金幣毅然麾之有庶長奪嫡者竟寘之法革三長官司撫安七十二寨夷民駢首歸命流賊李廣蟬聚五千餘人戮通江官吏傾其帑藏東

本朝各省人物考

卷十二

十

南直二 陳應

鄉王伯榮效尤犯順焚蕩縣治澤前後設畫偵其渠魁而殲之銅梁新設民多負固撫循有方人咸帖服夔賊野王剛鼓眾猖獗搖震湖陝 上命三省督兵會勦澤下重賞之令竟磔剛於市弘治五年陞廣東右布政使七年轉左時汀漳盜起郡縣有司因循不急捕其勢浸熾而嶺南湖湘之不逞者從而和之四散剽掠劫富室燔民居掠帑藏殺官軍闕然為東南郡縣患有司始駭而圖之備東掠西騷繹愈甚時會議以為盜之未平由政令不一而鄰境有司不肯協心故也宜設巡撫憲臣置司要地以節制之而割附

近郡縣以隸之則盜易平具奏其事得旨陞澤爲都察院右副都御史俾巡撫江西澤先榜令自首者釋罪因嚴爲督緝捕斬賊首滿天明等八百餘顆論功罪明賞罰人多感奮思效徭徠洞蠻聞風向化四邊以寧又因四省交錯緝捕官員責不專一每有警報事難責成奏行州添判官縣添主簿各一員並不別差專委操練機快緝捕盜賊遇有緊急可以責成又瑞金縣招集鄉去縣六十里僻在一隅俱係深山險洞林木森陰爲盜賊藏匿之藪奏於湖陂山塲設立巡檢司一所設立關隘僉編附近居民之壯者防守

本朝分省人物考

卷十二

十一

南直二

周性

要津禁遏奸細又增高贛州舊城一尺并信豐興國等處舊城崩圯者俱檄修葺凡百政令皆可行之久而無弊十二年陞南京刑部右侍郎尋以兵部右侍郎遷南京右都御史掌院事正德元年致仕

李 昊

李昊字志遠先世崑山洪武初以間右占籍上元成化己丑進士忻穆王出閣詔選講讀官除昊翰林檢討侍王左右昊於訓誥之外敷陳諄愷王甚重之有小疾輒遣中官問遺甫四月卽爲昊父母請封既得請以上尊文綺致賀皆異數也改南京禮科給事中

丁內艱服闋補工科秩滿陞浙江叅議昊在言路因黑青之異力陳時事當罷行者及勘遼東軍餉覈侵牟補匱乏遼人稱之浙江值紹興水災民饑告病特寬其逋負湖州改剏孝豐縣營治剏建霍然一新嘉興百戶陳輔以衆劫府庫分捕擒之尋以外艱歸遂請老以坦拙自號退然不求榮進以壽考終於家

莊 景

莊景字孔暘江浦人世稱定山先生中成化丙戌進士任翰林院檢討上欲設鰲山燈景同編修章懋等上培養君德疏忤旨調湖廣桂陽州判未行用給事

本朝分省人物考

卷十二

十二

南直二

周性

中毛弘御史陳莊言改南京行人尋遭二艱服闋不起巡撫王恕訪於定山欲以白金十五鎰理其敝廬景曰受官辦以理私廬可乎卒不受弘治甲寅被薦召用巡撫何鑑躬詣勸駕入京謁吏部三揖不跪冢宰耿公裕起延之以茶令四司送出部門景曰第令不失已官職外物耳吏部題復行人司副西崕語吏部曰留都根本之地定山還當官此陞南京吏部驗封司郎中到任十二日偶病遷延野寺越明年考察詎以老疾乃景告去已改歲矣生平持身慕伊川法度接人慕明道和氣嘗曰天生聖賢爲世道計也孔

子六經諸子傳註喚醒聾聵所以引其不及者至矣
今世降風移學者泥於聞見至淪胥以溺非制其過
可乎故進而當行道也吾義所安不違道以干譽退
而當明道也吾志所存不立異以求名所著有定山
集雅好為詩趣多自得不獨踵唐人風格詩之變自
杲始

陳 鎬 附弟欽

陳鎬字宗之系出會稽大父嵩以通天官學徵赴南
京占籍欽天監賦質卓穎以文行聞成化丙午鄉試
第一丁未成進士授禮部主事乞便養改南吏部郎
中晉山東提學副使校閱精覈公廉詳慎終始如一

本明人考

卷十二

十三

南直二

輯洙泗誌振發士習諸生感其風誼興起成就者甚
多齊魯間稱名督學必首推之晉江西叅政庚午晉
湖廣布政使會漢沔盜起流劫郡縣貧民蟻附徒黨
日衆鎬設方略督官兵以次討平之餘賊未盡即晉
右副都御史巡撫其地鎬曰良民可驅而為賊顧不
能還賊為良民乎於是移檄諸郡脅從者不治歸化
者占以原籍湖湘素服其威信見檄即盡散歸農湘
江安堵壬申以疾乞歸命未下而卒所著有矩菴漫
藁金陵人物志行於世弟欽字諒之蚤負文譽與鎬

齊名鄉會試皆與兄同登人榮羨之授南武選主事
署選軍政秉持清正峻拒請托豪貴者咸思中之會
武庫郎婁性被誣下獄同部莫敢暴白欽獨奮身疏
其冤狀 詔并逮獄同繫者二年婁病日深朝夕調
護得以不死久之婁獲免而欽以此名聞天下出知
廣平洞達民隱臨事果決至則風裁踴厲百廢具興
以時巡行屬縣問民疾苦廉有司賢不肖而勸懲之
有望風解印去者郡人號為陳母弘治乙丑入計以
卓異被宴賚尋晉廣東提學副使條教甄別士方嚮
風竟以疾卒欽嚴毅方正所與游必當世名士於物

本明人考

卷十二

十四

南直二

非其義不取服官二十年樸素一如寒士司寇顧璘
刻其自菴集四卷海山聯句集四卷行於世

薛 端

薛端字士莊先世河南孟津人洪武初年分設軍衛
隸籍留守左衛子孫遂家於金陵端生而秀異白晳
瑩然如玉當成童時叅將袁公佑方為衛帥一見而
奇之曰是兒狀貌異常豈宜屈於凡流促令業儒未
幾補京庠生學日加進領成化辛卯鄉薦尋丁父憂
太原周公嘗延端授子弟經學至是陞刑部尚書與
端居比近屢致問竟不往謁其守禮之確如此服除

以戊戌乙榜授山東莘縣教諭莘俗士子好訐把持武斷久乏科名端至舉其甚者一人呈學使者置於法風始稍息乃擇其英杰者十餘輩躬督之學居任五年中式者凡數人陞南京國子監博士甲寅陞岷府右長史以正匡導不稍比昵王嘗宴羣臣令各歌唱侑觴端曰臣待罪輔相恒懼迂鈍有孤簡命違暇習歌唱耶王肅然改容賦詩以彰其直尋晉左長史引疾歸武宗卽位進中順大夫服緋帶金俄以疾終得年六十有九

王 敞

本朝分省人物考 卷十二

十五

南直二
高尚武

王敞字漢英號竹堂其先居浙之西安洪武中以尺籍隸錦衣衛遂爲南京人敞少警敏爲應天府學生有時名成化辛丑中會試第二人授刑科給事中出閱四川建昌松藩諸鎮邊儲稽處有法軍餉賴焉還上便宜六事其一言建昌往時歲起礦夫若干今事旣革而夫尚爲權家所占請罷從之丁未陞工科右給事孝宗踐祚賜一品服使朝鮮其國王令陪臣出女樂燕之敞曰天子在諒陰中吾何忍聽此其君臣相顧媿嘆還陞都給事中奏減兩京內府柴薪又奏以各科所積柴薪餘銀助修六科朝房工費凡

奏疏上輒毀其稿曰吾職當爾寧以是沽名也乙卯補通政司右叅議丁巳進左戊午陞通政使初天下章奏皆諸吏分掌出納得緣爲奸至是置大樞列後堂親封鑰之弊遂革戊辰陞兵部左侍郎尋陞尚書敞以本部任重勤謹益甚每選官必語其屬曰此祖宗報功盛典母事深刻寧過于厚可也武功黃選簿在內府印綬監凡遇除選必入內查對輒爲所難例納賄乃得如期對視請騰副於部以便選法命兼提督京營戎務賜蟒衣玉帶以平寧夏功加太子太保廕子錦衣百戶山東及四川盜繼起請增設諸要地

本朝分省人物考 卷十二

十六

南直三
高尚武

吳文度

吳文度字憲之其先福之晉江人父某教諭黃梅以疾就醫南京遂家應天府之江寧文度早孤與伯兄居抗志力學成化己酉舉鄉試登壬辰進士授浙江龍泉知縣龍泉故號難治文度招集父老示以禮義

其強梗者治以法境內肅然已亥徵拜南京監察御史秉持風采多所建白丁未擢知汀州府時徭人出沒為患文度設方略招致賦役帖然以寧以其餘力修舉學政考德問業親篤勸之人才翕然以變弘治戊午擢江西布政司左叅政壬戌進山西右布政使閱歲轉河南左布政使力專才膽一時弊政釐革殆盡下和買之令禁無名之役人至於今稱之乙丑拜都察院右副都御史巡撫雲南屬夷酋阿本負險稱亂文度至撫先文告猶弗率乃進師親臨行陳擒其渠魁地方大定夷民納貢賦如中土捷聞 降勅獎

本朝分省人物考

卷十二

十七

南直二
高橋

諭賜與甚厚正德戊辰擢戶部右侍郎尋轉左侍郎未幾拜南京右都御史逆瑾用事索賄文度弗應是歲十一月改南京戶部尚書致仕文度既退蕭然深居澹恬容與無異韋布時知已過從輒治饌具飲宴盡歡達官貴人至則避不見久之逆瑾敗諸所嘗傾害者 朝廷次第收復之士論多屬文度 召命且下而以疾遂不起壽七十二所著有文石稿若干卷行於世

陳 鋼

陳鋼字堅遠其先本建安人國初有名瑤始以醫徵

籍太醫院遂家南京鋼少而穎異父教之學醫鋼獨愛讀儒書族伯都憲公濂勸其父遣之從儒遂舉成化乙酉鄉試進士不第授黔陽知縣鋼性豈弟治事通大體初至縣稽民丁稅多寡均定徭役招復流離闢磽田數千畝給無業之民置養濟院衣食無告積義倉粟俾民不怵荒歲省刑抑訟杜吏為奸居一年庭無煩冤野無凍餒鋼曰民可教矣乃置社學修孔子廟興孝弟禮義之教楚俗居喪擊鼓夷歌乃諭歌古哀詞如蒿里薤露等歌民知嚮風父老語子弟曰微陳公汝其終于夷乎鋼曰民可後矣沅湘二江合

本朝分省人物考

卷十二

十八

南直二
高橋

流縣城下數決壞民居鋼作小舟數十舸募民采石甃堤自南門抵西門亘千丈水乃不溢縣南山間有三里厓路狹甚石堅不可鑿長沅諸路軍往戍靖州夜每墮崖下死鋼督郵兵積薪烈之淬以醪醢拓廣其路丈許外繚以索行者不害掘地得古義士張捍碑及宋令饒敏學寶山書院碑乃建書院於赤寶山下祀二公於後寢將圖新縣治忽大水漂木數百至乃底績又建面山草堂休沐讀書其中以考得失凡興作民如子來知以佚道使也鋼病民憂惶禱神雖老羸者亦拜稽竟日曰願以餘年報公病愈過市婦

女子望之皆曰公貌得無少損邪鄰縣徭夷與民爭田不決監司檄鋼往開譬切至咸踴躍服鋼嘗過他縣道旁小兒黏雀爲嬉問知鋼名兒相顧曰公必惡我等戕物命悉縱雀去官滿當代民上狀乞留監司不許將行駕小舟送於江者數百里爭獻蔬菓每品取少許還之殺羊豕設祖道人人頌惠無不扳車泣留者歸爲立生祠豎去思碑曰以無忘仁人於世世拜長沙通判察吏民所苦苛禮冗費悉刊除之決疑獄出冤民民祠於家監修古王府程工節用倍省其費王嘉其忠廉屢賜金帛皆謝不受議復岳麓書院

本朝分省人物考

卷十二

十九

南直二
劉汝德

初渡江有僧來迎鋼曰安知迎予僧曰夕夢緋衣使君來訪書院故址是以來比掘砌得故甃識曰陳某造適同鋼名乃白吉王得故殿材成之祀晦菴南軒二公於中弘治丙辰奔繼母喪歸得疾卒長沙人聞之無不泣下乃請諸監司從祀於岳麓書院鋼居長沙黔人歲遣子弟一人來問安黔人聞其卒皆痛哭罷市至今長沙與黔人來南京者多就其家乞其像拜哭之弟鏡官終武昌通判以廉謹聞于沂官翰林侍講文學行誼並有聞於世

楊銳

楊銳字進之其先徐之蕭縣人正統間以功進南京羽林衛指揮歷數世而銳嗣其官正德四年總江西十二衛所儲運艘艘聯屬運無後期凡八年進署都指揮僉事奉 詔守備九江安慶諸郡駐軍皖城九年盡獲江賊於蓮花洲監司喜以事 上聞銳曰江賊奚足憂所虞者豫章耳意指寧濠也又謂九江爲鄱陽上流最爲要害當置戍於湖口縣之高嶺可以遠望有警可卽達也乃繪長江圖具事標識凡數本呈司馬重臣及臺院司江防者又請造戰艦若干艘習水戰於江上十一年與臺院密議兵食繕皖城周

本朝分省人物考

卷十二

二十

南直二
劉汝德

城中多浚井十四年寧濠變作卽告變京師先引軍設鈎距於江側禁勿泄及寇船二百餘艘抵岸爲鈎距所破繼至者以千數銳坐城上與衆誓勦逆賊告郡守發府庫金懸以示賞有寇衣緋者稱凌十一先登銳引弓中其首其子繼登貫其吭而死於是懦者皆起城上建大旗書勦逆賊以壯士氣有安慶人僉事潘鵬持黃紙擁騎至城稱後兵數十萬能以城降得不死銳語鵬曰汝死已後尚覩顏爲悖言乎吾刃至矣捕鵬家一人腰斬棄城下鵬乃遁去寇爲敵樓數仞俯瞰城中有甲冑者持鈎距大呼銳發矢中左

藥火齊發頃之樓燬死者不可計八日宸濠船泊

南岸聞不克大怒率眾分攻五城各舉木為蔽銳裂

方布覆紙裹藥火千數散投所蔽木上火發盡棄走

火光周匝不絕寇無所遁十二日寇結木為棧與城

接挾兵而進城中大驚銳乃詭以大將軍火鏡實石

被緋衣金鼓置城上向寇兵望見大潰潛使一卒從

間道出燒棧絕其餉道十六日寇眾解體且暑溽力

憊夜皆鼾睡銳募善泅者數人於船中聞鼾聲即斬

首絕其纜放之江中又遣一二強卒突入岸上營舉

火礮城上應之乘勝捕殺聲震數里是夜宸濠浩歎

本朝分省物考 卷十二

二十一

南直二 楊海

出涕而返及奏捷 武帝下璽書褒之賜有忠勤報

國戰守奇功二榜實授都指揮僉事充叅將仍守安

慶兼湖廣等處銳疏舉鄭岳胡世寧皆以拒濠譴者

濠既平論功進為左軍都督府僉事廕子平為羽林

千戶又疏舉御史楊必進嘗與謀於未變時者廷臣

賢之嘉靖元年以三關弗靖移守保定諸郡授驃騎

將軍四年 詔還京師旋以母老乞歸養改南京右

軍都督府八年授總兵官鎮守遼東至鎮秋毫無犯

士卒思奮九年改漕運總兵官鎮守淮安明年忌者

有言乃罷歸又明年以疾卒銳自立官足不及權門

身歿囊無一錢諸子鬻衣為葬

劉 璽

劉璽字廷守南京龍驤衛人博雅閑將畧為提學御

史陳琳器重襲世職即以才能選視龍江右衛軍政

未幾遷撥船廠把總璽以清慎勤蒞之無不肅然薦

陞南京旗手等衛把總運糧值 武廟時江彬用事

以勢迫索運船之利瀕死不從臺諫累薦奉 勅守

備浙江温州等府到任即清宿弊訪民瘼郡人大悅

兩越月總督漕運陶琰特奏溫處一隅漕運重務必

得璽乃可拯江西儲運之弊陞江西都司江西自宸

本朝分省物考 卷十二

二十二

南直二 楊海

濠之亂糧稅越歲不完璽盡心區畫得以底績復條

陳巡撫中丞請依期給糧以卹軍士清衙門宿弊以

杜奸宄革吏民入司之公罰除衛所冊文之扛解請

廢府之餘材以立官衙出城濠之租稅以歸公府善

政美意不一而足時祿入猶薄自處有寒士所不堪

者士林因有青菜劉及劉窮之號當道者亦以上聞

王守仁以總制經江西一見即重之奏取副叅 命

未下而守仁卒奉 勅充叅將協同漕運兼守淮安

銓注錦衣衛即有議處船糧以免凍阻等疏皆議行

言官累薦充總兵官提督漕運鎮守淮安奏增餘丁

月糧定考課以裨軍政明漕規以一衆心疏濬江南河道以濟糧運折兌山縣糧米以免稽遲凡三十餘疏至今爲漕政良規復患淮楊河道淤淺奏起四府丁夫開濬功成 詔賜白金彩幣累改僉南京府後軍都督府事再被 命提督漕運鎮守淮安再蒞以來於勢要愈不假借惟冀退休未幾得解任回鄉行李蕭然篋書數卷丁未 詔復起用而已寢疾矣璽平生志意恬退學問該洽議論識見出人意表外嚴毅而內沉靜人不敢干以私少侍父疾極盡勞瘁遭喪哀毀幾至滅性弟早喪撫其遺孤愛踰己子官雖本朝分省人物考 卷十二 二十三 南直二 陳均儒

邵清

邵清字士廉國初自嘉興徙居江寧清幼有至性母卒時纔三歲置於別室清號泣欲往視聞者異之長端潔好學工古文詞弘治壬子舉於鄉授江西德化教諭教諸生必以孝弟節義爲言束修問饋之儀無敢及門者乙卯秋山東巡按聘典試事志在甄拔才俊高下或自主斷巡按者素重清名不易也事竣卽就道有謁贊者拒不受藩臬交章薦之選授監察御

史教職擢臺臣自清始也委督抽分其豪猾射利隱沒者皆置於法正德初 皇親張延齡恃恩奏人負券若干緡有 旨與追清曰御史朝廷耳目之官可爲人索私債耶其持正不避權要若此奉 勅理鹽法兼管河道俱有勞績逆瑾始擅政索清賄不入矯旨遣官校捕至榜數十罷歸家居閉門灌畦圃瑾怒猶未釋仍罰米三百石交親爲代償乃得足瑾伏誅廷臣追訟其冤嘉靖壬午復御史陞雲南按察僉事已丑改廣西左江兵備所居皆膏脂不以一毫自潤行橐蕭然辛卯齋進表文事竣曰可以已矣乞休疏本朝分省人物考 卷十二 二十四 南直二 陳均儒

李重

李重字元任別號邦江其先揚州江都人國初從戎隸南京金吾後衛籍因家焉母太安人夜夢五色豕覺而生重生五歲旦出嬉戲聞學舍子弟所誦論語孝經中語夕歸盡成誦稍長卽刻勵爲學以應天學生領弘治壬子鄉薦至正德辛未舉進士拜官戶部始落耳數日而卒

主事時大司徒為九峯孫公擬試天下郡縣存積糧儲疏獨謂其敷陳精覈鑿鑿可行雅敬重焉河南山東流賊猖獗 朝廷命將出師分理軍餉有功賊平有錦綺銀牌之賜明年奉璽書督賦兩浙端本振法風采自持澄挾弊源人不敢易時鎮守劉璟所侵官銀至二十萬計密欲重有所遺以緘口曰與其遺我孰若為民償所負以足國璟知不可犯盡以所侵輸官自是人皆曰鎮守且不敢爾何況我曹故兩浙宿負徵完百二十餘萬前後所未有事竣轉本司員外郎進郎中旋擢守德安德安部民會有告藩郡校豪橫不法者直其民悉寘如法不少貸以是坐構者深左謫河南布政司經歷量移南陽府同知用大臣薦復起家工部郎中巡視河道陞守九江至九江未兩月陞江西按察司副使持憲愈厲性故落落以阿順上官風旨為耻坐與上官不協竟以老擬致仕云重在官二十年未嘗律已以恕亦未嘗假人以法非其義者雖千金之貲不以為子孫累義之所當為者雖匹夫匹婦之冤毅然以身任之也王公貴人有所不避去德安日士民哭送出境近其子於名宦祠中久而民猶有感泣者以南陽同知攝郡事為民興

本朝分省人物考

卷十一

二十五

南直二

除不異真守民以李青天稱之焦員外希程者所為作青天公傳也平生所辨冤獄在在有聞南康立廟廬山歲時祀以報之至今存焉經歷署睢州時中丞王公蓋特疏薦為異材丁亥元日風霾之變大學士楊公一清奏言宜錄用守正被謫之臣吏部首以重名請及歸老之後中丞易公瓚猶以田野遺德言之朝雖未竟其用而聲望日以著矣歸老而貧如昔至授徒高淳溧陽之間以自給尚書霍公韜欲以所毀淫祠為脩葺草舍之資辭欲贈以廢寺田又辭易簣之時尚奉先人遺訓拳拳以不為不義戒其子享年

本朝分省人物考

卷十一

二十六

南直二

恭八十二

史學

史學溧陽人弘治丁未進士辛亥授戶部主事差典外廐芻牧尋同中官及臺諫勘侵地于南城監漕通州檢甸服田災督儲淮陰一歲當代淮人伏闕借借從之歷員外郎中奉 勅搃餉遼東時遼東多虐悉心計度察近裡餘積地刑徒用轉撤法漸以實邊又奏出帑金三萬多買粟豆積塞下為備未幾虜大入軍賦有餘將士鼓奮虜不得志而遁正德庚午陞山東左叅政時盜起雄霸跳踉于河朔山東承平日久

莫敢櫻其鋒學視河金卿群盜猝至因與僉事杜丙謀曰縣城卑圯不足恃以守徒死無益乃退保濟寧調銳士七百餘人指授方略出與賊遇多所擒斬賊退論者謂棄金卿而保濟寧涉于異避竟落職歸旣歸建始祖廟葺先世祠堂割常稔之田以供祭脩賑凡八年忽召其二子謂曰吾數將盡函山乾原吾將營樂丘焉夏四月與客飲散登樓閱書忽疾作遂不起所著有埭溪集金淵節孝錄溧陽人物記藏于家

張諫

張諫字孟弼句容人進士授行人選福建道御史剛正不阿屢侵權勢丁父艱廬于墓側產芝數莖後累陞順天府尹剛果有爲百務振舉因忤當道出謫萊州府進太僕卿卒于官

湯鼐

湯鼐字用之句容縣人由進士初授行人選擢御史與庶吉士鄒智寺並負氣節遇事敢言弘治中上勸學襄治二疏伏闕七日冀用其言上亦多見采納後疏劾閣臣萬安寺柔奸誤國爲所中傷下詔獄謫戍甘州凡十年蒙恩放還杜門掃迹自號鉄翁有詩文奏疏若干卷以上壽終至今士林瞻仰之

張鰲

張鰲自莆田徙居金陵籍江寧縣以鄉舉出知合州至則罷淫祠止邪教以正學倡督諸生嘗督木涪水遇播酋倡亂爲所執袒胸露刃脅以必從鰲神色不渝徐以大義拆之首不敢害兒之還未幾酋陷碁江上命督府糾兵二十萬八路合勦時以庚癸爲虞廉鰲才疏晉保寧郡丞專司轉餉鰲奏記謂宜從舟運又郡邑夫役宜分信地近爲轉輸有譁而逃者以軍法從事督府然之一切以便宜委鰲鰲乘小艇導諸餉舸出沒數百丈驚濤駭浪中使萬夫牽拽而上舟不可通則芒屨徒步冒雨衝泥以身先之士卒無敢後者嘗上督府書謂鰲受事以來一身輕如秋葉生死等于浮雲躬自拮据卽寢寐常自震驚云卒之馬騰士飽折馘執俘蠻烟廓清異服從化而鰲之精已銷亡矣當事者猶以善後屬鰲疏晉播州守時郡治初勑百務叢紛日與裸身鳥語之人更化維風部署甫有規緒而病作不能支竟卒于官迨後朝廷行平播之賞追論鰲以捐軀勤王盡瘁事國贈兵部郎中祀于蜀仍行撫按旌卹其家鰲生平篤于孝友凡歷官祿入纖毫與兄盤共之無少留于私橐盤亦

本朝分省人物考

卷十二

二十七

南直

本朝分省人物考

卷十二

二十八

南直

甚愛其弟兩人者皆忠實篤行君子也

徐珪

徐珪信之其字也上元人十歲能屬文倪文僖公一見奇之謂其叔祖助教公曰徐氏有子矣弘治庚戌登進士觀政戶部嘗攝監收倉粟能革諸弊給賞遼東官軍被檄輿疾不以勸辭授知華容縣屬歲歉寬禁緩責勞徠賑卹全活甚衆縣有黃洋渡雨潦時至冒其旁田溢爲巨浸乃發卒築隄延數百丈仍歲大熟民相與名曰徐公堤云均編役置平糴倉治狀稱最入爲南京戶部主事改工部分司儀真丁母憂服除補南京刑部陞員外郎郎中治職勤敏奮斷有爲操憲任法卽里中舊故請謁亦毫不少徇蓋毅然強明自信者也擢貳浙藩未幾告罷竟以疾卒遠近歎息咨閔焉年七十有五

張琮

張琮字廷獻號惕菴其先吳縣人洪武初徙閬右占應天江寧籍琮自兒時凝重寡言笑未冠爲諸生不狎於衆人亦憚之而文日有名成化丙午舉應天鄉貢弘治庚戌登進士癸丑授工部都水主事管理清江提舉漕艘事告者曰一自防百足理也笑曰自防

本朝分省人物考 卷十二

二十九

南直二 王國瑞

本朝分省人物考 卷十二

三十

南直二 周性

者分也無所理事何以集成漕艘之法古莫善於劉晏吾且法之踰年數千艘成改禮部儀制主事壬戌進郎中癸亥冬 孝皇不豫免長至賀 東宮親王如故事琮請於尚書曰未有 天子不豫而王受賀者 命下如所議占城國王請封制冊封夷王給事中一人往占城遠在海外人憚於往六科倡議止之疏不絕上尚書不能決琮曰封而不告與告而不封天王之命討去矣禮先告哀而後請封國無訃命將誰與以是詰之威信其庶幾乎卒從其言 武皇卽位大喪大慶大婚耕藉幸學諸禮悉如制而小變之皆著爲令晉藩有奪王封者時逆瑾受賄勢凌有司莫不傾靡琮獨執不可瑾曰一即中力能勝尚書耶出爲陝西叅議奪者卽如所請京中語云鐵漢去矣如禮何丁母憂歸正德庚午服闋左遷濟寧知州苦於要衝日費錢數萬裁省十之八所過卽權力者斂跡而去尋改山東道監察御史巡按甘肅時方討安化之叛餘亂未息琮至恤無辜治有罪安輯邊岷遠逐夷虜獎誘忠勇舉用賢淑懸賞耀威而腹心效順矣一日視虜刃曰吾南方一刃千牛而不改劔此何藉以刺人耶擲之地下虜吐舌大驚呼太師爭獻

牛羊酪爲壽曰太師其神乎疆圉乃靖辛未瑾請擢湖廣按察副使備兵郎襄當河內陝右三路之衝流民盤據爲城社琮綏順攘逆示以大信行以大法有稱浮屠教聚衆數千人僞爲符璽僭自稱王大亂將作郡邑動騷諸監司議請兵討之琮曰此特縛其首足耳陰命勇士數人入其巢獲之且諭衆曰此謀非汝等所知法不及汝衆駭散遂定乙亥擢貴州按察使兼布政都司事邊岷夷落戎衛諸種規模一新上以勞勩有金幣之賜丙子擢四川右布政使戊寅轉左布政使時舉松藩兵取官殿木軍餉夫役之勞

本朝分省人物考

卷十二

三十一

南直二

費甚多郡縣告困而內豎劉允往西竺迎佛所過閭閻殘廢聲絕雞犬乃命輸以近儲挽以津人迎以僧徒省煩裁冗沮遏其勢事就而民免於俘屬人曰不圖今日復見張益州也松潘平朝廷再下金幣之賜已卯奔父喪歸辛巳服闋補廣西左布政使明年嘉靖改元拜都察院右副都御史以節鉞鎮湖湘十有八郡兼贊理諸軍事時黃鏐造逆劉召爲亂丁爵萬明福倡妖於德安李全伯作孽於襄陽阿核構逆於芒部荆襄大饑運糧告乏凡七下簡書酬應不暇琮調遣諸兵召令郡吏相期難易緩急授以方略次第

舉之不踰年而悉平所賑饑民用青州法因時小變民免於死亾甲申進南京工部右侍郎候代境上乙酉改南京刑部琮雖家南京素無狎比者門無私謁雖葭莩之親有犯不敢私庇之丙戌進南京都察院右都御史言於諸臺曰朝廷之法執於御史執者廢法將安歸惟寡交遊則無私謁少宴會則無請托皆惴惴而退鮮不憚者遇考劾首黜不法者數人六卿皆不敢以屬吏自比琮轉官自刑部以至都御史皆居公署諸子在私第非召不敢至門可雀羅已丑乞休疏凡四上始得請命有司歲供夫役月給廩以優

本朝分省人物考

卷十二

三十二

南直二

顧璘

顧璘字華玉上元人弘治丙辰進士初蒞廣平知縣甫弱冠耳而剖決敏利摘伏嚴明正德庚午出知開封盜起燕薊流劫中原彭澤領兵壓境上簡璘自輔璘練兵轉餉折衝戡亂謀畫居多鎮守中人廖堂恃逆瑾黨自恣璘每折其萌芽瑾誅廖罷去而王宏者尤諂謾繼廖出鎮璘不爲禮有所徵需亦不答用是

許宏方恃錢寧為援矯 詔逮赴錦衣獄遣邏卒
 陰探郡中無所得乃文致他比以上鐫三階徙全州
 知州全僻荒遠陋拊教之久民用乂安士興於學甫
 三年移知台州台武衛錯居俗獷而喜訐胥吏並緣
 為姦璘得其利弊所在次第興除之故事武衛諸城
 郡為修築費率為王者乾沒恒歲一築築輒壞璘鈎
 得所侵漁悉沒入為城費擇人經理故所隸三城特
 完郡瀕海貧民業鹽自食苦邏卒窘之相賊殺不止
 乃為弛禁俾得負販出郡下而薄其稅往軍餉不時
 給貧軍多稱貸駟僮肆為侵牟璘支放有期軍餉以
 本朝分省人物考 卷十二 三十三 南直二
 足而姦民不得恣其巧既久於台盡悉浙中事宜繼
 參藩浙省及轉左轄日益練達展采錯事惟志所欲
 為縱文牒糾紛隨事刺裁司無留政御史按浙者皆
 歛手無所事事迨巡撫湖廣輶車徧歷州郡跋涉險
 阻不為厭故事行部以藩臬守臣自隨悉以謝去供
 頓次舍才足給用務汰奢費民不知勞所至勸農業
 平徭稅民用安集而歲亦比登在鎮逾年多所建白
 時雖不盡行而所言皆出篤論已亥陞刑部右侍郎
 會 顯陵肇工改工部尚書領山陵事 顯陵之作
 經費不貲璘長於料簡程省弗懈視他所營率損費

十五而規制宏敞功實倍之事竣改南刑部尚書剛
 正自持不肯翫法徇人高視濶步遇權貴傲然不為
 意而與山林文學行誼士乃講均敵禮獎進之唯恐
 不給坐是忌者側目雖晚躋大位卒困於讒以沒惜
 哉平居事親孝父病疽年已五十餘與同臥起吮濯
 扶掖曾不委勞於人少學于李璠李死妻萬不免饑
 寒分俸資給又為其子置產子卒乃迎萬養於家死
 為歛葬而厚給其孫友人胡欽死妻方食貧養姑俾
 里中上其事請表於朝為文雄深爾雅詩尤雋永時
 出奇峭樂府歌辭不失漢魏風格所歷沅湘天台衡
 本朝分省人物考 卷十二 三十四 南直二
 岳皆山水勝處雖簿書鞅掌而感時懷古臨觀賦詩
 風流文雅照映林壑有古高賢特達之風所著有國
 寶新編顧氏七記詩文有浮湘稿山中集息園集憑
 几集登衡小記總若干卷並行於時
 金 達
 金達字達卿號望山江寧人也父澤累官右都御史
 達幼承家學奮志下帷舉弘治乙卯鄉試連登丙辰
 進士除陽信知縣明以燭偽敏以集事上下翕然稱
 賢前令負官物妻子久繫幾瘦死達代償之復厚贈
 遺以歸藩王之國道出陽信達請無歛民財聽取貯

帝官錢給之又憚民遠役不便令毋行但以顧後錢往故雖重事邑不知擾三載以治最內徵擢太僕寺丞丁母憂服除改禮部主事進員外郎陞廣東按察司僉事大帽山賊累年爲患率兵往征士卒用命遂擒渠魁林貴等斬首千八百餘級上嘉之有金帛之賞正德辛未解官歸時都憲公家居無恙日奉左右極其孝敬及卒情禮咸備友其弟尤極眷愛卒於正德己卯年五十有八爲人魁梧倣儻饒於才智周乏拯厄日不暇給至人有過亦面折不諱大家世宦賓客雜沓終日應報情禮有加畧無倦色卒之日咸痛惜之

本朝分省人物考

卷十二

三十五

南直二
梁仲德

梁材

梁材字大用南京金吾右衛籍弘治己未登進士授德清令尅苦勤敏一日勘事他邑重囚越獄而去材還禱於城隍未幾就擒詰之曰汝既遁何復爲我擒賊曰有一緋衣人尾之欲脫不能耳人咸以爲異正德二年晉刑部廣東司主事四年署貴州司員外郎獄小大無遁情大司寇洪鍾每命諸司錄其讞案以爲法五年改山東道御史逆瑾誅榜諭天下出其手筆大學士李東陽見而愛之及爲史記李與次相楊

廷和各製一篇俱不愜意會司寇何鑑中丞楊綸令其屬徧爲之李見材作喜曰此以古詞兼律筆足示後世矣遂錄付史館六年出知嘉興未幾調杭州杭以繁富名材愈以清約自勵十一年進右叅政尋進按察使會宸濠變起濠去浙邇倚鎮守中人畢真爲內應人心洶洶御史張縉謀於材曰事急矣將若何材卽就縉檄調兵方略布置一付悉其又自往說真令撤兵衛自是姦謀內沮浙恃以安嘉靖二年服闕補雲南按察使先是有土酋相讐殺者六載未定材召至諭以王法當誅今姑貸汝死如例罰牛羊以贖土酋頓顙輸服三年晉貴州左布政使尋調廣東凡人民課金令輸者自權之而親爲監督主藏者不得高下其手往來傳置諸所餽遺卽菓蔬弗受也六年進右副都御史巡撫江西未兩月召爲刑部左侍郎七年改戶部兼右僉都御史總督雲貴川廣糧餉冬晉尚書十年丁內艱十三年召復任駕謁山陵受勅居守者三十七年以考滿解職明年廷臣上議僉欲用爲司徒乃以原官加太子少保時永嘉張璉新貴用事常以意氣挫折公卿一日於朝堂厲聲語云梁大用某處糧草當辦則應曰諾某處折銀

本朝分省人物考

卷十二

三十六

南直二
范應祥

當發復應曰諾永嘉意其黜弗了也既而偵之則無弗夙具者張乃歎服 上念吏治龐雜特命材以司徒行考察汰簡數百人人心大服又大獄久不決者四事 上命兼司寇讞勘之居數日盡得其情擬奏上喜曰得尚書十二人如材者 朕可無憂矣事竣乃還印刑部皆以 特旨從事前此未有也時翊國公郭勛恃寵專擅損兵冒餉疏劾之 上下其章所司警助威莫敢詰復按勛不法十事章成未上為僚友泄其語反為所中遂落職歸兩月而卒初嘉靖中工作大興邊費無藝材殫竭心力不稍加賦於民

本朝分省人物考

卷十二

三十七

南直二 劉徽

世廟以祠禱故於額外有所需材執曰終不以無益虧國計 世廟心弗善也頃之材去且死卒至邊儲大窘計無所出 世廟乃歎曰令梁材在當不至是居恒約勅僚屬壹意奉公狷潔正直出於天性佐食以園蔬絕無兼味為尚書宅憂歸始有居宅及召還司徒塗人丐于相語云天眼開召回梁公矣卒之日家無餘貲子孫至不能之京斬卹典隆慶初奉遺詔補給祭葬贈太子太保謚端肅

李熙

李熙字師文上元人父昊浙江布政司參議熙登弘

治丙辰進士授將樂令權監察御史正德初太監劉瑾等濁亂國紀抗章請誅犯眾怒矯詔繫錦衣獄廷朴三十罷歸髀肉盡銷不死瑾猶銜之踰年復擿舊牘得熙名文致微過詔於南京廷朴五十囊昇而出人謂死矣已而膚附骨生竟不死瑾伏誅廢者率起熙獨以擊刺貴要抑不得用家居一十六年嘉靖初起守饒州府遷浙江按察副使方按部定海得疾暴卒享年六十熙清夷簡重才行修美孝於親友於兄弟交友以胸臆初仕為將樂令再起守饒意所注錯準古條格去官之日玩無奇石器無精美為御史居

本朝分省人物考

卷十二

三十八

南直二 陶仁

桑梓之間執憲行法親戚無敢請謁居家時杜門息交雖公卿存訪僅一往謝而已居飲虹橋側時輩稱曰飲虹先生亦况其負氣而善藏也喜賦詩所存有尚友集明農稿若干卷

黃宏

黃宏字德裕號友蘭六合縣人幼有至性律已甚廉以弘治進士起家為萬安知縣撥煩調泰和徵入為戶部主事乞便養改南京刑部主事戶部員外郎禮部郎中出為江西布政司左叅議會徭賊作亂 上命都御史王公守仁統兵征之王公檄宏監軍督餉

紀功捷聞詔加俸一級賊閔十四等既降復恃逆濠勢剽掠九江上下莫敢誰何宏毅然發兵捕之獲其輜重以歸逆濠久蓄異志士夫相對常以為憂宏獨正色曰國家不幸有此我輩守土之官唯有死而已正德己卯濠將反以誕日宴諸司官伏甲宮中次日入謝殺孫巡撫燧許副使達械宏入獄念恚不食而死濠誅詔祀於南贛者曰三公祠祀於省城者曰旌忠祠朝廷追死事諸臣贈宏太常少卿焉

朱衣

朱衣字正伯先世山東之在平人國初徙金陵後以

本朝分省人物考

卷十二

三十九

南直二

戎伍隸錦衣籍衣幼敏慧異羣兒十四補諸生每試冠其曹已受廩弱冠多從之受易者嘉靖甲子舉於鄉母病痿篤丙夜禮斗乞以身代有白光降几榻之異疾遂愈三上春官不第念母老且病懼不及其身祿養辛未謁選為臨淄令邑多逋賦舊多侵於里甲置櫃許自投踴躍樂輸無後者有大俠越境結客賂賂殺人乃置為首者于法餘未減迎兩尊人於宦邸未幾相繼以歿貧不能歸其喪兩臺及郡守各賻贈始克還里服闋補郎西令撫臺王公特疏調房縣房巖邑邑令多被告許署篆者通更易訟牘填委比至

斥訟師鋤強猾期月完積案七百有奇民乃懾服無刁訟者值旱步禱禱畢而雨歲以有秋官堰為有力者據壅水專利水漲田稼漂沒乃鑿石以當堰旁濬池瀦水以殺其勢下築石堤為斗門建閘啓閉又分為蘆管七百餘以達遠田歲可灌千餘頃邑人因名曰朱公堤立祠肖像王公為文勒於石始邑倉無擔石儲至是積穀至五千餘石修黌宮葺縣署創尹吉甫黃香祠皆取諸緩金民不知費有裴簿者卒於官不能歛為治其喪而歸之至私橐窶如也居房五年七薦稍遷沅州守父老赴撫臺本菴楊公留之會邑

本朝分省人物考

卷十二

四

南直二

有鑛徒哨聚數百人被劫殺者數十楊公檄衣率民兵治之馳往下令曰持鐵者賊空拳者民不得妄戮乃戮倡亂者餘黨解散因伐木雜土石塞崩洞以杜亂萌邑城故無濠乃鑿池深廣丈餘堤植果木不四月告竣楊公獎慰甚在事者忌之及抵沅會守兵脫巾鼓譟報一日十至衣曰非反也迫於饑耳白治兵章公先遣牌撫之期以翼日子餉牌下且疑且信而餉隨至眾皆偃旗受餉既定禽其首領四人寘於法蒞沅四月竟為舊郎守所中銓部議調而竟飄然歸矣既歸故田廬悉推與其弟環堵蕭然歲儉至與童

僕啜糜粥無慍色日惟手蒔花卉焚香啜茗玩法書繪事以自娛親友過從則為漉酒摘蔬盡懽而後去與談時事及世俗鄙瑣搖手不應四方知交宦金陵見訪一報刺外屏不見蓋是時子之蕃已為諸生有聲矣為授徒資修脯以佐其貧甲午始中鄉試明年及第第一其秋迎養京邸偕同志遊郊園一再遊西山登覽矯健不減壯齡十月幾望遊天壇歸疾作忽中夜召修撰君曰頃夢石城許公言待我久當同往南方極樂地修撰君訝之則正色斥曰而祖年六十五我年適當之數定矣進湯藥揮去問所欲言曰我無所慮復何言遂逝

本朝分省人物考

卷十二

四十一

南直二 高尚武

李登

李登字士龍別號如真上元人弱冠補弟子員為學使者翠巖黃公初泉吳公所賞識嘉靖辛酉天臺耿公督學南都以理學倡時從游者多名士未嘗不以登為祭酒隆慶間 詔郡邑拔士雋充胄監天臺公竟以登應卒業南雍大司成對山林公與結忘年交屢試弗售謁選授新野令至則端士風明學術嚴考課捐貲以給薪膏適歲不稔設糜粥以待民之無告者徐乃廣置義倉取醵穀實之邑有八水築土堤以

本朝分省人物考

卷十二

四十二

南直二 高尚武

捍其遄激橋名通仙增修之以復其勝期年而謳聲遍洽屬邑有黥宦魚肉邑人登列狀上聞宦修郊用蜚語中之改諭崇仁為訂居業會熟仁會所與終日語者諸生退而錄之成帙居二年餘浩然有歸志曰久矣白門有約吾不欲久虛也歸集舊游聯新知隨地約社隨人應機性至孝父竹塢公年不四十歷三娶委曲事之動能得其歡心為諸生時嘗憤里中戶役重困一夕竟不寢篝燈屬稿翼日上書當事者時垣中公大為感激旋藉所上語入題疏中隨得題免坊民以是沾百世之利蚤歲冥契內典比謝仕閱藏東山摘所賞會別加錄記有般若約抄若干卷宗鏡錄抄若干卷覺海同符若干卷生平究心性命外百家羣籍亦多兼通如字學聲音點畫反切清濁辨之細入毫茫篆隸草楷諸體各極精工故遠邇問字徵書履恭滿戶一切抑心應之著字學正譌六卷正字千文二卷雙刻篇海五卷撫古遺文一卷所撰詩賦諸文無意工斷居然先進風有冶城真寓存稿八冊續稿二十一卷老子約筌二卷俱行於世最晚著易知齋家藏一卷貯於笥室如原子而車轍日至年近伏生而韋編不輟歲已酉病脾食漸減骨立謂兩孫

曰人不當以知見用事要平日於本性上用功夫若依傍非真焉保臨終不亂乎小子識之尋瞑目而逝

顧 璪

顧璪字英玉號橫涇先世吳縣人隸籍應天正德甲戌進士授南京工部主事 武宗南幸欲擇一通敏有識者侍左右備倉卒顧問衆以推璪一日 上注目久之曰女管船官耶璪頓首 上謂侍臣曰甚爽例可著充護衛官遂護蹕還京時東橋公與掌銓者有舊欲與之借謁不往其父亦諭之不宜太峻終不往庚辰陞南京武選郎奉 旨查冗員魏國公子徐

本朝分省人物考

卷十二

四

南直二

某亦在例中頗脩名譽爲之請者甚衆白巖喬公亦欲庇之堅不可自是當路者滋不悅明年謫知許州部民某不事生作屢與族人構訟按致其罪於法願贖金璪曰汝安從得金民泣曰丐於親故耳徐譬之曰汝既講女族又累女親於心何如民叩首服罪璪察其有悔悟意曰今赦女女當改行仍以俸資三兩給之其人遂化爲良民邑中人聞之咸謹呼嘆頌訟牒爲希人復有嘖言於喬公者喬曰顧英玉佳士以少年錚錚姑抑之耳言者慚而退陞溫州貳隨晉山東僉事備兵沂州沂多盜以保甲法寧謐一方轉河

南副使整飭信陽等處汝南有巨猾交勢要而陰把有司者廉其狀捕寘於法與部使者論事有不可輒封還移文同官駭愕璪口朝廷置按察爲外臺枉法媚人吾不爲也信陽舊有田租若干皆歸備兵者私橐習以爲常歎曰爲官自有常祿此何名也盡貯之公廨適前兵備爲按察使陰賺之遂媒於部使者罷歸歸而貧甚授徒自給以終其身璪卽璘親弟

顧國輔

顧國輔字維德號毅菴先世崑山大父少孤育於張從徙金陵遂蒙其姓至萬曆癸巳始復姓顧氏國輔

本朝分省人物考

卷十二

四

南直二

少下帷勤苦有聲諸生以隆慶庚午舉於鄉萬曆甲戌成進士授刑部主事時江陵柄國治尚操切秋慮囚屬有所縱舍贖上江陵意弗釋問尚書囚臯狀國輔往對具言囚所以不當入反覆甚辯江陵不能難尚書器其材一切論讞咸咨之爲郎六年以父憂歸起補原秩出爲襄陽知府時值旱疫死者以谷量至則首議賑卹饑者予食疫者予藥流民就食者設糜舖之所全活者衆明於法比判決如流下教務與民休息胥吏之莠政莠民者輒抵罪一郡震洗躬自菲澹爲墨綬先終任苞苴無敢至門者往奸民以襄府

為逋逃藪有司莫敢誰何王雅重其治行數戒舍人
兒母訛法奸民由是衰息戍卒譟鄖陽羣毆監司襄
人洵洵虞有脫巾應者召諸將士諭以大義帖然
譁已奉 詔逮首惡澁殺於襄郡中復洵洵爭傳逆
黨且下甲劫囚去令邏者遠偵之趣加刃卒以無事
在郡五年擢浙江副使備兵寧紹閩帥其耄而貪汰
戈船卒十之三四取其貲以媚諸貴人至國輔屹然
不為動帥乃戢故帥楊文驍將也以事坐廢數言於
制府稱其才可備緩急後帥師征西夏論先登首功
御史臺刺郡邑吏短長急列賢者以聞而於微暖註

本朝分省人物考 卷十二 四十五 南直二

誤事涉帷簿者削不列生平好道人之善而掩其過
類如此壬辰楚使者中以考功法聞報亟解任歸兩
浙縉紳人人扼腕為治橐中裝以行悉謝不受董太
史追送之江曰吾不悉使君治襄悉使君治越也廉
明若使君者而乃絳吏議哉為感慨泣下而別後太
宰御史大夫尋知謗由襄司理蓋司理以侯家子所
為多不法嘗即其左右微檢之遂大望乘間造言蠱
當事者後使者知其奸論劾下之獄於是其誣乃大
白家食二年以復姓請奏都下部調寶慶知府趨起
不欲行會同里焦太史竝勸駕而往至則屬歲大饑

多方賑卹一切政事悉以襄之治治之積勞病發會
使者按郡手削官賢否獄訟錢穀諸牘以上及使者
條覆諸事不移時而畢歎曰吾行過諸郡其治辦獄
無枉獨是郡耳而竟病徂不支以萬曆甲午卒於官
得年五十有七為人真率夷坦是非信其衷母面謾
人或初受其德已而背之終不以人有負而故倦施
伯父老而貧為捐貲置產令歲收入自給如是者二
十餘年張氏子婁亾其貲時時周給不厭食無兼味
衣無重采室無姬媵於聲色玩好泊如也子起元戊
戌會試第一人廷對賜及第三人今官南吏部侍郎

本朝分省人物考 卷十五 四十六 南直二

國輔以起元貴 覃恩贈少宰次子起鳳成庚戌進
士今官嘉興府知府季子起貞領辛酉鄉薦
鄭宣化
鄭宣化字行義號獅南先世温州樂清以武功授龍
江左衛百戶貫籍金陵嘉靖乙丑進士授袁州府推
官材猷通敏其鞠獄若手權而游移於一衡之上不
爽錙銖剔蠹平枉機宜咸中大者如訊南贛三巢之
俘賊平豐清二邑之疆界汰豐城數千石之浮糧卓
卓在人口碑遷南工部主事分司蕪江嚴立權法掃
除其竇穴根節使大猾無所容權入委於縣籍記循

環覺察秋毫不以自滿調兵部郎中往軍衛船役以年限貧富苦不均題奏割羨補贏具有條式又船馬銀羨餘或闌出騰物議特置籍鉅織登載出納同僚佐押記互相稽察主粟無漏缺屑越之處二事至今踵行之節丁內外艱服除補武選司郎中時江寧專柄與其黨王少宰要結勢傾一時少宰有甥先世以百戶冒襲千戶覈罷之一日江陵出片紙欲以錦衣某掌其事固陳不可江陵怒起前止之畢其詞去明日而邵武之命下矣及抵郡人相語曰是昔爲袁司理持法不撓者是爲南北兵曹不私親舊不畏彊禦

本朝分省人物考 卷十二 四十七 南直三

能忤張江陵王少宰者於是大修學官指授諸生以經義月品第激勸之以爲常先是邵光泰建四邑糧歲輸郡庾給軍餉後以泰建山險轉輸艱有司盡徵折色行之久而弊滋軍士所得於公與其市於私者兩不相值兵民交病而倉廩亦虛爲言於上復邵光二邑之稅給軍士食士皆踊躍呼曰太守活我勞中丞出鎮閩籍中朝勢齟齬人俄怒建寧令輒謬以贓罪劾之具言其令材而賢爭之甚力後中丞趙下教郡中行保甲練兵士講求銷變弭亂之策上書止之因作樵川圖說謂樵川所屬四邑惟建寧悍鷙剽

易動難安儻得強幹粹白之吏可幾而理若邵武民情稍淳無甚大梗可易治而光澤有杉關之險泰寧憑四塞之固亦易守凡吾所爲興學育材富民足兵者皆銷變弭亂之本非如今所謂修保甲練兵士徒爲具文也者在郡甫二禩甲申正月與寮友飲於郊疾作暴卒縉紳士若民若兵衛驚駭嗟悼走吊哭觀還哭送不絕聲相與立祠範銅俎豆之邑博士弟子具其功行請祀於學官爲人事父母孝庶弟三人鞠育教誨之不遺餘力言貌温温樂易而大節所繫則毫髮不以假人利害禍福臨之不爲變居官俸入之外一無所取卒之日官舍空然臺史監司佐其貲然後得以觀歸

本朝分省人物考 卷十二 四十八 南直三

吳自新 吳自新字伯恒號韞菴應天府人進士授工部主事歷員外郎中督工大內程材量役察瑞亡所乾沒出守杭州俗故侈汰以廉約鎮之織席金累萬他主者類蟻穴其中密爲勾檢歲省數千杭人德之肖象祠焉稍遷兵備副使進右叅政又遷按察司歷左右布政皆官于浙在浙勞心疆事訓伍輯民而歷年既久凡民間風尚賢不肖主名吏治臧否不可欺以纖髮

故十數年之內七十五邑宴然靜于安瀾擢都御史
巡撫河南治當南北孔道諸務旁午細者理解大者
霆擊事集而民安焉晉南京刑部右侍郎方與諸司
約謹官箴慎交與簡聽訟而一疾遂不起矣計聞
詔賜諭祭自新負經濟才然實本之道術為多嘗自
為贊曰入道德之門不談道德處功名之地不競功
名博詩文之趣不習詩文探仙佛之源不宗仙佛世
方赫赫我獨冥冥世方矯矯我獨平平人以為數語
酷肖其生平云

本朝人物考

卷二十一

三



人物考卷之十三目錄

南直隸應天府

姚隆

何鉞

景暘

何遵

黃琮

陳沂

王暉

王以旂

尹鳳

伊伯熊

金賢

李春芳

樊鵬

楊成

殷邁

王韋

許穀

羅輅

張後甲

焦瑞

焦竑

王顯

謝璿

劉閔

徐霖

李疑

本朝人物考 卷之十三目錄

三

南直三

本朝京省人物考卷之十三

南直隸應天府

姚隆

姚隆字原學國初籍留守衛家金陵登弘治壬戌進士初令浙之新昌時歲旱民多流殍設法賑濟多所全活數辨冤獄有懷百金謝者力拒之陞禮部主事轉郎中出守荊州府威惠並行明年大水人負高阜大樹日夜嗷嗷隆命駕小舟千艘濟之仍各給以米活者數千人是冬大雪萃者塞途又命人搭蓆舍於江岸以庇遠來赴食者而於近境爲粥啖之活者不可勝計又明年脩築黃潭等處决堤曲盡規畫雖工費數萬緡毫不取辦於民政績著歌謠載道忽以疾告歸民皆攀轅號泣道不得前肖像祠祀之歸家不入城府不與時事有田二頃僅給朝夕處之裕如也

何鉞

何鉞字勳伯號東谿國初自姑蘇徙占江寧家焉鉞自幼穎異不羣嘗見伯兄曆算即能通曉大義父喜欲令竟其習有李公者獨奇之而謂其父曰天文終術家耳是兒豈可以術拘乎令治詩入郡庠累試高

本朝京省人物考卷之十三

南直三



等文譽蔚然正德辛未登第授行人奉使楚藩固辭餽贈以廉介著聲擢浙江道御史直言無避武廟欲以城中積慶鳴玉二坊爲演武習射之所鉞抗論此必左右近習假弄威權侵奪民居以爲第宅園囿疏不報而事亦中止丙子奉勅清理戎務事涉貴近一切奉法惟謹剗剔奸蠹直搜根穴兩陳事宜力救建言下獄御史張仕隆等得從寬減戊寅守父制服除巡按兩浙至則清理冤滯摘發吏奸嚴禁和買鋤治豪強彈擊貪污不職者數人藩臬郡邑罔不敬憚而亦以是中時所忌明年擢荊州守賑饑恤災飭吏

本朝京省人物考卷之十三

南直三

申法如治家事遼府繁衍宗祿不繼比徵至多爲有力者倍取乃以期均給不偏低昂衆咸悅服荆南分巡駐府事多諮而後行鉞與語數不合一日偶有所指遷怒於鉞竟拂衣而出曰吾豈能諂事上官以腰膝皮面易二千石祿米耶卽解組歸當事者檄催旁午竟不赴以壽終於家

景暘

景暘字伯時從真州徙居金陵器宇弘雅凝然負公輔之望數歲時隨父官廣州劉大夏見其文異之曰此國器也正德戊辰舉進士第二人授翰林編脩時

逆瑾亂政凌轢朝紳見者靡不重足屏氣其不阿附者賜及何瑋崔銑呂柟數人已耳在館職以不獲裨補時政居恒深念作自罰一篇言蒞是職者必自責自砥勉於勤慎所以補過也詞甚諄至久之為講官當進講必越宿齋沐覲有所感悟九年遷國子司業以資當進侍讀梁儲曰成均為多士範非景賜不可賜亦曰朝廷官人敢自擇耶於是六館士人人以為得師二年請養願改南以左中允管南司業事時士方競便利請託紛至賜一切謝絕不行與諸生講解寒暑不輟辛巳以母憂去位甲申服除北上行至真

本朝分省人物考

卷十三

三

南直三 劉敬

州病卒賜少產於真州易簣之地即其懸弧處也人咸異之素篤於孝義母目盲萬方療之不愈旦夕禱於神忽雙眸炯然舊疾如失人稱其孝感云居官清約不異布衣每升監乘一札羸蹙行旁觀者若不_能堪賜自若文以意勝耻事鈎棘詩蕭散有致嘗曰詞貴其達若以摹擬為工按古人之跡尺尺寸寸務求肖似何以達吾意哉識者遵其言所著有前谿集行於世

何遵

何遵字孟循南京欽天監人以諫死嘉靖初贈尚寶

司卿廕子入太學祀於鄉賢又詔禮部為祠專祀之武皇帝朝瑾彬相繼用事彬導 上遊幸遍祀名山將入江南而寧濠方謀以待子入朝恃彬為內應比南巡 詔下彬幸得便窺伺懼中阻乃為危言撼眾兵部郎中黃鞏翰林修撰舒芬首以疏入諸曹稍稍踵之 武皇帝震怒彬揚言鞏旦夕且死冀以脇眾遵入疏力言淫祀無補敗亂萬一宗藩藉口奉迎潛懷不軌則福未降而禍已萌益指濠也彬畏事泄匿大輅蔣山卿上疏乞罷巡幸勿為姦邪蠱惑鞏等無

本朝分省人物考

卷十三

四

南直三 范應時

罪願寬宥毋使後世有殺諫臣名不爾臣與同死彬乃四出機弄下遵等於獄復嗾其黨劾之被 旨荷校恭午門外五日杖五十罷遣彬自請視杖杖者復視賄為輕重故杖視他人為甚體素羸又憤所言不達瘡潰不可療越三日竟卒邸舍獨僮奴何安一人當草䟽時前持哭曰主縱不自計獨不念老親幼子邪遵執筆從容曰無多言歸見大人為謝萬死兒子令勿廢學足矣草章已書託鄉人太僕卿周金編修陳沂後事語不少亂是時子世守方數歲遵年三十四爾既卒南巡議亦竟寢遵以正德甲戌第進士吏

部尚書陸完器重之未幾當試臺諫獨引疾弗出口
吾不可資人以進丙子拜工部營繕主事明年榷木
荆南故事多昵奸胥歲增羨以自潤遵一以廉率之
威惠並舉比去行李蕭然卒之日貧不能殮得鄉人
賻而後以觀歸葬先是被杖時父鐸與家人墓祭有
烏悲鳴而前心異之比抵舍聞工部有以言獲罪者
鐸長號曰遵其死矣已而果然

黃琮

黃琮字元質先樂安人成化間始附籍上元數年而
生琮穎秀絕出逸而多韻補應天府學生作平蠻金

本朝分省人物考 卷十三

五

南直三

陵二賦文譽騰起舉弘治乙丑進士與脩 孝宗實
錄授青田令時逆瑾擅國稅政蔓作琮舉意高遠不
規規與俗俯仰以入計不納賄於瑾謫長樂學諭劃
然長嘯曰所不足於縣令者果子也夫教吾所樂也
陞堂講授寒暑不倦瑾誅陞郟城令時寇滿山東城
圯弗可備抵任二十日而塹成又三十四日而門闔
完恃以無恐謂山東之困弊於馬著馬政二篇又作
問官祠內祀孔子及郊子自爲記欲學者知孔子之
聖由問學至也陞廣州守益練牧民之體俗有隱瘼
咸得上達一一調御之得秦少遊海棠橋址拓置堂

宇羣士子肄業其中以風夷俗拜岷府長史再疏乞
養侍奉之暇灌園藝圃泊如也 世廟初復有崇府
之命方擬就道旋以疾終所著有宗說楚征日錄青
田稿郟城稿嶺南日課東歸稿藏於家

陳沂

陳沂字宗魯號石亭居士先世鄞人曰珪者國初以
醫徵入太醫院遂家金陵父夢僧奉明珠入室旦生
沂五歲能屬對八歲能摹古人畫十歲能詩十二歲
能攻舉子業語率奇拔驚長宿總角著孔墨辨赤寶
山賦傳誦人口自是行誼文學日益隆茂弘治辛酉

本朝分省人物考 卷十三

六

南直三

舉鄉試正德丁丑成進士雖久處韋衣時名燁然出
人上既仕改翰林院庶吉士除編修與修 武宗實
錄嘉靖癸未同禮部考官實錄成賜白金文綺充經
筵講官踰年出爲江西布政司叅議沂素抱經濟喜
於治民至江西則備設科條杜奸鋤梗百務釐舉進
山東左叅政按沂莒滕費諸郡邑察其灾荒發官帑
市牛給民墾藝寬其逋稅暮年歲稔又爲捐除種馬
薪木運部諸徭民獲甦息嘗至鉅野察有盜賊將發
議調卒捕襲之言於中丞初不謂然已而盜竟破城
以去始服其略嘗遇執政於德州勞之曰先生久外

行將召矣對曰齊民困甚苟行吾疏勝吾拜顯爵也後以事忤太宰屢歲不遷久之改山西行太僕卿遂再疏請老杜門著書絕意世務所著有 皇明翰林志金陵世紀花巖志名山錄又南京總志山東通志皆出筆削居家孝友備至拯艱扶危不靳餘力鄉人謂其清修厚德文藻惠政合而歸之曰有道仁人咸以為實錄云

王 暉

王暉字克明號克齋先太原人自宋南渡家句容暉狀貌魁梧舞象時不類恒兒七歲授孝經小學即動

本朝分省物考 卷十三

七

南直三 李思高

引古人自期稍長讀書朗然貫徹家赤貧父恒朝夕歎曰安得兒輩有代勞者乎暉竦然獨念諸弟稚無可擔負者乃釋書冊代父什一以給暇則手一編不置時時顧影嘆曰天生子而使之久居人下耶邑有踐更役代父解藥材於京會校士南官偶閱一孝廉文笑曰吾力能辦此頃之榜出而孝廉得雋矣暉奮曰吾異日不以此起家者有如日歸獨居一樓謝絕一切每至午夜誦聲烺烺屬詞則自發其藻不繇師指而每試輒冠正德丙子鄉薦明年登進士授吉安推官時宸濠反逆暉提兵助王守仁以擒叛嘗令一

吏督戰艦及期無一艘至以軍與法立斬以徇一軍股栗嗣是與叅密謀兵攻南昌城破贛共擒逆濠斬殺擒獲無算捷奏有首從義師爭赴國難協謀并力共收全功語時舉告 廟飲至禮而會母憂即莛杖就途不反顧後朝議訕新建功自伍文定而下特稽故以難之服闋僅加二級補大理寺左寺副大禮議起隨楊廷和等伏闕泣爭觸 上怒杖於廷尋遷江西按察僉事分巡湖東暉精於法比時時以情衷三尺而行廬陵有父子三人晝剽人而奪之金者邑令周俱置大辟曰此為饑所驅耳而闔門坐死可乎令

本朝分省物考 卷十三

八

南直三 李思高

曰此直指意曰法如是而止卒釋其二陝商以販錦至臨江忤貴家值地方捕盜貴家嗾邏者并逮之不勝榜掠遂誣服經十餘年未決暉移文覈其年月并召居亭者得其實立釋之自是名大噪於西章矣攝學政校文以理為主浮誕者黜故一時獎拔者多知名士尋陞光祿寺少卿已從太常卿陞右都御史巡撫江西江西故舊游地民瘼吏弊洞析其委至則立綱振紀懲貪植廉一時黃綬而下有望風解印綬者已陞戶部右侍郎總督漕運兼巡撫鳳陽等處至則夙敝盡掃歲綱如期無後者其貫海州之馬課裁揚

州之二開人尤便之晉陞戶部尚書總督倉場等務
搜伏匿革冗濫吏不得侵牟爲奸有戚畹以玉帶黃
金餽爲請莊田地峻却之往倉場曬穀率雜泥沙乃
甃以磚石與爲永利 上屢賜紵絲獅補等又賜
獻皇帝御書文行忠信四篆字以示旌異亡何以兩
淮解銀未及覈先尚書王杲被罪去科臣厲汝進語
侵暉 上乃賜玦以歸卽日單騎趨里日灌園城南
與二三昆弟暨微時知交詩筒酒盃徜徉自適或携
杖東臯課耕織話桑麻而已世味一切無所好顧獨
好書購樓貯之額曰藏書山房雖老持一卷不廢爲

本朝分省人物考

卷十三

九

南直三

文雄渾精嚴詩汎濫於韋李少陵晚喜陶孟曰取其
夷曠契我心也有克齋集行於世

王以旂

王以旂字士招江寧人生而廣額豐頤音吐如鐘弱
冠游膠庠才名蔚起鄉先生金公澤以右都御史掌
南院解圍帶贈之正德辛未舉進士授江西上高知
縣時華林賊方熾流賊復入江掠舟剽劫庫獄以旂
集鄉兵於要害處徧置鐵蒺藜防之賊自是不敢窺
上高已又生擒流賊數十人闔境帖然益省刑紓賦
與民休息縣大治選河南道御史臺長彭澤尤器重

之每指其坐曰當拂拭待子矣出按河南省試期至
會宸濠叛闖劉璟者濠黨也乃倡議罷試以旂言江
西去汴遠且濠旋撲滅罷試無名遂如故事璟又傳
武廟親征道出汴下牒取帑銀四萬備供應力執不
可謂 天子御六飛必戒前路 勅至圖之未晚今
豫發公帑萬一從他道銀散不可歸誰執其咎璟乃
沮嘉靖壬午按福建時泉漳盜起流劫安溪勢日張
檄分守及都指揮率兵勦之月餘平癸未予告終父
養壬辰仍補河南道督北畿學政尋擢南太僕寺少
卿甲午陞大理寺右少卿戊戌陞光祿寺卿八月陞

本朝分省人物考

卷十三

十

南直三

右副都御史撫治鄖陽時有議革撫治者乃繪四省
交會圖鐫之石著論言不可革狀議遂罷庚子陞左
副都御史佐院事辛丑陞兵部右侍郎是歲徐呂洪
竭漕舟滯不行被簡 命督治河道至則視泉脉循
經流爲增闢若干又相地形築土壩若干漕舸得如
期達京師汶上寧陽間故有四水櫃置湖中勢豪侵
沒多獻之德邸有司因循不敢問以旂謂水櫃復庶
蓄洩有地河溢則懸河以入湖河澁則懸湖以入河
足備緩急遂任怨力復之癸卯陞右都御史掌南院
而金公澤贈帶之事於是而驗其處父母之邦也務

在持重出入屏騶從歲時歸祀必由他道謂其子曰昔張堪步入里門可法也乙巳考察京官中外翕然服其當是年刷卷御史以公錯參武弁至于餘員有旨贖罪值熱減 詔至即承德意悉蠲之丙午 召入為工部尚書至則琉璃河圓明閣工興經營節縮得不重費丁未二月改左都御史九月轉兵部尚書先是陝西總督曾銑倡議復套業奉 命集議俄旨出逮銑即命以旂代之 陛辭馳入關亟罷郡縣軍需停造器具又嚴盜馬之罰禁劫管之弊雖倉卒建牙而能推布腹心畢屈羣策建議延安等處設游本朝分省人物考 卷十三 十一 南直三 劉光

擊一人守備四人岷州設判官一人皆得允前此哈密熟番久留甘肅患之召諭諸番為繕室授田示之生計仍約朔望族首得入關為市諸番感喻稽首聽命是舉不煩一夫而數十年種類一清在鎮六年北虜西番無大舉無深入戊申虜犯山丹已酉犯波羅堡及莊浪已又犯高家堡皆督師敗之嗣是連年破虜及番賊出沒境上者計斬虜六百餘級番族二百級奪獲夷器無算修完延慶等處城堡墩臺若干及蘭州邊牆二百餘里前後上功廕子者二賜金帛者八壬子 詔加太子太保進階光祿大夫癸丑春卒

於固原督府聞者莫不奔哭失聲諸鎮軍民為罷市者數日計聞于祭九壇贈少保謚襄敏以旂賦性恬和事父至孝父病十年食飲起居不暫離側溷器亦自浣滌與鄉人處皆得其歡心雖介節凜然而無幾微見於顏色於宗族知舊恩義尤篤為司空入京至東光聞鄉友蔣淮三喪厝連窩寺時舟已踰百里亟命回舟留五日出俸易棺遣人護歸所著有漕河奏議漕河撮稿督府稿議若干卷行於世

尹鳳 尹鳳字德輝別號在竹先世直隸鳳陽縣人始祖榮從 高皇帝起義為衛千戶以戰死進指揮同知世其官隸南府軍後衛鳳蚤孤有奇志貫穿經史諳兵法騎射舉武科鄉會皆第一榜出 上賜宴兵部命輔臣主之以儀從送歸觀者以為榮授中都留守總持廉斤斤而能察用其下省直飛輓無能先者晉提督備倭福建歲壬子帥舟師討海寇許朝恩斬首一百六十級奪還鹵掠二百四十有奇捷聞賜幣金癸丑徙僉浙江都司事秋晉叅將分守福興泉漳等處乙卯倭患起以新募兵屬之乃選驍果以軍法約束稍不中率即斬以徇於是烏合之人皆為精卒與賊

本朝分省人物考 卷十三 十一 南直三 劉光

戰許嶼東洛七礁外洋生擒二十有三人賊百七十有奇溺水死者無算已未戰梅花港中竿塘等處生擒九人賊百二十有奇奪還所虜掠亦無算是役也血戰數十親冒矢石甲不解者月餘方轉鬪海洋直糧盡輒馳島中采稗食之三日而餉至其所摧敗震赫一時捷聞復賜金幣晉長浙江都司以疾予告歸隆慶戊辰 詔舉邊材言者交口材之起長福建都司討巨盜曾一本平之捷聞復賜金幣尋奉表入賀再乞歸辛未復起浙閩壬申晉徐宿歸德叅將亾何徙守蘇松萬曆初用大司馬譚公薦召爲後府都督

本朝分省人物考

卷十三

十三

南直三
揚海

僉事提督中外巡徼條便宜十事上之下部覆報可當是時所摻剔隱弊非一於掖門左藏譏防尤志貂璫貴戚多斂手避者時鳳年甫踰艾名聲籍甚一日忽語家人曰乃公倦遊歸矣曩吾在行間瀕死者且數而數以身免今至此非天幸耶天幸不可久居乃上書固請歸日偕閭里以詩酒禪誦自娛逍遙林壑者三十年而以病捐館舍蓋春秋七十有六矣

伊伯熊

伊伯熊字臣舉其先從海州沐陽徙於吳洪武初以閩右實京師遂占籍上元少有文譽屢爲典文者所

器重中正德丁卯鄉試庚辰就選深州知州富民請存投刺請罪存嘗獲罪前守林連者甚衆深人疑將爲前守復仇而前守適移書言深人短長伯熊謝曰人之善惡旬日異狀能改過卽良民也對衆焚其書深人始安前守公務弗辦府使下州督促不勝騷抑至則懲其慢令完其稽牒不旬日而具自是無有勾稽之擾乃節浮費均徭役招流氓辟荒萊獎黌校正禮俗而深以大治深地錯文霸寇劫肆掠乃增城浚堙簡士卒較騎射廣偵候山東鑛賊作亂聲張叢輔伯熊以公事出署者驅民登城守陴賊未至而民先

本朝分省人物考

卷十三

十四

南直三
揚海

疲比歸悉散遣之倡勇敢申保伍期寇至而乘城民使賊亦他徙州人張廷雄於賞三子者濟惡武斷持官吏陰事莫敢問亾何其子殺人廷自當歐殺罪而匿其子乾於勢家跡捕之置於法凡訟辭一覽卽洞情實吏畏悚莫敢舞文獄中常空諸上司有事畿內若清牘稽倉檢災覆獄無不事事當上意者癸未丁母憂服除改守祁州祁去深百餘里耳下車深人感德來謁無虛日守祁政尚寬簡佐以精明鎮守太監張某族殺人求援於張張曰知州豈冤人者耶他縣令嘗誤入人伯熊承委覆讞咸得直向之無理取勝

者曰伊公不可欺遂為吐實北方力役繁三歲一易
狡吏每得以為奸伯熊以冊籍正之貧富有等犁然
允當訟罰贖者多令人穀為飲散賑貸之法即歲稔
亦不為災李得四世同居榮以章服每造廬存問焉
陳泰以粟二千石略做義倉振鄉之不足則旌其門
凡士大夫之貧而有守者每加禮而問之在祁三年
以病致仕歸歸則習服氣養生之術然竟以卒將革
不亂詢以家事曰吾得正而斃足矣夫何言

金賢

金賢字士希國初自永平徙居江寧賢性資穎敏魁

本朝分省人物考 卷十三

十五

南直三 陳士儒

岸閔達少學易於吳公彥華之門窮探妙解有聲於
時晉江蔡氏著易說行海內乃與董生林輩推衍傳
授盡其精微登正德中進士歎曰聖人精蘊盡於易
矣而妙用見諸行事則在春秋學者不通春秋終不
達聖人之用遂取三傳及諸家之說研究異同發所
未發著紀愚若干卷其自序略曰昔壺遂問於司馬
遷曰孔子何為而作春秋哉自周道廢孔子知時之
不用道之不行也是非二百四十二年之中以為天
下儀表達王事而已矣若其誅亂臣討賊子內中國
外夷狄崇仁義黜詐力尊君卑臣貴王賤伯程子所

謂大義炳如日星衆人皆可得而知之學者非深於
道其孰能識之哉紀愚何為而作也曰今夫山草木
生之而樵者不能盡採今夫水魚鱉生焉而漁者不
能盡取聖言淵微義理弘博傳者雖多而各有所得
探之益深推之益廣譬之飲河者各充其腹而源不
竭此紀愚所由作焉其學識其大者如此初為仁和
知縣事上以誠接賓以禮御衆以義蒞事以勤文而
無害寬而不弛竟以抗守楊孟瑛疏復西湖數百餘
頃民賴其惠召人為兵科給事中時闕瑾擅國流毒
薦紳獨持大體不亢不隨嘗勘淮安獄正知府某罪

本朝分省人物考 卷十三

十六

南直三 陶見

明周給事自殺之寃雖拂瑾意而莫之能害他如論
宗室寘鐻逆謀議圻輔平寇利害於時都御史有治
軍無狀濫殺無辜者並見奏黜朝貴咸服其有識服
父喪再起轉右給事中時瑾既伏誅錢寧繼起亂政
以事見啣求補外避之遂出知大名府下車以後清
淹禁止橫政繩長吏之桀驁黜盜之牽誣民以安
堵乃繕城浚池興舉百度修于貢祠又以狄梁公寇
萊公有惠於郡為建祠置祀刻元城劉公語錄以興
學者地瀕黃河民罷障塞乃建議請疏支渠分殺其
流俾無泛溢為害郡藏有籛金三千兩不登於籍吏

言之曰吾不忍厚私以負國家遂白御史籍之官入
覲言官有不悅者漫詞誣劾乃改知福建延平府曰
官非吾志矣不往則跡不明因之郡受事者七日即
上疏乞骸不俟報而歸旋得請致仕日與朋舊爲樂
公卿不先加禮未嘗往見孜孜以興起後學爲念講
析疑義終日不倦讓舊業於諸弟子仍出歸橐之餘
治其家室婚嫁其友王太僕常歿嘗貸百兩以上往
哭之即曰嗟嗟欽佩毋念吾逋以恤而後於是義聲
重一時嘉靖戊子大禮成推恩進亞中大夫年七十
一卒於家

本朝分省人物考

卷十三

十七

南直三
劉仲文

李春芳

李春芳字子實句容人生而神穎不類凡兒常有神
麗眉鶴髮掖之行他人弗見也人益異之辛卯與計
偕歸詣海陵王良講性學復師事歐陽公德時談議
鋒出質言盈庭徐以片語剝剝各適其意歐陽大奇
之尋教授江淮屬大稜宗人幾不自存乃出所得修
脯佐給之雖在垂罄而好於急人之困丁未舉進士
太常奏對第一當久不利於公車一旦昂貴人方燁
羨而獨循循如無有遺書戒宗人毋驕貴母怙寵凌
物會授書內館故事多文具以此輩日侍 上左右

而情游解嫚漸以成習即一旦筦事奈何乃立科條
教督之掖庭永巷一時煥然未幾以修撰被 旨入
內直超遷學士太常少卿賜一品緋衣蓋異數也自
後恩寵日盛由吏禮左右侍郎三遷至禮部尚書勅
參閣務武英殿大學士已受顧命事 穆皇帝于亮
陰誅左道錄言官蠲負逋會有旨重建翔鳳樓極言
土木之費終 先皇之世海內騷然今朝政方新宜
與百姓更始而駁尋大興天下謂何 上改容謝之
竟罷工臺省應 詔上書語侵 貴人乘間泣懇
上前 上震怒幾出不測爲力言此輩朴忠無他腸

本朝分省人物考

卷十三

十八

南直三
劉仲文

願寬其誅以開言路收人心 上乃解諸帥臣言沿
邊鎮垣當虜衝宜戍臺以便防守有持異議以陰壞
其說者力言臺成而虜不得蹂躪長驅獨奈何惜小
費不計大利乃得請至今備禦賴之虜酋奄達愛孫
日把漢那吉者以勢窮單騎來奔奄達索之急願歸
亾納款貢市稱臣朝廷下其議公卿大臣廷辨不決
獨倡言爲從之便數十年之市不足當一日用兵之
費且殄無益之空質故無窮之釁端則從虜爲懷柔
拒虜爲失計矣 上是其議虜因受我符冊歸我遁
俘廟獻而市戮之邊陲按堵者數十年知經筵修實

錄大明會典 永樂大典皆為總裁官以六載考晉少師兼太子太師中極殿正一品俸廕中書舍人者再尚寶司丞一於是疏請歸養章七上乃得俞旨勅馳驛行人護送已又令禮部郎捧 勅存問於家既歸則角中私第歲時伏臘羣諸子姓緋衣蟒玉奉觴尊人前間或婆娑里社從三老問年穰置或浮白談劇巢雲終老不復與人世事卒以上壽終抑可謂功名成全孤標寡耦矣

樊鵬

樊鵬字少南其先徐州人始祖林從永樂征討功授

本朝省人物考 卷十三

十九

南直三 張天象

金吾右衛正千戶夾河戰死贈指揮同知子玉襲正千戶居應天傳四世而至鵬遭家中窘鬻菜菓以供食戎嘉靖進士授安州知州多惠政陞南京戶部員外郎轉工部郎中陞陝西按察僉事兵備固原以寧夏禦虜功受白金彩幣之賜嘗為檄招撫陷虜流民邊事多所籌畫督府劉天和甚器重之以母憂歸服闋而卒著樊氏集十二卷其序初唐詩曰詩自刪後漢魏古詩為近漢魏後六朝滋盛然風斯靡矣初唐無古詩而律詩興律詩興而古詩勢不得不廢又言初唐詩如春園草木穠生含蓄渾厚生意勃勃盛唐

則淘洗鋤治條理可觀生意稍薄矣鵬嘗遊於何仲默遊廷實呂仲木之門而與孟望之李子西等為詩文友故其談詩卓有所見云

楊成

楊成字全卿號水田其先楚桃源人以靖難武功隸南京留守成少而穎異稍長命業舉子即有遠志生十三喪母兼值多變益勵學晨夕罔怠弱冠遊武庠尋以世官讓其弟改遊京庠學行卓異京兆南渠王公器之嘉靖乙酉舉於鄉壬辰登進士第官南司馬部歷武庫車駕武選遷正郎蒞政京師密邇族屬嫌

本朝省人物考 卷十三

二十

南直三 梁仲德

黨義不違親情不弛法處之曲盡其善僉無後言名由是著庚子擢守嚴州嚴多山寡田俗尚勁悍務嗇較利下卑首罷牛憑之鬻民間孕而生女恒溺殺之以省裝費宣揭厲禁多所全活癸卯居父喪哀毀骨立丙午起復守萊州時萊民阻饑皇皇迫於催科比至親為閭災懇諸監司得蠲歲賦軍衛兵食嘗苦愆期為籌畫以時給之兵民感切已酉擢廣西副使駐節府江夷落羣集頑悍弗馴以德率服夷酋馴化夷有欲晉謁者慨然見之不疑出謂人曰鐵面劍眉真憲相不可犯也府江用是弗擾甲寅擢四川左叅政

治益廉靜無何乃求退休雖撫按慰留諄復其歸志竟不可奪成賦性慈和儉素無嗜紛華取與必以義事庶母孝處諸弟極其友愛俸鍰班諸昆季不爲私畜歸則索居歛跡以全高尚倘伴山水每喜賦咏如燈影細搖窗外月雞聲忽報屋頭霜可馳驟唐律一夕病中所賦有白石清江一酒樓黃花無語對人愁之句遂自知其不起仍扶坐析處家政縷縷至易簣時終無所亂竟以正終

殷邁

殷邁字時訓南京留守衛人生而氣貌淳靖有雅志本朝分省人物考卷十三 南直三 高州 居恒自奮曰學不究本原徒取世資無益也嘉靖辛卯舉於鄉及入太學與何善山游因聞陽明先生緒言益自砥礪辛丑成進士授戶部主事乞南政驗封晉文選郎中出爲江西參議擢貴州督學副使疏請致仕丁卯 穆廟政元起原官視學兩浙歷江西叅政按察使四川右布政晉南太僕卿請告還癸酉復起南京太常卿尋陞禮部右侍郎丙子南大司成缺視事數月復稱疾疏再上允致仕邁自筮仕至卿貳更四十年計其在官之日僅十三前後連起皆迫而後應始以南驗封考滿如京士論擬留之北銓力辭

不就乙卯提調江西試事稱得人于浙掄士一先德行諸生中有以出妻抵誣者獄久滯暴其在釋之在大僕時罔政寢弛吏因緣爲姦隨事振刷不辭煩細至典國學則申嚴功令開示名理六館士喁喁嚮風其得大體類若此初有志於學時求格致之義不得其說至哽咽終日究心中庸證諸內典已而澄思靜照久之忽有省自言一日于幽寂中恍惚見其良心始知此心虛融周遍而身內有形之心非吾心也其所得亦可窺其崖略矣平泉陸樹聲稱其坐鎮雅俗似房次律急流勇退似錢宣靖洞明宗要則楊次公本朝分省人物考卷十三 南直三 高州 晁大傳至其信道之篤不言而默成直無愧理學諸儒也所著有懲忿室慾編逍遙訣測言閒雲館野語行於世

王韋

王韋字欽佩南京人仕至太僕少卿父徽 憲宗朝給事中直諫有聲韋承志執節孝德純備歷仕留署確明職司金石不撓論詩專尚才情嘗言唐風旣成詩自爲格不與雅頌同趣漢魏變於雅頌唐體沿於國風雅言多盡風辭則微今以雅文爲近詩未嘗不流於宋也故其詩婉麗多致雋味難窮或者謂爲纖

弱過矣

許穀

許穀上元人字仲貽嘉靖乙未會試第一初仕計部改儀部轉天曹郎以文選遷南太常少卿尋謫浙江運副起為江西提學僉事仍遷南尚寶卿致仕歸家登臨詩酒油然樂也其詩溫厚坦易無劂刻苦澁之態後以耄壽卒於家

羅輅

羅輅字質甫號半窻江寧縣人廣東左叅議麟之子也生而穎悟過人博覽載籍為文頃刻數千言立就

本朝分省人物考

卷十三

二十三

南直三 劉汝忠

年二十一舉隆慶丁卯鄉試明年戊辰舉進士尋授中書舍人已巳冊封益王世子至藩邸諸所舉行咸中禮度竣事復命上疏懇乞就養得改南大理寺評事至家三日父無疾而逝人以爲獲奉終養爲孝感云癸酉起復仍補前官己卯擢江西袁州府知府首重學校申教茂士均定民賦創立團保悉去勾攝之擾嚴禁萍鄉之訟繕亭舍以振委候書鄉訓以化里社積穀修城汰差減役以調劇改贛州贛當閩廣湖湘要衝數患藁盜輅曰民無懈止奚而不盜乃禁革冗費刊除雜差寢兩司之防夫輅各衙門之執事票

銀不充私用社學不舉前規贛中食鹽多出兩廣私販所販之人歲餽郡吏故不能禁奏計總制歲取其利以濟軍務遂以爲制贛郡帖然都御史盛應期言江西劇郡莫若南昌又疏改守南昌至郡七月間太孺人疾遂棄官西歸連疏乞休稽遲再歲銓部憐其志復補南康郡瀕彭蠡乃創作巨堰水溢則舟人入堰以避風濤水落則泊堰下而民居亦賴以安其他省雇夫之銀革牙茶之弊親訊罪犯吏不能行其奸禁止寫丁冊不能隱其弊紡績農桑男婦雙課信牌定期鄉縣不擾尤深有益於南康者己丑擢江西按

本朝分省人物考

卷十三

二十四

南直三 劉汝忠

察副使整飭饒撫兵備越七月思母復上休疏未報還家五月而太孺人以壽終得無憾焉壬辰起復補四川按察副使整飭建昌兵備未至移山東甫三月擢順天府丞明年癸巳改大理少卿甲午晉宗室與撫臣構隙 上命往勘復命人皆稱平於是廷臣益多其才兩舉節鎮未幾而卒計聞賜諭祭春秋四十有九

張後甲

張後甲字丁也上世爲山東滋陽人始祖林以力士備宿衛從 文皇帝北征累功至鷹揚衛指揮僉事

世其官遂家金陵後甲生而嶷峻韶秀異羣兒而體
羸善病父母絕憐愛之年十四始令就塾師則已日
誦千言若發穎豎嶽嶽曹偶間矣迨補博士弟子所
屬文務根極理道不以擊悅爲工攻苦甚造次手一
編弗置踽踽弱不勝衣劬書未嘗言欲也萬曆丙子
舉於鄉明年上公車得雋禮部庚辰成進士謁選爲
楚辰州之推官精心爲理用法平而不苛念辰民舊
苦滯獄諸所訊鞫論報窮日夜爲之案牘無宿留者
諸生某以事忤豪右文致傳獄亟釋之後以孝廉舉
民有手斃女而誣人大辟者頌繫十年往矣卒爲白

本朝分省人物考

卷十三

二十五

南直三
劉仲文

其寃五開卒戕戕長當道號號憂蠶動立走健卒速
渠魁法之其黨立解散亾譁者署篆所至必爲民計
長久開社以課士積穀以備賑均徭以蘇困具可爲
絮令治聲滿三楚間嘗一再分校棘園所得盡知名
士爲法曹六年徵爲郎計部奉命督御馬草場往
中貴與賈人多謬飭筐篋市驩因挾以穴利一切峻
拒之弊乃大剗已出而監權清源清源地縮南北賈
舶鱗次緩則虞畜課急則虞蹈脂潤名比至首訓商
若第以實輸稅耳吾不爲淵魚察也諸商走市如鶩
是歲河涸而榷緩顧踰往時大司農才之復以司雲

中餉吏出納吏胥易緣輕重爲奸嚴覈之母敢上下
其手又謝絕長安諸貴人之爲鹽賈關說者一時餉
政修舉邊計賴焉久之以疾請告歸旣愈起補繕部
時以營建徵木姦商多飭小爲鉅牟羨利至不可訾
算一一引繩而程度焉中貴人數以不任斲相恫惴
弗爲動居數月晉四川按察司僉事治川東時方有
征播之役籌策行間機宜輒微中客兵橫所過郡邑
如螫乃以檄喻之人人啣枚而過民不知有兵也巳
部議移備兵於楚兩臺爲疏請得留治川北時部使
者涖閩中業以入賀行有日矣乃一夕馳至立決諸

本朝分省人物考

卷十三

二十六

南直三
劉仲文

務飈發霆斷亾不中窾者賀還值歲大旱露禱而雨
隨靈川人頌之亾何擢叅議復治川東川東民間其
至爭負數數百里迓之而竟以疾作浩然拂衣歸矣
時年甫艾耳竟以疾卒人咸悼惜之天性孝友髫年
父昭毅公病疽泣吮其血弱冠母病瘍終夜籲禱願
以已算代有鮮衣輒解以奉兄盡推先人遺產讓之
且代償其宿逋親族有急或婚葬不能舉損貲佐其
費自奉無重綺兼味任真守素泊如也生平負人倫
鑒一當賞識後皆脫穎爲理官時分校楚闈所得盡
才名士郭宗伯何閣學滿岡卿皆所手拔也居鄉未

嘗以刺通公府有緣兩造求緩頰者必正色距之顧時時陰為地方畫便宜事且行矣終不言其德士大夫有慕其名造廬者財一為報謝此外杜門却掃自文酒賞慶外人莫能窺其面也為人溫栗而敏練動止有常不失尺寸至寄情玄澹夷然穆慎即至啟手足而神志無怛蓋其中之所寄遠矣

焦瑞

焦瑞字伯賢國初以武功隸籍旗手衛為千夫長遂家金陵為人清方愿勅不妄語弱冠為應天府學生以家督當戶生事甚窘藉受徒為活然來請業者束

本朝分省人物考

卷十三

二十七

南直三 劉汝德

修之問必程其學而後受有終歲不受一錢者曰教未有益也累試不第以選貢授靈山令時一條編法已行十餘年有司以僻遠里甲之供如故瑞至首罷之民始灑然有更生之望縣多叢篁密箐群盜嘯聚其中督府檄節推劉往剿之賊執劉將加害瑞率眾往援賊見驚拜曰此真吾父母奈何犯之遽斂眾去乃援節推而還俘斬且眾竟不上功幕府故賞亦不及焉嶺南去天萬里仕者率取明珠翠羽以自潤漁利之孔百端悉罷之有牛稅沿為縣用瑞亦貯之庫絲粟之費以月俸償之不支一錢縣產熊膽天竺黃

花石諸物上司不時需索皆力辭百姓恐失之咸願輸以緩其怒固不從然竟其去亦無取靈山一物者時賊猶不時興發瑞慮武備單弛檢諸兵日訓練之以銀為射的中輒賞之由是諸兵競勸賊不敢近見邑士多不勤於業躬督課之日夕靡倦月試輒加賞勵由是人人自奮權相柄國賦歛嚴急鄰郡縣爭趨為刻深赭衣塞道於是歎曰吾安忍以民命博一官乎遂以疾告歸徒步辭上司不復駕靈山輿矣先是督賦嘗出俸百金為民代償去官未幾輸者滿額攝者盡以返之卒不納曰吾業已心代之不忍易吾心

本朝分省人物考

卷十三

二十八

南直三 劉汝德

焦竑

焦竑字弱侯別號漪園學者稱為澹園先生先世山東日照隸南京旗手衛籍竑生有異質聞道甚早而好學雖至老不倦幼師其兄鏡川公年十六應童子試督學趙公大奇訝之昆陵方山薛公見其文爽然稱異嘉靖甲子年廿四舉於鄉乙丑下第益淬勵身心性命之學以耿恭簡羅肝江兩先生為師時時以古學相切劘恭簡構崇正書院遊十四郡之雋羣鼓

鑄之屬竝領其事適恭簡忤權里居擔登入楚借遊
天臺大邕厥旨內外兼融自是以斯文爲已任屢困
公車萬曆己丑始舉會試第七人 廷對臚傳第一
天下咸以不愧科名歸之時司寇李司徒温餉金爲
費遣還兩公曰何得儉約至此竝曰無心爲儉但覺
無事於此耳京兆欲爲樹棹楔謝以賑饑東省亦欲
表於鄉里竝曰幸爲田饋粥宗人足矣授修撰讀書
中秘往歲貢廷試文憊者率罷歸竝讀卷惻然曰嘻
其甚也爲具言老生需次久矣一旦罷去終無路得
沾升斗且廣文席卽老居獨不能授伏生一經乎自
本朝分省人物考 卷十三 二十九 南直三
是老生始絕無報罷者壬辰分試禮闈所舉拔皆名
流雖三場廢牘亦品騰多方曰吾無負天下士也是
歲持節封周藩盡却餽遺癸巳還 朝會開史局南
充相公意專屬竝乃更謙讓未遑爲條四議以進然
正史卒不就於是網羅四海舊聞爲獻徵錄百二十
卷受書中貴往第爲具文耳竝曰此輩今之刑餘異
日 天子之昵近也乃取古寺人垂芳遺誠教之中
貴皆溷雪自喜甲午 詔簡 東宮講讀官遴者僅
六人竝與焉卽毅然以輔導自任嘗講次值鳥飛鳴
過之偶移 睿覽卽肅立輟講 東宮斂容以聽然

後復講取典籍中可備勸戒者繪圖演之名養正圖
解 神宗詳加省覽温旨慰藉丁酉順天典試事忌
者取士子牘中二三奇險語以爲壞文體調外任後
事得白所司推擇爲同丞最後推南雍司業而年已
七十矣生平養深性定無旁睇無倚容澹然於得失
之場家居廿載如一日惟問奇之屢常滿戶外擁書
數萬卷日哦咏其中有若寒生副墨之傳得其片楮
剩牘爭珍襲之所著有 東宮講義解易筮禹貢解
考工記解老莊翼陰符經解支談焦氏筆乘續筆乘
焦氏類林澹園集澹園續集澹園別集經集志俗書
本朝分省人物考 卷十三 三十 南直三
刊誤遜國忠節錄京學志獻徵錄詞林歷官表玉堂
叢語以泰昌元年卒得壽八十有一計聞 上念其
講幄功予祭二壇增秩官諭廕子一人入太學
王 顯
土顯自號溪漁子江寧人少脫畧不拘與羣兒嬉遨
輒處其上而什伍部署之令之曰之左則趨之左曰
之右則折而右無敢過視者其父素長者常禁切之
納之學使讀書時時棄去不肯帖帖諸生間而所業
未久卽過諸生數倍諸生大畏之其師亦奇之謝曰
子非吾曹人也顯亦自雄真才志嘗往來江淮之南

結交大俠異人論古人功業遇當其意徘徊歎息仰天拊髀若有意於從之遊也與天台右張較最善右亦豪士善擊劍知兵而長於為文較陽狂飲酒自放於歌詩二人皆自負高一世嬰豎視同列顯在淮上嘗釣海濱望見二人踞坐大笑二人者知其非庸人也即與之語大驚異其所為引歸逆旅主人出酒相飲攝衣跣行起舞為樂驩聲撼林木每辨難古今折衷損益根抵理道識者知其非狂生或不識其為人共矚指笑之以為真狂或又疑其為神仙人云顯舉若不聞遇適其志鮮衣怒馬行眾人中見者爭觀

本朝分省人物考 卷十三 三十一 南直三

之否則被污垢短衣遂躡市人後市人吁之弗辭也後顯盡悔故所為買書千餘卷伏而讀之為文章奇偉伉健然耻以自名常曰漢無儒者惟賈生諸葛孔明唐人陸贄粗有識耳夫所貴乎學將以輔天地所不及不然多讀書何為識溪漁子者聞其論高愈疑之終莫能測其為何如士也

謝 璿

謝璿字文卿一字子象先世自贛徙家金陵璿八歲善詩客命賦暮秋援筆立就至紫塞風寒鴈叫霜客驚嘆呼為奇童稍長從工部郎吳元玉學見其詩曰

深林下馬蒼苔滑野寺入門秋爽多擊節鑒賞謂雖長宿不易逮也自是日就深博吏部侍郎柴墟儲公為南考功作檀園詩社引與諸文士聯句往往出奇絕眾器局雋朗才情綺麗負氣自好不與俗伍與達人高士論古今商文藝據案高談如倒囊積或酒酣引紙命辭常屈一座兄弟四人各善詩畫風流清邁時擬謝庭諸郎公侯貴人往候與之分庭抗禮貌不加意每應舉率用古文字作經義累十舉不第乃擲筆於地曰吾本不樂為此奈何效老驥局踏車下邪且鴟鷺其儀者立朝鹿豕其性者居野吾乃今知既

本朝分省人物考 卷十三 三十一 南直三

往之誤也退耕國門之南自號野全子鄉人稱曰野全先生又以其美鬚髯行九稱曰髯九翁所著有采毫錄東村稿西遊錄在客稿日得錄廣陵雜錄湘中漫錄總若干卷臨終囑其子少南曰爾能貴圖志吾墓弗能毋以士題墓門吾所厭也後少南果舉進士有才名歷官按察副使詔贈璿如其官

劉 閔

劉閔字子賢六合縣人幼有至性少長知學動循古禮造次不苟家甚貧極力養母定省溫清疾不解帶母或恚怒則衣冠跪床下竟夕不敢起以父早亾與

祖母二喪不克葬遂斷酒肉遠房室訓徒鄰邑朔望則號哭於殯所如是者三年隣族憐之爲助其葬毋歿哀毀骨立廬墓側衰經蔬食終其喪祭祀必齋沐率男婦奠獻亦如文公家禮閨門嚴肅妻失愛於母出之終身不復娶林少保俊起留臺疏於朝曰劉閔學行高古雖詞藻不逮而德宇道風人自難及宜徵侍青宮講讀不報御史宗彞知府陳效又薦之詔授本縣儒學訓導前後按部大夫及守令率與鈞禮時致餽以賙其乏所著有家禮考註昭穆圖宗子說五倫啟蒙孝經刊誤等書藏於家姪孫自省鄉舉歷長

本朝分省人物考

卷十三

三十三

南直三
劉光

沙府同知持身敦樸臨事周慎頗有閔家風

徐霖

徐霖字子仁金陵人母沈禱於南禪寺夢神僧投見有娠將誕復夢登浮屠墮而寤遂生霖廣面長耳體貌偉異機神夙解不同常見五歲日記小學千餘言七歲能賦詩九歲大書輒成體通國呼爲奇童奉母孝事兄如父各致驩愛年十四補弟子員放筆工文章聞譽益起督學御史浮梁戴公珊山陰司馬公璽每試必稱曰奇才奇才然任放不諧俗忌刻者常側目待之竟遭誣黜落霖曰已矣士固能自費豈專在

青紫邪由是博極羣籍究作者之情嘗曰詩文以理致爲宗達斯迺登大雅否則雖金鳴錦爛但浮藻無益也故平生不易下筆但一篇成人競玩繹王公大人迎致賓禮屏障得其揮灑重於金玉聲沛夷裔朝鮮日本使臣得其書者什襲珍之武宗南巡近侍上其詞翰詔見行宮愛之兩幸其宅賜一品服及雜器命扈從還京將授美官會武皇崩竟復還不可謂非命也性好游觀聲伎之樂築快園於城東廣數十畝其中臺池館閣之盛委曲有幽况卉木四時不絕善製小令得周美成秦少游之奧又能自度曲棋酒之次命伶童侍女傳其新聲蓋無日不暢如也所述有南京志若干卷乞下應天府給筆札繕寫進御所著有端居詠遠游紀北行稿皖游錄古杭清游稿麗藻堂文集快園詩文類選中原音韻註釋續書史會要以系出松自號九峯道人或稱爲快園叟或羨其美鬚髯又呼爲髯仙老貌豐潤行步似飛雖寒暑劬書不倦忽病遽逝或痛其無官然藝擅一代名震八極盡其風槩九原可瞑矣

本朝分省人物考

卷十三

三十四

南直三
劉汝忠

李疑

李疑字思問居通濟門外閭巷子弟執業造其家得

粟以自給不足則以六物推人休咎固貧甚然獨好
周人急金華范景淳吏吏部得疾無他子弟人殆之
不肯舍杖踵疑門告曰我不幸被疾人莫舍我聞君
義甚高能假我一榻乎疑謝許諾延就坐除明爽室
具床褥爐竈使寢息其中徵醫視脉躬為煮糜煉藥
且莫執其手問所苦如事親戚既而疾滋甚不能起
洩矢汗衾席臭穢不可近疑日為刮摩浣滌不少見
顏面景淳流涕曰我累君矣恐不復生無以報厚德
囊有黃白金四十餘兩在故逆旅邸願自取之疑曰
患難相恤人理宜爾何以報為景淳曰君脫不取我

本朝分省人物考

卷十三

三五

南直三

死恐為它人得何益乎疑遂求其里人偕往携以歸
面發囊籍其數而封識之數日景淳竟死疑出私財
買棺殯於城南聚寶山舉所封囊寄其里人家往書
召其二子及二子至疑同發棺取囊按籍面還之二
子以米饋却弗受反贖以貨遣歸平陽耿子廉械逮
至京師其妻孕將育眾拒門不納妻臥草中以號疑
問故歸謂婦曰人孰無緩急安能以室廬自隨哉且
人命至重倘育而為風露所感則母子俱死吾寧舍
之而受禍何忍死其妻子乎俾婦邀以歸產一男子
疑命婦事之如疑事景淳踰月始辭去不取其報人

用是多疑名士大夫咸喜與疑交見疑者皆曰善士
善士疑讀書為文亦可觀嘗以儒舉辭不就然其行
最著云

本朝分省人物考

卷十三

三十六

南直三

本朝分省人物考卷之十三



人物考卷之十四目錄

南直隸鳳陽府

徐達

常遇春

韓成

傅友德

沐英

趙德勝

李文忠

鄧愈

馮和

馮國勝

補遺

李善長

本朝分省人物考 卷十四目錄

南直四



本朝京省人物考卷之十四

南直隸鳳陽府

徐達

徐達鳳陽府鳳陽縣人元至正癸巳天下大亂我

太祖集義旅達來麾下年二十有二初授鎮撫周旋

二年上視其動靜語默悉超羣英於是拔諸將上

乙未以身脫上於危難已而從渡江下采石定太

平擒陳也先丙申二月破蠻子海牙舟師三月從征

入建康命為大將浮江東下取京口一日克其城

授鎮江翼元帥府統軍大元帥未幾轉江南等處行

本朝分省人物考 卷十四

南直四

樞密院將數萬人攻圍毘陵張士誠遣其弟盛兵來

援迎擊破之既而厄於牛塘與常遇春夾擊敵眾擒

其將張德復圍毘陵丁酉二月克之陞僉院繼克寧

國八月以馬馱沙戊戌十月克宜興十一月上親

征婺州命守建康己亥四月池州捷聞陞奉國上將

軍同知樞密院六月上自浙還遣西征皖城既旋

自無為登陸至浮山砦擊敗趙普勝部將胡總管因

克潛山庚子五月設伏敗陳友諒於池州張士誠兵

寇宜興城陷率師復之辛丑三月拜江南等處行中

書省右丞八月進攻江州陳友諒棄城定武昌乃屯



兵漢陽之夏口以遏之回守江州尋召歸次中途令復守江州比至陳兵已入達遣兵與戰陳兵潰俘斬數千獲其眷屬壬寅下豫章命征武昌會豫章內變旋師討平之癸卯三月張士誠北寇壽春從上往援為前部張兵敗北轉攻廬州將下屬友諒大兵寇豫章遂罷圍歸整舟師從 上討之七月師次彭蠡友諒逆戰遂身先諸將敗敵奉命還守建康自是諸將效勇竟殲友諒甲辰正月陞左相國二月武昌平遂取廬州江陵常德等處乙巳十月取淮東丙午三月克高郵四月克淮陰安豐八月總兵二十萬東取吳

本朝分省人物考 卷十四 南直四

越鏖戰於湖州皂林之野生擒張兵六萬不戮一卒盡赴京師十一月師抵姑蘇營於葑門分遣別將於婁胥閭諸門又築長圍困之架木塔與城中浮屠等築臺三穴下瞰城下城中震恐明年二月遣人自軍中請事 上降勅獎勞且云自後軍中緩急將軍可便宜行事時姑蘇城堅難猝破無錫莫天祐與張士誠為聲援其部將楊茂善游水天祐遣為偵羅卒獲茂送達釋而勞之待以心腹於是累遣茂往來因得士誠天祐虛實知城中困乏乃親督兵攻破之九月縛士誠送建康論功召見於戟門封信國公十月命

為征虜大將軍帥諸將北取中原十一月克沂州降王宣取益都克東郡縣相繼款附十二月下濟南所過輯兵守禦兵不民擾戊申 上即帝位加銀青榮祿大夫上柱國錄軍國重事中書右丞相信國公兼太子少傅二月克樂安三月引兵上黃河汴梁守將李景昌遁四月下洛陽長驅嶠函直抵潼關守者拒戰命馮勝拔之七月渡河取衛輝彰德廣平趙州由臨清上德州取長蘆至直沽獲其海舟作浮橋以濟師又令副將常遇春都督張興祖各率舟並河東西以進令步騎遵陸而前元丞相也速等望風奔走克

本朝分省人物考 卷十四 南直四 王國瑞

河西務通州元主及其后妃太子北走八月庚子進取元都至齊化門命將填壕登城而入達登齊化門樓執其監國宗室淮王帖木兒不花右丞張康伯等戮之封其府庫及圖籍寶物又封故宮殿門以兵守之官人妃主令其宦侍護視號令士卒無得侵暴人民安堵市肆不移既而順德守將吉右丞相胡叅政等皆自西山來降復獲前樂安逃將俞勝及南叅政等乃遣使赴京獻捷 上大嘉賞是月承詔置燕山等六衛以守禦北平十一月發北平取山西所過擇人守要害及平未附山寨十二月將圖太原謂諸將

日聞擴廓帖木兒率師遠出太原取道保安以攻北平孫都督總六衛之師足以鎮禦若乘其不備直抵太原傾其巢穴則彼進不得戰退無所依此兵法所謂批吭擣虛者也若彼還軍救太原則已爲我牽制進退失利必成擒矣遂引兵徑進擴廓帖木兒至保安聞之果還兵達遣精銳夜襲其營擴廓聞變倉卒不知所出急踰帳後乘驛馬遁去遂克太原復遣薛顯傅友德擊賀宗哲等軍於石州而忻霍絳平陽等處皆平二年取鹿臺河中關中進克鳳翔會諸將議師所向諸將咸欲先幽州取慶陽後從隴西攻臨

本朝分省人物考 卷十四 四 南直四 劉憲

平章姚暉等知事不濟獻門納師良臣設井中引出斬之陝西悉平三年復總兵征沙漠大破王保保軍於定西遣將取興元復西平土番征哨極於西北始還是冬大封功臣授開國輔運推誠宣力武臣特進光祿大夫右柱國太傅中書右丞相進封魏國公叅軍國事食祿五千石賜誥命鐵券仍賜文綺百疋四年賜地若干頃佃戶若干戶守墳人百五十戶儀仗戶二十家復賜第京師表其里曰大功坊五年北征還命沿邊輯守歲鎮於燕口外餘民自是收盡生養休息海內無虞十七年召還至冬疾作 上遣使馳

本朝分省人物考 卷十四 五 南直四 余孟德

召名醫視之及禱於神祇弗瘳明年二月薨年五十四 上慟悼罷朝親爲文祭之追封中山王謚武寧賜葬鍾山之陰親製神道碑旣備其功又稱其平昔言簡慮精當提兵之時令出不二諸將敬若神明所至攻城不屠與人不戲凡受命而出及功成而旋每不自矜至於封姑蘇之府庫置胡宮之美人財寶無所取婦女無所愛忠志無疵昭明日月復命享祭太廟塑像祭於功臣廟位俱第一

常遇春

常遇春懷遠縣人賦性剛直膂力絕人歲壬辰羣雄

並起江淮鼎沸時年二十有三為羣雄劉聚所得每
 出戰必鼓勇爭先聚深喜之遇春察聚無成欲擇所
 依乙未聞 太祖駐兵和州領眾數十人來歸居兩
 月餘請為前部先鋒 上曰爾姑從吾渡江俟克太
 平委身事吾未晚夏六月 上先抵采石磯元兵陣
 於磯上磯下巨舟如織相距僅三丈猝難登岸遇春
 即捨舟渡戈先登眾皆披靡遂拔采石乘勝取太平
 始授總管府先鋒冬十月陞管軍總管丙申春二月
 元中丞蠻子海牙復以兵屯采石命遇春統兵攻之
 遇春至設疑兵以分其勢而以正兵與之合及戰則
 本朝分省人物考 卷十四 六 南直四 余五德

策其必攻池州以羸弱守城伏銳士於九華山明日
 友諒果來伏兵四合俘殺萬餘六月 上整舟師襲
 友諒留遇春守京軍民無敢譁辛丑三月拜江南行
 中書省叅知政事七月從 上取安慶破江州回守
 龍灣十一月張士誠寇長興命遇春往援俘殺五千
 餘人壬寅羅友賢構亂據池州神山寨將與士誠通
 杭欵震動令遇春往攻之癸卯正月擒斬友賢餘黨
 悉平三月張士誠遣兵圍劉福通於安豐遇春從
 上擊之將戰遇春突入其陣三戰三勝敵兵大敗而
 去遂同徐達圍廬州凡三月適陳友諒攻南昌遇春
 本朝分省人物考 卷十四 七 南直四

出奇兵擣敗之悉俘其精銳自是元兵扼江之勢衰
 矣尋守溧陽攻建康功為諸將先三月從徐達克鎮
 江九月再攻常州會新軍叛去與偽吳張士誠合徐
 達被圍於牛塘遇春與諸將力戰大敗之擒梟將張
 士德十一月陞統軍大元帥丁酉三月克常州遷中
 翼大元帥四月從徐達下寧國八月克馬駙沙十一
 月取池州戊戌春擢江南行中書省都督馬步水軍
 已亥四月轉鎮國上將軍同僉書江南等處行樞密
 院事十二月攻杭州庚子夏還京師從徐達攻拔安
 慶趙普勝之水寨時偽漢陳友諒揚言援安慶遇春

解圍而還秋七月從 上率諸將往援八月遇友諒
 於彭蠡湖遇春與之聯舟大戰呼聲動天地無不一
 當百縱火焚偽平章舟風急火烈湖水盡赤敵將張
 定邊中天走友諒乃退保鞋山諸將逆流而上舟蔽
 江面控湖口者旬有五日友諒食乏出江求戰遇春
 遣火舟火筏禦之敵兵奔潰追北數十里自辰至未
 不解 上所乘舟及遇春舟皆膠於沙遇春既脫御
 舟而已舟被圍復力戰而脫於是友諒中流矢死士
 卒皆降未幾其臣立友諒之子理於武昌冬十月遇
 春帥師討之四面合圍甲辰二月理啣璧出降荆湖

之地皆附陸中書平章政事七月從徐達取廬州八月遂自將兵平臨江之沙坑麻嶺諸寨進攻熊天瑞於贛州乙巳正月克之悉定南安南雄韶州上褒諭曰予聞仁者之師無敵非仁者之將不能也今將軍破敵不殺是天賜將軍以奠我國雖曹彬之下江南何以加焉軍還頒賞復獎勞之夏五月取安陸襄陽十月從徐達克泰州丙午三月從克高郵四月淮安濠泗徐宿安豐皆下八月諸將攻浙西師次太湖偽萬戶尹義等逆戰遇春擒之直趨湖州之昆山水陸鏖戰敵兵大潰遂抵城下晝夜環攻之偽丞相張

本朝分省人物考

卷一四

南廬四

士信悉發境中兵爲援屯於舊館遇春統奇兵出敵背絕其歸路士誠知事急出親兵拒鬪遇春一鼓勝之士誠復遣其將徐義統赤龍船親軍來援復擊敗烏鎮堡寨十月舊館降得兵六萬十一月湖州亦下遂進圍平江丁未圍之益急士誠收合餘燼背城百戰降其將士且盡秋九月始克之縛士誠來獻藉其兵二十有五萬乃加授中書平章軍國重事疏封鄂國進爵上公冬十月復授征虜副將同徐達奉命北征戊申上卽帝位加銀青光祿大夫上柱國兼太子少保與達下山東諸郡遂攻汴梁守臣李景昌遁

攻河南敵兵五萬屯於洛水之北將出戰遇春布陣既定單騎執弓矢衝入其隊敵發二十騎攢槊刺遇春遇春一箭中其前鋒大呼殺入悉獲其衆而河南諸城先後皆平七月達與遇春渡河河北諸郡又平八月二日燕都不戰而克元君北奔九月下保定中山十月取真定十二月師次太原守將擴廓帖木兒帥衆來禦其鋒銳甚遇春與達謀曰我騎雖集而步卒未至何以能戰莫若遣騎夜劫其營其衆可亂衆亂主將可縛也達如遇春言擴廓帖木兒果中傷而遁已酉正月進攻大同竹貞棄城走追擒之遂西入

本朝分省人物考

卷十四

九

南廬四

秦張良弼道李思齊迎降奉先鳳翔鞏昌臨洮又平五月元將也速兵侵通州召遇春東還拒之遂搗永平度鹿兒嶺至大寧也速遁破開平元君又北奔追至北河俘其宗王三人及平章鼎住等凡得軍士萬人車馬無算全師還燕次柳河川得疾而薨年僅四十訃聞上震悼罷朝廷臣莫不灑泣越明日詔中書定議贈翊運推誠宣德靖遠功臣開府儀同三司上柱國太保中書右丞相追封開平王謚曰忠武八月朔日柩至龍江上親製文躬往祭之祭畢慟哭而還命擇地於鍾山草堂之原營基建祠旣葬

上念其功不置乃召儒臣撰為神道碑文配享

太廟肖像祭於功臣廟位皆第二遇春為人守謙不

矜有功無過運籌決勝不學而能其從大將軍東征

西伐能遵守節制及其自將所至無不克捷其在

上前或時有直諫無不嘉納真開國之殊勲也長子

茂以父蔭封鄭國公賜誥券次昇封開國公次森皆

上所賜名長女許為皇太子妃

韓成

韓成虹縣人有勇略壬辰從太祖舉義率先戎陣

攻徐克泗破諸山寨甲午克滁州授鎮撫守禦乙未

渡江拔采石太平攻蕪湖丙申克金陵鎮江等處陞

元帥守金壇從攻常州敗援兵解牛塘圍遂取揚州

從下婺州復池陽戰龍江擣江州下南昌皆有功陞

帳前總制親兵左副指揮使侍帷幄從援安豐攻廬

州偽漢陳友諒兵圍南昌成從上親征大戰於鄱

陽湖自戊子至庚寅三勝之後酣戰被圍一時羣將

計無所出成進曰臣聞古之人有殺身以成仁者臣

不敢辭遂賜成龍袍冠冕與上服同對賊眾投水

中賊遂退友諒敗死上還建康謂中書省臣曰自

古兵爭忠臣烈士往往以身殉國朕與陳友諒戰於

鄱陽韓成效忠死敵朕念之不忘爾中書其議所以

崇報之禮贈高陽郡侯建忠臣祠康郎山命有司歲

時祭之

傅友德

傅友德宿州人少驍勇多力擊刺騎射冠絕一時初

走武昌從陳友諒忽無所展聞上伐江州乃以

所部謁見於小孤山上奇之俾為別將屬常遇春

援安豐掠廬州還從擊陳友諒於鄱陽湖友德輕舟

盪其鋒身被數創戰益力復與諸將邀之禁江口友

諒死復從上圍武昌城東南有高冠山下瞰城中

上顧諸將誰能奪此山者賞友德即率萬人先登

一鼓而奪之流矢中頰鏃出腦後不為沮武昌平超

授指揮使復從徐達下廬州西取夷陵略衡州襄陽

俱取之與元守兵戰身被九創破掘其將任亮還師

進逼淮安破張士誠援兵於馬驢港復大破元將竹

貞於安豐上即吳王位之元年友德守彭城而王

保保大將李二來寇勢張甚友德度兵寡不敵伺其

眾方肆掠率步騎二千自呂梁渡直趣擊之單騎刺

驍將韓乙墜馬師乘而進遂敗之友德度賊且復至

開城門陣於野使皆臥鎗以待聞鼓即起李二果盛

本朝分省人物考 卷十四 南直四 高 尚

本朝分省人物考 卷十四 南直四 劉 憲

兵至輕我師寡競而鬪友德鼓之士騰躍搏賊遂敗之縛李二以獻 上大悅召友德還建康進江淮行省叅政命以麾蓋鼓吹送歸第明年大將軍北征友德從破沂州斬其將王宣下青州元丞相也速率數萬騎來爭大將軍設伏友德以輕騎五百爲誘敵追至伏而迴師擊之伏盡發也速敗走遂取萊陽明年從取東昌樂安復從克汴梁及收諸山寨復從渡河取衛輝彰德遂東取廣平滄德進克元都以精騎偵邏諸隘掩其殘卒略大同而還從徇保定中山真定皆下遂克太原王保保自保安來援兵未交萬騎突至友德帥死士五百拒却之因夜伏兵掩其營王保保乘驛馬走友德追至土門關盡獲其士馬復敗賀宗哲於石州逐竹貞至宣府復從大將軍西入關走張思道於鹿臺逼臨洮降其大帥李思齊關陝悉平明年復從大將軍擣定西大破王保保收其士馬輜重移兵伐蜀友德領前鋒出秦州奪略陽關虜其平章蔡琳遂入沔分兵入連雲棧合攻漢中克之以饋運不繼還軍西安蜀將吳友仁謀復漢中兵大至友德以精騎三千攻斗山寨夜令人持十炬列山上蜀兵驚遁凱旋大封功臣授穎川侯食祿千五百石尋

本朝分省人物考

卷十四

十一

南直四
王國瑞

進同知大都督府事是歲冬議伐蜀征西將軍湯和副將軍廖永忠由瞿塘以舟師趣重慶友德爲征虜副將軍由秦隴以步騎趣成都既受命 上復密諭友德謂蜀人聞我西征必悉精銳東守瞿塘北阻金牛以抗我師若出其意外直擣階文門戶既隳腹心自潰兵貴神速但患不身耳友德至陝卽趨陳倉選鋒攀緣山谷晝夜行大軍繼之直抵階州蜀斷白龍江橋阻我都督汪興祖躍馬直前中飛石死友德奮攻拔文州兵渡白水江遂趨綿州至漢江造戰艦將進兵漢州夏丞相戴壽太尉吳友仁悉衆守瞿塘聞友德破階文擣江油壽友仁分瞿塘守兵還援未至友德舟師逼漢州敗其將向大亨遂迎擊壽兵敗之拔其城七月壽大亨以成都降湯將軍亦克重慶等處友德分兵盡下川蜀諸郡縣十月還京明年副征西將軍馮勝由西路出金蘭友德先率驍勇五千騎馳趣西涼遇元將失刺罕戰敗之至永昌又敗其將朶兒只巴進略甘肅手射殺平章不花降太尉瑣納兒等計獲馬牛羊十餘萬是時師出三道獨友德獲全勝踰年大軍復出雁門巡長城外友德爲前鋒虜聞之絕漠徙去追獲其平章鄧宇羅帖不見等還軍

本朝分省人物考

卷十四

十一

南直四
張天叙

鎮北平上疏言便宜五事 上報曰將軍言是其下
 所司悉從將軍尋召還同中山侯和發兵駐延安以
 備伯顏帖木兒偽請和 上乃陽召和還而留友德
 以誘之伯顏帖木兒果入寇友德設伏縱擊大破之
 獲其士馬輜重無算 上將下雲南命友德巡行川
 蜀永寧等處修城郭繕關梁撫納金筑普定等諸土
 夷皆納款還獻馬五百疋 上別選內廐良馬十五
 疋賜之虜乃兒不花寇邊復從大將軍達出塞抵北
 黃河夜覆其灰山寨十四年命為征南將軍率左副
 將軍藍玉右副將軍沐英諸徹侯大將步騎三十萬
 本朝分省人物考 卷十四 十四 南直四
 張天叙
 討雲南軍行 上親餞之龍江友德行二十日至湖
 廣分遣都督胡海洋等選精卒五萬由永寧趨烏撒
 而自率大軍由辰沅趣貴州進攻普定克土酋安瓚
 羅冠犵諸苗望風而降至普安復攻下之遂進兵
 曲靖梁王把匝刺瓦爾密遣其司徒達里麻來拒戰
 友德用右副將軍英策勒兵至白石江揚聲欲渡而
 別遣精卒數千從下流掩其背眾亂友德乃麾眾畢
 渡遂大破之擒達里麻俘其眾以萬計友德縱之歸
 農謹聲聞遠邇友德遂自率眾鳩烏撒而遣兩將軍
 趣雲南梁王走死雲南平分道徇鄰邑之未下者友

德兵已抵烏撒欲通胡海洋兵循格孤山而南諸蠻
 皆遁遂城烏撒工甫集蠻復大至友德故持重不戰
 以老之士踴躍思奮乃前為陳蠻麩集友德鼓士騰
 赴遂大破其眾斬首三千餘級蠻遁遂城烏撒得七
 星關以通畢節於是東川烏蒙芒部俱請降威楚曲
 靖澂江及諸路亦降左副將軍藍玉等復進兵下大
 理虜其帥段世分兵取鶴慶略麗江蕩金齒雲南悉
 平乃 詔友德王等還京而右副將軍英以數萬眾
 留鎮之友德入見宴勞有加進封穎國公子孫世襲
 以 皇女歸其子忠尋以左副將軍同大將軍勝北
 本朝分省人物考 卷十四 十五 南直四
 襲虜於金山盡降其眾尋召還率辰沅貴州諸衛兵
 討平廣西之韃靼反者東川蠻復叛率諸軍往討之
 且討越州之叛酋阿資道築平夷千戶所進擊阿資
 破之遂平平越諸叛苗 詔還軍駐沅州尋召還京
 為征虜前將軍率副將軍趙庸曹興等赴北平從燕
 王襲元太尉乃兒不花等降之悉收其部落 詔以
 諸降將還朝尋命援信國公和例還鄉賜黃金三百
 兩白金二千兩綾綺三十疋給兵百二十人為衛再
 以征虜將軍率王弼郭英等於山東北平諸屬衛選
 練精卒備邊尋從燕王捕諸番將阿失里等復命同

宋公勝凉公玉往陝西練將士未久召還復出理山西諸衛兵已副宋國公總山西河南兵馬屯田公侯在事者悉聽節制還進兼太子太師自藍玉敗友德與宋公相繼暴卒子孫不得襲封云

沐英

沐英定遠人父母蚤亡 上收為子既長機穎過人與李岐陽等俱冒國姓賜名文英數從上征伐入侍帷幄晝夜勤勵目無迂視上心器之壬寅年十八為帳前都尉從守鎮江居四歲擢親軍指揮使加授昭勇大將軍以所部從下福建擒偽平章陳友定洪武

本朝分省人物考

卷十四

十六

南直四

元年歸其沐姓而單名英擢鎮國將軍三年僉大都督府事明年進榮祿大夫同知大都督府事時都督不為階官而英特受九年命乘傳繇陝西巡行諸路布上恩惠事有不便者輒更置而後聞且使練諸部兵以待明年遂副寧河王征西番西渡黃河略烏思藏耀兵至於崑崙轉戰數千里俘虜士卒萬計師還而寧河王道卒英代將其眾還京師封西平侯食祿二千五百石賜鐵券又明年拜征西將軍窮追西番降元萬戶乞失迦夷其部落擒洮州十八族番酋并其眾二萬餘雜畜二十餘萬平朶甘納兒七站地數

千里十四年以所部從大將軍出古北口襲公主山長寨掩四部卒渡驢胸河獲知院李宣十五年以征南右副將軍同穎川侯傅友德下雲南緜辰沅出羅鬼遂躡普安至白石江梁王把匝刺瓦爾密遣其司徒達里麻選甲十萬來拒穎川侯既用英策渡師英

乃馳鐵騎搗其中堅下流之師自旦至晡生縛達里麻賊大潰僵屍百里直抵雲南諸郡皆下獨大理猶為元守英與永昌侯攻之擒段世板大理移兵取車里平緬不液月雲南郡邑悉平復與穎川侯分道平東川烏蠻寇而夷兵叛者合圍雲南守帥馮誠告急

本朝分省人物考

卷十四

十七

南直四

英簡萬騎馳救之賊夜遁乘勝急擊遂悉復曲靖永昌之失守者是年諸將班師 詔英留鎮雲南平廣南蠻破平摩沙勒斬首千餘級二十一年麓川宣慰思倫發聚眾三十萬來寇定遠英選卒三萬拒之馮誠領前軍竄正湯昭為左右大戰左軍小却英令左右斬左軍帥首左帥遙見一人拔刀馳下即麾眾復前英責戰益急不移時寇大敗明年復平東川破叛酋阿資入朝賜宴於奉天殿賚黃金二百兩白金五千兩綵幣百襲陸辭 上撫之曰使我高枕而無南顧憂者爾也英歸鎮二十三年復大破阿資眾走之

二十四年使使以兵威折脇八百國并諸番有重譯
貢者初英留鎮之明年哭 孝慈皇后再鎮之三年
哭 懿文太子極哀吐血卒年四十八訃聞 上慟
哭命以喪歸賜葬觀音山追封黔寧王謚昭靖侑享
太廟有五子其一子早卒而三子遞鎮雲南少子
昕尚 文皇帝公主為駙馬都尉屢掌南京都督府
以壽考終

趙德勝

趙德勝鳳陽人狀貌魁偉膂力過人馬上運槊捷疾
如飛為帳前先鋒從克和陽儀真陞總管先鋒敗方

本朝分省人物考

卷十四

十八

南直四

山營苗軍水寨收丹陽金壇廣德宣城轉領軍先鋒
戰毘陵湖州擢左副元帥戰友諒龍江下銅陵臨山
寨出淮南征高郵陞統兵元帥從破漢水寨走友諒
收黃梅廣濟克瑞臨吉撫四郡祝康據南昌叛殺葉
琛從復南昌授僉江南行樞密院事臨江吉撫三城
叛又復三城協守南昌統精兵為戰將癸卯漢圍南
昌出戰射殺偽漢金指揮益兵晝夜急攻城且壞德
勝先諸將死戰且戰且築城壞復完巡城至東門敵
發蹶張弩中腰箭深入六寸即拔出拊髀歎曰命
也奈何大丈夫死即死恨不能從 主上掃清中原

垂名竹帛耳卒子獻領其眾德勝沉鷺簡靜剛明質
真馭下嚴肅號令一行旗幟改色平生未嘗讀書隨
機應變智略如神曾孫輔立功封武靖侯時張元帥
子子明代父為間使走金陵求援還至湖城被執友
諒強官之令徇城給降子明佯許至城下大呼我張
大舍已見 主上令諸公堅守救兵且至賊怒即攢
槊刺死友諒滅贈武毅將軍飛騎尉千戶後加贈忠
節侯

李文忠

李文忠字思本泗州盱眙人父貞尚 皇姊曹國長
本朝分省人物考

卷十四

十九

南直四

公主生文忠十二歲而公主薨時天下亂文忠與
上相失甲午冬 上駐兵滁陽文忠父子來見 上
喜甚養以為子賜姓朱氏初令就學聰悟輒能記憶
上曰人固不可不知書然今方事武且當令習弓
馬丁酉年十九以舍人領軍往援池州陳友諒兵寇
城文忠奮擊敗之戊戌正月進攻青陽太平旌德皆
下二月敗元院判阿魯灰於淳安縣遂破苗軍於昌
化獲其人口資貨甚富文忠恐士卒貪貨賄莫有闕
志因悉焚之曰此何足惜能努力破敵何患不富貴
乎進取淳安夜襲破偽洪元帥營降其眾千餘三月

會同僉鄧愈院判胡大海兵取嚴州克之立德興翼元帥府授帳前總制親軍兼領元帥府事守嚴州時嚴州新附城守未備而苗帥楊完者兵水陸奄至文忠出奇大敗其衆以所斬俘馘載巨筏中順流而下餘衆見之皆遁五月楊完者復率衆進屯嚴州烏龍嶺欲攻建德文忠復從鄧愈擊走之六月文忠以浦江與建安比境乃先率兵由間道取之八月苗軍元帥秦不花等以同僉員成書來納款且言其部帥李福等皆願效順文忠以上命慰諭之九月員成遂率元帥劉濟劉震黃寶蔣英等三萬餘人來降己亥

本朝分省人物考

卷十四

壬

南直四

二月張士誠遣將攻嚴州文忠出兵夾擊大破之四月士誠兵復至大浪灘文忠出擊復破之又遣元帥何世明攻分水縣斬首五百餘衆潰走士誠憤其敗遣其將陸元帥花將軍據分水縣夏元帥之新城三溪邊我師文忠仍遣世明率精兵千餘擊之斬陸元帥等千餘人焚其營自是士誠兵不復窺嚴州庚子九月同僉行樞密院事辛丑上命城嚴州越三月而成復承命署金華分省事壬寅二月金華降將蔣英劉震等叛殺胡大海據其城文忠聞之即遣掾史郭彥仁元帥何世明等往討之英等懼夜半驅掠

城中子女開門南走文忠因率元帥袁洪等所部兵守之分遣左右遍歷其地撫輯人民處州李佑之聞蔣英殺胡大海亦殺院判耿再成等文忠隨遣王祐何世明往屯縉雲以圖之三月陸文忠爲浙江行中書省左丞總制嚴衢信處諸全軍馬辛亥張士誠弟士信乘蔣英之亂率兵萬餘圍諸全文忠遣胡德濟往授以計敗之癸卯九月諸全叛將謝再興以張士誠兵犯東陽文忠率部將敗之義烏乙巳二月張士誠憤義烏之敗復遣李伯昇將兵二十萬挾叛將謝再興寇新城胡德濟告急於文忠乃先命指揮張斌

本朝分省人物考

卷十四

壬

南直四

等領兵出浦江爲聲援士誠又以兵自桐廬犯嚴州文忠命以舟師扼於江以何世明等三帥守城而率指揮朱亮祖以下行次浦江御敵而進且檄處州兵來會至龍潭距寇不二十里有白氣覆我軍旣而候卒告寇至文忠馳馬以視會所檄處州兵至遂與敵戰大敗之追奔十餘里死者數萬獲其僞同僉韓謙理問勝忠等六百餘人李伯昇及僞五太子遁去上聞新城捷以御衣名馬賜文忠齋賞將士有差丙午九月命文忠以兵取杭州文忠率指揮朱亮祖耿天壁攻桐廬僞元帥戴某降文忠復遣指揮袁洪等

攻富陽克之兵至餘杭遣孫虎等領兵扼其援而自督兵圍其城十一月守將謝五以餘杭降文忠以其兵攻杭州偽平章潘原明亦出降并執蔣英劉震以獻文忠以上命慰諭之宿諸軍於城上下令曰敢有入民居者斬有一卒取民釜以爨即磔於市以徇城中民皆按堵始入城原明以女樂迎於道叱去之獲元平章丑得長壽等與蔣英俱繫送金陵并遣潘原明以下官屬隨行十二月陞文忠為平章政事復姓李氏吳元年二月加榮祿大夫浙江等處行中書省平章政事初上得金陵以軍民不給知府王顯

本朝分省人物考

卷十四

三十一

南直四

嘗請增田租民頗病之文忠以其事聞請減其額

上從之洪武元年五月福建陳友定餘黨金子隆等

糾合散卒寇延平等處閏七月上命文忠總兵擒

獲之閩地悉平二年春以文忠為偏將軍副常遇春

征迤北敗元將江文清軍於錦川次全寧元將也速

迎戰又敗之遂進克上都元主北走俘其宗王慶王

等常遇春薨於軍詔文忠領其眾援慶陽師至太原

而大將軍徐達已討平慶陽時大同受敵甚急文忠

乃出鴈門次馬邑破其邏騎數千進次白楊門又擒

黠虜四大王遂大破虜眾擒其將脫列伯大同圍解

三年正月授征虜副將軍總兵北伐二月師至興和降其守將進師擒其平章竹貞五月敗元太尉蠻子等於白海之駱駝山進至開平聞元主在應昌即提兵兼程襲之遂進克應昌時元主已殂太子愛猷識理達臘單騎遁去獲其嫡孫買的里八剌及太子妃陳答里宮人諸王省院達官暨宋元玉璽金寶一十五宣和殿玉圖書一玉冊二鎮圭大圭玉斧玉帶各一送京師文忠復追愛猷識里達臘至北慶州失其所在師過興州遇元將江文清等率部屬來降至紅螺山又降其部將楊思祖等萬餘人十月班師至

本朝分省人物考

卷十四

三十一

南直四

龍江車駕出江上嘉勞甚至明日文忠復上表

稱賀上論功行封授特進榮祿大夫右柱國大都

督府曹國公同知軍國事食祿三千石復錫券及文

綺六十四匹四年七月西蜀平詔文忠按行四川開拓

新城經畫庶務乃調濠梁等衛官軍於保寧諸處各

立千戶所以鎮之五年正月上賜彤弓百交趾弓

五十上嘗御武樓與諸將論邊事魏國公徐達因

言王保保遁在和林宜乘其敗而擊之上乃詔達

與文忠及馮勝率兵十萬分三道并進虜聞之棄營

遁走進至哈刺莽來虜部落皆驚潰文忠諭將士曰

兵貴神速千里襲人難以重負命士卒八持二十日糧兼程而進至土刺河虜將蠻子哈刺章悉騎渡河結陣以待文忠督兵與戰數合虜稍却追至阿魯渾河虜兵益衆宣寧侯曹良臣等戰歿文忠馬亦中流矢下馬持短兵接戰從者劉義直前突擊以身蔽文忠指揮李榮以所乘馬授文忠自奪虜騎乘之文忠麾衆更進士卒殊死戰虜衆遂敗得馬畜萬計追至瀚海虜兵復集文忠整兵據險縱所獲馬畜於野示以閒暇居三日虜疑有伏兵不敢逼乃遁去文忠引兵還夜行失故道糧盡至桑哥兒麻士卒無水渴甚

本朝分省人物考

卷十四

三五

南直四
鄧召童

有死者文忠默禱於天忽所乘馬跑地而鳴掘之果有泉湧出人馬賴以濟六年正月詔文忠往山西北平訓兵防守十月詔率諸將士養銳山西以防虜寇七年三月文忠駐兵代縣遣將四出至白登俘其國公鄧孛羅帖木兒至朔州擒其太尉伯顏不花七月攻大寧高州大石崖克之斬其宗王朶朶失里復遣指揮唐其追至羶帽山遇故元魯王營於山下以兵圍之斬魯王等獲其妃蒙哥顏八月師進豐州分道追擊胡兵擒其故官十二人虜衆百二十餘人十年秋詔致祭泰山十二年二月復制諭文忠往岷州臨

洮鞏昌等巡視城池各衛軍馬悉聽節制六月移師駐鞏昌十三年詔還叅贊軍國事十六年正月詔文忠兼蒞國子監事十七年春疾亟 詔皇太子臨視上復親幸其第撫慰良久至是薨年四十有六文忠性沉厚持身誠恪有謀慮臨陣常身先士卒至遇大敵膽氣益壯每戰勝必以功推下及釋兵家居恂恂若儒者其在 上前論事盡誠無隱 上多嘉納之薨之日 上痛悼不已親爲文遣使致祭追封岐陽王謚武靖仍進封其上三世皆王爵子三人皆上所賜名長景隆襲爵次增枝前軍左都督次方英

本朝分省人物考

卷十四

三五

南直四
鄧召童

中都正留守

鄧愈

鄧愈虹縣人生而魁偉勇力過人元季天下雲擾父順興起兵於鄉遂成臨濠與元兵戰死之兄友隆代領其衆未幾卒衆推愈領軍事年方十六每出戰必挺身破敵人服其勇歲乙未 上駐師滁州愈自盱眙率所部來附充管軍總管六月從渡大江克采石取太平繼而元帥蠻子海牙以舟師寇采石陳也先合兵數萬逼城下 上親督兵禦之調愈與徐達以奇兵出其後大破之生擒陳也先丙申三月定金陵

破鎮江愈皆有功陞元帥出守廣德十二月長鎗謝元帥率眾來寇愈出城奮擊俘其總管武世榮及軍士一千餘人丁酉三月轉行樞密院判移戍宣州七月領兵取休寧績溪乘勝取徽州十月浙江苗楊元帥率眾十萬餘來攻城時徽初附城廓未完愈激勵將士明立賞罰與胡大海分門並守奮兵力戰大破之賊眾奔潰婺源元帥汪司領兵來降戊戌正月擊破帖木兒不花元帥寨斬首五百餘級追殺帖木兒不花遂取婺源三月取嚴州四月取淳安縣五月浙江苗楊復率眾屯徽之烏龍嶺拒却之九月轉僉書

本朝分省人物考

卷十四

二十六

南直四

行樞密院事己亥五月領兵略浙西臨安大破張寇於閑林寨庚子七月鄱陽院判于光左丞余椿擊走偽漢同知取饒州遂以其城來附命愈往鎮之饒州濱彭蠡湖而偽漢陳友諒尚據江州數遣舟師來攻城愈與于光等連營拒之屢殲其眾賊兵遂退辛丑除江南行省叅政總制各翼軍馬八月領兵襲浮梁偽叅政侯邦佐棄城遁遂取樂平擊敗蕭總管五千餘眾饒境悉定進取江西時鄧克明據撫州遣使通款而實無獻城之志愈知其情卷甲夜趨比旦入城克明單騎遁愈號令嚴肅秋毫無犯江石之民室家

相慶爭持牛酒迎勞愈却不受時 車馮至南昌有旨授愈江西行省叅知政事留鎮之癸卯四月陳友諒悉國內之兵圍江西江水暴漲寇舟直抵城下愈與諸將協謀固守屢挫其鋒相持者凡三月會上親率援兵至湖友諒懼而退大戰康郎山友諒敗死甲辰三月新淦土豪鄧清叛以卒二萬人據永豐愈調兵破之擒首賊胡理問劉右丞等八月同開平王平臨江諸山寨遂合兵圍贛州熊天瑞出降贛既平南安南雄韶州皆下 上賜勅褒諭進江西右丞加湖廣行省平章移鎮襄陽西抵巴蜀北控河洛烽

本朝分省人物考

卷十四

三十七

南直四

火相望新附之民未有定志愈恩敷襄漢民懷其惠軍忘其勞四境謐寧遐邇悅服吳元年十月擢拜御史大夫洪武元年加兼太子左諭德時方經略中原乃命愈為征西將軍取江淮未附州郡三月攻唐州克之又取南陽生擒蔡國公史克新等二十七員軍士一千五百人七月克隨州右丞王誠降九月進取洪山老馬劉寨夜四鼓斬關而入擒殺甚眾三年命為征虜左副將軍同大將軍平隴右大敗王保保於定西招諭河州土蕃元帥何鎖南普花兒等皆納印請降於是河州以西朶耳烏斯藏等部來歸者甚眾

十一月定功行賞授特進榮祿大夫右柱國封衛國公參軍國事食祿三千石賜誥命鐵券仍賜文綺及帛臨濠地若干頃田戶若干戶守墳人百五十戶儀仗戶十九家復賜第於京師五年命討澧州等處溪洞蠻夷平之九年土番所部川藏邀阻烏斯藏使者掠其輜重有旨命爲征西將軍往討之十年四月愈與副將軍分兵馬併力齊入覆其巢穴追至崑崙山斬首不可勝計上嘉其功使自河州召還行至壽春以疾薨年四十一訃聞上哭之哀追封寧河王謚武順柩至三山門車駕臨奠且親視其葬地

本朝分省人物考

卷十四

二十八

南直四

勅有司營墓召朱夢炎撰爲神道碑以昭其烈又配享太廟肖像祭於功臣廟愈器量宏偉謙恭慎密臨大敵而不懼有大功而不矜禮賢下士寬惠愛人事母致孝撫弟致愛惠撫廣德徽饒等處至今猶懷其德云

湯和

湯和字鼎臣鳳陽濠州人幼喪二親卓越有奇志嬉戲常習騎射指使羣兒父老異之及長儻饒智略歲壬辰聞滁陽王據濠勢強率所厚壯士十餘人仗劍往從王以和驍勇命爲百戶取九灣攻濠之定遠

得兵千五百人擢爲千戶時太祖處王甥館和委心推奉從攻大紅山寨得兵八百復攻滁州降其首帥以功多授管軍總管招集士卒益衆乙未正月

上自將取和州和聽命甚謹上心嘉焉會元陳也

先復攻和州和與將士擊走之六月從上渡江下

采石定太平旣而也先與其將水陸分道寇城和擊

其小軍矢中左臂怒氣益奮中山王徐達寧河王鄧

愈率師轉戰城北破其步軍遂生擒也先以獻和分

兵取溧水句容克而守之丙申三月和偕徐達取鎮

江一日克其城兵不血刃復偕達取金壇及富莊七

本朝分省人物考

卷十四

三十一

南直四

月轉同僉樞密院事丁酉二月克常州奉命鎮守

其地攻取江陰明年僞吳張士誠寇常州和力戰却

之擒其卒三百十月復來寇俘甲士千餘賊勢少阻

壬寅同徐達攻無錫癸卯大破士誠兵於錫山斬其

梟將獲甲首五百級拜中書左丞甲辰士誠弟士信

寇圍長興和率部將會常遇春軍合戰士信大敗而

退超遷中書平章乙巳擊江西劇盜姚大膽斬之取

永新州戮僞丞相周安等籍士馬歸於京師仍出守

常州丙午上命與諸將伐士誠降僞將呂珍等得

兵六萬人轉戰湖州守將張右丞降進擊吳江遂薄

姑蘇縛士誠歸三吳悉定除御史大夫兼太子諭德階榮祿大夫時方谷珍據台溫慶元三郡和督諸軍征之谷珍懼乘大船逃匿海島中和遣人持書喻以國家威德谷珍即率昆弟子侄待罪軍門得兵械舟楫以萬計乘勝下福州洪武元年略定閩中諸郡延平主帥陳友定怙險橫甚令副將出降觀望持兩端和虜之以歸五月同宋國公馮勝取懷慶澤潞晉絳二年同徐達拔河中渡河入潼關趨鳳翔越六盤關隴皆平明年與徐達馮勝至定西襲元將擴廓帖木兒營西北取靈夏皆以勞先諸將是冬還京論功行

本朝分省人物考

卷十四

三十

南直四
毛士遠

賞授榮祿大夫柱國封中山侯食祿一千五百石賜誥命鐵券四年 上以明玉珍之子昇尚僭號都重慶詔和及廖永忠統諸將征之昇鎮瞿塘峽以過舟和以計敗之水陸並進直擣僞都昇不能支率其臣屬奉金寶以降五年同徐達北征窮追和林八年移鎮彰德甓其城是冬追元逋臣伯顏帖木兒及察罕惱兒獲馬牛羊無算十年正月 上念和功加號推誠位特進進爵信國公俾議軍國事仍賜鐵券和益恭畏不驕明年巡撫河州繕完其城郭營舍十四年偕徐達北伐下灰山擒其平章別里哥及樞密副使

文通又明年 詔至四川永寧治墉塚飭士馬十八年五開山獠為亂帥師討之夷其窟穴俘戮四萬餘人及入朝和以春秋高乞骸骨 上賜寶鈔五萬俾造第鳳陽而謂和曰日本小夷屢擾東海卿雖老強為朕行視要地築城增戍以固守備和行築海上數十城民四丁取其一為兵以守之二十一年新第成率妻子 陛辭賜黃白金文綺俱極優厚復降 手勅褒嘉之二十三年賀元旦於京師忽感疾且失音不能言 上聞之大驚即命輟賀臨視歎惋久之遣歸故里十月詔和子將命召至京賜以安車入殿庭

本朝分省人物考

卷十四

三十一

南直四
毛士遠

燕勞備至復厚賚俾歸以俟疾瘳二十七年和疾彌甚不能興 上思見之特詔輿入親手為摩撫語以舊勞對之雪涕錫鈔六百五十緡預為營葬之資二十八年八月薨於里第年七十訃聞 上感悼輟朝追封東甌王謚襄武親為文授使者以祭命親王咸遣祭於其家棺槨明器塚壙皆官為之祥禫必賜祭恩禮之隆時莫與比和沉毅質直勇而善斷不妄發言人聞國論一語不泄於左右行師受任有 詔即行臨敵果敢堅忍未常挫衄有語及兵書者輒笑曰臨陣決機在智識敏達耳何以泥古為家蓄媵妾百

餘暮年皆資遣寧家得賞賜多惠鄉黨父老及孤貧無告者貴極公宰及歸田里見故交遺民意驩如也獨享壽考以令名終

馮國勝

馮國勝定遠生時黑氣滿室若煙霧然經日不散人異之長而謹厚姿貌磊落長軀勇毅且多智略有相者曰此子骨格清奇特有英風烈氣他日必以武致富貴勝聞之曰吾立身願忠孝弗富貴圖也是後喜讀書融會義理與兄國用講論兵法夜分不寢智略益充暇則馳馬試射發無不中歲甲午與國用伏謁

本朝分省人物考

卷十四

三三

南直四

太祖於妙山 上見而奇之用置左右從克滁州三汲河和州版門若乙未春陳也先犯和州獲其全軍六月渡江拔采石取太平丙申二月敗元中丞蠻子海牙舟師三月克臺城還軍從擊鎮江寧國擢萬戶丁酉攻下甘露松山望亭戊戌取泰興宜興授元帥守禦國用先以丙申秋陞帳前總制親軍己亥夏疾卒庚子命勝襲兄職仍掌親軍五月陳友諒陷太平遂寇龍灣 上命勝等戒備勝與諸將擊友諒於石灰山殺傷相當勝率敢死士直衝其中堅遂大破之溺死者數萬俘獲七千友諒僅以身免 上命勝

追至采石友諒復敗遁遂復太平辛丑二月攻高郵八月從 上親征友諒長驅至江州友諒倉皇棄城走武昌遂克之陞都護癸卯三月張士誠兵圍安豐益急勝從 上往同諸將奮擊之敵敗走追奔踰境陞同知樞密院事甲辰降陳理於武昌克廬州乙巳取江西諸郡復同徐達常遇春率馬步舟師進取淮東十月克海安閏十月克泰州十一月徐達攻高郵上恐深入敵境不能策應諸將乃命勝帥所部節制高郵諸軍而以達軍還泰州丙午三月勝克高郵四月下淮安安豐八月從伐張士誠先薄淝西克舊

本朝分省人物考

卷十四

三三

南直四

館執吳將呂珍進圍蘇州吳元年召還京治軍府叅知政事九月論平吳功陞銀青榮祿大夫大都督府右都督是冬奉命北伐克山東益都兗州濟南戊申上即位改元加兼太子右詹事二月總各衛軍馬取樂安元守將俞勝遁降其郎中張仲毅獲其將牛右丞三月引兵取汴梁四月克河南陝州直趨潼關守將張德欽穆薛飛等拒戰勝一鼓拔之李思齊張思道俱遁去遂取華州還汴梁謁 上於行在 上慰勞之授右副將軍留守汴梁十月調征山西克武涉懷慶獲壯士八百餘人兵至太行山碗子城破其

關元守兵奔潰進取澤州平章賀宗哲等棄城遁留
兵戍守克潞州太原至猗氏擒元右丞賈成攻平陽
克之擒李茂克絳州擒田保保徐伯昌獲將士五百
餘人授征西將軍二月克河中陝西三月取鳳翔李
思齊西奔臨洮獲其部將薛平章等四月取龍州鞏
昌總京衛兵征臨洮思齊降五月從大將軍攻圍慶
陽擊敗張良臣於西閩復與大將軍謀移軍驛馬關
絕良臣聲援八月遂克慶陽承制統兵鎮守節制各
鎮兵軍規措糧餉河州等處以次俱下十二月回京
賜白金二百兩文幣十五表裏三年正月 上以王

本朝分省人物考 卷十四 三五 南直四

保保等為西北邊患命勝為右副將軍帥師自潼關
出西安以擣之三月大破擴廓帖木兒於定西王保
保等俱北竄四月自秦州渡至略陽擒元平章蔡琳
遂入沔州又遣金興旺張龍入連雲棧合兵攻興元
克之又西平土番征哨極於西北至冬凱還論功特
進榮祿大夫右柱國封宋國公與同叅軍國事食祿
三千石賜誥命鐵券四年守鎮陝西修治城池賜臨
濠地若干頃守墳人百五十戶儀仗戶十九家仍賜
第於京師五年詔為征虜大將軍與傅友德陳德等
北征遇虜兵於別力篤山戰敗之擒獲將士甚眾乃

分兵由西道取甘州破元將失刺罕兵敗朵兒只把
於虎刺罕口分布戍守扼塞關寨始還六年七年練
兵北平繼往大同八年回鎮陝西九年練兵西征十
年鎮河南五月夫人何氏卒於京 上遣使齎勅報
訃 召還議葬事十一年回鎮十二年董建周王宮
殿十三年冬故元平章乃兒不花等寇邊明年正月
上命徐達率師討之命勝佩大將軍印節制河南
撫軍恤民兵欣附至十八年 上以久鎮於外為
勞 召還遣禮曹齋羊酒慰勞之其年秋總兵北征
屯兵絳橋操練是時殘元遺孽歸服殆盡惟納哈出

本朝分省人物考 卷十四 三五 南直四

尚擁眾金山時為邊患二十年佩征虜印總步騎三
十萬往征師抵金山納哈出懼而遁勝遣精騎窮追
納哈出知不可免乃乞降所部二十餘萬咸附悉驅
入山海各城屯住捷聞 上大悅即旋師城大寧二
十三年秋詔還鄉賜緡金帛甚厚二十四年秋命
率山西平陽等郡堽軍發大同等衛屯種三十二年
十月卒 朝廷哀悼遣祭勅有司治喪葬

補遺

李善長

李善長定遠人 上畧滁陽晉謁道旁留幕下掌書

記謀軍機畫饋餉甚見親信一日上從容問曰四方戰鬪天下何時定乎對曰秦亂漢高帝起布衣豁達大度知人善使不嗜殺人不少載而成帝業胡元酷暴視秦尤烈以故群雄翹奮土崩瓦解主公道濠產距沛不遠與漢高帝同受山川王氣能法其所為天下不足定也上曰漢高帝所用豪傑未有踰張良韓信蕭何三人者今徐達勇力或可方信先生可當張良蕭何乎對曰良智計絕人後世鮮比善長焉敢望良若供給饋餉或可效何上曰良不可得矣今天下才智之士可擬良者先生幸教孤孤將就見之

本朝分省人物考

卷十四

三十六

南直

對曰世豈乏才顧善長不能悉知惟知金華宋濂博學洽聞且知象緯上曰以孤所聞知象緯莫如青田劉基者上發采石援南昌征武昌善長皆留守甲辰奉 上為吳王陞右相國上言湖廣邊務議江右湖廣魚課歲可得穀一百餘萬石資餉李濟據濠為書招濟濟乃降戊申正月上即皇帝位兼少師二月進 郊社宗廟議五月上幸汴議定都又議取元都八月駕還大封功臣上諭諸將曰善長雖無汗馬之勞然事朕久足軍食功甚大宜進封韓國公食祿四千石參文比以蕭何四年正月致仕賜臨濠地

墳佃戶董建臨濠宮殿七年以弟存義為太僕丞移江南民四十萬墾濠田命總田事八年秋南安侯監田弗勤又勅留鳳陽者數年子祺尚皇長女臨安公主為駙馬都尉歲祿六百石十三年正月胡惟庸叛辭連善長群臣請逮獄上不忍罪勿問乃奏還儀戶既上仍給之御史復命理臺事二十三年春肅清逆黨榜列勲臣五十七人善長名在上列會有星變其占為大臣災御史再劾遂暴卒年七十七

本朝分省人物考

卷十四

三十七

南直

人物考卷之十五目錄

南直隸鳳陽府二

郭英 花雲

濮真 吳良

吳禎 郭子興

丁德興 馮國用附弟國勝

胡大海 謝彥

孫巖 竇正

單安仁 郁新

王濂 唐鐸

本朝分省人物考 卷十五目錄

李敏 沐春

李默 王弼

耿璫 李芳

卜謙

南直五 刘光

本朝京省人物考卷之十五

南直隸鳳陽府二

郭英

郭英臨淮人沉毅多智膂力過人尤精騎射年十八從太祖起義兵甚見親信每令直宿帳中取徐泗滁和采石等處屢立戰功上嘗以郭四呼之親征偽漢大戰鄱湖英時金瘡未瘳力疾鏖戰敗賊於禁江口已而友諒中流矢死有言英之功者上問之英曰天威神算臣何力焉上益重之時友諒子理復立於武昌進軍攻之其將陳僉同者驍捷善槊馳入中軍上遽呼英曰郭四為吾殺賊英持鎗躍馬奮臂一呼賊應手隕墜上解所御赤戰袍衣之曰汝唐之尉遲敬德也授驍騎衛管軍千戶從征襄陽克淮鳳等郡陞指揮僉事洪武元年從大將軍北定中原所至有功初大將軍遣取通州英距城三十里為營深溝高壘為持久計眾請速攻之曰吾師遠來敵以逸待勞攻城非我利也宜出其不意破之翼日大霧英以千人伏道旁率精騎三千直抵城下元帥率敢死士萬餘張兩掖而出與戰良久英佯敗彼乘勝來追伏兵中起截為兩道遂克通州復從常

本朝分省人物考 卷十五

南直五

開平取太原守將王保保軍於城西英憑高望之譏
常公曰彼兵多而不整營大而無備請夜切之常深
然其計是夜英率十餘騎潛入其營舉火鳴砲伏兵
亦舉火砲而常以兵繼之敵兵大潰自相屠戮乃棄
城以遁已下興州大同至西安鳳翔追敗賊將賀宗
哲於亂山庚戌陞都指揮使鎮守河南 皇寧妃英
女弟也 上遣至英第餞之賜白金二十罌廐馬二
十匹時河洛新罹兵燹邑井蕭條居民艱食盜賊充
斥英宣布威德綏輯流亡申寬條明賞罰遠邇來歸
者日以千計未期年戶口倍增境內大治丙辰移鎮
北平河南之民孳老携幼遮馬前數十里不得行北
平初定羣胡反側不寧英開示誠款諭以理亂禍福
人心遂安元左丞何允中等聞其德來降者凡九千
餘八逾四年召還京進大都督府僉事更定官制改
前軍都督府僉事辛酉從傅友德征雲南英與陳桓
胡海分道進討道多險隘諸將欲深入英曰破敵貴
先聲攻取必自近始舍近趨遠豈策之上耶遂先攻
赤水河時久雨河水暴漲下令諸軍砍木爲筏夜半
濟河北曉賊始覺遂大潰由是雲南諸賊破膽進攻
曲靖至江川先遣騎兵五千攻其前賊空寨迎戰復

本朝分省人物考

卷十五

二

南直五

以精騎數百擣其後斬門而入火砲連發賊亂悉破
滅之進攻大理靖寧州蠻寨一日夜悉破之雲南諸
路平論功進爵武定侯食祿二千五百石予誥券世
襲丁卯同大將軍宋國公討北虜納哈出降之師旋
虜將追襲之英與戰創傷左脇箭復中右脇英佯呼
虜傷吾甲我衆益奮連戰數十合虜遂却進征虜右
將軍鎮守遼東戊辰出討北虜至捕魚兒海邏騎偵
虜營不遠英令諸軍少憩飲馬啣枚卷甲倍道而馳
直抵虜營虜王率十餘騎潰圍出將蠻子太尉來拒
英手刃獲兩營所積金寶珍玩圖書降其衆五萬餘
人生擒虜將四萬餘人師還賜白金千兩鈔八百錠
綵幣四十疋已巳 上以天下無事且憫其老厚加
賜賚遣歸其鄉庚午復 召還京賜坐與語歡甚命
統禁軍及在京諸軍辛未以虜酋寇邊 命英討之
獲其人口孳畜逐至寒鴉山而還丁丑川陝寇發勢
張甚 上顧曰非卿無能勝其任者授征西將軍印
討之至沔生擒賊首高福興及黨四千餘人疏其同
謀者請誅之脇從者乞勿治且言有司不恤民宜正
其罪 上皆從之旋師歸里以永樂元年卒於里第
享年六十有九計聞遣官致祭賻卹有加贈管國公

本朝分省人物考

卷十五

三

南直五

謚威襄

花雲

花雲懷遠人少孤隨母嫁張氏貌偉而黑驍勇絕人
 儕輩畏服之歲癸巳杖劍謁 上於臨濠 上奇其
 材力俾將兵略地所至輒克破懷遠城口虜其帥以
 歸進攻全椒拔之羣寇據繆家寨雲俟夜襲之寇散
 走 上將取滁州單騎前行遇賊數千人於道拔劍
 躍馬衝其陣而過賊驚曰此黑將軍勇甚不可與爭
 鋒兵既至遂克滁州甲午從 上取和州得卒三百
 以功授管勾明年乙未率所部先渡江 上克太平

本朝分省人物考 卷十五 四 南直五 陶太

以雲忠勇可信任命宿衛左右丙申 上破集慶雲
 得兵千人陞總管徇鎮江丹陽丹徒金壇諸縣皆下
 之過馬馱沙刷盜數百遮道索戰雲且行且鬪三日
 夜皆禽殺之授前部先鋒攻常州拔其城駐守牛塘
 管夏六月立行樞密院於太平遂拜雲院判加安遠
 大將軍丁酉春正月克常熟獲卒萬餘命雲將之秋
 七月以兵三千之寧國陷山澤中八日羣盜相結梗
 道雲操矛鼓譟出入營壘間斬首千百計而身不中
 一矢還命守太平後四年偽漢主陳友諒以舟師入
 寇圍太平雲率麾下三十餘人結陣迎戰三日賊不

得人乙亥城中乏食雲士馬憊甚城陷賊縛雲急雲
 怒奮身大呼縛盡解起奪守者刀殺五六人罵曰虜
 非吾主敵也曷不趣降賊怒碎其首縛於舟檣衆射
 之雲忿激罵賊不少變至死聲猶壯時年三十有九
 夫人邵氏方雲與偽漢戰時子煒僅三歲夫人以牲
 酒祭家廟會家人泣曰今城且破吾夫忠義人必以
 身死之吾夫死吾必不獨生然不可使花氏無後嬰
 兒在若等善撫育之聞雲就擒夫人赴水死年甫三
 十有五侍兒孫氏瘞夫人屍遂抱兒以行偽漢軍虜
 之至九江軍中惡養小兒孫氏以兒授漁家屬之曰

本朝分省人物考 卷十五 五 南直五 陶安

此兒良宜善視之是年冬王師伐偽漢漢敗孫氏至
 漁家視兒在欄漁人出竊負以走夜藏幽穴中天曙
 脫簪篸舟渡江遇債軍奪舟棄江中適有斷木浮至
 附之人羣洲採蓮實哺兒七日不死夜半聞人語聲
 呼之逢老父號雷老告之故與俱行明年春達 上
 所孫氏泣抱兒拜 上上亦泣真兒於膝曰此將種
 也賜雷老衣遣之復其徭已而令人追之忽不見兒
 八歲侍 皇太子就學年十三授虎賁右衛副千戶
 後七年陞指揮

濮 真

濮真鳳陽人國初從舉義以忠勇被遇渡江取姑孰
定建康拔維揚下毘陵克宣歙池婺諸州平江西湖
廣諸郡收平閩浙征進中原河洛關陝皆有功歷陞
都督僉事洪武初征高麗兵敗被執高麗王詰之曰
汝無故而加兵吾境亦有說乎真曰我主上神文
聖武撫有華夷一視同仁爾國叛服不常數遣使諭
意爾不奉若上旨故始命將聲討豈爲無故能悔
過效順庶幾轉禍爲福王愛其驍勇徐曰吾欲用爾
爲將亦不失富貴何如真厲色曰爲天朝大臣視
爾夷君猶若下風敢以此望我耶王怒欲兵之真乃
罵曰夷虜爾害吾吾主必滅爾國爾不知吾大丈夫
有赤心肯爾屈耶卽剖心以示之而死王初意止
欲迫脇真不虞真之死也真死王大懼遣人入朝謝
罪併歸真從行兵士上曰濮真當危難秉義不屈
忠節可嘉追贈樂浪公謚忠義表其門曰班超羣將
志邁雄師時真子璵生甫數月卽襁褓中封西涼侯

吳良

吳良定遠縣人初名國興後賜今名氣岸雄偉性質
剛直與弟禎俱以勇力稱元末羣雄並起海內鼎沸
高皇帝以聰明聖武仗大義奮起布衣良兄弟委

本朝分省人物考

卷十五

六

南直五
陶安

身相從服勤左右上深器焉甲午秋從上取滁
州乙未春從克河陽常爲先驅戰皆有功六月從渡
大江與元兵戰於采石拔其營乘勝克姑孰尋下溧
水溧陽丙申從定建康戰功爲多又從大將軍徐達
克鎮江下常州屢著功勳丁酉下江陰命良以指揮
使領兵鎮守時僞吳張士誠據姑蘇跨有淮東浙右
地大物衆兵食富強而江陰正當東南要衝喉襟之
地士誠又多變詐動以金帛啗誘將士良行上諭
之曰彼以其詐我以吾誠爾爲邊將鎮守封疆約束
士卒毋外交毋納逋逃毋逐小利毋與爭鋒惟保境
安民而已禎奉命惟謹繕城池遠斥堠利器器械嚴部
伍士卒無敢逃亡無敢出境生事者敵亦畏其威不
敢侵犯數年上親將兵下江西克湖廣僞漢陳友
諒大軍屢出而無東顧之憂皆以良之捍蔽也丁未
大軍克姑蘇上以姑蘇承士誠割據之餘力戰乃
服必得剛毅有智略者鎮其地遂以命良至則奉宣
德意紀律嚴明號令整肅軍民輯睦咸得奠安洪武
三年天下大定論功行賞封江陰侯食祿二千五百
石賜以鐵券子孫世襲廣西右江諸州僻處炎徼夷
俗狃於仇殺數侵盜邊境五年春命將兵討之良跋

本朝分省人物考

卷十五

七

南直五
劉傑

履崇山剪薙荆棘衝冒瘴露勤勞特甚數月盡平其地 上封齊王於青州命良營建王府良經營區畫部署軍卒並手偕作功成而民不知勞留青州二載得疾而薨享年五十有八

吳 禎

吳禎字幹臣定遠人自少時已卓犖有膽略及天下大亂從 上起兵里中即知天命有在與兄江陰侯良俱隸麾下悉心委事焉自歲甲午乙未西克滁和東渡大江揚威振銳所向無敵由帳前都先鋒為總管陞建興翼院判尋為天興右翼副元帥與良同守

本朝分省人物考

卷十五

八

南直五 范應祥

江陰每寇至輒擊走之首破偽吳張士誠水寨擒其梟將朱定甲辰授武英衛指揮使丙午寇出馬馱沙上親督戰追至巫子門寇乘潮逆拒首尾相失禎

縱兵急擊之俘獲無算是秋從大將軍徐達率馬步舟師由港口取湖州禎勒奇兵出舊館扼之戰大捷事平遂留戍焉吳元年丁未復從大將軍攻圍蘇州連破胥葑二門士誠就執奉令撫循秋毫無擾進僉大都督府事時方谷珍據明州未下 上以禎為征南副將軍從信國公湯和往平之禎引舟乘潮夜入曹娥江通道夷壩出其不意直抵車廐會降者言方

氏已潛挈家入海禎領兵追於盤嶼與合戰自申至夜三鼓敗之盡獲其戰船人馬輜重而還未幾谷珍降有 旨由海洋進取福州不數日奄至城下圍其西南水部三門一鼓克之時偽平章陳友定據延平作亂明年洪武元年戊申進破延平擒友定閩海平會海寇聚劫蘭秀山禎調兵立勦之三年庚戌朝廷定功行賞進侯食祿一千五百石賜以鐵券世襲五年壬子詔大發兵東戍定邊禎總舟師數萬由登州轉運以餉之海道險遠人用藉虞禎調度有方兵食克羨折衝風濤如履四達尋 召還七年甲寅海上

本朝分省人物考

卷十五

九

南直五

警聞復領沿海各衛兵出至琉球大洋獲倭寇人船若干俘上京上益嘉賴之常往來海道總理軍務至是歸自遼東而疾作不起矣享年五十有二

郭子興

郭子興鳳陽人拳勇有膂力善騎射自癸巳歲起兵首隸郭元帥麾下明年得滁州又明年得和州從上渡江克采石太平等處所向無敵義勇之聲日以暴著丙申三月隨大軍進拔臺城先登授管軍總管繼陞統軍元帥圍常州身犯矢石晝夜不解衣甲為生蟻蠹九閱月城始下被賞優渥再調征宣州江陰

等郡勢劇破竹壬寅分兵之江西南昌得其全城癸卯八月進克鄱陽彭蠡之戰海艘駢進陳友諒計感中流矢死甲辰春侍 上親征湖廣武昌灑血馳戰多所斬獲因屢功擢鷹揚衛指揮使復從中山王拔廬州拔安豐率先陷陣大敗姑蘇張士誠爲之奪氣其平襄陽下衡州定澧州辰州轉而蹂高郵踣淮安拔浙西湖州圍困姑蘇往往累瘡力戰陞大都督府僉都督洪武元年有事關陝命領其軍進討中原鎮守潼關嚴戢部曲西戎羌夷兩境帖然進封鞏昌侯未幾以疾卒 上賻贈有加追封陝國公謚宣武

本朝分省人物考

卷十五

十

南直五

丁德興

丁德興定遠人生有異徵驍勇善射甲午歸附 上偉其才貌以黑丁呼之授萬戶是年取洪山寨敵兵勁悍且數千德興所率者纔百人一鼓破之擒其僞帥克滁州乙未克和州敗青山寇兵從渡江拔采石乘勝取太平元帥陳也先率兵數萬突犯城下 上方策應之德興分兵從取溧水溧陽邊湖皆先登時蠻子海牙集船結寨采石陳也先既敗其子兆先復合淮兵屯方山伺太平德興從克采石若獲船數艘破方山營擒兆先攻金陵取鎮江陞管軍總管下金

廣德宣州領精兵圍常州平陞左翼元帥宣州復叛率兵佐元帥胡大海復之遂分兵下江陰取徽州石埭池州樅陽攻江州移兵擊安慶進攻湖州皆捷復援江陰攻江西旁近州縣從雙刀趙克宜與先是徐達邵榮攻宜興久不下議以其城西逼太湖口張士誠餉道所由乃與德興分兵絕太湖口而併力急攻城遂拔之功授鳳翔衛指揮使陳友諒犯龍江德興守石灰山遇戰力擊敗之是年秋從 上征友諒擣安慶克九江從 上往援安豐奮擊呂珍敗走左君弼引兵至復擊走之會友諒攻圍南昌從 上親

本朝分省人物考

卷十五

十一

南直五

征遇於康郎山死戰殲友諒遂取鄱陽十月從征陳理於武昌回攻廬州克之進征河南衡州多不戰而附擊常熟舊館敗士誠兵十一月下湖州降李伯昇克吳江圍蘇州將下卒於軍年四十贈都指揮使洪武元年二年肖像功臣廟追封濟國公德興沉勇威武仁而有信行師紀律嚴明不妄殺有功而不伐 上以是重之嘗與諸將論征伐難處曰必得黑丁乃可其見重如此子忠授龍江衛指揮使世襲

馮國用

馮國用定遠人性聰敏過目成誦喜閱孫武子窮書

夜不釋有意會處輒歎曰吾當以此佐太平取功名也甲午同弟國勝率所部謁上於妙山上見而奇之曰爾被服若是其儒生耶問定天下計安出國用對曰金陵龍蟠虎踞帝王之都願先拔金陵而定鼎然後命將四征天下不難定也上大悅俾居帷幄贊兵政從克滁和引舟翊上渡江克采石乘勝取大平元將陳也先犯城下戰獲其全軍也先陽款附勸上勿聽後果被擒蠻子海牙與陳兆先犄角窺太平國用從攻采石寨破之俘其人船蠻子海牙僅以身遁已從上破陳兆先營擒兆先盡降其眾

本朝分省人物考 卷十五 十一 南直五

擇其驍勇者五百人置麾下五百人者多疑懼不自安上覺其意是夕遣令入衛環上而寢獨留國用一人侍臥榻防護備至上解甲酣寢達旦疑懼者始安進攻金陵國用率五百人先登陷陣遂拔之還軍從克鎮江大破元兵於京口遂下丹陽擊寧國以功授萬戶又克泰興宜興授大元帥守禦未幾陞帳前總制親兵都指揮使侍謀議從上征金華克之遂下諸暨攻紹興卒年三十六上哭之慟築壇雞鳴山祭之已肖像功臣廟位第八洪武三年冬大

在追贈郢國公子誠累有戰功仕至右軍都督

府都督弟國勝以開國功封宋國公

胡大海

胡大海字通甫虹縣人高皇帝屯兵滁陽大海杖策謁轅門一見語合遂居前鋒乙未春二月王師取和州夏六月下太平丙申春平金陵攻京口丁酉春拔毘陵大海皆列戎行或舉旗斬將或操螯弧以先登前後屢建奇功授右翼統軍元帥使宿衛帳下夏四月又從破宣城上命行樞密院判官鄧愈成宣大海副之秋七月遂同諸將攻徽州拔之元將楊完聚兵十萬欲復其城大海自婺源兼程以進橫槊而前大呼殺入眾皆披靡而遁戊戌春三月諸將克嚴州大海偕往降溪洞兵三萬以功遷行樞密院判官大海謂蘭溪去嚴為甚邇蘭溪下則斷婺之右臂矣冬十月乃下蘭溪十有二月王師取婺州陞僉書行樞密院事益思有以自效己亥春攻陷諸暨州十有二月平處州庚子夏又拔信州信方絕糧人皆勸之還師大海曰此閩楚喉衿地也可棄之乎乃築城浚隍為堅守計辛丑夏上憫其勞且以婺為海右大藩通甌引越非宿將重臣控制之不可乃授大海江南等處行中書省叅知政事屯戍於婺壬寅春溪洞

本朝分省人物考 卷十五 十三 南直五

兵叛而大海遂遇害聞其死者莫不哀慟流涕如喪父母 上聞之亦震悼弗置親御翰墨作文以祭且命有司塑像配享卞忠貞廟庭追封越國公大海歿之明年其部曲與境內之民悵然遐思若不能勝乃相率卽城中作新廟一區十越月而廟成大海嘗自誦曰我不知書然吾行軍惟有三事而已不殺人不虜八女婦不焚人廬舍故其軍一出遠近之人皆爭趨附之初大海未薨嘗夜出人見其兩目煜煜有光若燈及其既薨敵人數擾我邊大海降祥異或見夢於人或覩靈火滿野洵洵聞人馬聲泊出師輒大捷

本朝分省人物考 卷十五 十四 南直五

似寔有陰兵來助者則其英魂烈爽下上於星辰之間固未嘗亡也

謝 彥

謝彥字子超鳳陽縣人幼失怙恃鞠育於外家因以孫爲氏元季兩淮兵興募集義勇圖保鄉井歲辛丑秋將兵渡江從 太祖破安慶克江州以功授義兵元帥癸卯春由安豐進攻廬州九月拔荆衡歸峽等州乙巳取通泰州甲辰春徐宿等五州并淮安三郡皆入版圖秋九月轉攻湖州十一月圍僞吳張士誠於姑蘇丁未吳元年從大將軍破姑蘇俘士誠以功

陞羽林環衛賜以良馬復從征山東克沂莒密州遂入青川走故元平章擴廓帖木兒洪武元年戊申正月 太祖卽皇帝位彥駐軍東昌進階武略將軍尋敗元平章阿普軍取河南通務等州八月中山王奉詔統兵攻北平彥與在行故元順帝旣遠遁而燕薊等處以次悉平遂乘勝取山西大同太原二年春西破潼關故元平章李思齊棄輜重引兵奔鳳翔三年從中山王駐軍陝西取鳳翔卽追降思齊於鞏昌遂破臨洮延安等處慶陽守將張思道率兵拒戰凡閱月而師道敗走彥復從中山王還軍臨洮會故元左

本朝分省人物考 卷十五 十五 南直五

丞相擴廓帖木兒來襲我軍彥率大衆亟與決戰旣敗之於臨洮復敗之於定西橋殪其將校驅殄其士卒無算擴廓帖木兒引殘兵北遁四年調彥守禦處州陞應天指揮僉事進階宣武將軍五年移守朔州從征和林六年癸丑秋敗故元兵於朔州之北獲其將知樞密院張寶院使并其所部兵衆九年丙申進軍寧夏敗迺兒不花於賀蘭山收其胡兒番婦駝馬牛羊而還十年轉廣威將軍二十年特陞僉前軍都督府軍事賜綵幣萬疋黃金百兩白金百兩及甲第一區臧獲數十輩命彥征討雲南廣西龍里諸部二

十二年還朝賜以誥命授驃騎將軍二十三年 詔湖廣都司訓練官軍至貴州置新添衛二十五年更給新製之誥九月詔赴山西籍民丁為軍置天成東勝二衛二十七年甲戌 太祖御奉天門召彥慰撫之眷倚甚厚特賜犀帶命復其姓為謝氏明年以其季子達入覲詔除散騎逾月而選尚汝陽公主拜駙馬都尉有金帶玉帶襲衣鞍馬之賜長子忠復授興武衛指揮同知三十一年彥得疾致政家食甫二歲而卒享年六十有九

孫 巖

本朝分省人物考 卷十五

十六

南道五 附仲英

孫巖世家鳳陽幼時有術者謂其親曰是兒必貴既長性豪爽膂力絕人輕財好義為族里愛重元季兵興杖劍歸 高皇帝於淮甸在軍中以驍勇聞乙未從渡江克采石定金陵收兩浙自是南取江廣北定中原咸與有功擢金吾左衛百戶調守鳳陽已而陞武德將軍燕山中護衛正千戶洪武庚申從 太宗國於燕誠直不欺甚見親信藩國之事多委任焉乙亥引年致政而以子亨代已卯 太宗舉義靖難以巖宿將知兵特起守通州是歲南兵大至城圍數周起土山臨城攻西門燬樓堞率眾極力捍禦賊賴以

完未幾兩軍合戰操戈身先士卒大呼陷陣士氣爭奮追奔逐北斬馘不可勝紀得饋運船三百餘艘貨糧無算以功陞明威將軍指揮僉事仍鎮通州辛巳兵復至攻城益急巖勵將士登城力戰矢石交下敵乃退走論功陞都指揮僉事壬午南帥平安督遼東兵十餘萬逼城巖語將佐曰彼眾我寡若城守不出自示弱也不若及其始至而擊之乃率敢死士數百犯其鋒而城上亦合勢大呼安眾大潰自是無敢復來攻者是歲六月 太宗入正大位進封應城伯歲食祿千石給誥券子孫世繼戊戌以疾卒享年八十

本朝分省人物考 卷十五

十七

南道五

訥聞祭葬有加贈翼城侯謚威武

寧正

寧正字正卿壽州人少為里中韋德成養子元末德成率兵從 上克滁和二州遂渡江克太平建昌進兵擊宣州正與有功德成戰沒詔贈京兆郡侯以正襲職代領其眾從徐達克常州進階懷遠將軍攻下宣州江陰戊戌從 上取婺州又從常遇春克衢州從 上克江州功授民兵千戶破陳友諒兵於鄱陽湖調天策衛千戶又改雄武衛千戶從傅友德守徐州有功擢鳳翔衛指揮副使從徐達下中原取沂莒

密三州克益都濟南東昌轉下汴梁河南嵩州等處
進克元都招降元將平章謝雲兒等八十餘人獲馬
五百餘匹略永平擒元將平章高家奴下真定平太
原自河中府渡河追元將孔興等進取鹿臺攻鳳翔
逐李思齊遂下鞏昌等郡徐達令正招撫土豪趙脫
兒孫平章等及馬鞍山迤西諸土酋洪武三年從鄧
愈克河州留正鎮守時元鎮守卜納刺等諸酋長擁
兵猶衆正遣兵追襲之殺獲頗多於是沙家失里與
諸酋長遣人來請降正即策馬往諭之酋長皆感悅
獻其全部軍馬及元所授金玉印章金牌宣命擢臨

本朝分省人物考

卷十五

十八

南直五

洮衛世襲指揮同知又招降元宣政院使何鎖南等
尋置河州衛以正爲指揮使招來安定王帖木兒等
暨土酋灌頂國師烏思藏諸部奉表朝貢七年改置
南安行都指揮使司於河州以正爲都指揮使又招
降元右丞朶兒只失結等奉置西寧等衛九年復姓
寧氏進階龍虎將軍會川戎爲盜命衛國公鄧愈討
之正從征有功十一年西平侯沐英征西番遣正追
襲叛虜獲其羊馬輜重而還十二年兼領寧夏衛事
至則修築漢唐舊渠令軍士屯田引河水灌田數萬
餘頃兵食以足十三年從西平侯沐英征北至上林

擒元平章部衆萬餘人十四年從西平侯經略公主
山寨殲其戍卒取全寧四部十五年除四川指揮使
會河西土官故元左丞刺瓦等來降唯西羌未附正
調兵討之擒賊首楊知府十九年改雲南都指揮使
二十一年夔夷據險作亂賊將刀思郎等聚衆十餘
萬驅象百餘拒敵正率兵從西平侯沐英進戰斬其
二將賊衆奔潰盡獲其象馬未幾東川蠻反而越州
龍海等山寨亦據險作亂正從西平侯沐英討平之
二十五年沐英卒詔授正右軍都督府左都督代英
鎮守久之命爲平羌將軍總陝西四川兵討平階文

本朝分省人物考

卷十五

十九

南直五

之亂二十八年率兵從秦王往洮州等處克平番寇
三月還京尋以疾卒 上遣官弔祭擢其子忠爲前
軍都督府都督僉事

單安仁

單安仁鳳陽人單氏世以耒耜詩書爲業不識末俗
侈靡事恂恂款款不以辭氣加人鄉人觀感多薰爲
善良焉安仁少而英毅有志事功雖爲府史晝夜以
洗冤澤物爲事當元至正江淮兵起剽斂相屠民遑
遑無所寧居安仁奮然曰丈夫當出奇剪寇可坐視
父母之邦淪覆耶遂椎牛釀酒率健少年與飲整部

伍嚴器械教坐作擊刺之法不一月間從之者數萬人新建壁壘橫亘三十里寇至輒曳旗鳴鼓大呼追殺俾無留行乃止退則閉柵自守老弱襁負依為保障者累數千家當是時豪傑角立割土疆檀號令者比比而是乙未秋遂移兵廣陵以觀變且曰此輩皆為人作驅除爾真人之興氣勢自與恒人殊丙申冬見 皇上威德日盛統六師而下金陵曰向所謂金陵真人者是已乃率部曲歸之 上大悅明年命戍鎮江嚴飭軍儲益自振厲敵兵不敢侵境居歲餘會朝廷始立提刑按察司以廉糾不虔 上選安仁為

本朝分省人物考

卷十五

五

南直五 梁仲德

副使巡行浙水東悍將悍卒橫賦民糧曰寨糧務股刑以靈民乃一寘於法金華民有訟其邑承受白金者詰之曰頗聞爾丞賢爾細氓也奈何犯分而許之即圖白金短長圓方來上圖上藏棄復命諸左證圖之人人殊公曰是非誣耶眾環目相顧無一語遂以其罪抵訟者告許之風為衰辛丑陞按察使東方肅清莫敢譁甲辰徵為中書左司郎中時江淮甫定軍國庶務棼如亂絲乃佐太師李韓公參錯裁斷日就統緒事以無滯 上益奇信之吳元年丁未閩浙中原漸平營建城闕宮殿修朝享服御儀物廷議可任

其責者遂奏安仁為將作卿精敏多智凡所程量皆中法不苟明年戊申是為洪武元年 上即皇帝位陞嘉議大夫工部尚書仍領將作事二年夏改兵部宅心中正能聲彰聞年已六十有七自以精力衰孱請致其事 上憫其勞從之贈田三千畝牛七十角仍給尚書半祿養其終身六年夏 上念舊勲復詔中書起為山東行省叅知政事請闕力辭而止八年復詔加通議大夫益異數云

郁新

本朝分省人物考

卷十五

五

南直五 張天叙

郁新字德銘臨淮縣人新姿貌環偉音吐洪暢洪武資以才能舉用授戶部度支主事支掌內帑賜予賞直議論練達長於管算奏事稱旨陞北平部郎中先是戶部其屬有四歲分為十二故有是命進階奉議大夫二十四年超授嘉議大夫戶部右侍郎每奏事庭中顧問天下地理陰陽戶口漕運之數民間利害無巨細皆嚮應無所遺謬在廷之臣莫不以為難而顧謙退自抑每事咨度其屬能者未嘗以精敏自多名位自高人莫不以為難考滿超拜戶部尚書益寬大得體不為瑣屑投資善大夫母喪歸葬鳳陽賓客至者數郡新平生慷慨急於義尊禮儒生喜交游不

爲冷熱變其態親戚有急患難不避治家有法綜理
微密而不傷於繁故朝野皆相推重如此以永樂三
年卒於官 上賜棺殮祭之爲素服輟朝一日士大
夫咸以爲榮

王 濂

王濂字習古定遠人濂喜讀書知彝倫大義習爲聲
詩音節韻趣皆有法推擇爲定遠縣吏出謀發慮皆
中肯綮令長以賓禮遇之元季政乖豪傑並起濂拊
髀歎曰事急矣保宗族以拯黎民可也乃走潁亳說
其軍帥曰民罹虐政不得已起爲亂矣當思有以靖

本朝分省人物考

卷十五

三十一

南直五

之虔劉人以逞所謂如水益深如火益熱者也軍帥
聞其言以爲才交薦之擢萬夫長五轉至工部尚書
非其所好也當是時盜稱名字者皆烏合之衆散漫
無統所經之處唯務焚掠千里爲墟濂度必無所成
謂所親曰區區豈從戎哉奮不顧身出編虎鬚者志
欲生烝民也今若是猶魚游釜中耳竈火已燃尚自
謂得計耶吾聞真主已建都金陵寬仁愛人四方之
民爭引領望之不去禍將及於是乘間挈家南渡召
見於青龍殿與語大悅會新設執法議理司方將選
人以授遂詔爲執法官濂乃悉心詳讞務協厥中人

稱平允丹陽令白齊因公致罪當棄市濂以情可矜
恕敷奏 上前得貸死知應天府王子謙坐事械繫
者久濂惜其材議從末減由是 上深簡注之陞爲
中書員外郎遷提刑按察司僉事階奉訓大夫巡行
郡縣見貪墨蠹民者必擊去之唯恐弗亟餘則務存
大體觀風宣化而已一日天大風晝晦 上下詔求
直言濂歷述災傷病民竟爲之罷徵俄得末疾家居
者久之洪武三年卒於京城之寓舍壽五十有七濂
篤學好古凡法帖名畫多能鑒定且善虞世南書軀
幹昂聳而容貌潤澤恂恂儒者也或與之論議天下

本朝分省人物考

卷十五

三十一

南直五

大計輒掀目吐氣指方畫圓袞袞數千言不休臨大
事之際神采精緊毅然有不可奪之氣復面折不少
恕性慈惠遇凍餒者如身受其病輟粟帛濟之乃已
其在戎行務以不殺爲勸且導人辟兵之方賴以生
者數百人至於事親盡孝奉意承顏唯恐毛髮有違
故鄉邦尤稱之咸曰孝如王習古庶幾無媿於古人
云

唐 鐸

唐鐸鳳陽人庚子從征江州授西安縣丞以至太子
少保二十八年使龍州諭趙宗壽還復出叅議總兵

楊文軍事經畫守衛撫輯蠻獠鐸重厚不妄取予

上初起兵即侍左右每以故舊遇之僚屬罪數連及

上念其篤行皆不問時諸卿中詹徽以才勝鐸以

德勝 上嘗曰都御史詹徽刑部掌部唐鐸二人性

行不同下人事之亦異徽剛斷嫉惡不容奸偽役吏

髮蓬面垢容愁肌瘦不異羈囚鐸始友繼臣至今三

十四載交不知變色口不出惡聲德有餘而才不足

屢被小人誣誤極刑者數矣朕深知其德曲宥弗罪

奸人忌徽剛則謗訕滿朝鐸重厚無疵然一切文移

計稟皆舞文弄法鐸無奈何夫聰明決斷者以為非

本朝分省人物考 卷十五

十四

南直五

淵德海涵者以為愚人心之不古有若此耶三十年

卒年六十九卹賻最優

李敏

李敏鳳陽府潁州人吳元年辟舉人材入見稱 旨

洪武元年擢撫州知府守廉燭理雖庶務煩劇決之

如流六年陞工部尚書七年六月敏同太常寺唐鐸

少卿樂禮侍奉天門 上諭以 宗廟祭器如式造

辦本年冬出為江西行省叅知政事九年復召為工

部尚書與薛祥迭任賜以江西田土本年以疾卒於

官遣官祭葬

沐春

沐春字景泰定遠人考黔寧昭靖王總兵西征咸著

勲烈命復故姓頒賜鐵券爵西平侯食祿二千五百

石子孫世襲及薨春嗣爵春生未暮適母夫人喪鞠

於外祖氏長歸就學洪武己未十有九歲即侍父征

西番洮州擒元三副使明年從征亦集乃擒國公脫

火赤等歸又明年從征雲南歷功先士卒十六年還

京師遂掌禁旅冬江西寇僭號順天王煽諸郡作亂

春與征焉獨冒矢石奮勇先登殲之明年師還初天

兵既平雲南留英鎮守凡有機密重務輒遣春上聞

本朝分省人物考 卷十五

十五

南直五

一歲之內馳驛再三所報悉稱旨十八年秋授驃騎

將軍僉後軍都督府事廷臣請試職 上曰是兒我

家人非他比也畀實授後軍轄幅員之北視他府為

劇春割決如流事無壅滯是年冬繫天下重罪於烈

山錄而詢之奏釋數百人十九年蔚州民告變那海

等構逆 上命春馳驛往至則巡城厲士襲而捕之

推校得實白其誣枉 上悉恩宥又全活數百人二

十年春從征虜大將軍宋國公帥師三十萬北出沙

漢勦元之餘孽未庭者次金山降其署丞相納哈出

汗朝京師春為護送二十五年六月父英薨於雲南

春往奔喪十月奉柩還葬哀毀盡禮尋有詔起春襲爵繼任奉勅鎮守雲南凡雲南各衛軍馬悉聽節制至鎮則宣上德意發號令修戎撫民柔遠懷邇無改於父之道又整飭屯政較多寡之人以嚴賞罰稽功乃倍餉饋以足二十六年春緬酋和泥祿谷爲邊患遣兵控禦之羅雄法東嘯聚命都督何福討降之東川酋弗靖奏復攝賽爲知府境遂寧謐秋維摩阿的等一十寨諸酋拒命調都督瞿能平其地俘斬無算獲馬牛羊倍之遂誓服不敢携二十七年春西沓蠻邊出沒北勝浪渠州春潛遣百戶蘭宗賢輕騎而往

本朝分省人物考

卷十五

三六

南直五
杭杰

集民兵伏其要路覆擒斬甚衆請立瀾滄衛以鎮其地秋施甸蒲阿董等衆犯永昌境命指揮使胡淵乘間出奇襲殺首賊衆遂披靡先是越州蠻龍海子阿資據龍窩縱殺掠累爲民害朝廷命諸將率兵數萬征之師無功自後無敢議伐者春復討之進兵紫溪山集衆謀曰歷年不獲此寇者彼恃其地多險阻及各處土酋皆姻婭得亡匿今調土酋悉從征設謀羈絆俾不能通復多置營堡相犄角制其出入授首必矣乃分駐陳寧逼之二十八年兵至赤窩果獲阿資屍諸市及誅同惡等二百人越州平阿資素爲桀

黠至是捷聞上嘉獎之衆亦歎服冬廣南酋儂真佑阻兵負固調都指揮王俊征之盡殪其衆俘斬無數廣南通明年順寧酋猛丘結外夷雲龍酋段羌納逋逃皆蓄異志遣大理衛指揮使鄭祥往討猛丘懼而斃羌伏誅改立寧遠州右爲七十城交趾恃險遠肆強橫復命何福率兵一戰蠻臺江擒殺男婦二千有奇盡獲其軍實酋刀拜爛始懼乞降奏復其官麓川宣慰思倫發先酣於酒其下多怨三十年春刀干孟弄兵謀逐其主以自立思倫發窮奔告援春與之入朝面受宸算以歸三十二年永寧酋賈哈刺寇邊調何福擒之戮其脇從餘黨悉潰三月春以思倫發之告駐師怒江諭刀干孟釋兵不聽四月乃遣何福瞿能率勁卒八千銜枚倍道直擣其寨渠魁乘象突出追射殺之遂奮兵縱擊大破其衆捷聞朝廷授以征虜前軍印命總四川貴州雲南各道兵欲盡平其地時春已得疾猶竭誠殫思未嘗告憊將以秋復征而遂不起矣九月甲申夜半有大星自東墜西其聲如雷衆咸見聞隨薨享年三十有六訃聞賜祭葬謚惠襄

本朝分省人物考

卷十五

三七

南直五
梁仲德

李 默

李默定遠縣人洪武丙子鄉薦授上饒諭視躬廉介
課士勤嚴人以李夫子稱之未樂中上書言時政擢
漢府左長史漢王陰蓄異志苦口極諫章疏凡數十
上王怒而錮之 天討既加府寮皆被罪而默諫章
尚存特 旨赦之縉紳士夫咸狀其節

王弼

王弼鳳陽府定遠人膽畧過人號雙刀王初結鄉里
依三臺山樹柵相保丙申率部下來歸脩宿衛克池
州石埭婺源授元帥下蘭谿金華諸暨紹興援池州
復太原攻武昌大戰鄱陽截擊禁江口平武昌還收

本朝分省人物考

卷十五

五十八

廬

廬江援安豐破襄陽安陸還取淮東克舊館湖州陞
指揮使圍蘇州軍盤門士誠被圍久突出轉戰盤門
欲奔常將軍分兵北濠截其後遣兵與戰戰良久未
決常將軍拊弼背曰軍中皆稱爾猛將能為我取此
乎弼即馳鐵騎揮雙刀奮擊却敵常將軍乘之吳兵
大敗人馬溺死沙盆潭甚衆士誠馬驚墮水幾不免
肩輿奔入城吳平從征中原下山東河南北遂克元
都保定從中山王進兵太原自河中渡取陝西兵至
察罕腦兒及紅羅斷頭口進僉督府事討西番獲馬
牛羊駝二十二萬班師洪武十二年封定遠侯食祿

二千石世指揮使從征雲南功與世侯券加祿五百
石為副將軍征大寧東出遼東征納哈二十二年詔
功臣還鄉二十七年卒

耿璫

耿璫鳳陽府濠人長興侯炳文仲子官至後軍都督
僉事靖難兵起與江陰侯吳高及楊文率遼東兵圍
永平不克退保山海關吳高被間奪兵徙廣西楊文
守遼璫數請攻永平以動北平文不聽靖難後璫論
死

李芳

李芳字彥芳穎上縣人登永樂中進士選庶吉士改
刑科給事中執法不撓常疏時事忤權倖謫海鹽丞
棄官家居詩酒娛適 宣宗嘗顧問曰李芳何在然
近倖畏其剛正多沮之者京師為之語曰未樂紀綱
宣德李芳萬鎰之璞百鍊之剛用雖未究亦名重朝
野矣

卜謙

卜謙字伯讓穎上縣人未樂中領鄉薦卒業大學時
成祖勅國子監選才識老成者從侍東宮講讀尋授
工科給事十五年扈從 皇太孫南京監國朝夕獻

本朝分省人物考

卷十五

二十九

南

替每以魏徵自期節丁內外艱歸 宣宗馭極垂念
 舊臣差行人取回京直文華殿日承顧問常陳十事
 上特嘉納已陞山東副使見忤近倖謫山西叅議因
 足疾自陳致仕別城隍詩有去時還是舊時貧之句
 里居為百孝歌以教族黨子弟

本朝分省人物考 卷十五

人物考卷之十六目錄

南直隸鳳陽府三

徐輝祖 孫岳

小馬王 宋晟

沐晟 附子琮 孫崑 李彬

韓觀 陳亨

朱能 陳懋

張貫 金純

朱勇 苗衷

許亨

本朝分省人物考 卷十六目錄

南直六
 刘光



本朝京省人物考卷十六

南直隸鳳陽府三

徐輝祖

徐輝祖初名允恭鳳陽人父曰中山武寧王達首佐高皇帝定天下出入將相助德為諸功臣冠配饗廟廷輝生而白哲秀眉豐下及長長八尺五寸顧盼有神舉止端嚴雅肖中山王數鎮北平留宿衛御家眾肅然 上故心器之命理左軍都督府月廩祿二十石未幾而中山王自北平還疽發于背有間

上命輝祖奉 手詔道迎俄而王薨又三年而為洪

本朝京省人物考卷十六

南直隸 高用

武已巳始命襲爵魏國公賜誥明年賜黃金三百兩白金二千兩鈔三千錠文綺三十疋綾十疋俾還鳳陽賜第以歲時入覲尋給兵百二十人為衛復賜鈔四百錠明年出陝西防邊自是歲出練山東河南兵馬仍于太倉支歲所受祿五千石而還田于官時故元降將阿魯帖木兒乃兒不花與其部眾隸 燕王軍中有異志為告者所發 上密詔命輝祖詞其實其姊氏為燕藩正妃是為 仁孝文皇后輝祖至悉得其實併其黨與悉捕送 闕下戮之二十九年國子學正吳啓言國子師生日夥不為甄別高下無以

懲勸 上命輝祖帥禮部翰林院臣詣監試其文稅分別送吏部銓用 高皇帝崩 皇太孫即位時諸宿將且盡輝祖與曹國公李景隆俱以肺腑領朝班值 文皇帝入臨稱疾不拜王屬尊而功高有武畧擁強兵 朝議憚之會王歸而留次于高陽王待命于邸輝祖力勸上留之且言高煦勇悍無賴倚騎射能寧惟叛主亦將叛父時輝祖弟增壽力保無他遣之瀕行煦入輝祖廐中竊善馬歸燕晨白之 上亡何燕師起以誅君側為名諸徹侯兵往攻之相繼敗始議置大將時景隆有聲公卿間而輝祖以戚屬見

本朝京省人物考卷十六

南直隸 高用

左故景隆將兵而以輝祖城守後景隆與歷城侯相繼敗燕師日迫矣其世子高陽王陰餌輝祖為內應確然不撓及師攻金川門猶與常開公昇等分道出大戰皆不利京師悉為燕輝祖獨守其先祠不從勸進于是錮之私第尋逮下獄久之竟不屈以死年僅四十餘久之 上念中山王功大召子欽予故封還其舊所削祿及廬產未幾欽乞守墓 上怒謫居中都嘉靖初年詔悉錄為建文君死事者各以官稱廟祀之金陵而輝祖居首

孫 岳

孫岳洪武中從大將立功官至都督同知建文中充鳳陽守將靖難兵起大修戰守器械撤寺材爲戰艦樓櫓戈甲咸有法式列寨淮西水陸有備靖難兵竟從下流渡淮至盱眙及金川門不守岳猶堅守中都永樂元年法司劾岳逮至京斃死

小馬王

王失其名每騎一小馬人遂呼爲小馬王世臨淮人從太祖征以戰功爲指揮使靖難兵起調從李景隆北征勇毅常陷陣出入無敢當者戰于白溝河敗績脫胄付其僕曰吾爲國死以此報家人乃慨然立

本朝分省人物考

卷十六

三

南直六
劉光

馬堅鎗而亡

宋晟

宋晟字景暘世家鳳陽之定遠壬辰晟隨父朝用兄國興來歸太祖明年從克濠州又從戰敗賈魯父兄並以功授萬戶甲午從張天祐克五河泗州盱眙又並進總管乙未從上克和州渡江下采石太平總管邵榮等潛有異謀國興察知以聞榮等伏誅從克溧陽進攻南臺國興戰沒晟襲兄職丙申從攻陳也先水寨克之遂從克南臺朝用陞廣德元帥丁酉隨朝用克宣州還改朝用天寧翼元帥以老留建康

晟從鄧愈克徽州受功賞戊戌召入侍衛己亥襲天寧翼元帥職庚子調征饒州及江西諸郡以次平賜襲衣文綺命充統兵官平諸山寨洪武元年克建寧遂留守禦新定官制實授武德將軍建寧衛正千戶四年陞懷遠將軍建寧都指揮同知冬召還陞江西都指揮使九年調大同授龍虎將軍十一年調陝西所至治兵撫民不嚴而肅十二年掌涼州衛十三年逐北虜至白城獲其人馬甚衆十五年父病詔晟還侍又三年父沒旣襄事復鎮涼州虜時數爲邊患晟率兵討之追至亦集乃之地斬其兇渠餘悉生

本朝分省人物考

卷十六

四

南直六
劉光

繫送京師又招降虜僞國公吳把都等萬八千人送其酋長百五十人詣京師簡其壯者附卒伍餘悉處之善地俾耕牧自便驛召還京獎諭再四賜賚甚厚復鎮涼州十九年召還陞驃騎將軍右軍都督府都督僉事賜鈔文綺廿二年夏遣中使就賜文金及鈔至秋復三遣賜鈔文綺授制諭充總兵官征哈密里破之獲虜衆千三百人及金印一銀印二悉送京師所獲馬牛羊咸給將士二十五年復充總兵官征罕東西番叛寇誅禽七千五百餘人獲馬牛羊無筭還京師二十七年調中軍都督府是歲虜寇遼東命充

副總兵率兵討之遇戰腦溫江獲虜眾千餘馬倍之明年廣西併蒙諸寨連結為亂命充右副總兵往征之誅擒七千餘人賊平還京又明年總羽林八衛兵往平五開龍里十三洞之寇三十一年率師城萬全諸衛歸二年出鎮甘肅永樂元年授平羌將軍充總兵官仍鎮甘肅三年虜日益聚近邊遣人諭以朝廷德意其酋長率部眾來歸邊境底寧事聞賜勅獎諭命都督徐膺緒尚書趙玠持節即軍中封西寧侯仍後軍都督府左都督食祿一千一百石加賜田若干頃又二年以疾終

本朝分省人物考 卷十六

五

南直六

沐晟 附子琮孫崑

沐晟字景茂定遠人自少氣宇閎厚端慤凝重聰悟過人而博學遠識恭慎寡言喜愠不形于色高皇帝重之既授後軍都督府僉事夙夜祗勤陞授左都督昭靖薨晟嗣封西平侯仍奉命鎮守雲南秉誠殫慮益弘遠圖威服德懷恪勵夙夜先是麓川不靖諸蠻逐宣慰使而分據其地奏發兵平之復奏以其地置孟養木邦孟定三府鎮沅威遠二州并五長官司而歲徵其賦又于潞江之西置騰衝千戶所以控制之夷遂帖息太宗臨御之三年八百蠻酋侵邊晟

本朝分省人物考 卷十六

六

南直六

遣將先率兵討之躬率親兵及蒙自縣蠻聞其不遂遁進擒其酋誅之事聞賜璽書白金四年安南叛命晟佩征夷副將軍印充左副將軍率雲南等都司兵與英國公張輔分道進討晟率兵由蒙自經野蒲斬木通道以入先遣偏裨攻集猛烈棚華關隘賊徒悉遁遂築堡駐兵造舟分遣諸將出宣光江口舟師夜出洮水泝流攻賊之富良江自旦鏖戰抵暮賊引却翼旦諸將咸欲奮擊晟曰受命弔伐所欲得兇渠數人而已縱殺非皇上好生之心乃止遂造浮梁渡師時征夷將軍張輔大兵至乃合攻寇之多邦城柵繼擣其東西二都及盤灘等寇悉破之寇首黎季犛父子狼狽棄其眾獨挈家屬遠遁于海晟合張輔兵追至日南州奇羅海口禽俘無遺械送京師凡得郡四十八縣百八十六戶三百十二萬五千九百獲象馬牛畜軍資器仗無算安南平六年春班師入朝封黔國公食祿二千石賜誥券玉帶金幣命子孫世襲既大宴上親製詩褒嘉又日賜宴于便殿還鎮雲南是冬安南餘寇携二復命佩征夷將軍印總兵討之王師壓境寇遁入乂安海島追至占城之境禽寇首陳季擴等檻送京師誅之師還仍鎮雲南十七年

富州蠻酋積逋賦不入命晟發雲南貴州兵討之蠻據險以抗晟遣兵斷其後諸將請急攻晟曰威服不若德服遂使人諭以禍福蠻即遣子詣京師謝罪悉償所逋 仁宗嗣位詔兼太傅召至恩禮加厚遂命佩征南將軍印還鎮宣德初遣使齎璽書金幣勞之正統賜金幣加厚是年冬四川會川黎溪蠻合底泊等爲亂奏遣弟都督昂討平之二年冬馬龍他郎甸蠻不靖復奏遣昂平之三年麓川思任發擾邊遣人諭之不下奏躬率兵討之兵至路江先遣人諭之下乃命弟昂及都督方政等率兵前進晟整兵繼其

本朝分省人物考

卷十六

七

南直六
經坤

後政等夜渡江破賊柵賊衆奔北官軍乘勢追至景罕等寨斬首三千餘級政奮勇獨進賊伏兵四發政力戰死之時春已半晟慮瘴發將不利于官軍遂旋師駐金齒會有旨命晟還鎮行至楚雄得疾遂薨謚忠敬子斌初侍祖妣居金陵正統乙丑襲封黔國公掛征南將軍印繼撫其地麓川不靖王驥總兵討之以斌爲後拒令于騰衝南甸間操練土著遙振軍威賊罕遠鎮是年貴州苗民圍城劫屯所過殘戮迺遴委都督劉玉率輕騎兼程救之賊勢披靡普定等衛賴以安全天順初年遣行人黃裳奉勅褒嘉特賜

銀幣斌謙抑純謹奉職克虔尋以疾薨年五十有四謚榮康當榮康告薨之時子琮甫襁褓耳以從兄璘繼撫璘卒琮尚幼璘弟瓚嗣兄職而琮以成化乙酉嗣黔國爵命還鎮雲南琮英敏過人端勤有守苞苴不敢及門諳武經諸家兵法及陰符奇門諸書戊戌尋甸土官安晟卒弟倘謀殺其子瑄圖襲兄職遣兵擒倘聞于 朝明正其罪廣西府土官昂貴殘暴虐民抗拒官司動相仇殺委官擒捕奏請革其爵秩銓流官以治之開設學校教之禮義民始安焉馬隆麗江等處蠻夷弗率量遣官軍以次掃定石屏州蠻賊

本朝分省人物考

卷十六

八

南直六
經坤

聚衆搶虜勢漸猖獗命都指揮吳瑛等調漢土官軍征之格殺首賊殘孽潰散民免于擾已亥復擒斬菁赤石崖等賊請添設大羅衛兵川州以撫寧其地朝廷從之褒嘉其功遣使賜以盛甲文綺壬寅奉勅偕都御史程琮往撫孟密所過州縣秋毫無擾祭卵橋甸賊聚衆倡亂安寧鎮十數州邑咸被其害命都指揮趙晟等調漢土官軍分道進攻俘獲無算捷聞加授太子太傅乙巳南窩蒲賊負固距險騷亂永昌等處再遣趙晟督兵以往一境悉平復有白金文綺之賜以弘治丙辰卒于鎮得年四十有七無子以

故錦衣衛都指揮沐誠之子崑仍襲黔封佩印鎮守
崑亦能克績世緒廉靜不苛簡閱士卒繕治城守庚
申統兵勦龜山竹子箐等處寇平而人不擾壬戌偕
都御史會貴州守臣合兵討普安等處蠻寇首惡就
戮餘黨悉平正德辛未安南長官司相繼煽亂流劫
郡邑崑次第勦平先後事聞降勅褒諭者三加歲祿
至百石者再賜白金文綺者五丙子加太子太傅巳
卯以疾卒年三十有八耳琮謚武僖崑謚莊襄

李彬

李彬字質文鳳陽定遠人父信有材畧勇銳絕人從

本朝分省人物考 卷十六

九

南直六 楊悅

太祖起淮甸平天下積功至濟州衛指揮僉事洪
武巳巳以老謝事彬代之時年二十九磊落有大志
辛未率所部兵從穎國公征北虜歷朶顏鴉山追襲
虜酋阿剌失里至洮兒河身先士卒多所擒獲復歷
黑嶺寒山及黑松林熊皮山追襲虜酋兀刺罕擒獲
有加 太宗居潛聞其驍雄召見與語奇之遂隆眷
注明年遣巡視宣府沿邊諸城起信為遼東都司都
指揮使癸酉遣相度宣府城基明年率兵築之并築
德勝口城乙亥又築萬全保安城明年征哨泥河營
黑松林至哈刺還駐兵廣昌巳卯靖難兵舉彬為前

鋒首率兵攻克薊州遵化進指揮同知繼攻克雄縣
漢州進都指揮僉事巳而戰真定拔永平取廣昌明
午鏖戰白溝攻濟南累樹奇勦進都指揮同知其冬
破滄州明年斫敵單橋擊衆藁城追奪順德畧地定
州勦績愈懋進五軍都督僉事冬戰楊村被傷 上
亟遣醫療治賜藥物俾還北平彬願力疾隨軍自效
上嘉其忠勇壬午 上渡江正位宸極命護中官
至京念其勞績居多癸未永樂改元定功行賞封豐
城侯食祿一千石子孫世襲錫以誥券甲申夏鎮守

江西秋召還明年送趙王赴北京還往捕阜君山寇

本朝分省人物考 卷十六

十

南直六 楊悅

丙戌南征交趾 命充左叅將有白金文綺之賜率
師入境水陸夾攻直擣賊巢擒獲魁黨俘獻于朝悉
平其地戊子凱還加祿米五百石尋命勦平東海倭
寇明年總督操江尋往長河擒賊李法良械京庚寅
勦捕福建海寇頻年為國墾舊除害耘鋤海內不避
險艱 上深嘉獎錫予稠疊一時將臣無與為匹壬
辰佩征虜前將軍印 命充總兵官鎮守甘肅有白
金文綺寶鏹之錫至鎮振揚威武邊塵清肅甲午召
還扈蹕北征故虜明年鎮守陝西丙申召還扈蹕還
京尋佩征夷將軍印 命充總兵官鎮守交趾在鎮

七年遠人畏威懷德莫不帖伏境宇寧謐壬寅年六十二卒于位交人相向號哭如喪所親訃聞 上厚加賻贈勅有司歸其喪遣官諭祭賜葬追封茂國公謚剛毅

韓觀

韓觀字彥賓鳳陽虹縣人父成事 高皇帝為帳前總制鄱湖之戰歿于王事追封高陽侯觀襲為廣西衛指揮僉事陞廣西都指揮使觀生長兵間諳練武事為人勁悍嚴刻在鎮申飭紀律軍中無敢違令者初蠻寇不靖數出焚劫郡縣殺守吏邊民苦之命觀勦捕觀獲寇必治以峻刑間宥一二遣歸諸蠻聞觀用刑皆膽落不敢復出為害由是境內得安後召還京陞右軍都督同知無幾命充左副總兵征五開上即位以觀舊臣拜征南將軍鎮江西數月復鎮廣西永樂四年從征交趾與効勞績九年復命鎮交趾至十二年卒賜祭賻以粟帛無嗣

陳亨

陳亨鳳陽壽州人生而奇偉有大志元季為揚州萬戶時 高皇帝龍飛濠梁歲丁酉仗策叩軍門上謁高皇帝奇之選為鐵甲長從大將常公征泰州破

本朝分省人物考 卷十六

十一

南直六

本朝分省人物考 卷十六

十二

南直六

張士誠軍獲乘馬而還戊戌冬從 車駕攻婺州拔其月城陷陣先登有銀器金幣之賜以驍勇聞從征定浙東諸郡洎征安慶太平高郵皆效勞績壬寅春攻陳友諒于鄱陽亨以功擢鐵甲百戶癸卯再舉師次湖口亨言于主帥曰陳氏兵多土人熟于水道今方秋湖水尚盛中多灘磧或為所誘則我舟膠淺難以大逞莫若募其土人潛遣小舟察其淺深險易量勢而進斯可濟也主帥用其言以聞如其計大敗陳友諒兵甲辰實授天策衛管軍百戶隨大將定江北諸郡縣吳元年以平浙西取蘇州功陞崑山衛千戶階武德將軍繼從丞相徐公北定中原取東昌以亨為副指揮守之值元兵數萬猝至城下眾倉皇失措亨曰敵眾甚銳利速戰難與爭鋒當以計破之于是堅壁不與戰越二日亨先以兵數百誘之敵見人寡悉力來攻亨率大軍奮擊且出奇兵邀之敵遂敗追奔至棠邑僵屍載路獲人馬輜重無算亨亦身被十數創已而徐公復選亨攻元都克之追元兵出塞而還遂從攻幽燕諸城未下者洪武己酉調守大同攻王保保魏伯章俱有功己又征和林應州天城白登甲寅破詹童軍生擒偽官劉平章乙卯擢燕山左衛

指揮僉事是後累征迤北遼陽破滅營帳綏輯降附
 威聲遠著戊辰冬以守禦邊陲久效勞績特陞驃騎
 將軍北平行都司指揮使亨感 上知遇益以邊務
 為任功烈之茂一時邊將罕與為儷歲戊寅陞後軍
 都督僉事仍掌行都司事己卯靖難兵至大寧召亨
 見軍門賜坐親酌厄酒勞之問以安社稷計亨奏稱
 旨乃曰天以卿授吾其遂成吾志于是命為五軍總
 兵官南進至鄭村壩首與敵遇即摧敗之從攻廣昌
 蔚州大同諸郡無不克捷庚辰夏四月戰白溝河下
 濟南茂建奇策敵聞亨名不戰自退勅書褒諭陞都
 督同知未幾嬰疾在營 文皇帝憂念不置晝遣中
 使絡繹往問夜則就營察視安否醫藥飲食皆出
 上賜疾篤命還北京 文皇尋亦旋師親幸其第臨
 問者二獨以用賢厚賞為勸嘉納之遂以是年卒于
 正寢計聞悼慟不勝遣官諭祭者七喪葬之費悉出
 內帑 文皇帝既登大寶錄序前勞定議追封涇國
 公謚襄敏亨為將四十年仁而廉他將或以多殺戮
 為功橫取子女玉帛輒語之曰好生惡死人人所同
 奚忍害彼之命為已功也父子夫婦人倫至重又奚
 忍獨人之父鰥人之夫而奄有其妻子耶于是聞言

本朝分省人物考 卷十六

十三

南直六

而化者甚衆人以為有古良將風云

朱能

朱能字士弘世家鳳陽之懷遠父亮從 太祖征伐
 有功累陞燕山護衛副千戶能有令質自少喜讀書
 事父母至孝洪武甲戌襲父職事 文皇帝于藩邸
 小心慎恭未嘗少懈為 上所信任旦夕侍不去側
 靖難師興帷幄密議惟河間忠武王與能預焉時北
 平三司之交構造禍者能與忠武建議率麾下首擒
 之遂奪城九門撫綏城內外三日人以大定引兵攻
 薊州擒其將都指揮馬宣等遂取遵化永平密雲從
 本朝分省人物考 卷十六 十四 南直六

上攻灤河既還從克雄縣首破其東門敵眾敗走
 追及于月漾橋執其總帥都督楊松潘忠等復追餘
 眾于漢州斬獲不可數計乘勝長驅入真定大敗長
 興侯耿炳文兵追奔至滹沱河炳文眾尚數萬復列
 陣以戰能奮勇大呼衝入敵陣敵眾自相蹂躪死者
 無筭棄甲來降者三千餘人 上大悅賜書褒諭永
 平馳報江陰侯吳高以遼東兵攻城急能從 上赴
 援高道走遂從定太寧戮其拒命撫輯其眾而還時
 曹國公李景隆率兵攻北平能從 上至鄭村壩與
 景隆兵遇大戰敗之進攻其營又敗之景隆兵列營

本朝分省人物考 卷十六

十四

南直六

九門者連敗之城，中亦出兵夾擊，景隆狼狽俱走。從攻廣昌蔚州，大同次第悉下。景隆復收潰散之卒，號百萬來攻。上親拒之，能為前鋒。午至白溝河，敗其都指揮平安軍及申，又與敵兵戰，大敗之。明日能領左哨當前鋒，又大敗敵兵，盡克其砦。柵敵走保濟南，能率眾追之至鐸山，敵嚴兵列陣以待。連破之，敵眾釋兵降者萬餘人，能以聞。上悉撫而縱之，已從攻滄州，先破其東門入城，斬首六萬餘級。敵震懼，遂獲其總帥徐凱，進攻東昌敵列陣決戰。上以數千騎出陣後敵圍，上數匝能奮力翼，上以出進戰夾。

本朝分省人物考

卷十六

十五

南直六
高尙武

河能為奇兵先鋒，大敗將盛庸兵，又敗平安兵于藁城，追奔至真定，戰其東門，斬首萬餘級，遂略彰德及定州。勦西水寨已而敗敵將李文于德州，遂克東阿。東平破汶上諸寨，設伏淝河，敗平安兵十餘萬。小河為敵所乘，稍却諸將，遠請旋師，獨力勸。上行曰：用兵未必常勝，豈可因小挫輒自沮挫？但當以宗社為重整兵前進耳。上撫掌嘆曰：爾言深合吾心。遂行至靈璧，敵盛兵迎戰，能先登陷陣，大敗之。生擒其副總兵陳暉、平安參將馬溥、徐真及都指揮三十餘人，獲馬二萬，敵眾死者屍蔽原野，降者十萬人，悉縱遣。

之進克泗州，渡淮敗盛庸兵，遂克盱眙，下揚州。從上渡江入京師，內難平。上承大統，論靖難功，晉封成國公，食祿三千五百石。子孫世襲，賜誥券永樂二年命兼太子太傅。四年安南黎季犛弑其國主，毒虐下人，拒遏詔使，數諭弗悛，遂發兵討罪。命能總兵佩征夷大將軍印，率左右副將軍左右參將及神機橫海驃騎遊擊鷹揚五將軍兵八十萬討之。臨行，上親送之。龍江師至廣西，上顧侍臣曰：朕夜察天象，西師有憂，其未能乎？然能足辦斯事。朕第慮氣候非其所習耳。踰旬計聞，上震悼，輟視朝五日。上灑

本朝分省人物考

卷十六

十六

南直六
高尙武

泣曰：方艱難時，協力一心，相濟能其首也。且其素存心行事，皆應遠到，曷遽止此言已？益酸楚，左右皆流泣，莫敢仰視。春秋三十有七耳。上親為文祭之，賻卹特厚，追封東平郡王，賜謚武烈，後配享太宗廟廷。

陳懋

陳懋字舜卿，鳳陽壽州人。父亨，洪武三十二年從太宗文皇帝靖內難，以功進都督同知，卒追封涇國公，謚襄敏。懋器宇宏遠，識見超卓，負膽氣，工騎射，年弱冠即從父領兵為前行。凡填上廣昌蔚州大同白

溝濟南之戰與父同功又禦敵于單橋藁城西寨東平州鎮小河戰尤力累陞右都督永樂初論功行賞進封寧陽伯食祿一千石子孫世襲賜誥券賚予甚厚六年受 詔佩征西將軍印總兵鎮守寧夏賜寶鏑白紫牛羊以為戒嚴之費至鎮號令一新凡胡人降附者親撫綏之務得其歡心七年自將精銳大敗虜于境外由是殘孽遠遁邊塵肅清捷聞加封寧陽侯食祿一千三百石子孫世襲復賜誥券及貂蟬冠服錦綺寶鏑八年春 上親征北虜將左掖兵扈從十一年冬還鎮十二年春 上復親征仍將左軍俘

本朝分省人物考卷十六 十七

馘甚眾明年還鎮十四年夏有報虜酋馬哈木死者懋曰是欲懈我邊備也即申飭諸將固守已而虜將果來見有備而退二十年春 上復北征率所部兵以從還京賜玉帶金綺龍衣禮聘其女入宮冊封麗妃尋 命歸寧父母賚予駢蕃當世無與為比二十一年 詔統陝西寧夏甘肅三鎮兵出勦叛虜懋率眾直抵賀蘭山擣其巢穴盡收其酋長十部落及其牛馬駝羊數萬凱還 上大悅寵賚有加二十二年復隨上北征師還以懋兵為殿至京遂領前軍都督

府事

昭為勦衛樂安州之平領京營兵衛 上有功還有金帛人口之賜二年復鎮寧夏三年春奏徙靈州城以便防守四年春得玄白二兔以進 上賜璽書獎諭兼有玉帶龍衣馬圖之賚六年還京十年 命佩平羌將軍印移鎮甘肅正統改元念勦戚之舊召還奉朝請十三年冬福建民鄧茂七作亂偽稱閩王勢甚猖獗 命率師往討之至浙江有欲分兵先守海口者懋曰如此是絕其生路則為死寇矣不從明春師次寧建有欲屠沙尤二縣者懋曰如此則益堅賊心矣乃下令諭之俾各復業能斬賊首者官與王師

本朝分省人物考卷十六 十七

同于是降者日眾曰賊勢已孤無能為也乃五路進兵一鼓而收之凱還賞勞加等命領中軍都督府事尋兼領宗人府事景泰中加太子太師天順改元恩遇益隆六年春忽得疾踰秋不能起上言臣老死不足惜惟陛下以生民為念任賢用能以圖太平之治則國家幸甚遂薨時享年八十有五訃聞 上震悼輟視朝一日追封濬國公謚武靖遣官諭祭加賻及營塋事東宮及諸王亦各致祭懋偉觀修髯音洪亮胸懷磊落敬禮文士雖位極人臣未嘗妄自尊大而南征北伐口不言功當為中興名將稱首

張貫

張貫靈璧縣人洪武末年出歲貢入大學永樂中任順天府知府十年三月陞府為京兆府即以貫為本府府尹政尚寬平獄無留滯吏民愛之稱為長者十年卒于官

金純

金純字德修鳳陽泗州人洪武中歲貢入大學三十年吏部尚書杜澤愛其才薦擢吏部文選司郎中持衡公平能聲益著三十一年出陞江西右叅政值久雨江水泛濫民多勞饑多方賑恤民賴全活壬午

本朝分省人物考

卷十六

九

南直六

成祖入正大統吏部尚書蹇義首荐之召為刑部右侍郎時將營北京命往湖廣採大木規畫綜計杜絕侵漁于是各郡不聞騷擾之苦而事亦易集還京甚荷 成祖眷注七年扈車駕巡狩北京八年北征又命扈從五月至驢胸河稍逼賊境凡居中翊贊効勞居多胡寇平扈還南京陞刑部左侍郎九年命看視河勢先是 高皇帝用兵梁晉使徐達開塌場口入泗以通運道後因河口壅淤乃修師家莊諸閘又開濟寧州西坡接引曹鄆黃河水以通梁晉之粟後故道復塞至是命純開濬自開封府城北引水下達

鄆城復入魚臺塌場口出穀亭北千里修復故事今

所謂永通廣運二閘是也十年回京十四年改禮部左侍郎尋陞禮部尚書時禮部有呂震掌部事凡一切大典禮俱命純攝行之十五年又扈巡北京于行在諸典制俱諳習切中事宜十六年扈還南京十八年又扈從行在十九年定鼎北京奉 勅巡撫四川考察官吏安輯軍民蜀人無擾事竣還京與尚書呂震協理部事雖震有柔佞才而純以誠心處之終無間阻二十二年改工部尚書本年冬改行在刑部尚書時干戈甫息天下又安純亦比情孚律務存寬厚每戒屬吏不妄椎擊繩人以故諸司亦習為寬厚故獄無瘦死者宣德十年致仕卒贈山陽伯

朱勇

朱勇字惟貞成國公能之子也能征安南沒于軍勇襲公爵勇自幼岐嶷不與凡伍出就外傳無統毅豪奢之習惟澹泊自處與韋布之士同讀書不事尋章摘句必求其要領于忠孝之大義利之微辨之弗明弗措主師席者為之擊節驗其所履殆無違焉爵既在躬恭勤益倍無一毫驕態見于言面而敦厚簡靜之譽籍甚 文廟大異之日加眷注巡狩北京扈蹕

往來歷掌帥府留守南京蓋老成可託故委以心腹也勇握兵權號令不繁訓練有法不怒而威時仁廟監國尤見禮重十八年命勇隨侍北京二十二年從駕往征北虜有勞績及仁廟繼承大統眷顧益隆賞賚優渥勇獨加焉未幾宣廟嗣位以勇勲舊恩典煩繁白金文綺之賜極厚宣德初宗室有謀為不軌者京師震動勇勸上親率六師以征之罪人既得乃班師還京而運贊之功在勇為多于是白金楮幣人口之賚又加隆焉三年隨上北征沙漠有功加太子太保特命總管大營兵權勇益殫心極慮務精訓練兵威大震上深倚重嘗御製重陽歌揮宸翰賜之五年勇以南北兩京及沿海陝西諸軍操備漕運遠近相乖請以南軍漕運北軍操備沿海陝西諸軍還營操守上從之人以為便自是每歲巡邊滿陵必命勇綜理其務屢有金綺之賚六年冬至以京軍分調大同一帶防守者多進言恐非居重御輕之意上以為然乃命兵部選精兵六十萬以益之七年上慮勳臣子孫過于優逸後不堪事于是屬勇督練之時萬全諸軍勞民供餉勇進屯種之計以息轉運又言減放宣府調操者及留宣府諸軍備

本朝分省人物考 卷之六 南直六

遼者悉准行之九年扈從巡邊慨然欲選將士抵其巢穴以勦絕胡虜會阿魯台部落離散相率效順遂還勇宿衛禁闈防範嚴密金綺幣楮之賜尤侈勇愈感激竭誠輔導兼知經筵事每偕儒臣進講以成聖學勇以為天下雖安不可忘戰復奏選銳兵四萬以備邊用正統改元加授特進榮祿大夫右柱國九年邊報有警勇統兵出喜峯口敗虜寇于富峪川追及熱水川俘獲人口馬駝牛羊還以功進太保復賜蟒襲并介冑十四年虜寇犯邊勇復領兵隨駕往討之還至土木兵潰勇力戰以死得年五十有九天順改元賜勇諡命追封平陰王謚武愍子儀襲爵

本朝分省人物考 卷之六 南直六

苗衷

苗衷字秉彛鳳陽府定遠縣人學術醇正舉應天鄉試永樂己丑會試中式時車駕巡狩北京詔中式舉人陳燧等八十四人寄監讀書越辛卯車駕還京廷試擢衷第二名宴于會同館授翰林院編修屢典文衡宣德五年預修實錄成陞侍講正統元年內閣楊士奇薦衷學問貫通言行端正與高穀馬愉曹鼐同侍經筵三年與修實錄成陞侍讀學士壬戌命主考會試得人為盛十年陞兵部侍郎兼侍讀學士入內

十四年陞兵部尚書兼翰林院學士景泰元年兩京多災與首相陳循等上疏自劾 景皇悉留之未幾衷乞致仕特賜寶鑑金綺給舟以歸未幾卒于家壽八十贈少保謚文康蔭子鏞爲御史

許亨

許亨字士通世家鳳陽定遠父得從 太祖起淮甸以功累遷都指揮僉事洪武丙子亨以父蔭爲燕山右護衛指揮僉事已卯調開平備禦已而還京調廣武 太宗靖難兵至維揚亨來見 上嘉勞之遂拜都指揮僉事賜之綠幣鞍馬命守和州未幾俾任北

本朝分省人物考

卷十六

三十三

楊悅

平都司事撫馭有方士民安之歲庚寅受命董治長陵經畫措理得宜人樂趨事而忘其勞 上嘉其能進都指揮同知是冬調掌金吾右衛事仍董前役先後凡八年勞績爲多丁酉進都指揮使出鎮浙江浙東南巨鎮海寇時或竊發至則擇人守屯堡時訓練寇遂屏迹居民以寧歲調兵士漕運給京師分番更代私不容髮以是勞逸均而餽餉及期至于繕治城郭堅甲利兵戒飭軍士毋爲民擾尤悉其心故兵民相安而市井晏如也 英宗嗣位以享歷事累朝克效忠勤特遣使賜以勅書白金文綺拜左軍都督僉

事仍掌浙江都司事亨益感 上恩務殫厥職比累陳年老乞致仕 上以耆舊精力未衰不允所請正統戊午以疾卒于官享年七十有四訃聞遣官諭祭仍勅有司治喪營事

本朝分省人物考

卷十六

三十四

楊悅

本朝分省人物考卷十六終

人物考卷之十七目錄

南直隸鳳陽府四

年富 陳翼

王質 郭登

湯胤勳 陳璇

戴昂 張偉

王景 張袞

高一越 李紹賢

朱儀 陳銳

戚景通 顧佐

本朝分省人物考 卷十七目錄

董建中 殷雲霄

趙永 薛蕙

李熙 戚繼光

俞大猷 趙本

常三省 劉繼文

余翺 李國士

馮應京

本朝京省人物考卷之十七

南直隸鳳陽府四

年富

年富字大有懷遠縣人領永樂丁酉鄉薦會試中乙榜為德平訓導九載赴京擢吏科給事中命掌刑科事糾正違失直氣凜然宣德乙卯吏部推富為光祿少卿奏留中不下適陝西缺右叅政乃以陞富富峻厲敢為衆推奏令總理邊儲富至邊遂斟酌遠近定其徵科鉤考收支防其出入由是宿弊頓革正統甲子陞河南右布政使適歲饑流民入境者數萬大肆剽劫富設法賑恤撫定之轉左布政使土木之變邊境道阻部檄富督運邊糧民聞富督運冒險而進無後期者尋陞左副都御史提督大同軍務兼理邊儲時邊備廢弛法度不立而冒軍功盜邊儲之弊尤甚富痛革之一時武將如石亨輩不得遂其私尤忌之天順初亨諷科道官劾富致仕而石彪憾猶未釋復擲摺逮至京多誣仍致仕不數月起為南京兵部右侍郎尋轉戶部左侍郎巡撫山東又改左副都御史奏徙降虜之居東昌者用銷未然之患四年春召拜戶部尚書錢穀會計躬任其勞事有關於利害者僚

本朝分省人物考 卷十七

南直七 劉汝奇

佐或難之富曰第行之吾當其責公毋署名可也吏胥諸司莫不畏憚束手聽命富以西鄙多事用非其人奏舉布政楊璿知府余子俊可用而請黜布政使孫毓以懲其貪吏部尚書王翺言其侵已職請下于理富曰薦賢爲國非有私也因求退不允忿翺專恣疽發而卒時年七十 上聞之震悼賜諡曰恭定賜祭葬富天資剛勁所至以嚴爲治人不可撓以私及掌國計愛惜用度持正不阿得大臣體然亦爲人所窺伺其屬有作弊者知富多疑遇州郡奏災傷欲其准則言不可准欲其不准則言可准富必反其所言

本朝分省人物考

卷十七

二

南直七
劉汝奇

而從違之適中其姦計焉

陳翼

陳翼字冲霄虹縣人幼有異質其父指以語人曰吾家世農業人知吾所治者稼而不知種得吾兒其稼以獲宣德壬子領鄉薦正統丙辰登進士第授戶部主事歲丁巳虜寇邊王師北征命往永平等處備芻糧百方區畫民不厲而兵饒給還奏稱 旨復出內帑數萬兩命糴粟遼陽實邊廩事竣陞郎中尋奉璽書督漕江西先是歲賦皆卒伍漕輓時 朝廷用武始更以民有司承望風旨嚴程趣辦民始弗堪翼

曰賦無後期足矣奚以亟爲乃循行郡邑求得其富厚者俾具舟分漕且諭之曰此一時權宜爾師還當無爾勞衆咸樂從景泰初上崇孝敬錄忠義備財用清賦罰申舊典體羣臣六事未報聞父訃乞歸三司御史交章留之 上命卒事翼已馳歸喪次聞 命復往督漕抵京師而歸終喪會 上命廷臣舉堪任方面者卽其家拜山西右布政使馳傳赴任問民疾苦蠲其逋稅至十餘萬石民素利五臺山木至是有禁翼弛之鴈門旣設兵守禦益戍以民咸釋之使歸農業暇日築忻州城除道通平西嶺復俾修陽曲諸

本朝分省人物考

卷十七

三

南直七
陶安

學廟而民不知勞 英宗復辟召還拜都察院右副都御史巡撫寧夏時西邊連歲用兵民罷敝甚翼拊循之又籍其貧甚者計口給食奏蠲逋租之累里正者舉宜聖廟祀禮時以歲儉止行釋菜翼曰其費幾何而用以化導邊氓其利博矣俎豆之事吾何敢廢亟復之久之孛來入寇邊將失利翼檄諸部固城堡繕器械募材武士爲土兵叅以官兵守要害旣而朝廷命將出師虜始引去七年陞南京戶部左侍郎 憲宗卽位 勅總督京儲及屯田諸務始至會臺臣建議令諸司察舉其屬翼首劾其不事事者數輩

而薦用其才且賢者廩庾廢壞修復之資向取具于軍役公有餘材但積以待敝翼曰糜有用之物困無告之民吾不能牽于吏議以隱忍于心也即日以便宜從事復因災異上恤民力錄囚徒裁省鹽糧俸鈔三事丁繼母憂 賜祭葬旋命起復懇乞終制祥禫召還京陞南京戶部尚書總督如故三年 賜誥命進階資政大夫翼感知遇期于盡瘁雖精力漸衰勤渠治事不敢少貸卒以成疾猶日省署不廢成化壬辰六月卒于官翼為人嚴偉立朝稜稜有風望自為郎署人已憚其剛直及出更藩鎮入踐臺省位敘日

本朝分省人物考 卷十七

四

南直七 陸安

高年德益茂後進以得接納為幸而下吏趨走聽令有莫敢仰視者

王質

王質字夢瑾太和縣人由鄉貢為南陽縣學訓導秩滿擢監察御史宣德十年陞四川叅政尋陞山東右布政使正統六年陞戶部右侍郎八年刑部缺尚書上命廷臣擇老成有學公廉謹厚者眾以質對遂陞刑部尚書居五月以失獄囚左遷戶部侍郎會閩浙銀場盜起命質往治其事至彼得疾或謂行可少緩質不聽至杭州武林驛卒有司為備棺歛送至故

里計聞遣官賜葬祭質為人平易廉而不苛在四川嘗言十事皆中時弊每行郡邑不食肉惟啖青菜蜀人呼為青菜王

郭登

郭登字元登臨淮人營國公英之孫也正統七年征麓川靖遠伯王驥薦登為副將鎮臨安檄召諸夷長宣布 朝廷威德諸夷長帖服爭獻珍貝不受十四年七月也先入寇 天子親征至萬全西寧侯宋英武進伯朱冕相繼覆沒乃拜登都督僉事副廣寧伯劉安鎮大同尋 詔班師登語學士曹鼎張益曰

本朝分省人物考 卷十七

五

南直七 陸安

駕還宜從紫荆關虜等入奏已得請從紫荆矣俄折而東竟從居庸未入而 天子蒙塵大同城門晝閉軍士多戰死所存皆創殘登涕泣循之弔死問傷親為暴瘡傳以藥或謂登曰事已至此城旦夕且破何空自苦乎登曰吾誓以此城存亡當不使諸君獨死也八月也先奉 上皇至城下索金幣萬計約賂至即歸駕登閉門不納 上皇傳旨曰朕與登有姻婭何外朕若此登傳奏曰臣奉命守城不敢擅啓閉竟不出校尉袁彬以頭觸門大呼給事中孫祥知府霍瑄乃出見納賂而也先實無歸駕意登曰此給我耳

及擁 上皇去登大慟時賊勢張甚獨登守城十月
虜寇京師登率所部并糾集忠義從鷹門入援十二
月虜又將犯京師登奏言京軍新選不可輕戰宜分
營犄角以逸待勞以主待客勿求僥倖務出萬全虜
自屢勝以來出入自由不聞有出一兵拒之者登不
勝憤晝夜以忠義激勵其軍定爲賞格期必殺賊謀
報東驛賊入境登率兵躡之行七十里至水頭日暮
休兵夜二鼓諜報二十里外沙窩有賊營十二將士
皆曰賊衆我寡莫若全軍而還登曰我軍已去城百
里且疲困一退避賊以鐵騎來追雖欲自全得耶按

本朝分省人物考

卷十七

六

南直七
陶輝

劍起曰敢言退者斬進薄賊管昧且賊以數百騎迎
戰登奮勇先登諸軍繼進呼聲震山谷登射殺二人
手刃一人賊大敗追奔四十餘里至栲栳山共斬首
捕虜二百餘騎奪人口牛馬以萬計捷聞封定襄伯
登廉慎有謀與賊大小數十戰未嘗挫衄善撫士卒
有古良將風 英廟復辟命掌南京中軍都督府事
尋謫戍甘肅 憲廟嗣統復爵鎮守甘肅以薦召還
總神機管掌中府事尋命提督十二團營多所建明
登工詩所著有連珠集謫甘肅時有詩送丘正曰青
海四年羈旅客白頭雙淚倚門親莫道得歸心便了

天涯多少未歸人又曰甘州城南河水流甘州城北
胡雲愁玉關人老貂裘敝苦憶平生馬少游

湯胤勣

湯胤勣字公讓濠梁人東甌王和之曾孫也少負才
使氣兩眸睜然髭奮起如戟年十五六入學爲生徒
日記數萬言學有舊版字千餘胤勣騎馬過一目成
誦應天尹下學傳籌召諸生胤勣獨後至當答大呼
行尹聲撼庭木尹愧憤卒管之胤勣攘袂出學門題
詩府署合屏上有從今袖却經綸手且向江頭理釣
絲之句遂去學出游江湖上凡吳越間豪家富室爭

本朝分省人物考

卷十七

七

南直七
王國瑞

延致之周文襄公轉運江南聞其名召之至曰王孫
能作啓事否胤勣請紙筆卽席具狀幾萬言又切當
世務文襄奇之上書薦其才兼文武具驛召赴京時
于少保方督諸軍請試之立胤勣將臺下萬卒環視
于公摘古今將略及諸史中事舉以問胤勣應對如
洪鐘不能屈左右嘖嘖歎賞于公亦撫掌曰吾子誠
有才入對以爲錦衣百戶後以裨帥出守孤山堡力
戰死之爲人軒豁倜儻好以氣雄人不問名位卑顯
有不可意奮然去不顧爲詩豪邁奇崛如風雨晦冥
中電光翕焱使人不敢正視每就人席上操觚立成

數十章即能詩者亦多為其所懾或不能措一語以遁平生著述有五雲清唱風雅遺音東谷集十餘卷

陳璇

陳璇其先江陰宦族洪武中徙家鳳陽兄弟十人皆俊偉傑特璇天資尤穎異甫冠充郡庠弟子員蚤夜孜孜篤志於學不煩師資而學業日進嘗與同輩曰吾輩為學當思不止於掇科可也苟惟圖此以進身而不思其遠者大者豈足以報朝廷之作養乎迨登進士第拜監察御史凜乎風裁不察察而明不沒沒而暗知者以為得風憲體時從兄耘字德耜亦為御

本朝分省人物考

卷十七

八

南直七 劉憲

史問語人曰某性褊迫終不若吾弟之雍容寬裕喜怒不形他日遠到吾必不若也嗣後璇果膺敘遷陞雲南按察僉事鎮守雲南都督沐公讀書善談論於人不輕許可至京有詢及雲南方面官者曰無如憲僉陳某未嘗倚法以凌人亦未嘗廢法以貸人迨陞浙江憲使浙江地大事繁為憲使者百責所萃每難其人璇凜冰玉之操不動聲色凡所設施寬不致縱猛不至殘方面肅清浙人無間遠邇靡不向風而懷德者值考察有以蜚語中之璇即日啓行赴闕聽進止而浙之軍民咸動容蹙額如失父母者不啻數千

人填衢塞巷率餽餼以挽留之至馬不能前不得已始暫駐于城之宗陽官黎明取間道而去而浙耆老李恒寺先抵京奏陳其政蹟願得拔留 朝廷仍令還浙視事璇平生內貞外和學脩行篤故于臨政雍容自若不銜不矜惟以正人心厚風俗為要自始至終一以德意臨人故人德之獨深焉

戴昂

戴昂宿州人正統戊辰進士選擢御史以言事忤旨謫湘口驛丞陞濰縣知縣在任九年上下愛戴後卒于家都御史秦公紘特拜其墓親為文祭之

本朝分省人物考

卷十七

九

南直七 于

張僖

張僖靈璧縣人景泰甲戌進士選授山西道御史以建言謫末寧令丁內艱復補餘姚邑有水怪虎患僖為文祭之遂息陞杭州知府值歲飢設法賑濟全活六萬餘戶晉湖廣叅政未行卒于杭祠祀之

王景

王景靈璧縣人成化丙戌進士授樂安令立毀淫祠百餘楹民有火患徃碎其妖神患遂息鋤強扶弱一境肅然歲凶賑濟全活尤多擢監察御史歷右通政時李孜息以方術惑上疏陳其奸惡言甚剴切未幾

改太僕少卿卒于官賜之諭祭

張袞

張袞鳳陽縣人成化舉人授蒲江令卓有能聲調劇固安時流賊縱掠所過誅屠袞捍患孤城保全生聚邑舊俗婚姻論財多有過時失偶者因權豐約以著令嚴禁舊俗洒然一更會入覲儀觀偉然逆瑾見而異之陰論賄以二千金臺省惟其所欲嚴詞以拒瑾大怒矯令緹騎逮捕士民咸欲歛金入賄袞耻以賂免遂仰藥死邑人哀思如喪考妣為專祠祀之

高越

高越鳳陽縣人成化舉人授山東福山諭時劉賊猖獗縣令棄城走首倡忠義嬰城死守賊退事聞超拜監察御史清軍湖廣革親藩之僭巡按遼左明功罪嚴軍實積弛一振出知泉州府引江水開八卦河植清源山樹泉之人文始盛致仕歸

李紹賢

李紹賢盱眙人進士觀政戶部解銀餉邊舊有火耗羨餘約數百金悉籍付有司盡以其費還部授行人正德中武廟議歷淮泛浙由金陵浮漢沔人情洵洵思變叵測紹賢約諸部曹郎張元承寺連疏入諫

本朝分省人物考卷十七

十

南直七

上怒下錦衣獄時有貢諛叅劾各屬為妄言者天威遂不可霽 詔于午門外俱去衣杖五十謫戍降調共二百人有奇時死杖下者十有一人而紹賢與焉至 世廟御極詔錄一子賜之葬祭

朱儀

朱儀字炎恒世為鳳陽懷遠人生而器宇凝重具文武材景泰壬申嗣成國公 景帝當祀太廟偶不豫夜宣旨遣儀攝事倉卒無違禮丙子命治周世子喪財省事集 英宗復位見儀而喜曰平陰有後矣

本朝分省人物考卷十七

十一

南直七

禮壬午命持節封蜀王勞錫無所受嘗較射內苑連中的 上喜甚錫寶鏹一篋自是始有意大用之癸酉奉勅掌南京中軍都督府事賜白金三十兩金織蟒衣一襲甲申 憲宗嗣位申命以行時南畿大饑奉命賑救議令獄囚贖米及都城商稅錢鈔皆以市米協賑所活甚眾時游食頗盛議京伍未實宜使此輩應募為兵可得若干人鹽徒彭釗強賊李相為江路患督將校跡至九江獲焉疏薦都勝守備儀真勝果廉明後官至總漕都督戊子旱奉勅會獄囚多所矜釋又議都郡歲輸軍儲許臨船預放省耗得十

餘萬石貯于倉傲古常平法行之會有詔諸守臣符
驗皆進繳儀言南京根本地事有緩急非符驗不能
速達又遣官勾稽管籍儀言舊制軍數不宜泄事皆
寢城門守兵盡隸營伍止留老羸數人儀始定番代
法海賊劉通勢甚猖獗衆議招撫之儀謂必先聳以
兵威方可懾服乃遣舟師分據要害賊勢窮歸罪械
其首惡檻送京師脇從者皆釋弗治海道以寧乙巳
星變求直言所陳多切時弊屢上疏辭不許加太子
太傅視事如故奉勅修葺孝陵明樓并修欽山十廟
二役成有旨嘉勞刻石紀功暹羅夷人入貢還泊龍

本朝分省人物考 卷十七

十二

南直七
劉汝思

江市中國子女爲奴婢事覺或言宜寘不治儀曰事
關國體不宜置若罔聞遂舉正管押通事官追給夷
價各遣歸其本里每歲錄囚儀當執筆必從容訊問
務求其情尤嚴祀事凡代事南壇太廟者各四社稷
山川孝陵及大江之神各三以常典祭者不可紀皆
夙夜虔凜未嘗少怠前後同事文武僚屬寅恭協一
久而彌篤以弘治丙辰卒于正寢訃聞 上震悼輟
朝一日誥贈太師謚莊簡子朱輔嗣爵遭世承平無
可自見賜第有古槐一株疎陰滿庭時時挾一冊就
其下臥且讀焉其爲詩長篇短什皆流傳縉紳間被

服冲素言動恂恂如諸生丁丑守備南京已卯逆濠
犯安慶遠近震恐乃與白巖喬公畫策戰守以身任
其安危人于是咸稱爲馮翼祭遵之流亞也辛巳召
還京未幾卒于里第而以子希忠襲封 世宗南幸
承天道衛輝行宮夜火侍衛倉卒不知駕所在獨希
忠與陸都督炳翊 上以出嗣是恩遇日隆而希忠
亦復嫻于文墨嘗侍御舟賜詩屬和操筆立成 上
謂輔臣曰勳裔中如此人才絕少稱善者久之是秋
充神機營總兵官庚子提督團營加授太保庚戌虜
薄近郊部署諸將城守捍禦虜退加太子太師改掌
後府事壬戌加太師 上眷倚方隆而竟以疾不起
贈定襄王謚恭靖 世宗以威嚴馭下雖素所親任
輔舊往往被譴斥而希忠獨被隆眷三十年遭遇亦
甚顯奕矣

本朝分省人物考 卷十七

十三

南直七

陳 銳

陳銳字志堅別號雲谷莊敏公豫之子也生而膚體
碩大方在孩幼言動簡重及長勤問學善詩文天順
甲申襲爵明年成化乙酉奉使江西歸尋奉命直宿
帶刀侍衛及坐團營管操眷遇日隆庚寅簡命掛征
蠻將軍印總制兩廣軍務賜金蟒綵段白金宴東閣

門至廣處置有方軍民受惠夷虜咸服壬辰移鎮淮陽掛漕運印充總兵官籌畫簡便多可為後來法嘗條陳便宜二十餘事皆見允納己亥日本使臣進貢還于濟寧沛縣等處鬻買男女數十攜歸過淮銃償其值贖之給舟遣還其父母又于淮河壩改石閘于濟寧分水龍王廟自南距北可十里各置一閘以節蓄水利壬寅淮多疫癘死者相枕召富人勸募殯之有司命醫診視給藥病者日給糜粥如是兩月全活萬計總漕事十四年河道之修築轉漕之利弊前後建疏百有餘章乙巳改管南京中府事丁未夏奉勅

本朝分省人物考

卷十七

十四

南直七

月奉命還京疏乞解印歸里第家居杜門數年而卒

戚景通

戚景通字世顯定遠人其先百戶祥以畧地戰死世襲登州衛指揮僉事景通長幹修髯常席地讀書當暑不輟劉瑾結豪傑為逆陰遣人遺席帽約曰某日發難着此者為劉景通且日為黃冠遁去將率六郡良家子赴不測瑾敗乃還青州賊李琪反王副使良臣分部擊之弗克景通微得琪與姦民出入狀將數十騎往跡琪夜至伏姦民舍旁遂擒琪頃之流賊橫行山東檄景通守鄒以七百人往入門告母遂行師

本朝分省人物考

卷十七

十五

南直七

倉不中計對簿度支當降級所部張千戶者懷贏金二百餽之景通笑曰吾以不欺受罪顧納贏金為欺耶事白復官戚勳以總督備倭至欲引為同姓景通謝曰先世故姓倪載在勳府即自附璽書之謂何卒却之進督備倭尋陞大寧都司掌印河間治河久未底績屬為植不踰月而告成奉 詔坐神機營母閭貞節年老請終養從之仍支俸山東便奉給景通白首子舍每上食率諸子女弄雜戲一不當母心蒲伏請受杖母有疾夜叩北辰請身代居喪哀毀斑白始有子曰繼光繼光綦履過庭景通大詬曰童子何知

本朝分省人物考

卷十七

十六

南直七

顧佐

顧佐字良弼鳳陽臨淮人登成化乙丑進士授刑部主事歷員外郎郎中時錦衣衛都指揮牛循嘗怙勢殺人鎮守宣府太監顧雄分守紫荆關監丞鍾欽事多不法佐皆按致其罪識者趨之成化十九年出知河間府貴戚莊田基峙境內聞佐至皆戒其下不敢乘勢輻輳親校冊籍吏無所容其奸驛司給供應令民計畝出錢里中得免于賠累郡有蓮瑞秀麥之謠二十三年進四川副使整飭建昌兵備越雋山崩地震民駭蕩析佐憊心力撫循民以安堵弘治三年徵拜大理寺右少卿丁憂七年補左八年進右僉都御史巡撫山西九年改南京都察院提督操江十二年進右副都御史十六年陞戶部右侍郎十七年六月北虜小王子求貢甚急兵部擬差佐往宣大整理糧草十八年三邊告饑 孝宗命兼僉都御史往蒞之比至條陳便宜多方區畫始有三年之積正德初戶部尚書韓文率百官伏闕上疏得罪去佐遂代其任時逆瑾盜政威權日熾諂諛成風佐自若也瑾性極貪酷而外假仁義諷諸司各進羨餘以入私藏佐曰吾部無羨餘者瑾啣之未發也後瑾憾韓文不已搆摭百方無所得會部有故冊逸弗得瑾欲以為韓罪

本朝分省人物考

卷十七

十七

南直七

喉佐上其事持不行因奪俸三月佐曰可以去矣遂引疾乞歸疏再上允卽行瑾令選人訶其過無得命官按三邊儲蓄有紅腐則以爲罪 詔罰輸米八百石于邊遼東邊糧以菽易米弘治中有 旨准行又以爲佐罪罰輸三百石戶部有缺失又以爲佐罪罰百五十石佐素貧至稱貸以益人皆寬之無慙色正德丙子十一月卒于家年七十四佐貌温氣和內守堅定立朝四十餘年當財利紛華無所漸染權奸歛絕無所跛倚初壽寧張公發自河間佐爲河間守嘗有德焉比當路每輸忱于佐佐謝之及壽寧有召朝

本朝分省人物考

卷十七

十八

南直七
崇仲德

士全集而佐獨不往時王端毅爲冢宰亟稱之始知所自逆瑾伏法其事益明及訃聞贈太子太保

董建中

董建中字湯民鳳陽人也湯民少與邑人殷雲霄相友善以修學倡鄉人又取呂氏鄉約爲課每大書壁爲勸誡弘治乙丑舉進士授行人晉官御史湯民惇大而有執蒞事精悍初其父吳江公貧喪其配楊葬具薄陋湯民日夜號泣吳江公在太學繼妻暨子留壽張湯民涉水負粟販之以給朝夕歲凶兄弟將異居湯民泣止之不可往白于吳江公亦不可乃以田

宅讓兄弟指其婦曰吾婦幸有奩不累諸兄弟也爲御史時值盜四作嬖人僭柄朝有邪臣威脇爵餌直道幾杜湯民挺挺自持立節不撓甲戌按順天遣其妻子還獨留老奴司戶母敢私謁永平大水民漁以生權閹奪之斷其罟麗有嫗與其子哭于野湯民行部見之廉其實卽上疏劾閹人曰奪漁是無民也無民是無君也無君者戮無赦閹人懼而縊海葦擦漁之利然後悉歸民又有閹人將之廣過任丘奪御史府以居聞湯民至列健卒以待有司懼迎湯民于路跪請避之湯民弗許直入坐堂上視政如常大閹驚

本朝分省人物考

卷十七

十九

南直七
崇仲德

辭去有二青衣持勢人書至語人曰往太監皆無能故屈御史下吾之來非有託也將挑之與角勝負耳旣入書湯民不啓封火之以詐罪二使流于驛霸州男子自首爲盜趙鏃弟與幸不死實賊託以爲間者湯民立命斬之命修州城以備湯民沉毅慮定而後發卽不可易嚴于治吏而不苛以其暇復射圃修元節士劉因祠以禮赦節義誨儒生乙亥得痺疾已以吳江公喪歸明年八月卒年四十有二

殷雲霄

殷雲霄字近夫鳳陽人元末有諱仲名者避亂東平

因家于壽張雲霄修眉碧目口可拳體羸而骨健讀書數行下既成誦終身不忘舉弘治乙丑進士以疾歸居石川作蓄艾堂聚書數千卷旦夕玩誦思以作者自名多所著述病愈還京授靖江知縣雲霄明察有斷不勞而治蘇盜過江淮渡江掠常州將入靖江

謀知有備乃入江陰雲霄發兵追之江陰得完民朱鎧死于文廟西廡中莫知殺之者忽得匿名書曰殺鎧者某也鎧素讎某眾謂不誣雲霄曰此嫁賊以緩治也密問左右與鎧狎者誰對曰胥姚明乃集羣胥于堂曰吾欲寫書各呈若字祝明字類書詰之爾素

本朝分省人物考 卷十七 二十 南直七 如

狎鎧殺之何故明大驚服曰鎧將販于蘇獨吾餞之利其貨故殺之耳乃殺明調青田雲霄雅好游眺川壑覽物歌詠靖江青田有大江孤山混元峯每暇輒出嘯詠其間曠然自得選授南京工科給事中上疏言事者五曰清弊蘇民曰安重地曰防奸微曰除邪以全治曰公賞罰既病封其疏題曰理真事曉意忠詞馴付其母曰茲以歸雲霄弟遂卒年三十七初父卒雲霄治喪既卒服始冠將昏與其妻父母約必如昏禮乃舉後又考訂古今祭禮行之為文非秦漢語不習自漢魏至唐作詩者皆辨其音節而擬之又覽

莊周書說其達性善喻寤後自病太博必六經之旨然後究心焉國子司業穆孔暉篤行苦學無匹猶畏雲霄曰近夫之耻不善不啻負穢所作有古樂府四百篇集志穀錄金僕姑數十卷

趙永

趙永字爾錫臨淮縣人沉靜簡默博洽淵冲從大學士李文正學文正曰此子風骨不凡而造詣宏博遠到之才也登弘治壬戌進士授翰林編修纂修實錄忤逆瑾瑾欲左遷銓部疏勤慎竟復職瑾終銜之永裕如也辛未甲戌兩主會試文衡崇雅黜浮文體復

本朝分省人物考 卷十七 二十一 南直七 如

古授侍讀轉春坊 太子右諭德克經筵講官奉命主武舉 武廟南狩以居守有勞 賜金麟服陞國子監祭酒表建師模嚴飭士習抑請託進廉節動遵矩範不阿權要海內嚮風翕然丕變 世廟登極仍命直經筵兼日講官每進講必先焚香閉戶積誠滌慮以冀感通 駕幸太學賜坐講尚書大禹謨敷陳剴切進止雍容 上屢注目罷講 聖諭褒獎翼日率諸生謝表 上賜勅及彩幣二襲仍賜宴龍巖偶因疾在告 上念講官無直諫者遣鴻臚寺賁旨至臥榻諭起供職永感恩流涕力疾入謝未幾復

以言忤當路辭解日講轉南京禮部右侍郎尋擢部
篆永修禮敦俗風化一新時內閣缺輔臣承其時望
大學士楊一清恐相遇不合伴以他意挑之永曰吾
可以纓冕冕吾道乎具疏乞休隱居都下不出戶庭
都給事中董進第御史王瑛率諫垣臺臣薦承名重
玉堂化覃壁水退居于輦轂之下而踪跡愈幽充養
乎經濟之才而聲猷實富吏部亦首疏起承竟不出
築精舍數椽繚以筠檜橫琴抱膝若將終身嘉靖戊
申卒于家壽八十所著有類菴稿文華講義南京錄
瀛洲詩北歸稿

本朝分省人物考 卷十七

二十二

南直七
范應瑞

薛 蕙

薛蕙字君采鳳陽亳州人第進士授刑部主事病免
起為刑部主事調吏部考功主事歷郎中人遂稱薛
考功云蕙自為刑部時值 武廟南狩抗疏諫禍將
叵測蕙宴然安之及嘉靖初大禮議起迺撰為人後
解為人後辯奏入下獄已而復官權貴人乃甚不憚
會給事中構其罪蕙上書訟坐是罷後竟屢薦不起
家居十八年卒蕙才思清淑脫屣塵壒中歲好養生
家言收斂耳目澄慮默照如是者數年久之乃悟曰
此生死障耳不足學然因是讀老子及瞿曇氏書得

其虛靜慧寂之說已而証之六經及濂洛諸說至于
中庸未發之謂中曰是矣是矣故其學以復性為鵠
以慎獨為括以喜怒哀樂未發為奧以能知未發而
至之為竅後又為約言五經禘說二書居鄉絕不肯
為人干請至戚里有疾恒親為製藥嘗脫衣施凍者
或曰焉得人人而濟之曰吾不愧此心耳始號西原
居士后扁其齋曰大寧齋更號大寧齋居士而世猶
稱西原先生云

李熙

李熙字仲光號緝菴其先定遠人也祖彬翊 高皇

本朝分省人物考 卷十七

二十三

南直七
陳昌

帝啓運累功為都督僉事永樂中以征討功進封豐
城侯食祿一千石賜鐵券世襲暨錄平安南功加祿
五百石熙襲祖爵嘉靖甲午奉 命統耀武營操練
官軍隨以廷臣會推掌中軍都督府及提督神機營
壬寅 欽命充總兵官掛平蠻將軍印鎮守湖廣乙
巳楚世子弒逆株連數百人熙惻然憫其冤諮於直
指伊公相與平反釋其無辜幾二百人沅州麻陽洞
苗作亂遠邇繹騷調兵征勦歷三載底寧諸凡經略
出自已裁不少假麾下而悉中機宜敵愾奏功勳庸
顯於遐服處之則以謙焉庚戌奉 召回京掌前軍

都督府事熙廉府中宿弊嚴為禁革人不敢干以私
辛亥奉 敕提督京城九門官軍壬子總督京營戎
政時軍伍疲耗往者率因循行事熙一以精明振刷
而綱紀之諸材官咸凜凜奉法大司馬良鄉趙公永
豐聶公並嘉其賢以為勳臣可倚重者而忽以疾終
得年五十而已

戚繼光

戚繼光字元敬號孟諸定遠人景通子也幼而好弄
押圍多權奇始舞勺隆準方頤毅而鷹揚英氣勃勃
昂然為萬夫雄已折節為儒以經術著既冠上勳府

本朝分省人物考

卷十七

三十四

南直七

襲世官既孤家故不造庚戌待試武闈匈奴大入部
列城守簡材官戌九門繼光條上便宜部當其議山
東歲遣治兵使者部六郡良家子入戌繼光任中軍
務輯眾心一軍皆服進備倭都司尋轉浙江都司僉
書會倭難甚浙殘矣上練兵議其略曰無兵而議戰
亦猶人無臂而格干將乃今烏合者不張徵調者不
戰吾不知其可也聞義烏人其氣敵愾其習慄而自
輕宜可鼓舞及今簡練訓習一旅可當三軍督府乃
檄光亟募三千人假以節制乃間長短兵夾振而進
隊立一人為長偏則伍之倍則什之倚角互張攻距

本朝分省人物考

卷十七

三十五

南直七

擊刺互用是名鴛鴦陣居無何卒服習矣督府請補
浙東叅將將分部台州辛酉島夷入台州睹旌旗皆
辟易所嚮以全取勝時新兵若發矟至如破竹其年
江西告急督府檄光西行既捷露布以聞軍聲益振
久之閩寇益張兵食無措徒負長技擐弓躍馬當先
一倭操利刃迫之斷馬尾而免寇分壘為三窟一據
橫嶼一據牛田其酋長壁莆東南出沒焚掠山寇陸
梁海寇盤踞廣叛兵乘亂出入毗若無人言者謂督
府兼制八閩亟解懸以希悔禍乃屬光部兵八千往
自橫嶼趨牛田俘馘立盡他夷部繼至截先登者五
之三其二突圍南奔窮追絕跡既入省會勒功平遠
臺甫班師寇入莆城又三宿驛聞督府逮京師大司
馬趙公代督府乃發浙餉屬募精兵萬人閩望援兵
日幾幾如望時兩兵至斬獲無算寇枕藉而死屍以
澤量當戰務釋俘囚蠲脇從視首功居多隆慶初虜
陷石州東薄昌黎幾不守用廷臣議召譚司馬戚總
戎入策備邊總戎三書備陳七原六失四弊大較言
兵制西北什倍東南虜馮積威劫邊人邊人望風而
靡戰將率賸軍費參外舍兒視虜飽歸尾而勦掩老
羸為功級既贖而賞有差刲羶首以當雄飛彼自以

爲得計借曰當戰鮮不唾之且不練何以議兵無兵何以議戰練兵之效嘗試之東南請簡部將若而人分出三輔州縣部募三千丁壯部將將之合爲四營營各五部每營立一裨將爲之連衡總攬折衝則主將專制簡練訓習一如東南比及三年堂堂乎可格虜矣長驅出塞務令咋指而避窮廬迨其非時則大舉討罪之師逐北而虛大漠然後屯田足餉罷戍銷兵坐致富強則百世之利也部持可否聞者發言盈廷司馬私語總戎吾舌故矣如不入何第捫舌勿談總戎自言世受秦養敢不私效愚忠用則腹心干城

本朝分省人物考

卷十七

二十六

南直七

周作

南兵三千如期至陳而待命郊外自朝日雨甚至于日中軍容益莊總干山立邊將大駭將軍令固如是乎既相要害程功能部署臺垣之役工力籍班軍則以南兵爲渠長薪木取諸塞外其餘則以益樵蘇最賞決罰有差不旬月告成事是役也在縣官僅發十萬緡經費考工足當百二十萬復增募南兵二萬編伍戍之議立車管出戰則以代城郭車四面結鞞爲方陣步騎二旅中藏之遇虜乘陣火器先薄五百步外稍近則步兵出轅下距虜馬排擊之虜却而奔則縱騎兵乘勝逐北慮師不宿飽復益輜重營以從有

本朝分省人物考

卷十七

二十七

南直七

劉相

伐自 天子出其如 主幼何既而逝修勳功進
左都督加秩少保兼太子太保移鎮南粵虜入黑峪
關薊人願亟召還不得請則勒石頌德尸祝之光度
嶺南任疆事如二鎮踰年疾作得謝還歲散千金徇
客急歸而益貧即延醫治病且無資丁亥始及耆蜡
日鷄三號將星隕矣子僅襲祖職得指揮僉事不遑
以賞格聞本兵以光功高將請卹典而究不果光在
浙有紀效新書在薊門有練兵實紀鑿鑿見諸行事
非徒托諸空言者

俞大猷

本朝分省人物考 卷十七

二十八

南直七

俞大猷其先鳳陽人世為泉百戶髫髻時輒倜儻以
豪傑自命家酷貧日不能再爨顧誦讀不輟銳意文
事已父卒襲官學騎射輒命中從李良欽學擊劍盡
其術益悟常山蛇勢以為兵法數起五猶一身五體
雖將百萬之兵固可使合為一人也嘉靖中登會舉
高等以千戶守金門上書兵部使者呵辱之奪官大
猷笑曰此豈吾自見地耶遂盡鬻其家遊京師以書
于毛尚書伯溫翟侍郎鑾翟得書驚歎禮之驚一軍
然終不盡用乃奉 勅守汀漳遷廣東都司會安南
叛人入欽廉為寇諸司議募陸兵大猷曰賊由海來

獨當以海舟破之若專備于陸賊舍此擊彼我不勝
其備賊不勝其擊彼逸我勞非計也乃多集海舟以
擊之連破之永安萬寧而安南函賊首以獻倭難作
大猷以南直隸副總兵戰平望王江涇六金壩皆連
捷而提督尚書張經以視師趙文華言論死大猷坐
落職奪祖官于是東南之禍日亟復浙直鎮守而大
猷言防江必先防海水兵急于陸兵蓋倭奴長陸戰
令樓船高大集萬銃其上倭船遇之輒摧壓焦爛固
我兵所長也善戰者毋以短擊長而以長制短且海
戰無他法在知風候齊號令以大舟勝小以多勝寡

本朝分省人物考 卷十七

二十九

南直七

耳于是用舟師戰而積歲不除之賊皆勦盜王直者
徽人也以亡命入海勾倭夷貿易為逋逃主 天子
以連歲倭變皆直故責督府胡宗憲必得之大猷言
直在彼國一逋逃夫耳倭之來不來非關直誅不誅
也若誘之來而殺之則失信且何以示後請諸宗憲
不聽誘以來 天子聞得直大喜詔殺直于是宗憲
恚失信怏怏曰吾為俞帥笑矣而羣倭聞殺直焚舟
死戰大創入閩宗憲懼乃奏言大猷違節制不窮追
為解而大猷逮詔獄謫戍邊饒平民張璉反流陷江
閩諸州縣 詔諸道合師二十萬討之而大猷遷南

贛將時胡宗憲已奉 詔兼督江廣聞璉出行剽下
檄言賊棄巢出此自投死其速擊大猷前以違節制
見劾幾得罪欲言恐禍及欲不言恐敗事已乃曰吾
豈以一身之禍忘國事哉乃具言璉雖離巢出劫其
妻子財寶乃在巢若我以大軍迫其巢彼必聚眾自
救譬之虎方逐鹿熊據穴而搏其子虎安得不置鹿
而還還而感之如拉朽矣且三省會擊有期又豈可
以數萬之師從一夫團走哉于是引兵萬五千人疾
走栢嵩嶺瞰璉巢賊果歸保巢而大猷出擊俘斬者
千餘于是潛使說璉黨執璉已為兩廣帥所奪或請
本朝分省人物考 卷十七 南直七 楊甫
訟之大猷曰賊惡其不滅豈必在已翌日班師不殺
一人以示信陞副總兵賜璽書加節鉞命控制江河
閩廣四道兵加祖官一級會倭陷興化大猷自贛晝
夜馳赴之駐秀山都督劉顯駐明山而都督戚繼光
提浙兵未至 上怒督府失泉城責戰急而閩士夫
又洶洶急功大猷念賊且萬人能戰入死地官軍數
僅相當若迫城而攻之彼實我虛彼飽我饑彼逸我
勞一挫而東南之事去矣且敵以戰為守我以守為
攻不若列營以困之于是星布兵營畫地鑿溝令東
西通而列柵其上賊挑戰不動閩士夫訟共詬病之

已竟殲賊諸將各加秩而大猷止賜金幣蓋閩士夫
業已為流言聞之朝矣倭三萬寇潮州與盜吳平相
犄角為廣患 詔移鎮潮廣羣盜憚大猷名競出降
吳平雖不能堅決然亦詭殺倭自效遂與倭人絕于
是大猷請于督府吳桂芳曰韃賊以出邊為生路山
賊以歸巢為生路今潮兵驅賊入益深則益以闔耳
是死路也當大集精兵十圍五攻無使片甲得還于
是將漳兵二萬以來果破平而御史以招吳平為大
猷負坐免官都御史為之抗言于朝乃得留二源山
袁千里賊據洞如蜂房水窩介三郡六縣之間而雲
本朝分省人物考 卷十七 南直七 高文
溪尤固大猷曰此當誘而聚之者也遣王鸞者盛駟
從充裨將為死間賊得鸞自安而大猷日發兵擊旁
諸巢之未下者以趣之諸巢果畢聚雲溪以緩討乃
陽言誅李明過雲溪橋賊出牛酒犒兵須臾兵悉集
擊破之于是賞先登酬死間而東峒遂平桂芳上其
功有云董五哨十萬之全師如奕棋著著先手剪三
郡六縣之妖逆如振落次次剗平蓋大猷為將事先
必周慮萬全既事往往為善後長久之畫為人易簡
無町畦而有容善忍功則稱人罪則稱己叅將楊克
寬罪抵死大猷力為當道言克寬忠勇慣戰請保任

不效甘同罪詔獄時妻子寄食甚窘百戶鄧城亦就
速適有遺數百金者立與之平生蒞官誓衆陳師鞠
旅一決于理雖支干孤虛雲物氛祲堪輿奇遁未嘗
一訊焉譚侍郎綸與書言綸近對人言節制精明公
不如綸信賞必罰公不如戚精悍馳騁公不如劉然
此謂小知誠如霍子孟任如諸葛亮大如郭子儀忠
如文文山毅如于肅愍可以托孤奇命則公之大受
然也爲時所信重如此

趙本

趙本字宗立鳳陽人祖端沉鷲剛果屢從征伐積戰

本朝分省人物考 卷十七 三十一 南直七

功歷陞福建興化衛指揮僉事父麟代職拜鎮國將
軍廣東都指揮同知本甫生而父歿既長襲任邳州
衛指揮司督造海舟創新開運神木以管宮殿才能
卓卓著稱于戎事尤爲練習凡從征沙漠者四以功
褒賞久之陞山東都指揮僉事領兵更番護衛京師
撫馭有方得士卒心歲甲子山東旱饑戶曹奏准停
支屯田卒月糧本日支尚食不給不支則轉乎溝壑
必矣仍發廩放支僚吏執不可本日有罪在我因以
聞于朝卒得請賴全活者甚衆未幾以疾卒于官本
器量淵洪風采凝峻以父不逮養事母極其誠孝居

喪哀毀踰禮蒞官行政寬猛得宜處僚友和而
衆臨敵善謀而有勇公餘手不釋卷雖處軍旅亦然
故于義利之分古人成敗之迹知之甚習而見諸行
事卓有可稱于親戚故舊有婚喪不能舉者輒捐貲
助成之不少有德色其仁厚如此享年五十四

常三省

常三省泗州人嘉靖丙辰進士歷官湖廣叅議致仕
歸歷宦二十家無饒貲而性好施與雖至懸磬不顧
也淮流陡漲多方防護城全而泗人免于墊溺水侵
祖陵惡以分黃導淮之策言于行河使者卒用其議
以襄成功摠督河道楊公疏言河工就緒 祖陵有
磐石之安旣蒙 聖恩叨受殊賞切念臣等不過焦
頭爛額之人乃尚有曲突徙薪預揭利害如原任叅
議常者乞增秩起用以明 聖世有功必錄之意疏
雖不報至今鄉人誦德無窮焉

劉繼文

劉繼文靈璧縣人嘉靖壬戌進士授萬安令清苦愛
民釐奸革弊召入禮曹改給諫出叅政浙江時有妖
僧惑衆立除其奸考滿時宦囊如洗與海忠介頡頏
書天下清官第二後巡廣西平東蘭土知府常應龍

本朝分省人物考 卷十七 三十三 南直

之變以功蔭一孫入冑監致仕以上壽終于家

余翱

余翱字大振定遠縣人進士由南道御史丁憂復除四川道以議大禮謫戍卒隆慶元年贈光祿少卿

李國士

李國士字汝志亳州人萬曆丁丑進士授豐城令以治最選刑科給事中故事省中有疏先自政府曰倘關白而有所撓將終不得言耶竟以是與政府左出為浙東僉事輶車所至風清弊絕上虞令蔡叔遠為鄉紳金某所持奉 旨鞠問金謂令與同鄉語輒侵

本朝分省人物考

卷十七

三十四

南

之抗聲曰吾為 朝廷治亂民不知其他金乃伏罪

晉陝西副使清西安四衛隱糧萬餘石尋以叅政晉

右布政守蒼梧徭人與編民鬪跳梁甚咸議移兵以

討但遣一幹吏諭之徭人輸服思明之役調兩省兵

七萬部署其事轉輸無乏因檄以監軍冒暑雨瘴厲

出其不虞兼程而抵太平賊聞之氣奪乃諭以脅從

罔治之意降者二萬四千人斬獲獻馘者千計晉山

西左布政使決計乞休疏上而遂拂衣歸矣享年七

十有五

馮應京

馮應京盱眙人萬曆壬辰進士授戶曹博學閎才高

名震世僉憲湖廣值中使陳奉貪噬無厭先以好語

諭之再嚴祛其狐鼠終於勿悛乃疏其違 旨九事

未得 命竟為中使誣傷初僅外謫楚士民有捐脰

稅璫之門者有伏 闕交章乞還原職者以數十萬

計 上愈怒逮訊下錦衣獄禁錮三年因與同志考

太祖經制之詳而表章之甲辰天變歷 聖慮得釋

歸里復冠帶以疾終所著有經世實用月令廣義等

書行於世

本朝分省人物考

卷十七

三十五

人物考卷之十八目錄

南直隸蘇州府一



高啓 郭翼

張介福 滕德懋

余燠 王英

陳祚 何源

陳則 張洪

呂昭 盧熙

王遜 曾燿

尤安禮 許思溫

本朝分省人物考 卷十八目錄

一 南直隸 周佐

趙友同 殷奎

錢甦 吳文泰

王履 黃鉞

俞貞木 錢芹 附王賓 韓奕

王仲光 錢迪

顏琇 枚應發

王洵 王淳

莫轅 吳淳

王行 瞿嗣興

楊基 宋克

姚廣孝 李蕢

袁政 劉璉

王進 王永和

陳謚 俞士悅

劉鉉

本朝分省人物考 卷十八目錄

二

本朝京省人物考卷之十八

南直隸蘇州府

高啓

高啓字季迪吳郡人生元丙子少警穎力學遂工於詩上窺建安下逮開元大曆天資秀敏故其發越特超一時東吳騷雅士咸推轂焉爲文尚氣多辨難攻擊之體讀之疊疊忘倦張士誠有浙右時羣彥多從仕者啓獨挈家依外舅周仲達居吳淞江上歌咏終日以自適尤好權略論事聳人聽一時武勇多下之明興以薦借謝徽等聞於朝與修元史授翰林編修復命教授諸王久之推任喉舌之司待以不次與徽等懇辭乞歸田里制可仍賜金以還復居江上遨遊青丘甫里之墟始號槎軒又號青丘子銳志不衰先是啓嘗以史與祭酒魏觀雅相知契會觀守蘇州爲徙居城中延問政事得失援見甚密會觀得罪連坐死年甫三十有九

郭翼

郭翼字義仲崑山人少嘗學問與衛培游亦通經義言王氏易摘辭必範之古有奇氣揚廉夫極重之謂可幾太史左氏詩亦質有骨體與顧瑛孝彥伯磯等

本朝分省人物考卷十八

南直八
郭仲義

相和皆服其氣調翼見羣雄方逐鹿東南欲一有所用之嘗獻策張氏云明公仗馬箠下婁地及越數十城望風請服者人皆苦元政守吏貪殘自恣不恤其下非能極慮安危者也故民離散而莫與之守今誠能反其政休勞之率以乘時進取則霸業可成若遽自宴安湛於逸樂不惟精銳坐消且四方豪傑並起相攻壤進地益雖欲閉境自守勢將日蹙且吳又所必爭也其能保乎哉言剴切忤士誠幾欲殺之其妻勸之云郭生策未爲非縱不能用當善接之使無望我翼遂得逸去洪武間徵授掌故自以遭時不能建功業快快卒獨所爲書有傳者

張介福

張介福字子祺自單懷徙家長洲少從許衝游衝所爲學以道德自命福遂操軌迪踐制行有幅無或斥越自以不及養不仕以祿食家故貧寒不能具夾襦或以紵絮遺之不受雖纖介必以禮至死不移張士誠亂兵入其家危坐不爲起命導之他所發其藏不應以刀斫其面傷仆地醒復取冠戴之坐自若兵怪以爲晝乃見異物驚走去又恐或發其墓往廬焉士誠聞而欲致之不可

本朝分省人物考卷十八

南直八
陳昌

天禍無忘國家者饋之力辭焉病且死猶爽然謂其友曰吾志慕古未能萬一惟母污於時庶幾哉

滕德懋

滕德懋字思勉吳縣人元季為浙江行省掾參政朶耳只班討方國珍辟為參謀渡海颶風大作舟且覆德懋神色自若國珍降留撫台州三年台人德之國初徵擢丞相府掾從征陳友諒除知信州以才力不逮辭改建昌同知時陳氏故相王溥守禦建昌所為多不法德懋以大義律之多所峻改進知潭州再進湖廣行省左右司郎中 召拜兵部尚書坐事卒

本朝分省人物考 卷十八 南直八 劉汝忠

余焮

余焮字茂本崑山人家故鑷工少儻慧喜學問有志當世洪武中以薦辟徵入內廷召對稱旨焮為人長者未嘗譖毀人其以事見疑者每進微喻有所寬釋上篤嘉之而亦長於吏治所在著聲無何遂以通政司參議特拜吏部尚書後免歸居家尤恭謹過里門輒下遇故時所往來者必自稱其名以對若未嘗

王英

王英

王英字俊伯崑山人初從鄉校貢入太學以諸生選授監察御史久之 高皇帝察其可用特命署都御史事而大書敦厚王英四字揭於殿柱以勵百官當時朝士以罪去者比比而憲臣尤甚英獨以秩滿陞刑部郎中俄出知寧海縣蓋欲以民事試之也及文皇帝嗣位知英名召還復郎中尋擢陝西按察使丁內艱服除改山西秩滿仍命治陝已而得代還行至泗州疾作而沒享年六十三英立朝守正不阿且

本朝分省人物考 卷十八 南直八 劉汝忠

夕兢兢謹畏每顧其妻子曰吾以身許國其勿以死生為意但吾獲死於正足矣乃絕不問家事而時具疏有所建白 上知其忠直也多嘉納之然疏入輒毀其藁人不得知也及長臬司務以簡靜為治獄至而決雖不為強辯深文而巨奸宿蠹恐懼首服不能隱其罪至待寮友和而正寬而有容凡所設施人皆取以為法固有千里之外聞其名而感慕者去世已久凡與之處者猶不能忘葉文莊為鄉後輩拜其遺象贊之為名賢至於今邑人尚能談其往事者嘗一日行道傍有負甍者擠墮水中怡然攝衣而歸他日

復遇於道其人知爲英也棄所負而走使人追還之嘗微服入吳市門時適有禁門者執爲庶民宜有罰笑曰吾官人也門者不信取冠服示之始釋其縛亦不怒邑令盛設酒饌以待辭之竟赴鄰翁飯或怪之曰鄰翁貧治具不若邑令之易且官府吾可輕入其門耶至人有以私事干者輒遜謝之曰吾不能爾其垣夷而峭直大率類此

陳祚

陳祚字永錫吳縣人自庶吉士參議河南以言事黜均州力田宣德初召爲御史復疏言帝王之要載在

典籍具以質言所爲明興壞之端在薄嗜慾謹游幸

審忠邪之辨若此之不慎徒法何爲且何以建利

去害錯世於安而不傾 上疑 言有所褒毀刺非

抑損當世之意遂逮治請室且籍其家禁五年乃得

釋復其官則親已前死獄中乞行服不聽又乞歸葬

乃聽後按閩擊去方岳而下甚衆代還視河渠重劾

將漕者雖蒙宥令惶恐謝又按楚言 遼王事 上

怒械治論死尋赦出之侍郎吳雲者薦其屬吳悅悅

坐死而文法吏因文治其罪雲以釋憾悅自剄祚上

言爲理者用法不平以私上下其手亂舊章應死

上是之因著爲令遷按察僉事福建得謝歸卒年七十五祚性刻廉有所爲奮不圖難操裁太過不無逆戾人情然能苦體蹈危險若甘之人亦矜其壯氣尤怨亦復少損焉其後世官亦有顯者

何源

何源一名德源字幼澄吳江人洪武間領鄉薦授保

德州學正陞德州知州歲旱鄰治多蝗不入源境陞

梧州知府梧多水患民有流亡衆議具奏賑之德源

曰若俟 奏報民皆死矣乃首捐已俸次募義民出

粟賑給民多賴之又悉毀境內淫祠後以註誤謫交

本朝分省人物考 卷十八 六 南直八 高梁

趾英國公張輔舉署交州學事多所造就士之以貢

選至方岳者十餘人後 召爲吏部考功員外郎出

爲鄭府長史復改吏部文選郎中正統間擢江西右

布政致仕源爲人溫雅歷事五朝文章政事見稱一

時卒年八十六

陳則

陳則吳人以秀才舉治中應天俄進侍郎戶部以閱

實戶口調同知復遷爲守則與高啓等齊名詩亦豐

縟俱以召命行後議選士法頗可采

張洪

張洪字宗海常熟人生甫五日而母邵亡父客燕不歸靡所顧復張翁炯媪丁憐而乳之故姓從張幼穎獻詩書臚傳精理神會識者訝其非凡踰冠以比隣事連成滇黔寧王一見才之遇以國士與都護瞿友善無何夷木邦刁干孟亂逐酋長思倫法 高皇帝詔三司議剿撫便計衆謂雕題互攻我可勿預洪間語瞿曰思倫法擁三十六旬之衆嘗入寇邊圍今雖警黔寧之威其強未殺日者之亂實天授我宜討木升而示威分建彼被逐得復戴賜無窮是恩威並流固內弱外完策也三司以其議上 上俞行遂捕斬

本朝分省人物考 卷十八

七

南直八 毛士遠

刁干孟以其子與思倫法並授宣慰使而西南者定尋以明經授靖江王教授稱病免永樂元年以行人徵至京師旋使日本復使吐蕃餽一無所受冬而往逮夏歸裘葛不更人服其介久之緬甸那羅塔殺孟養宣慰而據其地奉詔責羅塔歸所侵地六往諭始如詔竣事晉行人司副洪熙元年擢翰林院修撰宣德初同修 仁廟實錄五年引年致仕比歸杜關謝將迎日事著述有周易會通尚書補傳詩本補遺歷代詩選史記要語等集年八十有四卒

呂昭

呂昭字克明崑山人嗜學敦行洪武中以薦授徐州訓導上疏言民事稱旨改浦城縣丞縣多荒地昭以俸資市穀給無產者俾藝其地而不責其償縣以富庶永樂中陞沁州知州父老持金為贈皆謝却之然僅至杭已不能顧舟狼狽而歸比赴沁道出徐州天寒尚未挾纊故所授經弟子共為買一毛裘顧一驢以往其子且既舉進士昭遺書戒之曰進士美官然不能廉終非吾子死亦不飲汝祀其廉戒如此且字寅伯初任河南按察司僉事以事去職後以薦起為建昌府推官正統間致仕性亦高潔環堵蕭然未嘗

本朝分省人物考 卷十八

八

南直八 毛士遠

以貧窶為意及卒不能喪蕭山魏文靖公驥遣人買棺斂之 盧熙 盧熙崑山人洪武中以薦授睢州同知明年行州事適使者至逮民而實其伍必取盈於數少留令者即以抗 旨論熙不為動上更戍者數人後雖盛怒以加之不動也未幾卒於官貧不能殯吏民相與歸其喪送者塞途遇大雨無一人避去者熙既慈仁又該博達於政務與兄熊俱有名於時

王遜

王遜字謙伯崑山人以洪武間進士選擢御史已出
爲上高丞治行有能聲復召入性剛廉峭刻以擊搏
爲名高不稍避忌人或規之君不虞後患耶遜曰虞
患思避隱忠不竭其又能得全哉且使撓而從之何
稱死官下耶卒侃侃自若子復亦以進士任御史然
直氣少折矣

曾燿

曾燿其父自錢塘徙家吳少學春秋於魯道源洪武
間選於鄉令黃陂三年人懷吏畏召侍讀禁中修典
令備顧問卓然能其官命使交南還陳黎氏父子克
惡相濟所以當討狀令之贊師有功永樂間交南叛
再使燿往卒於富良江子堅亦以進士官蜀藩

尤安禮

尤安禮字文度長洲人父義字從道元末辟樞密掾
遭亂屏居二十年洪武中舉人才授湖廣布政司經
歷以廉謹稱性沉厚明哲處患難不失守著元史輯
要藏於家安禮尤純厚少從父寓武昌與楊尚書翥
楊文貞士奇友善相厲以德業歸補生員巷邂逅一
姝若將獻笑者安禮亟引去後不復由是路同學生
陳文學當遠戍泣告安禮吾必不生還妻當弗能守

本朝分省人物考

卷十八

九

南直八
鄧召常

卒

許思溫

許思溫字叔雍世爲吳縣人洪武二十六年貢胄監
聲譽籍甚二十九年朝廷選學成行優者於六堂
授之以官擢思溫刑部尚書郎尋除監察御史改知
揭陽縣未任命復故秩三十年陞北京按察司副使
奉勅往永平府所屬灤水六州縣集民丁永樂元
年以守城功陞授刑部左侍郎二年選兼左春坊左
贊善三年丁外艱已轉階通議大夫以疾卒年四十
有三思溫質雅樸直不能與物低昂故每不借於俗

本朝分省人物考

卷十八

十

南直八
鄧召常

幸逢 聖明之世竟以自全而不究其大用人咸

趙友同

趙友同字彥如長洲人友同初從父習黃帝書已遂博通諸家善屬文溫麗典則宋濂與游數稱曰吾得趙生意乃暢洪武間辟掌故華亭經明行修大為諸士悅服後姚廣孝以善醫薦於 成祖遂得召對又有言其明於水利者令從夏原吉往吳中灑水道利漕渠工畢乃以文學參侍從撰定功令及箋疏經義勒成爲制大被眷注焉

本朝分省人物考

卷十八

十一

南直八 鄧召董

殷奎

殷奎字孝章其先自華亭徙崑山受春秋義楊維禎所洪武初以秀才異等聞太常籍奏試一義稱旨官文學掌故因乞近地見忤調咸陽即忠於所職教諸弟子文義甚美獨念其母不置竟鬱鬱死諸弟子私謚文懿先生奎爲文爾雅深厚不爲浮誇學亦頗究通天人分際所著書甚衆若咸陽志關中名勝集陝西圖經支離藁等二弟璧孝連箕孝揚璧薦明經奎卒璧徒步千里以其喪歸箕舉秀才試守僉事

錢甦

錢甦字更生常熟人博學閎辭卓有文譽洪武十年應 詔上書至中書省長揖不拜左右以爲言甦曰未拜 天子不敢先拜相公也遂於本省聽辦事務數月不得召會有 詔募撰祭元幼主文甦亦擬撰內有云朕之得復吾中國之固有汝之失棄其沙漠所本無 上得之大喜即日召見欲官之以老疾辭賜歸里卒初名沂字伯與洪武初坐事當刑子迪代之死故易今名曾孫昕字景寅宣德進士歷官湖廣布政以廉慎著稱

吳文泰

本朝分省人物考

卷十八

十二

南直八 鄧召董

吳文泰者吳人貧而湛於詩嘗從事幕府文書無所省與丁敏游無日夕吟不休二人者嘗閉戶共爲詩人見其終日突無烟往視之則方瞠目相對亦忘其饑也語皆厲苦若孟郊益僻寒矣文泰洪武間同知涿州坐累謫徙雲中而敏流落江淮間有憐而館之然故狂生不能久悒悒遂謝去卒饑寒道路以死

王履

王履字安道崑山人學黃帝書於朱彥修遂盡得其術謂漢張仲景之論寒疾備矣而未言其變所謂上下無常合而並至偏害陰陽推本岐素爲立法考又

謂諸病陽明篇無目痛少陰篇言胃脅滿而不言痛
太陰篇無嗌乾厥陰篇無囊縮凡此必有脫簡於三
百九十七法有所簡汰益人之極論內外所中及暑
與風無以自繆也名曰渾洄論及他所著上參天文
下極地理人事諸家治法為書甚眾履思既精手敏
而視遠加之博綜方論道術善為詩若文圖繪學夏
圭思腕有餘力故秀勁意在筆前故麗密嘗遊華山
為圖四十餘系以詩時稱合作醫則究極原委後來
業者皆不逮

黃鉞

本朝分省人物考

卷十八

十三

南直八
陳仲義

黃鉞字叔揚常熟人洪武初以生員薦授湖廣宜章
縣典史建文元年舉湖廣鄉試明年進士授刑科給
事中陞戶科左改禮科建文三年丁外艱方孝孺屏
左右問曰北兵日南蘇常鎮京師左輔君吳人朝
廷近臣今雖去宜有以教我鉞曰三郡唯鎮江最要
害守非其人不可鎮江指揮童俊狡猾不可測蘇州
知府姚善忠憤激烈有國士風但仁慈有餘御下太
寬此治郡之良才恐不足定亂然國家大勢不在江
南戎馬至此而禦之晚矣孝孺因附書於善善得書
慟哭靖難兵至江上善受 詔總蘇松常鎮嘉興五

郡兵勤王以書招鉞鉞即日營葬訖遂趣善所時童
俊果以鎮江降靖難後 詔暴善罪捕善急善麾下
許百戶素機詐得親善縛善邀賞鉞聞之慟哭遂絕
食閉目三日求死家人救免或告鉞曰善款服已得
宥鉞瞠目曰吾知善必無二心且少俟善事定吾死
未晚脫善果不死吾將下報希直遂復稍稍食是年
七月十一日善死報至鉞起登琴川橋西向再拜祀
善哭曰君今與希直同死國吾忍獨生乎祀畢給家
人歸祭具從容整衣冠奮身入水死時北兵四出捕
善黨籍籍言且併錄鉞家親族悉驚伏鉞友人楊福

本朝分省人物考

卷十八

十四

南直八
陳士儒

具棺衾日夜泣橋側百方求鉞屍而得更數日屍忽
自出立水中福大哭抱起易服體猶不潰竟成禮葬
之福父濬早奇鉞鉞與福共學福亦有古行

俞貞木

俞貞木字有立世家於吳少聰敏稍長能屬文年十
五篤志問學欲以力追古人既冠未有室人或勸之
娶貞木以學業未成謝弗聽永嘉陳公麟以易經擅
聲浙東西來寓吳中從之游多所開悟後陳公中進
士甲科出宰明之慈谿復負笈從之卒業時元季四
方兵起明瀕海為郡尤多嘯聚之徒乃辭歸杜門不

出研考程朱氏之說直將上探義文之秘奧居閒十餘年視天下榮利泊如也 大明混一區宇始以薦者言起家授韶州府樂昌縣令尋丁父憂服闋謁選天官改南康府都昌縣令縣故有周元公朱文公祠下車拜謁觀其室宇頽圯弗稱乃捐俸金爲倡大修治之因以禮教其民翕然從化未幾政舉惠行郡將上其績於 朝復丁母憂民到于今惜之及返鄉里以親族犯法例弗起遂息交絕游屏棄世故間作爲詩文以陶寫性情有集若干卷藏於家與人處雖甚和易而中峭利不可犯蓋以誠確之資嘗潛心爲已

本朝分省人物考 卷十八 十五 南直八 陶見

之學故與衆殊至於晚節益以清淨自娛安陸姚候善來守郡折節下士數延致於庠行乞言禮然糠覈不繼空匱愈甚不以介意靖難時勸姚舉兵勤王因被逮以疾卒於京師

錢 芹 附王賓 韓奕

錢芹吳縣人幼厲志介廉以奇節著嘗從大將軍徐中山之絕塞旣罷居貧漠無所營郡守姚公善折節下士嘗貺米俞貞木誤致芹所芹以守賢者也受之他日貞木以語守守願見不可期於朔日見於庠序展禮賓之欲與行更老儀芹曰此何時也而爲此迂

緩不急之務乎將別出一書授守皆攻禦戰守之方也後姚死於靖難芹與焉同時有王賓者字仲光性峭嚴遠於俗學無所不通毀形容異衣服箕踞道傍人不測也姚守聞而造之賓避去他日守乃屏人直入其室始克見之所告皆大事繫於時政守欲薦之朝終不敢發言後姚公廣孝旣貴歸見之掩面走姚守勤王實賓爲決策云韓奕者與賓俱以醫浮沉於俗姚守欲見之不得一日與賓突至其所而奕已走避蘆中矣守歎曰古稱名可聞而身不可見者韓先生之謂耶於時稱姑蘇三高士焉

本朝分省人物考 卷十八 十六 南直八 陳士儒

王仲光

王仲光吳縣人學貫天人洪武中避地太湖中戊寅歲儲君卽位有詩云數莖白髮亂蓬鬆萬理千梳不得通今日一梳通到底任教春雪舞東風與袁柳莊至契柳莊至燕遣子忠徹見於太湖以乾象詢之曰此數莫逃問兵仗曰雖地窄無聲聞一勝後卽多有矣回以告其父而知其言後姚廣孝還蘇州反初服往見弗克見但云道衍一箇和尚做不結果後終於家

錢 迪

錢迪甦之子也洪武間甦當伏法迪年十八詣曹請代父刑上其事 詔從之時又有徐植者父達以稅事當刑植亦未弱冠請代既伏鎖猶從容賦詩無懼色二子俱常熟人

顏 琇

顏琇字季栗吳人洪武初父成鳳翔以母韓行琇獨留父之聞母歿即奔赴負母骨歸行數千里未嘗釋於地寢則皮置之宿其下涉則戴之泳焉父既放免奉事尤謹旦夕自洗厠膾其父勞苦之云幸不乏食又何以爾為令人趨代亦竟不肯意將視父渡以審

本朝分省人物考 卷十八

十七

南直八 劉國才

安否也逮卒日夜號泣水漿不入口者五日不勝喪死子昌亦有孝行

枚應發

枚應發吳市人也事母孝母疾弗療發割股進而愈他日又疾作發露禱於庭灼肌以代母痛願損已之年益母筭夕方晦忽開見斗六星惟一星尚隱頃則雲復合入視母母已擁衾坐云有六人來以水灑之霍然蘇

王洵 王淳

王洵王淳者父鑄辟為都督府掾屬洪武初坐事鑄

當伏法洵淳號泣無日夜爭請代走御史言父以洵故饑祿洵不能有所以事之免於過應戮淳復進云由淳故不當坐父兄者御史訊其執志皆堅定無二聞於 上特免焉

莫 轅

莫轅字異仲幼慧悟從張適學適甚異之洪武初父繫治當刑轅年十一詣李請代李試答掠問誰教使轅無恐言代父死亦豈人所能相導耶遂上言之如其請父乃更為轅陳非辜竟死於繫轅已釋季父侍郎禮方寵費用事時持法嚴轅預恐及繆指一人成

本朝分省人物考 卷十八

十八

南直八 劉國才

間左者為其屬後禮見法轅竟以前被伍符免兄遺胤幾殄取而育之又間行求得其父骨歸轅屢觸網卒全已而遇赦宥既痛其家禍深自刻責常茹糲飯蔬鄰失火勢迫躍入火抱其母出毛髮為焦復得不死若其陰行善惠利人多矣里有賊禍少年葛嘗痕傷轅衆執焉且陳其殺人狀於郡轅曰葛所殺三人者死溺耳欲逸之不得深為惋惜姻沆生坐法有遺孤女字劉劉又他適轅乃長而歸之鄰有舉室死疫者遺子人無敢視恐厲延又收養之素與鄉先生張子宜易九成遊故亦長於學問

吳 淳

吳淳字伯善長洲人少與兄學兄中遭疾廢不良於行者二十年元豐作人不自保淳負兄趨避之遇強暴刺以刃淳以身翼蔽中三十餘創昏仆於地兄竟死淳復蘇得入餘杭山蜚遁以終

王 行

王行字止仲號半軒吳縣人家本微父爲人行貨於都市以行操挈從時尚髻年藥踰千品能別其上下品輕重之主媪喜聞諸小史稗官行卽默記數本時時爲陳說主異焉授魯論一帙翌日已成誦矣遂大

本朝分省人物考

卷十八

十九

南直八
周性

奇之盡以所度經史百子恣其探閱既已遍讀卽辭去游諸生間與言濟南生詩伏生書孔安國禮灑灑詳盡人咸異焉然視其居徒壁立故未嘗有留冊也問所從來曰向得之藥肆翁其爲文汪洋奧美氣陵一時老生皆望而畏之臨川饒叅政介之分守浙右以詞翰豪視東南號醉樵間延與語卽席授簡不加點竄饒仆地曰吾見中朝才儁亦夥未有類子敏而奇者真天才也三吳鼎沸時多壘礮石自固行私語人曰兵法不云柔可以制剛耶或詢何居曰設植蕩篠頎而偉者繫布於其端如帡幪然人出沒其下雖

礮至而布必隨之低昂則人無害而不可盡矣後大將軍常公提兵至果用是計而城破靡不服其談兵之有徵也洪武初辟本郡文學諸生心易之至以五經雜進問難析極蘊奧洎刪潤課業刃迎縷解至是乃吐舌曰王先生之不可以蠡測管窺也如是乎自負其材欲有所見將擬上書 天子或尼以法網固密非儒者渙優之日乃微哂曰虎穴尚可嬉吾韋布士何窒哉往客藍玉玉立談大賞識之賓爲上客行將薦于朝而玉以事籍沒其客皆賜死行亦與焉

瞿嗣興

本朝分省人物考

卷十八

二十

南直八
周性

瞿嗣興字華卿常熟人父達元初爲百夫長遷蘇州巡鹽大史兼管內六縣捕盜長興時年方髻稚而天性純慤依依親側若不忍斯須釋者母患癰癩潰當長夏臭穢不可近興燻湯洗滌執扇驅蚊蚋靡晝靡夜至月餘乃休旣而又罹積氣疾衝擊下上百藥不治或授以割股可療法祝刀於天俟刀躍方可用頓顙流血刀弗動情迫切強取刀割股肉作羹以進母不食已五日忽盡啖之氣銷如失一旦母思芟食時芟始華求諸市不獲凡川有芟者解衣入水歷覆其葉覓之雙脛皆赤腫興號呼曰神胡不相我乎俄得

三芟人以爲精誠所感然其宅心仁厚單窶者心思賑給而不欲使其知禮工王氏家無擔石儲且卧疾不能興鷄初鳴往其門以錢二十緡投窻隙而去民有告糴者鷄衣百結受其直五千復佯問曰吾性多忘若欲糴十千耶遂如數與之鬻蔬翁過門市錢五十文以楮幣五百文授翁合補餘錢翁愠而辭曰汝第持去他日見還未晚也負販夫或來買遷一聽其言不與較家人怪之曰彼竭汗血以逐什一之利寧能足吾欲乎歲大儉來相依者數十人擇旁近舍舍之會厲氣作病者相枕籍每晨躬攜粥藥撫視卒賴

本朝分省人物考

卷十八

二十一

南直八
高梁

以全偶朝出道中拾遺囊悉歸求者一金不自私未幾又有忘契券及白金者見之蹙額曰白金尚易致質劑乃資業所憑其必起爭端乎密偵其人還之某人勢家奴因失主物畏懼幾欲死謝曰三尺微命孝子所賜也興雖不讀書其篤行類鄒魯士州里翕然稱之年且孝子莊宦學有立洪武初擢禮部員外郎喜動顏色其後病且革言不及家事惟曰死生恒理爾煩語吾兒莊善事 聖天子母以老身爲念遂終

楊基

楊基字孟載其先蜀人大父宦游江左而基生吳中

遂家焉穎敏絕人九歲能背誦六經著書十萬餘言名曰論鑒試儀曹不利會天下亂歸隱於吳之赤山張士誠時辟爲丞相府記室未幾辭去又客饒介所王師下江南籍錄諸陪臣基以饒氏客安置臨濠旋徙河南洪武二年放歸尋起爲滎陽知縣謫居鍾離久之被薦爲江西行省幕官以省臣得罪落職六年又起奉使湖廣召還授兵部員外郎出爲山西按察副使進按察使後被讒奪職供役卒於京基尤工於詩初會稽楊維禎客松江往來吳中以詩自豪基嘗於坐上賦鐵笛歌維禎驚喜與俱東語所從曰吾在

本朝分省人物考

卷十八

二十一

南直八
高梁

吳又得一鐵來矣若曹就之學優於老鐵學也至正洪武之際與高啓張羽徐賁齊名號吳中四傑所著有眉菴集

宋克

宋克字仲溫一云南宮生長洲人少英槩以武力自意擊劍跡射學爲兵將北走中原從豪傑馳逐會士誠據吳度其無成思欲保其鄉井不能遠去已乃謝客杜門闢一室置歷代法書周彝漢硯唐雷氏琴日遊其間以自娛臨魏晉書窮晝夜不廢遂精其藝真行草皆妙盡古法允明論克書謂如初筵忽見三

代函彙蓋亦天授非人工能逮克少年豪俠面折人議論無所假晚務自閑歆慕靜退時賦詩見志怡然處約以終其身

姚廣孝

姚廣孝長洲人初為僧名道衍字斯道居相城抄智菴時相城靈應觀道士席應真者讀書學道兼通兵家言尤深於機事廣孝從之執弟子禮於是盡得其學然深自退藏人無知者其友王止仲獨深知之曰他日必有所遇恐終不得自韜匿也洪武中以高僧薦選侍 文皇於燕邸一見以為天授深見親信數

本朝分省人物考

卷十八

三十三

南直八 劉憲

以奇謀進起兵時多其畫也迄于成功所籌皆闕密人不得聞或以為通於數跡甚幻永樂中以靖難功進官太子少師復姓賜今名擬於元之劉秉忠卒贈榮國公謚恭靖配享廟廷初靖難之功廣孝未嘗自言 文皇屢欲官之輒辭一日召見令人潛以冠服被體亟命宣謝不得已受命終不蓄髮娶妻所居多在僧寺然 文皇眷禮彌篤每稱少師而不名及病篤幸其第問后事對曰出家人復何所戀強之終無言 文皇念其功特官其養子姚繼為尚寶少卿廣孝博通內外典亦工文詞所著有逃虛子集別有道

餘錄則專詆程朱蓋其天姿超曠不屑依人為可不自伸其所獨得者如此

李 蕡

李蕡字茂實長洲人永樂中進士除兵部武選司主事歷員外郎郎中在武選司二十年受知於尚書方賓陞太僕少卿靖遠伯王驥征麓川奏蕡為佐俄丁父憂 詔起復視事事竣陞工部侍郎始乞持服服闋以兵部尚書鄺埜薦改兵部侍郎卒於官蕡勤敏有吏材習知兵事所在著聲凡邊郡地圖險阨遠近無不周知為埜所倚重焉性沉厚不芻居鄉里未嘗以貴加人每出必步過里門上馬終其身如一日

本朝分省人物考

卷十八

三十四

南直八 王國瑞

袁 政

袁政字文理吳人少學於俞貞木所永樂中召起為湘陰令民喜竄情不能力作每徵調則多逋逸而令乃當坐政為教以墾田力耆治生業遂因以饒復以夏原吉薦遷守遂寧未至間止於亭夢小兒被血者盈望問知郡人貧產女不舉乃嚴為之禁又示之禮送女無過奢俗因以革政蹟聞於時

劉 璉

劉璉字廷璉崑山人永樂十年進士任陝西道監察

御史陞山東布政司右叅政洪熙元年叅贊宣府軍務宣德十年兼督邊儲陞戶部右侍郎尋轉左侍郎仍兼巡撫累降勅褒獎有秉公正之心勵廉潔之行勤謹詳明夙夜無懈之語璉公勤廉謹人不敢干以私在邊數年終始如一日其以首功上者必審喻之云爾果陣而獲於何所遇敵力戰何狀人無敢冒賞者其後都御史李秉督邊儲悉依璉法景泰二年致仕卒於通州不能歸遂卽其地葬焉天順三年葉文莊公盛叅政山西奏璉在邊年久保障有功乞恩褒恤於是 朝廷遣官 諭祭遷葬崑山

本朝分省人物考

卷十八

二十五

南直八
高橋

王進

士進字汝嘉其先京兆人家蘇之長洲汝嘉自幼喜學問穎敏異羣兒十歲從師受經下筆敷繹義理已津津動其長者侍其父松江君宦游浙東西所親炙日廣造詣日深矣平居孝親敬兄一本於至性嘗坐累謫戍五開後舉明經爲武昌府學訓導歷九年陞大庾縣學教諭所至盡心啓迪學者率見成效初被召修永樂大典爲副總裁又召修四書五經性理大全書成皆受重賜遂陞翰林五經博士秩滿陞侍講水樂中考鄉試應天府廣西廣東各一考會試禮部

二無敢于以私者洪熙初建弘文閣時翰林學士楊君溥偕汝嘉四人者受命日直其中禮遇甚厚汝嘉與人交久而敬澹而可親內貞外和識學該博尤熟書春秋爲文一傳於理勤修職務雖老不倦雖風雨寒暑不自逸而折衷羣議詞氣從容簡而實當故卒之日自大學士而下咸走會哭已而共咨歎曰當國家用儒之際兩朝史事方嚴柰何喪文學老成人羣相悼惜

王永和

王永和字用節號梧竹崑山人神氣爽邁異於常兒幼時有誘以學奕者永和曰是惡足學取其枰立碎之既而從學邑庠日記書千餘言久而不忘大父得疾永和日躬侍湯藥至廢寢食父有疾伏枕十八年無頃刻少厭怠臨卒語之曰吾病不能養老母賴爾能孝吾瞑目無憾矣其孝行見愛於親類此年踰弱冠舉永樂甲午鄉貢以大母及母皆在堂未及會試後卒乞就教官以便親養得嚴州府儒學訓導尋丁大母憂服除改任饒州府所至誨導諸生多有造詣至於誘掖所司作興學校獎進賢才尤惓惓焉時饒聖廟墮壞請修于守不應和責以太守維風俗不知

本朝分省人物考

卷十八

二十六

南直八
高橋

重教化何以率先吏民興禮樂哉歲滿與同以教官考績至者羣試於吏部名在首選吏部尚書蹇公獨器重之暫禮致為塾師比當奏為兵科給事中居官務持大體而略細故人以為得近侍之體嘗副駙馬都尉王誼為使持節行冊 親王視糾正受冊執事之儀觀者為之凜然還掌科事劾侯尉馬順怙寵驕淫妄厲威福為宵小所憚秩滿遷都給事中未幾擢工部右侍郎預董營建宮殿之事殫力盡心不知勞而事速濟為同僚所敬服嘗往巡視淮南諸郡旱蝗訪求民所利病悉得其實而致便宜於民比還特受

本朝分省人物考

卷十八

二十七

南直八 陶仁

命掌部事奸弊為之一清河決山東河南諸郡改而北注漕河被其潰溢受命往治之鑿呂梁疏支河濬泄有方軍民受其惠者不可勝計比還遂以能事簡預扈從北征竟殞於軍景泰初贈尚書官其子評事後子霖登進士復為給事伉直不墮其父風

陳 謚

陳謚字有戒別號介菴吳縣人登永樂壬辰進士擢監察御史歷湖廣副使丁內外艱乙卯陞右副都御史鎮守陝西兼提督寧夏延綏等處邊備凡論軍民利病先後一十八疏悉賜施行又三年陞右都御史

詔同靖遠伯王驥整飭延寧甘肅沿邊軍務乙丑還朝專掌院事已巳大駕率六師巡邊謚居守已而虜寇犯邊遠近駭匿羣小不逞攘竊為盜陞謚左都御史撫安近畿軍民及安插口外之來避寇者明年陝西旱甚出撫陝一年還掌院事如故賜玉帶白金彩段羊酒謚性寬恕凝重豐髯而偉容在官持大體略細故風裁儼然在陝西撫安禁戢威惠並著督輸運精選練修城池興水利處畫政務曲盡事情雖北虜黠詐邊城數警常先事為防賴以無患於延綏要害處奏置靖虜衛於寧夏甘肅邊境增立整堡千餘所

本朝分省人物考

卷十八

二十八

南直八 陶安

至今賴之陝西屢旱力為拯救奏減徭役蠲逋負發倉廩賑貸人以勿困故至則合境出迎拜伏驩呼去則攀轅卧轍號泣挽留既去民人私相尸祝至有疾痛號於謚祠若響應者遂神明之其得人於關陝如此會以疾弗良於行疏乞致仕 上命給驛遣醫護視以歸居三年而疾增劇遂卒訃聞 上嗟悼內出祭文遣行人即其家致奠命有司營葬如制

俞士悅

俞士悅字仕朝長洲人自幼讀書過目即成誦永樂乙未進士擢監察御史陞湖廣按察副使綱紀振肅

貪濁悉自引去民居不戒於火延及臬署僚屬皆奔避士悅具衣冠向火再拜風徐返火滅歲旱有司用道家法焚蛇喋燕而旱彌甚亟命屏去乃齋沐露禱得雨連三日秩滿陞浙江叅政初至佯若不解事者羣吏易之越三日發奸擿伏如神豪猾破膽正統壬戌倭寇犯境士悅城炸激二浦以備至今賴之尋陞河南右通政使甫三日召還陞大理寺卿已巳之變陞右都御史留守京師協都督衛穎帥師六萬守德勝安定二門士悅晝日籌畫甲冑未嘗去體事平陞刑部尚書進太子太保天順改元謫戍遼東成化初

本朝分省人物考

卷十八

二十九

南直八

劉智

劉鉉

劉鉉字宗器長洲人生彌月而孤數歲入鄉塾輒有志向學未冠卽授徒里中從之者甚衆其言動規模如宿儒母遭疾刲股肉以進旦夕籲天求代比沒哀毀垂絕見者莫不敬歎事兄若嚴師雖加楚箠不怨迎寡弟養於家從父沒而絕嗣以父命出繼之永樂戊戌以善書徵入翰林明年中京闈鄉試未上春闈授中書舍人宣德己酉與修兩朝實錄成賜白

金文綺陞兵部車駕主事仍蒞事內廷正統戊午與修宣廟實錄成進翰林侍講戊辰詔擇進士穎敏者爲庶吉士屬鉉教之鉉慨然以師道自任力追古作有一字未協者經月不置以故諸吉士大有所造後多以文學致名己巳進侍講學士景泰庚午主考京闈及揭曉第一人劉宣乃盧龍軍士同事者欲更之鉉曰朝廷立賢無方乃止鉉未沒宣己第進士爲翰林學士矣初置經筵官居首選賜白金文綺禮遇甚隆辛未夏不雨特遣祭四瀆壬申春缺祭酒衆難其人大學士高穀曰學行老成無如劉某者遂抗章薦之命下以鉉爲國子祭酒鉉乃定程課示教條旦暮講解如恐弗及及有託權貴以求倖得者斥弗聽六館士帖然明年丁養母艱服除仍拜祭酒天順改元英皇復位念官端必求宿德之儒遂陞少詹事日侍講讀輔道惟謹二年卒於官年六十五上聞訃哀悼曰安得學行純篤如斯人者遣禮部侍郎李紹諭祭其家贈禮部左侍郎謚文恭鉉性介特絕輒媚之態立身以不欺爲主未嘗疾言遽色尚儉約已貴而猶儉居隘陋裕如也祿賜之餘必分惠宗族故舊之貧者恒館粟之僚友卒而乏者爲具

本朝分省人物考

卷十八

三十

南直八

劉智

後事又教其孤鄉人有繫逮不能明者為白其冤其人懷金以謝鉉麾而却之仲子瀚以進士使南戒以見利無苟得閱其衣篋以行比還仍閱之如故乃喜曰無玷吾門矣平生耽嗜文籍博極羣書素有醞籍為文務造至理詩古淡有餘味立朝無惰容不以寒暑久速少變所志堅類如此有假菴若干卷稿藏於家

本朝分人物考 卷十八

三十一

承旨又改司副石
九選進都同
行籍改改
石二逐復

人物考卷之十九目錄

南直隸蘇州府二

吳訥

吳惠

衛浩

平思忠

張昂

楊翥

施槃

夏杲

陳繼

仰瞻

金問

虞祥

吳凱

張和

張穆

王璉

本朝分人物考 卷十九目錄

趙忠

練綱

范希正

劉珏

顧瞻

附于餘慶

孫瓊

石大用

陳僕

韓雍

徐瑄

葉盛

本朝京省人物考卷之十九

南直隸蘇州府二

吳訥

吳訥字敏德常熟縣人七歲能背誦五經正文訥力學尚義兼善醫術永樂間以醫士舉至京懇辭仁廟時監國聞其名命教功臣子弟洪熙元年遷監察御史巡浙江削秦檜碑表陸贄里修岳飛墓動皆扶植綱常次年巡貴州恩威並施羣夷畏悅將代還夷人相率詣闕請留不許宣德五年陞右僉都御史尋陞左副都御史致仕年八十六卒訥為人端重純明履方居約不以窮達易所守其學務遵儒先為文根據義理有裨世教所註有小學集解文章辨體性理羣書補註行世追謚文恪

吳惠

吳惠字孟仁吳縣人年二十未業舉子給賦長邑中隨其丞督米京師在途日歌詩自得承奇之歸語令令召與語益奇之舉充吳郡學生讀書黌舍諸士子以為朴也故黜之使不得讀惠晝則莊坐嚮之夜匿火俟人靜起讀如是以為常踰年而領鄉薦永樂二十二年成進士官行人借給事使占城國道海七日

本朝分省人物考 卷十九

南直九

忽颶作舟危者屢給事不知所為被髮惶哭以為必死惠危不動自為文祭海神有頃颶已還朝以使絕

域有勞進八級陞桂林知府時義寧洞蠻結湘苗為亂三司方議征惠往止之曰義寧吾屬也請自招撫不從而征之未晚乃引十餘人肩輿入洞洞絕險山石攢起如劍戟華人不能置足諸徭則騰跳上下若飛惠使人傳示曰吾若屬父母欲來相活無他眾唯唯惠至則反覆陳說大義其渠魁楊感泣留居數日歷觀屯堡形勢數千人衛出境殲羊豕留款境上數千人皆投刀拜誓不復反明年武崗州盜起宣言推

本朝分省人物考 卷十九

二

南直九

義寧洞主為帥三司咸以相罪惠曰惠主撫三司主征倘蠻夷反覆吾自任其咎耳復遣人至義寧其洞徭具明武崗之寃三司大慚武崗盜因不振迄在桂林無敢有騷竊境上者在郡十年囹圄空虛庭草滿砌獄吏無事遣校諸州倉糧吏部考天下太守第一陞廣東叅政食實俸正三品時柳夷覘廣州守將撤軍遠出直襲城下惠選丁壯出城奮擊殺獲甚多賊遂遁去惠貌不逾中人而有膽畧臨事不惑故所向有功然愷悌誠信人自親之無顛沛也久之致政歸所得俸悉以分宗人號天樂道人出入山林往來僧

寺人見其坦易喜携酒與飲輒醉輒草書數幅散同遊者後以上壽卒於家

衛浩

衛浩字季洪常熟人永樂時任御史未嘗深文詆人罪見酷急吏輒論罷之 仁宗為太子留守殊被知遇訊獄多乞付衛御史奏上輒報可嘗有大將收其偏裨上之請論死浩議令以功贖後遷按察江西歸年至九十餘

平思忠

平思忠吳江人初為縣小吏永樂中被薦授禮部主

本朝分省人物考 卷十九

三

南直九 王國瑞

客司主事進郎中時 文皇方事招懷主客務方殷思忠有精力事皆立辦尚書呂震特器之俄以事下獄北虜入貢他任主客者皆不稱旨震因以思忠為言即日赦復其官時以給事中楊弘為陝西布政欲使清強有力者伺察之遂拜思忠陝西叅政未幾為人所誣謫戍北邊會有詔市馬西域以思忠嘗官主客多識賈胡詔釋其戍給冠帶隨太監劉馬兒使吐蕃諸國而還後卒於家初郡守况鍾官主客與思忠有交承之分至是數延見思忠執禮甚恭且令二子給侍曰非無僕隸欲使兒輩知公為吾故人耳其見

敬如此然思忠居貧自守未嘗以事干鍾人尤多之

張勗

張勗字勉夫吳縣人父以常永樂甲辰進士為河南遂平知縣改永平灤州學正勗侍學於灤永樂丁酉中順天府鄉試授揚州江都縣學訓導秩滿用薦試上國觀光賦等題陞監察御史勗以身許國知無不諫臣之風而不便者媒以他事必欲陷勗以死賴憲廟仁聖卒保有之陞廣西布政司右叅政丁母憂歸未幾卒年止四十有九勗氣宇剛方風誼卓然足為後進矜式

本朝分省人物考 卷十九

四

南直三 劉憲

楊翥

楊翥字仲舉吳縣人少孤貧與兄戍武昌為鄉校師有狂生侮詈之翥若不聞人以告翥曰豈無同姓名者邪人服其長者久多化之楊文貞公士奇漂寓武昌偶憇翥館以無資告翥遂讓其塾自教授他所日往返十餘里與文貞會不厭比文貞當路乃相引援仁宗素知翥遣使驛召之授翰林編修陞修撰與修三朝實錄遷郎王府長史而歸 景帝即位翥朝京師 命為禮部左侍郎食祿致仕又二年復朝進尚

書加祿仍歸翥篤行不欺仁厚絕俗鄰人作室簷溜落翥家家人不能平翥曰晴多雨少何必校也又鄰人生子翥恐驢鳴驚之即鬻所乘驢徒步入朝猶子懷金入市爲人攘去以告翥不答或請理於吏翥不許文貞公置新第亟邀登堂曰舍初成得賢人首臨之其寬雅德度一時著聞至今鄉郡以爲口實爲文章平實有理如其人年八十五卒詔賜葬祭召其子入朝問所欲爲官對曰願得本縣簿從之

施 槃

施槃者吳縣人少落柘寬博衣冠游里中人多謂之本朝分省人物考卷十九 南直九 五 劉國才 狂生從博士弟子誦學而亦好爲詩故猶有閨門衽席意槃既雅自負選造對策於 廷第一年纔二十餘皆以洛陽年少遇之公卿爭前席亾何遽卒

夏 景

夏景字仲昭崑山縣人初姓朱名昶舉進士爲翰林庶吉士 太宗嘗召見之謂曰太陽麗天日宜加於承上昶字宜作景字書有景字始此旣而景又自奏復其本姓爲夏以善書供事內省嘗扈從兩京授中書舍人宣德中轉考功主事仍供內直正統十年陞瑞州知府景泰元年入覲留爲太常少卿天順初陞

正卿致仕年八十三卒訃聞賜祭葬景旣善書亦能詩精繪事尤工墨竹以此得名於世爲人坦率樂易不拘小節時出入禮法間人亦不甚非之晚年家居以詩酒燕樂自娛頗効楊廉夫之爲人

陳 繼

陳繼字嗣初號怡菴先世自吳興徙南康再徙吳城父汝言 國初濟南經歷有政績汝言初未有子夜夢白衣神人授之兒遂產繼明年父卒母抱歸吳城躬紡績以訓育之旣長奮志於學受詩於鄉先生鄺尚德秦師尹受易於俞立菴旣而忡忡然若不足復

本朝分省人物考

卷十九

六

南直九

從半軒王止仲用是學日益博時家貧甚繼躬事農圃以供祭養親時或讀書或援琴高歌因以耕樂自號及筋力少衰乃開門授徒學者謂其善教多從之人尤以其爲文簡健有法度求者相屬由是道益尊名益重郡邑交章薦之屢以目青母老辭不就母卒喪葬盡禮有聞於人 仁宗卽位少傅廬陵楊公首以文學薦初授國子博士尋改翰林五經博士命同太常卿南郡楊公直弘文閣備顧問時以爲得人英宗嗣位命修 先朝實錄成荷白金文綺之賜陞翰林檢討逾年以老疾乞歸明年疾亟命其季子完

誦西銘至存吾順事沒吾寧也因接誦不已門人劉溥請問先生如何事問曰無事遂卒享年六十有五繼天性篤淳履行修謹初有司上其節孝御史使人廉之繼方隨母抱甕行灌偃僕甚恭若為樹藝以娛親者頃母入以壺漿來繼趨而前奉以進母嚼之乃拜而飲御史亟以聞上旌其門

仰瞻

仰瞻字宗泰長洲人永樂中以鄉貢進士授虎賁衛經歷遷大理左寺丞正統間宦官王振用事百官多奔走其門時大理卿薛瑄少卿顧惟敬及瞻獨不往

本朝分省人物考 卷十九

七

南直九 高用

會辨蔚州衛兵沈榮冤獄益忤振遂謫戍大同景泰初刑部尚書俞士悅左都御史陳鎰言其以鯁介竄召為右寺丞持法愈堅在位者多不合遂引年辭歸加大理少卿致仕所著有小學講義歸休集瞻尤篤長者之行有夏時建中者嘗任郡學訓導瞻嘗師之後瞻經其門必下蹇趨而過之竊窺者雖暮夜亦然

金問

金問字公素吳縣人父道玄為元將陳養子陳戰而敗道玄自投海中義不為賊得流數百里忽有石憑之得免人薦於偽吳逃焉以終問少受易俞貞木家

貧無書從人借讀無不通解永樂初被薦為司經正字時官僚多得罪問亦坐繫獄十年非義相餽皆不受時黃淮楊溥同坐繫三人相得歡甚省躬念咎之暇各持一經講論曰此處憂患之道也洪熙初命待詔思善門制授翰林修撰備顧問論時政得失悉見獎納宣德末擢太常少卿兼侍讀學士正德間調南京歲餘遷禮部右侍郎卒於官問文行敦茂義聞流著平生閱履否泰相尋而不變所操製述雅健精刻尤善書得魏晉筆法星曆之學尤精然未嘗以語人有集若干卷兄聲亦好古嗜學問事之如嚴師嘗病熱劇醫云必得螺蚌可治方盛寒問解衣循河覓之得百枚以進病良已子汝進太僕丞

虞祥

虞祥崑山縣人由舉人歷官金華訓導上虞教諭皆以能教名宣德間選陞禮科給事中時慶壽寺僧覺貴建毘盧閣高出數十尺祥以寺近皇城非體抗疏論其罪 宣宗怒命毀閣下覺貴於獄正統改元陞通政司左叅議敷奏詳明八年進戶部右侍郎尋轉兵部命巡撫畿內民瘼所至除貪酷卹疾苦人用以寧既還以疾卒於官遣官祭葬子震以力學聞孫臣

本朝分省人物考 卷十九

八

南直九 高

歷官四川叅議所至清謹歸不持一蜀貨人問其橐裝曰吾以市德於民重不勝載也蓋祥之貽謀者遠矣

吳凱

吳凱字相虞自號冰蘖道人崑山人也甫孕而父亡既生家復落母年尚少甘貧守節育而教之自幼穎秀異常兒稍長里胥見役即詣縣自陳家有老母不能遠離私心竊有志於學時令爲郟城芮子翔異其言問論語書數條嚮荅無滯立遣就邑庠弟子員越二年以能書赴京預修永樂大典戊戌膺貢入太學

本朝分省人物考

卷十九

九

南直九
陳昌

又明年中順天鄉試宣德五年授刑部廣東司主事逾年改行在雲南司馭事詳明日收善譽正統丙辰乞歸省還朝改禮部郎中駸駸乎將有大用之漸而以其母高年且無他子弟力乞歸養大宗伯留之至再不可挽也既歸孝養備至居數年母卒哀毀盡禮嗣是深居簡出享優游之樂者幾四十年一日體中覺有異呼諸子語之曰吾平居不有教乎母驕奢母忘忠信母虐母爭以貽我羞明日卒壽八十有五子愈亦矜廉強毅爲刑曹詳明精核善於爰書凡具獄詞無不驚爲允當司寇倚之且薦其才行乃出守敘

州府敘在蠻夷中不知有漢官威儀愈聲實甚竦得民夷心馬湖蠻叛方徵兵討之愈遣卒偵其動靜用計取之卒不煩兵而服遷叅政卒於官

張和

張和字節之崑山人也數試不偶遂取五經諸史及秦漢以來百氏之書參稽而融貫之將自見於述作以正統戊午與弟穆同舉進士第二甲第一人移疾還里吳中從者益衆和以道義自高推所餘於文詞對客展紙頃刻千百言沛如也事涉財利則顰眉走若將免焉景泰庚午主考江西鄉試拜南京刑部主

本朝分省人物考

卷十九

十

南直九

事至官清謹儉約持法甚堅雖至親舊與豪貴人不可奪部有讞決申奏必和詳定而後行方退閉戶匡坐忽有來謁者欸之方捉茗碗而其人一及所私和瞋目直視口嚙茗碗碎水淋漓襟袖間其人驚駭戰汗奔出於是干謁者自遠獨居無事則之大理寺正王宗吉焚香彈碁縱論今古大略磊磊出胸臆無所顧忌聞人有一善歸必籍記之宗吉亦間詣署中飲酒賦詩至夜分始罷如是爲常乙亥與修宋元通鑑綱目久之拜浙江副使視學政別於所遊面一人慘慘有異色訊之言故提學受賂事絮絮不止和揖而

還為卧不食者一日自指其心歎曰有如人言尚得為人類乎至浙精覈嚴明文行兼重其所低昂進退者累黍不爽一時人士翕然臨校金華得疾既甚誦呂東萊大事記不輟疏告得歸舟至崑山抵家而卒

張穆

張穆字敬之崑山人也年十九中宣德乙卯鄉試正統己未與兄和並登進士俱高第由是兄弟文學名隱然動京師傳海內矣兄以疾告歸養穆擢工部營繕屯田二司主事繼丁內外艱門人來學者眾凡得指教者後皆登科甲為名宦間類編先達遺文以傳

本朝分省人物考

卷十九

十一

南直九 劉汝忠

十三年服闋改刑部主事明於法律行之以敬恕讞議克允而剖決無留滯冤之疑隱得白者多人稱其平考滿陞署員外郎雖專刑獄而經學為眾所推舉同考景泰甲戌會試閱卷尚理致畧詞華既撤棘而收名定價皆青雲器也六年陞郎中天順改元陞山東按察司副使陞辭 英宗御文華殿諭以母吐剛茹柔母倚偏縱奸有所當典罷即以疏聞仍賜寶褚若干緡以行穆感 上知遇矢心秉政汰去貪墨維持公廉戢強遂善一道肅清其兼理學政士賴甄陶悉就軌範訪孫明復石守道之裔孫流落者復其家

歲給衣食增廣儒學若伯夷閔子孔北海張文忠狄仁傑祠墓傾圮蕪廢命有司以時修葺為刻石表志在平儒學官纂修縣誌收華歆為人物穆以春秋討亂賊必深絕其黨歆黨漢賊不可以訓惟馬周行事可紀加罪儒學官斥歆而進周蓋於名教尤拳拳也督糧儲於遼左悉除去宿弊兵食足而邊警有備暇則登碣石臨右塞望海天萬里以豁壯懷發諸賦詠寓懷君戀闕之意三年陞浙江右叅政清理軍務先是奏者言軍曾補伍久無明文勾補者恐迷匿失伍例解丁就補而涉歷阻修多死於道惟一以移文行

本朝分省人物考

卷十九

十二

南直九 劉汝忠

查兵民兩便寧違例不顧也及掌司事考覈諸司官凡評騰才職之稱否無濫與輕黜焉淳安曹先生其所取士也曹墓在萬山中躬往祭之嘉興朱公冕教諭崑山穆實出門下為經紀其後久之進表京師吏部尚書曹南李公秉稔知山東之政欲薦以都臺會李被譖去官并以中穆解職歸幾無以為生故吏門生知素廉介而食貧相與奉金為壽始葺先人敝廬買田淞江之滸而老焉與鄉曲諸縉紳為會居閑處寂觀書自適非有疾與赴宴會手不釋卷厚於倫理先業悉以讓其兄後進有文而制行之美者必加接

引延譽於人既歸齊魯之士入官及卒業胄監領鄉薦者凡經吳郡必至崑拜於床下博學無所不窺爲文典雅詩清新婉麗有唐諸才子風一時以業來請者履相接也所著勿齋集二十卷藏於家

王 璲

王璲者其先蜀遂寧人也自元時徙吳遂家焉璲有異資幼善屬文名籍甚以薦得備侍從與王洪楊達友善並以才聞璲等既後進文獨工諸在位者已目攝之又自矜許不肯降踐遂被以輕薄名 仁廟在東宮試神龜賦極稱善語解縉縉頓首謝曰臣不能本朝分省人物考 卷十九 十一 南直九 向見也及後語黃淮淮忌嫉因譖之遂與孟備先後論死

趙 忠

趙忠字行恕長洲人自幼秀穎端重異於常見稍長氣岍魁梧楚楚如老成人入邑庠爲弟子員問學講習窮晝夜不少間宣德己酉領鄉薦庚戌登進士第觀政內臺踰年擢河南道御史明法律達憲體慨然有澄清天下之志而哀矜慎恤恒存於心時鄉先輩陳僖敏公掌臺事振厲風紀御史中非卓卓者雖鄉舊不少假辭色而獨禮重之正統己未奉 命按四川所至鋤強激貪問民疾苦而興革之境內清肅未

幾有司報松寨商巴棘麻國皆叛忠卽奮勇率兵入其巢震以風威諭以禍福其黨衆悉潰旣而廉得其實乃統兵者激變所致遂劾其罪罪之朝廷遣使賜寶鈔酒幣將吏懾服番民向化邊境以寧辛酉奉勅巡浙江海道早夜盡心撫士卒飭兵備繕城堡嚴斥

軍政忠拜璽書之廣東督勵所司期以實效雖蠻鄉瘴海無不躬履其地不踰年軍士肅清民不告擾一時爲御史者皆自以爲莫及未幾朝廷以陝右鉅藩嚴方岳之選遂擢右叅議居官勤吏治恤民隱陝之

人無老稚賢不肖皆愛戴敬服尋以舊官復任改雲南左叅政因構疾還鄉調治遂不起享年五十有六平生操履端謹財出非義者一介不苟取故久歷仕途囊無餘貲還鄉鄉之居室族子弟以窶而售之人矣携家累子孑然無所於歸其友朱名仲憫焉乃假餘屋以居之旣卒其喪不能舉名仲復偕其友徐文輝輩倡助以襄厥事爲文章典重和厚詞理精到詩好唐人每風晨月夕撫景感懷必見諸賦詠長篇短什清新典雅足追古作云

練 綱

練綱字從道長洲人在童孺時有鉅人志長而嗜學通春秋宣德乙卯領鄉薦名在第二入胄監歷事都察院正統己巳 英廟親征 景帝卽位時京師擾攘人心洶洶廷臣雖職居臺諫亦莫敢言國是綱據古証今上中興要務八條一曰謹天變二曰急先務三曰正軍法四曰布恩澤五曰廣言路六曰屏奸邪七曰公薦舉八曰察羣吏其大要謂中興與創業無異因敗爲成轉禍爲福惟在君心一轉移之間冬十月虜進逼京城復上勤王急務謂虜勢猖獗非直要求金帛而已未必不欲效金人以汴宋待我也然

本朝分省人物考 卷十九 十五 南直九

我國家輿圖之廣倉廩之實甲兵之利固非宋比也求其人如种師道李綱輩亦未多見乞遴選武臣授以方畧俟其深入乃奮擊之及勅邊將勒兵內向邀其歸路設有倡爲和議緩於武備且請南遷以圖偷安者卽爲姦臣宜急加誅戮以爲衆戒疏入 上感悟命施行之且奇其才可任風紀卽日授浙江道監察御史明年景泰改元上時政五事皆一時安攘大計辛未奉璽書巡視兩淮鹽課權貴爲之斂戢壬申還朝賜宴光祿寺以示優異尋以邊境未寧虜情叵測上軍國大計八條皆見嘉納時吏部缺尚書 上

命舉可稱任者綱言左都御史王翱嚴公峭直右副都御史年富操履端方大理寺卿薛瑄持正不回此三人者擇而用之庶能品藻人才追蹤王直 上於是召王翱爲吏部尚書以年富爲戶部而薛瑄亦相繼大拜先是京師有警兵多離次遣使四方召募丁壯聚之勇敢管歲久逋逃者衆大臣請治其罪編之尺籍綱上言召募之初旣諭以大義復許以事定遣歸故健夫勇卒雲集京師爭先自效旣而淹留日久恩寵未及饑寒迫身勢必逃避且 皇上嘗體天地好生之仁於犯大辟者尚原其死俾隸尺籍何至使

本朝分省人物考 卷十九 十六 南直九 劉汝德

應募無辜之民與之爲伍刑賞失中莫此爲甚方今水旱相仍流亾接踵萬一事例太重搜求太急致生事端爲患非小兼之邊務尚殷急於用武他日復有召募誰其肯從 上是其言悉詔不問義勇得復於民者數千人甲戌巡按福建時官臺山民聚爲盜渠魁未獲而逮繫脇從綱至釋之趣師勦捕且追咎其典守者於是與衆相忤按察使楊珏乃誣撫於朝當道亦多忌嫉遂左遷陝西邠州判官再徙甘州前衛經歷部符未下而已丁外艱歸矣自是絕意功名葺復舊業於尹山之陽爲終焉計建思菴於先塋之側

塑先賢范文正公文信公像於中語人曰初吾自分得用於時當學范文否則為文公爾今兩失之奉其遺像以見吾志識者憫焉綱賦性剛毅不肯下人事有不可雖達官貴人亦面折之不為少容以故立朝未久一斥不復春秋七十有六

范希正

范希正字以貞號恕齋吳縣人宣德戊申舉賢良方正拜曹邑令蒞政嚴明果斷有方畧歷任九載邑民詣闕請留陞從六品俸級仍知邑事歲乙丑山東旱饑大理丞張公驥奉勅撫安先是希正勸借富

本朝分省人物考 卷十九

十七

南直九 劉國才

民粟數萬石選有操行者收貯倉廩是歲賴以活者幾千人驥上章請復設曹州且薦希正為守 上允之初希正為邑時述職民懷其惠爭持金帛贈遺皆不納有里長陳彬伺希正獨居懷金潛入投於地疾趨而出時無吏卒無能追及希正收其金明日出召彬彬懼而逃召其父至庭諭之曰大丈夫不為昭昭信節不為冥冥情行即領汝子昨暮遺我之金其父赧愧領金而出正統甲子述職 賜蠶書獎勞給路費而還及是作郡召里老諭曰昔陳彬持金遺子不憚路遠然雖誠終為私也今子復新州治露坐荆棘

汝以予意道之出遺我之金助此公事誠為義爾者老道意彬即應曰我兄弟分異三載前金貯而不分俟陞任乃復遺今當如命耳由是與彬同志感其德者莫不慨然樂助有持金來助者希正必會僚屬入之公署學校壇廟靡不營建城池街市靡不區畫規模宏遠制度精密觀者咸嘖嘖稱焉已巳朝廷追諭官馬州嘗遭水患有欲遠竄者希正集里老諭之曰子之字汝猶子也當各安其生各保其家予當區畫為汝買之由是設法買補者九十餘疋事易而集民不知擾江西吉水人有在曹縣認無首屍一軀作兄

本朝分省人物考 卷十九

十八

南直九 劉國才

劉珏

劉珏字廷美長洲人宣德中郡守况鍾簡名家子為掾珏在選中珏言有志於學不願為吏鍾嘉其志遣補縣學生遂領應天鄉薦授刑部主事遷山西按察僉事提督屯田年甫五十懇乞致仕珏性孝友恭謹

未嘗失色於人然操履清白人不得以私干之至於好學之心老而不倦尤工唐律對偶清麗當時稱爲劉八句行草師李邕畫師王叔明皆能得人筆意所著詩曰完菴集

顧 瞻 附子餘慶

顧瞻字明德吳縣人父巽永樂甲辰進士稱疾不仕教授鄉里以終其身瞻登正統丙辰進士選庶吉士改行人擢監察御史最有名理長蘆鹺政宿弊頓革商人便之再巡山東值饑民有奪富家粟者吏擬以強犯律瞻言彼閉糴而坐視人之死此乘之而求博

本朝分省人物考 卷十九 十九 南直九

一生宜以減死論乃多方賑貸民得以安一時全活甚衆吏有不職自布政以下輒劾退之不少姑息時都御史王公文以得憲體移文諸御史凡出巡當以瞻爲法歲滿奏留一年 天子從之遷按察副使蒞閩爲奸民誣奏事既白調治贛州長河洞氓獷悍時出剽掠郡匿不以聞瞻以爲是不一懲而云撫愈驕恣薦以盤食我何計之有乃疏言用兵事宜迄平之詔賜以金綺瞻有治才遇事裁決事無難易無不立辨者豪猾吏胥皆斂手以服莫之敢欺子餘慶旣以進士起家遂疏乞甚力得致仕以歸康強自適福履

有加至八十有五而卒

孫 瓊

孫瓊字蘊章號願齋崑山人父宗湘潭縣知縣瓊生有異徵弱不好弄甫長父授之經不煩程督能倍進於學爲文務以理勝年二十四中正統十二年鄉試明年賜進士出身景泰改元擢刑部廣西司主事四年陞署員外郎郎中明年 英宗復辟進階奉政大夫 賜金帛凡歷官刑部十有五年勤慎如一日以廉介公平自持而濟以仁恕每大臣集議僉日以孫郎中作大理卿天下無冤民矣尚書俞公士悅陸公

本朝分省人物考 卷十九 二十 南直九

瑜尤屬意倚任遇十三司官缺員事未集嘗命之總理或刑獄之大而難決疑而未明必詢而後行刑部每至歲終例以通問罪犯類報奏聞尚書先期必選素無過舉者重加審錄瓊被選審錄引對內廷無一人稱冤者江西安福彭氏泰和龍氏蕭氏挾富貴稔惡二邑人奏其不法辭連數百人尚書承 上旨委之往治案其事得實悉寘於法監生王喜隣人爲盜者欲連士類冀脫以賍誣坐喜久繫不決瓊一鞠得其情立出喜喜竟得祿仕有盜畫殺人擬罪至死盜詐令人稱鄉人附書以茶莖寘白金爲賂白於尚書

移它司鞠之以金治盜卽首服所治獄情類此者甚多不勝書也故德之者值其出遮道羅拜馬首日常數十人其於權幸勢要尤無所畏避時多內臣以牘私囑獄事者毀而擲於地曰吾知有 朝廷三尺法此心焉能昧乎天順間錦衣衛指揮門達怙勢贖貨用苛刻羅織人罪所問囚徒送刑部復錄它刑官承望風旨無所辨釋往往死非罪惟屬瓊復錄者多所平反太監牛玉假子兜攬錢糧事發覺囑之曲法不聽乃抵於法由是積中奸宄者之恨矣玉竟嗾以陰事乘間譖於 上謫戍遼東被謫但省愆懲咎念遺

本朝分省人物考

卷十九

二十一

南直九

父母憂不能釋耳 憲宗卽位復其官月餘卽稱疾不視事上疏乞休致郎中浦源等以書致尚書王公陸公強留之而瓊宦情雲薄矣公卿祖餞國門見者咸咨嗟歎息以爲不可及也歸隱鹿城三十餘年未嘗一跡公門朝野益高其節成化己丑下詔求賢臺省交章論薦皆不報長區賦者持百金爲壽辭曰某當患難有遠行尚不受贖矧今閒居安肯以無處而受餽乎家居事父母以孝喪祭極其哀戚誠敬而不違古制每旦必冠帶拜謁先祠非疾故不一日廢所居朴陋衣服飲食人所不堪而處之裕如其舉動必

循規矩而風度凝遠人望之鄙各自消制行坦夷煦煦如春曦對客談論辭旨清暢竟日體無欹側客退獨處端莊靜默披經史儼如也所著有鹿城遺稿藏於家子裕亦舉進士

石大用

石大用蘇州人正統甲子處六館諸生間恂恂謹飭務強力植志會祭酒李文毅公忤權璫困首木於監門三日不釋時炎暑蒸鬱病昏不能勝石義激於衷以隻名具疏懇請自代謁銀臺則懼之以法石曰死生以義何懼之有疏入蒙並釋之在廷文武臣咸嘖嘖歎賞求識其面

本朝分省人物考

卷十九

二十二

南直九

陳僎

陳僎字汝翼吳縣人景泰元年鄉薦明年遂成進士擢南京監察御史數斷疑獄嘗有墜馬死者指爲一人所殺不勝笞掠自誣服僎廉其死者之家故與有怨緣此中傷之閱其尸得墜死狀得罷其獄行殿火民有盜一木者吏當以大辟僎曰此行殿也豈禁中乎且又其煨燼之餘者竟減死論南京龍江關提舉司掌鹽課僎當巡鹽日一商人持家書一紙致之僎曰吾家書顧令汝輩持來耶笞其人投書火中痛繩

其下以法不少寬貸奸人咸斂手不敢犯他日謁都御史軒公公曰非焚家書御史乎歎賞者久之天順四年遷四川僉事會僚蠻為寇破城邑殺長吏勢張甚僕至成都聞警即率民兵直抵長寧戎縣至則賊方聚眾數萬猖熾不可當日賊勢如此奈何提孤軍深入不測乎乞師於朝 上命都督許貴將兵五萬討之既破其寨僕獨挺身入巢穴追擒餘黨百人獲其馬牛器械無算移師列營大壩不解甲者兩月賊平建言蜀多小邑止立令典然二人或以事去職一日緩急顧使他官攝之非其職守誰肯致力其內江

本朝分省人物考 卷十九 二十三 南直九 王國瑞

南溪以下二十二縣宜置丞簿一人其烏蒙東川等郡縣去京師尤遠吏少習夷情每三載考績往返萬里動至累歲夷人得以乘間竊發宜通九載考之便又長寧戎珙與蠻寨鄰境而攻守缺人宜免其民兵征戍專使城守可也至於補軍伍設關堡置器械皆處之有法深思長慮奏行之既而漢川德陽彰明所在蠻寇以次蕩平還至敘南峰江水惴悍舟觸石破遂以溺死年四十五耳僕本貴家子致位通顯以身許國其巡行邊徼出入行陣躍馬被甲毅然一介胄士功業著矣未及大用而身殞洪濤論者惜之

韓 雍

韓雍字永熙長洲縣人正統辛酉中鄉試壬戌登進士第癸亥拜湖廣道監察御史乙丑奉 命錄囚有碭山教諭丘純因責膳夫祝磨兒其父令磨兒遁去乃告純箠死棄屍他處御史問勘誣伏雍疑之遣人蹤跡得磨兒純由是得白戊辰按治江西吉之兇徒乘歲饑劫掠勢甚熾雍與巡撫侍郎楊寧設法捕首賊二百餘人民賴以安閩寇鄧茂七反巡按御史汪澄牒隣境剿殺尋復止之雍曰律有反叛會捕之文使果降何憚發兵不然吾有備無患即趣進時浙江

本朝分省人物考 卷十九 二十四 南直九 劉憲

巡按黃英調兵弗集諉以汪牒止軍竟坐汪至死人多咎英而偉雍十四年陞廣東副使少保陳循疏雍才陞右僉都御史巡撫江西至則首行均徭歲辦法均徭者均平十排年之力役賦歲驗冊編役役畢九年無擾歲辦者里甲釀銀貯於官有役則估值支給擇戶領解人稱便焉 英廟復辟調山西副使坐累致仕戊寅遷大理寺右少卿尋復右僉都御史問決盜十八人內二人訴被讐指時左都御史寇深云會問已明奈何雍曰人命至重且暫留問廉其不實決亦未遲二人得留餘欲行刑雍復曰若不留指者將

誰與證始留四人後許者得白錦衣衛指揮劉敬因
右亨連坐有謂敬曾邀亨至直房同飯欲坐朋黨雍
曰亨得志時誰不蠅聚其門若以一飯即坐此罪則
曾赴宴會者何以罪之敬由是得免是冬奉 勅巡
撫宣大 陛辭召至文華殿諭遣之至則恤軍士繕
城壁糾治貪奸震懾虜志癸未還議事陞兵部右侍
郎會有忌之者因事遷浙江右叅政成化元年因徭
酋侯大狗自景泰以來作亂嘯聚至萬人墮城殺吏
而修仁荔浦諸徭應之其勢益張久之煽亂者衆所
至丘墟兩廣守臣皆待罪廷臣集議兵部尚書王竑
奏言峽賊稱亂皆由守臣以招撫爲功譬之驕子愈
惜愈啼非流血撻之啼不止浙江叅政韓雍文武全
才若以討賊之任屬之可道南顧於是陞雍左僉都
御史予以 特勅得自署置有功者斬其不用命者
與都督趙輔等合兵討之雍等會集南京或曰兩廣
殘破宜分兵隨在撲之雍曰不然賊已流劫蔓出而
所至與戰是煽禍也大藤峽賊之巢穴今以全師擣
之既至彼南可以援高廉東可以應南韶西可以取
柳慶北可以斷陽峒之路腹心既潰餘賊皆假息游
魂耳舍此不圖而分兵四出賊愈流漫州縣愈殘破

本朝分省人物考

卷十九

二十五

南直九

所謂救火而噓之也諸將曰然乃以官軍三萬人兼
程而進七月至全州會陽峒西延苗賊爲梗出偏師
擊滅之九月至桂林雍按圖籍與諸將議曰修仁荔
浦峽賊之羽翼也不剪則心腹之患難除乃以永順
保靖及兩江土兵十六萬五路並進先破脩仁窮追
至力山生擒一千餘人斬首七千餘級十月至潯州
延父老問計皆曰大藤峽密菁重崑三時癘瘴今兵
威久振賊備益堅莫若屯兵四圍且耕且守以待其
斃雍曰不然峽山遼闊峽路分披輪困六百里間安
可圍也且屯兵日久彼銳我衰睥睨之奸患起衝突
今我軍新破府江勇氣百倍峽賊聞之亦已褫魄不
若因而乘之可立破也乃以六萬八千人爲右軍以
總兵歐信叅將孫麒等將之自象州武宣分爲五道
攻其北以九萬二千人爲左軍以都指揮白全楊瑛
張剛等將之由桂平平南分爲八道攻其南以左叅
將孫震指揮程文昌等巡守左江及結五屯截其奔
路雍與輔和開府高振嶺以督諸軍乃於十二月朔
諸軍並發腹背夾攻連破石門柴荆竹踏大咕等寨
賊皆遁入桂州橫石塘九層樓據險立棚以抗雍麾
死士以大斧刊木開道兩軍齊登發火箭焚其營柵

本朝分省人物考

卷十九

二十六

南直九

而夏正自林峒來授賊大驚潰生擒侯大狗等七百餘人斬首三千餘級望風皆散先是峽中有大藤如斗延亘兩崖諸蠻蟻渡故曰大藤峽至是斬之改名斷藤峽遂以明年正月班師於是開設州縣仍隸潯州以經略撫處數事上奏 詔悉如雍議陞左副都御史提督兩廣軍務敘功當廕子雍以與弟陸授錦衣衛所鎮撫先是雍與將士約能生擒被擄男女者准其功故無妄殺之慘成功之日士皆歛跡無譁秋毫不漁戊子雍以兩廣土地廣遠恐餘孽復生重貽邊患請於朝願得文武大臣分理其事 上可其奏

本朝分省人物考 卷十九 南直九 陶仁

本年以外艱去是冬巡按御史龔晟廣東按察司僉事陶魯林錦文章言於朝以為兩廣事不協一殘賊日熾須復得大臣提督 上下廷臣議兵部尚書白圭集議規畫舉雍對 上可之起復進右都御史總督兩廣軍務未幾復以平江伯陳銳掛征蠻將軍印鎮守兩廣同開總府於梧便宜行事前廣西鎮守大監兩廣總兵巡撫皆裁去又以少監黃沁都督僉事夏正充副總兵鎮守廣西都督僉事馬昇都指揮楊廣等充叅將分守諸路而地方大計則悉取決於總府雍承制專決以法繩下不貸大吏十年有上書言

雍不法事 上知雍功勞遣使勸復多虛雍引疾再三陳乞得允致仕時年五十有三耳雍為人洞達愷爽篤於孝友與人交不為岸谷發奸擿伏如神政務填委不忘文事揮詞灑翰思如湧泉嘗作江西第一樓等詩著平蠻錄止以嫉惡太甚慘於刑戮竟不得其死人咸惜之

徐瑄

徐瑄字子敬嘉定人正統戊午發解京闈己未丁內艱乙丑登進士第尋丁外艱服闋授四川道監察御史諳練老成臺端推重景泰庚午奉命捕京畿盜賊法令嚴明奸宄屏跡壬申巡視山海關武備整肅內外寧謐癸酉出按西蜀丙子復按東廣所至徧歷郡縣問民疾苦禁戢貪暴疏滌冤滯人心悅服天順戊寅北虜犯西鄙 上特陞瑄右僉都御史使巡撫延綏慶陽諸處兼贊理戎務至則奉宣朝廷威德訓練士馬撫輯兵民偕一二鎮守總戎大臣同心協謀出奇應敵初與賊戰於孛羅池溝繼追至半坡墩明年戰於金雞峪又明年戰於雙海子斬獲無算賊遁去上累賜璽書金幣慰勞益加感激申嚴戍守督理屯田廣積儲餉修明學政使人曉然知尊君親上之義

本朝分省人物考 卷十九 南直九 陶太

一時士風爲之不變無何聞繼母顧氏喪乞還守制上以西事未寧奪情不允自是出入邊疆觸冒風露遂罹寒疾甲申上疏乞致仕辭極懇至乃得請而還處鄉黨有禮撫族姻有恩扶患卹貧脩葺輿梁之朽壞者其急於爲義類此初號願貞後於城東西各買田築室爲遊息所更號野莊道人時與縉紳士夫往來宴會徜徉自適人謂有香山洛社遺風享年六十而卒訃聞特遣官卹其家祭之

葉盛

葉盛字與中崑山縣人自幼穎異博學強記下筆驚

本朝分省人物考

卷十九

二十九

南直九
高梁

人止統乙丑舉進士授兵科給事中十四年英皇北狩 郕王監國率同列劾將臣扈從者失律敗事請誅夷之以謝天下然後選將練兵復不共戴天之讐與師問罪除大逆不廷之賊聞者壯之九月 監國卽位頒賞廷臣盛以時艱辭不許十月京城戒嚴請罷內府軍匠悉遣征操及虜騎近城又請令有司熟糧料以給戰士遣散卒迎取軍器於天津以張外援三日間凡七上疏悉合機宜虜旣退盛言賞功罰罪治天下要務今效勞如孫鏗死事如謝澤韓青皆當賞以示勸其他守關不嚴赴難不力者皆當罰以

示懲從之十一月陞都給事中時大臣有奏留邊將守京師者盛言今日之事邊關爲急往者獨石馬營不棄則六師何以陷土木紫荆白羊不破則虜騎何以薄都城邊關不固京師雖守不過僅保九門無事而已其如 陵寢何其如 郊廟壇壝何宜固守宣府居庸爲便已而河南陳州流民煽動 命往視卽兼程以進除貪虐賑饑寒威惠並行民用安輯景泰元年春還復上言京城天下根本而八府旱蝗相仍加以虜寇侵擾民不聊生乞議寬恤三月久旱兩京災異迭見盛會臺省諸臣相與惋歎曰自昔災異皆君臣引咎今在內則大臣之罪不容辭而我輩臺諫之臣緘默無補病國尤重在外病民者非一而各藩鎮中官病民尤重兩事當首言之然必得羣臣會奏庶幾可濟因詣謁諸大臣而竟無肯居奏牘之首者未幾兵部尚書于謙因他事奏官多民擾乞將各處公差內外官員量取回京有 旨內官不動侍郎儲懋卽揮筆批定盛因曰此誠民病今若合辭 上請 上或可從且人臣論事但當觀事體如何 主上仁明多有得 旨已行因論列而卽改者今事有當行豈可自沮而上負 朝廷下負王者耶他日有

本朝分省人物考

卷十九

三十

南直九
高梁

奏南京沿江盜賊乞行御史錦衣衛巡捕刑部尚書
 俞士悅以為當准擬盛曰錦衣官校近已革去當止
 行御史蓋兩月前亦因言者革之而刑部偶忘之也
 八月北虜送 駕還京有隱名具帖言迎復事者禮
 部尚書胡濙手與眾觀之大臣顧忌不敢舉盛因此
 野人無情之言達於 上感動必矣都御史王文沮
 以匿名書盛不顧具疏之有 旨令胡濙封進帖雖
 留中而正論有不泯焉二年六月天象示異條陳弭
 災防患十二事以上及聞禁中頗事遊畋又請舉行
 祖宗午朝故事中書舍人何觀言少師王直等正

本朝分省人物考 卷十九 三十一 南直九 杭杰

統中皆阿附權奸今此輩老猾不宜在左右及言北
 虜之來朝宜驅寘於南方忤 旨下勘吏科給事毛
 玉屬奏稿辭連罪觀盛曰觀之說固踈其前言老猾
 蓋意在大臣但辭連權奸中貴人激怒在此然終是
 言者諸君當熟思之玉曰 上怒甚不可易盛曰朝
 廷大開言路未嘗罪一言者雖罪觀猶令我曹勘議
 蓋甚盛德也君獨不念劉球乎球之死至今以王振
 馬順為恨雷霆之下萬一不測則是我曹為之而成
 朝廷不容直言之名且諸君亦言官獨不為他日計
 乎玉意稍解盛因抹去冒頭誣陷大臣擅開邊釁及

終所謂正觀罪為進言虛妄之戒等語奏入有 旨
 杖觀調外盛遇事輒形於疏每疏不下百千言而大
 要則以扶忠直抑奸佞恤生民禦外患為主所裨時
 政為多三年遷山西右叅政尋命協贊獨石等處軍
 務先是獨石馬營八城遇虜失事殘毀未復盛列其
 利害可興革者八條以進次第罷行之八城既復乃
 立社學置醫藥立義塚又設煖舖以便行旅均蔬圃
 以給將士制度備具而又請官銀買牛千餘摘卒不
 任戰者俾事耕稼歲課餘糧於官凡軍中買馬勞功
 恤貧諸費皆於是取給自是邊人歡洽歲亦屢登有

本朝分省人物考 卷十九 三十一 南直九 杭杰

嘉禾同穎之祥七年冬以外艱去八城之人如喪父
 母天順二年驛召至京面加獎諭尋擢右僉都御史
 巡撫兩廣盛乞終制不允至廣興利除弊尤盡厥心
 舊例廣東鹽課不出境歲久鹽積商困往往賂守關
 者越過廣西市利盛以為聽之則法壞而利歸於商
 禁之則商滯而利歸於關津乃請許鹽商計鹽多寡
 入米餉邊而後出境於是公私兩利之先是海賊嚴
 啟盛敵殺官兵拘留都指揮王雄等盛命官軍擒之
 又瀧水風弟吉殺指揮陳廣聚等盛督大軍水陸並
 進擒弟吉等獻俘於京四年勝縣民胡趙成構大藤

峽徭賊攻陷諸縣盛調兵擒成奪回印信五年大藤賊弗靖督兵分道進攻擒斬賊三千餘人時廣西流賊多入廣東爲害而守將頡頏自異盛請益兵乃命都督顏彪率兵赴之盛與彪協議破賊砦八百所擒斬數萬人而還遷左僉都御史巡撫宣府懇田益廣積糧益多以其餘歲易補戰馬千八百餘匹其屯堡廢缺者力修築之不數月完七百餘所成化三年陞禮部右侍郎五年改任吏部六月畿內大饑命巡視真定保定二府賑卹貧困綏輯流亡既還復命賑濟京民之饑者全活甚衆八年北虜出沒河套爲西邊患盛受命往上方略言搜河套復東勝此事勢所難不敢妄議惟增兵守險可爲遠圖宜令守臣削邊墻增城堡募新軍以實邊選土兵以助守此不但可責近效亦足爲長便也 上是其言九年轉左侍郎盛自入蒞部政每議禮用人從容贊決其間至若事非部分而關當時利害者必相辯正助益不少十年三月一日坐後堂署事忽疾作不能言輿歸西第而卒年五十五謚文莊爲人溫雅簡重言動思跂古人居家悻孝友蒞官清慎勤恪設施不苟取人先行檢而後才藝存心寬厚終不及人之過惡所寓門無雜客

本朝分省人物考

卷十九

三十三

南直九
高用

公退手不釋卷而於聲色財利之好澹然不以經心爲文師歐陽而功業自期韓范以范公爲鄉先正尤景慕焉所著詩文奏議總若干卷藏於家

本朝分省人物考

卷十九

三十四

人物考卷之二十目錄

南直隸蘇州府 三



劉昌 祝顥

陳鑑 程宗

章律 陳頎

孔鏞 陸昶

李應禎 沈璧

魚侃 馬紹榮

蔡蒙 盛昶

劉瀚 張翥

翟俊 鄒亮

趙寬 毛澄

吳寬 王鏊

徐源 龔弘

陳璠 張璋

徐恪 陳愷

施文顯

本朝分省人物考 卷二十目錄

南直十

本朝京省人物考卷之二十

南直隸蘇州府 三



劉昌

劉昌字欽謨號樓園吳縣人少為諸生即立志不羣每旦升堂退輒掩戶獨坐肄習常業之外博觀羣典不求人知雖同門進業者亦莫測其所造年十九舉鄉試高學士毅讀其文語諸同事者曰此必山林老宿置之第一徹棘乃一白哲少年耳嘆賞不已明年會試禮部第二廷對後以疾乞假大肆其力於學造詣益深景泰二年授南京工部主事與修宋元通鑑

本朝分省人物考 卷二十

南直十 張天叙

祝顥

祝顥字惟清長洲人少有大志以治易名郡學中為

諸生師然不喜躁進有司屢勸駕輒不行宣德乙卯領鄉薦猶不赴省試正統己未乃登進士高等時詔大璫察進士中有聲者四人教內豎邀顯入門下初未知其故比至乃將試以詩而去留之顯不應而出既而選授行在刑科給事中務持大體雖多彈劾不肯訐人閨門曖昧嘗受 旨密察在京寺觀無賜額者有青龍寺極弘麗僧言某璫以密旨所建不聽立毀之丁內艱歸適有土木之變 景帝詔奪情以都御史起復不奉詔服除遷山西叅議晉故瘠壤加以兵興後益空竭徙遷者衆而征輸故煩顯鳩繕安集

本朝分省人物考

卷二十

十一

南直十
梁仲德

檄縣道察之而自馳賊所擒十六人餘以脇從弗問部使者議勿以逆聞是謂沉命聞則獲止數人其所當名捕者衆奈何乎顯請作奏但言此十六人者應坐餘雖攀引而未有跡何以入之奏上如議崞縣囚七人御史訊已服內二人嘆泣不已顯鞠得其寃以語御史不從當決稱疾以緩之御史來問疾曰某不忍殺平人耳因陳其寃誣狀御史悟論囚減死襄陵人以女贅婚後生子而死僭育之長爭分訟累年不決顯按之曰僭字孤義也而專財久雖賈益饒而業由婦翁於法不當爭若何僭乃伏罪孤亦泣謂所爲

本朝分省人物考

卷二十

十一

南直十
劉繼

爭者以不得其平耳彼既已引咎復何較哉遂相與推讓顯慰遣之皆感泣去凡周巡道理之間往往駐車延問民瘼夾道擁塞不得行封內多名山大川及古聖賢祠墓輒登臨謁奠賞帛吟賦風流粲然居大參七年甫六十遂疏請歸田一時耆俊日相過從游衍歷二十年而卒享年七十有八

陳鑑

陳鑑字緝熙世本嘉興商氏元季避地長洲冒氏陳生方幼稚父潤謫戍益州道京師遺鑑故人范叔瓚家稍長從王大卿爲老氏學非其志也少有高資竊

好儒家言能通其說下筆為文章輒有奇氣他日以事如浙東市書盈篋而歸晝夜誦習卒歸於儒正統九年中順天鄉試第二人十三年中會試廷試擢第一甲第二人授翰林院編修景泰元年代祀北鎮醫間山還充經筵講官七年遷修撰 英宗復辟使朝鮮四年同考試禮部明年預修大明一統志六年主順天鄉試丁母憂服除遷侍讀修 英宗實錄成進侍讀學士成化四年主應天鄉試五年擢國子祭酒刑讓為禮部侍郎而以鑑代之莊重簡默持成規御人至簿書錢穀之事一付主者不瑣瑣問出入曰吾職不在是也冬十一月鑑疏南北兩監官與在京諸司官遷叙未始有異自任教職以來動經二三十年再為淹滯不無衰老失年祭酒刑讓雖嘗建言然兩監一人未拔似非激勸之典乞訪各官稱職者量為陞擢如遇三品以上官會保及本部推舉者亦一體陞擢 命下吏部行之故事國子師生月給錢若干為飲食費以事去不及給者則貯為公錢用之至刑讓頗以法繩人人始有怨言及既擢大學士萬安誣其以公錢入已且及鑑 上詔大臣雜治刑公對簿力辨鑑嘆曰吾官至國子師尊嚴矣安能對刀筆吏

本朝分省人物考 卷二十

四

南直十 范應時

掉口舌乎不吐一詞獄詞上皆坐除名諸生數百人請闕訴誣在不報既免官家居以七年病卒年五十七為人容貌岸然若不可親及聆其言論藹如也人有善喜為稱道其不善者亦疾之如仇故卒以此得禍少罹患難家室蕩然及登第得官而父沒戍所久矣間因東使代祀便道函其父骨歸葬於鄉事母孝卒居喪三年不肉食不內處不酬應文事時朝廷方修實錄有 詔起之上章求終制不允章再上懇求允之平居無聲色之好使朝鮮時曾以妓女侍不受夷人敬歎其為文才瞻而氣完所著方菴集凡若干

本朝分省人物考 卷二十

五

南直十 陶仁

程宗

程宗字源伊常熟人登景泰辛未進士初授刑部主事階員外郎中擢吉安知府吉安素號難治奸吏猾胥弊竇百出宗訟牒一切自裁獄成特使書之奸弊悉去丁父憂服闋改知真定以病未赴吉安之民知之相率走闕下乞求復任至則改知武昌矣踰二年擢四川左叅政進陝西右布政再轉左所至皆有政績民多頌之擢都察院右副都御史治院事尋巡撫陝西適邊境多事偕總兵率師征洮川西番滿松等

族事平往來慶陽榆林間調度兵食邊以寧謐再丁
母憂服除未上會木邦酋長等累歲相仇殺卽其家
賜以璽書令往諭之宗至宣示朝廷恩威責其擅相
攻擊之罪折其辨說皆頓服乃以具奏始設孟密安
撫司以村寨歸木邦各相統攝而西南遂無事矣
上嘉其績轉左副都御史仍巡撫雲南久之陞刑部
右侍郎尋轉左署部事守法不撓部中肅然九年考
滿始拜南京工部尚書凡工役財用計度精詳無所
濫費未幾致仕歸病卒有撫夷集藏於家

章律

本朝分省人物考

卷二十一

六

南直十
陶太

章律字鳴鳳常熟人舉景泰癸酉鄉試明年遂登進
士天順丁丑授刑部山東司主事甲申轉江西司員
外郎屢辯疑獄衆稱神明成化丙戌擢保定知府保
定爲畿輔郡素稱繁劇律蒞任興學校定戶役理冤
滯抑豪強不爲利回不爲勢懾政聲卓然有聞初律
父爲權貴所擠至是其子夜率人劫奪姑家衆疑必
重其罪律曰忠厚存心母懷宿怨吾父命也敢違乎
卒坐以親屬相盜之律癸巳遷雲南右叅政時交趾
遣使欲從臨安入貢以非故道力拒之且疏言夷情
謫詐宜飭邊備丁外艱歸服闋改廣西左叅政庚子

遷右布政適歲秋旱齋沐率官屬露禱甘雨隨澍歲
以大熟荔浦種賊竊發遣將徂征受命監督率泗城
兵由象武路厄陳村口當賊要衝號令明肅士衆帖
然且戰且徠遂擒渠魁而悉散其脇從者營中屏竹
稿而復生衆咸以爲不殺之兆捷音上聞特賜勅獎
勵進秩正二品甲辰轉貴州左布政撫綏邊氓制馭
苗獠咸得其宜丙午擢右副都御史巡撫雲南其地
爲舊治民夷素服威德事皆不令而行弘治改元召
任南京左副都御史掌院事仍食二品祿律益加寅
畏整肅憲度風采一新先是諫官有忤執政假以他
事補外任者首請復職執政憾之會在雲南時有巡
按者處事乖刺嘗面折之旣而其人以不職見黜遂
誣律受夷人賂召致廷尉按驗無實詔章服閒居鄉
大夫祖餞都門外律曰某以疎直不卹人怨幸賴
天子聖明察其非辜得遂歸老之願足矣旣歸杜門
却掃日課二子讀書暇則爲山水之遊以詩酒自適
若未嘗居顯位秉重權者因易其號曰怡晚散人弘
治癸丑卒年六十有六

陳頌

陳頌字永之長洲人講春秋於景泰間受業者甚衆

本朝分省人物考

卷二十一

七

南直十
陶安

薦授武陽文學掌故適故人守豫與一馬乘以出入已乃還之欲使遂受固不可未幾謝歸頗雖以經教授文亦清綺不作老生語在當時甚見推與性介特不肯苟容儼然終日矜嚴見於色故尤以操履稱焉不徒文也所持論長於刺駁而卒歸之正要以折衷於經義而止有適楚及遊梁錄又有紀所傳聞書學者多傳布焉

孔 鏞

孔鏞字詔文宜聖五十八代孫也元季高祖克信遊學江南阻兵不歸而居蘇州父友諒舉進士知蜀之

本朝分省人物考

卷二十

八

南直十
陶安

雙流縣鏞幼孤好學甫弱冠為長洲縣學生時提學孫御史鼎教人務先德行學置一籍名敦本首著鏞名於籍用是奮發益力於學登景泰甲戌進士初知都昌分民戶為九等以均賦役設倉於水次以便收歛縣濱彭蠡每風雨波濤澎湃若有物蜿蜒其中舟多覆沒者偶歲大旱往驗之乃巨木歲久為荇藻所絡若鱗介然火之其妄遂絕尋以弟銘選尚寧府郡主例避嫌改廣之連山連山西連昭賀徭種出沒無寧歲至縣治無解宇可居俸給殆絕父老間有至者詢知民所在遣人招之不來鏞親詣其地民見其至

驚走既而炊飯民舍輒留錢米以償其薪水之費乃相率還拜伏道左鏞一一賑恤之俾復業由是趨事縣中縣治始復逾年大兵征廣西巡撫葉都御史檄督兵隨軍征勦鏞所至招徠不事斬艾賊聞風降附諸將有欲殺人取馘者鏞必力爭全活者甚眾時廣東州郡之界廣西者無不殘破而高州尤甚僉謂鏞有撫綏才薦試知府事高州城外四山皆賊壘僅餘孤城城外積屍京觀民外死於賊內死於疫城中軍民不滿百鏞至首呼父老問計咸曰城中人多有賊之戚屬切宜防之其來趨附者心不可保惟宜閉門

本朝分省人物考

卷二十

九

南直十
范應祥

固守鏞曰不然高州本無賊而賊之來也皆自廣西往時守土者無遠圖民携家屬十百里來投城將以求生也乃閉門不納以致為賊所蘊醢其在城中者又疑之或加害焉賊以是激怒其衆外攻而內應往時城陷正坐此也乃大開門有來者無不納而在城者相染成疫曲加撫摩調養死者為義塚於城外以瘞之流亡聞風來歸日以百數城不能容乃即城東北隅築土為城以居焉時賊屯高化境者凡千餘惟茅峒距城僅十里而鄧公長據之尤點驚鏞屢遣人撫諭使退不從乃不告之僚屬不謀之妻子黎明潛

呼四疲卒肩輿出城徑抵賊巢公長見太守至倉皇不知所以亟呼其黨環甲出迂怪無騎從遣人遠偵回報無所見乃釋甲羅拜請鏞入坐鏞從容論以逆順禍福指天定約公長意猶豫而衆酋感悟泣下恨其來晚公長跪奉卮酒爲壽鏞飲之不疑衆齊喊約降護送鏞回夜四鼓遠近見火起賊自焚其巢黎明開門納降者得數千人公長既降諸賊聞風次第納款馮曉久屯化州皆結土民以爲內應久招之不服鏞詒以備他盜整兵夜進遣部下蒙浩率敢死士二百餘截其後而鏞以前軍應之二鼓擣其巢曉遁執其妻子以歸曉意必戮其妻子也官軍屢招之不出既而聞其存撫甚厚遂以黨五百歸事聞有文綺寶鏞之賜特陞廣東按察司副使賜 璽書褒獎仍守其地於是梁定侯大六鄧辛丑皆受招撫處之內地分地與耕且爲我備他盜部下有黎浩林雄數人皆有謀勇而雄尤爲拳捷後死於賊鏞撫屍慟哭親爲殯葬一軍莫不感泣用是民夷率服所至成聚高州人懷其德惠至今祠祀之比聞母喪還守制軍民泣送有出千里外者服闋改官廣西諸州猶稱聞名有素相率遠遁未幾陞按察使賊起自荔浦來寇總督

本朝分省人物考

卷二十

十

南直十
劉梯

朱都憲屬鏞督軍勦之賊相顧愕然曰此高州孔憲副邪是不可敵也亟趨去一鼓平之事聞進階食二品祿賜文綺寶鏞尋陞左布政使蒞事甫半月陞右副都御史巡撫貴州賜 勅許便宜行事時清平都勻二衛苗人據險肆掠垂二十年適來爲患鏞督諸將授以方略次第勦平邊徼無事奏請以貴州之戍雲南者撥補本處沿途驛遞軍之缺而給與月糧增設布政司官一員以專督糧餉皆前所未有也其他如省冗費黜貪殘減抑軍官之僭從平反冤獄諸事皆足以厭服人心鏞清心介節所至人望而愛之咸知其爲厚德君子也故言出而人信之事行而人無異議 孝宗嗣位鏞上章言歷任三十餘年無一任不在邊方冒觸瘴毒積濕成疾乞致仕 上不允陞工部右侍郎召還道浙河而卒於富陽舟中享年六十有三訃聞遣官諭祭命有司營葬事

陸 昶

陸昶字孟昭常熟人少耽學好爲詩始規溫李尋步杜李王孟諸家聲馳吳下或勸之仕乃入學肄經作文輒中槩雋登景泰辛未進士歷刑部主事員外郎郎中仁恕明敏以文學飾法比常提牢牢重囚皆三

本朝分省人物考

卷二十

十一

南直十

木加鐵索而臥之床偃仰展轉不得也鼠日夜嚙之血涔涔流視見而輒求狸奴十數畜之牢鼠竄伏囚德之至死被命讞獄於河南於山西矜宥平反情法咸允還奏稱 旨故事三法司常有獄當會奏各擇其屬精於法比者典之每奏衆推昶屬草引經貫律蔚然成章鮮不飲服久之陟參福建奉勅巡海道董兵餉先是有商率羣船通諸夷遇他船無問官民皆掠之殺人浮海上如筏數歲莫能捕昶至即奮然曰是賊且不制脫倭寇突至將奈何遂練兵發艦跡其所在擊擒之併其醜皆伏法戍卒所居曰玄鍾營

本朝分省人物考

卷二十

十二

南直十

者久而弊兵器亦多朽窳皆為繕葺若新漳泉二郡水嚙郭為築堤防捍倉庾諸宿蠹備詢而盡刻之閩人服其威惠俄以讒罷歸時甫踰艾壽耆而止所著有螢窗秋臺閩海雲泉諸稿藏於家

李應禎

李應禎者長洲人一名姓又名維熙少好學為文多奇警景泰間選於鄉中貴人牛玉欲使教諸闈要祭酒必致之避不往已而授中書中書故待詔殿廷有所供方牘或非其人雅不樂乞為掌故不許適命為浮屠書疏言為天下有九經未有以浮屠者大忤

上明仁薄其責乞省母歸竟罷中書遷南曹郎未上久之始拜職方遷尚璽滿一考進太僕亡何遽謝免當其為中書時郊祀禮成宴羣臣禎奏言中書載筆有所紀舊班給事御史前宜復故額雖不從衆皆趨之襄楚流民所在滿路議方逐之又言民有居久長子孫者已為土著今宜立郡邑撫之耳此前代事不遵不慮將復為羅尚耶卒如其畫使至湘中念尚書吳雲死殉節葬江夏為訪其後揚顯之禎體貌嚴峻衣冠甚偉而煦煦仁愛推轂後進成就之惟恐不至嘗與交雖甚疎必周恤有加季弟早卒養其孤又

本朝分省人物考

卷二十

十三

南直十

厚分與其產親戚貧者賑之家益窘落卒之日殆無以葬其書學柳公權人多購之所著有范菴集

沈璧

沈璧字惟拱嘉定人以鄉薦就鄱陽教諭未上以母老改建昌之南豐學者服其條教爭自奮勵翔登甲第益南豐曠三十年無登進士者矣莫不以璧為良師尋陞建安知縣璧為人伉直為儒官時大吏多假借之及為縣見趨走庭謁上下候伺顏色自以為不能欲謝去上官知其人卒強留之楊文敏公之族籍累世貴顯撓吏治前令莫能誰何一切繩以法豪右

皆帖然喙息汀漳歲饑布政司徽州縣市糴轉輸之
壁曰民日暮且死必待糴是索之枯魚之肆也第解
銀而米商隨之矣卽解銀米商果隨之他縣糴者皆
不及事御史行縣未至十里所停舟欲拷掠人索獄
具不得方盛怒同官皆累息壁抗言曰至治所而不
得則令罪也奈何責之中途且此亦非拷訊之地御
史卽自媿屈曰令言乃是也無何御史來守蘇州語
其屬曰沈建安非汝嘉定人乎汝曹皆學此人不患
不爲良吏也三載將入覲過家遂留不往監司方列
狀薦之聞而歎曰咄咄沈君負我矣壁少孤與寡母

本朝分省人物考

卷二十

十四

南直十

弟妹相依倚笑然也旣得舉家益貧及爲吏尤清苦
終以不屑意而歸蓋生平備歷艱辛而其志意不少
屈云春秋六十有七

魚侃

魚侃常熟人也舉進士爲部曹郎以能治劇遷河南
開封府知府開封居會省而所領三十六州邑最號
繁劇且俗羯羗不易治而侃一切以惠文彈治之於
上官無所阿私苞苴避匿不敢進旦夕所進惟脫粟
鮑魚菘菜而已滿考稱疾歸旣歸家益貧妻子不免
饑寒而節操益勵臺使者所有饋遺不受旣病久困

小褥妾以一甌粥啖之輒呼曰廉官何不食肉糜竟
死不能具窻窻時同邑有錢昕者官至布政使亦廉
而故有父產時人爲語曰富不愛錢錢昕貧不愛錢

魚侃

馬紹榮

馬紹榮字宗勉慕范仲淹之爲人號景范世爲常熟
人登天順壬午鄉舉明年試禮部春闈災不第嘗師
事松江錢學士溥因主錢氏塾錢公憲廟舊學也
恩遇異重方英廟駕危人情不寧一日中貴人王
某携酒過錢公王與朱奎同侍東朝皆錢公弟子錢

本朝分省人物考

卷二十

十五

南直十

公旣僚長人目爲儲相當路意東朝一出必奪已位
而三人一日飲食相聚乃置偵於酒間莫之覺也酒
終而難作明日三人詔獄中以飛語朱奎地卑備楚
五毒初貴人之來也錢命紹榮主酒力辭是時苟側
坐刑在紹榮矣獄久不解客有自墻外投斃者書曰
此公少之也足下如何不見幾紹榮私自念曰少抄
也豈遂籍錢公耶苟有之塾師不坐講誦自如錢公
夫人令人來致詰荅以他故未幾錢得貶爲令方錢
在獄妻子不知所爲家人履屨檐簷視紹榮爲去留
一搖足無其家矣時人服其長者錢公旣去乃主陸

郎中相成化元年試書中選預修 英廟實錄授中書舍人十五年陞吏部驗封司員外郎得告還蘇弘治元年取修 憲宗實錄二年陞山東左叅議四年以實錄功陞太常寺少卿 憲宗朝嘗有急勅夜宣館中館中人人醉惟紹榮得奉詔簪筆上殿書麻稱旨同官得無罪明日諸公皆賦詩賀為官三十年以清謹聞雖屢遷外階必居內閣嘗一署尚寶司事未幾即還弘治十四年卒於官賜葬祭

蔡蒙

蔡蒙字時中吳縣人年十一父老舉於鄉乞升邑學

本朝分省人物考 卷二十 十六 南直十 劉光

太守况公撫其首曰此子異時官當至吾位即補為縣學生三試於鄉不捷貢入胄監兵部尚書馮公昂奏以曹務機要上下疏牘所係不輕不宜專委胥吏當簡太學生文行明慎綜達時務者俾專司繕錄因錄其功以高其入銓常資 詔從之蒙歷事僅半年天順甲申吏部校績優等授浙江溫州府同知蒞官勤於養民會泰順山中閩括流寇羣聚劫據山曠挺兵殺傷遍野邑里騷動藩臬以聞朝命中使來督官兵勦禦之賊聞兵且至焚野撤橋壘石塞要路候吏馳報時夜漏下二鼓蒙驚起曰橋斷路窒兵何由進

遽帥壯健五百餘人往撤石通道伐木為輿梁官兵且至乃渡會大雨雪不可進凍死甚眾眾議募民壯補伍擣賊巢穴蒙請曰彼皆平民烏合覲僥倖之利非有固心苟益兵制其死命其勢感必衝突轉鬪屠戮更多傷良民非計無若遣一職諭以福禍當免兵而戢矣中使宣言於眾當從蔡同知言眾言固當從獨難其人其人將非蔡同知不可者中使曰然蒙毅然請行即深入賊窟反復諭之賊感悟推其魁詣蒙曰民等愚惑冒干天誅公賜我數千人得生路敢不遵伏當就公前請餘命復歸事農為太平民語罷立

本朝分省人物考 卷二十 十七 南直十 李思高

解散兵休而還復建久計取民之強勇丁眾者立為銀賦長領坑夫若干事採鑿取富殷者即坑側為廬舍居之俾禦寇各給糧餉事集而民寧焉樂清田數千頃為山潦衝嚙壞為沮如場而公稅如故破產者甚多蒙往相地得水所由道命因其勢浚渠築塍時畜泄慎防護田遂還為膏腴御史藩臬咸上其事朝廷嘉之錫以旌異之典癸巳浙西饑 上意有司不職 命工部侍郎曾公都御史劉公繼往綏撫兼覈屬吏臧否存黜之聞命豫規畫積粟五萬餘石備賑貸及二公至果徵粟於有司舉而發之如探囊然二

公大獎異遂委蒙考察府僚以至屬邑官吏疏條其賢某不肖狀上之二公多從焉於是註蒙績爲通省十三府最將薦諸朝適秩滿赴天官民日擁憲司乞爲溫州守憲臬上疏未報而俄以外艱歸戍戍起復任湖廣辰州府知府之任道間聞母喪遽馳還辛丑起復改廣西之南寧下車集父老問土俗拔弊通利民甚便安又以郡庶華夷雜揉易養難教特加意焉於是三年俗成如中邦宣化縣民競渡誤死被逮入故殺律連七人訟繫淹久累政不決蒙得其情卽釋之田州府土守岑浦驕悖不法與其族爭襲弄兵相

本朝分省人物考

卷二十

十八

南直十
李思禹

攻殺傷人其僚佐素畏之唯唯承附蒙獨往以直詞曉諭皆感服釋仇其建事多類此久之疏乞骸骨得命致仕進一階得中議大夫越七年以疾卒春秋六十有八

盛昶

盛昶吳縣人也天順間進士授監察御史以直諫謫羅江縣令爲政廉明務興利寢害不摧撓吏畏而民信之時邑寇胡元昂嘯集稱叛昶著檄諭散其黨遂緝元惡平輯不煩寸兵隣邑德陽寇趙鐸者僭稱趙王所至屠戮攻成都官軍覆陷殺汪都司勢叵測羅

江故無城昶令引水繞負縣田晝開四門市中各閉戶藏兵於內約砲響兵出又伏奇兵山隈陽示弱遣迎賊賊入室未半昶率義勇士開戶聞砲聲兵突出各橫截殺賊賊不相採山隈伏兵應聲夾攻殊死鬪賊大北斬獲不記數俘獲子女財物盡給其民邑賴以完父老泣日向微盛公吾屬魚肉多矣初昶至邑衙後有廟神素妖左右以例請祀昶弗聽至夕有雞伏神前如釘置然昶曰神敢妖若此促毀之時前令張尚留至夜神夢張令求解張晨語昶昶弗允張夜夢如前張夢語神曰若何不自訴神曰前者乃鬼卒

本朝分省人物考

卷二十

十九

南直十
陶仁

劉瀚

劉瀚字約之別號樗菴長洲人景泰庚午領南畿鄉貢卒國子業有名其舉進士以天順丁丑試政禮部領詔至揚州府府餽金二錠峻拒弗納列郡皆相戒勿餽縉紳繪却金圖賦詩以頌之其爲大理讞駁詳慎嘗奉勅錄京畿及江西重獄平反四百餘人出賑河間諸府饑民籍名給粟者十五萬爲紹興同知八年專理戎籍多所釐正鄰郡愬訟者踵相沓爲大理

知府得專制鉏強抑暴民甚安之部使旌於朝章至八九上為按察使益持憲體會邊檄多事督餉不乏資望日積而遷致事以去西安府餽金為贖却之曰不聞致仕與在任同邪居鄉十七年足不至公室平生服履孝義與人交際無諛詞妄語精法比達政體善古文長於詩賦續未屬呼諸子孫至前連舉孝弟忠信四字訓之猶懇懇不置壽八十有一矣

張 翥

張翥字汝振長洲人登天順丁丑進士授工部都水司主事改虞衡司又改南京刑部山東司歷員外郎

本朝分省人物考

卷二十

二十

南直十
陶本

郎中出知江西南昌府進河南布政司右叅政雲南按察使致仕正德丙寅卒於家春秋七十有七翥清慎守法靡然若不自持而見義卓然不惑始至南昌即理冤獄出之民大悅尚安有毛姓世豪於鄉縱火殺人亡命吏不敢問發之竟置重典民大悚有中貴乘傳搜括民間奇玩勢張甚郡縣望風迎拜且以鹽抑配於民而以庫銀給之至南昌翥曰民吾民也庫朝廷之庫也誰敢干之吾將以聞於 上中貴見不可奪乃稍自戢時所至民被其擾獨南昌晏然雲南諸夷爭襲賄賂公行一切禁絕年甫六十以母老懇

乞致仕以歸翥天性簡儉家故富且貴矣而自奉有人所不能堪歸吳掃軌閉門客至則清話終日澹如也居官所至能舉其職而南昌之政尤偉

翟 俊

翟俊者常熟人令崇仁廉愛不受請寄召入為御史出按嶺外及滇持法甚峻滇與交夷壤接數不靖以柱後惠文彈壓之遂皆率以聽又奉詔慮囚所寬宥甚眾持服歸復起掌獄獄尤以謹慎稱 上又勅令視邊徼按軍實蒐乘簡士大稱旨遷按察嶺南故珍貨所出抗以介嚴一無染見有瀆汚者面誚讓之人

本朝分省人物考

卷二十

二十一

南直十
高梁

鄒 亮

鄒亮字克明長洲人少喜名善為文援毫無停思然輕俠無行嘗薄游為人所擊侍郎周公忱見其文愛之誨之學遂刻厲稱博絕况守鍾薦之授從事吏部已而遷御史既酷嗜書時雖散佚然頗有存者所得故宋時本皆完全與湯胤績諸人共集湯氣豪見亮不覺自折下之詩與劉溥相若亦相服也有漱芳諸集二十餘卷他所撰未成者眾弟順仕至辰州守亦

有能詩名

趙寬

趙寬字栗夫成化間廷對第一官主事刑曹雖以文法佐吏為治而意常嚮學是時同為理者華亭陳一夔同郡秦廷贊天台王存敬皆能詩與相和甚謹相得也吳公寬王公整時相與賦每有屬下筆不可了眾驚謂敏其所書獄辭多緣飾以經義諸名為文法者咸推服稍遷按察浙省博士弟子歲輒試第其行能差次之待推擇上名能知人明習故事意深厚善究宣禮化已乃遷廉察嶺外卒

本朝分省人物考

卷二十

三

南直十
高梁

毛澄

毛澄字憲清號白齋學者稱三江先生崑山人弘治間割其地為太倉州遂為州人資性明粹神采秀朗七歲善屬對間為詩歌即奇警歲時與諸兄謁姻戚長老或贈以金錢歸即弃之曰要此何用吾不欲違其意故携歸耳識者奇之成化丙午中鄉試值父喪未上春官癸丑以進士第一人官修撰丙辰同考會試充大明會典纂修官援例請告與歸適大父滿百歲里中賀羊酒謂不常有而有司為建人瑞坊壬戌赴闕會典成進右春坊右諭德侍東官講音聲清

切義理明暢為稱於上曰毛先生說書真正明白

孝廟甚喜時方中秋設宴遂徹以賜武宗登極推恩官僚陞左庶子兼侍讀賜金箱束帶會丁母憂歸避居北郊未嘗一入城府時巨室有被誣者當奏沒其產邂逅為直之其人報以數百金盡却去曰吾公道扶人安能以賄為爾役耶其光明清介類此歲已巳逆瑾謂會典出內閣意凡所陞秩悉奪之澄亦落庶子庚午主順天鄉試尋遷學士為講官教庶吉士甲戌主考會試尋陞吏部侍郎初兵部尚書彭澤總制陝西邊事時土魯番侵擾哈密業已處分奏行而

本朝分省人物考

卷二十

三

南直十
劉光

錢寧不悅忌彭者遂文致為罪將置重典於是有集議之旨澄力言彭某有功無罪彭遂從輕武宗崩奉皇太后旨往迎世宗入繼大統比至有議行五拜三叩首禮以見者澄曰今如此後將何以加之且將來勸進辭讓之禮行乎廢乎上聞而是之賜綵段白金既即位復賜白金綵段是秋吏部尚書缺廷推首以屬澄辭之再三聲色俱厲錄迎立功加太子太保廕一子錦衣衛世襲指揮固辭不允澄素有脾疾至秋乃病嘗候早朝昏眩移時及兼史事病遂日侵疏乞骸骨不允尋命醫調治及遣中使問以羊

小疏米再疏乞歸內閣擬俞旨進 上覽之愀然曰此輩老臣方切委任何遽至此醫問如前四疏始得請加太子太傅賜勅給驛又遣中官致寶鈔爲道里費至興濟病作卒於舟中賜祭葬特厚贈少保謚文簡澄少時夜誦書母夫人遣婢饋堅不啓門居平雖甚暑不褻露 上所賜金帛悉散之宗黨室無姬媵獨喜爲詩咏成輒弃之曰聊爲適庸足留者弘德間士競進恬然不以遷叙經意久典禮樂諸王有所請據典法不可奪 上方欲大用而已謝罷故獨有餘思焉

本朝分省人物考 卷二十

三五

南直十 劉光

吳 寬

吳寬字元博長洲縣人生有異質博覽羣書屢試應天不利以歲貢入太學東海張汝弼見之曰天下有此貢士乎江陰卞華伯有低頭拜東野之句寬以屢舉不利絕意仕進不肯復應舉天台陳選時董學南畿以禮敦遣之乃入試名在第三成化壬辰會試第一入試大廷又第一授翰林院修撰旋被選侍 孝宗於東宮十七年進右諭德孝宗卽位進左庶子弘治三年預修 憲宗實錄成進少詹兼侍講學士六年擢吏部右侍郎七年丁憂九年補原職十一年轉

左十三年命兼翰林學士入內閣掌制誥仍侍 武宗於東宮充會典副總裁十六年會典成進禮部尚書仍典制詔及修歷代通鑑纂要仍充副總裁寬素有古學及入翰林有作輒傳播中外學者稱爲匏菴先生每東朝進講閒雅詳明意存諷諫至理亂邪正之際未嘗不反覆誦之 武宗在東宮寬率僚屬上疏勸以離近習親正人借曰習讀於內終不若出就外傳親近儒臣講明治道所得爲多建議者謂元儒吳澄出處不正不宜從祀孔子 詔廷議之寬言從祀亦觀其有益於經傳否耳苟有裨經傳則揚雄馬融昔皆不廢今獨得廢澄耶 太皇太后將祔廟詔議其禮寬曰昔周祀后稷姜嫄祭於別廟詩謂之閟宮魯桓公之母仲子不得祔廟春秋書考仲子之宮至宋始有兩后並祔之說然豈後世所宜法哉詔從之卒於官訃聞 孝宗震悼命有司治葬祭給驛舟遣官護送贈太子太保謚文定長子奭以三品恩廕國子生特授中書舍人而以次子奭補國學蓋異數也寬好古力學至老不倦在翰林時於所居之東治園亭雜時花木退朝執一卷日哦其中每良辰佳節召

本朝分省人物考 卷二十

三五

南直十 劉光

容聯句爲樂若不知有官者被選官僚人動色相賀獨感然以不堪任爲憂日講內殿尤世所榮辭之至再三冢宰位缺中外皆屬寬又固辭之爲人端清淵穆不溷溷爲同不嘒嘒爲異士無賢愚見者靡不歸心寬亦保合兼容不見畛域平生不聞有毀譽之言亦不見愠怒之色其爲文不事追琢獨嚴體裁爲詩沉著高壯一洗近世尖新之習作書姿潤中時出奇倔益規模於蘇而多所自得者

王 整

王整字濟之吳縣人自幼穎悟不凡十六隨父讀書

本朝分省人物考

卷二十

二十六

南直十
吳汝忠

太學諸生爭傳誦其文侍郎葉盛提學御史陳選咸奇之爲天下士於是名動遠邇成化甲午應天鄉試第一主司異其文曰蘇子瞻之流也錄其論策不易一字乙未會試復第一入奉廷對衆望翕然執政忌其文乃置一甲第三授翰林編修閉門力學避遠權勢九載陞侍講 憲廟實錄成陞右諭德尋進侍講學士兼日講官每進講至天理人欲之辯君子小人之用舍必反覆規諭務盡啓沃方春 上遊後苑左右諫不聽整講文王不敢盤於遊田 上爲罷遊常講罷召所幸李廣戒之曰今日講官所指殆爲若等

好爲之時東官將出閣大臣請選正人以端國本首

薦整以本官兼諭德尋陞少詹兼侍講學士既而進

東部侍郎時北虜入寇上籌邊八事雖忤權倖而卒

多施行公輔之望日隆於時災異屢見內閣謝遷引

咎求退遂舉整自代 武宗在諒闇內侍八人荒遊

亂政臺諫交章中外洶洶整協司徒韓文率文武大

臣伏闕以諫 上大驚怒有旨召整等至左順門中

官傳諭甚厲衆相視莫敢發言整曰八人不去亂本

不除天下何由而治論議侃侃韓亦危言繼之中官

語塞然自是八人者竟分布要路瑾入柄司禮而韓

本朝分省人物考

卷二十

二十七

南直十
高用

文遂逐內閣劉謝二公亦去 詔補內閣缺瑾意欲

引冢宰焦芳衆議推整瑾雖中忌而外難公論遂與

焦俱入閣瑾方威鉗士類按索微瑕輒枷械之整亟

言於瑾曰士大夫可殺不可辱今旣辱之又殺之吾

尚何顏於此由是累從寬釋瑾啣韓不已必欲置之

死又欲以他事中內閣劉謝二公整皆力救之乃得

免大司馬劉大夏以瑾舊怨逮至京將坐以激變士

官岑氏罪整曰岑氏未叛何名爲激乎劉得減死或

惡楊一清於瑾謂其築邊太費屢以爲言整曰楊有

高才重望爲國修邊乃可以功爲罪乎瑾議焚廢后

吳氏之喪以減迹曰不可以成服蓋曰服可以不成葬不可以苟景泰汪妃薨疑其禮蓋曰妃廢不以罪宜復其故號葬以妃祭以后皆從之當是時瑾權傾中外見蓋開誠與言初亦聞聽及焦芳專事阿議彌不協而瑾驕悖日甚毒流縉紳蓋遇之不能得居常戚然瑾曰王先生居高位何自苦乃爾耶蓋曰求去瑾意愈拂衆虞禍且不測蓋曰吾義當去不去乃禍耳瑾使伺蓋無所得且聞交贊亦絕乃笑曰過矣於是懇疏三上許之 賜璽書乘傳歲支月米以歸蓋既歸吳屏謝紛囂然山水之間至其與人清而不絕於俗和而不流於時無貴賤少長咸敬慕悅服平生嗜欲澹然惟喜文辭翰墨至是亦脫落雕繪出之自然中年嘗作明理克己二箴以進德砥行及充養既久晚益純明究心理學研思性情每日夫人氣質異而性隨之譬之珠焉墜於澄淵則明墜於濁水則昏墜於污穢則穢天地間昭塞充滿皆氣也氣之靈皆性也人得氣以生而靈隨之譬之月在天豈必物物而授之哉凡所論述必有發所未發處居閒十餘年海內士夫每交章論薦及 世宗即位始遣官優禮歲時存問蓋疏謝上講學親政二篇其講學大

本朝分省人物考

卷二十

壬午

高用

略言經筵固為盛典但體分過嚴上有疑未嘗問下有見未敢獻徒為文具 太祖初定天下即開禮賢館與宋濂輩講論 仁宗設弘文館時至館中講論 孝宗經筵外每繙永樂大典西銘等書嗜學士沈度書日數臨 陛下睿質天授宜於便殿選學義著明者更番入直命閣臣領之特霽天威從容訪問有不覺日新月化者其親政大略言上下交則為泰否則為否永樂間閣臣日造辰前承顧問商確機密洪熙宣德時楊士奇蹇義等嘗奏對便殿或議事榻前天順間李賢等時或召見弘治末屢召大臣便殿議事望於文華武英殿令大臣侍從臺諫各一員上殿輪對羣臣不時引見令皆得陳奏仍虚心問之和顏導之則天下事皆燦然於前豈徒革近習之弊 上俊詔褒答將復起用而蓋竟以嘉靖三年卒壽七十五贈太傅謚文恪

本朝分省人物考

卷二十

壬午

高用

徐源

徐源字仲山長洲縣人登成化乙未進士授工部都水司主事改兵部武庫司主事歷員外郎弘治六年陞廣東叅政八年陞浙江右布政十年陞湖廣左布政十二年陞右副都御史巡撫山東初武選郎最號

劇司洗心自誓一意奉公權貴請囑戒門者一切勿通而籍其姓名若將行罰者囑賄遂絕時天下武功爵幾二十萬力革冗濫冒襲之弊舊例以罪亡者落職源謂罪有輕重以笞杖而革其職不已甚乎人又樂其寬大司馬甚委重之山東歲饑源與刑部侍郎何分行賑濟割臨清倉米八萬有奇以補歲漕之數明年徵償復奏民賴拯給稍蘇而又遽征之何殊弗給詔免與民涇王就封於沂以水涸將由陸之國民爲騷動檄所司姑緩之亟發卒濬河水旋至坦然之國公私無擾凡三蒞場屋浙藩折卷多儒士御史意

本朝分省人物考

卷二十

三十

南直十

欲有所前却源曰科場所取者文即通榜儒士何傷山東歛銀將於鹿鳴宴贖士源曰方筮仕而示以利非爲政之體乃已嘗代祀岳鎮東海齊之夕應時澍雨闕里文廟成有白金文綺之賜累疏乞致仕詔馳驛以歸爲人溫粹寬仁稱長者而臨事執守堅定雖當官蒞政未嘗一日去書文章博雅尤喜爲詩力去近世尖新之習書有米家父子風致仕後兩被逆瑾之害至除名籍瑾誅詔復原官

龔弘

龔弘字元之嘉定人也生而有赤蛇之兆方四齡而

能書里人沈翁異之請字以女比長攻苦力學領成化甲午鄉薦戊戌成進士授嚴州府推官遇事刃迎縷解退直則肆志五經陞南京刑部主事甚爲司寇張公瑄所器重庚戌陞本部員外郎治獄九百五十

本朝分省人物考

卷二十

三十一

南直十

二時稱平進南京吏部文選司郎中出守兗州府入計上旌治理尤最者七人賜宴賜服以風勵在位弘與焉十一年戊午復賜幣以旌賢能辛酉陞浙江右叅政勅理糧儲與疾南歸魯王暨諸殿下具尊豐爲詩文榮其行士民遮留號泣者以萬計至有醮祭祈天者明年到任得告休養尋連丁內外艱家居十年累薦不起構三隱堂日惟著述教子孫所撰有方外別志嘉定縣志而補水經作黃河或問續中吳紀聞皆未就正德九年甲戌起爲福建右布政使明年改湖廣左布政使秋在試院閱易禮春秋三經時稱得人是冬陞應天府尹丁丑黃河溢拜都察院右副都御史奉勅總理河患底定已卯兼理運道其秋扈駕南征辛巳進工部侍郎兼都御史領勅如故是歲五疏乞休俱慰留尋加嘉議大夫廕孫世美入監冬再疏乞休始獲允陞工部尚書致仕着馳驛還鄉壬午爲嘉靖元年詔階榮祿大夫一品玉帶三年遣

官存問賜白金一錠再踰年而卒弘德為長者而才
 有餘初在嚴富春有張姓者姑媳孀居資榷林以養
 里人侵奪其林孀莫之何控訴行部至厥里忽羣鳥
 下遶弘車訝之廉得其情追還孀婦又金華府有金
 政一者兄弟三人負桀猾政一子殺人不輸服政二
 潛挈以附顯人之舟託申訴為由夜至平望命佚去
 以石投水曰子姪溺矣眾拯之獲屍給公文輿歸七
 年不白弘承委前事集眾謂曰聞政一子生男果否
 眾曰然生幾年矣眾曰已四齡曰政一子死七年而
 男垂四齡其不死無疑也置諸法一郡稱神在克廉
 本朝分省人物考 卷二十 三十三 南直十 經坤

明益著中貴李興奏功還朝張甚弘與相見長揖不
 屈眾危之興亦不能中也克州有借兌糧寄養馬課
 有司視為常徵民不堪督弘為照究遠年文卷知為
 額外乃疏免糧萬石馬八千匹公私俱便其他善政
 未易枚舉在克六年受代之日病幾不起諸寮案檢
 厥囊將備後事得白金七兩無它物遠近嘆異既去
 民德之立碑於道事有不決輒往說無不輸情其在
 閩猶其在克也湖廣有巨璫縱其奴殃民弘命武昌
 守收逮守畏勢依阿輒身至府獲首惡六十三人悉
 置於法璫為斂戢守亦引去應天歲饑疏上乞賑濟

民賴以完有中使差往西域所至擾害日費百金及
 見弘懼不敢肆京師帖然扈駕南征江彬用事啣弘
 抗已詭計中傷者數矣而竟不行嘉靖丙戌卒年七
 十有六

陳 璫

陳璫字玉汝蘇州長洲人成化戊戌進士改翰林庶
 吉士授戶科給事歷都給事中妖僧繼曉既就逮法
 司擬以常刑璫與同官暴其罪遂伏法妖人王良惑
 眾通虜奏令撫臣禁絕因請重天下社學以端蒙養
 則邪慝不興有中人擊尚寶官於朝劾之俱坐黜彭
 本朝分省人物考 卷二十 三十三 南直十 劉仲文

城伯張信為幸臣所誣璫辯其非歷陞大理寺左右
 寺丞左右少卿南京都察院左僉都御史兼管操江
 召還蒞院事周府莊田與屯田相錯互爭不決璫往
 勘歸之府人多非之璫曰吾故不能附宗室以魚肉
 民然豈偏徇民譽以枉公法哉因著屯田十二難以
 辨再陞南京都察院左副都御史兼管操江劇賊施
 天一等擾海上璫引兵會巡撫魏紳不即捕滅第誘
 降其首而黨復熾為言者所論遂致仕家居不一年
 卒賜祭葬如制

張 瑋

張瑋字嘉玉號歷齋蘇州衛人舉成化丁未進士丁外艱歸弘治庚戌服除授工部主事分司杭州權商人竹木杭權場舊多奸利商旅困憊而國課或不登瑋摘蠹式法務平其值課溢有贏然不以羨奏還奉使江西督造寧靖王墳事竣復分司徐州領河漕事至徐益樹風聲釐革繕治必盡民利而執法緒正不為勢撓中貴人道徐者輒斂戢相戒避張郎中於時張郎中名赫赫江淮間矣時逆瑾盜權蹂踐士大夫以植威福瑋方以漕河秩滿奏績於朝俄飛語告變捕繫詔獄推考無所得乃以奉使時乘肩輿非制落

本朝分省人物考

卷二十

三十四

南直十

劉仲文

徐恪

數年以疾卒卒之日室無一錢郡邑為賻襚始克就殮人莫不哀之

徐恪字公肅常熟人登成化丙戌進士為工科給事中諸中使欲領鄉關抽稅恪與同官言不可遂遣諸給事往蒞意因以窘之恪在遣中至則事集弊清中使撫拾無所得乃止乙未擢湖廣左叅議值兵荒加意撫循民賴不徙有中使採竹笋諸物責非所產地移文止之秩滿遷河南叅政陝西大饑運粟數萬石賑之民苦遠恪請出粟易銀畀之彼此稱便弘治戊申進右布政尋轉左至則會計財賦謂費用浸廣歲入止弗給乞少節京運以寬民力辛亥擢右副都御史巡撫河南時旱溢交沴請減秋稅省織造折鹽課

本朝分省人物考

卷二十

三十五

南直十

陶見

陳愷

陳愷字企元蘇之太倉人成化戊子占應天鄉試累不第至甲辰始登進士弘治戊申授武選上事歷員外郎郎中前後十四年不離武選武選固劇司怨叢

勢軋愷一意奉公杜門自守時議謂武爵以世坐競天下宜以漸消之若為法曰凡繼絕者不得以旁支犯奸盜褫職者不得襲則漸消之術也愷謂支庶繼絕所從來久一旦革之物情將大駭且後人懼法如前之功何哉於是白之大司馬校量情法詳酌其中凡同宗出自立功者襲餘則否作姦褫職者本支則坐屬從降二者謂得調停之宜他如徵寵濫功一切繩以文法例或齟齬終不假借任守既定物情遂戢一時武選稱得人大司馬特信任之行將舉以大用而竟以疾卒人悼惜焉

本朝分省人物考

卷二十

三十六

施文顯

施文顯字煥伯號膚菴蘇州府人舉成化乙酉鄉試就選得同知許州弘治初脩憲廟實錄河南省臣徵編纂官於屬獨以歸顯寓相國寺合諸郡所上督諸生數十人校錄而筆削之編成論者謂有史體署篆臨穎鄆城各因俗為規民漸底訓監司才之太康縣民地百餘頃與藩府莊近藩卒據為莊累歲未決承檄徃徐諭利害示無偏意徵舊籍抵其境度而疆之民不失地藩卒無辭擢信陽知州壤接湖湘軍民雜居故稱難治至則召舞法吏先諭後令出肅然衛職

肆橫成習處以禮法不少假借其同官有隙復為分解卒致感服有選人寓逆旅民姚琪者豔其妻謀死而奪之鄰人訟焉得情于其幼孤竟抵姚罪顯兼通醫學在許嘗蓄藥施民民病佔危而起者甚多在信陽亦然又二年以老告休致年七十四卒于家

本朝分省人物考

卷二十

三十七

人物考卷之二十一目錄

南直隸蘇州府四

吳洪

劉纓

姜昂

陸容

顧福

李傑

劉杲

王倬

沈林

周詔

沈杰

毛理

王哲

張宗

吳一鵬

盛應期

本朝分省人物考

卷二十一目錄

沈燾

祝允明

朱希周

蔣欽

陳天祥

顧鼎臣

周倫

本朝京省人物考卷之二十一

南直隸蘇州府四

吳洪

吳洪字禹疇吳江人也洪少穎拔年十二補弟子員動必循禮嘗與同舍生奉詔下屬司開讀旁近富人欲招致宴飲而其詞涉倨同舍生以貧故弗校洪曰此非所謂嗜爾之食耶謝不往學官有過嚴者諸生至愬於御史欲逐之洪曰師與父同可叛乎卒不置名於是識者已必其為遠器矣年二十四舉成化辛卯鄉試乙未登進士初授南京刑部主事歷員外郎郎中諸所聽斷都人屈服有疑大司寇必屬之恒存欽恤因病輒損俸為糜啖之丁未陞貴州按察司副使未幾以內外艱歸癸丑服闋改廣東巡視海道海濱素稱利穴處脂者不無染指洪至秋毫必凜刪弊且盡粵人歌之御史王公哲欲葺諸公署而費無從出籌之洪洪曰鹽司有舊引若干舊為權豪所專不及於商今請以給商可得錢數十萬其事濟矣如其言而費遂給中官守兩廣者令四驛各以一舟聽役舟敝又令輸金已而兩徵之民亦不堪御史汪公宗器將革之且欲追所得之金洪曰往者不可追况未

必能追乎第自今釐正勿病吾民足矣如其言而官帖然有叔侄同行異宿其叔宿樹下為漁人所獲投池中任意其宿於別館也訟館人及池旁者數家械繫且死眾莫辨洪廉得其情乃以漁人償死盡脫諸冤者人以為神官軍濫殺邀賞諸死者之家以寬聞遣廷臣驗洪與焉悉心推訪盡正濫殺者之罪尤尚儒術所至進諸生試之凡一經賞識多中高第尋擢福建按察司按察使瀕行右閩帥以犀珠走間道為餽洪謝之帥曰公去矣某無所干且人無知者何損公名洪曰若意善矣然非知我者也卒不受閩

本朝分省人物考

卷二十一

十一

南直十一
劉憲

法布政司之吏有微罪鎮守中官啣其使欲重吏罪以為使累洪厲聲曰殺人媚人吾不為也辛酉入為太僕寺卿時方多事乃正羣僕修馬政邊陲倚之乙丑進工部右侍郎督理易州山廠於薪炭羨餘及公固邸舍之息一無所取正德丙寅遷左侍郎入視部事會有黨逆瑾怨司馬劉公大夏而誣以重罪者武宗下大臣議洪力辯之已巳冬部長缺資望及洪而瑾方納賂為有力者所得未幾遂有留都司寇之命寧河王鄧愈之後有兄弟爭所賜田宅者詔南京三法司覈之其兄倚瑾為援而求勝焉洪不從忤瑾

本朝分省人物考

卷二十一

三

南直十一
劉憲

劉纓

劉纓字與清號鐵柯其先江西清江人徙吳縣成化
戊辰登進士明年出知武陵視縣事若素習有長賦
而忘粟若干斛者郡坐以侵欺罪死止以亡矢擬之
分守官閱其牘曰此良法吏也卒從所擬庚子丁母
憂終喪改知滕縣縣久凋敝至則蠹強鋤而以惠利
字之有婦抱兒涉瓜畦守者挑之不從納數瓜誣爲
盜纓以兒與瓜令守者併抱之隨墜地乃曰爾謂抱
兒之婦能取爾畦中瓜非誣邪懲而遣之其鉤撫精
敏類此居三年入爲河南道監察御史弘治戊申出
按福建沙縣民陳富謀利其妻姪鄧釗之產爲匿名
書誣釗殺父并及釗所親昵者二人獄已成矣纓密
訊之則釗父實以負債不能償而自刎也論富如法
而三人得釋琉球入貢揀贖貨與閩人輒構隙而開
纓以爲傷國體禁之後遂以爲法辛亥出按廣東東
荒豪民張政家海澳嘗通番殖貨黃綠公牒得捕盜
海上欲奪珠市世業者十人之利悉誣爲盜繫死者
七人矣餘將論決纓讞得其情立破械出之而以政
抵死指揮倪鳳以捕盜縱橫尤甚然聞其陰養死士
急之恐變乃以他文誘致而殺之守臣妄奏俘男千
數可官以給用者有 詔往取鬻海南良家子以充

本朝分省人物考

卷二十一

四

南直十一
劉直十一

腐且三百餘人矣乃兼程渡海覈實值管押官方繫
小兒五百人艤舟德慶即日縱遣之其家人感恩皆
曰非劉公吾世殄矣癸丑還 朝率同官劾外戚語
侵中官忤 旨下獄賴 孝廟仁明杖而釋之在道
九年兩按大藩劾罷監司守令而下不職者三十六
人罪諸舞文及所平反者各百餘人一時稱爲才御
史丙辰擢太僕寺少卿時馬耗且多私鬻立法審辯
其弊始清久之條列利害當興革者二十事越五年
進右僉都御史巡撫四川兼理松藩軍務先是撫臣
畏險遠未有履行邊境者纓乃乘竹兜度索轎徧行
列寨因細察其事端則知諸戍與番族緩則挑釁急
則連和而其弊在我者大都什七及使者乘傳行邊
恐夷出擾則又預置絲幣羊酒於扼塞以賄之謂之
買路具爲禁令夷亦帖然在蜀甫一年感疾乞歸越
四年御史龔元言其明練蜀事奏起之得再鎮蜀諸
番掠樑新堡勢甚猖獗遣官兵討之前後俘斬千餘
賊懼皆投兵羅拜誓不再犯又橫梁向道及蒲江廢
關數苦諸番鈔掠奏各立分司守之自是邊鄙不聳
全蜀以安會逆瑾議省巡撫亦例罷其年八月復
命巡撫湖廣初在蜀嘗議關自夔抵荆之路可以避

本朝分省人物考

卷二十一

五

南直十二

江險通行旅人甚稱便而瑾怒纓不先奏請逮赴
詔獄賴廷臣論救釋戊辰陞南京大理寺卿尋召入
為兵部右侍郎崇明盜起權募民應敵所司請如官
軍月廩之纓曰往年有借關隴民兵討峒蠻而給月
廩者其後竟隸尺籍人方恨之茲可踵其弊邪事遂
寢越二年陞南京刑部尚書獄之大小必當於情法
乃已靖江有豪民緣姦殺傭婦而坐死者因所知以
千金丐免纓不可竟入死焉癸酉三月考滿赴京疏
三四上准致仕以癸未三月卒年八十二

姜 昂

本朝分省人物考 卷二十一

六

南直十
徐嬰

姜昂字恒頰蘇州人也生而端重介特不苟言笑數
歲刻礪讀書成化間登進士出知棗強一意愛民凡
所決遣自以不寃門無呵卒獄無滯囚三年召試監
察御史時方士李孜省得倖昂率同列疏論之命杖
於午門外以親老乞改南京河南道出理福建戎籍
擢知河南府值歲大旱至則雨隨霑足洛人抃舞每
晨吏白事退終日閉閣觀書鞭箠懸不用時母夫人
年八十疏乞近郡便養不許疏復再三至乞降府佐
或教授它日除邊遠自効乃改知寧波寧波聞昂至
同官皆減去輿馬華飭俳優雜劇不一陳於前日本

人貢過郡望風歛戢不敢羣譁於市六年復以母老
歸養進福建布政司左叅政不起且上疏乞終養母
卒服闋部使者奏起之而以疾卒昂生平於取予毫
不敢苟在官日買肉少許奉母自食蔬菜子弟學書
不得用官紙筆非歲首未嘗燕客不受人饋貽亦未
嘗餽貽於人權要請託一切報罷以是人多不悅而
亦不能毀也

陸 容

陸容字文量崑山人少治掌故業而誦學諸經兼通
之人謂何多學為取青紫顧在此耶容笑謂吾自求
通經非有他慕也成化間登進士主事驗封又歷職
方武庫當虜急封事日三四上籌畫方略累數千言
皆其手出而動中事宜西域貢異獸至嘉峪乞遣使
以兵迎之容言獸非其土性不畜且 上方罷獻而
何以迎為庸不取遠夷侮也交人屢未靜議聲兵討
之容言不當窮遠略且久臣服未敢顯叛我而遽加
之兵地且險遠豈謀於萬全者哉時以為然錦衣韋
映者凶狡方倖已罷之又幾幸以復用容言於尚書
疏上竟論死而被誣汚者皆得釋往告變者賞重故
妄詆以妖言輒坐容請分別之無滋濫自後告者乃

本朝分省人物考 卷二十一

七

南直十

衰有倚中貴人求將者執不下乃言之 上召面諭
旨容對以西南夷重地將非其人啓釁生患怨結於
夷異時者臣不敢任其咎事竟止容以小臣抗言在
廷上聳已而聽之者再有欲用二人爲都督者容益
持不與言都督今之大將必有功後授彼何者遽敢
請亂擅命以私市此而不懲何以杜倖門正威罰
上從之遂著爲令他所論國馬與穀藉輕重設版法
致民田牧又陳事四及選衛卒益實之皆經國大者
遷參政浙部其所發奸如神又列便宜十餘事上之
悉見從以計入論漕渠利害語侵時貴益取忤遂罷

本朝分省人物考

卷二十一

八

南直十一

免容素有當世志其所守官無不竭盡有可益國便
計卽未能行必疏計之事親孝疾則累月不解衣夜
嘗醉歸母不樂遂終身節之持服不離所廬居凝然
無喜愠色若不可親而與人則深相恤嗜書多所博
綜時有所著若式齊菽園州志兵錄諸書有傳者

顧福

顧福字天錫號雲厓姑蘇人以成化乙酉舉鄉貢丙
戌登進士第歷刑部主事員外郎郎中調永州府同
知遷知吉安府擢河南布政司右叅政分司南陽致
仕卒初在刑部聲甚著錄因山西多至七千餘衆平

反者六十餘人前後四十餘疏多見採納每攝他司
事事皆立辦勘獄浙江發巨贓七千餘兩時錦衣千
戶吳綬勢甚熏灼勘獄者皆往受成議福獨不往會
下詔獄遂摘其疵誤出貳永州受檄決獄至兼旁郡
有部檄徵芽茶香草福計合藩所徵全數上疏請停
之至吉安承大猛後稍濟以寬剗理繁錯不動聲氣
而條緒具舉獨不善事上官或以簿書相窘然卽所
治校之諸郡不啻兼之矣陳時政六事時議躉之叅
政報至民兵數千人遮道泣送南陽宗藩軍校多不
戢每用理斷亦無怨辭撫徠流徙復業者四千餘戶

本朝分省人物考

卷二十一

九

南直十一

修諸葛武侯廟及閱武場開拓有加其去也以老疾
名蓋郡人在言路者以私請弗護故陰爲媒孽而其
藩人猶惋惜不少置乃自歎曰藩不負吾而郡負吾
賴幸有二三知己者尚存何言哉既歸日與鄉大夫
士觴咏爲樂足不至公府手不操書札惟歲時以詩
寄興未病前一月猶然生平尚意氣故人潘郎中琚
客死殮葬之其子昀方十歲攜以自隨比長以女贅
之又置田廬於蘇居其寡孤趙知府禎沒又以次女
妻其子鎬弟祿早世葬北土者二十年亦歸祔于祖
墓卹其嫠俾不貳志後旌爲節婦事其兄光祿丞禎

世謹嫂欲析居卽俯遜於外泣告於兄乃得歸然引谷自責未嘗一以語人母喪廬於墓側者三年朝夕泣奠孺慕不異於生存焉

李傑

李傑字世賢常熟縣人成化丙戌進士改翰林院庶吉士授編修陞侍講二十二年充東宮講讀官秩滿陞侍讀學士弘治初以宮僚恩陞左春坊左庶子兼侍讀學士四年陞南京國子監祭酒時方修憲廟實錄留館中校正書成乃行以憂去服闋改太常寺少卿兼侍讀學士掌院事十三年陞南京禮部右

本朝分省人物考

卷二十一

十

南直十一

侍郎十五年改禮部右侍郎轉左侍郎正德元年充孝廟實錄副總裁尋陞南京吏部尚書二年改禮部尚書時逆瑾用事納晉府鎮國將軍袁謙等賂欲進封爲郡王傑與尚書張昇皆持不欲進封之意忤瑾意遂令致仕瑾誅有旨起用竟以正德十二年卒傑持已矜嚴待後進頗立崖岸晚以忤瑾而去士論高之其所爲詩文亦溫厚可觀

劉杲

劉杲字世熙長洲縣人成化乙未進士授南京禮部主事轉刑部員外郎歷四川湖廣按察司僉事副使

貴州按察使陝西右布政使轉江西左布政使尋乞致仕進右副都御史歸正德八年十月卒於家杲所至皆有聲其在湖廣朝廷用言官計括流民議遣戍邊所在洶洶杲亟白當道驗其文引久近生業有無以爲去留其恣肆者始按以法民心乃安爲布政入覲時逆瑾脅諸藩臬邀重賄杲獨斷斷不可人至今稱之

王倬

王倬字用檢太倉州人成化戊戌登進士出知山陰縣以憂去改餘干又改蘭谿於山陰多興滯補弊革

本朝分省人物考

卷二十一

十一

南直十一

額外科取之陋政聲赫然餘干有爭田者積三十年不決拘累千人比行視田指一大樹曰以此爲界二家俱服有毆人實不死者其家匿被毆者以他屍誣之累辨莫伸倬廉得匿所密使人捕至竟抵誣者罪凡疑獄迎刃縷解未期月囹圄爲空贛盜殺信豐尹督兵討之賊據山爲險播石雨下莫敢進乃夜縱白羊千頭於山下鼓譟從之賊亂投木石比曉略盡進兵大破之生擒三百餘人斬首千級遂平其地蘭谿以積逋糧里繫監倬至一訊釋之在放前者蠲除餘爲立限以次輸足旬日獲盜十餘輩夜戶無警素舞

文者皆歛跡弘治乙卯擢南京山西道御史首劾銓司貪汚者罷之又劾免尚書五人方面二十七人楊太監者倚寵橫甚至箠繫進士劾罷之時北邊大警詔以平江伯陳銳充總兵上言銳素非統御才必僨事已而果無功旋進貴州兵備副使承米魯福佑亂後荒夷出沒爲患乃修城堡宣 朝廷威福漢夷畏愛土官阿偉素桀驁不受約束召之卽至俛首誓服正德丁卯以例裁革改廣東瓊州兵備時親脫符南蛇之亂生黎爲梗倬巡視多所俘獲贖還男女若干人崖州千家村尤猖獗屢聲言討之而師不出忽乘其無備襲破之明日大戰又敗之斬獲其衆分三大村爲小村以弱其勢奏建守禦千戶所自是黎人不復反進雲南按察使廣東右布政使會征臨貨砦克之餘賊匿山谷衆欲乘勢殲之倬不可以禍福論其長悉來降事聞賜白金文綺改四川左布政盜起蜀中逼成都鎮守議焚附郭民居以絕賊倬曰是益賊勢也乃勒軍列管以待洞開四門賊不敢逼時列郡羣疲於饋運在途多被擄掠癘疫死者相屬皆罷之出庫銀糴米貯各倉量遠近給之民免轉輸軍無缺乏總制彭澤令具馬三萬緩則以軍法從事州縣

本朝分省人物考

卷二十一

十二

南直十一

猝無所出倬命各鄉村馬俱入城避賊擄掠不數日馬俱足又需熟糧四千石明日日中至督各市行分運至軍中日猶未午彭大奇之旋進右副都御史巡撫順天等府時屬縣大饑人相食奏請通州米十萬石賑之以尚煩轉輸旦夕莫保乃許在邊官軍俸糧預支兩月益以餼直而以官軍所在俸糧給散饑氓軍民兩利焉時虜射死叅將陳乾總兵太監合兵討之屯馬蘭峪倬曰虜知吾兵屯西必且東入乃命指揮葉鳳率兵伏山下虜果毀東墻入伏發斬獲六十餘級奪回男女千餘事聞 勅獎有金帛之賜御史劾指揮十七人臨陣退縮當斬倬曰未經督委何謂退縮十七人皆得免乙亥進南京兵部侍郎旋以七十懇致仕不允及年七十二上疏乞歸許之給驛以歸仍令有司以禮存問至七十有五卒倬癯然儒者而胸中富有經綸善因事爲功故所至有聞在餘千額外積六萬石廣東覈庫藏出內復官銀八十餘萬兩薊州修築邊墻四百里常道出彭蠡有漁者數輩趨而前曰故吾餘于父母也爭獻魚酒倬爲之少受之之官四川餘寇多在入爲危之至境諸蠻相率迎拜曰生我者公也護送出境貴與崖州各立生祠以

本朝分省人物考

卷二十一

十三

南直十一

高梁

祀居鄉以孝義稱親病躬視湯藥不解帶居喪三日水漿不入口與兄析烟念其子女多讓以口田半創立家廟割田千畝為義庄授宗子世掌之 中苦糧役往往破家人爭規避倖獨曰吾家多受國恩敢辭公役乃會族人糧多寡割田千畝分番應役無負租無縲繫凡故舊僚友下至戍卒役氓有告者必獲所濟逆瑾擅政凶醜熾灼或勸為自全計倖曰死生福天也使我因是毀其平生雖生奚為其自立如此

沈林

沈林字材美長洲人少好學成化甲午舉鄉試辛丑

成進士時方重內輒外或謂有倖門可得內除林不

從出知晉州州人情而窳教之樹藝蓄積修城垣興學校民間利害以次罷行州之人皆欣然曰沈公吾父母也弘治己酉進南京刑部員外郎中出知四川順慶府始至庭參鎮守鎮守驕蹇不為禮林一拜而起鎮守怒曰一拜禮乎林曰若不以禮自處安能以禮責人不顧而出巡行二州八邑之間觀觀風土詢求民瘼俗喜告訐株聯蔓引動至百人一見立決無所牽引人甚便之郡學湫隘文廟祠堂之右撤而遷之建御書樓增置黌舍齋廬庖庫祭器又增樂舞生

教以聲容舞蹈之節暇則親臨程試講解懇懇無倦士子皆奮文獻遂為諸郡甲郡故無城郭乃鑿西山之石仞溝洫物土方度高卑厚薄俄遷雲南叅政蜀寇藍廖倡亂所過殘破屢至順慶不能入遠近來依保障民益思之至雲南交人忽耀兵境上遠近懼攘林曰吾在此無恐吾請以身當之已而訖無事正德丁卯入賀 聖節時逆瑾盜政內外官罔不叅謁林固不往瑾嫌之銓曹屢上政績不報最後擬山西布政命甫下瑾已遣邏卒誦其行遇之途抗手而過至撫拾無所得獨以沿途乘傳白瑾有石文義者適在

傍曰沈良吏也文義蓋未嘗識面而聞其名有素瑾

為免逮下巡按御史問狀家人思禍不測規以賄免御史亦故緩其獄使得為計林曰無庸隱官祿與隳名節孰重竟落職為民罰米輸大同又輸沿途備直怡然以歸逆瑾伏誅言者奏起為廣西布政使單車就道一如雲南之治近世有所謂公堂錢者多出賦稅之美名曰公堂盡歸私篋雖號良有司亦然林一無所染凡修葺廨宇立坊牌則取之又以其餘鎔範杯竿之屬為公府宴饗用時巡撫交章劾薦遂進都察院右副都御史巡撫貴州兼理軍務時鎮守銅仁

烏羅等苗屢出劫掠爲患前撫臣率以化外羈縻不究林曰不一翦刈且滋蔓蔓難圖也率勵將士爲深入計預給旗牌招徠安輯諸寨皆歸附天生厓固恃險攻之藺石毒矢交下人莫敢嚮邇林調兵先截其餉道賊已困火鎗飛礮繼之賊大窘奔竄俘其衆千餘牛羊器械無筭陳家孟溪九十七寨相率來歸給以流官悉隸貴前二衛以革土官貪殘積弊自是內境晏然初藍廖二寇橫行蜀中數年朝廷大發兵剪之思奔逆隣境爲患分兵守諸要害蜀寇盪平有特角一助焉癸酉聞父艱乞歸守制朝廷遣官諭祭其

本朝分省人物考

卷二十一

十六

南直十一

服闋詔起巡撫山東初在費用兵勞勩成疾繼以哀毀在途病加劇遂固乞致仕詔命馳驛以歸歸四年辛巳卒春秋六十有九

周詔

周詔者長洲人也自少有氣節成化庚子登鄉試授嘉祥縣教諭九載考績入京時睿宗方開府置屬遂與選爲伴讀遷紀善詔以國事草創宜有典則以垂後世乃本祖訓及中庸九經之目爲書數千言以獻睿皇嘉之尋以憂去賜予甚厚復仕加長史俸詔感知遇因事納忠言多切直睿皇喜書君子懷

德及諸詩以賜之每見稱爲先生而不名詔數請謝事不許乃以展墓乞歸其鄉及返國未至而睿皇崩詔匍匐奔泣如喪考妣事世宗在藩邸詔每進講經史上爲之竦聽扈駕入京師遷詹事府少詹事兼翰林院侍讀將大用之居數月疾辭轉太常寺卿遂卒於官上聞惋惜贈禮部右侍郎賜祭葬

沈杰

沈杰長洲人生而多病十歲始入小學學賦詩鼓琴繪畫篆刻曾無仕進意年二十始銳意經史學大進成化庚子遂占應天鄉試甲辰第進士出知河南歸

本朝分省人物考

卷二十一

十七

南直十一

德州州當黃河衝隨塞隨決杰至相度源流地形高下乃於城外五里許築長堤捍水樹以榆柳又開白柳等河河水由之入淮睢民始免墊溺饑歲民流作粥以飼老弱少壯給之行糧使歸畊且給之子粒牛具戶口日增鄰封有訟久不決者立決之兩皆意滿而去入爲右軍都督府經歷出知廣東南雄府以憂不赴改授浙江衢州衢州多水田雨則溢晴則曠乃大興水利濬陂池築堤堰修復魁星等閘民田得灌溉而城中無漂溢之患又倣常平倉例歲饑減價以糶收成增價以糶豐凶有賴倉無紅腐初宣聖有

劉孫在衢儕於齊民杰始命復其家疏於朝得世襲五經博士又奏起樊尚書塋崇飾先賢趙清獻祠為政知所重皆類此事聞尋擢山西左叅政又進河南右布政使河南民曰是故歸德君耶懼迎之未幾歸守制吳中屬逆瑾亂政坐罰米二千六百石言官有不協者因疏以老疾杰不辯第曰言官言是吾老矣遂卧不起居吳下十年年七十一卒

毛 瑄

毛瑄字貞甫號礪菴吳縣人生而岐嶷不類羣兒選人邑庠時未冠也成化丁未成進士弘治庚戌授南

本朝分省人物考

卷二十一

十八

南直土

京工部給事中巨璫薄琮在留用積甚設弄陷士類一時臺諫多以罪去程摘其尤不法數事露章劾之竟下獄論死尚書秦紘鎮廣南與安遠侯柳景交構中官護景逮秦詔獄瑄抗疏申理因論景諸不法有旨景閑住而秦得致仕大學士丘濬博學自信以天下為已任而多泥於古剛愎任性以辨博濟其說人莫能難瑄疏言天下事非紙上陳言可舉而古今異宜遠近異勢亦非一己之見可盡如濬之才置之翰林則有餘在論思之地則不可言雖不用時論韙之有御史以言事成荒遠者瑄言其母老可念請移近

地以廣 皇上孝思又言餘官以言謫外不得同言官牽復則是臺諫之外不容有言矣豈所以廣忠益哉 上皆嘉納丙辰以病予告家居久之庚申起為戶科給事中擢山東布政司左叅議時舊疾復舉上疏乞解新任不允逾年始赴時中官出鎮怙恩驕恣多所漁取而藩府供億圍奪縱橫最為民病瑄隨事處分不激不靡民得不敝而法亦舉屬吏非大過未嘗有所譴呵至治豪猾懲胥徒則盡法無所貸在藩三年以疾乞歸正德丙子以薦起鴻臚寺卿遷南太僕寺卿會逆濠叛首下九江攻安慶留京戒嚴尚

本朝分省人物考

卷二十一

十九

南直土

書喬公集羣僚議所以攻守瑄言留京國家根本重地而安慶實留京屏蔽無安慶即無留京矣賊起倉卒以我無備故直搗九江以窺江左當出其不意調集民兵水陸並進可以得志若待其至則虛實形見人情恒擾事不可知喬公以為然遂以便宜檄瑄督潁泗和陽諸軍為江表聲援瑄即日出次泗上會罪人既得中外解嚴復還領太僕尋擢南京右副都御史督視江防瑄以年及七十上疏辭不允改撫治鄖陽再理前疏

王 哲

土哲吳江縣人弘治庚戌登進士授江西道監察御史福建清軍兼理鹽法時有以同姓被誣爲戍卒者百餘家淹禁累年一訊卽辯其枉出之軍籍又多隱漏設法清理歲以千計所領鹽法課又最於他御史十年出按廣東時劇賊陳光等流劫新會東莞二縣哲畫策不旬月平之南海縣十三村負固數爲亂鎮巡議屠之哲曰村戶不下萬餘豈無一良善者乎玉石俱焚吾不忍也乃輕騎率廣州知府詰其巢諭以禍福且許自新其父老感泣曰巡按公活我卽解散從令又每村立土里長以約束之既而以外艱歸民

本朝分省人物考

卷二十一

二十

南直十一

及民爲之謠曰江西有一哲六月飛霜雪天下有十哲太平無休歇十六年陞山東副使守備臨清舉持綱領不屑細瑣民安之夷人入貢者私市鹽事覺哲謂不治則廢法治之則非所以柔遠人乃請沒鹽於官仍給其直與之時逆瑾初橫中貴人有逆瑾斥南京者道死臨清乃置棺埋之人爲之危不卹也正德三年改任本省叅政尋遷廣東按察使未幾進南京右僉都御史領操江事上言操軍脆弱異日有警必不能支其後流賊弄兵江上果如所慮五年有江西之命再改巡撫忤宸濠中毒乞歸猶日以江西爲念

本朝分省人物考

卷二十一

二十一

南直十一

逾年吏部奏將起用以病卒壽五十有七生平孝友樂於周恤於書無所不讀尤熟於史卒之日貧無以殮至今子孫窘乏無產業人益服其廉介所著有齋集十卷

張琮

張琮吳縣人幼知學奮勵舉子業慕東萊日記誦詩讀書閱禮咸有程限曰學非過目成誦之爲奇而爲之不厭者終有得也由是肆力羣書以至字法春秋綱目無不究心登弘治庚戌進士初主事都水分司清江水蘗自矢秋滿調儀制尋陟員外郎中方孝

不豫命免朝賀 東宮 親王如故琮執議不可
女有罷賀 聖上而獨賀 親王者占城請封或曰
宜罷琮言占城稱臣受封自 祖宗來已然無故罷
之何以臣服夷邦而示大信乎悉如琮言正德二年
陞陝西叅政以憂去五年忤瑾謫知濟寧濟寧南北
之衝也日費錢二萬餘琮力裁省什之六七聲譽翕
然達於京府俄遷山東道監察御史父老遮道泣留
及按甘肅安化初平人心洶洶琮正法令廣恩威舉
賢能劾不職歷邊圉定酋虜取虜刃視而擲諸地曰
爾刃止若此乎不及南方者遠矣虜皆縮項駭顧呼

本朝分省人物考 卷二十一 二十二 南直十一

琮為太師且進羊酪為壽邊陲賴以寧謐六年陞湖
廣副使奉 勅撫民襄陽流民順逆不一琮則竭慮
剿撫白蓮偽教嘯眾千餘盜名稱號琮募死士殲厥
渠魁餘悉寬貸襄地安堵鄆藍方廖巨寇稔害旋亦
罄殄十年陞貴州按察使十一年陞四川右布政十
三年轉左攬頭全成多侵官銀誣引六十餘戶琮訊
得其情罪成釋諸被誣者又嘗靖苗蠻置邊餉節糜
費抑巨璫歷三省藩臬累荷 朝廷金帛之賜丁父
憂服闋補轄廣西嘉靖元年遷右副都御史巡撫湖
廣益布德意不事苛察存活饑民四十餘萬平治安

德義陽芒部諸妖逆等數十族三年遷貳南京工部
俄改南刑五年陞南京右都御史履盛是懼執法益
嚴操已益恣維貞百度風紀聿修膺考察之柄則曰
進退人材 朝廷大事也敢不祇承先正謂恩歸於
已怨將誰歸是故覈別必公去留必當人心胥服以
疾致仕壽六十有八

吳一鵬

吳一鵬字南夫號白樓長洲人自少端重穎秀成化
丙午領鄉薦即遭內艱廬於墓次弘治癸丑登進士
選庶吉士乙卯除編修預修會典及教內豎戶部尚

本朝分省人物考 卷二十一 二十三 南直十一

書周經被讒去位疏請留之人韙其直已未分校禮
闈尋丁外艱服闋復除編修纂修玉牒正德時逆瑾
盜政朝士見者多屈膝一鵬長揖而已瑾銜之未有
以發也已已 孝廟實錄成吏部奏例當進秩瑾遂
以未習吏事為名而以一月為南京刑部員外郎即
又明習吏事書獄詞若老吏出入罪咸稱允當再遷
祠祭郎瑾敗復侍講經筵如故癸酉主順天鄉試有
槌策問中語謂譏時宰者出為南京國子監祭酒積
饌金易民居為學官寓舍經史多缺板亟補完之未
幾轉南京太常寺卿丙子雷變甚上言天人感應之

理辭甚剴切 世宗登極入賀上言祖宗付託之重
生民憔悴之極宜修德勤政以答天下之望入爲禮
部右侍郎尋轉左署掌部事奉 勅馳詣湖南改題

恭穆獻皇帝神主奉迎來京一鵬念與中貴勲戚
同事恐其下不戢乃上疏曰今歲涿州抵安陸災傷
重大民不聊生所宜節省以甦民力隨行儉從或挾
聲勢凌轢有司爲害者請預禁約 上善其言而戒
飭之事竣有白金文綺之賜給事中陳洸已外補僉
事仍冒舊銜上疏欲假大禮以希留用一鵬劾洸無
耻竟以罪罷去修 武廟實錄充副總裁乙酉史成

本朝分省人物考 卷二十一 二十四 南直十一

進禮部尚書是冬乞假歸吳中省墓還疏言途中往
來見江南亢旱淮北大水乞遣官體勘或蠲其稅或
貸之粟河道湮塞乞下 詔訪求或濬故道或開別
支 上嘉納之時岷藩與棗陽庶人俱乞復王爵序
班錢撫寧訓導王玠以考察去官援嘗議大禮奏乞
復官而禮左侍桂萼曲爲之請一鵬堅持不聽明年
桂改吏侍遂挾前憾與同官比謀奏加太子太保改
南京吏部尚書再疏乞歸得俞歸則於所居之西創
崇正書院以奉先聖先賢聚里中髦士肄習其中割
田百畝供膏火之費約諸鄉老月一會爲文字之飲

隱然有洛社之風焉子孝已丑進士改庶吉士文章
志節復出人表後與相嵩子忤出之湖廣參議旋免
歸

盛應期

盛應期字思徵吳江人也弱冠舉弘治癸丑進士授
都水主事管濟寧閘令行者艦相銜尾以進無得爭
先吳公寬以少宰召猶爲宿留終不以權貴有所撓
吳甚賢之中貴人奉使往來咸望風歛戢挾私者輒
沒入之時太監李廣嬖用事諸中貴羣愬於廣廣固
銜之而廣之家人私市鹽數十艘聞其嚴悉投之水

本朝分省人物考 卷二十一 二十五 南直十一 陶安

廣益怒乃嗾太監秦文誣奏阻薦時物船以闕 宗
廟禮大不敬詔逮獄謫雲南安寧驛丞遷知雲南祿
豐縣古錄瑋地也烏爨蠻所居俗獷悍習盜不鄙夷
其民教以禮法而弛捕盜之禁盜咸首伏化爲良民
陞順慶通判主糧賦稽逋擿伏宿蠹盡革父喪歸陞
武昌同知服除陞雲南僉事分巡金滄洱海景東知
府土官也父子信讒至相仇殺乃縛其讒人置之重
辟曉以大義父子如初鎮守太監梁裕貪虐無厭乃
與御史張璞副使冕必登共禁制之裕誣奏俱逮下
制獄張竟杖死諸大臣及言官連章申救會乾清宮

災救出尋陞河南按察使轉陝西左布政鎮守監廖鑿漁奪民財侵盜官帑奸賊狼籍有司脇息莫敢問以法剪其羽翼廖不懌思中傷之檄督造絨罽費且鉅萬按籍知廖前侵費數萬不以上供乃持數以示廖將奏之廖惶恐跽謝遂不復造 武皇帝將蹕榆林衆洶洶議加賦以備供億持不可請于正賦內以丁糧爲差出米銀若干聽準來歲賦入之數比至供億全湧取辦俄頃晏然民不知勞扈從諸倖氣焰薰炙撫監重臣無敢吐氣獨暇整不爲懾請求皆裁以法時司徒李在行間歎曰承勛自謂男子乃今知不

本朝分省人物考 卷二十一 南直十二 陶安 二十六

逮矣雖 上亦亟稱良吏才明年陞右副都御史巡撫四川時高文林數寇蜀而流人謝文義亦糾焚蠻爲亂皆討平之捷聞壘書褒諭賜以銀幣丁繼母憂歸 世宗馭極起爲江西巡撫江西當濠亂之後歲饑民窮寇盜充斥而鄱湖尤爲盜藪多屬漁舟以爲鄉導乃編號驗其出入而調遣官軍防邏之立團保之法使互相覺察盜無所容一時迸散於是輕徭賦議賑貸奏免雜調緡錢者數十萬歲連稔漕遂充溢繼上時留都方匱得以濟其乏而儲以待不時者又百餘萬大司農以能裨國計奏上特賜羊酒幣帛勞

之且以激示諸方岳陞兵部侍郎兼都御史總督兩廣軍務前任者多通土官餽謁號令廢弛蠻寇竊發比至大閱軍實鉤稽簡料凡中貴及總戎私役者悉勒歸伍且檄下兩省及湖廣諸路凡所調遣悉聽關白由是二府不悅大興讒構矣劇賊李文積爲亂發兵討捕斬獲千五百餘級劉召據思恩以叛討破之俘斬千餘召赴火死初二府蓄憾騰謗於當道當道者欲事調停遂除工部侍郎提督易州山廠竄奪之權也遂乞疏致仕會河決徐沛間壞漕渠進右都御史總理河道辭不允而大司空議於昭陽以東接涉

本朝分省人物考 卷二十一 南直十二 陶安 二十七

河別開支渠而黃縮霍韜各陳便宜俱下治河隄者乃與所司履行其地相度所開延袤百四十里圖上形勢又與監撫使者及諸長吏謀既協乃疏言河之爲患與江異者由地夷衍無所滙故弘治前分爲三其二由汴之南會泗水經淮入海一則由汴以北東至兗又分而二一出汴之飛雲一入徐浮橋以入漕渠會淮入海今獨以一徐受之奔溢趨沛橫流爲害夫爲河計者有四曰疏者決上游殺之也濬者順其故道也築者築堤以障之也改則別爲道而不與之爭也奏下如議於是分地賦任程事發功甫四月計

可成八九會讒間大作 詔罷役而謝任歸矣時
大司徒大司寇交疏爭之不得功垂就而廢咸悼惜
焉

沈 燾

沈燾字良德別號東溪長洲人也少穎異與兄方伯
公杰自相師友並有聲庠序間成化丙午薦南畿弘
治癸丑擢進士被選入翰林為庶吉士試文優等館
閣大老咸器重之除國史編修教內書館嚴而善誨
癸亥校正本草命為總裁始就局聞僉人欲假以倖
進即上疏力辭人稱其有執乙丑修 孝廟實錄充

本朝分省人物考

卷二十一

二十八

南直十一

纂修官已未封安南王 命為正使據經執禮凡餽
遺悉不受交人尤憚服焉使還滿三考陞侍講充經
筵講官已巳實錄成 賜白金文綺陞右春坊右諭
德丁內艱起復忽遘疾乞歸疏再上乃得請竟不起
年六十四

祝允明

祝允明字希哲蘇州人也生而右手指枝因自號指
枝生為人好跣跣嬉游不矜容檢嘗傳粉黛從優伶
酒間度新聲俠少年好慕之 玆金游允明甚洽弘
治壬子舉鄉薦從春官試一 玆時海內漸熟允明

名索其文及書者接踵或輦金幣至門允明輒以疾

辭不見然允明多醉伎館中掩之雖累紙可得而家

故給以不問僮奴作業又捐業蓄古法書名籍售者

或故昂直欺之弗筭至或留客計無所出酒窘甚以

所蓄易置得初值什一二耳當其窘時黠者持少錢

米乞文及手書輒與已小饒更自貴也嘗遺黑貂裘

甚美欲市之或曰青女至矣何故市之允明日昨蒼

頭言始識不市而忘弊之篋何益後拜廣中邑令歸

量所受橐中裝可千金歸日張酒呼故狎游宴歌呼

為壽不兩年都盡矣允明多負逋責出則羣萃而訶

本朝分省人物考

卷二十一

二十九

南直十二

許者至接踵怡然弗問所著祝子通祝子雜罪知蠶
衣浮物野記語怪蘇材小慕興寧志各詩文數百卷
卒年六十七

朱希周

朱希周字懋忠吳縣人也希周以弘治丙辰狀元及
第除官翰林修撰壬戌同考會試明年以纂修會典
功成陞侍讀充經筵講官中遭逆瑾煽虐撼制詞僚
以不屈從奪官一級為修撰是後預修資治通鑑纂
要修 孝廟實錄書成復官如故兼賜御製蟠龍詩
軸暨白金彩幣有差庚午主應天鄉試明年以憂歸

徘徊翰署艱虞半之丙子陞侍讀學士清理武職貼黃丁丑充廷試讀卷官已卯陞南京吏部右侍郎尋改禮部復轉左侍郎乙酉陞南京吏部尚書當丁亥考察娼嫉者譖言於上謂南科無一人之去以為私希周乃力辯其簡察僚庶所以別賢否非論曹局之有無也使一曹皆賢必去一人以為公則一曹偶皆不肖亦將姑去一二以塞責乎詞嚴義正聲震朝堂上亦不之譴仍聽稱疾東歸勅有司給人夫廩米比歸吳趨里中市貨溢衢紛華滿目入其堂蕭然如村落中見野翁環堵出與賓客游魚魚雅雅宛若崑山

本朝分省人物考

卷二十一

三十

南直十一周性

舊弟子里中後生思畏名檢欲一有為則曰恐玉峯先生知玉峯蓋別號也田廬閭閻儉事一不置念老隱陽山幾三十載未嘗一日去書不觀所著詩文評史論議總若干卷其陽山大石賦一篇尤為吳人所傳驄車當路疏起者前後幾三十人處之澹如也臨終戒其子孫身後不得請恩於朝萬一臺章以聞主上憐之賜謚易名願無以文為謚脫犯吾父之諱忘魄何安蓋其父諱文始云

蔣欽

蔣欽字子脩常熟人弘治丙辰進士選授南京御史

時逆瑾擅權亂政偕同官十三人上疏方夜屬草燈下聞篋篋間鬼聲戢戢欽念此疏一上定掇奇禍彼鳴者將非我先人之靈念覆後胤欲以尼吾事乎因起視曰儻是吾祖宗何不厲聲告我言未畢聲四振於壁欽曰吾業已委身義不得顧私使緘默負國為先人羞亦均於不孝矣因奮筆曰死即死耳不可易也聲遂止疏上與同官皆坐逮被杖劓甚諸人皆延醫飲藥欽獨曰吾得死所矣竟不療治而卒天下哀之瑾誅贈光祿少卿嘉靖五年允言官請命所在立祠祀之廕其子浣入監嘉靖十八年巡按陳蕙以祭葬請特命給之

本朝分省人物考

卷二十一

三十一

南直十一方

陳天祥

陳天祥字元吉蘇州吳江人弘治丙辰進士授青州府推官入為監察御史遷陝西西安府知府擢山東按察副使整飭天津兵備時叛賊劉六等聚眾轉劫天祥嚴號令設卒守要害獲渠魁及其黨七十餘人加俸一級尋進太僕少卿仍理兵備事以賊眾兵少奏上命都督張俊率精銳援天津祥與之夾攻俘斬甚眾由是進都察院左僉都御史賊平徵還巡撫貴州兼督軍務洞苗亂天祥調漢土官兵分哨進剿

遂破諸寨擒斬凡六千餘級捷聞賜璽書獎勵有白金文綺之賜召還理院事以虜寇宣大用廷推往督軍務至則虜已遯矣已而進左副都御史以虜寇延綏又奉命提督三邊軍務虜亦遯賜蟒衣加俸二級又奉命理閩浙鹽道經吳江卒於家天祥警敏有才略臨事能斷所至有聲其在天津功尤著

顧鼎臣

顧鼎臣字九和號未齋崑山人也舉弘治進士第一授翰林修撰未幾孝廟上賓以修實錄成陞侍講再轉春坊諭德歷十餘歲世宗卽位首被知遇簡

本朝分省人物考

卷二十一

三十二

南直十一

侍經筵日講進學士上懋崇聖學日親儒臣討論經史因進講宋儒范浚心箴敷陳剴切上注聽嘉悅諭輔臣曰鼎臣解說心箴朕思味其意甚爲正心之助上迺親灑宸翰自註釋心箴又注視聽言動四箴及製敬一箴勅翰林院國子監及天下學校建亭立碑鐫刻五箴以示學者寔鼎臣之講心箴啓之也上又曰洪範一書於帝王爲治之大經大法實爲親切令鼎臣分段計日從容論說必使盡其所言以爲務學求治之助復慮詞訓繁多命撰次節略以進舊例每寒月免講上以洪範未終篇乃不輟講詔

免常恭專直講讀上奉先聖先師位祀於文華殿東室而數御西室召鼎臣等十臣令敷奏經義鼎臣撰中庸首章講義以進推言人君致治期臻聖神功化之極不可安於小康上稱善上於西苑作無逸殿成命鼎臣坐講周書無逸篇陞詹事府詹事仍兼學士賜一品金織仙鶴衣上親耕籍田特命與九推廷臣莫不動色悚歎謂上寵異儒臣如此自是晉吏部侍郎拜禮部尚書俱掌詹事府事兩被旨教庶吉士於翰林故事用官二員獨受簡命自鼎臣始雖職在文翰數奉召對預密議簡在聖心旣久執政有不樂者數沮其進用戊戌八月始以太子太保尚書兼文淵閣大學士入贊機務眷遇彌隆被賜宸翰經籍銀幣玉帶麟蟒飛魚之服不可悉紀己亥二月加少保兼太子太傅進武英殿大學士車駕將幸承天勅居守京師鼎臣條奏軍國重計七事上悉從其請賜印記一其文曰經幃首選上曰卿講幄舊臣久懷經濟朕茲重寄宜欽承之鼎臣翌輔皇儲持挈綱維京師肅然以馭下過嚴致有煩言再疏乞休荷溫旨慰留明年感疾久不瘥上屢遣中官齋手札賜問以太醫往視賜藥劑牲米諸物疾革陳遺

本朝分省人物考

卷二十一

三十三

南直十一

疏勸 上親賢圖治願養聖躬詞誠懇篤降詔褒
而竟卒享年六十有八訃聞 上軫悼賜祭葬如制
贈太保謚文康遣行人護喪還鼎臣傑特有大志留
心經世隨事獻納多見采用嘗請訪求曾子之後以
奉其祀大同軍變請誅止渠魁以安人心四方郡縣
多奏水災疏陳生民困窮之狀請遣使賑恤而生長
東南見財賦日蠹民力日屈則三舉奏焉晚歲履政
府將大有為然僅二載卒於位時論惜之

周倫

周倫崑山人弘治癸未進士初授新安知縣選為監
察御史以建言忤逆瑾罰米二百石輸邊瑾誅復原
職歷陞副都御史南京工部右侍郎南京刑部尚書
召入為刑部尚書尋復改南京刑部致仕嘉靖二十
一年卒於家賜祭葬如例贈太子少保謚康僖

本朝分省人物考

卷二十一

三十四

南直十一



人物考卷之二十二目錄

南直隸蘇州府 五

周用

陸鰲

魏校

陳察

周廣

陸完

文璧

唐寅

桑悅

張靈

朱存理

沈周

徐禎卿

錢同愛

陳鏜

方鵬

邢參

方鳳

吳山

吳巖

柴奇

王鑾

周鳳鳴

查應兆

都穆

顧夢圭

王積

朱統

沈漢

本朝分省人物考 卷二十二目錄

一

南直十一



本朝京省人物考卷之二十二

南直隸蘇州府五

周用

周用字行之吳江縣人自幼穎悟年十四去家力學寒暑不解衣弘治辛酉舉於鄉第三明年壬戌登進士拜行人奉使諭祭楚藩凡王所贈遺悉辭不受遷南京兵科給事中丁父憂服除改禮科給事中又乞南於是復得南京兵科正德間西僧言西番有復生大寶法王解知未來遣中官往迎上章力詆其誣願毋輕信崇以生民姦辭甚切直人多危之竟得旨

本朝分省人物考

卷二十二

南直十二

不加罪時中貴人用事黜陟多從中制於是尚書劉愷以下凡任數人言官周經輩任外皆不繇選部又鎮守江西中貴人黎安非法致人以死中外皆無敢言者獨前後抗疏請罷愷等還經等以公用舍罪黎安以正法令天下快其論而賢用敢言遷廣東左叅議番禺盜羣起撫臣調土兵兼官軍分六哨合攻以用領龍門哨征藍糞諸寨與武臣分哨並進直抵藍糞擒斬九百餘人平其寨十有八事聞朝議以級不滿千沒其功不賞實以前敢言故當是時同事者欲多其級其所誅戮或不辯渠醜用獨矜之覈其可



疑者悉縱之是舉也蓋其功雖不蒙賞於朝而仁義之譽因是籍籍嘉靖改元陞浙江按察副使會丁母憂服除起為山東副使備兵於臨清為建設賞格令同盜者相首即不復罪其罪盜自相疑畏不復相聚境內以寧遷福建按察使閩素多訟推鞠平恕獄無繫囚亦無冤民中貴人鎮守市舶臨於福州其日所給食責之驛館館人苦於劇費胥感額不能應乃例削其數公私稱便陞河南右布政使歲大旱民饑死者相籍至有相食者用職當清戎無分守之責然不忍坐視民之饑而死也毅然白於撫巡請自往活之

本朝分省人物考

卷二十二

二

南直十二

故事賑饑多里戶據報報多偽饑者多不被賑用不以屬人躬循野間戶貼賑濟字令民自齋以來遂以內帑所發銀及措畫米物戶給之絕無遲留民溥獲實惠所活甚眾已而車從所駐雨輒隨注麥為秀發民大賴之有叅政守汝南以養痾故訟牒紛積獄繫繁民病之乃代為分守即先命有司盡釋其所繫以俟至則味爽視事日讞數十輩心力過勤耳為之不聞而南陽滯政俱次第頓舉矣八年陞都察院副都御史督南贛軍務移檄所屬曰當知不得已而用兵尤當知不得已而為盜惟藩臬諸司之綱之紀抑

郡邑長吏有守有為源潔則流自清民安而盜自弭矣其言惻怛由衷莫不疎服有巨盜數輩阻山橫行捕久不能獲廉其黨有悔悟者召至諭以利害結以信義因以賞誘之遂奉成算俘斬來獻蓋不血寸兵不蜚束芻而賊亂蠲除民得安畊人以爲莫大之功初橋廠榷稅太重商皆避之他處軍餉不給乃爲調停其輕重著之例商復趨之至今貽其利焉贛豪室多隱其田額以其虛稅竄之貧者命履畝計丈數之盡革其私賦役以均流亡盡復召還理院事十年陞吏部右侍郎十一年轉左凡署掌部事者四尚書注

本朝分省人物考 卷二十二 南直三 陶安

鈇舉用失當嫁其罪於用十三年調南京刑部右侍處之裕如不自辯亦不以介意十四年陞南京右都御史律已甚嚴門無私謁上疏乞起廢其所推轂咸炳炳傑出海內有聲者兼操江兵亦以方略平太倉海寇而一方陰蒙寢兵之福十七年陞南京工部尚書 慈聖太后梓宮南祔 顯陵自京師直抵承天上下江淮 聖念殊切用殫思勞力督治巨艦以奉安之梓宮賴安履無虞成 聖天子至孝而竟不一自伐工部物直往往以黠商賂先物未入而給吏緣爲奸乃爲立定式以釐之宿弊盡去常修都城按籍

以程工而人不敢懈事城益堅改南京刑部尚書九廟災坐自劾免晦養者五年御史交剡論薦二十二年起爲工部尚書督河政疏請修溝洫以防河決其事凡五皆不易之規給授資德大夫正治上卿二十三年改督漕運本年尋入爲左都御史每御史按畿省輒誠天下刑獄濫極宜悉心推詳長吏貪墨首先劾去民斯得所矣例考察京朝官乃合諸御史詳稽各曹賢不肖狀手自籍記彙騰其等以丹墨第別之所黜惟太甚不務苛碎然用至親乃亦在黜中天下以此翕然稱公九載秩滿加太子少保拜寶鑑上

本朝分省人物考 卷二十二 南直三 陶安

尊之 賜二十五年陞吏部尚書吏部銓品悉由尚書與郎中兩侍郎諸寮署唯唯非有大事不相參決遂沿以爲常用以謂集衆思廣忠益繫臣子當爾况於吏部一切奮然懲之時宛洛韓公少湖徐公西陂劉公前後爲侍郎虛心咨諏求盡天下之情不自怙其諸曹司亦各展所見以相佐助而吏遂不得夤緣爲奸蒞政勤甚疾作會冬天下吏羣然述職於朝祇承 天子重命大計其治日取部使者所上籍詳稽之不遺纖微事甫竣而卒是爲嘉靖丁未年七十二事聞贈太子太保謚恭肅

陸鰲

陸鰲字鎮卿吳江人少從父役於京師遭家坎壈世業日湮弘治乙卯順天鄉試壬戌第進士授湖廣荊州府推官廉勤明允人以不寃知府雅不善視同僚顧獨相信愛焉事必相可否然後行會給事中御史使楚檄閱錢穀施州施州民雜夷獠不可責以法曰茲非有官守者之事乎卽日以往剗絕宿弊猶日治其滯訟比去軍民咸以爲此公於我有恩攝府事一年幾無留牘歲當慮囚卽市曹白巡按御史爲之停刑者六人具得申雪累以上官命決疑獄諸郡三年

本朝分省人物考

卷二十二

五

南直十二
陶仁

陞工部都水司主事管徐百步洪省夫役錢築石隄以便引船凡幾千丈正德間逆瑾專橫政特苛黷同年給事中按事淮安府事訖而返道及於徐自經於舟中知府誣鰲知其由以自解徐曰事固不可以僞爲也不爲辯事聞驗之卒無實尋改福建道御史督京師東路盜賊明年巡山海關遂劾巡撫都御史之不職者因疏籌邊三事悉見採納繼陳六事不報巡按河南鎮守太監王某至戒其下曰陸御史來矣既至奪宣武等衛屯田爲勢家所據者六千餘頃給諸貧軍歲增糧四萬石正德六年以來北方流賊所在

起有司得所脇從輒坐以死而犯者益衆盡釋之

仍令官府勿聽以他事相攻訐者於是人情大安奏釋各府滯獄百數人辯死刑之誣者六十人明年擢知溫州府始至民多訟鰲曰所以致訟者由求簡訟之速爾夫長民者一切不問民則何以輸其情乃蚤夜聽斷不爲懈暮月視始至殆損訟牒什六七罷辯者稍稍就田畝吏俛首受成無所緣以爲姦乃廣學舍爲諸生講解程課試藝於鹿城書院第以高下彬形成材台處寧紹歲饑流亡集府境內爲給粥仰以活者無慮千數裁省無名冗費民困大紓溫州瀕海

本朝分省人物考

卷二十二

六

南直十二
陶太

阻山絕商販荒政廢不講令願贖罪以穀者聽三年穀且盈八萬豪民徐姓專持有司短長民以爲害前官莫敢問召寘之法民間生女輒不舉嚴設禁論婚姻第各稱其家俗以一變甃府城三千丈覆以石又關通衢臨鴈池以息火患其餘事事規畫莫不長久可行御史每行郡至溫一宿輒起曰溫州殆無所事在溫州六年陞浙江布政司右叅政督理糧儲是時浙之東西素狎其政不煩而集初布政司以金衢嚴處四府歲凶議減盤石衛糧價輸之溫州府庫者比其出納也或謂官府操其贏軍中以爲信至是風聞

言官論其事方行縣即日歸吳江巡按御史數使人
 輒還歎曰鴻飛冥冥弋人何慕焉竟不可彊鰲早孤
 羈旅於京師奮志學問一時所與交游皆以文章知
 名往往先後登顯仕故起家郎署至方面其資於師
 友者為多性坦易不立崖岸復慷慨重節義數歷中
 外二十年足迹不一及權門其為推官時有李都御
 史謫戍邊路出荊州時禁方嚴與李無一面就逆旅
 慰籍備至遺之俸二十金以行其在河南奏祠正德
 間死事上蔡知縣霍恩等五人溫州江心寺故有宋
 文山祠歲久而圯葺而擴之居常每以中憲不及祿

本朝分省人物考

卷三十二

七

南直十二
劉敬

養為恨事太恭人曲盡孝敬居喪以禮諸子業經學
 懇懇教以忠孝勤儉自浙中歸始治世業不事侈靡
 亦不為矯飾自號釣雪散人約諸士大夫為會作堂
 曰半間扁榻所曰勗齋以見素志家居十五年方燕
 客客去沐浴已入寢還呼諸子環視之無所語翹然
 而逝年六十有四

魏校

魏校字子才崑山縣人弘治乙丑進士授南京刑部
 主事歷員外郎郎中每訊重囚齋居默念務期得情
 會審監刑眾皆采衣即事畢宴飲為樂校慘然澹

服是日不飲酒食肉時閩宦劉瑾擅權其黨劉瑯守
 備南京倚勢作威臺省官望塵奔謁校獨不往瑯復
 夷視法司或時判狀至莫有抗者惟校直行已志京
 邑有經歷姚元者從子利其富貴誣以奸狀瑯陰
 為之地必欲寘元於死屬校訊之竟白其枉瑯亦莫
 敢誰何暇則與余子積夏敦夫王純甫講明聖賢之
 學正德九年 召為兵部職方郎方江彬握重兵居
 大內而寧藩亦有反謀校遂移疾家居辛巳 世廟
 初服起為廣東提學副使力以師道為己任崇德行
 略文詞毀淫祠興社學禁火化厚人倫厥功為多尋

本朝分省人物考

卷三十二

八

南直十二
范應時

憂居復補江西兵備改河南督學七年陞太常寺少
 卿轉大理寺右少卿八年國子監祭酒缺以提督四
 夷館太常寺卿掌監事本年致仕校性孝友每夙興
 即省其父母夜則就寢所晤語無恙乃即安或疾則
 累晝夜目不交睫致政時母張老矣日依依侍食於
 側平生篤志聖人真猶饑渴之於飲食其學主於立
 本研幾始博而終約著有大學指歸六書精蘊卒謚
 恭簡

陳察

陳察字原習常熟人初母夢斗間氣下傳體寤而視

腹有赤文曰鳳已遂娠生焮然壯甚動止有矩舉弘治中進士司理南昌拜監察御史正德初中貴人瑾擅權率同列論之罰輸粟邊百五十石瑾敗而彬寧煽益甚力爭不得請乞養歸幾十年以薦起卽疏言位號所以繫天下望何妄有貶損系以大將軍名不正則分何以定王者高拱清穆動止何可輕皇輅方蹕西北又議南狩寧可驅馳道路犯霜霧耶已奉命按雲南聞將親討叛濠抗言濠不過陸梁彭蠡間發三千騎渡江可徑縛取奈何屈萬乘尊奪吏士任且上出而京師空卽不北憂虜獨不憂蕭牆內耶

本朝分省人物考

卷二十二

九

南直士
陶仲義

上不憚奪一歲俸出按滇滇中別產銀中貴請縣官場而推之下直指議察持不可曰此兵端也且用事者覩其利余覩其害而從史之不可竟罷議金齒帥沐崧挾中貴人愾而嚙劾治如律復以皇嗣未廣乞於宗室中簡自 聖心以預教育時輔弼大臣不敢言而察以小官首發大議人尤異之 肅皇帝立還自滇上書陳君德興革利弊復出按蜀說上罷蜀鎮守及諸織造中貴人具其狀甚悉中貴人相啣次骨議格不下會丁內艱歸服除再入爲御史時壬人王邦奇緣 上意誣大學士費宏給事楊言遂紕邦奇

上怒謂爲大臣遊說詔置獄訊備五毒察大呼臣願以不肖軀易楊言於地下衆錯愕引避而 上遽目攝察不爲動退卽具草備數王邦奇之奸 上乃寬楊言獄察守御史臺久同列屢起大位幾徧始遷太僕少卿垂拜復辭且薦人以代太僕於故事不得辭又不當薦代人坐謫潮屬邑校官基年移信州倅距倅南昌時可三十歲矣已進浙江按察僉事轉副使踰年而遷按察使晉左右轄入爲光祿正卿以僉都御史撫南贛至則申明王文成約定甲保繕要衝勤習技射密授之捕鹵盜賊盜相戒遠遁久之則陳疏乞骸骨以歸至八十三歲而卒病且亟矣捐私田三百爲邑助博士弟子貧者有集及奏草若干卷

周 廣

本朝分省人物考

卷二十三

十

南直士
徐斐

周廣字充之別號玉巖世居崑山生而英邁迥異羣兒長舉弘治間進士觀政兵曹覩大司馬東山劉公道而行卽砥礪名節不諂流俗旣授知莆田道出閩者例謁鎮守時率行重賄賈徒手無贊言動端凝廉正自束兼以宓子賤爲師日禮耆儒用資啓沃周爰詢謀下及庶民莆中利病罔不聞悉諸所興革咸飮人心方及期月母卒於官貧無棺殮鬻內釵釧始

克昇歸以葬服闋改知吉水政益詳敏時贛州流賊自大帽山突出路由雩都抵新淦抄掠永豐勢甚猖獗吉水丞簿欲奔竄士民洶洶亦無固志廣面加叱責要盟神祠衆志始定戮力禦賊賊乃潛師踰境邑賴以完厥後藩臬上功督府不及廣廣亦漠然正德壬申以天下守令治行第一擢浙江道監察御史是時佞倖錢寧居中用事巨寇劉七輩暴戾恣睢橫行江淮河濟殺人或盈城野廣抗疏四事一斥喇嘛番僧宜屏四裔以禦魍魎二遠伶人賤工至引唐莊宗事以警三重國本以廣儲嗣不得育螟蛉義子如宦

本朝分省人物考 卷二十二 十一 南道十二 高傑

豎蒼頭錢寧者其投刺皆書曰皇庶子僭擬東宮之罪擢髮難數四嚴軍令言諸禦寇者皆無恙而川原白骨積如丘山疏入寧大怒幸上不深罪止謫懷遠驛丞寧陰使刺客欲遮刺之乃微服出城變易姓名被道流衣誦觀音經枵腹三日乃得脫歸既抵懷遠莽無館舍寓居佛宮間與同志泛崖門登西樵跨羅浮夷猶白雲之巔然驛通番夷朝貢每外使至咸慕其名或以奇貨為獻峻為拒絕使益敬憚甲戌移知建昌縣是時宸濠將叛謀復護衛遣使繹絡道路肆行征求每經建昌輒加裁禁民賴以蘇丙子八月

吏部擬擢憲職寧內構陷批根往事復謫行寨驛丞行寨在深山叢棘中亦無驛舍居民數家靡所寄止乃誅茅為屋依山面沅日與其徒講學論道暇則登陟崇崗俯臨幽壑超然遠覽無所顧慮辛巳世廟卽位首舉遐遺詔復御史尋陞江西按察僉事至則斥貪吏疏滯囚去淫祠放尼覲數百歸之宗令市其菴業士明年轉九江兵備副使尋改提學其綜理學政躬自為範誨人務明義利及其校藝必恭德行時天子勵精圖治凡藩臬守令治行卓異特降璽書褒嘉通天下止十三人廣與焉嘉靖乙酉陞福建

本朝分省人物考 卷二十二 十一 南道十二 高傑

按察使閩故多盜廣至分部所屬伐其渠魁民庶用妥乃又申勅憲章釐革蠹弊凡會獄齋戒禱神開釋冤抑參伍之下咸得其情刑用不濫始至鎮守遣金漫不省置諸庫府比鎮守窘甚復返其金因以綱條解諭鎮守憚服其後有中官督織造者倚勢作威橫索民財有司莫能抗移檄禁遏及入省城繩其奴從不得侵牟於民民遂形請欲按閩三年擢右僉都御史巡撫江西振肅風紀百僚嚴憚其商論政務虛心延訪雖屬吏亦多聽納其有才賢亟為薦揚於時富室豪右多買民田遺其原稅民用大困乃下令

稽覈且欲奏聞豪右不便交口騰訾當道者遂援
革例罷其巡撫因疏乞休 上雅知其賢且命吏部
擢用已丑冬遂陞南京刑部右侍郎越二年辛卯以
疾卒於官舍年五十有八寢疾時當大比三子皆應
試留都護侍湯藥未屬纊前四日令趨治後事且曰
吾平生間關百挫屢瀕于死而不死今死於此命也
爾等慎勿俯仰當路以乞葬祭神閒氣爽怡然而卒

陸完

陸完長洲人補郡學生巨闕敬借 上命括奇貨江
南勢張甚過蘇每廷曳諸生諸生競擊敬幾斃他走

本朝分省人物考

卷二十二

十三

南直十二

後列諸生名 上聞完與焉事下兩臺巡撫王恕列
愆罪上逮後完成弘治中進士而恕以吏部尚書監
選見完名曰是故擊闖人者耶擢御史完爲御史果
彈擊不避卓有聲累遷至兵部侍郎霸州民劉六劉
七嘯聚羣盜寇掠山東諸郡靡潰不可遏稍至畿甸
縱橫殆遍時都御史馬中錫兵潰劾詔完討焉完建
大將旗鼓秣馬蓐食晝夜馳至臨清調集守邊吏士
射飲飛騎四出掩之屢出皆捷在河南則御史彭澤
在淮則張縉或犄之或角之賊旣敗竄復散逸楚晉
之郊無在不警雖斬捕幾盡頃之復集俟間則突至

破城邑劫主藏殘掠自如乃廣間諜遠斥候跡其所
向以兵隨之勢始大感奔而南完追之至真州賊於
江乘艦上下諸屯皆自衛無敢出及兵大合掠無所
得乃之通州狼山謀遁入海值大風作顛覆者半遂
合衆圍之賊故不便水而狼山又四面懸絕卒就殲
焉計是役大戰十二小戰數十斬首萬五千有奇完
乃旋師進位冢宰後以逆濠事起追論完在司馬時
濠請護衛兵完持兩端無大臣節減死論成猶以功
贖也竟卒泉州初完嘗夢至一山曰大武乃其死所
也事固已冥定矣

本朝分省人物考

卷二十二

十四

南直十二

文璧

文璧字徵明以字行更字徵仲其初蜀人徙廬陵再
徙衡山後有贅吳者遂爲吳人父林爲溫州守八九
歲時語猶不甚了了或疑其不慧溫州公獨異之曰
兒幸晚成無害也旣長就外塾穎異挺發日記數百
千言爲邑諸生年十六而溫州公宦於滁以病歿郡
察合數百金爲聘徵明固謝不受曰不欲以生汙遊
者服除益自奮勵下帷讀恒至丙夜不休於文師吳
少宰寬於書師李太僕應禎於畫師沈山人周咸自
愧歎以爲不如人俞中丞諫欲遺之金謂曰若不若

黼夕耶曰朝夕餽粥可具俞公故指其藍衣而曰敝至此乎佯為不悟者曰雨敝吾衣耳俞公竟不忍言遺金事久之業益精名日益重寧庶人浮為慕貽書及金幣聘焉使者及門病臥不起於金幣無所受亦無所報或謂朱邸虛左而待若不能効枚叔長卿曳裾樂耶徵明笑而不荅亡何寧竟以反敗時中丞李克嗣撫吳中薦之於朝徵明亦以諸生久次當貢至京吏部試而賢之特為請超授翰林待詔翰林楊慎黃佐吏部薛蕙咸負一世才以得下上徵明為幸大司寇林俊尤重之間日輒為具曰坐何可無此君也

本朝分省人物考 卷二十二

十五

南直上二 吳仲德

為待詔可二年修國史侍經筵餼幣所得慰賜甚厚然居恒邑邑不自得上疏乞歸不報又一年當滿考遂巡弗肯往再上疏乞歸又不報亞相張璠溫州公所取士也用議禮驟貴或諷徵明主之而上相楊公以召入徵明見獨後楊公亟謂曰生不知而父之與我友耶而後見我徵明毅然曰先君棄不肖三十餘年而以一字及者不肖弗敢忘也故不知相公之與先君子友也竟弗肯謝楊公悵然久之三上疏得致仕歸杜門不與世事以翰墨自娛諸造請戶外屢常滿然所與從請獨書生故人子屬為姻黨而窘者雖

竟日不倦其他即郡國守相連車騎富商賈人珍寶填溢不能博一赫蹏而所最慎者藩邸所絕不肯還往者中貴人曰此國家法也前周王以古鼎古鏡徵王以金寶饒他珍貨直數百鎰贊使者曰王無求於先生慕先生耳盍一啓封徵明遜謝曰王賜也啓之而後辭不恭竟弗啓四夷貢道吳門者望其里而拜以不得見為恨然多以重價購之於所與從游者以故書畫遍海內外而環吳之里潤澤於徵明之手筆者幾四十年其為詩詞傳情而發媚秀妍雅出入柳州白香山蘇端明諸公文取達意時沿歐陽廬陵

本朝分省人物考 卷二十三

十六

南直上二 張天叙

書法無所不規倣歐陽率更眉山豫章海岳抵掌睥睨而小楷尤精絕在山陰父子間八分入鍾太傅室韓李而下所不論也丹青遊戲得象外理置之趙吳興倪元鎮黃子久坐不知所左右矣嘗授陳道復書而陸儀部師道委質為弟子其最善後進者王吏部穀祥王太學寵秀才彭年周天球而二子彭嘉亦名能精其業時與談推枕文品水石記耆舊故事焚香燕坐蕭然若世外而吳中好事家相與候迎湖山間以得一幸為快雖孺子亦習知其名氏至市井間強勉為善者其曹戲之曰汝豈亦文某耶生平無二色

足無狹邪履貧而好施周人之急甚於已至九十猶
矍矍不衰海內習文先生名久幾以爲異代人已未
爲御史嚴杰母書墓誌已擲筆而逝條然若蛻者諸
生奔訃上事臺使者祀於學官所著有甫田集行世

唐寅

唐寅字子畏吳縣人少奇穎不逐時尚或謂之曰子
欲成先志當且事時業若必從已願便可褫襮煖燒
科策今徒籍名泮廬目不接其冊則取舍奈何子畏
曰諾墮戶絕交取所治毛氏詩與四書傳註繙討密
研明年戊午遂舉鄉試第一當赴會試而有所同載

本朝分省人物考

卷二十二

十七

南直十二

者以賄主司得題事株累罷爲吏謝弗就寅材高少
嗜聲色旣坐廢見以爲不復收益放浪名教外嘗一
赴寧王宸濠聘度有反形乃陽爲清狂不慧以免卒
年五十四寅有俊才博習多識善屬文駢驪尤絕始
爲詩奇麗自喜晚節稍放格諧俚俗冀托於風人之
指其合者猶能令人解頤畫品高甚在五代北宋間
晚皈心佛氏自號六如治圃舍北桃花塢日般飲其
中客來便同飲去不問醉便頽寢以受棄於時作昭
恤賦以自見嘗圖其石曰江南第一風流才子

桑悅

桑悅字民懌蘇州人也家貧無所蓄書從肆中驚得
讀過輒焚棄之敢爲大言不自量時銓次古人以孟
軻自况原遷而下勿論也而更非薄韓愈氏曰此小
兒號嗷何傳問翰林文今爲誰曰虛無人舉天下亦
唯悅其次祝允明又次董玘悅髻椎而補博士弟子
部使者按水利下邑悅前謁之書刺江南才人桑悅
博士弟子業不當刺又厚自譽使者大駭已問知悅
素廼延之校書而預刊落以試悅至卽索筆請書亡
誤使者大悅服折節交悅矣十九舉鄉試再試禮部
奇其文至閱道統論則曰夫子傳之我縮舌曰得非

本朝分省人物考

卷二十二

十八

南直十二

江南桑生耶大狂士斥不取時丘濬爲尚書慕悅名
召令具賓主已出已文令觀給曰某先輩譔悅心知
之曰公謂悅爲逐穢也耶奈何得若文而令悅觀濬
曰生試更爲之歸譔以奏濬稱善已令進他文濬未
嘗不稱善也嘗餽悅以狔項悅詰謝濬曰狔項美何
如生固甘之不對曰使悅嘗尚方芍藥饌所不足甘
而一狔項何如草具哉悅名在乙榜謝不爲官俟後
試而時竟以悅狂抑勿許調邑博士悅爲博士踰歲
而按察視學者別丘濬濬曰吾故人桑悅幸無以屬
吏視也按察旣行部抵邑不見悅顧問長史悅今安

在豈有恙乎長史素憾悅曰悅無恙自負不肯迎

乃使吏往召之悅曰連宵雨淫傳舍且圯顧妻子亡

暇何候若按察久不待更兩吏促之悅益怒曰若真

無耳者即按察力能屈博士可屈桑先生乎為若期

三日先生來不三日不來矣按察欲遂收悅緣濟不

果三日悅詣按察長揖立不跪按察厲聲曰博士分

不當得跪耶悅前曰漢汲長孺長揖大將軍明公貴

豈踰大將軍而長孺固亡賢於悅奈何以面皮恐懾

寥廓之士哉悅今去天下自有謂明公不能容悅者

因脫帽徑出按察度亡已乃下留之他日當選兩博

士自隨悅在選故事博士侍左右立意日悅請曰犬

馬齒長不能以筋力為禮亦不能久任立願假便得

坐即移所便坐御史前御史召問謂曰匡衡說詩解

人願子有是乎曰悅所談玄妙何匡衡敢望即衡在

亦解願公幸賜清燕畢頃刻之長御史壯之令坐講

少休悅除鞮跣而爬足御史不能禁令出尋復薦之

遷長沙倅再調柳州悅實惡州荒落不欲往人問之

輒曰宗元小生擅此州名久吾一旦往掩奪其上不

安耳為柳州歲餘父喪歸服除遂不起居家益任誕

褐衣楚製往來郡邑間

張靈

張靈字夢晉吳縣人家故貧窶作業閭閻至靈始讀

書好交游為俠客至不過具器而必欲極其歡靈醉

則使酒作狂每嘆曰日休小豎子耳尚能稱醉士我

獨不能醉耶所與遊者吳趨唐寅最著寅嘗擬遊武

丘召靈與俱往促之尚臥寅抵寢所呼曰日高春矣

睡何為得無夢晉乎靈覺怒曰今者無酒雅懷春不

啓方入醉鄉又為相攪寅曰所以來固欲邀子靈喜

加衣起遂與寅上舟扣舷痛飲作野人歌會數買飲

於可中亭且詠詩靈曰此莽物登高不過弄杯酒耳

本朝分省人物考卷二十二 二十九 南直十二 徐夢

固不能詩而抽心焦思豈不過誤哉因更衣為丐者

上賈與之食啖之謂曰卿子厚潤屋之資當四美之

會登高能賦又有大夫之才此誠皇矣奉卿子厚也

吾所得之雖至薄而詩亦能請狗尾續賈笑曰丐者

得無誑之最乎時賈所為詩有蒼官青士扑握伊尼

諸詞因以問靈靈曰蒼官松也青士竹也扑握兔也

伊尼鹿也賈始駭令賡靈即揮毫不已凡百絕抵舟

命童子易維羅陰下令迹絕賈使人察之不見也皆

以為神仙賈去復上亭朱衣金目作胡人舞形狀殊

絕初靈與寅俱為郡學生博古相上適鄞人方誌來

督學惡古文詞察知寅欲中傷之靈挹鬱不自遣寅
日子未爲所知何愁之甚靈曰獨不聞龍王欲斬有
尾族蝦蟇亦哭乎後靈果爲所斥罷或謂之曰以子
之才顧不得激致青雲乃重遭顯弃豈無雉經之用
而何以立於世靈曰昔謝豹化爲蟲行地中以足覆
面作忍恥狀使靈用子言亦當如是矣縱不爾亦安
得更啣鑿落耶靈能人物畫人皆推之

朱存理

朱存理字性甫長洲人少嗜學亦工篆籀不爲章句
而於書無不通故時多長者遊持風素以雅道自貴

本朝分省人物考

卷二十二

二十一

南直十二
劉汝忠

居常無他過從惟聞人有奇書輒從以求以必得爲
志或手自繕錄動盈筐篋羣經諸史下逮稗官小說
山經地志無所不有亦無所不窺而悉資以爲詩其
詩精工雅潔務出新意得意處追躅古人尤精楷法
手錄前輩詩文積百餘家性閒慢待人無鈞距晚歲
書酒婆娑益事閒曠所著書或佚遺雖片言存者重
於尺璧以其人也成弘間存理暨朱堯民凱皆博學
高隱名奕奕望於郡城之東人以其所居相接稱之
曰兩朱先生云所纂集有經子鈞玄吳郡獻徵錄名
物寓言珊瑚集野航漫錄鶴岑隨錄總數百卷

沈周

沈周字啓南號石田長洲人精於誦肄自墳索以及
百氏雜家言無所不窺而尤精於畫追踪晉唐名家
宋以下弗論也性至孝母近百齡孺慕者終其身如
一日每與一隣嫗故相驩也而災於鬱攸母念不置
延之母室旦夕共起居益色養無方先意而將順者
類此家無羨積而好赴人之急病與之藥殤與之棺
瑣尾流離輒捐貲賑之途中嘗拾遺金而中著失者
姓名徧訪其人還之願分金爲謝夷然不顧也曰是
何足爲乃公德乎嘗以重直購一書陳之齋閣一日

本朝分省人物考

卷二十二

二十一

南直十二
劉汝忠

客至見而諦視之問書所從得曰客何問也客曰公
幸無詫書吾書也失之久矣某卷某葉嘗書記某事
或者猶存乎發而視之果信卽全而歸之終不言售
者姓氏亦不復噍責其人壯且老矣遁聲匿迹惟懼
不深巡撫王公恕彭公禮強致之幕下終以母老謝
歸後有曹太守者新構一室欲藻繪其楹壁也羅致
諸畫史有侮之者陰入其姓名出片紙攝之遂往訖
工卒先他人或曰謁貴游可以免曰往役義也求免
貴游不再辱乎無何而曹入覲西涯李相國吳少宰
銓曹王公俱致問曰沈先生無恙否曹愕不知對吳

曰此其人名重朝端五侯七貴不足齒也曹乃遍詢
吏卒抵吳未至郡齋先詣沈比見折節為恭索田家
飯飯之而去周至郡一投謁為謝卒亦不滿伏庭階
也

徐禎卿

徐禎卿字昌穀吳人也貌侵善屬文弱冠作談藝錄
以究詩體之變斷自漢魏而止晉以下弗論也舉進
士與北地李夢陽遊李方以文雄海內見禎卿所為
文異之由是得相友善人稱徐李禎卿善賦頌怪揚
雄反騷作反反騷初授大理寺副非其好也上書乞
本朝分省人物考 卷二十二 二十三 南直十二
陶見

錢同愛

錢同愛字孔周號野亭長洲人為邑諸生好奇負異
其所友必勝已者苟不當意雖貴富有勢力者恒白
眼視之或取怪怒不卹也家世溫厚室廬靚深嘉木
秀野肆陳圖籍時時招集奇勝滿座合醺賦詩負軒
而歌邈然高奇不知古人何如也為文奇崛深奧讀
之不能句然思玄語麗足自成家而尺牘尤入佳境

一行數語矢口信筆文意燦然如出硃鍊他人沈思
極意不能至也早歲思以功名自奮稍歛鋒鏑以就
文場矩矱而六試不售遂自免歸晚益放情於文酒
矣

陳鏊

陳鏊字子兼吳縣人舉進士為工部虞衡主事累遷
都水司郎中擢四川督學僉事轉湖廣右叅議河南
按察副使以御史孫昭論調歸里中積數載起家補
雲南遷四川右叅政歷按察使右布政使一旦移疾
致其事歸又數載乃卒年七十鏊為人坦洞不設城
本朝分省人物考 卷二十二 二十四 南直十二
陳士儒

方鵬

方鵬字時舉崑山人舉正德戊辰進士歷任南京禮
部主事刑部員外郎郎中尋改南京職方聞逆藩之

變兼程赴難適車駕南巡備嘗艱苦調南京文選克舉其職會 天子方追崇大禮朝士自卿相而下靡不欲考 孝宗皇帝而別崇興獻王如宋濮王故事進士張璠獨請考興獻王而稱 孝宗皇伯考尚書廖紀時於後堂見諸曹郎而問曰張生議云何衆莫對鵬獨曰寔宜反之心而已廖曰善語稍稍聞外於是給事御史爭以他事論罷廖而鵬用積次遷浙江右叅議行部有聲然念言者且見侵因移疾歸而亡何璠所持議大伸既廖由田間起柄銓衡而鵬亦爲提學副使甫至京詔爲右春坊右庶子兼修撰尋主

本朝分省人物考

卷二十二

十五

南直十二
劉汝愚

順天鄉試鵬以一言合暴通顯謂非意所得邑邑不自解後以不終附麗其意嫌之會遷南京太常寺卿遂移疾請告亡何他臣僚有請告者內批削其新銜以右庶子致仕卒年七十餘生平好讀書以著述自娛爲文章典雅老成敦修行誼大負時望弟鳳嘗爲南臺御史有直聲詩亦豪俊

邢參

邢參字麗文吳人湛默好書立士行講授里中以醇和稱昌穀諸君皆與游其文亦質而不華貧無以朝夕空如也竟未嘗娶恒獨居遇雪暴已囊無粟兀坐

如朽株諸君念之試叩門見其無慘凜色方苦吟共相慰勞亦不言他第誦所得句自喜又嘗連日雨復往視參則屋之三角墊方怡然執書坐其一角不糝亦累夕矣昌穀論其有四懿居約而恬愉操槩履方吳士喜任俠若參者有道君子也

方鳳

方鳳號改亭鵬介弟也少以經術藝文與兄齊名正德戊辰又同舉進士天下豔稱之曰二方授行人選南御史時寧濠反形未具即疏言胡世寧之逮其惑誤者欲以安社稷請無罪之王守仁可大用皆豫爲

本朝分省人物考

卷二十二

十六

南直十二
劉汝愚

逆濠計者以母喪歸服除改北出按真定當 武廟時政在中官武弁論劾不避 武宗南狩疏論七事 中謂不宜索婦女納之行宮又極言災青屢見宜修德祇崇天戒危言數進聞者齟舌以事見忤乃請南尋移疾歸嘉靖中復補南而所陳皆天下大計會張桂大禮之議起力言其非是既二人者驟貴又力糾之尋出視廣西學政引疾不起時其兄鵬以太常得請先後臥林下杜門著書放意詩酒踪跡俱不及城府其議禮時有所不合 天子亦知之然能各信所走以行其志天下所稱二方者名俱不挫一子一孫

皆薦鄉書以是晚途益暢適年八十餘卒久之而少子範成進士

吳山

吳山字靜之號訥菴吳江人少保洪之子也生而英異五歲喪其母卽戚戚知哀不逐童孳戲十二歲能屬文時少保公筮官南都從居南郎中萬某者善相人見山甚奇之曰南都諸公卿兒無若此者是父子並卿兄弟嗣顯山聞之笑曰如郎中言萬石君顧復見哉弘治乙卯舉鄉試正德戊辰與弟巖同登進士除刑部主事歷陞員外郎郎中廉隅抗直不撓疆禦

本朝分省人物考

卷二十二

七

南直上

有富人坐當死夜持金潛遺斥還與之旦白其事置之法於是豪猾悚懾靡敢犯者然亦以不能逐世頹仰奉權貴人故九載秩不遷正德丙子奉命錄囚江右先有兄弟共殺人者咸論死意慘焉憐之欲出其一夜禱於神乃忽悟曰殺人者死協謀者坐遂俱決之其他疑獄平反者幾二百餘人民稱無冤 武廟南巡諫者多忤旨抵罪 詔山廷跪五日庚辰擢山東副使理驛傳清軍務釐革宿弊殆盡大戶有侵尅官糧者罪及餘民竟直之時暑月請司多所逮繫山輕重量出之獄無滯囚迺有塞井復泮民感其惠爲

之謠曰彼泥者泉弗浚而復錫我則福居無何擢陝西右叅政嘉靖甲辰改浙江道歸省纔逾月而丁父艱丁亥服闋授福建按察使聽斷公明吏民懷畏謂少保嘗居是官也民之謠曰鳳之棲兮今其雛來儀民具是依已丑擢江西左布政使旬宣有方綜理周密禁豪登羨情節不逾辛卯有巡撫河南之命時水旱薦劇調陳賙恤民賴更生山以河南惟河患爲甚遂根極利害著治河通考十卷行於世成化間親王居河南者纔五府錫封既益天胤日繁自郡王將軍而下幾數千人歲入不足以需常祿乃疏請以歲運之餘暫補不及一時頓焉伊王素柔懦縱宦豎保金等虐及無辜疏請正保金等罪而王悍之自新臨漳王府將軍祐掠者招納亡命侵掠民間民咸苦之卽祐掠至無不懾懾恐罷市肆閉戶竄逸前後諸撫臣至者莫敢問也山聞其狀疏免爲庶人迺遁匿京師巧詆求貸又奏誣山等主上方事敦睦而元宰永嘉與山素有卻遂左遷浙江叅議時同黜者都御史毛公伯溫御史王君儀也於是直聲頓益起山亦厚自砥礪不以謫故窘其才乙未擢江西叅政務裁豪右便窮困其爲政如其爲左使時也尋擢南府丞丁酉以

本朝分省人物考

卷二十三

八

南直上

僉都御史巡撫四川遂論罷諸武臣不職者緝其豪猾舉都督何卿叅將李爵等使守松藩叙瀘後並稱名將人以爲知人又疏改廣元縣以爲州治卹疾苦舉廢墜省繇役務農桑惠流全蜀聲播萬里明年晉右副都御史提督南贛軍務念虔州者西番之衝賊之叢藪也嘯聚剽掠俘虐爲甚山廼申號令修器械嚴警邏節候望不半歲殲其渠魁威德遍溢人以爲善繼陽明王公之後先是山自蜀抵贛中道擢刑部右侍郎既得命人謂宜亟趨朝使山謂曰前巡撫王公浚守予代者將替矣予弗往後守代予者是予處

本朝分省人物考卷二十二 三十九 南直十一 劉汝德

死之年永懼不報迺今顧以失職賜骸還故里非老耄之幸哉又顧其子宋曰爾知先朝尚書劉大夏乎被罪戍邊迺即日荷戈就道顧不徒歟於是市車陸走不役公騎角巾私服猶恐人之規知也行未至彭城忽覺體中憊甚語其子曰丈夫蓋棺事迺定吾迺今死無恨矣遂逝壽七十有三

吳巖

本朝分省人物考卷二十二 三十九 南直十一 劉汝德

間疾苦長吏賢不肖豪猾奸宄之根穴無不洞悉而并別也奉表入賀還及安慶疾作乃命趨京口進舟而南未至家五十里而卒

柴奇

柴奇字德美號黼菴崑山人生而穎敏異常少與儕輩往謁夏公仲昭公未出私約分識其壁間文字凡若干篇及歸書之不遺一字弘治辛酉舉鄉薦第六正德辛未與弟太同登進士觀政吏部時楊公遂菴為冢宰上書言東南水利復極陳白茅塘鴉浦之利害請以逆瑾沒入貲給濟工費楊公上其議於朝特

本朝分省人物考卷二十二

三十一

南直三十一

命工部尚書李公充嗣往司其事績用告成實奇之策也是年銓授吏科給事中時劇賊劉六等弄兵山東以奇與吳堂為監軍所核功罪皆當賊陷曲阜城禍及闕里禮籍樂器皆焚蕩奏請移曲阜城以就孔廟障護之九月凱旋獻俘賜金織驚袍與宴兵部加俸二級尋丁內艱歸服除遷戶科右給事已卯陞南京光祿少卿時武宗駐蹕南京供億不貲先事周給辛巳內察黜屬吏不職者五人查復厨役占於他所者百二十餘人雖謗言誼集弗顧也陞應天府丞尋轉府尹清查官占地還之民間以絕權勢起佃之

跡復以科試羨餘開展貢院號舍會南京太廟災引咎自陳致仕歸里口不談貴顯時事惟以詩文自娛而已每祀先必虔肅齋謹謂其子曰余在山東時夜過呂孟社身在賊中暫止郵舍就草榻於傍垣夢吾祖父呼之曰速起方啓戶出有逸馬觸垣壓覆場上旁近無完物矣年七十有三卒有石池稿嘉樹軒紀闕黼菴集藏於家

王鑾

王鑾字汝和幼讀書於冶城山因以西冶為號先世吳江人鑾未冠充應天弟子員即以文行稱御史來

本朝分省人物考卷二十二

三十一

南直三十一

試事輒拔第一凡八試不見收歲當貢於禮部京兆尹曰此行必售毋庸慮也及入國學試六館諸生無與並者是年庚午果舉應天鄉貢明年辛未連舉進士試政吏部太宰遂菴楊公急於知人令試政者各以文字呈時逆宦就誅流賊甫平尚爾多事鑾以夙昔諸作不能發所欲言乃憤時作原治上下篇大旨謂今之盜賊多臣下所致言路不通守令非人監司惟利於趨承撫按不覈於實效而恤民彌盜之方至悉且切至於根究則欲禁奢立禮敦教化嚴貪墨以正其本太宰見而大奇之即補文選主事舊例必他

司調補無進士徑授者太宰益急於用賢云居文選
秉公持正不輕交一人不輕與一人言而人亦無所
望進積勲員外尋改考功當天下百司大計日覈察
惴惴自矢曰進退淑慝不明惟我罪將誰欺乎進驗
封郎中夙夜益虔微細必謹貴戚大賈雖同里不納
見卽見亦不相荅久而屏跡趨朝散衙障面於道有
終未之識者歸則闔門課子左右圖書室間寂若
未仕者所著甚富有集藏於家鑿以父已高年屢欲
請官於南以便迎養父力止之未幾卒於官

周鳳鳴

本朝分省人物考

卷二十二

三十三

南直十二
張天叙

周鳳鳴字于岐別號山齋崑山人生有異質髫齡能
吐奇語志識如老成人十六補邑庠生尋應例入太
學沉篤自奮研究經籍正德庚午領應天鄉薦甲戌
登進士授刑部陝西司主事初任監獄卽令吏卒滌
桮械潔圜室時給飯食囚賴以得所且手錄監獄事
宜後悉踵行之自是益精法律尚書重其材委專閩
部中奏牘輕重可否必經參酌然後允當丙子移疾
歸省嘉靖癸未遷本部員外尋遷郎中奉 勅赴江
西勘宸濠逆黨審覈詳慎無一人枉縱給傳往返秋
毫無擾撫按藩臬咸敬服焉乙酉丁母憂丁亥服闋

復除本部山東司時蒞法曹益久解焚割滯如燭照
數計諸司有重獄疑獄悉取裁焉尚書李公承勛風
範嚴峻而相知特深以廣東司事最劇所轄錦衣旗
校狡橫難制乃薦鳳鳴視篆數日間理積案殆盡貴
勢莫敢逞然雖以法律從事而宅心仁厚前後遇大
辟必反覆求其生易州上巨盜二人一瘦死一病且
殆而誣引者六人慮二盜死則六人無以自白乃哺
而療之後果獲真盜六人皆得釋其他雪冤濫者不
可殫紀戊子李公擢本兵亟薦鳳鳴調職方籌邊擇
將夙夜究心纖悉皆手自記注人莫敢干以私總戎

本朝分省人物考

卷二十二

三十四

南直十二
梁仲德

參將以下除目一出輿情翕服都督馬永有將材坐
註誤屏廢及廷推邊將首舉永諸大臣難之曰其才
不可終廢卽忤時獲譴願以身當之 上嘗命惠安
伯提督團營豐城侯協同視事豐城以侯當先伯奏
請改 勅下兵部議衆漫無可否鳳鳴曰侯先伯者
常分也若上所任使則自公以下皆不敢抗事遂定
諸曹諸鎮之建白有關係軍國者李公必諮詢焉區
處悉中機宜一歲中上百餘疏皆出其手又嘗繪九
邊圖以獻欲 上知邊隅要害不志柔遠攘外之志
李公每語人曰職方得周郎吾可坐嘯矣其相信嚮

若此庚寅春遂擢大理寺左寺丞值星霾示變應制上疏其議處兵食日止調操以實內地選禁衛以固邦本足衣糧以卹邊軍振紀綱以申軍令又曰寬徵收以紓民困清解納以懲宿奸定經制以裕國用致中和以感化機其議興水利曰復專官以圖責成疏海口以導下流濬支河以修圩岸處長橋以決壅滯均夫役以便貧民禁侵占以飭豪右 上皆嘉納蓋志欲有為於天下而直道勁節屹然自立京師五年一審錄要囚中貴銜命至法曹長貳多迎合唯諾而獨持正論不屈張少傅汪冢宰當柄並以氣勢凌人

本朝分省人物考

卷二十二

三五

南直十二 陶仲

挺然自立論多不協坐此致憾欲偵伺瑕釁中傷竟無所得癸巳秋御史馮恩論劾諸大臣張汪欲傳致之死而鳳鳴所擬肆赦詔條復忤其意遂落職以歸居家十有八年兩京大臣及臺諫撫按薦可大用者六十餘疏而晚節益堅絕交當路遂不復徵召沉沮以終其身天下共惜之

查應兆

查應兆吳縣人成正德進士選工部主事視權浙江時奄尹為監者倨侮甚諸使者無敢出一言適與二御史同報謁奄將據上坐笑引却之曰公真耄耶何

忘客主禮讓席林司寇俊及陳嘉言皆以忤逐因極言宦者奸狀請戮之而召還俊等時嘉其敢言調駕部郎冢宰有所屬使人喻意因面陳所以不可為之愧謝既而裁抑其緹騎之叨濫者眾環訴之冢宰叱曰豈有徇私查駕部哉大司馬李以論事數相忤曰人臣奉尺一寧當舍法有所侵亂之李公為之屈嘉相以其賢也置酒延致第中稱述 主上明聖應曰可謂有君永嘉啣之甚適復忤他貴人遂出之參議山東轉粟遼左時將校多貿首功股削其下為舉憲繩之施寬惠以撫邊氓迨後遼戍有據城為變

本朝分省人物考

卷二十二

三六

南直十二 陳昌

者遣使撫之對曰還我查公已按察徐士發奸若神獄有久寃者一訊得其情立釋之直 上南幸勞楚行宮不戒於火吏多被逮大司馬王廷相薦其才俾專辦護往返不乏而民不知勞歲饑 上命尚書果以內帑賑之果檄監其事所全活甚眾有以左道倖者力疏言之 上不憚遽謝政歸家未幾卒

都穆

都穆字玄敬吳縣人七歲能詩及長不習章句泛濫羣籍杜門篤學者幾二十年名聲大噪正德中舉進士拜工部主事丁外艱服除官工部分理器皿廠廠

事故旁午多靡費穆鳩匪會計小大贏縮惟其舊有不便輒弛去疋馬入厩自齋米蔬厥人掘地得金貯之庫有私請者曰若曹何敢污我已進禮部奉使冊封慶陽王餽遺一無所受便道躡終南巔過首陽登華嵩抵少林濯溫泉轉入王屋砥柱龍門伊闕括其勝錄之詩歌歸卽上書乞骸骨許之加太僕寺少卿致仕維時京師大夫士見其歸無留資於囊無田廬圃墅于鄉蕭然戒行視弃官如唾莫不交嘆以爲賢於二疏遠矣時年甫五十四耳歸而攻苦食淡寢臥圖籍相與婆娑嬉遊屏車斥騶掃迹公府以著書爲

本朝分省人物考 卷二十二 三十七 南直十二 楊浦

業或放逐山水冥搜遐寄若是者十有三年而卒穆文祖韓歐詩宗陶孟郡人稱爲南濠先生行於世者曰南濠文拔玉壺冰聽雨紀談藏於家者曰南濠詩略文略賓話史外類鈔周易考異金璫琳琅云

顧夢圭

顧夢圭字武祥崑山人登正德進士授刑部主事已改南京吏部主事歷陞郎中會 詔下求言上疏六事皆時政之事而罷中官鎮守尤當時至計焉擢廣東參議所轄珠池詔書督採甚急上疏言海面珠池先朝率十五六年或十年一採始得美珠邇者三年

再採珠已耗竭蓋珠蚌之生息甚難非積久不能美碩繁夥也每採用舟筏兵夫萬計往來海中因以爲盜近年劇賊黃山秀蓋起於珠池也蟹戶觸犯瘴霧腥氣輒死尤可憫念海北頻罹饑荒彫瘁尤甚勞役不止將有他虞非國家之福也乞勅停罷養寶源以寬民力疏入文康公見之愕曰奈何爲此驚人事耶不報陶中丞諧議勦山西徭空其地填以新民引韓襄毅公故事爲此力言徭不宜盡殺且新民畏其吞噬而土民厭徭山之荒落必不可居韓公於廉州流賊殘破之餘召新民填其空而廉地皆平原非徭比

本朝分省人物考 卷二十二 三十八 南直十二 楊浦

也陶公卒從其言尋遷江西左叅議丁外艱服除補山東副使提學河南是年 天子駕之安陸道河南有詔宗室惟親王朝行所在乃榜詔旨於省門宗王以下視常加歛戢焉陞福建左叅政寇掠連江自浙入壽寧萬山起伏如波濤官兵至賊散藏人家歛然無迹兵去復出剽掠乃訊得所匿以次捕之其冬復有浙賊自車嶺入松溪劫崇安建陽又捕平之又率閩人以賊爲囊橐賊以故縱在得其要非徒兵力所能控云擢按察使晉江西右布政使自以文學宜在清華之地而久滯外省鬱鬱不自得嘗語所親曰北

河權船者邪許之聲曰腰彎折此今人以喻兩司官者也久羈繼於此何為竟連疏乞致仕得俞請歸則闔戶讀書絕無他好自奉猶如寒素也以大耋終於里第

王積

王積字子崇太倉州人積少英敏天植純篤既長益自刻厲讀恒達丙夜冬則擁被膝坐夏置足木罌中以避蚊蚋以正德己卯中鄉試明年中會試時天子方南狩待次久之辛巳賜對甲第授兵部主政已改南武庫郎中故所隸馬船千餘艘每一船敝責衛

本朝分省人物考

卷二十二

三五

南直上三 劉方

校士自補破產者相望至有雉經自溺或散逃他郡者積既任武庫久熟計利弊十餘事上之部為言於朝請以武庫餘羨水衡錢治船不以累衛校而散逃者盡出為官用著為令嘉靖己丑遷廣東叅議督治糧儲積念廣儲策未有定乃考利弊十二事上撫按行之廣民繇是稍稍蘇矣而所部新寧新會恩平諸邑盜積為剽劫十餘年不已守令噤不言兵盜益熾積奮然請得身當之總督林公富因以兵事委焉積條議賊有當勦者四有可破者六報可乃以十月發師嶺西師自恩平峴崗入嶺南師自龍眠崗入舟師

自龍水合擊大破之捷聞賜文綺白金尋節丁內外艱服除補陝西左叅議韓國宗屬數千廩祿不時給則聚而囂前叅議率轉徙他郡避之積獨委曲計處廩之且徧終任無敢有煩言者嘗謁召伯祠故有泉久涸積入拜而泉復陝人異之庚子遷貴州按察使癸卯監省試甫畢而遷湖廣右叅政時方苗難都御史萬鏜議以賊孺塘山固最衝而堅宜亟攻之積獨謂攻固固首計第賊方欲老我師不若以輕兵綴固而別選精銳從間道破其餘巢餘巢破固膽奪矣兵法所謂攻瑕則堅者瑕是也甫議進師而會柄臣

本朝分省人物考

卷二十二

四十

南直上三 劉方

有修貴省御史隙者摘試錄中誤株累謫兩浙鹽運使然竟以平苗功賜金一十五兩為運使歲餘轉僉事副使又明年為福建右叅政未幾轉按察使晉左右轄遂擢右副都御史巡撫山東是時京輔新中虜而山東為左臂調發倍於平日積謀所以善後者曰飭軍務處糧餉備災荒議保甲革冗員薦逸才疏凡十餘上東方倚以為重尋遷南京兵部右侍郎而積陟歷瘴方勞苦兵事日漸省累疏乞歸辭甚懇乃得致仕積雖以耆廢猶能歲時行圃具酒食聚親賓談說鄉里事以為樂間與故人雍容杯棊論文義竟日

不倦如是者十有六年而卒春秋七十有六

朱 統

朱統字子純號秋厓長洲人父昂文學掌故罷歸母
施生統甫三日異母兄冠欲取統戕之且將圖施母
施以百死全之統舉正德庚辰進士守開州為軌賦
平其徭時利賴焉為郎職方南都奄橫有所侵撓裁
之法請著為令遷參議江西初東鄉置縣奸民避徭
上公車訴連歲不決立訊得其情移四川按察副使
威茂番素驕時出掠官軍一矢不敢發賂遺之乃去
至則勒兵待番尚徃焉驟與之戰大獲首功驚請輸

本朝分省人物考

卷二十二

四十一

南直隸

平又為畫所以給餉戍者境遂安無患遷參政山東
時以魏滑兵戍鄴之涉縣統當在行同相度形勢以
東兵守甘土嶺畿內兵守毛嶺鄴兵守故關而又令
東人自給饋因下議主客遠近東既煩遣率費又千
里飛輓非便且守涉者為隘在南設虜出不意入我
不守境則何及東人且在敵後矣議遂奪卒罷屯進
都御史撫贛以閩浙被海郡奸人數與夷市以私其
利積與之通至豪奪殺掠咸為之嚮導而奸又藉朝
賞以為之中庇統廉得其狀義不避難即力疏請先
治其內賊乃敢任捕倭 上從之遂理根排治窮竟

其奸旁側目者百方挫沮未得卒能督兵以平

安寇忽有言貢者在浙意叵測即又馳至納之館

待 命持構者方導之為變造詭語統鎮以靜使不

敢發益督閩將盧鏜由海中趨雙嶼等隘合浙兵進

與賊遇疾力戰縱火張天斬獲甚夥又連戰敗之追

賊入嶼挑之不出乘夜突圍逸夷其巢燔烈之并燔

艘二十七又一巨艘來駐沙中縱追鋒舸益前蹙之

摧破焉獲者溺者斬首愈眾兵勢遂振銅山青嶼南

荒等島穴賊皆望風遁統又親躡其蹤於閩海中至

雙嶼議留屯眾難其險絕稍為築塞而還閩人嫉其

本朝分省人物考

卷二十二

四十一

南直隸

且將為已不利有所論時汀漳失囚逸於海透入於
江諸方繹騷又奉 詔改巡視益督諸將追賊下溫
盤諸出沒所大克又處賊侵衢亦平之浙以無患而
素與賊連者愈憾百端壞敗其功下亦且偃蹇不受
命統誓以死圖劾自辨折蹇蹇不已明年春命督將
鏜按察柯喬於閩皆出洋中跡賊至詔安之靈宮澳
合諸軍設覆山上下千舸具進賊徒兵伏敗之趨船
者疾力鏖之覆溺殺者甚眾擒夷王三人白番十有
六黑番四十六皆悍惡異狀可駭賊首貴等一百十
二人斬級三十餘他資械等稱是皆五澳宿賊驍黠

者并殲焉及夷之貴王妻妾咸無噍類漳人大恐有盡室浮海者捷聞則與連者無所釋憾反疏言其擅殺作威統罷而諸出死力殺賊者皆召令對簿譴責之矣按使者楊元澤亦以奏上得罪與并謫統竟死於家

沈 漢

沈漢字宗海別號水西吳江人也正德庚辰進士時武廟南巡未賜廷對明年辛巳 世廟繼統五月策進士釋褐即拜刑科給事中既被簡遇奮然曰天下之是非係臺諫是非公君子有所恃而不恐小人

本朝分省人物考

卷二十二

四三

南直十三

有所畏而不敢為國家之治理出焉阿徇自容諛諛得失之小而無係於安危之大又或仰喙權勢蔽賢妨正是養亂而惠惡也即言亦何賴哉中官馬俊王堂自南京召至將復叙用曰人君初命當慎刑賞重命令宦璫既斥而復進則倖門一啓不可再塞先鑒未遠也竟論罷之改元詔蠲四方逋稅疏曰逋負之稅侵漁者半例加以曠蕩恐猾者生羨心請差別其等以惠良民又曰近日藉沒之貲不下數千萬悉發以補歲入不足之數則民受賜多矣 上皆加納戶部諸司之草場芻豆歲鉅萬宦監乾沒視為利藪初

詔命科道稽覆會有旨已之漢曰凡國家之費月成歲會載在令甲令弊蠹蔓衍盈縮莫可考則弊將何極况渙汗方出而即反豈初政所宜爾自是中貴嚙之深矣會留都風雷之異京師地震乃援漢五行志反覆數千言指切時弊至於論正體則言錦衣衛不當典刑獄論官人則言林司寇不當使去位論先哲則言子游當有專祀於其鄉皂囊千牘風鳴鶴擊正名分陳紀綱去邪掖正勵世表俗皆體之大者時論翕然歸重初奉母就養燕邸癸未疏乞奉母還詔許之既而廷臣以言累獲重譴漢嘆曰是尚可有言乎

本朝分省人物考

卷二十二

四四

南直十三

乃復以疾請得賜告家食者三年丙戌至京師遷右給事中丁亥遷戶科左給事中會廷起大獄辭連權倖管蔽甚力理官持法不可奪尋有旨逮諸理官付詔獄人皆側立漢上疏抗論曰祖宗之法不可壞權倖之漸不可長國之大臣不可辱賊之妖妄不可赦於是權倖忌嫉嗾當路害之坐是罷拂衣歸吳中結屋傍幽勝處彈棋賦詩放浪山水間賓客至則掀髯鼓掌笑飲移日凡二十年忘其身之為淪棄也丁未卒于其家

本朝分省人物考卷之二十二



人物考卷之二十三目錄

南直隸蘇州府 六

陸 鈇

王 寵

陸師道

袁 翼

沈 啓

章美中

曹 祥

黃省曾

施 鳳

顧存仁

陳 交

盧 襄

趙承謙

王 忬

王 庭

王同祖

本朝分省人物考 卷二十三目錄

張 泰

黃姬水

陸 粲

趙 汴

張憲臣

皇甫濬

曹 達

劉 畿

錢 泮

李憲卿

嚴 訥

張 寰

張 基

瞿景淳

皇甫濬

南直十三
李昉

本朝京省人物考卷之二十三

南直隸蘇州府 六

陸 鈇

陸鈇字舉之吳縣人副使傅季子甫能言母命之以字百試不爽稍長慧智開發一目輒數行下為文精恪典雅大為時輩所宗已卯舉於鄉庚辰會試中式辛巳廷對擢甲科第二拜翰林編修讀書中秘銳志問學盡覽經史百家儕輩素以才名著者皆誦下之尤砥礪名節以古人自期待時議禮諸臣故傾心於鈇欲引以為重鈇卒不應其人以為少已遂銜之會

本朝分省人物考 卷二十三

南直十三

預修 武皇實錄成進修撰已而大禮告成議禮者秉憲修宿憾遂出為湖廣按察司僉事職江防時司署新設除戎禦侮簿書文牒皆創為之而飭敘振刷憲度井井諸僚竊相與議曰嗟陸君老吏殆不如矣已而稍遷江西叅議職司糧儲輒能釐革宿弊盡徵諸所逋負又酌諸郡之贏縮驗物產之登耗而損益上下之人皆以為便遷山東按察副使職專學校乃明章程嚴品式正文體其雕蟲靡麗則黜抑之期不詭於大道所至敦尚孝弟分別義利才儁有篤行者引之若肺腑士習為之不變斥佛祠道院崇祀先哲

山東舊無通志喟然歎曰海岱山川之宗也孔孟人物之望也六經文章之祖也惟茲一方之志而天下古今之事備焉志何可廢遂考古訊今補遺正訛窮日夕不懈比踰年志成而武則病矣遂上疏乞骸骨不報遂卒釵性資溫厚和而不流口未嘗言人之短而剛大之氣侃侃不阿犯履啞之戒曾無回忌卒坎

王寵

王寵字履吉別號雅宜山人吳縣人都御史守之弟也正德初與兄並選隸學官媿聲儷迹翹然競爽既

本朝分省人物考

卷二十三

二

南五十三

而守連第以去寵少學於蔡羽居洞庭二年已讀書石湖之上二十年非歲時省侍不數數入城遇佳山水輒聽然忘去或時偃息於長林豐草間含曠賦詩倚席而歌邈然有千古之思吳書學自宋克允明逮寵皆得魏晉法而寵道逸媚秀時名尤歸之胡纘宗守最相推重人有以千金求請託者寵竟不顧麾之

陸師道

陸師道字子傳長洲人始成進士所射策入故相夏言手大奇之為言於故相李時曰是子也其文賈董而書則鍾王以第一人聞是時上不盡寄相臣柄移之二甲第五選工部主事任職廉潔夏公內自恨奏改禮部供制勅師道雅不欲近相臣而念越人勇之說進所取應制酬代漸詭因母病請急歸待久之母病漸劇會所予告過期遂不肯出益肆力於學自九流七略稗官黃衣之屬亡所不窺益工歌詩以及文辭又習書小楷以至古隸皆精絕又傍晚繪事簡

本朝分省人物考

卷二十三

三

南五十三

淡咄咄逼倪元鎮時文待詔徵明里居師道造門用師禮禮之或謂業已貴胡折節乃爾且不聞世以稅日文先生耶師道曰夫文先生以稅藏道者也自吾見文先生無適而非師也奉之益篤文亦篤好之即膠漆莫喻也諸臺使交章特薦而師道日從吳中同志評騭今古攷校金石三蒼鴻都之學茗盃鑪香翛然竟日間出遊汎石湖取越來道放舟胥口尋覽虎丘上方支硎天池諸勝吳中好事人操酒船跡之於山水間亦無所拒取酣適而別興到弄筆一點染若重寶迨母以老壽終哭毀幾滅性而素所友愛弟安

道亦卒以是日邑鬱忽中風厥久之漸愈而性理亦少錯矣居林下踰二十年乃起補南儀部 召爲膳部郎中甫擢尚寶少卿尋奉使祭秦先王殊自快以生平所慕者關中形勝今幸一寓日焉乃縱遊二華觀龍門砥柱浴驪山溫泉弔漢唐諸陵所至皆有詩而秦之嗣王習聞其名厚幣以饗謝弗納歸署尚寶篆亾何故病復作乃上疏乞歸越六年卒年六十四師道初號元洲尋更曰五湖以表寓也所著文集左史子漢鐫若干卷

袁翼

本朝分省人物考

卷二十三

四

南直十三

袁翼字飛卿吳縣人少警敏十歲能把筆爲文有奇語稍長益事博綜奇文秘記日討尋不厭聞有異書輒奔走求之併金懸購至解衣爲質弗惜也正德中舉於鄉以母病不赴自後逡巡凡二十年遂以自老平生名義爲急口不言財利事與人處無岸谷而任情矯亢不能俛仰一有所觸狂叫奮擲是是非非必達其志晚益耽髒深藏不出讀書樹藝自娛而已闢小圃種菊數百本嘗曰吾於是萬事可捐惟積書種菊不能忘情或時餽費不繼回視所有欣然自樂不復知其貧也優游六十餘年而卒翼善爲制義其名

篇大都入王文恪稿中而翼不第故世知文恪不知飛卿卽所著撰古文詞亦竟散逸存者昔人謂文之傳不傳故自有命信夫

沈啓

沈啓字子由吳江人母姓時夢若麟爲鳥者寤而生啓正德間舉鄉薦更七舉始成進士授南京工部主事 世宗幸楚所從水道則南京當具諸樓船以從然具而 上或改道徒耗縣官金錢不具而 上猝至且獲罪尚書周公用以問啓對曰召商需材龍江關急驛偵 上所從道以日計舟可立辨夫舟而歸

本朝分省人物考

卷二十三

五

南直十三

直於商不舟而歸材於商不難也已 上果從陸得不置水衡錢周乃大賢啓矣中貴人請修 皇陵尚書宋公偕啓往視啓言於中貴人曰修陵盛舉也但高皇帝制 皇陵不得動寸土違者死今修則不無動土罪則誰任中貴人貽聘者久之但飭垣屋以報所省復巨萬宋公益賢之見則不以官稱而恒稱沈先生啓後先所承認獄三十餘事讞亭情法間至損 上威以信所守出爲紹興太守賦舊爲胥吏穴焉故亂其藉無所稽爲斥山澤從量沃衍哀次高下定其征無得清又令力役之征視田爲煩簡定爲畫

一遂為經法至今賴之無何而既聞海之賈於船者
 挾島虜以通我奸民詔大中丞朱公統治之朱屬紹
 興守遂合策思盡剔其奸當事者反中朱公以快奸
 民因并中紹興守是時已副使湖廣矣時黑苗倡亂
 啓與監軍張副使偕之軍所卒狼跳挾一首至云此
 黑苗酋某也啓紉之曰黑苗酋某久著勇而此僅踰
 冠必詐也令引去監軍且不憚俄而黑苗酋復出抄
 掠監軍乃前謝曰公實教我時官軍利級賞多所縱
 殺啓令生獲口與級同而全活者衆啓之名日籍籍
 起乃用紹興守事罷啓歸矣啓博學閱覽徧窺諸經

本朝分省人物考

卷二十三

六

南直十三

章美中

子史陰陽律歷水利洪範堪輿家言而邃於易理所
 著有家居稿南北稿西臺淨稿越吟楚吟南廠志南
 船志杜律七言註晴憲便覽吳江水利考吳以水為
 國利害繫焉一中水潦民皆鼃鼃之與同階啓言水
 道甚詳其支流皆究所從出與其所滙為澤蓄洩各
 有其經非僅闢靡於筆楮者卒之年七十有八矣

幸無相志也為弟子員試輒高等而所授經諸生修
 贊輒以分諸昆弟無異儲久之舉鄉試又六載成進
 士拜大理寺右評事滿三載考遷左寺副潔修自矩
 於人寡合退曹儻一牝馬羸至骨曰吾蚤暮亡貴人
 造請安事千里也擢江西按察僉事分部豫章豫章
 故多顯貴人而相嚴亦在部中凡相嚴所愛幸監奴
 戚黨指使陰喝郡邑若取諸寄來往郵置視以為下
 廐美中一切禁弗予恚即榜繫之臺使者為請弗得
 自是嚴氏奴多取間道去而所按讞即它顯貴人居
 間亡所假借豫章諸王有藏匿亡命者遣謂之曰法

本朝分省人物考

卷二十三

七

南直十三

自 高皇建也王為高皇帝孫而身忤之使者以宗
 正條收王之舍人子王亦終能匿之邪立出亡者人
 或謂其太嶮得無虞身耶美中曰吾虞隳三尺耳不
 能為七尺計民舍災馳而拜之反風火息已捕逐豐
 城盜賊其魁餘黨解散前後臺使上書薦者凡十三
 輩而會入賀萬壽謁報相嚴無加禮相嚴復用前事
 內嚙之持不肯下凡五載始遷廣西參議廣西故西
 南夷地多猺獠錯漢民而居奪攘矯虔日尋干戈一
 以法整櫛之咸惴惴受約束盜陷太平諸郡先諸道
 兵擣其衝捕虜首百餘設伏夜擒賓利徭降之以其

間修明學官令風諸弟子衿裾其黽結彬彬矣而所按部出入箚若冒瘴毒浸以成疾數請告會遷四川按察副使鎮松藩念疾無已時而徙地益遠益忽忽不樂遂遁歸里不復出時年四十四其為人若嚴冷抗手軒目寡言笑或以貴倨目之而中實冲然不自足於詩近體宏爽開壯有開元大曆風書傲祝京兆得大令遺筆然自謂日力寡衆體未備云

曹祥

曹祥字世奇太倉州人少居貧贅時氏力讀書而數奇僚婿王生已爲公車士矣婦母張媪薄祥不以爲

本朝分省人物考

卷二十三

八

南直十三

婿祥突煙冷卽併日食不從張媪乞釜焦張稍悔割田遺之謝不顧試高等且廩以讓其友貧者支生遂領鄉薦北上抵安德遇盜同行一越人墜蹇驢不能上卽以已騎易之以母老就官建陽訓導遷教諭懷安祥集諸生之憂餒者得百人爲大金潛貯粥糜魚羹以食之而課文義以士行相規切傲弗逞者鳴鼓聲其罪邵康僖公視學政獨賢祥舉以風七閩又六載始得令新昌其爲治洞坦不設鈎距諸來訟者取片語而決或撻之至十輒罷之曰休矣趣而歸耕織矣間謫一二訟師斥之境外民貧苦重橐嫁多弗舉

女祥咨於士大夫爲嫁程若嫁厚者取婦而責素裝者產棄女者以次第法祥築長堤捍溪水行隄所而吏民畢從者祥手一最重石肩筐土而日視吾力所任而準辰至酉罷亦以吾爲準蓋不閱月而堤成九載俗幾變邑人之有女者以千數携而送祥邑當台處孔道祥獨不事厨傳曰奈何疲民以取譽以故鮮賓客聲而獨應司寇大猷爲吏部郎稱其嚴不苛辨不擾察不細控不飾挫不折峻不激成不怠用不求爲循吏第一祥當之部考最以母年高嘆咤曰吾雖宦不一日倍母而今何忍倍母也取部符篋之亡何母卒終喪遂不復仕新昌人爲立碑頌德祥在新昌九載臺使者薦書亦屢上陸太宰者鄉人也祥不捐咫尺書以贊太宰後坐法戍而道新昌執手曰甚愧見公祥仕宦後先十八載而廬產無所增益里居杜門間出服田父服道傍望里中子肩輿來輒走避市舍須過乃復出而於鄉黨會用齒推爲尊則攝齋坐上坐亡所遜而間於末坐少年非是折之苦爲面赤或曰祥是不從輿中來人耶笑曰徒者避輿者當而坐者與坐者抗議亦當鄉黨乃益嚴重祥然會亦益稀王世貞曰行罰而使其人不怨爲德而身忘之古

本朝分省人物考

卷二十三

九

南直十三

之道也年八十二卒遺令曰毋以誌銘溷乃公

黃省曾

黃省曾字勉之別號五嶽山人蘇州人也當舞象日
一下筆而屈其豪賢長者即王少傅喬太宰不敢稱
前進而下交之乃以書贄於北地李獻吉相與揚扝
自六代西京而下洞如指掌猶歛然以為無當于世
日夜攷載籍徵耆碩以究極乎古今興衰倚伏之變
國典廟彝禮樂之詳兵車水土平準之策下至於星
曆醫卜靡不饒辨文亦多為俳儷引援緝綴廣喻肆
陳獵前人之華而追琢加之故鎔冶衡範操裁具嚴

本朝分省人物考

卷二十三

十

南直上三

亦可自奮於千載矣乃愈以為即當於世亦役我以
老而無當於真我遂走謁王文成於陽明洞天了然
獨悟天則之妙歸而著會稽問道錄自謂得王氏玄
珠然絕不以語人又不立門戶而所謂問道錄者綱
之以十襲之細而不更發中間嘗應魁薦一遊南宮
有所不可輒歎曰此為置千里骨者耶吾束吾腹歸
矣高其德而弗耀卑其功而弗試其言之通於德與
功者又秘弗出僅以其餘而應天下天下亦遂以其
餘而欲盡其所藏夫豈易盡也哉

施鳳

施鳳字鳴陽吳縣人少隨大父貿遷淮陰晝執烹飪
夜勤誦讀或行道中默誦所肄觸人莫覺也嘗經孟
子河與儕輩閱道傍碑一過曰吾能識之矣歸而書
之不失一字時倪文僖公為南京禮書以所業往見
文僖驚焉為介於陳御史直夫直夫理學淵邃得之
甚喜曰從吾游者多矣好古不同流俗惟鳴陽一人
嘗語之曰科第易得成一名為難於是益潛心理學
所得深矣既歸吳中時浮梁戴公董南畿學政遣縣
丞敦請入試鳳以病辭固召之又辭益勤學過苦因
得眩病自是不復事舉業雲間錢學士以經明行修

本朝分省人物考

卷二十三

十一

南直上三

薦諸部使者或者因以牟利鳳曰以利媒進吾不為
也自是不復事進取先墮荒穢綽楔傾圯傷之而力
不及有言於當道者有司為之葺理因廬於墓所開
門授徒闢圃鑿池養魚種樹性度寬和而有思致種
蒔必謹察天時物土之宜淺深疎密卑高向背盡草
木之性故所植皆蕃茂多實久之枇杷楊梅柑橘葡
萄茶茗罔不畢具松千挺竹千竿樹皆合抱成林鳳
食貧礪行非其義不取有不足亦不以干人疏食餽
粥案惟三禮敝袴破帷十年不易亦不垢污敦行孝
友恭慎遜讓家人輩皆化之僮僕皆循循慤謹初鄉

有狂悖數犯鳳不校且益厚之其人則自悔改自是
鄉人無敢犯者有盜爲暴使人備之盜曰歸語汝主
安眠吾不爾犯也山人多淫祀一切革去戒其家勿
得事浮屠道士四時享祀一依古禮少苦羸病晚乃
輕安登山步履如飛燈下能讀蠅頭細字晚構一臺
於松竹之間客至相與宴飲怡然終日人未嘗見其
有戚容客有貴者過而問焉曰君何所得而樂若是
曰吾無得也吾所欲易足耳貴者惘然自失曰吾足
而不足君不足而足然則君其富耶吾其貧耶

顧存仁

本朝分省人物考

卷二十三

十一

南直十三

顧存仁者太倉州人令餘姚能舉其職召拜給事當
肅皇帝初疏上言事多愷切且直指 上身請典
學修政柄相謂不當言逢 上赫怒徙邊者久之赦
歸 穆皇帝召起累遷至太僕自以嘗蒙譴謫削籍
又遇拔擢寵貴不有奇謀便計利國家終何以報
上哉乃思止足力請歸遂卒

陳交

陳交字汝同常熟人母一日夢吞斗間一星遂有娠
生而朗秀不凡既就傅卽儼然自持舉止不苟其所
嬉戲惟密書先聖賢名號日禮祀之同學姚生私購

淫書其流輩竊玩轉相手錄交奪而火之衆皆大恚
交曰吾恐壞人心術耳時桑淪齋公聞之語其父曰
此盛德事不謂兒童能之也嘉靖初舉於鄉屢試南
官不第謁選得浙之永康縣永康舞智難治一以真
誠待之不事鈞距而士民自不忍欺道通五省冠蓋
相屬驛傳供億往往告匱一切裁抑縮費十四五民
得安堵而過客則不便之矣有以毀言至者交曰吾
寧解職以謝耳何忍趨合迎悅而爲吾民病哉俗產
女多溺不舉嚴爲之禁活女甚衆巨寇湯民範烏合
爲亂挺身往諭之立散其黨疑獄淹久立爲剖決兩

本朝分省人物考

卷二十三

十三

南直十三

造讞斷裁以情法干請者雖大官貴人毫不以徇改
知湖廣與寧徭徭出沒爲患以計擒其渠魁十餘人
皆歸降號之曰新民歲大旱微服步禱於江濱諸邑
不用而興寧獨雨民喜相謂爲陳侯雨上官異之命
建靈雨坊紀其事邑枕巖穴民多虎患令民編竹爲
戶禦以藥弩虎遽出他境以去當路剝薦檄褒行有
崇陟而交念母特甚遂浩然而歸兩任自奉皆取諸
家其在興寧憫其饒瘠卽俸銀亦辭不受永康庫吏
以羨金五百進興寧巨室以金繒雜贈之皆以資其
路需却勿納也行李蕭然圖書數卷而已興寧人謠

曰須臺月雖好不若陳侯皎楚江水雖深不若陳侯清歸家獨處一室澹然自守門以外事不惟不預且不省問筮仕時有勸以債乞美官者謝曰將欲事君而先欺之非臣子之道况位以驚得則名器濫而吏治不振豈清時所宜有哉初其父念交年少不能事生產僅授田百畝以其貲屬諸伯氏命之同居俟交之長而後畀之後父卒以田讓伯兄亦不請歸父所屬者大中丞虞山陳公為作傳以表之後伯兄欲託孤以金委之伯兄亡旋歸其金而不令其母子知也扶植其子愈于伯兄存日大都端肅方正本於天植

本朝分省人物考

卷二十三

十四

南直十三

平居見諸子未嘗不冠雖盛暑未嘗不衣雖急遽倥偬此心不擾卒業南雍時隣女奔之明日即徙其寓亦不以言於人鄉人有冤獄為白於諸道釋之後以女為謝正色拒之平生絕無姬媵見人畜嬖倖心惡面斥不少貸所註有心說主一稿皆其所心體而有得者年八十餘而疾作其子泣請遺命曰吾使若等為清白吏子孫斯吾之所遺乎因命啓篋視有書冊五皆平日手錄名儒粹語日以付吾孫令熟識之他則自數敝服外一無有也言畢而逝

盧襄

盧襄字師陳吳縣人嘉靖癸未登進士初授刑部主事改兵部職方主事丁亥陞禮部祠祭員外郎戊子再陞兵部職方郎中初官法比即思以政業自見克勤其職暇輒檢閱故牘求其爰書論報而習之故析律詳明不少訛縱然亦不事深文有竊盜四人法不至死御史掠治當以三犯襄閱實以初犯抵罪或以成獄為嫌襄曰避嫌而殺人忍為之助乎卒論出之任雖不久而所平反為多其在本兵尤留意戎政嘗奉使校閱邊關及閱馬近畿所至訪材官謹亭徵展采錯事長於經畫又嘗奉命典試江右讐閱明審取

本朝分省人物考

卷二十三

十五

南直十三

舍惟公凡名流久淹場屋者悉見識拔一時稱為得人立朝未數年凡閱三部皆在本科凡諸曹章奏悉從關決所在職辦諸尚書並器重之然亦操切強執不為時人所喜其橫被口語亦以是也長身子立而矜嚴自持羣坐中不妄出一語然其中予奪分劑未始少失尤善廉事有所審畫必中專機遇政有缺失或民間疾苦必具疏以聞如言維揚賑饑西北邊備及江南農田數事皆經遠之謀非徒苟焉圖塞目前而已雅性喜學居家時每得異書輒手自繕錄既仕益勤雖薄領叢沓而不廢佔俾為文專腴明暢能達

其志詩尤精詰不苟出出必求過人所著有五塢草堂集所編集有石湖志石湖文略盧氏世譜他所纂葺多未成書

趙承謙

趙承謙字德光號益齋常熟人父玘嘗從田家游見饑民相聚拾草實道上爲發粟數百石賑之坐是家日索德之者度無以報則晨夜稽顙祝天曰願趙公有子已而趙公竟有子四人承謙其二也以嘉靖十七年成進士拜江西贛州府推官持法嚴胥吏不得闡語間里相告訐者比以情法不僭不濫贛縣尉爲

本朝分省人物考卷二十三

十六

南直十三

龍南盜所劫單車部兩卒直抵賊巢陳說利害賊錯愕迎拜立出尉中丞檄督商稅洗手奉職公私便之秩滿召爲南京吏部主事雅自顧籍不喜交俗人僚屬中特與鄭澹泉公楊椒山公友善時時相與論國家大計冢宰張文隱入相每指數廉吏必曰某故嘗斥俸金百餘爲諸曹郎置邸舍者二十八年出爲廣東叅議和平賊李文彪爲寇嶺南潮廣兵備尤公就問勦撫之策安出以爲五嶺雜夷民輕死習戰而江閩山谷之間故爲奸穴每出他省肆行剽竄當事者於嶺民稍羈縻之使彼此相疑各爲一省之藩籬

必非利也今驅市卒與梟虜爭一旦之命恐坐而益敵如近者龍南寵義之事其效可睹也尤公是其議使使馳檄諭賊爲之歛兵從謙貌若儻易不備至其當官治辦臨大事密靜有思蓋皆自學問得之初爲南吏部時聲籍甚嵩子世蕃索數百金可得美官笑應曰犬馬齒長懼不任事且安所得金謝絕之居廣東三年與御史數爭事不相下竟投劾以歸年八十二卒於家

王忬

王忬字民應號思質太倉州人少以文學名三吳登

本朝分省人物考卷二十三

十七

南直十三

嘉靖二十年進士授行人選監察御史按湖廣至卽劾罷所部諸墨吏曰必及吾瓜期而後罷謂楚民何由是威行部中無敢漁獵細民者中官廖斌鎮承天擅勢毒民陷前部使者至成忬語斌曰貴人所不魚肉吾百姓者吾請事貴人貴人不知而舍人子魚肉吾百姓者吾爲百姓治之不以及貴人凡吾有所裁終始全貴人耳斌凜懼終任無敢犯改按順天庚戌秋虜猝擁數萬騎犯古北口忬曰古北與虜一墻限耳我兵懦不勝敵倘突入奈何通州聚六師之儲實要地也願爲上守之卽日行部至通亟趣吏士登

俾舟楫在東岸者趨徙之夜半虜果大來竟不能踰河而西特旨擢忬為僉都御史拜命則疏請發帑以賑諸中虜者又言京城無外郭彼賊之入民實餌之築外郭便時有議增營兵者疏曰京軍歲費芻糧百萬緩急無所賴宜汰何云增請別設總督大臣轄邊鎮資其兵力以拱衛神京後悉行其言而又請增修通州二城費省且固壬子巡撫山東會倭奴寇浙且侵閩復擢提督軍務巡撫浙江兼轄福建漳泉二郡至則委心叅將俞大猷湯克寬奏釋在繫指揮盧鏜尹鳳而括蒼多惡少年則以其人悍而喜鬪招集之

本朝分省人物考 卷二十三

十八

南直十三

分置諸部於是謀知賊巢據海港橫嶼中夜從間道火其巢賊眾大潰忽風起勢亂賊乃得脫俘馘三百餘級尹鳳時部閩兵則邀餘眾於諸洋又擊之所俘馘亦三百餘級捷聞 賜以金幣是時賊魁數輩而蕭顯者號尤狡率倭四百逼松江松江守告急乃顧盧鏜而謂曰我出汝死何以報我盧曰請取蕭顯以報公命卮酒壯其行授以銳師盧倍道掩擊大破之按江左者疏聞以為越境全郡其功尤偉因行部凡二十餘縣計倭所由次第畢城之獨慈谿謝不可去一歲而慈谿破始就城復得沿海大猾為倭內主者

繫之覆其家賊自是無與鄉導往往食盡遁矣甲寅移撫大同先是虜入大同沒大將覆其師撫臣坐失律下獄議置代未決 上諭相嵩中外臣誰真忠者嵩違遽不知所對 上曰吾向所自拔王忬耳即手勅吏部以忬往大同比至具言歲侵乏軍與狀請金粟賑之虜復入寇與總督許公合兵破之斬獲無算捷聞進兵部右侍郎乃分遣諸大將趙卿輩以馬步兵十餘萬守諸隘游兵佐之與宣大督臣約諸地在宣大而險在內者移宣大兵為內守地在薊保而險在外者移薊保兵為外守九月虜悉眾屯懷來川攻

本朝分省人物考 卷二十三

十九

南直十三

南塘黑衝峪已又攻大石溝各發兵拒走之捷聞進右都御史兼兵部左侍郎如故奏減諸路防秋騎兵馬六千餘匹曰守利步不利騎奈何以二戰士糧供一馬非策也又招掠夷漢一千五百戶會虜辛愛數萬騎挾朶顏酋為鄉導入寇我所遣謀多被殺請援兵復不應虜竟入潘家口鈔掠而去御史方輅受草都御史鄒懋卿言忬病悸不任事負 上恩遂逮制獄世蕃取讞牘削去功次竟以失律論斬人咸冤之後嵩敗于世貞世懋伏 闕陳冤狀得還故官

王庭

王庭字直夫長洲縣人登嘉靖進士授許州守許之郊有殺人者匿不獲又劇賊鞠未服皆立得其情訊置於理人咸神之後改國子博士命主山西鄉試陞南京禮部主事秩滿陞福建僉事備兵建寧時礦賊夏崇嘯聚千人殺及府佐都司官不能制密捕其黨一人解縛叩之約曰能執崇來當貸爾死其人許諾不數日果給崇出遊伏兵擒之名震一時尋乞終養數年復補汀漳兵備席帽山洞賊負險出劫莫可誰何庭單騎挾兩僦從入其洞頒正朔及布帛以禮賜之洞人皆北面叩首願斬不法者後數日果持二賊

本朝分省人物考

卷二十三

二十

南直十三

來獻諸郡肅清陞江西叅議值大旱禱烈日中數日得痰疾藥勿效乃上疏乞歸行李蕭然惟蘭數本而已時年方及艾歸與文待詔徵明王吏部錄之從事山水觴咏間與趙巡院厚善以罪人田百畝遺之不受也吳令曹公清介絕俗偶觸大吏將罷之庭陰爲力辨甫得解而不使曹知享年八十有四而卒

王同祖

王同祖字繩武崑山人也豐下長目美鬚和易坦蕩不設城府二十四薦南宮明年始廷試授翰林院編修爲詩清麗有唐人風善草隸一時才名大噪而新

貴人有同年者故爲同祖所輕內啣之假大察逐之歸蓋十餘年置東宮官僚以編修兼司經局正字起用同輩皆顯重而同祖猶僕僕一羸馬青衫僅遷國子司業時北虜歲大入邊殺掠吏民上書請捐內帑數百萬金以間購北荒外之虜與中國夾攻而不得其主名凡再上御史以非所宜言糾正之益憤憤不自得請上還宮改元創新政以整齊宇內改元上所諱也見之恚甚幾欲置大辟尋解斥爲民暴得風疾久之卒雖官控名損然負材不獲究至今爲流輩所惜

本朝分省人物考

卷二十三

二十一

南直十三

張泰

張泰字亨父本姓姚氏世爲崑山人曾祖瑞代晉陵張其戍太倉衛遂冒其姓泰生而秀穎書過目輒成誦性豪邁時輩日夜兀兀抄讀陳腐文字頗鄙笑之登進士爲翰林庶吉士名隱隱出行輩中遭父母喪服闋除檢討聲名籍甚四方之士願受學焉久之陞修撰踰月得暴疾卒泰爲人坦率絕去厓岸然憤世嫉邪特甚酒酣耳熱談論當世不平之事激烈奮發爲之攘臂岸憤恬淡自守獨喜吟詩所著有滄洲集行於世

黃姬水

黃姬水字淳甫吳縣人年十四補邑諸生試文甚工傳誦通國會二親繼歿遂投冊而歎曰向佔俾窮晨夕歷寒暑而不辭者欲循榮軌娛親日暮也親不待矣將以奚為嘉靖中島夷內訌携家僑寓金陵一時名勝慕之輻輳賡和卽最能詩者出其下所著篇什甚富有白下集始作精麗宏博至是改轍而趨澹詞雅調然亦無徑率凡穉語王元美亟賞之評曰吳習務輕俊微傷於淺中原好豪伉不免於粗淳甫乃能劑矣島夷平甫還故里雖家四壁立而愈益喜法書佳畫極力市易或遇窘則復斥以資食指所居環以奇卉異石焚香獨坐蕭然世外當風日清美携酒自勞曰此亦令人駘蕩居然有三峨五嶽意吾老是矣自是不窺市井雖故交亦罕識其面惟清泠素侶爲開一徑耳書學祝京兆而適逸過之興至命管書其所撰吟詠夏雲秋蓬低昂奇變已徬徨吟嘯清會要眇韻空煙而迴長風激天鯨而號山鬼神氣適上自覺一座無人卽他客亦莫不擊節呼詫相指目以爲天際真人矣居恒曰士不得志則聲影俱銷若乃托藝業以自見且借交游居間自潤囂埃之不振拔而

本朝分省人物考

卷二十三

三十一

南直十三

沾沾然曰高也寧無辱煙霞而垢薜荔乎會其言可以知其人矣

陸 燾

陸燾字子餘號貞山吳縣人少善屬文王文恪見所作歎曰此子當魁天下今翰林無此文也嘉靖丙戌舉會試第三選庶吉士七試俱首石淙楊公一清稱爲通儒丁亥改授工科給事中衆皆駭異偵之以新貴用事而燾嘗與同輩不肯往謁新貴啣之故有是命甫三日聞邊警卽上疏請修寧夏邊牆以遏虜衝又疏言壅滯之患深由上下隔也乞時延見羣臣盡所懷講臣接見之日少又間以寒燠何以能從容啓沃曲盡事情且言才可用者非出一途宜廣采納而邊方長吏視內地尤當簡慎輕付之不乃視之度外乎又朝廷屢議通鹽法修馬政然太僕苑馬鹽運皆不擇人而徒變法無益也又陳四事曰久任使慎考察汰冗官復制科 上皆採納戊子奉命考牧劾御馬太監閻洪耗敗欺罔之由條上十事允行之中貴奪氣適有重獄厥衛與法司異斷 上罷都御史熊浹抗疏言大獄之疑必當詳慎不宜輕斥大臣厥衛積威已久每株送囚犯於法司雖知冤濫莫敢平反

本朝分省人物考

卷二十三

三十一

南直十三

今據理與爭輒賜罷斥恐法吏以狹爲戒非國之福也 上震怒下錦衣獄杖三十踰月釋之時張桂用事復甚草疏奏劾有鬼嘯於庭曰死卽死耳吾義不可已也翼日疏入自分必死杖下乃獲旨璉以原職罷桂落散官致仕二人貴震天下一旦免黜百僚震悚都下謹稱奇男子傳錄其疏紙涌貴又以粲等不蚤發也下之吏旣而霍詹事韜甚詆其疏謂萼與已同薦王瓊初不受賄且謂石淙嗾粲爲之於是 上意頓回首召璉還政府而石淙亦退矣粲謫貴州都鎮驛與岳倫王準同出都城抵謫所讀書如平時士

本朝分省人物考

卷二十三

三十四

南直十三

遂革前後使者薦其賢凡三十餘牘竟不復用也有大臣屢事者薦疏及粲反貽書友人曰吾不幸乃爲匪人所污其勁正如此

趙汴

趙汴字伯京號震洋太倉州人嘉靖辛卯領應天鄉薦第一試文出海內爭傳誦模倣焉戊戌舉進士授蘭溪令邑屬八省通津使舫輻輳調度有方費約用給庭無滯訟案無稽牘釐弊剔蠹百弛咸振縣治火繼以大水經營賑卹民忘其災發奸摘伏境內肅如等授南京大理評事啓書折獄廷中稱平民以不寬

本朝分省人物考

卷二十三

三十五

南直十三

張憲臣

張憲臣字欽伯崑山人登嘉靖進士謁選得南昌令或虞其寬大不任煩劇曰令可拜跪稿也且倖相地何以處之時南昌饒積牘數倍他縣而黠吏欲以事

嘗之則爭雜緩急牘而進之第行其急者而抵緩者地曰胡足潤乃公也後不以序進立扶汝矣吏咸吐舌稱伏時有段御史者勢張甚一日顧問縣羨金若干吾欲有所餽蓋倖相也徐曰縣無羨御史怒謂南昌令不奉檄覽謀而謾稱無羨曰此乃三殿工羨也縣不敢置他羨御史益怒神色自如後益以治理流聞而御史與倖相後先敗召拜工科給事中即上疏言四事平賦役修水利重守巡謹隄防時方修虜備又疏言武庫甲仗將士司命奈何一切屬中官宜令給事御史得覈之又謂畿試不宜諉司訓老生致失

本朝分省人物考 卷二十三

李本

南直十三

士咸報可憲臣在諫垣久恂恂恭謹不以白簡故加朝紳色而於國家計尤愆慎有指樹數馬風諸公卿翕然稱之至出為浙江參政相驚謂曰張公胡遽離瑣闥也居浙三年為雲南按察使未幾而病痲不良於行移疾歸家六十有二而卒

皇甫洋

皇甫洋字子安長洲人其母夢人授巨鼎而生韶秀穎異能言即解誦書占對敏給異於常兒積學綴文遂有名世之志及選人郡學為諸生益事博綜兄弟自相師友楊推探討務求抵極摠詞發藻迥出輩流

本朝分省人物考 卷二十三

李本

南直十三

未數年相繼舉於鄉與二弟並登甲科聲名文學之盛三吳之士鮮其儷者初授工部主事尋改禮部進員外郎郎中藩夷朝貢凡餼館勞來與凡貢篚之屬往來之儀皆主客領之時曹司怠緩稽留使人經歲傳食供億浩穰洋奏報以時不踰浹旬斟酌維宜視曩時捐費什伍孳顏內屬歲有賞賚發自內帑故多穢濫以其捍邊有功非他濫恩比言於主者俾精擇以給被賜者莫不懽感以去車駕南巡諸夷留京師慮有窺伺悉屏之檄外時稱其遠識自虞衡至主客凡歷四署所在職辦遂為大臣所簡擇春坊之擢蓋緣於此真駕之行先已註籍扈從會改官不果行駕次承天按籍推賞而洋不在有司乘間劾以失事坐是左遷廣平府通判踰年召為南京刑部主事未任丁父憂服闋補南京刑部主事進員外郎尋陞浙江按察司僉事分蒞浙東所蒞天台寧紹諸郡民伎而後黎該喜許量為煩劇所至懲飭綜核周密撫伏若神用兼決敏利案無留牘甫三月而宿蠹為清管內振肅以其暇逸覽觀山川發為篇詠委蛇張弛文治燦然譽聞方達而南遷考覈竟以不職論黜眾莫測其故共相駭悼而已洋沉靜寡與自負高峻人苟不

當其意終日相對默無一語居官任事砥礪操切不肯脂韋取容既多忤物又稍稍與時崖異故愛之者雖深而卒不能勝夫嫉之者之衆也雅性閒靖慕玄晏先生所爲自號少玄子作續高士傳以著志居嘗問學之外他無所事羣經子史莫不貫綜而酷喜左氏著春秋書法紀原選唐文粹爲文必古人爲師自兩漢而下咸有所擇見諸論撰居然合作詩尤沉蔚偉麗早歲規倣初唐旋入魏晉晚益玄造鑄詞命意直欲窺曹劉之奧而軼之所作有皇甫少玄集若干卷

本朝分省人物考

卷二十三

天

南直十三

曹 達

曹達字履中太倉州人嘉靖中舉進士選授監察御史甫蒞與同官糾故太宰汪不法事語過峻庭杖五十謫隨州判官汪亦立罷前是司隸林游權貴間以事干紀爲寘之法而翟某者爲林與主以權貴書居間亦寘之法於是咸目相攝強項曹矣會攝斬水篆章皇太后梓官歸顯陵道經斬水郡縣責供億甚急達飭吏民手板立水次常廩外不益一錢曰斬水非中貴人外藏也中貴人問而知爲達曰是故強項曹耶會風便引帆而去未幾遷南城令邑有貞婦暴

於淫姑以死者聞於上而旌之晉南繕部三年知廣州府有趙丞者以昧露臬司屬以覈之窮竟其罪而直指與趙有故欲中庇焉乃持之愈力直指恚甚達曰趙丞善行金舍之固當竟拂衣出蓋趙丞嘗以數百金行賄而達峻拒之故云直指業已中阻監司有銜之者爲陰愒曰守飛書燕中道矣則又曰守俟三司集庭欲辱公矣直指窘乃誣以他事詔卽就切達上書自白改雲南守而丞及直指相繼罷謫縉紳快之守雲南未幾擢本省副使備兵臨安夷酋阻兵奮身以所部入其巢縛渠率以歸而撫使者以非初

本朝分省人物考

卷二十三

天

南直十三

劉 畿

議格其功反爲他語以中部議調遂解任而去人謂調不當更內地耶曰吾官三十年宦味已如是矣吾有老母在何忍倍母而貪驕餌乎達少貧日僅一粥及貴而老不過三簋人謂其過於儉曰吾視諸君誠儉然視吾諸生時則已豐矣享年七十有七而卒

劉畿字子京號羽泉長洲人舉嘉靖年進士除知瑞安至則造請士大夫延見長老問所利害以九等別戶產以九則定徭役邑當助役夫於鄰驛故困苦之人不堪命畿請毋以夫往而以值往俾自募邑人便

之俄島寇犯黃巖去邑且遠急趨徙傍地子女貨賄
納內城而增其雉堞儲糗糧募兵壯乘城為守備居
月餘寇果至掠無所得逡巡遁去乃條防禦八策上
之臺司著為令瑞安東南衿江其外大海南吼諸島
皆為賊巢益募括蒼泰順壯士雜邑子弟教之為陸
陣扼其吭沿江鑿外壕繞以周垣修列戰艦於海口
與福清蒼山船相牙角調漁舟為偵伺身戎服而旬
試之又明年抑賊於飛雲江已又殲賊於銅嶺賊其
渠魁為令四載先後旌薦數十召拜吏科給事中
大朝災奉勅監營建條八事上之所以搜剔冗濫奸

本朝分省人物考 卷二十三 南直十三

弊殆盡又糺一兵馬指揮乾沒者置之理中外肅然
所裁省萬計進通政叅議仍兼右給事無何而 上
所御西宮災復奉命監造而是時嚴相孽孫鵠以錦
衣指揮預其事負寵驕橫一以法繩之不得少肆侵
漁即有流言弗動也鵠敗陞太僕寺卿遷順天府尹
曰京兆故得備彈壓安能以獄市誘而晝寢輦轂下
耶凡所賦役即彈射豪貴亡所憚猾吏不寒而栗時
乃議城張家灣謂非十萬金不可畿謂以五萬金城
而移大官三萬金先之益以勸募金調度往來僅四
月而城完會所勸募者足還二萬金於大官 上悅

特賜白金文綺進右副都御史督撫兩浙礦賊起婺
源流劫德興玉山遂犯常山勢張甚疏請會直隸江
西兵夾討之不待報而發所部兵由衢州分三道入
擣大破之俘斬勁賊七百餘悉散歸復疏論嚴保甲
以清盜源革冒濫以重名器禁妄派以蘇民困俱報
可捷聞陞兵部右侍郎賜金綺錄一子入太學未幾
移病歸里方擬起用而竟不起矣在浙時御史龐尚
鵬上其功曰劉畿用兵能以正合以奇勝卓然有古
名將風平居則恂恂一儒士也深厚不伐豈與炫才
邀賞者等哉時以為實論

本朝分省人物考 卷二十三 南直十三

錢洋字鳴教號雲江常熟縣人登嘉靖乙未進士筮
仕侯官拊循導利民安其政展錯維勤庶務畢舉當
道材之奏改慈谿為浙省最煩劇邑洋嚴毅自將而
摘伏省微兼以慎慈入為刑部主事歷員外郎中權
貴欲置所仇於大辟洋曰附勢而殺人吾不為也卒
讞出之邊帥執疑似數人以為虜中奸細傳致抵死
洋察其非辜特為執奏同官謂具獄不宜翻異恐罪
不測曰知其冤而不為白何用法為奏上數人者得
不死出守順慶洋久更民牧諳練法比推其緒餘達

於庶政居數年俗以丕變城圯且廢乃召饑氓厚直而使之民既得食工亦告成陞陝西副使直歲饑流莠屬路卽以便宜發廩賑之巡撫以軍餉非奏不宜妄動泮曰陝去京數千里必待奏發民死無遺類矣矯詔活民卽得罪亦不恨他郡饑民相率盜礦耀兵嘯聚撫按檄兵勦除曰此饑民暫以求活麥熟則散矣撫巡因以屬泮於是榜示限以麥熟歸農麥熟而不解卽真盜矣民聞懼曰錢公實生我民民何可負公也咸投刃散去事亦寧陞江西叅政丁艱歸里會倭夷鹵掠所至殺傷常熟濱海帶湖罹禍尤慘泮謂

本朝分省人物考 卷二十三

三十一

南直十三

邑令王公鈇曰寇得志勢必復來不可無備禦計乃練兵飾甲部分調遣甫就緒而倭猝至城下卽登城捍禦連弩繼發寇乃去明日乃自湖北詣漢港泮與王公率民兵抗旌出港轉戰而前殺傷相當俄而倭大眾掩至麾下士皆鳥獸散泮自被數鎗猶手刃三賊遂與王公死焉事聞贈光祿卿廕一子錦衣衛百戶遣官諭祭於家

李憲卿

李憲卿字廉甫崑山人嘉靖戊戌進士選南京吏部驗封司主事歷郎中陞江西布政司左叅議江右田

土不相懸而稅入多寡殊絕憲卿承巡撫檄爲法均派折衷最爲簡易已陞山東按察司副使兵備臨清會施尚詔反河南至五河兵敗散獨與數騎走冠縣擒獲之既寧李尚書默自吏部罷還沿途有司供帳頗懈比至臨清獨勞送禮有加李尚書深喜過望逾年會召還卽日薦陞湖廣叅政未幾陞河南按察使甫四月擢右僉都御史巡撫湖廣奏水災乞蠲貸親行鄂渚雲夢間拊循其民東南用兵禦日本軍府檄至調遣土兵征勦所過牢廩無缺憲卿因奏土司各有分守兵不可多調且徒煩供餉無益其後土兵悉

本朝分省人物考 卷二十三

三十一

南直十三

召歸不復調是時奉天殿災命大臣開府江陵總督湖廣川貴采辦大木工部侍郎劉伯躍以憂去上特旨陞憲卿左副都御史代其任先是天子稽制建九廟而神仙長年之殿及珍臺閒館歲有興造頗竭蜀荆之材乃行巴庸樊道轉荆岳至東川往來督責鈞之荒裔中於是萬山之木稍出然帝室紫宮舊制瓌瑋終不能合憲卿奏言臣自趨涪州六月上瀘淑至山川督會處而巨材所生必欲深林窮壑崇岡絕巘人跡不到之地經數百年而後至合於臣奉命初恐搜索未徧今則深入窮摻知不可得伏望勅下

該部計議量才取用庶臣等專心採辦而大工早集
 一上允其奏命求其次者其後木亦益出自江淮至
 京師旃旆相接而 天子猶以 皇祖時殿災後十
 年始成今未六七載欲待巨材故殿建猶未有期乃
 西工驟興漕下之木多取以為用三省之民暴露三
 年無有休息大臣以為言 天子亦自憐之手諭大
 臣曰殿材果難須設子孫能守即茅葺亦可久於是
 將作大臣頗規削膠附稱 上意而見材度已足用
 憲卿懇乞興工罷採以休荆蜀民詞旨甚哀而工部
 大臣力任其事 天子從之大抵荆楚山廣木少路
 且險遠必俟水漲溢而後出而施州石坡亂灘迂迴
 千里貴陽窮險山嶺深峭由川辰大河以達城陵磯
 蜀山懸千里經時歷月始達會河而吏民冒犯瘴毒
 益出入百蠻之中窮歷南紀之地其艱如此此憲卿
 所以累疏罷役祈為百姓請命也是歲辛酉冬徵還
 內臺明年大計天下官已而病作請告病益侵乞還
 鄉 天子許之至東平卒憲卿為人美姿容談論有
 章自少衣服鮮好及貴益稱其志至京師分宜迎謂
 之曰公不獨才望逾人即丰采亦足羽儀朝端矣所
 居官廉潔不苛故採督三年地窮邊裔而民夷不驚

以是為難

嚴訥

嚴訥字敏卿號養齋常熟人嘉靖丁酉舉於鄉明年
 當上春官會典試者以錄文譴罰弗試辛丑試遂成
 進士選庶吉士每校試輒冠其儕久之授編修乞歸
 省還遷侍讀時江南新中倭歲復儉有司徵歛苛急
 具疏以請 詔下大司農多所蠲貸乙卯主南都鄉
 試丙辰遷學士掌院事庚申進禮部侍郎壬戌陞尚
 書尋改吏部尚書訥念向者柄臣墨吏相貿市為奸
 濁亂銓政非苦身為天下率吏治不清乃下教諸以
 公事調及攻吾闕者俱至待漏所吾固不受私謁又
 盡呼蒼頭飲食勞苦之曰若輩守吾操束內跡毋外
 擇謹厚吏守邸舍而戒之曰若視吾肩鏹惟謹外跡
 毋內有郡守使人上謁以屬吏而鐫守三秩曰吾不
 愛一守以明吾志門庭闐然延接賓客咨訪人材
 孜孜無倦一時卓行異能之士毋問鄉舉歲薦皆驟
 得優擢而異時名人屏居田間者次第推轂幾盡而
 復恂恂不自居上則推功首揆下歸功於司屬於是
 皆以為長者能勞而不自有其德尋加太子太保進
 武英殿大學士仍綰部事然訥自直西苑晨出理部

本朝分省人物考

卷三十三

三四

南直十三

本朝分省人物考

卷三十三

三五

南直十三

事夜則應制撰述目睫不得交又直廬甲隘濕中廢遂病力疏賜骸骨歸屢請得允時訥以輔臣謝事歸子舍而封公太夫人皆壽康無恙吳父老詫歎以爲古今所罕覩也

張寰

張寰字允清崑山人登嘉靖辛丑進士知濟寧州至則減損戶徭拊循流亡修學舍棟生徒才俊者督課之創方正學祠州當孔道晨夜飭儲糧候望後改知濮州濮與濟比境而僻寰益蠲去繁苛出庫錢以賑饑荒水啗州城新築增羊馬城東郡有大賊詔書名本朝分省人物考卷二十三 三十一 南直十三 跡捕不得陰誘其豪具得囊橐遂捕斬之尋丁內艱服除補開州州瀕河河水退多填闕之田豪民兼併以虛租影射下戶寰命魚鱗比次以絕其奸輯州志修魏公子路墓陞刑部員外郎獨循寃法人以無寃疏乞歸養父卒居喪廬墓有乳燕之祥服除授通政司右叅議會九廟災詔京朝官三品以上自陳而寰秩五品往問夏學士問詔旨夏謾應以義當自陳乃疏上遂得致仕以強年坐廢論者惜之後撫按先後交薦吏部特表薦皆不行歸則日以圖史自娛臨暮法書揮翰竟日不倦而好遊名山凡東南有佳勝

處屐齒屢遍置義田以贍宗族少年有善推獎逾分人多依歸之陳主事者分司濟寧註誤繫獄寰抗言於大吏竟白其寃楊太僕杖死朝堂召故人賓客爲棺殮所部三州經三十餘年往來不絕問遺其見愛如此人或當進有所凌忤但坐睡少頃欠伸卽命肩輿去終未嘗有所校也晚歲惟務遊覽在舟中之日爲多家事一無所問以嘉靖四十年卒年七十有六

張基

張基字德載吳縣人嘉靖庚子舉應天薦例得坊金百一日散之親族略盡當會試有願者欲爲之地謝本朝分省人物考卷二十三 三十一 南直十三 曰立身一敗尚欲何爲歸屬疾久困醫藥間怛然若有懲者遂究心性命之學病亦尋愈已而念大母且耄遂遂巡不赴公車亡何大母死其父亦死乃歎曰母老矣誰與朝夕耶自是步武不忍離屏去冠服爲野人裝治一室甚潔扁曰愛日以居母手擇果實浣蔬茹嘗而進之湯粥滲漉非親調不薦也於書無所不窺而尤邃於經術多所箋纂晚益玄詣身心融融如矣其持敬日益甚自檢日益密奉母外足不踰戶婦亡不更娶旁無姬侍食不葷寢恒不脇席也歲大禮有米數百斛悉以賑饑者而屬軍興役族皆赴行

曰吾何忍獨以例免而煩族之老弱為請於官毀家以紓之自是產若削矣攻內學體氣充益忽一日顧其子曰爾行何日得歸吾且有遠行遂為日期之子大駭如期而至一夕候母安者十餘昧爽跌坐頻誦一念不生頃而目微上指瞑矣凡所手書數行則皆身後奉養事也年五十有九居嘗銘座右曰勿展無益身心之書勿吐無益身心之語勿近無益身心之人勿涉無益身心之境羅文恭錄為四勿翼云

瞿景淳

瞿景淳字師道別號昆湖常熟縣人生八歲善屬文

本朝分省人物考 卷二十三

三

南直十三

其思川湧雲聚頃刻得數千百言然久不利於鄉薦而業益精工減父產教授里中自給意豁如也以嘉靖甲辰會元及第授翰林編修丁未分校禮闈理誥勅封懷慶諸王遷侍讀出主應天試改左諭德丁內艱歸服除遷侍讀學士總校永樂大典尋以太常卿領南京國子監祭酒事陞南京吏部右侍郎累疏乞告子歸未一歲而卒訃聞下所司治葬諭祭二壇贈禮部尚書謚文懿淳貌不及中人而氣節侃侃堅不可奪請告還京從衆謁相嚴嚴曰倭且夕且平何南中人控胡總督之深也立應曰相公雖明遠度之不

如不佞目覩也倭奴日夜躡赤子南中人不得一擊枕臥誰敢為相公言者嚴謝曰善夫生之箴我然已目憚之領治誥勅陸大保為緹騎帥與嚴相表裏勢傾天下後先有四妻至欲封其最後者挾兵部以移咨請不可相嚴為請之又不可則橐金而夜要之笑不顧曰公毋溷我吾所守者禮也淳生平為德不近名為文不近諛好吏不近俗四方造請碑誌序記日頭門投筦而應之有餘功其揮灑若不經意而規歐藻蕪春容乎言之也淳少時嘗扁舟渡巢湖中夜有炬火數百千逼舟厲聲叱之應聲隨滅以故雅自負

本朝分省人物考 卷二十三

三

南直十三

當大用及未盡用而人怪之

皇甫濂

皇甫濂字子約中憲公第四子也母娠時夢老人授以玉戒指一枚上負以鼎翼日語於中憲公曰鼎男象而玉至寶也指者止也汝產子必貴自此將不復舉矣後果驗中憲出守果州濂甫四齡鄉人有賈蜀者延濂兄於寓而寓甚湫隘置濂前席乃稱腹痛辭去歸憇於母曰兒雖幼獨非果州子耶何得慢我中憲異之登嘉靖甲辰進士拜繕部主政越歲丁內艱戊申服除仍原秩典薪厥賈人每偽增其數以罔國

利濂杖而按其罪賈人女乃大司空文公妾也翼日蒞部召濂切責之濂抗言曰公掌國政乃嬖於寵而聽賈人冒侵國財不為發奸摘伏顧欲奪屬下守法吏乎即無司空城旦書如君上何公歛容以謝而心銜之視權荊州先視權者聞喪不奔多收賈人稅以充私橐濂發其賂反誣濂不畏簡書愆彼瓜期歲當內察考功郎又嘗所忌者議黜之少宰李公默曰水部清介士也且擅才名今日黜之無以壓眾調河南藩司理治獄之暇與譚藝之士揚摧風雅藩王聞其名擁轄置醴以招延之聲籍甚焉亡何遷興化倅

本朝分省人物考

卷二十三

四

南直十三

會里人劉鳳以侍御謫節推日與探歷山川寄情觴咏壬子乙卯兩典二省場屋試文半出其手丙辰代守入覲歸即投劾不赴郡監司迫之堅辭以謝以嘉靖甲子卒年五十七所著有道經解玄晏高士傳兄皇甫汭收其遺草為水部集二十卷行於世



人物考卷之二十四目錄

南直隸蘇州府七

朱木 王世貞

徐拭 徐師曾

杜詩 顧章志

王世懋 申時行

王錫爵 龔起鳳

劉班 戴冠

王應電 彭昉 附子年

劉鳳 王在復

本朝分省人物考

卷二十四目錄

二

南直十四

柴道人 王芳

蔣以忠 管志道

趙用賢 陸化淳

錢穀 附陸治 陳體方

邢量 附沈誠 杜瓊

支琮

補遺

徐有貞 伍袁萃

文彭



本朝京省人物考卷之二十四

南直隸蘇州府七

朱木

朱木字子喬號守愚常熟人以嘉靖甲辰進士除知山東之昌樂縣昌樂土瘠民窶俗鴛剽劫且孔道交衝結轍旁午似非恂恂儒者所堪也而木以愷悌之心行拊循之政驅游惰禁淫酗督農桑弛徭役民所利病一切罷行以故農狎於野商輯於市即頑悍之徒亦多化而良矣暇則簡萃校髦與之講業課稅而甄造之部使者入境旁縣民持牒訟者必請曰願發

本朝分省人物考卷之二十四 南直隸 蘇州府 朱木

昌樂令訊鞠卽死不恨蓋境內則絕無訟者凡訟於昌樂者多旁縣民也民謠云田有黍苗野無寇盜吾父朱公體天行道以薦徵入擢南臺御史巡上江尋丁繼母憂服除補山東道御史兼攝四道縮印纍纍時執政逐不已附者忽逮及廷杖幾斃出判鄭州赴鄭渡濠颶作將覆舟賴反風免人以子方方之其治鄭一如其治昌樂鄭民德之亦不異於昌樂之民會浙中繕兵部使者檄之行鄭父老爭攀轅留擁衛不得前伺間出城輒復昇輿入其見愛戀若此遷知遂安縣歲侵民阻山發礦格殺官捕其勢張甚將蔓一

省部使者檄剿平之則感然曰民不聊生計無所出直利此土中錙銖度晨夕耳何用煩兵魚肉我赤子且濫及無辜為乃引兵駐山下遣人諭以禍福羣盜於嶺上望見羅列而拜大呼曰仁侯有令吾屬敢不服從眾立解散去不復嘯聚而所全活者不可勝也無何遷叙州府同知初木為臺官念有言責欲亟効謙直而當路掣肘有未易行其志者遂有意於卷懷矣既免喪悼於就道同年瞿文懿艤舟強挾之行乃指虞山誓曰吾不久當考槃此中軒冕外物豈足以累我哉及落職倅州則曰此君命也吾豈敢違乃

本朝分省人物考卷之二十四 南直隸 蘇州府 朱木

又強往然非其好也尋馳還里第稱病不出所親勸之往堅拒不聽或乘隙聳踊輒觴以醇酒令勿復聒也所居旁有湖山築臺濬池取可登臨而寄適其間日以圖史自娛興至則集賓友暢飲為樂不更問罍澗事平生恂悃温厚待人色和而禮恭居鄉益朴素無侈靡之飾人且不知其有官者家雖無饒貲而好賑人之急其先世所遺舊居則讓諸其同堂之親視異母弟不啻如同胞姊既適而貧則迎而養之亾妹有孤則收而撫之下至臧獲亦莫不煦嫗撫育人咸謂其長者以此

王世貞

王世貞字元美年十五詠寶刀詩師為之避席弱冠舉嘉靖丁未進士以刑曹郎與李于鱗諸子相唱和名藉公卿間世貞又日坐公署剖決案牒所讞獄度得情輒手錄付吏趣書之各以輕重決遣不三日而畢自是銓部兩以督學擬世貞皆為權相嵩所沮又半歲遷青州兵備青多大俠巨盜探丸殺人有司不能制世貞集強壯教之射申飭保甲重捕盜之賞又於州邑畫地為界使義官統之以當時獲盜者為上不出境獲者次之拒不能劫者又次之凡盜從其所起而不覺察者經其所過而夜巡不傳捕者罰釋盜而覺者立杖死以其法行之期年盜盡解散無何父忤變作世貞解綬奔還伏草土中幾十年嵩戮薦起之就官大名大名之俗婚喪費不費中人之產往去其半世貞至定婚喪禮其俗至今守之大名為州邑十有一而真定三十餘以軍輿論供輸則大名與真定等而是時大名闕飭兵使其治真定者復委十之六于大名曰大名饒而真定瘠也世貞力爭乃不果增居一年移浙江叅政下車摘一二暴吏及巨室裁抑之吳興災兩郡富人故閉糴粟踴貴世貞首捐俸

本朝分省人物考

卷三十四

三

南直十四
陳昌

五十金郡縣長而下次之又募民入粟廩中給冠服及冬報粟得三十萬石又疏乞改折得十五萬石人賴以活者甚眾未幾自浙叅長晉臬以內艱去服除補楚臬旋遷廣西轄未一月入領岡鄉又八月以御史中丞出鎮鄖世貞為糾劾貪縱咨訪將才刷軍政清屯田鄖遂隱然為重鎮江陵相弗謂善也世貞意不自得解官歸久之補南大理又久之補應天府尹皆不赴其後兩京臺省交薦起官刑曹侍郎又其後以父忤卹典具疏陳謝而少司馬之命下又以考績至淮揚而大司寇之命下自尚書郎歷鄉長凡四十年其間條論封事皆天下大計所至吏事精絕不可悉數而青州治盜及楚中樂平王事為最著都下盜劫緹帥陸炳索不得後濟南獲盜房四者妄承之世貞曰狡賊欲緩死耳立訊曰若盜陸公耶曰然賊安在曰在請械某而取之曰若劫陸公何狀曰髯而肥何衣曰衣朱而圍玉世貞大笑曰若未嘗識陸公陸公非髯而肥者盜搏賴大服部民雷齡以捕盜橫萊濰間海道宋購之急而遁宋以屬世貞世貞欲掩取而微露其語於王尉捕者還報又遁矣世貞陽曰置之又旬月而王尉獲他盜世貞知其為齡力也忽屏

本朝分省人物考

卷三十四

四

南直十四
陳昌

左右召王尉詰之曰若奈何匿雷齡往立塔下聞捕齡者汝耶王驚謝無所逃責願以飛騎往俄捧齡至世貞曰女當死然女能執所善某盜偕來女生矣而令王尉與之俱果得盜世貞遂以還宋而請寬之官校捕七盜逸其二盜首妄報逸者姓名俄縛一人至稱寃乃令置盜首庭下差遠而呼縛者踞塔上其足躡絲履盜首數從後窺之世貞密呼一隸蒙縛者首同出而易其履以入令盜者證之盜首不知其易也卽指絲履者曰此是也世貞大笑曰爾乃以吾隸爲盜卽釋縛者去徐進道者蓄養亾命而以橫占伎女

本朝分省人物考

卷二十四

五

南直十四

被訟捕之不獲俄有令請問曰進道勒兵反矣世貞偵之果然而故緩其獄令縛賊自效會有李卿者進道密友也世貞召謂曰汝交關進道罪應死能以進道來貸汝卿應命去俄報進道飯某所矣卽遣二十騎往取之而以一騎入營立散其黨亾譁者在郎時驛報有樂平王次子奉 高皇帝御容金牒祝髮爲沙門行遊天下勅郡縣供帳世貞曰藩王有宗正條錮城中不得出而譁張如此遣輕騎孟光化偵之則其人以御女術游藩邸間崇王賜以櫻轎紅杖所至懾守令而姦人李汝貴等爲之翼鞠之則平涼民賀祿也諸摘發隱伏皆此類而更持正不徇獨行其志方陸炳貴幸用事受巨璫指匿奸狡闕某欲貸其死世貞搜炳家得之炳宛轉請脫旣復因執政以請拒不許當時無不側目世貞者已新鄭柄國世貞獨引毋疾乞休新鄭疑之江陵欲引世貞自近世貞謝唯唯會荆州地震世貞引李固京房占臣道太盛坤維不寧又有譁辱邑令者王生江陵婦弟也世貞論奏不少貸江陵積不能堪雖稍遷廷尉京兆而竟以浮言嗾之去後亦時起時躡不能安其位于朝矣世貞生而美姿貌風采玉立與客談笑溫秀之氣溢于眉

本朝分省人物考

卷二十四

六

南直十四

日間語及古人忠孝節烈則慷慨淋漓不置在南都請崇文廟釐配享嘗言吾讀書萬卷而未嘗從六經入每欲牽衣窺廊廡之末則世人齷齪臯比招搖門戶而聚生徒者吾方耻之吾雖未聞道然誦法一念迄死未敢忘故其居喪也凡三年始茹葷御室凡十年始具衣冠預燕會家無姬侍臧獲輩以百指亦無一人曉聲律者質菴公義田千畝倍拓之又爲祠專祀晉卽丘子始興文獻公而配以宋左司諫元學正公歲時伏臘率族人跪奠惟謹生平于故舊兄弟白首無間言好推于鱗而遜敬美尤不惜以齒牙筆札

緩急人客或一歲數及門或一人迫得數十函書或進而附世貞以成名名成而更立門戶且忍於詈世貞以相角世貞弗爲異也客至而復請者與如初其門賢愚醜妍靡所不具而中間交態離合向背之故亦幾百變世貞皆安之彌成其大而已所著有弁州四部稿續稿弁州別集觚不觚若干卷博極羣書文華擅代才軼千古名冠海內誠一代之宗匠也

徐 拭

徐拭字世寅號鳳竹常熟人生有大志素豪宕自喜與人譚當世務輒抵掌慷慨思一見其奇以嘉靖丙午丁未連舉進士授宜春令宜春相嵩籍也蒼頭千餘橫行往往持令拭欲要束之乃白嵩請其主計者姓名曰恐有狐假爲威者相嵩立書二蒼名以示比至橫倨如故佯以爲非真悉笞之曰若曹姓名吾久已得之若非相國僕也且相國僕亦何敢抗令于是嚴父子心銜之而絀于書名且拭治行著伺之無可

入朝分省人物考

卷二十四

七

南直十四

南中倭未靖驟晉本兵拭劾文華罪狀已彰復求出鎮自解嚴父子復申前憾遂因大計謫浙江布政司都事浙固文華坐鎮地也比至遂檄使入賊巢將藉

手焉馳詣未至而賊解當是時人人爲拭危而扶持

益力已量移司理建寧尋遷同知饒禱雨雨應拜火

火滅一時詩歌之有饒陽雙異集久之擢浙江僉事

受命監戚將軍兵討流賊事平賜錕幣時分宜已去

位矣尋轉右叅議丁母憂歸服除卽以前官補河南

旋晉湖廣副使督學政精于藻鑑乘法公嚴楚人士

稱頌之已陞雲南叅政旋轉按察使時黔國席世寵

跋扈囚繫其妾嫂屢抗 旨不遵都御史御史先後

列其罪猶不悛拭乃爲計身革爵聽勘以解其權而

令其子署事以安其心於是黔國欽手聽命而拭名

本朝分省人物考

卷二十四

八

南直十四

劉憲

籍甚矣在滇六年乃調山東布政司尹順天晉右副都御史撫江右花園洞賊自正德來嘯集蟠處當事狙于招撫懼爲首難奮曰養寇如民何立調兵平之賊平賜錕幣已乃請表革除諸臣請崇祀羅豫章師弟及王文成請復臨德二倉積儲久之擢南京工部侍郎以僉都銜移撫浙浙以西濱海而海鹽有塘以捍之歲久圯塌甚前是盲風怪濤驟作衝決數百里浮尸如蟻損禾稼十九民死徙無筭至則愀然力圖之或有難之者不爲沮庀石鳩工其縱橫廣厚一以意裁不浹歲而功成巨堤虹亘狂瀾鯉披濱海數千

里皆化沮洳為膏沃矣已晉南京工部尚書時江陵以奪情怒言者拭與平湖陸光祖並上書規之而承指者遂嗾中之乃罷歸而名益重直指首疏以薦廷議將以大司寇起用而溘然逝矣 賜祭葬如制

徐師曾

徐師曾字伯魯號魯菴吳江人生有異質弱不好弄七歲就外傳即匡坐讀書終日巖然授以易義輒通大畧十二能詩歌屬古文詞自是數絀而名益起不以數奇自沮顧益下惟誦習嘗程書自課吃吃至丙夜不休其學自易旁逮諸經下至洪範皇極數法陰

本朝分省人物考

卷二十四

九

南直十四 劉仲文

陽曆律醫卜籀篆諸家之言皆能通其說論經生即世稱鉅儒弗過矣嘉靖丙午始領鄉薦丁未上春官連捷念二親年高稱疾不對制歸歸而丁父艱癸丑成進士選庶吉士出為兵科給事中明年嫡母歿京邸護喪歸服闋赴部補吏科其在兩垣多所建白如酌處川兵請立任兵備祠之類多見施行庚申奉命冊封周藩便道休沐閱歲歷轉左給事中當是時肅皇帝春秋高益摧折諫官而相嵩用事陰齟齬言者以自便臺省多循默失職歎曰吾奉先人遺體不忍即狼藉闕下柰何效儕輩積月俸嘿嘿坐致金

紫乎而會奉使時脾疾作至是益甚乃曰吾有以自解矣因請告不往闕書舍於南湖之上聚書萬卷伊吾若諸生時已遂屢疏乞休銓部惜不為請 萬曆初用兩臺使者薦竟起為禮科左給事中檄迫之出復抗疏力辭 上諒其誠許之於是海內愈益高其行論薦者猶嘖嘖不已而東山之卧益堅矣既無意用世常思託遺經以自見故晚年論著彌富學尊望崇鄉邦方倚為著蔡而遽捐館舍年歷六十有四云

杜詩

杜詩字與言吳縣人嘉靖己酉鄉薦謁選司理常德

本朝分省人物考 卷二十四

十

南直十四 劉仲文

綏寧縣治密邇于獠其城多廢堞亟以庫銀葺之不三日獠果入寇無所掠而去州人服其蚤識銅鼓俗故悍獷其不逞者羣而歃血立盟推其豪為之魁號曰華欵武斷于鄉有違華欵令者家立破民苦之甚于盜大吏議勦詩單車赴之召所謂華欵錢周者諭以三尺不可犯毋坐待俱斃轉禍為福在此時也周等初百餘人裹刃庭下從者股栗及聞之泣下投刃環拜求自新盡遣散其黨詩假便宜以牛酒犒之聲聞五開咸寧間爭先欵服是年同典楚試所得皆材士于是武備文事聲冠一時矣擢大理評事遷右寺

副官輦轂下假寓僧寮清心參酌獄讞期情與法比
文無害乙亥擢四川僉事蜀鹽務舊有專官至是議
汰併水利驛傳茶馬漕政爲一道而藩臬長去任兼
攝二司案牘山積吏蜂擁待署詩口耳授受若流凡
所因革精覈允當尋擢貴州左叅議分守貴寧道經
銅鼓等鎮軍民羣聚觀曰是向時散遣華款者也時
烏撒與烏蒙爭地界仇殺積有年詩至履其地親爲
講解剖其界限而兩酋撤兵聽命居二年以當懸車
之期致政解任而歸又一年七十有一而卒於家

章志

本朝

人物考

卷二十四

十一

南直十四

顧志字行之號觀海太倉州人嘉靖癸丑登進士
授行人以不附分宜父子量移司副陸刑部郎中請
告歸養分宜敗還原秩陞江西饒州知府饒水縣災
民病飢已復大旱百方賑救瘡痍甫蘇俗健訟至則
狀牒填委拳犄充庭吏故窟穴其中以爲奸于是窮
日夜之力目披覽而心裁決乃得就理後訟者至隨
來隨剖未嘗一借耳目于左右旁郡邑之負抑不伸
者皆願得就讞焉淮王素悍以法救其下而歲祿以
時給無敢有譁于庭者陞湖廣副使治辰沅母年八
十矣奉以行及九江風濤大作竊自歎奉老母涉畏

途大非人子所宜乃密疏乞歸養得請在膝下者三
年比失恃免喪補廣西副使未幾以齋捧便道歸以
叅政轉按察使時爲萬曆丁丑子紹芳成進士選中
秘疏稱病不能赴任蓋徜徉泉石者七年會江陵籍
沒特詔起廢臣復補山東憲使時當慮囚大辟者計
數千人日夜治爰書手自叅駁平反甚衆旋轉光祿
寺卿卽轉南京兆至則以寬靜馭之恤凋劫裁冗浮
清郵傳釐革防範咸中肯綮歲餘陞南京兵部侍郎
留都編戶軍強半于民快船小甲苦于奸猾規免尤
苦于管運內使抑勒累極則告梁甲不足加以帮甲

本朝分省人物考

卷二十四

十一

南直十四

又加以派及餘丁猶不免亾身破家摠計以船受害
者蓋不止六七萬家矣時署部篆因旱蠲得應詔言
民病乃疏陳快船審甲之弊媿媿數千言且謂國家
誠額外捐銀萬兩米萬石卽可出六七萬家于水火
之中溥德意召天和莫此爲甚 上惻然亟下所司
議行已復條上四事重事權明激勸嚴叅罰豫會計
大要在杜浮言處糧餉而專委始事郎官責以成效
疏下所司議如指數百年積困一朝更蘇是役也事
涉中貴人無敢犯者獨毅然不少避忌疏出而朝士
大夫無不擊節稱歎者矣未幾卒于官喪出國門諸

軍祖祭道左哭聲振于野曰微我公吾儕纍纍成白骨矣

王世懋

王世懋字敬美號麟洲別署號曰牆東生世貞弟也登己未會試肄事兵部以父忤被嚴相害歸嚴敗與其兄世貞白父冤已而除南京禮部儀制司主事南儀曹務簡得以其暇肆力於古文章而六朝之綺麗名勝觴酒詞筆靡不領會居無何其長藜病攝曹事為魏公正名分立長子邦瑞都人至今稱之遷北儀曹又遷尚寶丞與故人黎惟敬等日相逐詩酒之社

本朝分省人物考

卷二十四

十三

南直十四 劉汝思

揮染篇翰流豔人目忌者緣飾以游閒公子之稱而江西叅議之命下矣精心訊諜勤于其職迨督學八閩品藻甚當拔李光縉于諸生又困中是年冠省試卓有文譽人咸服其鑒裁之精進本省左叅政又進南京太常少卿已而疾作請告歸遂不起春秋僅五十三耳世懋始受舉子業遂精治四子及周易獨會之趣不專訓詁晚視學政傍通諸經皆能藁其大要亦喜讀釋老氏言初以資翰墨耳既游於西來之教往往有所發明獨於宗門似未得機軸若乃致虛極守靜篤於老子所云者亦行之而未能深詣也既

病久覺定力去而恬然殆有未易窺量者所著望崖

編等書亦皆其中精至語識者謂不下白香山晁文

元於詩不規規名某氏業而神詣之境為勝七言律

尤其蹕絕者文出入西京韓歐諸大家而持論往往

以識勝少即工臨池行草蕭散小隸踈行得晉人遺

意晚而彌好之性嗜佳山水其登泰岱觀日出慈靈

岩謁孔林入關過華嶽具行滕布履自青柯坪而上

西北臨大漠稍南眺岷峨積雪東俯中原一昔而下

謂平生之觀無踰此矣行部江右窮匡廬表裏之勝

按閩縱浪九鯉湖諸山為幽絕觀歸自關中單騎走

本朝分省人物考

卷二十四

十四

南直十四 劉汝思

龍門砥柱嵩山少林神禹之所疏鑿而菩提達磨之所紹統者慨然若覩其人至洞庭兩山京口北固直几案間物也意與境會輒為文以紀之詩亦稱是晚治一圃悉構閩嶺奇卉及牡丹芍藥蓮菊之異名者莠之作學圃雜疏謂兒輩吾他無所溷汝惟日致一花供我目足矣所著奉常集若干卷又澹思子經子臆解閩部疏三郡圖說窺天外乘二酉委談學圃雜疏諸書總名曰日損齋雜著

申時行

申時行字瑤泉吳縣人也少敏悟過人所覽輒能成

誦爲一時偶儷之文絕出倫輩郡縣及督學使者試
輒冠嘉靖辛酉舉鄉試第三明年廷試 上見所對
策詞札兼美親擢第一授翰林院修撰每朝謁罷念
政機所出主者多濶略下吏得因緣爲姦乃集考因
革之所當者列爲定例其後事無不覈問無不對者
以此癸亥以父憂歸丁卯服除明年分校禮闈已巳
掌文官誥勅庚午典試順天辛未復分校所得士多
從落卷中搜得之不自言功而一歸主者甫徹棘進
充經筵日講官亾何晉官諭充 世廟實錄副總裁
署詹院坊局篆 穆廟升遐詔誥箋表諸撰著填委
本朝分省人物考 卷二十四 十五 南直上四
悉以屬焉癸酉 神宗登極進官庶直日講自是勅
講者六載指物譬事析毫解縷聞者朗然 上每日
屬之甲戌進官詹少尹兼侍讀學士視翰篆兼理清
黃丙子會典副總裁丁丑同蒲州張公四維主會試
八月晉禮右侍兼太子賓客已改吏右侍是時江陵
奪情事起以建言廷杖者五人乃與婁東王公請解
於江陵不能得乃密謀於緹帥爲之地時時餽橐
焉戊寅晉吏左侍兼東閣大學士叅與機務蓋旃屢
之地啟沃功多 上特峻擢之其簡在非一日矣宗
室宸涼等六百餘人以擅婚互訐 上坐文華殿碎

石閣臣入面奏舊制宗室年十五請封請婚按臣嚴
實以聞禮部題給封號許成婚如未覆請而婚者所
生子女不得封定例也此六百餘人皆應奪但封于
嘉靖二十八年事在例前念其年遠人衆惟 上恩
之俾及於寬政幸甚 上深然之是歲滿三品考晉
禮書予詹冑監庚辰主會試淮揚災時撫臣有議開
墾積荒之地必至驅見在之人而流移矣且彼最苦
者班軍班價班軍一歲番上而耗伍二三班價一歲
併征而扣糧八九衛所無羨丁而多重役月糧無見
本朝分省人物考 卷二十四 十六 南直上四
支而有出辦不處此二者而欲民無流亾不可得也
漕撫乃具疏以請得各免四分之一壬午江陵病卒
蒲州代之曰稂莠之餘要在芟刈徐應曰肅殺之後
必有陽春蓋一言而相業于斯定矣會 皇長子生
乃與蒲州盡取諸司所擬寬條損益之如緩征徭恤
災荒酌郵傳平刑獄罷工作一切以寬大行之而蠲
新稅不蠲舊逋俾人霑實惠而姦民不得濫免江陵
雖逝其黨伺隙思騁相與構毀劾罷陽城宰并及蒲
州慨然起曰吾尚可以默乎乃盡發馮保徐爵諸人
與外廷表裏爲奸狀諸言者繼之 上命擬旨下爵

詔獄論死安置馮保南京籍其家而趨蒲州出視事
 乃佐蒲州因人情而順流與之更始已代蒲州為政
 首以疏請于是吳中行趙用賢鄒元標諸人皆起謫
 籍為中朝顯官而言者氣益張未幾有魏允貞者以
 其子申用懋登第為言第請覆試而已不以一語侵
 之頃之且真之要秩朝士無不嘖嘖歸其量矣江陵
 奉旨籍沒求多者日衆力請 上寬之而復有因罪
 江陵議復遼府者持不可謂 皇考懲惡之大典不
 可變親藩覬覦之大釁不可開已毀之府第營繕不
 賢既廢之親王支給靡繼竟擬旨罷之是歲雲南獻
 俘加少師進中極殿其夏五月亢旱引咎乞歸遂力
 請錄言官減袍服停磁器蠲租稅慎刑獄數事 上
 嘉納焉下詔布袍疏食步禱郊壇因切責監司守令
 不能愛養小民上于天怒以至此一時小大臣工皆
 有慄然自新意先是 上幸兵仗局觀所造器械因
 令內豎勝兵者肄習之或言先朝有內教場演武者
 于是選內豎二千餘人略如三營法鍊之 上疏切
 諫會部臣董基以諫譴乃傳語大璫云此事屬在內
 廷諸人環甲荷戈未明而進設有奸宄乘間攔入外
 廷不及聞宿衛不得入公等何以待之此莫大之憂

也諸大璫聞之色變以聞臣言力奏 上遂止蓋所
 為潛移默奪者皆此類也秋屬 皇長子五齡而儲
 位未建約同官於歲首合疏以請 上以元子孱弱
 為解復言元子五齡即未甚壯方之 宣 孝兩廟
 寔已過期夫修講書之故事備朝賀之縟儀或不任
 勞苦在官中一受冊在文華一受朝何勞之有 上
 報語意溫然絕無它意而廷臣不勝過計迫欲得之
 衆議紛起 上寢不能堪而意亦遂巡矣二月陰霾
 四起風雨失調 上詔有司去妨民之政圖消弭之
 實乃應詔陳言一日催科急迫之害二曰徵派加增
 之害三曰刑獄繁多之害四曰用度侈糜之害而總
 歸之議論不一詔令不行欲議論之一題覆不可不
 慎欲詔令之行查察不可不嚴 上覽疏稱善者再
 復具言頃歲水旱異常宜勅撫按官督率司道有司
 暫緩催徵設法賑濟飢民嘯聚攘狄者務申嚴保甲
 團集兵快擒以正法且令借臨德兩倉餘米以充賑
 濟支太僕馬價四十萬以資糴本而又以四事責成
 撫按令月一奏報曰田禾有無播種曰雨雪有無沾
 足曰人民有無流亾曰盜賊有無寧戢一時有司凜
 凜奉令庶幾饑而不害云會 上輟講日又上言

本朝分省人物考

卷二十四

十七

南直十四
陳士儒

本朝分省人物考

卷二十四

十八

南直十四
陳士儒

高皇帝經營草昧備極勤勞而猶日與儒臣講易書大學論語至洪武二十九年春秋七十矣猶命博士許存仁進講經史世宗經筵日講外復講大學衍義蓋臨御四十年如一日也願上以二祖爲法隨檢閣中故牘得高皇帝御筆勅諭詩文共七十六道裝演呈覽因言望上於語言文字之中求聖祖之精蘊于陟降著存之頃法聖祖之憂勤上忻然納之中貴張鯨擅東廠勢潛蓄異謀言者交章劾之乃與婁東計曰此禍本也謀合力驅之密揭再上置不問御史馬象乾以彈章見格疏劾鯨並侵

本朝分省人物考

卷二十四

十九

南直十四
陳昌

子出見明日遂上疏曰皇長子倫序已定今皇上內斷于心外廷未知也臣等雖承命海內未知也惟亟下明詔使天下知皇上篤于愛子不出臣下之仰贊而出於淵衷皇上重于升儲不由外廷之陳請而由于特詔何盛如之嗣後或合疏或特揭皆未報鈔掠洮河熟番入據莽刺川數出鹵掠邊將有戰死者廷議焚焚有罷欵決戰之議謂禦戎如用藥隨病製方不能執一今一二小酋間有猖獗而大酋全部尚在羈縻勢不得不撫其或陽順而陰逆暫去而復來或縛獻罪酋或送還人畜又不得不酌于

本朝分省人物考

卷二十四

二十

南直十四

爭語過激 上意不憚允其歸為密具揭以請不報
乃請與國同罷謝言者 上知不可挽乃命給驛遣
官護送仍加賜銀鈔蟒衣綵段以寵其行歸之二年
皇長子出閣講學至辛丑升儲禮成聞之喜曰老
臣一念酬矣特為表賀 上念調護功遣廷評黃琮
存問于家後以 皇孫覃慶再荷存問比歲年八十
當軸援華亭例以請 上特褒其齒德助勞遣行人
以銀幣羊酒致於家聞之望闕遙叩者三勅使及門
而逝矣

王錫爵

本朝分省人物考 卷二十四

二十一

南直
光

王錫爵字元馭別號荆石太倉州人幼多異徵雋朗
工屬文十二入州校戊午試南畿魁其經壬戌禮部
舉首 廷對賜進士第二人授編修丁卯克經筵講
官知誥勅往多贊謝者悉卻不納己巳轉南國子司
業明年轉北尋陞右中允克會試同考官尋掌南翰
林事 神宗馭極克 穆宗實錄副總裁癸酉領右
春坊主順天鄉試 實錄成陞侍講學士八月陞國
子祭酒條上監規欲行國子積分法重胄子之選申
令公侯伯應襲詣監習禮一時模範中外改觀丁丑
陞禮部右侍郎是歲江陵父死謀奪情親事趙用賢

吳中行共疏劾之憂禍叵測約秩宗而下數十人請
江陵求解拒不見徑造喪次切責之江陵泣且拜曰
上強留我而諸子力逐我何以自處惟有死而已
竟入不顧卒取中旨廷咎兩人既而江陵予假歸奉
旨三月還 朝佞者輒疏請即召乃使吏邀署名
列上叱曰此何事而以浣我為竟投筆起隨請以省
觀還客曰相君不知父而君以省父言得無形若短
乎曰吾知吾父而已遑郵其他既歸杜門却執修恬
素之業而口不挂人間事矣未幾江陵敗人爭搏擊
為名高乃復持平其間寓書朝貴曰江陵相業僕始

本朝分省人物考 卷二十四

二十一

南直
光

終不以為非獨恨其於知人一着至死不悟耳此事
諸君不力為調停如國體何壬午丁外艱 上賜祭
塋服除 上以禮部尚書召入辦事丙戌主會試考
丁亥重修大明會典成進階一品再疏力辭改太子
少傅益入都時首以朝廷裁恩澤士大夫重廉耻為
第一義故凡陵工河工邊工及 玉牒加恩懇疏賜
免者以此當是時國本未定巨璫張鯨潛蓄異意且
挾東廠勢恣行威福中外凜凜御史馬象乾疏論給
事李沂繼之 上震怒幾置于理賴力解得薄譴而
鯨亦自以賊敗庚寅元日召輔臣入 上手擁 皇

長子令就視而出評事頌于仁疏欲下之獄進而前
曰于仁誠有罪第當以重法則于仁之罪人不知以
爲訕上而以爲納忠 皇上之法人不知爲治狂而
以爲拒諫上意頓釋因以升儲視朝請 上首肯之
明日忽奉 御札以冊立豫教分爲二事一可一否
甚而疑羣臣之請爲疑間先後疏凡六上疊疊萬餘
言有云建儲一事前有 皇長子始生之明詔後有
臣等節年所奉之屢旨公有兩京各衙門之合奏私
有皇親鄭國泰之專請近有都城委巷之流言遠有
四方萬姓之屬望而上則臨之以 九廟之神靈
本朝分省人物考 卷二十四 三十三 南五十四 楊說
兩宮之慈訓 皇上豈可差舉一念而臣等亦豈可
苟順一言者疏上乃得過十歲大典一並舉行之
旨因謂同官曰 聖意無他止以冊立大事不宜自
臣下發之吾輩但當拱默以俟耳會礦議起 上遣
問閣臣力陳其非便一召礦賊二費多得不償失三
官隸釋騷四示國匱形令四疆得窺淺深非美事得
中輟會以母病請得予歸省既去而開採之役迄不
可止矣濱行疏祈上止酒遠濕以調 聖躬抑火戒
怒以寬左右舉 朝講召對之儀躬祀 天享 廟
之禮除額進加進之例錄建言廢棄之臣皆一時至

計既歸屢旨趨召七辭不允癸巳入朝 上嘉悅有
白金文綺麟服之賜居數日密以建儲請乃得三王
並封之 旨於是外廷紛議交疏劾奏乃復停封而
言者猶不已蓋 上英明獨斷觸迂者不復賜環甚
有以後言加罪前言一事波及一署者外廷不測且
以歸咎輔臣而士論愈激愈囂遂成水火之勢于是
去志自此決矣會病作疏八上始允賜驢賜馳驛歸
抵家數月母以大耄終遣官 賜扎賜賻予祭葬復
加祭四壇辛丑子衡入對公車兩試俱第二人是冬
以冊立禮成遣官存問曰冊立朕志久定但因激阻
本朝分省人物考 卷二十四 三十四 南五十四 楊說
故從延緩知卿忠言至計尚鬱于懷今已冊立冠婚
並舉念卿家居係心良切特諭知之乙巳 皇孫誕
生加上徽號推恩再被存問丁未復 召輔政加少
保遣行人敦趣入 朝而父子交病不復能應矣以
萬曆庚戌卒享年七十有七

龔起鳳
龔起鳳字瑞周太倉州人少孤以家難依外家周太
守居冒姓周名江舉嘉靖戊午鄉試壬戌會試始復
龔姓改今名以乙榜授定州學正本以貧仕而爲學
官絕不受餽遺厯厯以月俸自給風度凝然州故以

屬視學官獨不為屈曰此非令甲胡屬為守謫官驕
 惠每思中之卒不得州科額甚少有謂蕭神祠厭勝
 學官者力請于監司移之是歲得雋二人以薦入為
 大理司務大理寺胥史應役者例納銀于鄉則為脫
 役會其人貧不能辦令司務徵之不為應鄉怒笞其
 隸亦輒笞其堂吏鄉惠甚自劾并劾其無堂屬禮冢
 宰楊公心善之而重違其長謫嚴州府學正五月遷
 杞縣令單車而赴毅然一意行其志無所顧憚獄囚
 三百鞠多寃者一夕盡遣之止留十二人即司府勾
 捕執勿與及他檄有勿便輒罷之吏恐不敢署曰乃
 本朝分省人物考 卷二十四 南五十四 陶見 三五

公自為之不以累若歸德有豪恣睢殺人賄其令為
 脫死監司檄覆訊之未至二十里令出迎謹甚囑勿
 竟其獄至縣密遣吏餽以千金以囊提吏額流血被
 面而去已竟窮治伏其辜人大稱快縣故有馬夫價
 五百金或謂令得乾沒輒庫貯以供往來驛郵之費
 居縣自月俸外即薪馬多歸之官日出銀二分付小
 史具飯蔬所從兩僕人不勝困皆遞歸官舍蕭然夜
 自撲被闔門而寢其於苦節皆人所不能堪御史蔣
 君行縣供張儉甚寒月爐炭弗繼出俸金自贖以諷
 之亦故自如監司召謂之曰按君嚴重可令坐折足

床乎荅曰茲瑣事令安從知御史故久於杞欲察其
 陰事而不可得檄汴官吏皆集杞考剌以疲之最後
 謂曰知若廉吏柰不任劾何吾為若調簡可全對曰
 令有所不可擔一肩行李去耳調何為者其慙如此
 御史乃竟狀以不及聞即治行杞故事有賢令去諸
 父老率其子弟盛儀從擁令游間巷乃得去至是爭
 集堂皇不得已聽之萬眾嘯呼各持瓣香行歌前導
 即委巷無所不到如是者累日不肯休復共醵二百
 金追五百里外送之却不納周王亦聞其賢且貧為
 裝百金亦不受蕭然一肩歸耳後王元馭過杞問其
 本朝分省人物考 卷二十四 南五十四 陳士儒 三六

人曰若龔令何如泣不能言曰賢令寃去耳人久而
 思之如此歸而怡然撤所居舊廬以償逋另闢小圃
 灌藝其中御史劉君行部賢而獎之加禮幣焉居四
 年病後事無所備里人有無行者市義欲為治棺病
 且華張目呼曰我即親螻蟻無為以棺污我張仲起
 聞往而與訣為治棺而哭之而鄉之縉紳咸有助凡
 三四十輩元馭自京師聞之遙致賻焉監司暨守令
 亦皆捐俸為助為買田四十畝寡妻弱息得無飢死
 皆非身在時物也享年僅五十有一云

劉班

劉班字廷美號完菴長洲人少遇况守鍾推擇爲吏
謝不願吏願得補諸生守許之舉應天鄉試補太學
生以材舉授刑部主事遷山西按察僉事提督屯田
任職亾害甫五十乞致仕歸以壽終生平孝友恭謹
與人居無失色操履介特人不敢以私干之老而嗜
學不衰爲詩尤長七言清麗可詠書正行出趙吳興
畫山水出王叔明皆逼真世甚珍之所著完菴集若
干卷

戴冠

戴冠長洲人博通多識刻意爲古文辭負氣矜伉寡
所推與試輒不利晚乃授文學掌故三原王公恕撫
吳時重之王王銓時列上十事皆剴切詳盡爲之改
容嘆服長沙相李亦愛其文每欲薦之不偶瀕死嘆
曰天夢夢耶世汨汨耶此惟擁楹俶者斥矯屢肆駕
夷由踣耶已乎已乎豪傑廢死乎其志悲憤所著書
多自憶其不平然士有以信千載雖溝壑無恨矣

王應電

王應電字昭明崑山人少有神解於書無所不博而
尤精于周禮及字學與吉六經六恭泰和陳子虛康
求仁友善嘉靖間僑寓泰和著周禮解已著同文

本朝分省人物考 卷二十四

二十七

商右

備考其叙六書之指其精謂欲究作者之意必盡解
前人之縛而後可與言也夫三才萬物靡不有形象
形也者肖其形而識之此字學之本也其或涉于影
響思慮之所及而不可以形傳也則以其形而反仄
增損或重疊配合于形不類而意則可通故曰會意
也天地氣化也神而不有萬物叢生也蠢而無爲故
以人事曲成之以人處事故曰指事即古語象事之
謂也書法有限而物類無窮主一字之形而以他字
之聲合之因其形之同而知爲是類因其聲之異而
知爲是物是義故曰形聲非本聲而諧之乃曰諧聲
也聲之有餘也一義而各爲一聲不能聲爲之制字
也故以一字而轉爲數聲轉注之謂也聲之不足也
一聲而或兼數意不能意爲之制字也故以一字而
借爲數義假借之謂也且六義人所常言也三母則
人所未解也畫母有十雖體有萬變不能違也字母
二百四十雖字以萬計不能遺也聲母二十八交錯
于字母之中雖聲以萬計不能外也自本而該未挈
之如珠聯網布泝流而還源理之如攻玉捕亾用甲
勾乙損益益虧刊俗而復古定一而同歸故知三母
可以制字明六義可以釋經也又著書法指要六義

本朝分省人物考 卷二十四

二十八

商右

音切貫珠圖六義相關圖皆有裨于字學應電卒子
虛經紀其喪并贈其妻子以歸于吳

彭 昉 附子年

彭昉字寅之初有盛名選擇為吏南粵粵人故易動
而令乃簡易無威儀舉止多輕躁遂不能其官使者
猶以昉文章爾雅未嫻吏事優容之調他所後竟以
罷歸于彭年少游于徵明而潛思大業彌歲從事洛
誦遂皆究通徵明大稱焉名日以著所為文若詩一
時靡焉向風爭相慕凡道出吳中者聞年名無不願
交雖傾蓋而語皆謂已得彭君為喜部使者衡水楊
本朝分省人物考 卷二十四 二十九 南直十四
先生宜請焉不得已而起楊命廩 食之且命預試
南都以其意良厚亦彊應之已而竟不行時方以經
義策士年雅無富貴心陋宋儒章句不習佔俾家素
貧又嗜酒不問生產獨置甕床頭朝夕飲耳書迹適
勁貴于時

劉 鳳

劉鳳字子威蘇州人也所著有劉子威集又有太霞
草等集蓋洋洋乎大觀矣內鄉李太史于田評云劉
子威掘奇索隱抗心無前凡所注筆動依古矍其
當世流輩蔑如矣故其詞賦奇字瑰語多不可句將

母謂智者過耶嘗觀自古文士雖分旆揚鑣而究其
指歸無逾兩途做左語也過則體裁古而意不融
取宋人也近則意流放而體不老蒼舉斯二者未有
能兼焉者也即子威之所自負固大人與稽矣然能
兼擅于此哉其昵好季朗借謏于鱗咸可以論子威
矣子威以進士官侍御有能聲

王在復

王在復太倉州人嘉靖間倭夷內訌所在誅掠時在
復年二十一隨父王亮讀書朗澄菴同父奔逃至中
途遇倭父子相失在復已脫身二里餘矣展轉尋父

本朝分省人物考 卷二十四

三十

南直十四

聞父為倭執急趨父所見倭露刃以待跪求解免倭
以刃背擊其父隨以身蔽之痛哭哀求相挽不釋倭
怒奮刃一揮父子截為四段二首墮地而兩軀猶相
扭踣立亮家亾祀絕父子僅以淺土藁葬州城之北
萬曆丁酉督學陳子貞言於朝旌表其墓

柴道人

柴道人者號五溪崑山人故太學生也其父奇叔父
泰皆舉進士奇仕至應天府尹道人頗籍世貲有心
計工研桑之策家饒富平生未嘗一涉玄典會其母
死之京奏乞卹典還至潤州忽於舟中作書數通展

而圓封之付其家人先歸曰吾朝謁武當便還耳此家人歸發書視之乃遍謝諸姻黨語且與其妻訣家財巨萬田若干頃書數千卷令盡散內外族人當是時道人生子方七歲而妻之祖父爲尚書父大理寺寺丞兩家門閥方盛衆惶駭莫識所爲亟遣人追至武當業已入山祝髮爲頭陀矣其游武當嘗居南巖官師事麴子李傳其煉氣之法晝夜趺坐巖畔而已其家知不可強則歲遺金布來問無恙道人漫不置省第受布歸所主道士而揮其金囑勿再來一日持鉢行乞均州道中遇州倅出觸其鬚倅怒笞之已知

本朝分省人物考 卷二十四 三十一 南道十四

爲柴道人降輿惶恐謝罪道人曰吾自失進退於官人何與也了無作沮李化去更入伏牛山修道後二十餘年復返武當訪范小仙適靖江王以金施范范納之道人嘆曰吾爾足數千里來爲何意汝必有所得也而乃尚須人養養耶遂掉頭去或以聞范范尾至光化呼之畧無轉顧意步履如飛范度不能及再拜目送之慟哭而返

王芳

王芳字尚義一字德遠別號南園太倉人也幼業儒所交多名士家頗饒秉禮好施而自奉甚約晚喜閱

瞿曇書故殺之物不食卽遇一蠧亦存悲濟每每施棺掩骼人以佛子呼之聞從父中丞思質公被寇擄糧奔赴哀號失聲有長洲簿告急倒囊出百金畀之請益復以鄉人周氏所托金十錠貸焉簿尋禡職去遂委居第償周氏金而草舍鸚鵡橋晏如也嘗訪舊小直沽適慈谿費生廷槐病滯旅舍與語嘆曰奇士奇士困頓塵土邪移至寓所共寢處時其饑飽寒

本朝分省人物考 卷二十四 三十一 南道十四

夢墮橋下拯之不得謂其弗祥也晨輒焚香誦經爲之禳病病良已已而又病便溺狼藉市窵乞躬爲滌除旁睨者不堪無厭倦意生數感泣曰吾何以報先生吾何以報先生諸所需果餌藥物無一不備至泗州昇易輕舸欲就姑蘇名醫調理次呂城生病革索筆作家書恨不及終養二親涕咽謂芳曰生平心事百不一申天平已矣儻埋道榜乞書慈谿費廷槐不瞑目之樞語脫口而逝時嘉靖癸亥也雙眸炯然芳曰古今旦莫孰爲彭殤仲津達人而怛化邪摩其匪者久之猶不瞑乃舉其首枕之股拊膺而慰曰四海一家誰非兄弟骨肉弗而命也何恫况有四弟兩兒親養有託母戚戚爾生喉間春然有聲目漸瞑匿

尸三日舟人不知也抵虎丘稱貸管棺衾手浴含殮
權厝半塘僧舍託其外舅華晴峯轉告乃父汝登踰
月而至舉其匱弗前遲明南園絮酒來哭送乃舉環
寺門而觀者嘖嘖歎曰不意今人中得見古人有蘇
蘇隕涕者

蔣以忠

蔣以忠字伯孝常熟人也隆慶戊辰進士以長樂尹
入為南比部主事以忠才名久著為諸生時所著藝
苑琳瑯已為海內傳誦為長樂最有聲同時州縣皆
人據津要乃獨為郎比部又在南人咸少之恬然自

本朝分省人物考 卷二十四 三十四 南直十四 陳昌

得不為意也時從曹中讀古人書沈酣竟日夕發為
文雄贍跌宕有司馬氏風又性不治家人生產俸入
僅足自給一日聞父疾棄官歸貧不能治喪事獨捐
所受田業易貲為塋具不以累二弟又不給則令其
室脫簪珥佐之其孝友清謹每如此

管志道

管志道字登之號東溟崑山人為諸生時甚為耿恭
簡所器重尋師取友不憚竭蹶常言士必有避世不
見知而不悔之胸襟然後可語深造又必有行一不
義殺一不辜而得志弗為之節槩然後可與立身益

其自信者如此以隆慶辛未成進士選授南兵部主
事駕部故董貢艘衛卒苦積役僅餘皮骨乃言於大
司馬裁三百餘艘攤江濟兩衛中以資水夫工食而
四十八衛之困稍稍甦矣江淮有一二悍卒仇千戶
某流言本兵將以水卒充操練私歎血伺隙而起聞
者殊恐夷然不動流言者輒自解散徐治其為首者
數人而已甲戌丁父艱歸同官以所積貯羨金為襄
事助固辭服闋補刑部主事部有獄夜一人值之以
其間訊諸罪人枉直狀書于簿異為他日昭雪地常
省其飢寒拊其疾楚不以囚故忽也戊寅 神宗大

本朝分省人物考 卷二十四 三十四 南直十四 陶仲

婚禮成為九事以上中勸 上躬攬大政無使旁落
江陵銜之是冬出為廣東僉事蓋按廣直指為江陵
私人屬以陰擠之也又前疏內有明舊制一款欲司
道與直指抗禮故江陵以此難之出都猶以遵勅諭
申憲綱請入粵又上風紀十二議雖涉外臺意實以
繩政府時粵方中寇又疏陳事形太都主撫而不主
戰主善後之策而不主目前之計情形曲折明如指
掌蓋縷縷不下千百言也履任甫及一月直指竟露
章劾之得 旨降調解任馳歸至辛卯復補楚臬而
宦途之跡如掃矣堅卧不起以疾卒於家意常以西

來之義密證六經東魯之矩收攝二氏其立論蓋甚闊遠矣

趙用賢

趙用賢字汝師號定宇常熟人生而魁岸超朗甫五齡日記數百言稍長益警敏父常以考亭綱目命之讀晨授而夕成誦者八十葉父玘以嘉靖戊戌進士累官布政司參議嘗從入粵署多崇所止崇遂滅跡人益奇之以隆慶辛未成進士館試第一授翰林院檢討丙子與脩會典丁丑分校會試是冬江陵相聞父訃不奔喪臺省復會疏留之曰是不獨爲斯世綱

本朝分省人物考

卷二十四

三十五

南直十四

常惜亦當爲相國進退惜矣是時葦出西南長竟天遂上疏極論時編脩吳中行刑部員外艾穆主事沈思孝亦皆具論不奔喪非是疏上同日杖于朝削籍編戌而進士鄒元標時號哭于旁翼日卽疏論江陵申救四臣甚力旋奉旨杖百戌蓋一日而五人之名震區宇雖芻牧并幘靡不敬慕用賢歸江陵側目未解直指蒞吳者受密諭將興大獄吳中洶洶甚聞之而曰吾得從葦弘子胥不有餘幸哉日惟冥搜經史匡坐咲詠澹若無聞既而直指中悔移病去壬午復有將承者代事抵毘陵業已張弛會江陵死其人以

前殺劉御史論逮禍乃寢是年以言官累薦陞右春坊右贊善而凡爲江陵所排阨者皆被徵列交戟矣

癸未進經筵講官分校會典甲申冊封鄭府事竣陞司經洗馬尋纂修玉牒陞左庶子掌坊事用賢自削籍時目擊東南民困于徵輸稽之父老稍知吳賦所以偏重有不盡諫部額豪胥伏蠹不可勝言者於是條陳一十四事窮極根抵以上而當事者謂南人不得言南事議格不行丁亥陞國子監祭酒兼少詹事大典成賜白金文綺旣蒞南雍惓惓以四維勵諸生日士不敦彝常卽有淵雲之墨妙直如雕龍繪虎

本朝分省人物考

卷二十四

三十六

南直十四

無濟於用首舉海內高行鄧元錫劉元卿等以鼓舞之凡六館試事必躬衡其殿最一以身先士子黜齋者范于嚴而不敢肆進脩者樂其引翼而日興起復條奏監事之當舉者及廟宇之當新者諸史籍之剝蝕當更正者一一營脩故少宗伯黃公觀死靖難其廟圯更葺之樹表忠碑以風世戊子兩具疏乞歸且言人臣不可以身之將退而忘忠益乞早定儲位宥言官李沂斥絕張鯨母令窺覲不允陞南京禮部右侍郎旋陞左而以吳鎮絕婚事計奏因三疏懇歸以丙申年卒用賢剛直好義凡事關君國持議必依

於正事所不可雖貴顯力諍無所避至人頽頽疾視而不為變率以為常居恒語人曰世之治亂惟在國是之當否人臣食君之祿而第圖全軀保妻子隨人短長可謂忠乎其在戚友亦然聞有善稱之惟恐不及有不善規之惟恐不力絕不計其能從與否也

陸化淳

陸化淳字君復號湛源常熟人生方晬父抱於坐忽心動出戶未涉庭而梁仆又誤觸沸釜胸腹糜爛洞見內腑又三歲而痘當島夷內死以是異之舉萬曆壬辰進士授水部郎治河濟上會潔水溢諸水櫃所

本朝分省人物考

卷二十四

三十七

南直十四
楊悅

以備涸者漸且為豪右所侵甚至鞠為榛莽諸治水夫役皆供他調發私計河之盈縮不可期一當其縮運艘何藉而北達具議於總漕楊公昕夕乘橈樁周視疏導不惜胼胝引繩批根不憚豪右諸泉畢理丙申工竣而徐呂以下多患漕梗濟上轉輸如故楊公賢之在濟三載民間訴牒一不納曰非吾職也諸閭夫苦於中官雷使者詳為條令啟閉送迎皆有恒度秩滿出為金華太守治郡一以簡靜盈庭之訟率曲為曉譬令解去而臨事精勤無稽令無留牘間值艱渠雖至夜分必竣事迺就息會礦使劉有文欲至義

東二邑亟移書令駐郡第委官至二邑調停甚悉上不扞令下不橫征兩臺聞而交是之俾列郡皆以發為準又謂各邑無礦乃有守礦兵是開採之囿也悉議罷得省餉於時方議勾義烏逃卒謂此輩始貪衣食而蟻聚既畏鋒鏑而鼠竄若必誅求是絕逃者之生還又驅居者而流亡也力持而罷勾烏傷令固甚循飭也直指按發且擬置之薦列後突中蜚語乃力為解不釋因求解職曰外物可輕良吏不可誣直指後求其實令事得寢乃蜚語則起自司理總憲李公悉察隱曲深惡之當計吏司理遂以褫職感然不自

本朝分省人物考

卷二十四

三十八

南直十四
楊悅

懌曰吾第直令庸知曲吾察不去人將齟齬我疏乞骸骨而內自納言銓部外自兩臺監司無不篤留乃竟儻然歸矣歲丙午以中外剡薦起知虔州初意不欲行會虔監司遣役促行甚篤乃勉就道瀕行以一緘授周恭人曰有急乃召叔氏同啟虔為南粵襟喉開府駐焉軍民錯居商旅雜選擁傳而往來者交武於道比至虔直指行部諸事旁午需次而應之秩如也虔諸屯糧率輸糠粃而支必責良典倉者恒至蕩產議令一府佐董其事每屯所輸必令該屯官同典倉者封識逮應支之期即支其所輸諸屯遂不敢過

小虜兩橋商稅向以供軍需至是稅闕欲駐處以籠
共利開府李公不可闕乃苛求解稅者乃謂闕曰稅
額定於上人豈解稅者力所能加第以情告當有劑
量庶有濟耳於是請於兩臺定為畫一而商不苦於
競歛頃之疾作徧移文乞歸而當途苦留之遂發書
召其子孝廉急至敘次井井如平日泊然而逝比孝
廉至左右出一笥發而視之中第一扎其區畫子女
及喪葬諸事纖悉畢具既喪櫬歸傾城巷哭送者盈
野既抵舍請所遺周恭人扎視與處即者無毫髮異
蓋冥識前期者云

本朝分省人物考 卷三十四

三十九

南直十四
王國瑞

錢穀 附陸治

錢穀字叔寶世為吳人少孤能自勵喜讀書家貧無
所得書則遍謁藏書家就而讀之且以餘能習繪事
遂心通神解超人逸品於是聲日益起戶屢時時滿
其喜讀書益甚手錄古文金石書幾數千卷讐校至
丙夜不休所纂集有三國類抄南北史摭言長洲志
及續吳都文粹蓋仍宋鄭虎臣所纂文粹而更續為
數百卷吳中故實更無踰此性復勁直不能容人即
游於名士大夫間皆能貌之以氣語無私狎客或稍
不當意披衣徑出不顧竟以是貧且老同時有陸治

者字叔平亦善繪事饒風雅築室支硎山下雲霞四
封流泉迴繞藝名花幾數百種歲時佳客過從割蜜
脾剗竹萌而進之苟非其人強造者以一石支門剝
啄聲如弗聞矣儻嗜義腴田數頃盡棄以構其先
祠而於友誼尤篤兩人皆吳中高逸而翻以繪事掩
故世無有能名兩人者

陳體方

陳體方者故吳中酒徒也然沉深好書家貧落魄其
所游但為酒醉之置筆札其旁惟所命數篇並奏或
口授人疾書不給嘗自謂鄙生非狂必我也者乃真

本朝分省人物考 卷三十四

四十

南直十四
劉憲

狂耳每賦必酒酣以往才始縱發蓋得之天授非緣
學也嘗於酒所好一姬請詩百篇立就之為賦至六
十餘首沛然若注將死游行田間並歌並進醉而卒
人謂達生子太和亦有父性才敏利下筆不休語妙
一時而嗜酒甚日與所嘗游飲醉則相和歌旁若無
人者晚益貧并家居無之寓浮屠舍又不恒東西惟
所之輒醉卧

邢量 附沈誠

邢量字用理長洲人隱居葑門以醫自給性狷介
不娶與人無將迎足跡不出里門不蓄奴婢弊屋三

間青苔滿壁折鐺敗席蕭然如野僧長日或不舉火客至相與清坐而已其學自經史外凡釋老方伎之說無所不通室中卧榻之外皆藏書並手自校定或叩之信手舉似不事翻檢文章簡古亦不苟作與微逸事雖疏者已窮而猶娓娓列所未盡也同邑沈誠字希明生稍後隱操亦高雖居通衢隣里莫識其面朝士有欲過之者固謝不納誠博學問無不知然樸質無文故無所傳云

杜瓊

杜瓊字用嘉吳縣人生一月而孤母顧育而教之長本朝分省人物考卷二十四 四十一 南道十四
從陳繼先生學博綜古今為文和平醇實而必本於理詩尤沉着古雅有風致圖繪山水尤潤秀可觀性至孝父早亡念不得見從人問知其容儀往往形諸夢寐具圖繪其象母泣謂酷肖其生平以父名玉終身諱之嘗割股已母疾有司將上其孝瓊曰此豈得已邪惟母節未白可念耳有司以聞遂得旌其母每求賢 詔下有司輒以瓊應皆辭不就雖介特有守而不為過矯之行所居在城西有隱居之趣其東有原學者稱東原先生年七十有九卒三吳交從會葬者千餘人因私謚曰淵孝先生今列祀鄉賢祠所著

有東原齋卷紀善錄耕餘雜錄

支琮

支琮少為博士弟子貧甚遇寒母衾單不能寐盡解衣覆之已危坐至旦客候之良久不出呼敬將何在乃短衣見云方以所服覆母睡恐覺之故遲耳客嘆息憫之周公忱撫吳恤之僅獲濟後仕為從事

補遺

徐有貞

徐有貞字元武吳人宣德八年進士庶吉士授編脩陞侍講 景帝即位勅十五人守要害屯兵為京師本朝分省人物考卷二十四 四十二 南道十五
援有貞權監察御史守彰德景泰四年秋為諭德兼侍講是冬河決張秋石璞治之久無功集議文淵閣推擢僉都御史治河自東徂南西踰濟汶沿衛及沁循河道濮范寃源流度地行水治水開疏水渠渠名廣濟聞名通源渠有分合而開有上下凡河流之旁出不順者則堰之堰有九長袤皆至萬丈九堰既設其水遂不東衝沙灣乃更北出濟漕渠阿西鄆東曹南鄆北出沮洳而資灌溉者為田百數十萬頃又參綜古法就長擇善爰作大堰上槌以水門下捍以長隄堰崇三十有六尺厚什之長百之濶廣三十有六

丈厚倍之隄之厚如濶崇如堰長倍之架濤截流... 木絡竹實之石而鍵以鉄盖合土木火金以平水性... 又導汶泗之源出諸山匯澶濮之流納諸澤又濬漕... 渠由沙灣北至臨清凡二百四十里南至濟寧凡二... 百一十里復作放水閘于東昌龍灣凡八度其盈過... 丈則洩皆通古河以入于海上制其源下放其流既... 節且宣用平水道七年陞副都御史還朝有貞負文... 武林臨事敢為有經畧乃與石亨善竟以奪門功陞... 兵部尚書華蓋殿大學士封武功伯時內閣諸臣盡... 得罪死徙落籍去得為首相欲立功名自異稍與石

本朝分省人物考

卷二十四

四十三

南

總兵相左李賢旁助之凡用人行政稍持以正左右... 已不能堪內臣曹吉祥亦以奪門功與國政不通文... 墨恐事歸司禮力贊 上事須經內閣吉祥固不悅... 天順元年御史楊瑄劾曹石曹石疑出有貞意見之... 盛氣乞逮御史初曹石爭寵利不相能至是遂合牽... 上衣哭訴曰內閣專權欲除奴輩伏地哭不已言... 奪門時出萬死立功今為內閣所陷遂以楊御史及... 都御史耿九疇有貞及賢俱下詔獄即日雷電交作... 大風拔木承天門災二凶家大木皆折水電尤甚不... 自安 上遂釋賢諱有貞廣東叅政行至德州會有

投匿名書斥朝政者曹石以為出有貞復逮詔獄拷... 治無驗命取誥券示三法司刑部侍郎劉廣銜等遂... 劾以詐撰制文竊弄國柄自謂治水希蹤神禹敢以... 定策冒貪天功大不敬無人臣禮論斬 上會災變... 得有編置金齒四年冬 上坐文華殿諭賢王翱曰... 有貞才學亦難得當時有何大罪為石亨張軌所陷... 如後世議何可釋歸田始得還鄉卒于家有貞短小... 精悍博學多能有膂力天官地理兵法水利陰陽方... 術無不通貫文雄奇詩亦道勁

伍袁萃

本朝分省人物考

卷二十四

四十四

南

伍袁萃號容菴長州人即伍相國之裔也萬曆丁丑... 舉南宮庚辰成進士授貴溪知縣行取兵部主事丁... 憂復除武庫司員外陞浙江僉事提督學政陞湖廣... 左叅議致仕復補廣東副使未幾致仕天性鯁直居... 官素持清介登籍五十年強半里居閉戶養重絕不... 與聞外事每好譚時政有聞必梓時出已見為褒貶... 著述頗富而囊橐愈空壬戌之春卒于正寢幾無以... 為歛

文彭

文彭長洲縣人待詔徵明之子隆慶戊辰以歲貢司

訓嘉興府學坦率而易瀟灑出塵草書宗逸少畫得家傳殘縑斷簡人爭寶之一時名公俱從之遊

本朝分省人物考

卷二十五

聖五

人物考卷之二十五目錄

南直隸松江府一

全思誠

孫作

何廣

何潤

沈度

沈粲

陳楨

王公亮

王鍾

李至剛

俞允

夏衡

陳詢

葉宗行

李伯嶼

附于澄 清

夏寅

本朝分省人物考 卷二十五目錄

一

南直隸 楊虎

錢溥

張鎔

任勉

衛穎

唐瑜

侯蓋

朱奎

談倫

張悅

王霽

唐珣

陳章

張誥

曹時中

高祐

張黼

張彌

奚昊

周佩

袁豐

孫衍
顧清
陸深

唐禎
錢福

本朝分省人物考 卷二十五目錄

二

本朝京省人物考卷之二十五

南直隸松江府

全思誠

全思誠字希賢上海人博雅宏粹少負文名洪武十六年以耆儒徵授文華殿大學士上曰朕觀古人有志之士雖髮白氣衰心猶不怠故能善其始終卿懷才抱德志肩古人朕甚嘉焉惜乎年迫衰暮志雖存而力不能任朕不忍復勞特授此職以輔導太子免卿早朝日宴而入不久當從其志庶不負卿平生所學而鄉里亦有光矣思誠固辭翌日放還

本朝分省人物考 卷二十五

孫作

孫作字大雅自曾祖澂川傳至作而學益大門弟子以尚清先生稱之而不名著書十二篇號東家子詞旨闡博雜之子書中蓋不能辨也至正兵起挈家入吳盡棄他物惟載先代藏書兩敝篋張士誠聞而廩祿之卒以母病謝去用是益貧然熙怡自若略不爲動久之衆爲買田築室家於松焉洪武癸丑召纂修日曆授翰林編修官乞外授太平府教授三年選學官任除國子助教明年分教中都又明年還成均又明年陞國子司業後終於漢成里所著有滄螺集版

行於時

何廣

何廣上海人洪武中以明經被選知任丘縣卓有惠政邑稱循良陞江西僉事再陞湖廣叅議所至皆著能聲清廉寡欲纖滓不染在風憲有激揚名在藩垣得方岳體嘗著律解辨疑法比家宗之

何潤

何潤字子潤華亭人吳元年四月海氓錢鶴臯乘時未定率鄉氓無知者鼓譟入城擅開府庫竊器仗盜金帛殺良民執華亭知縣馮榮表浦場官李肅袁普

本朝分省人物考

卷二十五

十一

南直十五
張天叙

等將害之潤以身嬰其鋒願舉家坐卒脫榮等死知府荀玉真逃之野還遇害潤亟奔其死所收其遺骸函藏哭奠授其家人還葬焉府及屬司八印皆散失不知所在潤物色得之出私財購而納諸官方倉卒時老稚百不能出城避難者無問識不識悉為寘縣之後堂供其宿食得免者甚眾及葛指揮率兵來誅兇悖潤復具羊豕酒醴迎犒於郊費皆自己出既又率父老詣龍井莊謁丞相徐公拜其殲渠罔治之德一方以寧馮尹深德之將聞其事於 上潤固辭乃止時咸稱曰何義士楊維禎錢惟善諸公為傳其事

而歌之

沈度

沈度字民則華亭縣人度溫雅敦實自幼嗜學博涉經史洪武中郡邑交舉文學弗就坐累謫雲南跋涉萬里於時達官重帥爭欲迎致館禮之岷王具禮幣以聘既至屢進直言都督瞿能能知賢下士延於家塾為弟子師旦暮躬請益焉入京師以度偕行時成祖初臨御命翰林舉賢才值禮部尚書楊溥為編修以度名上擢翰林典籍時方制勅填委既視草學士以下分書之 上獨覽度書稱善凡玉冊金簡用

本朝分省人物考

卷二十五

十三

南直十五
劉汝奇

之 宗廟朝廷藏秘府施四裔一切大制作必命度書之書婉麗道逸兼篆八分尤高古渾然漢意日侍清密無間 賜二品金織衣製象笏鏤度名氏塗金以賜以其弟與子皆善書悉官之近侍父子兄弟並榮於 朝古今以書承寵遇莫或加於度者度為文章尚理致平澹雅則不為浮靡事 上必盡誠被顧問必以正對由典籍陞檢討復陞修撰永樂十四年陞侍講學士 仁宗朝進協正庶尹 宣宗臨御進翰林院學士踰七十再上章乞致仕不聽度事親孝與子友愛相篤終身與人交久益敬為人貞靜不苟

附初入翰林鄉人有爲大宗伯者氣勢赫奕朝士希進者日奔走其門度以故舊獨自守未嘗輕造間或邀度輒以禮辭士論高之間則閉戶焚香鳴琴賦詩以自樂人號自樂先生襟宇澄澹風韻蕭散所好惟載籍法書名畫古器自題其齋居曰樂琴書處雜蓄花卉奇石每高人韻士至必具觴酌或吟或奕意度翛然所作詩文有韻南藁隨筆錄西清餘暇自樂藁藏於家年七十有八一日徵疾猶作和王行儉小洞天詞明日捐館訃聞 上遣禮部郎陳謨賜祭給驛舟歸喪 命有司營葬

本朝分省人物考

卷二十五

四

南直十五
劉汝奇

沈 粲

沈粲字民望華亭人幼穎敏異常兒八歲通孝經語孟十歲善真草十三父母俱亡兄謫遠戍獨閉戶讀父書疑難輒走父執問辨之家貧無楮日懸腕書壁筆力遂大進鄉人長老咸異之率遣子弟從游歲致數十人時方垂卅坐上座毅然設教皆有成法 太宗臨御勵精文翰與兄度同事秘閣授中書舍人於時誥勅詔學士以下班書之獨粲兄弟書 上視之加喜焉度書婉麗粲書飄灑雖出一家而各臻其妙賜二品金織衣特置象笏以金鏤其名賜之時度爲

學士粲爲侍讀人咸以太小學士稱之 宣帝卽位告歸展墓盛暑徒步不以騎乘鄉里稱之還朝陞右庶子再陞大理寺少卿晚乃倦於真書惟喜行草蓋出入宋仲溫陳文東而得其三昧戶外之履常滿暇則與客彈棋賦詩一切世務泊如也甫七十遂致仕歸歸乃盡出所賜金管錫老堂於故址日聚親故燕飲其中襟度闔爽不屑屑於細故因自號簡菴詩文與至輒就得意處多膾炙人口

陳 楨

陳楨字景祺華亭人讀書好禮喜怒不形於色洪武

本朝分省人物考

卷二十五

五

南直十五
梁仲德

中以薦授禮部主事有能聲嘗大廷議事衆不能決楨徐進剖析數言而定 上喜甚俾攝部事諭之曰卿見事明敏四司之事宜悉知之楨益勤飭不敢怠坐齊麟事謫戍金齒未幾召還授五軍斷事丁家艱起復上疏乞終制服闋陞主客員外郎出知湖廣襄陽府時荆土大蝗獨不入楨境永樂初召爲鴻臚少卿治水東吳陞河南右叅政黃河決勞來有方民不失業盜發汝寧將窺汴以計離其黨與困其首張子誠等於均山降者數千兵不血刃而定 上嘉之賜勅獎秩滿乞祭掃忤 上意謫知交趾丘溫縣時方

暑南中瘴癘甚或勸緩行曰死生命也何瘴癘之虞至縣一月而卒年五十 上聞而惜之後八年其友胡士文請於交趾尚書黃公福始克歸其喪楨居恒曰人惟仰不愧俯不怍而已身之利否何計故歷官所至並著聲績云

王公亮

王公亮華亭人洪武初以能書舉任吏科給事中陞應天府治中念草昧之初民心未定乃剗剔煩苛壹意綏輯以卓異聞遷府丞益自淬礪舉所諳民情吏治斟酌施行之人大悅服永樂改元調四川右布政久之復調廣東永樂十二年卒於官體貌魁梧舉止都雅居官廉重得大體國朝京兆丞能拊民者為稱首云

王鍾

王鍾字公虛華亭人洪武中起家為椽坐事戍遼東用薦授行太僕寺典簿進燕府紀善 上舉義南向鍾侍 世子守北京恭慎小心夙夜不懈甚為 世子所重永樂元年陞北京刑部郎中復陞戶部右侍郎鍾為人端厚沉靜從容詳雅臨事無留滯僚吏多服其能云

李至剛

李至剛號敬齋華亭人少穎敏不羣嘗從學楊廉夫為詩文有清思洪武戊辰舉明經奉命侍懿文太子初授祠部試郎中既實授坐累謫戍邊無幾召還為虞部郎中尋陞河南布政司右叅議會河決汴隄居民危懼建議假王府積木作筏濟之人賴全活甚眾調湖廣布政司左叅議 太宗入正大統來朝大臣有言其才且洪武舊人遂以為通政司右通政方修洪武實錄至剛與焉且暮在 上左右道說洪武中事甚親密是冬陞禮部尚書時禮部之務叢挫至剛長於剗繁修理井然益見寵遇實錄成有白金文幣金織衣之賜永樂二年春冊立 皇太子命兼左春坊大學士東官開經筵與右春坊大學士解縉最先進講及修永樂大典四方文儒皆集仍以至剛董之無幾為侍郎宋禮所間見疏歲餘降儀制郎中然遇劇務必以屬之與解縉素厚縉既遭讒出人有言其怨望者後詔下獄并逮至剛 仁廟嗣位念為舊宮臣復以為通政數月又念其老不任朝參改知興化府時朝廷方需仁澤於天下仰祇德意勞心撫綏郡民德之甫再歲歿於官享年七十

本朝分貨物考 卷二十五 六 南直十五 張天叙

本朝分貨物考 卷二十五 七 南直十五 對賢

俞允

俞允字嘉言華亭人也為人疏節倜儻不羈力耕以事其父父性樂施予一日有道者羽衣策杖而過之因止宿焉父命侍食謂允曰子有奇氣異時當奉大對為天子命吏遂別去允悟始折節為儒補博士弟子是時江南甫定經學失傳獨得三傳於蠹簡中玩味久之欣然有得乃以春秋舉畿內高第至是果舉進士拜楚府紀善改魯山令遷禮部主事奉命使楚還報失期謫長沙判歷前官皆如道人指其後之長沙貶所未至會道病暴卒已而復甦先是病既革以易簣待觀於沙門七日矣忽有醫者貿藥而至或戲之曰寺有死者可復生否曰可入取青囊一粒納允口中有頃喀喀數聲竟起不死於是家人大喜競以金帛酬醫醫無所受詢其姓名亦不答也第云有長沙白鶴大仙廟盍往修之俄失所在眾皆駭然然後知其為白鶴仙神也而或以問允始為言疇昔事謂我實神遊其地而未嘗往也往而復還而未嘗生也其靜定如此及至官訪之果得白鶴廟重建焉居七年以壽終後孫汝為復以毛詩舉隆慶辛未進士守湖州

本朝分省人物考

卷二十五

八

南直十五

劉曾

夏衡

夏衡字以平華亭縣人幼補邑庠生永樂中學士沈度以善楷書薦授中書舍人內閣書辦累官至太常卿太宗北征宣宗討武定州皆預扈從嘗病醫云得瓊玉膏可愈語聞英宗命以賜衡天順初英宗復位吏部以朝臣名上閱及衡名曰此嘗受朕賜瓊玉膏者耶衡蒞事內閣最久謙厚縝密未嘗泄禁中語一時同事者多假內閣勢張皇於外有所干求衡廉靜寡欲公退閉門獨坐泊如也天順八年卒年七十有二訃聞遣官諭祭命有司營葬事

本朝分省人物考

卷二十五

九

南直十五

徐相

陳詢

陳詢字汝同華亭人早失怙事母以孝聞登永樂戊戌進士累官翰林侍讀學士出知安陸州景泰初召復故官陞大理少卿巡撫北直隸改太常少卿兼學士陞國子祭酒致仕卒年六十六詢性峭直寡言笑平居儼然飲酒能多而不亂在官處僚友和而不同人不敢干以私秉道嫉邪蓋出天授正統中中官王振怙寵公卿皆下之劉忠愍李文毅忤之皆得奇禍詢絕不與通振衡之故有安陸之謫方是時詢直聲動天下人皆為危之而詢怡然不以為意也編修

梁諶病語家人曰朋游中惟陳汝同心地好且有家法孤子女可託也詢聞而諾焉及諶卒為經紀其家事無不曲盡至冒謗毀而為之不惜嫁其女得松人黃瑜後叅福建政竟以梁之喪歸其鄉其篤於友誼如此為文章清勁有氣骨類其為人主考兩畿判國子獎拔士類甚眾若嚴銓丘濬楊繼宗彭韶施槃輩後皆為名臣

葉宗行

葉宗行華亭人讀書尚氣節永樂中東吳大水松江尤甚葢黃浦下流壅塞水無所歸宗行上書請棄其

本朝分省人物考

卷二十五

十

南直五

故道濬范家港引浦水以歸於海示近海民無私作壩以遏其流 上善其言命從夏尚書原吉治之水患果息原吉還 朝薦其才擢知錢塘縣錢塘劇邑民困於徭賦宗行為定役法俾民自占甲乙書於冊循次而呼之役遂以均詞訟亦簡不逾年翕然稱治一日廳事前有蛇蜿蜒若有所訴者宗行諭之曰若豈有冤乎吾為汝驗之蛇返入餅肆中爐下發之得死屍乃肆主人利其財殺之埋此遂伏誅又嘗江行忽舟重不能進視之一死人挂於柁腰下有石乃里中人殺而沈之者亦伏誅縣故多虎暴宗行為文祭

之虎遂斂迹 仁宗在東官聞其治行戒所司不得擅自凌辱按察使周新風采嚴峻尤重之嘗候宗行出潛至其舍視之惟笠澤銀魚乾一封新歎息構少許而去明日召以食曰此君家物也飲之至醉出三品儀杖導之歸宗行辭不許曰此位可立至奚辭為時呼為錢塘一葉清會朝廷大營建宗行率兩浙工匠赴北京道病卒新泣思累日自為文以祭錢塘人至今稱之謂不愧古循吏云

李伯嶼

子澄清附

李伯嶼字君美上海人宣德丙午鄉薦歷桐廬山陰

本朝分省人物考

卷二十五

十一

南直五

訓導秀水安福教諭其誨人一以道義諸生貧而好學者衣食之或不率教雖東修之饋不受桐廬累舉闕人伯嶼至識姚文敏公於少年曰一夔足矣授以春秋未幾夔擢第山陰學或傳風水不利科目請徙之伯嶼曰顧師弟子教學何如耳卒不徙其後仕者相繼陞淮府左長史從王入覲左右請他求伯嶼不可曰君臣之間有賜無求求則瀆瀆則不敬府使人入貢道與一縣令構爭詔下令於獄而釋使者不問伯嶼請治之以戒生事官校有犯王械寘於市伯嶼請論如律以全其生王有疾左右請施僧祈福伯嶼

謂不若貸丁役錢以甦衛士王皆從之成化癸巳卒年六十八所著有文翰類選一百六十三卷行於世二子澄清並登進士澄字希范終福建左叅議恬靜有守不競榮利有古人風清字希憲終湖廣右布政有介有志操始終清謹官南京刑部時除母喪謁選尚書姚夔以其父舊恩欲留之清謝曰荷公盛意知者謂公自薦不知者謂清有所干也姚歎曰希憲真君子哉在兵部議儀真守備獨薦都指揮都勝一人清白請用之推此類可見

夏寅

本朝分省人物考

卷二十五

十一

南直十五

夏寅字正夫華亭人正統十二年進士初為南京吏部主事歷郎中杜門誦經史百家言久之發為文章淵宏奧密脫去流俗自成機杼陞江西按察副使提學專崇行實黜浮華閱卷一目數行下善於鑒別無有爽其衡者復文山祠葺白鹿書院修陶侃讀書臺陞浙江叅政處州民苦虐政走山谷招不聽曰須夏叅政來寅檄至即散成化二十二年進山東右布政使敬簡有容愛民節用或勸興作不聽曰勞而不怨斯可疏論國家之勢在離合合則安離則土崩今兩京並建其勢宜常合以制天下徐州地連山東饑饉

無聊宜在賑恤臨清南北咽喉一或阻梗為害不小宜選大臣有望實者鎮守二邦訓兵屯田示天下形勢廷議為出白金四萬兩賑徐州命都御史賈俊鎮臨清吳中旱饑有司莫以告寅投書巡撫發廩二十萬石糶米十萬石賑之他所論列若文廟禮樂之數正風俗立紀綱崇文化作人材之類皆切於政本誠心直道無黨無援自筮仕為郎二十年為副使十六年未嘗以淹屈降志嘗曰君子有三惜此生不學一可惜此日間過二可惜此身一敗三可惜

錢溥

本朝分省人物考

卷二十五

十三

南直十五

錢溥字原博華亭人正統己未擢進士試薔薇露詩稱旨命教內書館授翰林檢討擢春坊左贊善仍兼檢討修寰宇通志成陞左諭德兼編修天順丁丑改尚寶司少卿陞侍讀學士賜二品服充東宮講讀官壬午奉使安南國賜一品服甲申坐內侍王倫事出知廣東順德縣成化丙戌復故官閒住癸巳起掌南京翰林院事秩滿赴京擢南京吏部左侍郎己亥入賀聖節尋乞歸命以本部尚書致仕補一子為國子生丁未進階榮祿大夫再補一子國子生弘治戊申五月卒年八十一賜謚文通溥少有文名既擢

第聲譽勃起嘗上書楊文貞公論學文貞避之居父憂與巡撫周文襄公論便民條約復移書侍郎李公論積荒召佃煎鹽水次倉四事多見施行在順德釋繫囚撫流民尤多善政 英宗復位大臣多受賞溥言於兵部尚書陳汝言曰當時非 皇太后手詔則曹石二人焉敢提兵入禁宜以功歸諸 太后上尊號為宜汝言入言之 上即舉行已而問知出於溥也故有學士之命使安南與禮部論移文不當與內臣同行禮又與內臣書論 詔勅開讀先後之序至安南與王論郊迎禮儀王辭屈悉從之瀕行贖以金

本朝分省人物考

卷二十五

十四

南直五

張 瑄

張瑄字廷器華亭縣人正統戊辰進士景泰元年擢監察御史北虜內寇承 勅往北畿河南山東清理馬政密雲謫言有不軌者受密命往察且撫定之出按宣府大同有都御史子犯法乃按其罪并劾其父罷之以宣府將佐多冗請分守獨石諸邊歸總諸道

承 勅巡臨清按治豪猾餘黨悉散天順三年陞江西副使風裁肅清吏不敢欺七年陞江西按察使寡默博洽居官務安靜輿論或謂其無為然事賴曲成者實多贛州賊亂以捕獲功賜金幣成化二年陞陝西左布政隨陞右副都御史巡撫寧夏城皆土築始甃以甃導河流以溉屯田若干頃修衛學給廩食嘗帥兵行邊與賊遇斬獲男婦及牛羊器械 賜勅褒諭陝西固原達官滿四叛會 王師出征劾官將致變者寘之法時寧夏所屬地方多永樂所置降虜朝廷慮其為變受 密勅撫之各安其業七年丁憂

本朝分省人物考

卷二十五

十五

南直五

十年起原職巡撫保定等府值久旱給民牛種俾不廢業復承 勅勾稽戎籍 王師出宣府督軍餉不之十一年改大同斬首虜奪兵械築城浚濠清理屯種復被 勅褒諭十三年召為刑部右侍郎十七年轉左江西有大獄連引千餘人 命往勘皆得實十九年陞刑部尚書用刑多主平反囚無酷死者二十二年加太子少保尋丁憂服闋 孝宗御極起南京兵部尚書參贊機務秩如故以國家根本重地政尚簡靜兵民悅服蓋自筮仕以來歷三朝四十有六年更十命年七十有一而卒其始所樹立施措舉克自

遂而終厚重持之長髯偉幹襟量夷坦與人謙讓不事矯飾不以富貴加人人以是稱之六年卒於官壽七十一贈太子太保謚莊懿

任勉

任勉字近思松江人幼岐嶷厲志篤學登正統甲戌進士授鄱陽令滿九載陞知瀘州會鄱民詣闕請留移守饒州府以前守在政同知府事薦為福建右叅政尋改都督府經歷考察南直隸官吏出知徽州府以事謫滄州者八年復以薦起知蔚州丁母憂服除知睢州年七十上疏致仕壽八十有九而卒初勉宰

本朝分省人物考

卷二十五

十六

南直隸方

鄱陽思前令所以亟黜率因襲苟且拂民情而壅上德法所以逮也訪邑有德學為民所信鄉者為四門老有事相與酌輕重而處之有不便者或粘匿名文於縣門勉曰是教我也俾勿壞婦有新寡者訴兄夫弗育已勉曰汝欲他適乎乃判其背衫曰餓死事極小失節事極大後婦終守節他發聞之亦無二志文廟丁祭羊豕往悉科於民勉曰是豈崇報意哉歲令里社分畜而獻之饒著為令暇則坐學宮與多士講解授愛如嚴師鄰邑樂平傷屍誣逮郡以檄勉微服往偵得其情兇者款服枉者得釋先後為令者皆不

及也

衛穎

衛穎字源正華亭人祖諱炳當元季以鄉兵歸高皇帝從征伐授薊州衛百戶累功為濟南衛指揮使世襲穎以正統己未上京師太保成國朱公奇其貌選領山東漕兵又改領京營番上兵甲子朱公又試其騎射謀略薦之朝擢山東都司署都司指揮僉事己巳之變應詔入衛尚書于公謙以穎名薦實授僉事進都指揮同知時廷臣有異議者請募死亾調諸藩兵以壯根本是冬虜酋也先入寇帥兵邀擊於黃

本朝分省人物考

卷二十五

十七

南直隸方

花鎮白羊口又分守西直門連戰累日又承勅副石亨總京營諸兵以功實授僉事虜既退進都督同知賜蟒衣玉帶又與都御史俞士悅稽兵籍收散卒造器械景泰壬申師兵出駐宣府癸酉召還復督諸營兵天順丁丑英宗復辟進左都督掌前軍都督府事兼領禁衛日給酒饌賜寶刀白粲諸物與兵部會閱禁兵冬錄迎鑾功封宣城伯食祿千一百石賜誥券戊寅佩平羌將軍印鎮守甘肅適西虜大至議者謂不宜輕動穎奮曰不奪賊氣城何能守鼓行而前連十二戰破走之會廷臣議封爵有所釐正上以

穎方膺邊寄特仍其舊辛巳又破諸番於涼州都督
 毛忠在虜圍冒矢石往救全帥而返甲申西寧番把
 沙作亂師衆深入擒斬俘獲共千七百餘人馬牛器
 械甚衆又請立儒學建廟置田教人醫藥皆舊所未
 有者西人至今德之不衰 憲宗卽祚召還成化乙
 酉命掌左府事調前府丙戌錄河西功加歲錄百石
 賜世襲伯爵佩征虜前將軍印鎮遼東女直毛憐犯
 塞據險設伏追還所掠若干 上降勅獎諭已丑以
 疾請召還京第壬辰命視後府事尋命守備鳳陽丁
 酉調掌南京後府事協練京營兵兼督習水戰連上

本朝分省人物考

卷二十五

十八

南直十五
陳士傑

唐 瑜

唐瑜字廷美其先晉陽人宋御史中丞子方之後高
 祖英洪武初官上海烏泥經稅局因占籍上海登景
 泰辛丑進士授南京禮科給事中蹇蹇不阿選知浙

江衢州府九年擢湖廣右叅政遷山西右布政使未
 行丁外艱服闋改雲南未幾擢都察院右副都御史
 巡撫甘肅瑜之守衢也詢民間利病以次行罷衢人
 大悅會歲久旱且疫瑜還自 朝覲下車卽宿城隍
 廟自爲文以禱三日雷雨大作後凡值旱禱輒應吏
 民相與勒石於周宣靈王廟舊有孔子祭田奪於民
 瑜以俸贖還之俾世供祀事有假媒聘賺財旣而懼
 瑜之威驚二子及妻以償瑜曰民窮而犯法畏法而
 棄妻子守之過也贖其妻還之衢民健訟瑜決斷如
 流數辯疑獄民遂不敢欺及去衢衢爲立生祠祀焉

本朝分省人物考

卷二十五

十九

南直十五
劉 檄

其在湖廣城京山襄河爲害作隄障之置廣儲倉歲
 饑發賑民賴以不徙其在雲南定土官世襲法以絕
 爭訟定滇糧給散之宜甘肅兵政久弛至則陳時政
 四罷叅將田廣副將許寧李嶼勞邊軍恤陣亡邊人
 竦然會中貴人以事諷瑜不從廣等從而媒孽之竟
 坐事去弘治五年詔復故官致仕七年卒於家春秋
 七十有二

侯 蓋

侯蓋字進忠華亭人少游郡學廬陵孫先生時爲教
 授命作無極太極論文成理致粲然甚見稱許正統

辛酉中應天府鄉試屢試禮部不中景泰中從吏部
選尚書泰和王公見其文歎曰子何乃不得第進士
耶擢真第一授襄陽府同知比至以屬吏不知爲政
取前元張文忠公三事刻木傳之痛抑豪民爲襄王
所知厚加禮待三年俄丁父憂服除改處州州號難
治屬邑龍泉慶元居民盜鑿銀鑛恃險爲亂鎮守中
貴人欲請於朝盡勦絕之蓋言此州民常態願往諭
之用其言民皆散去竟無事秩滿乃擢都轉鹽運使
司同知鹽池無垣諸無賴相率持兵械入池恣取往
往爭奪殺傷有司莫能禁上疏陳其弊 朝廷命御

本朝分省人物考

卷二十五

二十

南直十四
范應昂

史一人巡視人乃知懼仍用其說築垣以闌人蹟垣
廣袤百二十餘里外鑿濠濠外復築堰以防水患周
垣建舖舍二十四以居邏卒復創分司二於池之東
西功畢而鹽弊頓革先時池旁居民每藏私鹽窖中
以牟大利蓋論以利害民爭自首悉歸所藏於官自
是鹽法大通商賈益至邊徼多儲蓄歲省轉輸之勞
又歲嘗大雨池水泛溢鹽無所出蓋率寮屬致齋七
日禱於池神明日天霽而其旁數里雨如故人以爲
誠感居官二十餘年盡心職業未嘗有過年未六十
卽自引退

朱奎

朱奎字文徵號鶴坡華亭人年十二以奇童奉詔入
內館讀書師翰林諸公授春秋經而褒貶大旨皆明
於胷中甫弱冠進游國學景泰紀元庚午拜中書舍
人天順癸未轉尚書司丞成化丁亥進秩正卿然眷
遇日隆而忌者益陰擠之遂兩外調爲廣東副提舉
爲保寧府同知奎殊不芥蒂於懷但竭心民事盡其
分所當爲而已用是政聲燁然聞於京師 憲宗思
爲近侍舊勞召還復官仍直文華殿恩寵視昔有加
焉壬寅擢太僕寺卿三載奏績進大理寺卿給從二
品祿明年丁未以衰邁謝事留居京邸奎平生孝友
篤至家庭內外咸得其意器度軒昂心性倜儻飄然
出塵每遇賓朋過從輒觴詠或手談終日不倦自少
壯至老未始有異所著詩文成巨帙藏於家而詞藻
清俊殆類其爲人也

談倫

談倫字本彙上海人長身豐頤瑩然玉立景泰丁丑
登進士觀政吏部時鹽山王忠肅爲冢宰風岸孤峭
意輕南士見倫瞿然曰南方有此人耶因授驗封主
事甫一年擢員外又擢郎中性開朗又善于銓事忠

本朝分省人物考

卷二十五

二十一

南直十五
徐相

蕭愛之 英廟每召見忠肅輒以倫隨 上問之忠肅以名對曰臣老矣於 聖諭恐有遺忘此即代臣志之且其人可信也 上因欲大用之忠肅謂年少資淺他日用之未晚久之丁母憂服闋至京則濟南尹公為冢宰補虞衡司三載擢應天府丞鳳陽大水尹京者不敢以聞倫自署其奏是歲詔免秋糧數萬進尹應天改順天會軍與橫索民車以千數許以百兩不可倍之不可再倍之又不可乃具以聞詔以百兩與之自是軍士無敢橫進工部右侍郎筦易州新政搜逋抉隱剗奸蠹歲得羨餘若干萬會南昌人

本朝分省人物考 卷二十五 二十三 南直十五 徐相

李孜省以左道倖尹公子龍被逮尹公以是去倫亦隨之初公受知忠肅忠肅之病也日侍湯藥於左右忠肅臨終以託崔尹兩亞卿兩亞卿亦自才之故往來三家如家人父子時萬文康在內閣有憾於尹因孜省媒孽醞釀以成其獄士出尹公門及山東者盡逐之 朝班為空尹公之門無敢闖焉倫於尹最厚其行也又往餞之故及成化初公道昭宣孜省伏誅謫逐者多召還而倫竟以病不起年七十五初倫家居歲遣人起居尹公於山東忠肅之卒也視之別室崔公歿亦如之尹公亦如之其篤於所事如此

張悅

張悅字時敏華亭縣人天順庚辰進士自少凝靜持重篤學力行已為鄉里所推重初授刑部主事歷員外郎奉職守法以不欺為本朝士有囑其所親者曰不敢撓公法但乞假一詞使知某嘗有言耳事訖而問之曰其人無大罪既據法施之矣敢偽言以市恩聞者歎服未幾陞江西僉事持大體不事苛察尋改浙江提學始以糊名校士尋去之曰我且自疑人誰信我請託覬覦屹不為動而士皆帖服無敢干以私者所獎拔往往取魁甲為聞人眾神其明而莫測其

本朝分省人物考 卷二十五 二十三 南直十五 周性

所為用成化十四年陞四川副使十五年進湖廣按察使甲辰入覲時中官尚銘在東廠任事眾羣趨其門悅獨不往銘銜之伺察無所得未幾銘敗而其名益彰二十二年進都察院右僉都御史二十三年陞工部右侍郎弘治元年遷禮部二年再遷吏部右侍郎五年轉左侍悅臨事卓有定見癸丑大早上陳遵舊章恤小民崇儉素裁冗食禁濫罰數條并修德圖治二疏皆嘉納之時吏部尚書王恕負時望尤倚信於悅凡有言無弗從嘗兩攝選議翕然稱允六年陞南京右都御史振厲風紀臺中肅然八年陞南京吏

部尚書鎮定簡靜上下安之雖中官亦加敬禮守備
太監陳祖嘗設席獨延上坐弟姪問更召何人曰他
人豈可同此席其爲時所重如此九年改南京兵部
尚書叅贊機務凝重不撓留都倚以爲重議事每持
大體爲根本遠圖不操切文具十二年加太子少保
致仕卒贈太子太保謚莊簡悅平居謹畏小心無疾
言厲色至臨事卓有定見未嘗以恩怨利害動其心
或言有善讀書不善作官者笑曰此正不善讀書耳
世豈有遵書本行而誤者性素清約自小官至重任
終始一節爲縉紳表率者四十餘年及歸處舊居杜
門不出在外公私事一無所預時見風俗奢靡益崇
節儉以率子孫至於待賓常費亦不敢少豐以勸薄
俗故自筮仕至宦成無貶議云

王 霽

王霽字景明上海人天順四年進士拜南京刑部主
事歷郎中累辯疑獄有能聲遷黃州知府府嘗有虎
害火災又江水常暴至壞民廬舍霽祈祝有應以是
民愛信之遷廣西叅政未幾遷江西按察使進太僕
寺卿時馬政廢弛霽條陳十事奏行之宿弊爲之一
革用薦遂遷僉都御史巡撫山東值歲饑民多死徙

本朝分省人物考

卷二十五

二十四

南直十五
周性

霽爲區畫銀五千餘兩米二百餘萬石賑之存活者
甚衆召拜大理司卿稱用法平易至是卒賜祭葬如
例霽務爲和厚所與交無不得其歡心雖輿隸輩亦
鮮有怨之者故歷官中外三十餘年所至皆以得美
譽焉

唐 珣

唐珣字廷貴華亭人天順丁丑進士知合州興學勸
農盜賊解散民立生祠奉之以刑部郎中知福州府
時歲亢暘至之日霖雨滂沛人皆相賀或言故事當
先謁藩府珣曰未成婦而先見姑嫜可乎竟先之任

本朝分省人物考

卷二十五

二十五

南直十五
劉光

識者以爲得體中官汪直用事聲勢振天下有假其
名號行事者所至官吏望塵屈膝珣獨察其僞將執
之衆交諫不聽訊之果姦人也由是風聞四方姦黨
奪氣豪僧殺人有爲之地者獄久不決珣一訊寘於
法時皆快之設義塚以收無主之骸嚴焚屍之禁開
仁惠里洲以廣民業築五虎門塘以禦海患闖人歌
之歷湖廣叅政布政使入爲順天府尹先是吳玘以
彊直罷衆謂宜少貶以避禍珣至守法如故衆亦無
以怨也遷右副都御史巡撫薊州等處以母喪歸服
闋會南蠻弗靖卽家拜右副都御史巡撫兩廣方疾

聞命卽行卽至督兵進勦破材寨岳洞百餘斬獲萬計捷聞賜勅獎勞將大用未幾以疾卒

陳章

陳章字一夔華亭人少貧力學天順壬午舉於鄉會父喪家居教授不出者十年御史天臺陳選聞其名特就訪焉已而入太學爲司業耿公所器成化戊戌第進士拜刑部主事或問公老儒也此何以處則誦周元公之言以對曰殺人以媚人吾不爲也將終身行之進員外郎郎中天津有冤獄逮繫百人詞連及大臣久不決章一往得其主者寘之法而餘皆獲釋

本朝分省人物考

卷二十五

二十六

南直十五 劉汝忠

尚書何喬新尤重之凡獄有疑滯稱寃於理寺擊登聞鼓者必於章決之有不合者必反覆辨析當於理而後已有御史按陝西以疾惡忤貴近繫獄章鞠曰御史非私也卽罪不至於死貴近愬於上廷鞠之議者觀望不敢決章抗言於衆曰朝廷清明茲事不宜手滑今天顏咫尺可否在一言而連日齟齬公耶私耶衆知不可奪卒從其議遷湖廣按察副使未行坐原從卒犯法以舊官調瑞州府同知盡心歷事人不知其爲謫者陞知高州府時方征雲廬大桂賊章爲檄招之降者十餘種任事者欲以章力爭得止

或遂請兵可檄又爭止之乃設賞格遣人四出招捕有降者勞賜而遣之賊遂解散移黃州府會御史來勘事疆檄諸雷州病瘴卒章爲人端重言動有則喜爲詩與李西涯謝方石諸老相倡和出不以罪又投荒以歿時論惜之

張誥

張誥字汝欽華亭人成化丙戌進士改翰林院庶吉士授監察御史出按湖廣有能聲陞廣東副使改四川尋陞按察使弘治初歲饑誥請截荆襄衛兌運又發庫銀易米得數十餘萬石隨在賑貸所全活頗多

本朝分省人物考

卷二十五

二十七

南直十五 方

曹時中

曹時中華亭人初名節惡其類於漢常侍也遂以字行舉成化己丑進士歷官浙江按察司僉事以家難歸廬墓三年所居山麓產有瑞芝時人皆以爲孝感服除復補浙江累官副使與當事者議相左卽拂衣

歸年甫六十人詰其故答曰吾有采蓴舟不能忘爾
抵家閉戶掃軌甘貧自守隣有悍生怒其魁岸以聖
書時中名於牛後向其僮而肆詈欲以激之也僮歸
以告徐曰是人詈我而若述之是重詈我也速往謝
彼無勞君齒頰吾僕也不敢傳言生不能難然必欲
逞志乃已每日將晡則幅巾倚杖獨立門屏生於是
修尺一若爲候者而中則痛詆極毀伺其出時令人
直入踞上之曰若休矣侯吾僮來旣而從者至命取
火燔之曰知若王於我無慰好言也老年人不能答
聊自解耳生媿而止貴公子某者挾妓遊天馬山鼓
吹而過其門使人召而榜以檳楚教之曰若父居官
躬素絲之節而若敢淫肆如是吾於若大父行也不
戒若是不子若也今吾且代若嚴君爲治貴公子自
是不敢復出折節爲恭矣初以定名菴旣又愛唐人
青山宜晚眺之句而富林爲九山窟則別號曰宜晚
居士春秋旣高守道彌篤大司空見素林公舉以自
代不報年八十時作壽藏於玉屏之丘每日殮罷往
坐片時曰此中無朝無暮無春無秋恍似天地之初
我復於初無不適矣壽九十餘無疾而終終時有紫
雲自天而降繞戶良久人以爲仙去兄名舉舉景泰

本朝分省人物考

卷二十五

二十八

南直十五
方

甲戌進士性甚淳實有僕竊其金爲平康之遊則索
枵然矣時怒甚往訟於比部郎郎追妓至痛榜之妓
怨反誣泰以不潔語坐是罷不敘 英廟復位有白
其寃者而名偶同 景皇帝年號又景皇帝時所舉
士也遂不果用居數月朝會得匿名書下部考驗憾
泰者誣焉 上聞曰必若人也恨我廢斥耳詔逮至
京緹綺疾馳入郡時守某泰同年也素高其誼竭貲
賂焉已同使者抵泰門請先入入則泣而語之故曰
子亡若何吾爲任罪曰君命也何所逃罪檻車請司
隸拷訊備至不勝慘毒遂自引獄至冬朝識有擊登
聞而號者曰投書人在也日者小人有母今亡矣吾
爲吾母而負吾君今又以負他人吾何面目立於天
地耶請就法訊之則故中書某耳泰乃得釋而肢體
已廢復歸富林以詞翰自老時人語曰富林二曹一
時人豪

本朝分省人物考

卷二十五

二十九

南直十五
方

高 祐

高祐字天錫上海人本王氏父鉉贅於高因從其姓
成化丙午以鄉貢士授泉州同知泉多山谿民倚險
爲梗祐訓以德義首惡皆從化積歲逋欠不督而集
凶年貸民粟以山鄉遠召從化者總授而分給之遠

邇稱便每出山民扶老携幼送迎者屬路嘗道漳州宿山間有負豪家債而憤其逼者聚千人期日日殺豪豪亦號召為敵祐知之俾館人往諭以禍福片言而散其感人有如此者一日令所部市茶其人密置銀二錠以進祐啟之笑曰爾謂我有求耶却還之屏其人復弗接丁外艱歸部民送者千數爭携金錢跪賙皆不受至泣而退歷廣平東昌二府操履如一晚居邑西一室蕭然晏如也時鄉人議士大夫有三婦之喻獨目祐為節婦云

張 黼

本朝分省人物考 卷二十五

三十

南直十五

張黼上海人成化丁未進士授南京刑部主事進員外郎中精於法律雖老吏無以過之而不肯為苛比以附致人於深罪有里嫗訟其子不孝者引其子責曰是非汝所由生耶語其母曰是非汝所生耶胡為乃爾反覆開譬以人倫之義皆感悔泣去久之子鳳鳴以御史官南臺旦暮定省樂也一日出郊鳴鳳自郊歸值之下馬立道周他御史疾馳去乃歎曰吾老矣安得復與兒子輩爭衡哉即日疏乞致仕 上嘉其恬退進應天府丞以歸性澹泊敦謹不事表襮下至臧獲亦得其懽心然人有過則面折之人知其非

苟然者其幼也嘗夢神示以府丞字莫測及致仕而有應天府丞之命得喪固有冥定者耶

張 弼

張弼字汝弼號東海華亭人登成化進士以言事忤宰相去尋拜兵部主事轉員外郎陞南安府知府府當兩廣要衝大山長谷亾命嘯聚為患日衆弼下車悉捕威之尋罷諸役以節民勞修橋梁道路毀淫祠百數十區建特祠以祀張九齡李剛劉元城諸公至周程三先生既祠而又立吟風弄月臺以致景仰其振勵風化類如此後謝病歸民立生祠祀焉歸三年卒壽六十三弼資稟靈異充以學問老且不倦詩文成一家言草書之妙冠冕一代所著有鶴城東海諸藁若干卷世謂文人類多浮薄弼獨惇尚行履慨然以風槩自持雖議論間雜諧謔而往往必以理勝故為一時所欽服云

奚 昊

奚昊字時亨華亭人質貌類異九歲就外傳囊白金為學資有婦人道哭問之曰家貧鬻絲得百錢而遺之舅姑老無用為餽粥具即以所持金子之歸以告其父父曰兒能如是吾無憂矣弱冠父疾刺血顯天

本朝分省人物考 卷二十五

三十一

南直十五

求以身代又重傷母太安人心匿不使聞舉成化戊子鄉薦連捷己丑進士第循例歸省壬辰拜刑部主事明敏精吏法片言擿伏人服其能遷員外郎勘貴州獄歸奏稱旨進郎中庚子復乞歸省遂就養焉居數月會瑞獄作事尤劇昊受命往日奔走勞瘁成疾以卒年三十六昊和厚易直重恩義幼學時母析貲予之悉以讓兄冕俸所得金帛必分族屬爲員外時同年董知縣失官道遇寇貧甚爲館穀給綿纈厚贖之還使經景州有故察劉判官死五年不能舉昊葬之且卹其家平居恭遜見里中先輩無窮達皆不敢慢處寮案終日不色忤故人多愛樂之尤嗜問學寒暑不時輟喜臨晉唐書爲詩文往往有奇思與客賦詠值意得恒夜分不寢有稿若干卷藏於家

周佩

周佩字鳴玉別號北野松江人天性穎悟力貧好學入郡黌聲譽焯起一時多從遊之士成化癸卯登鄉薦弘治庚戌進士授工部都水司主事陞員外郎職征商稅督理工作出納財賦浩大往多以貪墨敗佩獨毫髮不污弘治庚申以母老乞歸侍養六年母卒服闋轉刑部河南司郎中理獄明慎時逆瑾擅政權

本朝分省人物考

卷二十五

三十二

南直十五

劉光

勢烜赫奔趨於其門者多驟致通顯佩獨不往瑾每問人曰刑部周秀才吾不識之何如人也懼及禍亟疏休致以歸養高林泉詩書自娛世宗卽位舉優老之典進階中憲大夫福履優游歷二十五年乃卒天性孝友色養誠篤竭力賑卹族人生平寡嗜好居室之內一榻蕭然倦於將迎有司延鄉賓多辭疾不赴獨好學雖老弗倦晚益喜讀易觀象玩占多所妙契作文典雅詩學唐體書做晉帖皆有法仕旣不大顯家居生理尠薄至無以自給當道謂廉貧高尚宜蒙恤典於是年有司歲給優養前郡守善化熊侯雅致

袁愷

袁愷字舜舉其先安丘人占籍華亭愷少貧獨學時出事賈販不爲人知年二十七始棄去勵志讀書入府學爲弟子員未幾擢進士授刑部主事推摠三法司事陞江西按察僉事改廣東所至有聲人始奇之江西賊圍西貴縣長洲村愷率兵往捕時賊勢方熾或請宜少退愷下馬令曰吾在此汝何敢不力叱使進攻克之巡撫葉文莊知其才委調狼山兵備不敢肆又率偏師駐全州督軍餉贊畫梧州總府多所裨

本朝分省人物考

卷二十五

三十三

南直十五

經坤

益都御史韓雍征大藤峽愷躬擐甲胄矢石以從時皆壯之賊平錄功有寶鈔文綺之賜擢廣東按察使進右布政使遷雲南左布政使未至卒愷居官廉慎不為身謀出仕三十年家無餘積卒之日橐中蕭然在鄉里任真履素不以勢位自居出入乘便舟從一二蒼頭見者不知其貴人也時以此高之子珮孫讚皆以能書授中書舍人直文華殿

孫衍

孫衍字世延華亭人自幼穎異弱冠領鄉薦尋登成化戊戌進士知深州閱數月丁艱歸服除補信陽州

本朝分省人物考

卷二十五

三十四

南直十五

泗陽魚稻之鄉商賈軍衛強貪巧取明左券定市價民始得享其利而於勸農興學扶弱抑強尤加之意陞南京兵部員外郎中中官假進貢索馬快船無虛日每裁抑之因而構成大獄上命法司按治之而中官之勢少殺奉部檄稽覈馬政釐革宿弊最多丙辰陞延平知府邑屬有盜殺人劫財匿山谷間而其家誣以良民余新抵罪訊知其冤果得真盜而余新之獄立出邑有羅太學恃富武斷華人至死收捕之一郡稱快異時解京料價多為勢家包攬負累重徵令編戶自輸歲辦完民亦無擾歲徭役皆手筆親定

推見纖悉人服其均民婚嫁往往以論財後時尤喜焚屍皆嚴加禁止復設義塚以處貧乏修郡志以備往蹟未幾卒於官年五十有九

唐禎

唐禎字元善號西園華亭人生而穎敏性復淳厚鄉先生見者皆器之家故饒財而能自刻勵讀書百里外止以一僕自隨清苦如寒士不數年而學成以金山衛學生領成化癸卯鄉薦丁未擢進士衛學登進士自禎始弘治初修憲宗實錄分遣進士詣四方采撫時事以禎往浙江悉心搜訪其所纂輯視他省

本朝分省人物考

卷二十五

三十五

南直十五

獨精詳諸公稱之疾謁告歸承顏視膳雍容於二親膝下者踰三年而母卒服既終有勸之仕者辭曰吾父老懼養之弗及也居歲餘強遣之入都始授車駕主事明年以父喪歸辛酉改禮部儀制司主事乙酉陞員外郎中遲徊前却在官者僅八寒暑凡為二親故也為人坦易色笑可親而中有矩度發皆中理浙江鎮守中貴人例自尊大禎往報謁見中門閉取刺授閣者即上馬去時謂其得體儀曹重事在貢舉禎兩司提調視範周密過於往時哈密貢數倍常而物皆濫惡禎在王客曰是虛名而靡我寔賜也且以折

估聞使者來懇諱於庭不去使譯諭之曰爾欺爾主
易爾貢以爲利不爾罪足矣而又敢諱耶不聽且移
文邊關詰爾主爾罪安歸使者情得乃屈服精膳主
事凡以新茶至者必先呈樣樣者其名寔則以爲私
餽從來久矣頑至飭門者正供外無得入其風槩清
肅如此家居事伯兄愛而能敬雖異室而處家事悉
聽其處裁終始無間從兄子早孤卽養於家爲娶妻
殖產後卒復拊其子宗嫻族黨有貧乏者必周之雖
數無倦色丁未待試時主人女見其獨處窺牖與之
言顧見卽趨出徙他舍僕陽宗者嘗荷篋墮水污壞

本朝分省人物考

卷二十五

三十六

南直十五
劉仲文

其禮衣衆謂必得罪聞而怡然曰人無傷足矣衣可
更製也卒不問亦可謂厚于待物而嚴于守身矣

顧清

顧清字士濂華亭縣人生而穎異九歲受小學過目
成誦繼受詩於怡菴任先生一見奇之字以甥女年
十五謁張莊簡張以元老負重望卽具冠服出見退
語人曰大器也弱冠遊縣庠與錢太史福沈惟馨悅
交最厚奮志於學廣閱羣籍而業日進三人者藝皆
頡頏而清獨以沈實識者占其遠到尤爲督學司馬
聖所器重每期以公輔家本儒素值歲稔有常情所

不堪者而清安貧固守自若嘗書座右曰毋徇物而
爲所溺毋狎物而爲所乘弘治壬子王文恪王南畿
試事閱清文曰昔歐陽子謂當讓蘇子瞻一頭地斯
人也我當讓矣遂置第一明年癸丑會試第二名廷
試吳文肅爲掌卷官或欲道之往見清辭曰昔人所
謂呈身者吾愧之竟不往洎吳得清卷極力贊美以
九重字失提寘二甲第一改翰林庶吉士讀書中秘
每試必在甲乙清與同年毛澄羅欽順汪俊每以名
節共相砥礪十月授編修預修大明會典癸亥正月
丁內艱三月以會典成進侍讀正德初還朝與修

本朝分省人物考

卷二十五

三十七

南直十五
徐相

孝廟實錄中官蔣琮誣逐臺諫涉歷旣久章疏雜沓
時逆方熾僉畏觸其黨莫敢涉筆清潛披精核盡載
其實有嫌而欲節畧者清不爲動丁卯壬南畿鄉試
尋充經筵講官前後進講義辭旨剴直多所裨益逆
瑾竊柄朝士多屈意與交清抗不爲禮鄉人張文冕
用事附和者皆至美官清絕不與通有言清肯枉一
刺卽高位可致清叱曰吾足可輕動乎吾但知做吾
官而已遑知其他戊辰十月丁外艱已巳五月實錄
成例當進秩瑾啣之矯詔降編修尋調南京兵部車
駕司員外會憂不赴庚午瑾誅還侍讀辛未陞侍讀

學士兼修玉牒甲戌主武舉考試乙亥掌院 詔同
內閣照例考察九月有文綺之賜十一年秩滿進陞
詹事府少詹兼翰林院學士充經筵日講官丁丑主
考會試防範嚴肅崇雅黜浮得士為盛奉 命教庶
吉士一時出門下者咸一代名流又嘗教內書堂不
結生徒不使與子弟相接常曰此輩如穢物遠之猶
恐其汚况近之耶餘姚謝文正每稱其臨事有守以
此時 儲位尚虛清疏請預定不報 武宗數巡幸
屢疏甚切是歲陞禮部右侍郎與毛文簡協心秉正
會 郊祀且迫而駕猶未還清草疏數百言上之

本朝分省人物考

卷二十五

三十八

南直十五
徐相

上亦為感動秩滿進階贈及再世廕一孫入監讀書
辛巳 武宗崩 世廟繼統會議迎 駕冊立頒詔
易服臨喪諸吉凶大禮清援古證今折中羣言時以
清所議會得體有忌清欲傾之者嗾臺諫撫他人事
誣清不根特甚眾論囂然內閣亦持之不下而清從
容鎮靜因詔劄自引退無少濡滯一時皆為清不平
王文恪方家居因作風聞論以雪之論一出而輿論
益定於是南北臺諫上章論薦 上乃起清南京禮
部右侍郎清既歸絕意仕進不謂復有 簡命不得
已之任兩疏乞歸不允疏益懇是秋得諭旨陞南京

禮部尚書致仕先是清以進 徽號賀表上京至東
昌聞命有勸清謀以代進者清曰清被 皇上渥恩
得遂私請今一事不終豈人臣之義乎時已力疾猶
云縱不能覲 天顏得一拜闕門為幸抵德州輿疾
而進卒於河間府瀛海驛壽六十有九清疾革時知
府牛天麟問以家事曰無以問也吾表安在謹護之
牛深歎其忠勤始終敬畏不亂

錢 福

錢福字與謙號鶴灘華亭人成化丙午舉南畿鄉貢
已以文著禮部下第卒業國學屢試皆前多士名益
本朝分省人物考 卷二十五 三十九 南直十五 胡三
起以弘治庚戌禮部第一每為文字不屬草廷試三
千餘言辭理精確若宿構然者彌封官以無藁難之
眾謂科場必欲具藁者防代作也今殿陛間萬目所
視何嫌之避閣劉文穆公得之嘖嘖不容口曰程式
中乃有此等文字邪以請於 上復賜第一福幼時
病甚劇其父夢人語曰爾子吳寬也時吳文定公尚
家食后連舉省殿二元至是乃應松人在 國朝未
有為狀元者有之自福始授翰林院修撰癸丑同考
會試以疾乞歸就醫藥居數年以例得致仕放意山
水益肆力為文藻出入微纏維志所適遠近購請建

扣嚮答殆無虛日每廣坐間羣客競請各用幅紙爲起居酬酢交錯不廢諧謔以其隙逋續之比酒罷無弗就者因相與賞歎之以爲稍自靳惜擇言而省度其所請當不止此而恃才任達不遑後恤久之以酒成癖遂不起年四十有四而已有才如此而弗克究其所欲爲惜哉與謙家居能色養念父老欲具疏乞移近地例不得行教其弟以有成亦領鄉舉與人坦率不立町畛有犯者笑而受之不爲報故雖以才見忌而怨怒不及云

陸深

本朝分省人物考

卷二十五

四十

南直十五
胡三

陸深字子淵上海人發解南畿舉進士入翰林是時弘治御極朝廷清明百官安其職得以其餘肆力於簡冊翰墨之間諸司各屬往往名雋繼起與館閣之士爭衡深於時翹然特出與李空同徐迪功上下其議論至於字學比於趙松雪深臨書日數百字過同舍見鬆几輒縱筆塗寫旁若無人其品騭古今商確事理賞析文義辨識書畫古品談鋒灑然一座盡傾天下之士聞其名而慕往揖其貌聽其論而驚以伏也深自翰林編修陞國子司業丁憂家居數年以廷臣薦起入備講讀遂陞祭酒一日經筵進講內閣閱

其講章輒加竄易深講畢面奏云今日講章非臣原撰乞自今容講臣得盡其愚 上雖可之而經筵面奏非故事深出上疏謝罪 上復批答以講章內閣閱看係舊規不必更改若有所見當別具聞深感激條奏有關聖學事凡千餘言上之當路益忌之疏下吏部左遷延平府同知陞山西副使提學陽曲生員父爲知縣笞死訴於御史趙反抵生罪深與力辯不合卽上疏劾趙趙亦劾深已而科道官勘實趙謫外任深得復職補浙江副使仍理學政陞江西叅政四川左布政召爲光祿卿內閣疏薦領修玉牒改太常卿兼侍讀學士扈 駕幸承天給行在印陞詹事府詹事宗廟災 詔百官修省於是深疏乞休得致仕後數年卒遺文凡一百卷又著詩微書輯道南三書河汾燕間錄史通會要蜀都襍抄平胡錄諸種博而核皆足傳世

本朝分省人物考

卷二十五

四十一

南直十五
高梁

本朝分省人物考卷之二十五

人物考卷之二十六目錄

南直隸松江府二

楊燦 董恬

李希顏 張萱

曹閔 唐錦

郁山 李儒

戴恩 沈霽

楊豫孫 朱豹

敖英 楊秉義

徐階 潘恩

本朝分省人物考 卷二十六目錄

劉兆元 陸樹聲

馮恩 沈愷

莫如忠 唐志大

楊道亨 胡岳

朱大韶 唐繼祿

陸樹德 唐文獻

張之象 浦澤



本朝京省人物考卷之二十六

南直隸松江府二

楊燦

楊燦字仲玉華亭人弘治乙卯舉於鄉尋丁外艱舉辛未進士筮仕桐鄉桐鄉當八省之衝民罷於逆送乃與查覈節制著為定籍校僮折夫之徒盡繩以法以賢能薦調開化去桐之日民輟耕罷市攀轅載路開化人好訟重利輶生甚至飲藥斷腸取快小忿生女不舉以膏嫁皆痛與慈割其收馬金鎮之豪沮饒信姚源之盜寬殘破之賦尤為人所懷服後陞刑部主事以行立祠祀之各曰鐵知縣云明年乞便養母改南京驗封主事已改考功又改武選而廖家宰紀遷北以燦剛正篤實執法任怨又自武選改考功久之陞尚寶寺少卿轉應天府丞署京兆篆節財均賦平物砥價都人士便焉江寧丞王震貪酷事覺震已陞他縣囑者旁午曰彼邑之民何罪竟坐於法彭鶴齡者溧陽民也嘗忤其舅誣以盜詞服一訊立得其冤釋之其明而不苛類此會以災異懇乞休致是時子秉義已成進士官吏皆給事矣

董恬

董恬字世良上海人也弘治丙辰進士初授工部主事分司徐州約束漕舟公私稱便改刑部員外郎郎中明習律例有族子二人同毆殺叔母恬謂法當敘服制重輕司寇擬以同罪果爲大理所反乙丑奉勅錄囚浙江平反減釋無不明慎事竣還朝逆瑾干政凡復命者必往謁恬既不往又無所賂遺乃撫以踰期限罰米二百石餉邊正德戊辰晉大理寺丞又遷右少卿時中外多故大獄屢興參駁明當具得其情吳僉事廷舉被瑾逮繫陶給事諧劾瑾謫戍恬皆周旋其間卒獲保全會瑾敗而乃有謂康海及恬俱爲

本朝分省人物考

卷二十六

二

南直十六

瑾黨者由是落職癸酉七月始上書畧曰臣遭逆瑾肆虐時罰米奉俸回話待罪挫辱百至而言者反以臣爲負緣臣實寬之臣身爲法官既不能誅討元惡又不能乞身求退罪深責薄放歸田里夫復何言但禮進義退人臣之節不可不明乞勅銓曹覈臣事由明臣心跡俾素節得白於後世卽死無憾後事白詔以章服閑居至嘉靖丁亥卒年七十有四

李希顏

李希顏華亭人弘治癸丑魁禮闈授南京刑部主事擢廣東按察僉事時逆瑾勢傾中外希顏奉表詣闕

不踵其門京師稱爲鐵腰李遷雲南提學副使振作士氣滇人德之進本司按察使詞訟煩劇剖決如流以疾卒

張萱

張萱字德暉號願拙上海人也登弘治壬戌進士授鄱陽令吏奸民衰號稱難治且歲輸無藝徭繁力屈民以爲病至則一切紓以惠政而抑強蠲污獨加嚴焉踰年改倅縣倅之豪右多匿丁田以輕賦盡括其實無所詭隱學宮傾圮大爲繕葺以敦歲祀大都抱公履方不能偶俗以是失使臣意而輿論方歸重焉

本朝分省人物考

卷二十六

三

南直十六

復政政和擢守茶陵州民雜習悍盜賊多恃黨凶匪不可捕詰乃類編其族戚以連坐民懼盜息邑比永新民多越境占田歲負稅三百餘石狀其弊白當道責永新吏督徵轉輸以紓民累至若禁市蔬杓賑卹凡可以利民者靡弗實力焉未幾以母憂去服除政潞州州有藩府興役之擾且歲徵無定制豪右緣以爲奸悉爲會計使邊輸存留輕重相等焉擢湖廣僉事時長寶三府報獲盜百四十人察其誣引者悉原之尤嚴獄囚瘠歿之禁不得令仇家有所中傷楚有捕蛇之役遣禁囚以往無擾良民麻政馬政多奸荆

厥額外濫稅皆釐正其弊治行冠於湖臬隨擢陞參議致政以歸歸則怡情泉壑謝跡城府六十有九卒於家

曹 閔

曹閔上海人舉弘治進士授沙縣知縣任滿民號泣攀留累日不得去至隣邑民亦爭為留之為南臺御史正德初上疏極論宦官竊權下錦衣獄被杖幾不生瑾誅復官年未五十即引退養母十年母終枕塊得寒疾卒

唐 錦

本朝分省人物考 卷二十六 四 南五十六 陶太
唐錦字士綱上海人少以文章為長老所重弘治乙卯魁南畿明年登甲科以時名推修大明會典因親疾告歸侍養七年太安人嚴遣之始復赴部諸預修纂者咸授京朝官錦耻援例止以常資除知大名之東明縣縣治以河決頽圯披棘負萊隨宜區畫折飭一新建言者以河患不息奏開元賈魯河行北直隸河南山東及漕運四巡撫議謂賈河淤為平陸已餘百年且延袤數百里非動百萬眾費億巨萬無成功前元以開河致亂此非細故不若隨地隄備雖間有害無他虞四巡撫籍其議以聞役遂寢其治守已執

法一以安民為本暇則勘校文籍手不釋卷郡諸公咸遣子受學因修大名府志十卷正德丁卯監司以學優才敏政舉民安上其最陞授兵科給事中奉勅清理廣東鹽法時中官劉瑾方肆貪殘諸所差委一失其望即中以奇禍錦查覈積逋百餘萬引除所司侵盜劾寘於法其餘悉與蠲除方是時復命者先謁瑾錦既不隨眾又無所饋遺大忤其意然偵之無可訊也乃坐以巡歷不週止擬公罪又遇革免乃於法外謫判深州僅兩月瑾以逆誅轉陞南繕部主事方修 孝陵中官倚勅欲開橫費一裁之以法視舊額

本朝分省人物考 卷二十六 五 南五十六 陶太

省其半尚書孫公以是薦之勅使清理蘆洲大洗宿弊壬申陞刑部員外郎丁艱郡邑重其清素以賻奠遺之悉謝去服闋陞本部河南司郎中諸淹禁過十年未結者廉其可矜力奏出之竟任內無一滯獄司寇張公每以戒諸司丙子慮囚湖湘多所原貸遂薦陞江西按察司提學副使江西士大夫重清議甚稱之己卯六月逆濠誕辰次日變遂發三司官被械儀衛司後復移禁東廨兩偽千戶二十校守之因集城中民激以大義得捕守城內官杜茂偽千戶朱真輩四十二人奪其鎖鑰一城晏如時汀贛巡撫王公

守仁領兵駐豐城馳請入城已許其首功其所部奉
新民兵率往年招撫姚源遺寇輒乘亂夜掠燒蕩五
十餘家錦將白之其領兵官畏罪先期潛之謂擒賊
多出萬銳非錦功竟以地方失守落職

郁山

郁山字子靜號水軒華亭人正德庚辰中禮部試辛
巳成進士出宰龍泉邑多礦賊狐潛鼠伏急則匿還
峒間緩則復出歲以爲常設計捕之盡寘於法調知
臨海秩滿陞工部主政分司浙江歲多羨額吏因緣
爲奸始創立簿籍以府幕一人監收貯之府藏自是

本朝分省人物考

卷二十六

木

南直上六
劉國才

奸無所容用者爲式陞員外郎中出守溫州下車與
所屬五縣爲約十條曰清淹禁革積年禁科買止供
席正出納免罰贖別善惡禁淹育時嫁娶禁浮屠政
以身先俗爲一變時張孚敬得 上寵未艾於郡大
起治第強市民居一日謂張曰相公居朝喜稱伊傳
周召而居家顧不肯爲蕭何李沆何耶且匝垣里許
矣張目攝之而地亦不再廣或謂張相國且暮被召
復在日月之際君勤苦半生甫得一郡而故與相提
有如他日相國整君獨不爲門族計耶咲而謝曰人
生進退榮辱皆有定分卽如子言吾便葛巾藜杖浩

然而歸當何所損子視郁子靜豈驅赤子獵浮榮者
哉治溫二年忽以痰疾暴舉卒於官年五十六耳山
風範端凝志節堅定人始望之若不可近久信其長
者咸願託交驩焉平生涉歷宦途第以爲國爲民在
念其視功名之際若浮塵流埃不足控揣也是年溫
士人請於督學祀名宦而淞亦奉其主入鄉賢祠

李儒

李儒字宗文華亭人正德庚午舉於鄉明年中會試
至甲戌始第進士時中貴竊柄凌轢士夫竟謝病以
去家居十年未嘗一日歷乎其官而亦澹然無復有

本朝分省人物考

卷二十六

七

南直上六
高棅

冀於世也因自號宜散以見其志 世廟馭極詔起
恬退之士儒就選爲建寧推官屬守缺攝守事凡一
切利害當罷行者無不悉力爲之未嘗以攝守故自
苟雖職專平刑而澤之及人不獨鞫訊讞論而已久
之擢南京禮部主事南部爲散吏而秩司爲清曹經
歲不知案牘儒以靖約宜於其官三年陞刑部郎中
遂請老而歸時年五十七耳儒貌古而氣清恒居以
簪笏爲柴柵自建寧歸行李蕭然惟破篋貯書數卷
而已儉朴寡欲糲飯弊衣終身以爲常歸卧林臯極
幽居之勝以自肆於園池竹居之間優游以至於老

較之老死汨沒於奔走者其人相去遠矣

戴恩

戴恩字子充東濱別號上海人少穎悟儀狀端雅與弟慈在黌校俱以俊稱舉正德辛未進士授北京工部主事監浙江抽分事還收支管建乾清宮物料未幾轉員外郎督運營建大木戊寅進秩郎中階奉議大夫奉勅專理儀真至臨清河道庚辰擢陝西叅議未上官以疾懇乞致歸恩為人外若寬弛而內寔機警明悟其監抽分也值歲課不登人咸難之恩曰吾寧以是獲戾不能效措尅吏也御史王堯封特為奏

本朝分省人物考

卷二十六

八

南直十六
高棟

沈霽

沈霽字子公華亭人正德辛未進士授行人擢御史嘉靖癸未遷福建副使丙戌改貴州副使加叅政致仕卒年八十五號東海老人少有美質出語驚人讀書過目成誦一日錢文通公溥一見即歎曰此梁棟材也他日必為偉器布政夏止軒寅奇之以女贅年二十一始為弟子員更受學於憲副曹定菴時中之門已而從胡敬齋章楓山講程朱之學歎曰此道學正脉也何以詩賦為遂專心正學至忘寢食正德時江南病水區畫水利六條達於俞都憲命有司行之

本朝分省人物考

卷二十六

九

南直十六
徐相

言極剴切時儲嗣未立特疏請建宗室之賢以繫天下望不報若備邊任將修德省愆親賢遠佞救災安民及興利除弊旌善糾慝崇正學闢異端廣言路疎內宦整紀綱前後百餘疏時論偉之遷副使肅清海道擒獲叛賊吳三黃福等一十餘起民甚德之有犯穿窬者諭之曰汝能改吾寬汝罪盜叩首願改行踰數月復犯捕者獲之盜告捕者曰向誓不復爲盜今何面目見沈青天耶遂自刎時有沈青天不愛錢日飲青溪水夜來不着眠之謠江西巡撫聶賢特薦之將召入會闕中有給事中史于光與海商王勝等欲

本朝分省人物考

卷二十六

十

南直十六
徐相

通番販易乃以貨賂按巡受而許之霽持曰不可此又盜賊所由起也禁弗容凡事有誤國害民者皆不曲從人誅之曰公若曲從必得獎薦霽曰吾豈以身計而誤國害民况吾薑桂之性老而愈辣雖革官退職亦所不計惟求其是而已矣改貴州兵備副使整飭憲紀動法聖賢率先以孝弟忠信禮義廉耻而主以誠心建孔子之廟立朱子之祠行白鹿之教夷民由是信服至今稱之他如熾王藤之魁褫蒙氏之魄擒阿向之首不假兵車而元兇懾服小醜感化此皆其善政之卓然者也巡撫袁宗儒特薦之將處以京

職而柄相竊權正直沮抑歎曰非其時矣遂引疾懇乞休致得旨以恬退可嘉准陞貴州布政司右叅政致仕平生無私蓄雖歷任不受一物行李蕭然惟圖書數卷而已居家十七年屏絕人事日誦四書六經性理大全諸書并閩洛語錄潛玩義理驗之身心務爲踐履之學日對聖賢廢寢忘食者數年而後豁然貫通始知道理皆具於心不假外求若徒求之紙上而無得於身心則亦何益御史周亮北上謂之曰治天下在進君子退小人方今小人在位羣邪肆毒君職在諫垣必當進君子退小人乃可致太平也周

本朝分省人物考

卷二十六

十一

南直十六
劉九

再拜曰謹如教又曰霽每夜就枕必思所行之事合於理則安寢或少有未合即睡卧不安天明即更其失如事已處而不可更者則書此事於壁後不敢再失也平生雅有著述不自表暴一日檢舊所著書盡焚之止存語錄四卷閱之曰自量精力未衰尚覬有少進耳忽遭疾強起正衣冠而坐曰嗚呼死矣哉於心亦無愧耳瞑目而逝時嘉靖乙巳也

楊豫孫

楊豫孫字幼殷華亭人爲人絕穎慧彊記博極羣書性端嚴沈毅明於理學即私居無燕褻之容與人交

傾肺腑相示而尤好稱引善類年十七舉應天丁酉鄉試登丁未進士授南京吏部考功司主事陞禮部祠祭司員外郎郎中陞福建監軍道副使改湖廣提學副使能正己率人望之儼然諸生自考校外不輕交一語尋陞河南叅政召入為太僕寺少卿未幾改太常寺少卿提督四夷館時華亭公當國引豫孫自輔凡海內人物與國家典章悉諮而後行由是士大夫欲求知華亭公者日輻輳其門豫孫遜謝之終不能遣乃力求出遂擢僉都御史巡撫湖廣豫孫練達政務諳識人情案牘剖決如流日坐鎮雅俗而已接

本朝分省人物考

卷二十六

十一

南直十六

朱豹

朱豹字子文上海人以正德丁丑進士知奉化縣調繁餘姚尋擢貴州道監察御史有直聲數上書言便宜事皆經國大猷未幾出為福州守以卒福人之誦德不減治邑時也平生詩文甚多其先以詩名者四

世所由來者遠矣

敖英

敖英字子發青浦人正德辛巳進士由南刑部歷陝西河南學憲官止右轄所著心遠堂詩興幽思遠盡絕蹊徑超悟上乘足稱名家又著綠雪亭雜言東谷贅言皆關修身立政之大者非尋常稗官家可例觀也

楊秉義

楊秉義字士宜號麟山其先自上海徙華亭正德丁卯領南畿鄉薦甲戌舉進士授行人司行人丁丑遷

本朝分省人物考

卷二十六

十三

南直十六

兵科給事中當是時寧庶人有異志而諸權倖相比周為姦知言必不用引疾歸庚辰 武皇帝內誅外討政由已出乃起用改擢吏科辛巳 世宗即位銳意治理上言 先帝初政勤明中遭壅蔽國事日非陛下承付託之重當臨蒞之始乞以為鑒崇正學親儒臣謹號令絕進獻責執奏於有司付叅駁於臺諫詔旨不為空言章奏不至停閣然後諸邪莫入而至治可期 上深嘉納焉中貴江彬以迎立功入掌司禮封弟英為伯上言彬以鷹犬事 先帝虧損聖德陛下入事大統本出祖訓彬何功而受重賞詔奪兩

人官劾楊侍郎儀姦回固寵罷之奉命犒邊軍故事
隆慶州步隊軍餘及鎮邊召募之衆賜皆不及而守
禦白羊口堡諸軍以名隸涿鹿亦不與行至居庸奏
其勞詔賜白羊視居庸餘皆半給至宣府盡覈漏丁
奏補給銀二萬兩又奏發內帑戶部羨銀積粟居庸
紫荆鴈門等關爲戰守備邊人賴之未幾丁母憂甲
申服除仍爲吏科奉命巡視京營上言 祖宗重根
本計久遠設五府以統四十八衛立三大營以蓄精
銳十二團營以備調遣今承平既久官軍日減官馬
日耗一旦有警何以爲策宜詔兵部選將官實軍伍
本朝分省人物考 卷二十六 十四 南直十六
陶見

徐階

本朝分省人物考 卷二六

徐階字子升華亭人世受耕不仕至父黼授宣平縣
丞階生甫周歲而女奴墮之管井小吏之婦號而出
之則絕矣後三日蘇五歲從父移任墮括蒼嶺嶺深
百餘丈衣絰於樹得不死二十舉應天鄉試學士董
玘識其文於黜卷而異之寘高等明年對策遂爲第
三人及第階爲人短小白皙秀眉目善容止旣入謁
內閣輔臣楊廷和見而獨異之指以語其察曰此少
年名位不下我輩尋授翰林院編修子歸娶且北上
念其父老亟返棹至彭城而聞訃歸服除補故官階
性穎敏讀書爲古文辭傾身以事豪賢長者時新建
本朝分省人物考 卷二十六 十五 南直十六
陶見

徐階

本朝分省人物考 卷二六

伯王守仁以講學傾東南階與其門人歐陽德同年
而善之遂爲王氏學已而充經筵展書預修大明會
典再預修祀儀大典時 上好更定禮制欲紬孔子
王號去像爲木主籩豆禮樂皆有所抑損而首揆張
孚敬綠 上指而發之下儒臣議相故囁讟亡異同
者階獨條其三不必五不可狀甚辨疏上報聞孚敬
坐朝堂召階盛氣詰之階徐理前說且曰 高帝盡
革獄瀆號而獨不革孔子者何也孚敬遜曰 高帝
少時作耳胡可據階曰 高帝定天下而後議禮寧
少耶果爾明公之議四郊何以力據 高帝少作孚

徐階

本朝分省人物考 卷二六

敬頰盡赤曰爾謂塑像應古禮不階曰塑像非古然
既以肖而師事之何忍毀也乎敬曰程氏不云乎一
毫髮不似吾親可以親名之乎階曰一毫髮而似吾
親毀諸可乎且明公能盡必 列聖之御容無毫髮
不似乎哉即何以處之乎敬語塞怒曰若叛我階正
色曰叛者生於附者也階故未嘗附明公何得言叛
長揖出于是 上亦緣孚敬意為或問以難階而斥
之外為延平府推官故事自禁近出為小官第優游
養重耳階獨曰宦大小非王臣耶且盤根錯節所以
礪我不淺乃單車馳之郡至則連攝郡事清風繫囚

本朝分省人物考

卷二十六

十六

南直士六
陳士儒

三百更輸銀法母落猾胥手毀淫祠初鄉社學焚其
所受鄧析書而韻宋儒之格言以授之使誦習獲
尤溪之劇盜百二十人盡掃其窟穴三載遷黃州府
同知當發鄉父老吏民祖餞傾道勸去思之文于石
道擢浙江按察僉事提督學校階益勤于職歲行郡
邑必編以正文體端士習為先既唱名人人為語所
以甲乙故諸生人人退自快服三載進江西按察副
使以新建伯故有大功江西為祠祀之而大推明其
學後以 皇太子出閣召拜司經局洗馬兼翰林院
侍講丁母喪歸服除即家擢國子祭酒其為祭酒雖

籍諸生淑慝以示懲勸而大指出于寬久之擢禮部
右侍郎尋改吏部時年僅四十三故事吏部大僚鑄
車門所接見庶官不能得數言以示嚴令階曰若爾
何以能盡人才也乃痛折節修詞色而下之見必深
坐臺壘咨訪邊腹要害吏治民瘼與尚書熊浹傾誠
翼贊相與勵廉節獎恬退振淹滯抑躁競一時翕然
歸賢會浹以直諫忤旨去而階數署部事所推轂皆
天下長者久之得兼翰林院學士教習庶吉士明年
掌院事兼會典副總裁又明年與推內閣不果進禮
部尚書仍兼學士 上察階勤敏又所委應制文獨

本朝分省人物考

卷二十六

十七

南直士六
陶仲

多稱 旨召入直無逸殿廬 賜飛魚服及尚方珍
饌會吏部闕尚書廷推階為首 上不悅曰階方侍
朕左右何外擬也階遂請立 皇太子不報復連上
疏請之又與同直四臣請之皆不報明年以 萬壽
推恩加太子太保虜闖入塞遂薄都城階手疏請釋
邊將之在獄者若戴綸歐陽安等請行營自效報可
已又請 上還大內亟召羣臣計兵事 上雖褒階
忠愛而尚難還內召見羣臣時內閣推階督視九門
階亦慷慨請行 上倚以自安會有中涓陷虜歸者
以虜求貢書叩云不許我則進兵 上以示階及嚴

嵩等且召對便殿 上謂且柰何嵩猶為緩語曰賊耳不足患階曰傳城而軍殺人若刈菅何謂饑賊也 上曰然復問虜求貢書安在嵩出諸袖曰禮部事也 上復問階曰賊重且深矣不許恐激之怒許則彼逞而厚要我 上曰苟利社稷珠玉皮幣何愛焉階曰要有重於珠玉皮幣者 陛下能許之否 上悚然曰卿策之遠雖然當何處階曰請計緩之上曰何謂緩階曰請遣譯者至虜所詰之以用中國書而無番文且徵其情實實則許之貢而責其暫出邊我得以益修備而援兵益集虜且走不走而擊其

本朝分省人物考 卷二十六 十八 南直十六 徐嬰

墮歸可十全 上稱善者再嵩乃進曰 上幸一出視朝 上不答階與李本從傍史之 上曰可爾得無驟乎階曰虜鴟張甚中外方洶洶恃 陛下得一蹕聲若大旱之得雷霆胡驟也 上始首肯階出為會廷臣議皆言求貢非虜本情不宜示中國弱階因兼酌所以面請者跪上而 上果視朝申飭中外責數言事者甚厲虜尋以飽去乃下階疏弗許貢階因陳善後數策皆報可階所陳不能無刺譏用事者而當召對時又頗柱嵩口嵩故與夏言顯讐寘之死而言嘗薦階以是恨且忌之方思所以中階者而 孝

烈耐 太廟之議起初 孝烈皇后崩 上欲耐之廟非中外公論恐千秋萬歲後所祀主或非 仁宗而為 睿考遂下階定議欲以 孝烈先耐階合諸大臣議朝堂大約以 女后無先入廟者請祀之 奉先殿時諸公相顧莫敢應獨禮科都給事中楊思忠以為然疏上 上大怒謂階與思忠專之足矣何諸臣為令再議階不獲已乃小婉其辭以為 太廟九室皆滿若以 今上論 仁宗固在所當祀第此乃他日聖子神孫之事而仰煩 皇上身自議之臣等愈有不安於心者夫夏廟五商廟七周廟九今更

本朝分省人物考 卷二十六 十九 南直十六 梁仲德

遞益之于 太廟奉先殿各增二室而升耐 孝烈皇后則 仁宗不必祀而 孝烈可速耐 上難于增 二廟謂階故設難以阻之愈怒促更議耐 仁宗耐 孝烈所以督責階甚峻階惶恐謝罪不獲終守前說而前是 上信真人陶仲文言于邯鄲建呂仙祠使階往落成為齋醮以祈福階心知其非不敢辭乃以議耐廟解而嵩內銜階亡所發乃發之思忠于元旦摘其賀表誤廷杖之百而氓之冀以怵止階遂謂階可孽也所以中傷階者百方一日獨召對上與屈指論羣臣孰優至階而嵩徐曰階所乏不在

才乃才勝耳時咸寧侯仇鸞方言邊事有殊寵與階共直舍酒杯小暱嵩益惡忌階鸞時利屬國虜朵顏弱欲掩以為功謂其實導虜請大發兵征之下禮兵二部議階曰征之易耳一征而永撤我百八十年之藩籬且侯鸞所云導俺答者即得之俺答所夫焉知俺答之不利其土沃而假手我也我得其地不能成將母為虜外固乎鸞自是不悅階然方與嵩角弗暇也而會有獲虜功 上復下階及兵部議鸞嵩俱獲峻加且延世而僅錄階一子入監 上手注加少保尋進兼文淵閣大學士參預機務始侯鸞自詭以必本朝分省人物考卷二十六 二十 南直十六 張天叙

大破虜得上要契眷寵亡兩而其後言益不讐顧益縱肆要請無已 上頗心厭之然中外猶畏其焰亡敢及者會鸞疽發背不能將虜警沓至尚嘍喏不肯吐大將軍印階密言其不可恃乞蚤更置將 上馳使奪其印鸞一夕自恨死死之五日而事敗妻子僂于市家盡籍嵩見仇鸞敗謂階同直舍將以是謀之而詞知自階發而奪印中夜扶牀行咄咄曰吾長于階二紀而智何少也自是謀稍息矣 上既誅鸞益親重階數與謀邊事時議減入衛卒以侯鸞嘗益之故階請毋懲咽而廢食今大同殘而內邊弱入衛卒

不可減也又言京營所以積弱之故不在乏而在冗宜精汰之取其廩以資賞費又請罷提督侍郎孫膺上始格于嵩不盡從久而皆用之一品滿九載賜兼金文幣寶鈔改兼吏部尚書宴禮部 璽書褒諭有加會兵部員外郎楊繼盛論嚴嵩罪狀而中有二王皆知其奸語 上怒下繼盛錦衣獄嵩謂 二王深官何所知我奸楊庶僚何繇知 二王之知我奸必有交關其間者屬陸炳根究階戒炳即不慎一及 皇子如宗社何又為危語動嵩曰 上僅二子萬一根究得之必不忍以二子謝公所罪左右耳公本朝分省人物考卷二十六 二十一 南直十六 劉極

獨奈何顯結官邸怨也嵩懼然懼乃寢而是時倭事起上以所蹂躪多階鄉而階又曉暢軍事以故數數詢問時撫按亟告急請兵而職方郎謂兵發則倭已去誰任其費尚書惑之階持不可則以羸卒三千人往階上疏爭之曰江南腹心地也捐以共賊久矣今據撫按奏報或云意不在搶而在擾勢不欲去而欲留彼皆真有以驗之而部臣于千里外乃能諭度賊之必去又諭度其去而必不來而阻援兵不發置此腹心地于度外臣所不能解也夫用兵之道當計發與不當發耳不當發則毋論精弱皆不發以省費當

發則不發精者以取勝而奈何用虛文塗耳目置此三千羸卒與數萬金之費而餒賊臣又所不能解也尚書乃懼請發精卒六千人俾偏將軍許國李逢時將焉國已老逢時敢深入而踈驟擊倭勝之前遇伏潰當事者方以發兵爲階咎莫因而播階而階復上疏謂法當責將校戰而守令守今者將校一不利輒坐死而守令偃然自如及城潰矣將校復坐死而守令復僅左降此何以勸懲也夫能使民者守令也今爲兵者一而民者百奈何以戰守併責將校也夫守令勤則糧餉必不乏守令果則探哨必不誤守令警

本朝分省人物考

卷二十六

二十二

南直十六
劉國才

則姦細必不容守令仁則鄉兵必爲用臣以爲重責守令可也報可階又念虜移庭牧宣大與虜雜居士卒不得耕種米麥每石金三兩而所給月糧僅七銀半菽且不繼時畿內二麥熟石止直四銀可及時收買數十萬石石費五銀可出居庸抵宣府費八銀可出紫荆抵大約合計之費中全一兩而士卒可飽一月食其地米麥當亦漸平具疏上 上大悅令密撰諭行之時大同右衛危督臣楊順與御史路楷比而殺故言官沈鍊至是復納賄嚴嵩以求脫給事中吳時來遂與主事董傳策張紳劾嵩不勝下獄幾

株及階階既已免每出直輒稱病謝客不見而益共謹于應制筆札 上久而察知階忠廉有所諮問故密以示嵩者皆舍而之階尋加兼太子太師會 上所居永壽宮災徙居玉熙殿隘甚以問嚴嵩嵩乃請上徙南城 上不憚更問階階曰 上今居玉熙

猶露宿爾臣子何忍安枕請筴之今者楚蜀甫息肩不可復困令伐材卽伐材亦不可以歲月計而時方營三殿有餘材其小而不中程者以當永壽則尚鉅請以責司空雷禮可計日而就 上悅如階議而命階之子尚寶丞璠兼工部主事同閱視時 上復自

本朝分省人物考

卷二十六

二十三

南直十六
劉璠

玉熙徙居玄都殿聞京師內外多盜意恐欲以大營兵入衛階謂外兵衛官禁非便請以錦衣緹卒衛玄都而營兵列宮城外爲儲胥以相屏蔽報可新官成 上卽日徙居之命曰 萬壽宮而褒階忠謀進少師兼支尚書俸予一子中書舍人子璠亦超爲太常寺少卿而嵩日屈議者頗善嵩對而微謂階之與旨然以天下之恨嵩迫欲去之而歸階政不以過也時階論邊將則薦故遼帥楊照與偏將馬芳董一奎之材勇 上卽爲擢用論有司失職則言吏部不當徇賄囑 上卽爲罷歐陽尚書而拔郭朴代之論選

庶吉士請賜御題以防泄鬻嚴訶察以防挾遞 上
 卽爲罷選于是中外喁喁覘 上意所在而階滿十
 二年考資金綺鈔縉如九載子誥命賜宴禮部亡何
 而鄒御史應龍論嵩父子罪 上勒嵩致仕下其子
 世蕃獄戍之于是階始爲政書三語懸之直廬朝房
 壁曰以威福還 主上以政務還諸司以用舍刑賞
 還公論公卿大夫咸侃侃冀行意矣會袁煒數出直
 階請以時邀至直所同擬旨 上不可階謂事同衆
 則公公則百美基專已則私私則百弊生乃從之會
 問階知人之難階對曰大姦似忠大詐似信自古記
 本朝分省人物考 卷二十六 二十四 南直十六 陳昌
 之知人則哲唯帝其難念欲有以易其難者惟廣聽
 納而已廣聽納則窮兇極惡人爲我櫻之深情隱慝
 人爲我發之故聖帝明王有言必察而見諸施行卽
 不實亦薄責而容之以鼓來者 上稱善良久自是
 于白簡所封進卽小忤弗深治而言路恃以發舒矣
 時工部請開例而議及贖鍰階謂贖鍰例以濟邊市
 穀者今一切充筐篚宜嚴禁之往者兵興餉日增民
 益困今寇漸輕矣宜裁省逋額徵者宜以緩急爲限
 皆用 詔旨行之民稍蘇伊王坐法錮 祖陵貲當
 籍故事籍貲者悉入內帑階示意撫按俾部禁物應

格而餘金錢三之二以一充邊用一補宗藩之祿不
 給者廣大寇張璉平 上以運籌策歸功階階力辭
 僅領下賞乃至大朝工完階自擬僅賞金一鎰幣二
 上手筆加半虜後繇墻子嶺關入直趣通州報至
 階草 勅命鎮遠侯顧寰等爲九營營九門外文武
 大臣英國公張溶等巡視九門內緹騎帥朱希孝帥
 其腹心將校往來干陬以故中外心稍定而 上方
 以祝釐斷章奏兵部尚書楊博得警急不敢奏而謀
 之階以便宜檄宣府帥馬芳宣大督臣江東各以兵
 入援芳兵先至階請于 上亟賞之又請重江東權
 本朝分省人物考 卷二十六 二十五 南直十六 陳昌
 俾諸道兵俱屬焉虜阻白河水從通掠香河 上令
 看詳楊博疏階請亟先備順義而以奇兵徼之古北
 口虜果趣順義不得入乃走古北口其後軍遇叅將
 郭琥伏而敗頗得其所鹵人畜輜重始 上以尚書
 博不蚤聞與總督楊選之不能却虜而任之入也怒
 甚俱欲有所處分而未發階念能爲縣官任重曉暢
 邊事者毋如博卽一旦失之緩急何恃且博與選不
 能兩全乃備言博雖以景命祠釐禁不敢疏聞而兩
 鎮兵皆其所先檄者 上復問選今尾賊能擊之否
 階言非尾賊乃送之出境也 上以是益怒選竟誅

之而不罪博至賊退大遷賞勤王將士忽以階與輔
臣袁煒勤勞欲加恩有所重進而次及尚書博等皆
力辭言賊得志而去不能大有所艾刈方憂愧之不
暇至于臣博方為臣言欲席藁待罪而未敢幸 上
赦之將洗心滌慮以圖後善何恩賚可希始袁煒聞
而咎階謂何故辭至是 上報諭言博果有人心者
當不安此恩賚也煒乃服階從容為 上言亡論練
事如博即舍博疇能委心事縣官如博者 上然之
自是注倚博不復替矣階請收戰士骨瘞以大冢具
十中牢為文祭之明年虜復窺黃土嶺及一片石
本朝分省人物考 卷二十六 二十六 南直十六
上憂以問階階謂有白文智在而胡鎮董一元兵相
肘腋三人者皆裒將亡慮也亡何虜果為文智所拒
却 上悅超予二官又請城張家灣城成與通聯絡
為重以 萬壽進階為建極殿大學士其仲子瑛自
中書舍人遷尚寶少卿而袁煒驟貴為少傅建極殿
大學士煒故階門生也躁而驕頗欲以氣凌階上階
故柔之時握其手曰公命世才也非公誰可與計天
下者煒以故益攘臂公卿間亡所憚其俱為承天志
總裁諸學士以志稿上煒不以讓階而竄改之殆盡
階亦不問也諸學士意不平以語階階第曰任之而

已會煒以久疾失 上懼請急而歸卒于道階獨嘗
國內不自安數上疏請增置輔臣而 上數難之階
乃密疏乞休 上固留不允階跼踖言臣雖庸寧不
知 天恩之與 聖知若此而忍負之所以不欲久
用首臣者竊為 主權國政計俾恩威常在 上而
紀綱法度不至為久而專者所攘耳于是階緣上旨
復請益二輔而 上復難之令俟數月慎擇乃可階
言臣不敢避難顧衰轉甚矣內閣事體繁即開敏者
非假以歲月不易周悉萬一旦夕之間溘先朝露即
有繼者何所取裁夫人才須作養於一二年之間而
本朝分省人物考 卷二十六 二十七 南直十六
取用於數十年之後恐未以數月就也 上自是與
階謀進尚書吏部嚴訥禮部李春芳入內閣而起故
吏部尚書郭朴于憂俟滿代嚴訥郭朴者階所薦也
潘恩
潘恩字子仁號笠江上海人嘉靖壬午舉於鄉明年
遂成進士知祁州歲當均賦為正冊籍清弊嚴隱戶
無匿田田無匿稅參互新舊衷而劑之高下稱平調
劇禹州衷以情法調其競絀人以大服至相語曰母
相仇避潘侯母甚口愧大守在禹未幾而積儲為列
城最會歲侵發庾而貸之無饑者擢南京刑部員外

郎丁內艱服除補原秩典河南鄉試考官遷廣西按察僉事提督學政廣西故僻而推於訓詁外無所嫻習乃增益藝文頒之多士而其要歸在於敦本實貴器識時靖江王驕勒其國衛卒之子弟母得充諸生卽充諸生者必以賄不則銀錙其父若兄移文長史司謂王復勒諸生試者吾立論糺汝而後諸生乃得就試嘗署按察篆勾捕王所匿大猾必得乃已王滋銜之其後竟與御史監司競并上疏誣恩 上遣法曹置獄會勘事得直遂進四川左參議遷山東副使監臨試事時柄相有與御史修郟者摘其錄語以爲本朝分省人物考 卷二十六 二十八 南直十六

譏訕詔逮御史及提調監試者時傳上震怒且叵測恩曰 上明聖詎忍以語言寘人死且 上或卽死之而生之母非德也已入獄寘對謫贛州推官丁父艱歸服除知福州府轉南京禮部郎中陞江西副使屬洞寇漸平遷浙江左叅政分守杭嘉湖道方按部海鹽而島寇猝至圍之數十匝時城無見兵但鼓舞吏人晝夜登陴不少懈而城卒以全進雲南按察使尋擢江西右布政使已轉左首革賊吏出納之弊郡邑來上賦者如寄已而郡邑亦不得緣是而取羨久之拜右副都御史出撫河南下車首問父老間左所

疾苦得黃墨綬以上不職狀輒移文顯責之至有望風解綬去者徽恭王子載瑜嘗輕去其國以覘留都又多掠良家子充後官占民田賊殺無辜十百事恩與御史悉發其罪狀論廢徙徽旣失國伊庶人伎惡尤甚首鍛其鋒剪厥羽翼而豫州部稍稍息肩矣又嘗飭練礦卒付裨將將之以赴島寇有功 上賜之金幣遷刑部右侍郎再擢南京工部尚書時督餉都御史章渙嘗有疏以經略中原名觸 上諱將坐以誹謗恩謂章非所宜言然其意在憂時耳雲南巡撫游居敬與黔國相舐沐中之將坐以擅興激變恩謂本朝分省人物考 卷二十六 二十九 南直十六

游特行事不當物情耳事取旨非擅興也夷狡不良不爲激變二公皆得比於寬典改都察院左都御史遂上疏請飭臺綱剔吏弊蘇民瘼凡二十條 上皆嘉納之已借太宰考察庶官一時凜然稱肅再上力請致仕得允旣歸闔門養威重晚更嗜書自六經子史以及國家典故母論金匱石室卽虞初小黃衣所纂靡不手錄而彙之一室蕭然唯圖書自環而已享年八十有七卒計聞賜祭葬贈太子少保諡恭定二子皆成進士長允哲學憲次允端方伯

劉兆元

劉兆元字德資上海人自少舉止不類凡兒及爲諸生常試高等嘉靖四年中應天府鄉試先是其所親有肆誣害者及得舉則又曰吾固稱德資聰明今果然矣不以介意益厚遇之上海俗奢好自矜眩獨閉門讀書雖兵陣風角占候之書皆手自抄寫時從野老散髮箕踞樂飲不自表異計偕還渡江登秣陵諸山呼古人名舉酒與相酬不醉不止也後謁選授懷慶司理會中使銜命降香王居山民苦供應多逃亡適攝郡篆能以權智辦濟使者告成事而去嘗慮囚一女子呼冤察其誣繫獄已二十年出之武陟富人

本朝分省人物考

卷二十六

三十

南直十六方

能測也後元殊過海上時不見已數年爲道平生慷慨泣下當炎暑置酒且歌且飲酒酣裸立池中傳荷筒以爲戲既困於酒且爲水所漬竟以是病而卒

陸樹聲

陸樹聲字與吉號平泉華亭人家世業農又貧無所佐讀則強之服田與傭雜作私常帶經而鋤一日隨父輸賦于邑中隣寓有授經師者竊聽之恍然有解偶覓楮爲文里師見之驚賞避席是年方簡肅公爲令試第一補邑諸生嘉靖庚子遂舉於鄉明年舉會試第一選庶吉士久之授編修一日同館謁壽分宜

本朝分省人物考

卷二十六

三十一

南直十六方

皆更緋衣而入獨青袍鵠立其間分宜則目攝之肅皇帝祠竹宮儒臣競進青詞獨無所預庚申廷試充掌卷官知鼎魁陰有所屬故混其卷分宜亟索不能得聲色俱厲漠然不爲動事竣請告還里丁外艱服久除不出卽家拜南京國子監司業勉一就職未幾卽請告歸闢適園宴處若將老焉辛酉起左春坊諭德掌院篆乙丑進太常卿管南京國子監祭酒作訓諸生十二條大約以立志治心爲要太學生至今誦之其年秋進吏部右侍郎引疾不就隆慶戊辰起原官疏辭者再竟不出尋復起原官兼學士教習庶

吉士抵淮復告歸壬申陪推內閣卽家拜禮部尚書
 疏辭不允以是冬詣闕時江陵當國喜相引以爲
 重及見相對湛然意無所接則大失望其蒞秩宗率
 正僚屬引經誼以裁典禮操持凜凜無敢干以私嘗
 以公事謁江陵適冢宰先謁客坐甚偏江陵急引正
 之毅然就坐或諷以相君威嚴宜少委蛇默不應蓋
 已浩然有歸志矣疏上江陵託弟中丞挽之微示將
 有別命笑曰一史官去國二十年始一出山豈爲樹
 桃李希揆席耶疏凡五上乃得賜告乘傳歸瀕行疏
 陳十事而內辨公府抑戚倖斥貂璫尤觸時忌江陵
 本朝分省人物考卷二十六 南直十六
 益大嘖頃之就視邸中則踞床以見抗手謝曰病甚
 負公推轂柰何翌日拂衣而歸矣先是自家赴闕伯
 兄樹芳出餞之謂曰出處有義汝宜自斷於心若此
 兩稚者惟欲汝躋顯貴渠居家有資藉勿之聽也兩
 稚者指其子也兄弟間切磋率敦道義遺榮利如此
 江陵敗臺省交疏推薦無虛歲而高卧彌堅終無世
 念已丑子彥章成進士當館試手書戒以毋趨捷徑
 毋暱權門澹泊寧靜守吾家四字箴乃吾子也戊戌
 年九十遣中書存問於家壬寅 皇太子立遣儀部
 劉憲寵再存問焉時九十五歲矣尚跨馬郊迎 詔

旨觀者夾道相指目以爲真天人也以乙巳年卒壽
 九十有八詔賜葬祭贈太子太保謚文定初試南宮
 時郡守王公華夢謁帝庭庭下數百人羅拜口舉善
 人曰陸樹聲云守覺而異之比得第一人報守語人
 曰此君冥行通神明他日祿位名壽必皆第一至是
 果驗居恒言士大夫於世法中惟廉取薄享可續壽
 命之原何從更慕長生爲也故運烝服食諸術一切
 謝絕而坐享期頤其自信者深矣燕坐齋中半靜息
 半繙閱意至漫書數條往往有神解文紀甚富不悉
 列

本朝分省人物考卷二十六 南直十六
 馮恩字子仁號南江華亭人由嘉靖丙戌進士以行
 人勞王文成軍因薦束脩爲弟子文成甚器之已擢
 御史分司留臺先與刑曹抗論執訊獄牒體尋疏論
 留守魏公不得越江役衛卒時汪御史大夫鉉復而
 險能窺伺 上旨沮折其屬又阿諛時相數更職守
 自固恩疏論之有身軀不滿五尺罪惡貫於四凶之
 句會 上方喜新貴人議分建南北郊又欲令 皇
 后出蠶北郊而槌其不合者以邪徒闢之中外惴惴
 恩獨抗疏援古親蠶郊祭之禮極陳時政乖違災變

動 上速停二議開言路且以堯舜之用元凱而唐
宋之狗林甫安石爲戒會彗星見東井又抗疏論汪
鉉爲腹心彗及二相臣宜亟罷復做范希文百官圖
例悉品諸大臣得失詞甚峭厲 上怒甚馳緹騎逮
之下 詔獄適汪大夫遷太宰以例會審南闕門汪
執筆令校卒持恩轉膝面之恩卽起立不跪辯甚強
項汪遂以上言大臣德政律署之法當斬恩挺身出
下觀者皆嘖嘖歎曰是御史鐵膝鐵口鐵膽鐵骨相
傳爲四鐵御史且錄其語流播中外及冬當就法有
遺之以藥者恩曰御史陳事不當惟有伏歐刀都市
本朝分省人物考 卷二十六 三十四 南直十六

沈愷

沈愷字舜臣嘉靖己丑進士華亭人官楚藩參知當
爲寧波太守時邑民與番夷貿販往來海上關出入
無禁愷爲厲禁犯者輒置重法後有議以兵剿者愷
力持不可謂衛所哨兵皆貪生怖死綿力薄材向者
徵兵應調見賊率皆立馬股慄其不能格也明甚且
海中其所出沒而我驅人以入其巢穴有駢首就戮
已耳莫若嚴爲防守不使登岸奸販之徒不得下海
則糧盡計窮自然遠去當事者不聽遂出師果大潰
死者無算愷沉慮遠謨高襟曠度政餘喜攻詩文後
以事忤朝貴遂托親老乞歸居家杜門著書與物無
本朝分省人物考 卷二十六 三十五 南直十六

莫如忠

莫如忠字子良號中江松江人嘉靖間由進士官至
浙江布政刻有崇蘭館集如忠撰著皆緣本經術博
綜羣籍檢括名理漸涵蘊藉尚體要而發之藻蔚故
其文深厚爾雅紆徐宛委體裁於廬陵詩則杼寫性
情諧合風雅而緣情體物敷腴雋永其尤所膾炙千
時者五七言近體可上方王孟抗行岑劉槩其全體

則本之閱博之學入深湛之思取材備而發皆應節若函冶之剗犀動中窾會恢恢乎游作者之域矣蓋其性尚玄泊簡薄世好而恬於仕進通籍以來數引疾家卧歛神用以一意著述晚解藩政歸杜門掃軌游神竹素里邑後進贄所業以就正者披衡其間披衷導窾片言解頤奉以指南一時懷鉛之士樞趨景從者視為龍門信作者之端表也

唐志大

唐志大字子迪華亭人為人敦朴沉毅志量弘遠領嘉靖庚子鄉薦明年遂成進士世傳春秋之學及司不朝分省人物考卷二十六 三十六 南直十六 馬史記朱氏綱目至於本朝與勝國交代之際其事蹟考據尤詳是以上下數千年間治亂興衰如指諸掌釋褐時適西北多故每與儔輩語及時事輒為籌策證據今古議論侃侃其貌又虎鬚燕額聞其論接其狀者咸曰他日握兵權定三邊者必子迪也而獨念其母陶夫人又獨子辭華要之選求南曹冷局以便養親竟授南京行人司副使道歸將迎母以行比歸則母病方劇依違久之不忍捨久遂上疏乞終養凡再上乃得旨既謝職家居敦行色養之道割產以贍女弟事季父極其敬愛修先世家規以整齊其族

人貧不能自給者賑之又於宅傍建屋一區羣族之子弟延禮名師館穀而課試之上承母夫人之歎而教行於族閒居樂志自謂三公不易也無復有出山意會倭寇海山三吳被毒尤慘聞吳興地僻兵宜不至遂奉母夫人與羣從弟妹子壻居焉又於僻地結屋數十椽以居族人之無依者上下千指以一人拮据其間為之籌畫生計無何而大疫起先及母陶夫人既而妹與壻及其季父相繼淪逝親護數喪衝冒兵刃歸葬里中復起還吳興遂病不能起其歿也無以為殮踰月之後家人無以為食欲歸郡城無以為本朝分省人物考卷二十六 三十七 南直十六 李家聞者靡不高其人而悲悼之

楊道亨

楊道亨字豫甫別號九華山人華亭人為諸生已有聲譽數試不利有司著藝凡數萬餘甫得解成嘉靖丙辰進士授行人出使諸藩以秉禮最改刑部主事遷員外郎中出為真定太守真定為三輔最大郡又當東西孔道冠蓋羽檄肩摩素彊力自勵吏抱案請署先所急者次第呼署而扶其不當請者曰太守乃為猾胥作地耶兩造紛爭而叟不顧第撻其中要窾呼一二把訟大猾厲聲曰若不吐實立碎若首矣以

故聽訟不數語而決會虜騎入紫荆畿輔大震行視郡三面皆土城歎曰幾不與虜共此地耶顧郡有羨縉藉之以白於臺請因石于山因陶于土三面咸甃石之不匝月而畢益濬濠及築滹沱廢堤以外拒水而內護濠久之滹沱挾淫霖而水汎溢堤且潰乃督僚吏多益置土牛木犍之類捍之而身露立城上爲文以禱禱既而有若青羊者一目獨角叩首而逝水亦隨落郡人咸加額稱神君云諸上賦金郡例有火耗或至十之三以供守費一切革之已遷雲南副使會巡撫與直指不相能附新鄭相首中御史并以中

本朝分省人物考

卷二十六

三十八

南直十八

李郁

之巡撫故同年進士託以陰伺直指隱事銜其不奉旨也而新鄭所惡故國乃華亭人以是相比而萋菲焉事下後御史廉問因延見吏民詢故太守狀吏民叩首諱曰楊使君僅飲一杯水柰何以他事誣讒之御史方陳白其屈抑而疾已不起矣

胡岳

胡岳字仲申華亭人起家刑部主事歷員外郎四川按察僉事湖廣副使廣西右叅政福建按察使江西廣西右布政江西左布政使擢都察院右副都御史巡撫江西改大理卿未上卒岳爲人以氣節勲業自

許事至能立斷爲刑部時慮囚鳳陽大姓爭田闔不勝因殺叔誣之獄具憚莫敢決岳至乃訊決遷四川芒部寇川南岳當分巡會病議更川西奮然而起卽督兵入其山斬木通道二百里募死士塞賊走路大合兵搗之誅降凡若干人捷聞賜白金文綺已備兵於松藩覈戎籍實腴廩厲侵尅之罰禁卒之以月餉質富室者居數月粟餘於廩人有餘力矛戟甲仗營堡關梁事事改於舊諸夷讐焉總憲於閩數據法直民死罪按贓吏不以御史意假貸語時譏御史御史至面發赤乃止閱故牘得事之未報者晨夕下郡縣

本朝分省人物考

卷二十六

三十九

南直十八

周性

盡閩之屬檄日常八九至吏傳食不能給而聽讞乃恒有暇手校四書五經及晦菴先生集翻梓以傳江西吏巧文而輕犯法爲置簿書勾稽以時遠視廣聽奸至卽發問以禮規御史御史怒岳不爲撓曰吾務盡在我者治事如初至疾病猶扶掖以出御史竟不能有加後至者以績聞拜中丞益自奮首爲書數千言徧以授羣吏已乃汰冗費更役法民視產出錢歲不過十一役於官有常期榜懸籍刻吏無得動郊廟建詔市材楚蜀吏盜官錢更賦民或張旗幟擊鼓伐金從徒百餘行視民所植出黃紙封之縛其主怖曰

當自輸京師民號泣致厚賄乃免岳嚴為禁楚人賴以安歲饑手疏以請 上為減所輸全活甚眾岳既勤於政疾復作迨被徵已艱於行會聞繼母喪自江西歸其家踰月遽卒岳平生於財廉所至未嘗市民一物其與人處言笑歡謔洞然不疑然或以不義櫻之輒詬怒已又輒霽嘗面折人之過聞者震悚不能勝及論薦人才終不沒其善交游姻故雖在寒賤拯援周卹必盡其情然不可干以私故賢者服其誼不肖者忘其怨宣力任事初若不容於俗而卒成其名致位通顯蓋非獨所遭際為然嘉靖己亥卒年六十

本朝分省人物考

卷二十六

四十

南直十六周性

有六

朱大韶

朱大韶字象玄號文石華亭人當在姪時大父夢一羽士擁從卒挾書印以授之曰將及而孫是夕生少神氣警爽目光炯炯旁射成嘉靖丁未進士選庶吉士讀中秘書其思雲涌川決頃刻數千言立就館中諸大老無不器重之而尤留心經濟凡禮樂刑政錢穀兵戎之數俱縷縷口畫心計國家有重事則相與咨詢焉己酉授翰林檢討奉使冊封湘藩登太和浮洞庭望匡廬從大江過金陵所紀咏著作為多歸而

奉觴上兩尊人壽還分校禮闈時倭寇起東南歲苦兵所在屠掠念其兩尊人特甚乞願改南遂得司業即迎二親於官邸時兩都士侈慨然歎曰太學故養士地今諸生皆誦法孔子而鮮衣怒馬六博蹋鞠為戲無有明於尚齒貴德之訓者教化之謂何復以宋祭酒訥故事著功令示之不獨數考校以課其材已也無何解任而歸歸則構樓於城東北隅置圖史朝夕觀覽左右遠眺自適取名快閣以萬曆丁丑卒年六十有一

唐繼祿

本朝分省人物考

卷二十六

四十一

南直十六陶見

唐繼祿字子廉上海人嘉靖癸丑進士初授浙江遂安知縣有異政召拜監察御史出按湖廣雅以風稜自持即郡守庭謁後不行燕見之禮所至繫汰賊墨吏無筭性英敏彊記而又長身嶽立嘗與兩司錄囚囚籍一覽輒了然間掩籍漫舉一二獄情詰兩司兩司倉卒或不能對以是愈益嚴憚之若神君然楚中以里甲為累歲里長一應卯百需攢慶之猾胥緣以為奸利動至傾產繼祿為覈縣官一歲所需若干第歛金有差貯之官量入為出令里長毋得復應著為畫一法楚人至今便之行部荊州會興山盜起穴高

鷄寨鑿礦行劫衆至三千人而縣官利賊礦砂之入
匿不以聞郡守徐學謨上狀繼祿即日下雕剿之令
守言大侵後兵食俱誦未可輕動且寨險峻難猝攻
不如檄降之便繼祿默然良久曰吾策之矣擒賊盍
先擒王乎乃縛縣官來囚之郡獄而陰遣沙市巡檢
趙應奎詣高鷄寨諭以朝廷威福宜早自解散不且
嚮汝肉賊下寨羅拜巡檢泣曰吾等爲饑寒所迫故
聚而丐食一聚則不得散縣官復餌我謂上人未之
知也今日之命懸於巡檢願巡檢活之應奎馳歸以
賊語報繼祿領之急檄郡鈐符票三千如賊之數復
遣應奎詣寨人給一符待以不死姑斥之還籍有符
者隘兵毋得擅殺報功月餘賊黨散盡高鷄寨平是
役也不煩地方一金而歸夷數千里間安堵如故後
擢大理寺丞晉少卿擢南京操江僉都御史晉屯
鹽副都御史以疾告尋卒於家年五十一繼祿爲人
自少嚴整介潔生數歲而孤事寡母以孝聞立朝幾
二十年門生故吏有所餽遺無論公私一切謝却居
家庭儼如官府絕無燕褻之容卽僮僕不敢仰視在
告時親朋亦罕覩其面繼祿故無子卒時生子方一
歲人以爲有天道云

本朝分省人物考

卷二十六

四十二

南直十六
陳士儒

陸樹德

陸樹德字阜南華亭人少保陸公樹聲季弟也登嘉
靖己未進士出司理嚴州在事精明綜覈雖耿介絕
俗而不喜爲煩刻其於單赤尤能曲體其隱奉檄按
武義令夜行橐有所居間叱之使持去盡法無貸靡
御史尚鵬於屬吏鮮當意者獨至樹德則曰廉士廉
士秩滿陞刑部主事改禮科給事中 莊皇帝每朝
及經筵默不發一語疏言上下交爲泰非與公卿輔
弼相論難何以劇君德而酌萬幾不報又條議諸邊
計甚晰時 上不豫中璫有請開戒壇爲 上造福
本朝分省人物考 卷二十六 四十三 南直十六
田利益者復抗疏言佛法非聖世所有特其空寂澹
泊稍有合於吾儒寡欲養心之旨故其說久而不廢
若乃戒壇度僧男女叢雜宜淫導侈固佛之所深惡
者柰何輕信左右之說而遽復之夫 陛下不以聖
躬爲虞固所事佛 陛下而以聖躬爲虞則大禹之
惡旨酒成湯之不邇聲色萬全道也亦佛所深契也
上爲停戒壇無何 上晏駕時中貴人保橫甚新
鄭相決策去之而言路各有疏發其奸私保遂逐新
鄭而併齟諸言者久之僅移尚寶卿滿三載始擢應
天府丞尋改太常少卿故事九列持資簿待遷亡滿

考者而前後凡七年以中貴人保在事故也然而任職奉公所在政理已進太僕卿擢右僉都御史出撫山東時中貴人保者已罪竄矣至則與按使者約脯脩不相入車門絕私書僚屬相戒為慎留客不過酒茗鮭菜而優晏絕矣又請裁募兵費蘇里甲戒苛罰俱報可東人大悅素不喜食肉行部所給蔬粥一筭器而已筮朴不妄施而獨嚴於貪墨吏無所縱舍時時按覈東人以為神明體素羸以竭精吏事遂病脾會德藩官後有白雲湖者故民佃也而奪於王業已歸民矣至是復與中貴人比必欲再奪之執不聽自

本朝分省人物考

卷二十六

四十四

南直十六

是悒悒不得志遂移病以歸居官所與遊皆當世豪傑所言皆天下大計所蒞處必間閭利便生平未嘗以私干人亦不受人私其直諫忤旨及犯權要人者屢矣而歷位融顯優游令終乃知事有冥數彼逢諛者之徒自敗其聲身名也

唐文獻

唐文獻號抑所華亭人母懷孕時夢一人送糖餅撞至其家覺來異香滿室遂應時而生少即岐嶷不凡穎敏喜學萬曆丙戌捷南宮廷對擢第一人果符前兆授修撰請告歸里依然寒素越二年補任歷中允

諭德少詹禮部侍郎掌院事辛丑分考甲辰副考最稱得人乙巳值內計公正掌院所甄別詞林不少假借山陰歸德一時去國獨以身周旋其間而楚獄妖書事起賴以多所幹旋正氣得稍申蓋其生平嚴請托絕附麗嶄嶄孤立故諸所按裁和平婉麗而慷慨正直之氣憂憂筆劄間冊立 東宮詔出其手筆所著忠清仁辨性習解于理學多羽翼仁明武箴三省箴于 廟謨多補裨至立家訓數千言而其要旨則欲以學問磨礪氣質以禮法檢束身心以良友益友為著龜以挾邪惡少為醜毒數語更堪不朽人多誦

本朝分省人物考

卷二十六

四十五

南直十六

法之居官二十年斤斤守儒生故我而臨大事決大疑則屹然不為利害死生所奪未及大用而卒海內知與不知靡不歎惜云

張之象

張之象字月鹿一字玄超號王屋上海人幼曠覽不羣以諸生卒業國子屢試弗第遂棄經生業專力治古博綜羣籍囊括百氏勒成一家言與海內士別建旗鼓而馳其詩爾雅冲澹與寄寥遠有魏晉風其文閱深奧衍出入東西京若緩頰肝衡攷據前聞剖析疑義當世宿學咸以為不及單辭片楮傳布人間無

不視若拱壁者已而跡跡倦遊稍從祿仕爲浙之藩
幕非其好也諸監司大吏素習其名折節相下不復
煩以簿書乃得時乘休暇駕輕舸嘯歌武林山水諸
名勝區以吏隱自命會有御史氣使屬吏之象遂飄
然投劾歸歸而閉門却掃室常罄懸殊安之而期必
竭其平生以竟所撰著縱羣籍几案間分日研討至
不能布席對客嗒然班荆跌坐而已晚歲卜築秀林
山麓其地多怪石危泉烟扉月檻叢竹茂林顧而樂
之眺玩意日自是益居跡市頭謝絕塵務所著有剪
綵翔鴻聽鶯避暑倚蘭擊轅佩劍林棲隱山秀林諸
本朝分省人物考卷二十六 四十六 南直十六

浦澤

浦小癡上海人也名澤字時濟祖父居新場里鄰於
素封浦氏以農起家至澤始讀書識字慕漢逸民矯
慎之風終身不娶或勸之娶答曰不欲自苦耳早歲
去家從騷人宿儒諸貴人游凡晉唐名帖無不縱觀
摹臨窮古人波磔之妙故字學著名一時索書者履
舄交錯內無他腸而喜任俠人邀之吳卽之吳邀走

燕趙卽走燕趙朝諾夕發無所帶芥性嗜酒不得若
饑渴凡諸故人宵宴密坐召亦至不召亦至周旋俎
豆歡如也酣則膝席舉觴抗音浩歌響振林木或起
爲壽脫巾椎髻作仙人舞顧影婆娑颯沓極盡諸妍
巧狀且大呼座客曰何不奏樂似得躡節鼓吏遺意
若明月中天婦女環侍增歡舞態又加十倍矣未酣
而酒興不釋雖客散主卧獨留一豆一觴自爲答問
而飲侍者不勝罷遁去乃已儲金二斤與唐君贊顧
君德代爲子母以給故橐中常滿三百錢值當意者
卽解橐中錢市醪膳接殷勤或悉與之錢無難色錢
本朝分省人物考卷二十六 四十七 南直十六

竟復取諸故人散去亦如故避兵鷄鳴山舍於緇廬
與常泰上人厚善遂通空理不欲歸諸故人寓書力
招之乃歸歸僦一廬於僻所設一榻橫一破琴左列
圖書與宿昔所嗜帖百卷醒則焚香彈琴歌詩醉則
擁衾安枕或一二日不起貴人臨况率皆授謁於榻
而去平生喜睡與嗜酒等不亭午不巾櫛故里中人
呼爲小癡又呼爲晏眠人

本朝分省人物考卷之二十六

人物考卷之二十七目錄

南直隸常州府

吳雲

陳洽

錢本中

謝應芳

王達

王忠

陸祥

倪瓚

胡澹

儲福

吳潤

徐晞

王紱

段民

嚴本

陳濟

本朝分省人物考 卷二十七目錄

楊塔

陸愷

沈琮

盛顯

王輿

徐溥

殷貴

宋瑛

白昂

秦夔

沈暉

陸簡

華山

白玠

王沂

張愷

邵寶

白圻

吳儼

華津

薛格

本朝京省人物考卷之二十七

南直隸常州府

吳雲

吳雲字友雲常州宜興縣人雲少有文行爲國子生同輩皆推重之仕元爲翰林待制入國朝洪武元年太祖高皇帝遣魏國公徐達北定元都魏國以禮敦遣赴京是年九月除弘文館校書郎二年改陝西渭南縣丞四年召還擢刑部郎中尋遷磨勘司令五年拜刑部尚書六年出爲湖廣行中書省參知政事八年坐事被逮至上重其才卽釋之時以元梁王

本朝分省人物考 卷二十七

據雲南尚未下特命往使諭之且曰卿能爲朕作陸賈乎雲對曰天命所在誰敢違之第恃地遠故阻聲教臣奉陛下威德往告以大義諭以禍福彼必附順若冥頑不從興師未晚上然之遂遣行會梁王使其臣鐵知院等二十餘人使漠北爲大軍所獲械送京師上欲以恩懷之令與雲偕行至雲南之沙塘口鐵知院等謀曰吾屬奉使不達中道被執而還罪必不免於是說雲改易制書共給梁王不從欲殺之適梁王亦遣人來劫降逼令胡服辨髮往見雲曰朝廷念雲南一方生靈不忍加兵特遣使持勅招

降汝輩今反欲脅使臣以降邪吾以死自誓終不爲
汝屈遂被害既而梁王壯其節命收其骸骨送蜀給
孤寺藏之後雲南竟入版圖朝廷始知其死官其子
徹爲國子生徹貧不能還鄉以雲嘗仕湖廣卽葬江
夏縣金口鎮歲久遂占籍江夏有四子弘治中雲南
巡撫王詔請於 朝謚忠節嘉靖元年御史唐符奏
乞表其墓 詔有司修其墓歲時致祭

陳洽

陳洽字叔遠武進縣人貌奇偉長身玉立與兄濟暨
弟浚同游鄉先生謝子蘭之門子蘭謂人曰陳氏兄

本朝分省人物考卷二十七

二

南直十七

氣如此河東之薛不得專美於前矣洽讀書力
淹貫羣籍尤工於書法弱冠用薦舉擢給事中命
軍卒過目輒識其面且記姓名弗忘有再至輒答
之總戎懼請罪洽上其事 上嘉之賜織金鷓鴣衣
一襲後又奏凡大臣犯重罪雖蒙恩宥不宜仍列本
班必少加降抑以示勸懲 上從之詔叙列八品九
品後洪武丙子父以貞戍五開以歿洽去官至家時
五開蠻寇竊發匍匐將往以歸父喪或止之不應涕
泣以行觸瘴冒險問關五千餘里竟負骨歸葬焉未
幾兵部尚書茹瑄薦其才可大用遂奪情起復授文

選司郎中壬午年 成祖入正大統首陞爲吏部右
侍郎量才陞官銓衡惟允復署地官事益有聲永樂
三年乙酉遷大理卿持法平恕民無告冤者丙戌交
趾黎賊構逆 朝廷興師問罪命覘賊蹤跡調土兵
三萬以佐總戎五年黎賊就俘交趾遂平改吏部左
侍郎除交趾流官既還朝命掌春官事論功定賞人
無間言繼署冬官名譽尤振歲乙丑交趾餘寇簡定
作亂仍命英國公張輔率師討之洽實參贊機務遂
擒其兇渠簡定而還時北寇猖獗 車駕親征承命
偕英國公輔訓練士卒於塞外辛卯復往鎮交趾以

本朝分省人物考卷二十七

三

南直十七

慈和綏輯其民先教化而後刑法夷人安之蠻俗爲
之不變絃誦之聲相聞乙未還京以功陞兵部尚書
十五年再命出鎮交趾兼掌布按二司事 仁宗卽
位勅領交趾布政按察兩司仍參軍事 宣宗改元
之初蠻寇黎利勢益張成山侯王通率師討叛仍與
參贊是歲冬出師討賊洽以爲宜駐師石室縣之沙
河以覘賊勢通欲渡河而陣又反覆諭以利害且陳
方略通弗聽翊旦五鼓麾兵以渡洽弗能止次寧橋
賊自巳至未力戰洽遂自奮馬突入賊陣欲擒其首
惡身被創甚而了無怖色既而墜馬左右扶掖欲還

營中且曰主帥且退公何自苦如此洽張目叱之曰
 吾受 朝廷厚恩四十年報國正在今日吾豈偷生
 忍耻者乎衆皆潰散洽奮勇持戈進手殺數人知力
 不能支自刎而死賊相視駭歎洽恂恂謙謹清儉寡
 欲孝友出於天性動止語默皆有禮度惡諂諛尚正
 直於人無所毀譽而遇之必以誠不事侈靡不畜媵
 妾所至惟家僮二人以給使令晚年不喜飲酒閒居
 沉默終日危坐人莫窺其底蘊博涉書史論至古將
 相忠義之事必正顏定色英氣橫發擊節稱嘆若已
 有之雖有邊徼經營軍旅之務稍暇即讀書自娛手
 本朝分省人物考 卷二十七 四 南直十七

錢本中

錢本中武進人讀書習法律洪武中以人才舉歷知
 故城元城縣有聲改知吉木豪民宿吏素爲民患苦
 者捕其魁徙遠方邑中肅然新壇遺學舍召諸生躬
 教之旌別勸率政務清簡不任刑威有盜聚山谷間
 時出掠郡守欲以兵殲之本中單騎詣賊壘諭以禍
 福咸相率縛首賊自歸會赦免本中勵清操門無私

謁妻子布衣蔬食裁足朝夕以註誤罷官父老奔走
 號泣留不獲郡人學士胡廣力保之得復官民間本
 中且復來空間井迎拜如見父母未幾以疾卒民哀
 慕留葬吉水爭爲負土營墓云

謝應芳

謝應芳武進人自幼篤志留心性理之學尤工於詩
 文元末避地吳中 本朝平定始還毘陵年九十七
 終所著有思賢錄辯惑編毘陵續志龜巢藁

王達

王達字達善無錫人世編氓至達始業儒家素貧嗜
 學不倦聰敏博聞考索精到爲文辭援筆立就不喜
 浮靡惟務篤實事親能盡子道間里則之嘗受經於
 鄉先生張籌其見器重後籌拜禮部尚書復往卒業
 京師學士宋濂見達端重簡默而丰儀卓偉嘆異其
 才折輩行以相交及歸而縣令辟爲鄉校師達訓迪
 有方學者多所造就改除大同府學訓導教如鄉校
 時革除年間以薦入爲國子助教六館諸生多趨其
 門朝夕請益達誘掖開誨講說論議終日不懈成德
 達材之士彬彬然出達門下初 成祖居燕藩聞達
 名及即位召與語稱 旨太子少師姚廣孝復薦之

本朝分省人物考 卷二十七

五

南直十七

遂入翰林爲編修時方治革除年間奸惡 上間問
建文君過失達對曰可與爲善但輔導非人故誤之
耳 上不以為忤與修 高皇帝實錄尋陞侍讀學
士編纂永樂大典爲總裁兩知貢舉得士尤多嘗獻
視學頌達謙和恭慎爲文章有典則援引證據必本
於六藝作詩有唐人風韻晚號耐軒又號天游道者
有耐軒集詩書心法易經選注尚友編桂林機要詩
小序及梅花百咏詩藏於家達性不飲酒甘嗜薄味
然常患氣疾時遇寒暑輒發及臥病篤 上命醫往
視永樂五年卒年六十五 命有司歸其喪

本朝分省人物考

卷二十七

六

南直七

王忠

王忠武進人洪武中父諒以輸稅後期法當死忠時
年十七自詣京請代父死 上并赦之宣德初以薦
除兵部主事練於世務方以大任期之忠以母老懇
乞致仕卒於家

陸祥

陸祥無錫縣人初以石工隸工部鄭王之國選授工
副後有薦其有異技者召改工部管繕所丞管作稱
旨祥有老母病或以 上聞命光祿日給酒饌并鈔
五錠以爲養擢工部主事進郎中以至侍郎祥巧思

天授嘗用石方寸許刻鏤爲方池以獻凡水中所有
魚龍荇藻之類皆備曲盡其巧然爲人頗謹愿士夫
不以其出自雜流而棄之子華以譯夷字造館閣歷
官光祿寺署正成化五年十二月卒

倪瓚

倪瓚字元鎮號雲林無錫人生而俊爽稍長強學好
修性雅潔敦行孝弟而克恭於兄相之樹立率子弟
以田廬生產悉有程度有餘財未嘗資以爲俚俗紛
華事其師輩昌王仁輔老而無嗣奉養以終其身歿
爲制服執喪而葬焉神情朗朗如秋月之瑩談辯絕

本朝分省人物考

卷二十七

七

南直六

人暨暨不倦好客之名聞於四方名傳碩師方外大
老咸知愛重所居有閣名清閬幽迥絕塵中有書數
千卷悉手所較定經史諸子釋老岐黃紀勝之書盡
日成誦古鼎彝名琴陳列左右松桂竹栢梧菊之屬
敷紆繚繞而其外則高木修篁蔚然深秀故自號雲
林每雨止風收杖屨自隨逍遙容與詠歌以娛望之
者識其爲世外人客至輒笑語留連竟夕乃已平生
無他好惟嗜蓄古法書名畫持以售者歸其直累百
金無所靳雅趣吟興每發揮於縑素間蒼勁妍潤尤
得清致奉幣贊求之者無虛日晚益務恬退棄散無

所積屏慮釋累黃冠野服浮游湖山間以遂肥遯丰
采愈高足跡不涉貴人之門與世浮沈耻於銜暴清
而不汗將依隱焉志氣寂靜往來城市混迹編氓介
特之操皦然不渝年既老而耳益聰目益明飲啖步
履不異壯時氣貌充然其所養可知矣所著文稿句
曲張天雨錢塘俞和愛之為書成帙藏於家洪武甲
寅以疾卒享年七十有四

胡澣

胡澣字源潔武進人生而髮白彌月乃黑見者異之
自幼端重不好嬉戲弱冠入邑庠登建文庚辰進士

本朝分省人物考 卷二十七

南直十七

第授兵科給事中勤謹識大體士林譽之 成祖入
正統供職如舊永樂改元秋以奏稱 旨陞戶科都
給事中丁亥代署祭酒事 上察近侍中惟澣忠實
可托遂 命巡遊天下以訪異人為名實察人心向
背時 御製性理大全為善陰隲孝順事實書成俾
以此勸勵天下以故雖窮鄉下邑軌跡無不到在湖
湘間最久丙申秋還朝丁內艱乞終制不允數日特
陞禮部侍郎明年往巡江浙諸州授嘉議大夫癸卯
復自均襄還朝 車駕親征北虜駐驛宣府馳謁行
在初 上臥不出聞澣至喜而起且慰勞之曰卿驅

馳良苦 賜坐與語凡所歷山川道里郡邑豐嗇民
情休戚以至所聞所見保國安民之事悉為陳說

上欣然納之向所疑慮者至是皆釋比退漏下四鼓

因進太嶽太和山瑞光圖及榔梅靈芝先是 仁宗

為太子監國時飛語上聞 文廟屬往察之比至以

所見七事皆誠敬孝謹密疏以聞 上覽之大悅自

是不復疑 仁宗嗣位特賜誥命授正議大夫資治

尹已而聞曾有密疏疑之乃轉太子賓客兼國子祭

酒官南京未幾閱章奏見所上密疏深嘉其忠方議

重用之而龍馭上賓矣 宣宗即位復禮部左侍郎

本朝分省人物考 卷二十七

九

南直十七

兼管如故隨進禮部尚書是歲秋漢庶人謀叛事覺
贊 上親征事平受賞賚甚厚復給叛者家丁四人
丁未 賜誥命授資善大夫復賜近地一區於長安
右門外給關者二人戊申 上嘉其忠勤特 賜銀
章四尋以澣生辰 賜宴於其第秋八月扈從巡邊
至會州而還己酉命兼詹事府事辛亥命兼行在戶
部事 聖節御製詩一章 賜澣及蹇義楊士奇楊
榮因賜宴盡醉而罷新建禮部成命光祿設宴勳戚
公卿皆往賀以為盛事立石廳事之右八年命同楊
士奇等遊西苑倚任益隆每宴見 上虚心問曰卿

子賈參日事全書第 16 版反內

有何言得其章奏即施行之 英宗踐祚惟圖任舊人待之尤厚凡軍國重務皆與聞加授資德大夫正治上卿每考績必有賚予甲子以年至七十乞致仕上以其精力未衰慰勉留之已已 上親征北虜命留守京師會 車駕北狩 郕王嗣位進太子太傅景泰元年浚手一揭文武重臣羣立傳觀吏部尚書王直曰此禮失而求之野耳給事中葉盛等因起就觀語多文而切直首備 登極 詔旨以爲由此而觀 上皇之出非游畋無益爲 宗社計耳今都人一聞 駕旋無不喜躍則人心尚未厭 上皇也

本朝分省人物考 卷二十七 十一 南直七

今日奉迎禮當從厚 主上當避位懇辭而後受命乃可不然恐千載史書難洗未有書上修史先生等語而逸其名甚驚異之浚言此得之高學士衆因告之曰連日迎復 上意屢以虜情多詐爲疑此所言若封進見朝野同情或可感動 上心于是葉盛等草疏同上且破匿名之說俄頃得 旨繳進 英廟將旋浚屢奏迎復事 上每以虜情多詐爲言將抵居庸始得 旨議迎復儀注并議防變方略輿情欣慰當多官會議時都御史王文忽厲聲沮抑聞者相顧莫敢言而退給事中葉盛等憤鬱不平造禮部

問焉浚從容言儀注已送內閣矣王一人言豈可憑抑何足與辯衆服其老成定見而其量亦不可及云辛未春因災異數見乞放免不許尋進少傅時議立見濟爲 東宮下禮部會議都御史王文首言當立大學士陳循等皆唯唯浚不能爭而見濟竟立時給事中林聰首言 皇太子無過不肯署名王文怒目叱之文致其罪以專揀選法當死大臣當連名署奏贖次及浚驚曰林聰至死耶如公論何即移疾不出朝廷遣問之浚曰本無疾聞林聰被害心怖不安景帝始知聰爲人所誣竟坐未減迨 英宗復辟浚

本朝分省人物考 卷二十七 十一 南直七

扶疾入朝乞謝事且辭師傅二職 上憫其老從之 陛辭賜白金寶鏹給驛舟以歸歸之日鄉人老穉聚觀者以億萬計乃陳所受賜於堂感激泣下時弟克恭克寧克誠年皆七十餘蒼頭白髮聚樂一堂遂扁曰壽愷復優游桑梓者七年疾復作召諸子前曰爾輩圖報國恩勿墜家聲遂瞑目而逝年八十有九訃聞贈太保謚忠安遣官祭葬如制浚爲人平易寬和廉靜寡慾自奉澹薄起居有常居官敬慎一毫不苟歷事 四聖立朝幾六十年薦拔士類甚多十知春闈貢舉之士盡出其門平居未嘗疾言遽色雖庸

夫孺子亦知其為長者所著有芝軒集若干卷又嘗輯錄醫藥經驗者曰衛生易簡方經進又有律身規鑑俱行於世

儲福

儲福無錫人建文未挈母妻以逃 文皇即位 詔戍卒入伍至燕山福在錄中乃調雲南曲靖衛福仰天哭曰吾雖一介賤卒義不為叛逆之臣在舟中日夜泣不止竟不食而死母韓氏妻范氏為營地葬福范有姿色年尚幼奉姑甚謹每哭其夫則走山谷中大號不欲使姑聞里有聞其色欲委禽者問知其事本朝分省人物考 卷二十七 十一 南直十七 則曰此節孝婦安可犯一日往澗邊浣衣見水邊有草類蘇蓆因取以織蓆售以養姑姑至七十餘終范亦八十外乃卒卒後蓆草不復生土人義之即其居葺為菴集尼居之名崇孝菴焉

吳潤

吳潤字汝德武進縣人補縣學生永樂初以楷書與修永樂大典授刑部主事歷建昌姚安廣信三府知府陞雲南按察使上官普覺謀變潤先事誅之事聞陞江西右布政使丁外艱解任江西民上章請奪情詔起復左布政使景泰初以孫選儀賓例致仕家居

十餘年天順八年十二月卒年七十九潤寬厚長者處已待物一以誠信在江西十有二年民愛如父母至今江西人論方伯必以潤為首稱云

徐晞

徐晞字孟晞江陰縣人永樂初由吏入仕時營建北京宮殿命勛貴重臣總之授晞都事功成陞營繕主事宣德中陞郎中尋調兵部武庫司 英宗即位陞試兵部右侍郎往陝西臨洮鞏昌選練軍士既而虜寇警殺擾邊命晞參贊甘肅軍務正統丙辰召還實授侍郎復命往守莊浪涼州晞奏言其地戍士多衣本朝分省人物考 卷二十七 十三 南直十七 冠故族請建學立師以作養之尋轉南京戶部左侍郎歲辛酉征麓川命晞督餽餉賊謀間道焚掠餽糧晞訓勵士官出兵擊破之餽道以通麓川平進兵部尚書乙丑以疾乞致仕卒 上遣官祭葬初晞始為郡小吏時有富室謀併其鄉人田產誣以人命不勝拷掠自引服晞心憐之密導其家訴於憲司而下文於郡晞核實為言其冤於官而釋之歲久晞跨驢詣常熟中途遇其人邀之至家與妻泣拜設雞黍以待適舉杯而其人逸問其故妻泣曰吾夫感公活命之仁家貧無以報今夕邂逅願以鄙陋之姿侍寢吾夫

已假宿鄰家矣晞大驚曰是何言也鬼神昭列使徐晞爲是耶速覓而夫來則留否則雖夜必去矣婦乃呼其夫還晞諭慰再三達曙告去夫婦爲之感泣

王 紱

王紱字孟端無錫人自少志氣高逸讀書工古歌詩嘗北遊江淮浮黃河踰太行出鴈門往來晉代之間周覽形勝輒感慨弔古徘徊不能去一時聞人慕其名爭延致之及觀其氣貌瓌岸議論踔勵益加器重久之不樂歸江南隱居九龍山中詠左太冲詩曰何必絲與竹山林有清音若將有終焉之志自號曰九

本朝分省人物考

卷二十七

十四

南直十七

龍山人永樂中有以能書薦者入翰林擢爲中書舍人與沈度輩頡頏後先以山澤之臞一旦蒙 上恩拔削身侍從亦可謂隆遇矣紱尤工畫山水竹石每酒酣對賓客著黃冠服意氣傲然伸紙攘袂揮筆灑灑奇怪跌宕不可名狀畫已徐吟五字詩蕭然有風人之致然不可意者雖豪貴不肯與就之至閉門不納人問之曰丈夫在所處輕者苟且如此重者將何以哉士益以此高之平居急友好賓客不計家有無然是是非非絕不隨俗俯仰雖見嫉莫顧丙申春臥病北京寓舍語所知者曰生死如夜且所貴此心不

昧耳奄然而逝年五十有五

段 民

段民字時舉武進縣人登永樂甲申進士爲翰林庶吉士時 太宗皇帝命禮部翰林院准天經之數選曾榮等二十八人就文淵閣盡出中秘書使盡其業且暮給大官饌又月給膏火之資蓋期之於大用而民與焉民祇體 上意益勵弗懈而文學大進與修永樂大典丁內艱去服闋除刑部主事涖官廉慎而明敏處疑獄必歸於厚踰年扈從赴北京召修四書五經及性理大全書成被 重賜復還刑部陞郎中

本朝分省人物考

卷二十七

十五

南直十七

益精獄議尤爲尚書所重凡大獄及部奏章必屬閱乃上在刑部八年山東妖婦唐賽兒作亂三司官以縱寇誅 召廷臣簡代者共推舉數人授民山東布政司叅政同舉有畏難者民曰竭力以共吾職耳何足計利害哉下車數載宣德意飭紀綱撫殘餒剗革宿弊政理一新吏民悅戴居三年召同考禮部會試人服其衡鑑又三年 召赴闕命以本官署戶部右侍郎之南京是時 車駕在北京久南京諸司習於翫愒任錢穀刑名者其務叢脞尤號不治至則躬勤率之莫敢或違始若杆格已而服從咸修其職明年

實授本部右侍郎又明年改刑部其振起作新一如戶部罪人聞民至皆相慶於獄伸抑疏滯洩旬之間聲譽用彰三年以績最 賜誥授嘉議大夫得寒疾數日小差矣將出視事左右謂未可以風日數百人困坐獄中翹跂待我柰何可自佚哉強出疾復作遂亟有問之者答曰不能報 上恩矣如老母何言已卒

嚴本

嚴本字志道號蒿菴江陰人永樂癸巳何澄薦以職堪風憲徵至南京 仁宗在青宮監國事命吏部尚

書疑公義試理人策一篇復舉律疑數條為問隨問

敷答同試者皆授郡邑職獨拜刑部主事時掌部侍郎張公本介潔自持鮮有當意疑獄多俾訊之安慶

鄉民七人夜漁于河竊民舟米軍衛邀功抵以強劫重辟一訊知其冤改以杖徒政多類是辛丑詔與尚

書宋公禮伐木于西蜀烏蒙蠻強獷難化一夕驚疑被甲負弩羣至眾皆懾懼獨挺身諭以朝廷威德蠻

遂帖服 仁廟嗣統徵還大理卿虞公謙刑部尚書

金公純同日論薦即授大理寺左寺正時法曹斷獄多以知情故縱及大不敬為擬特爭之曰我朝定律

除逆叛數條外餘無故縱之文况不敬情罪輕重非一庸可槩人重比以失聖朝明慎庶獄意平虞公題之悉為駁正迄今遵守駁歷既深清介孚于遠近有告儀真簿與吏盜官麻萬斤已誣服察其冤覆勘麻數不虧特昭雪之徽州民有室女無夫而娠舅氏詰責之女懼解衣水際而逸女之母訴弟逼女溺死杖徒駁以屍未獲令檢尋後于鄰邑得其女蓋與人私通以逃始正其罪追還徒者有御史陳旭子與鄉人同飲于肆俱為邏者所獲蓋鄉人前為盜事覺而逃餘黨七人已棄市鄉人既就繫懼拷誣引御史子同

盜且分之賊案具而鄉人死御史子無以自明謬以

其母簪珥為贓及閱案見前七人招服未嘗有御史

子及召事主驗所入贓非其物疑而問之其子號痛

稱冤將直之同列皆謂成獄久不可改本日御史子

有冤而不得白執法者能無慙乎乃獨署其案聞于

朝而釋之其在大理時良鄉民有失馬疑其隣盜之

執告于縣縣亦以為可疑因拷訊過重而死法司坐

丞決罰不如法當徒而又坐告者以絞本日因公殺

人罪丞當矣告者因疑而訴豈可坐以誣告致死哉

所擬則似丞與告者各殺一人矣遂駁正而活告者

本朝分省人物考 卷二十七 七 南直十七

本朝分省人物考 卷二十七 七 南直十七

之死有某衛指揮蓄交吐蠻童既長爲娶目爲養子
後指揮戲其婦不從事覺法司罪以強姦子婦本駁
之曰養子非所生而姦且未成比于內亂有間矣覆
議得減死從流莒州有屯卒奪民田爲其所訟得罪
于按察司卒讐之而無以逞夜盜民家驢以歸民搜
索得之卒反以民爲誣擒送千戶孫恭所千戶與卒
爲親民被禁勘至司死法司坐千戶以徒本日殺以
止殺千戶得生則死者啣冤遂正其故勘之罪山東
人皆快之蘇州衛卒十餘人駕舟運餉泊河西務夜
劫客舟中一人爲其主所殺餘黨惡事覺無以自飾
本朝分省人物考 卷二十七 十八 南五十七

陳濟

陳濟字伯載武進縣人穎悟異常總角讀書過目輒
成誦勵志弗懈日夜博記廣覽聞人有異書輒假手
錄成帙至於胼指無憚勞勤如是者十餘年遂貫穿

經史百家之言才名卓然振起會修永樂大典以大
臣薦召至爲都總裁時合內外詞臣暨太學儒生衆
數千人繙閱中秘四庫書浩瀚填委至則與故少師
姚公尚書鄭公祭酒學士數輩詳定凡例區別去取
莫弗允愜而六館執筆之士凡有疑難輒從質問隨
問響答未嘗舐滯疏抉剖析咸有源委非口耳涉獵
者可比故一時之人無不服其該博書成擢右春坊
右贊善居輔導之職十有五年小心謹慎未嘗有分
毫過差被命隨侍五皇孫授經凡有諮問濟援据精
詳洞究始末博而有要皇孫深加禮重方將資以啟
本朝分省人物考 卷二十七 十九 南五十七

楊璿

楊璿字叔璣無錫縣人正統己未進士授戶部主事
遷郎中山西右叅政陝西右布政使河南左布政使

母喪服闋進戶部右侍郎尋改右副都御史撫治荆襄流民巡北直隸節制永平山海等邊關巡撫河南卒于官賜葬璿通敏有操執與人不苟合家素豐裕而自奉甚儉約治官如治家惟其是不擇利害為趨舍其在山西定民差役在荆襄區處流民在京畿賑濟饑民事皆得宜而無弊既沒逾十年士夫談者猶嗟悼云

陸 愷

陸愷字元之武進人正統乙丑進士選授北部愷以母在堂乞改南以便迎養乃得南京吏部主事曹務

本朝分省人物考

卷二十七

二十

南直十七

簡而日多暇日事披覽學乃益進尋改戶部監督在京草場累年宿弊一朝盡革陞員外郎中所司者土田錢穀愷清以律已勤以蒞事大為諸長老所器重歲乙酉子簡發解京闈明年進士第三人擢編修弟愉亦成進士弟怡復薦鄉舉愷幡然起曰物忌盛滿吾可以休矣累疏乞歸歸則日與鄉之耆彥飲宴歌咏以樂太平凡官政得失私家短長一切弗聞即聞亦絕不形於言議也時母尚無恙昕夕奉養備至歲節及誕日率子侄稱觴上壽人以爲榮曰毘陵雖多致政者而慈闈康壽則所僅見也年六十有二卒於

家

沈 琮

沈琮字廷器武進人自少輒能耽嗜書史既長從布政謝公輔學易每有新得正統甲子中鄉試又四年戊辰登進士授監察御史景泰庚午奉勅督理浙江銀鑛區畫有法浙之人至今猶才之既奉勅清理京畿及中州齊魯等處馬政推誠教戒所至不擾而牧馬日蕃後理湖湘刑獄尤多平反比還巡按兩廣威望益振乙亥居父喪天順改元起服陞四川按察僉事時蜀地多盜多方捕獲人始安業朝廷屢賜文綺

本朝分省人物考

卷二十七

二十一

南直十七

以旌其能松潘羌夷自成化初嘯聚為患僉議琮在蜀年久為彼所重宜陞本司副使以鎮其地乃受璽書以往與都督協心殫力修城練卒不數月間遂平黑虎等寨事聞降勅褒嘉亦有文綺之賜乙未堅乞致仕歸後數年朝廷以言者追錄前功命陞一級家居日惟故舊賓客相與遊樂若朱叅議貞施待詔靖皆同社也未幾諸公次第亡去惟琮康強不衰至八十有四而卒

盛 頤

盛頤字時望無錫縣人景泰辛未登進士第首擢河

南道監察御史尋以老成掌道事時初經已巳之變
朝廷懲前政委靡之失稍開言路一時言事者毛
舉細故攻訐陰私以張直聲顓獨顧大體惜人才掩
其疵疾不爲已甚善類賴之嘗兩奉命出按淮揚時
值歲歉發倉賑貧全活者甚衆按閩時適當大比拔
賢振滯是科得人爲盛 英廟復辟之初權臣之冒
功者朋比爲奸鑿空起邊釁欲樹奇功以蓋其跡率
師闖塞卽還虜因乘之而入諸御史欲有言同事有
洩之者先愬於 上誣御史中有與被繫內臣張永
同族者欲爲之報復以激 上怒卽逮所誣御史下
本朝分省人物考 卷二十七 三十一 南道十七

多顯宦往往怙勢爲不法聞顯至相戒曰是嘗劾奏
石總兵者其人不可犯也顯變搏擊以爲撫循吏畏
而民安之未幾丁內艱去民留之不可俟其服闋相
率詣闕乞顯顯得再任有爭訟者諭之以理輒叩首
聽受不復辯鄰邑聞之訟多年未決者各來請判於
顯顯折以片言各心服而去時有清如水明如鏡之
謠邑界真保開四境之民間風趨赴郊外有荒地聚
以成市邑人因日以清官店旣去任民築亭爲立去
思碑歲甲申擢守邵武行所無事不動聲色而郡大
化旣而巡撫都憲以延平民役而事繁請於 朝移
本朝分省人物考 卷二十七 三十一 南道十七

副都御史乘驛往命至即日就道甫下車禱於天雨
 即大注枯稿復甦顯多方設法凡前人救荒之政於
 今有益者次第修舉而又因時之宜條數十策行下
 所司民賴以濟賑卹之餘所儲尚百餘萬以及於前
 代聖賢有功於齊魯者為之建祠宇以報祀之其山
 東之政大抵以黜貪暴表忠良除苛政固民人為本
 三年齊俗翕然以變顯年近七十以老疾上章乞致
 仕 賜馳驛歸至徐州適所部有大獄以顯知其始
 終有 旨命鞫之獄成後歸自家食時家事一以付
 其弟顯至是抵家伯仲怡怡友愛加篤於家事一不
 本朝分省人物考 卷二十七 王四 南五十七

問顯為之構方塘書院疊山鑿池蒔花植種以為娛
 老之地靜坐一室焚香讀書以自適泊如也歲丁未
 以上 皇太后徽號恩進一階家居者六閱寒暑卒
 年七十有五

王 與

王與字廷貴武進人與十歲能為詩景泰辛未 賜
 進士第三人授翰林編修被 旨借諸庶吉士讀中
 秘書給酒饌筆札諸物癸酉旱代祀東嶽雨輒降有
 讓嶽神并代嶽神答詩甲戌以父憂去天順丁丑仍
 舊職庚辰同考禮部充 太子講讀官辛巳預修

大明一統志成有白金綵幣之賜癸未再考禮部得
 人尤多秩滿遷侍講甲申 憲宗登極錄侍從勞擢
 左春坊左庶子仍兼侍講時始開經筵勅充講官復
 賜金幣又勅修 英宗實錄分掌禮館纂述詳慎得
 史臣體念母老求便養改南京翰林學士迎養於官
 丁亥實錄成復以舊勞賜金幣戊子以母喪去辛卯
 服闋陞南京國子監祭酒時教法久弛乃嚴立程制
 核勤惰為懲勸諸司差遣一按名籍不為私假又條
 奏便宜數事俱風采凝峻廉角峭厲故教法修整羣
 士皆歛衽欽服凜然稱嚴師焉壬寅秩再滿擢南京
 本朝分省人物考 卷二十七 王五 南五十七

吏部右侍郎吏弊滋甚凡差撥則庭闕不可制乃酌
 為定規弊始息丁未召為戶部左侍郎弘治初遷南
 京戶部尚書尋改吏部考諸司官屬諷訪去取務合
 輿論又上疏陳八事多見采納癸丑年七十屢疏請
 致仕甫得溫旨而疾已篤以乙卯五月卒年七十有
 二贈太子太保謚文肅遣官祭葬與奉親極孝養事
 伯兄甚謹以三品 恩移廕兄子澄為國子生歲出
 所積穀賑贍族人遇鄉黨子弟有恩嘗購得楊氏別
 業有世墓慰令勿徙缺其垣俾歲時往祀焉與博學
 高識為文章雅健有法兼精吏事敏而能勤老雖居

重位而未值繁劇人以為未盡其用云所著有思軒稿若干卷行於世子沂成化乙未進士累官至都察院右副都御史以才行世其家

徐溥

徐溥字時用號謙齋宜興人為兒時已卓然成人少長從里師游嘗取經典法言為一冊題曰聖賢要語藏夾袋中以自警里師疑為玩具逼而觀之乃大驚因辭於其父漁隱先生曰吾不能為令子師矣一日舅氏從外來稱他子弟善歌溥曰歌能顯親揚名乎若其所願則異於是人共器之景泰庚午鄉薦會試

本朝分省人物考

卷二十七

二十六

南直十七

不第歸益肆力於學至忘寢食寒暑遂成瘵疾甲戌進士第二授翰林編修天順元年侍 東宮講讀成化紀元遷左庶子充經筵講官纂修 英宗實錄陞少詹事乙未主考會試陞太常寺兼學士擢禮部左侍郎改吏部二十三年 孝宗登極簡入內閣總裁 憲宗實錄同知經筵弘治庚戌復典會試辛亥加太子太傅武英殿大學士時岷藩訐奏知州劉遜詔逮繫獄言官救之并遠群議洵溥力解免乙卯命撰三清樂章溥率同官上言天子祭天地天至尊無對故禮以少為貴祭不過南郊時不過孟春牲不過

特牛漢祀五帝儒者非之况三清乃邪妄之說謂一天之上有三大帝乃以李聃居其一是以人鬼列於天神非理也至於郊祀樂章 皇祖舊製今所傳樂章雖載永樂大典是書博采弗精不可以黷禮臣等誦習儒書若邪說俚曲尤所不習且初設文淵閣命學士居之者實欲其講議政事解論經史培養本源弼正闕失非欲其阿諛順旨以取容悅也 上從之丁巳總裁會典 武宗出閣加少師兼華蓋殿大學士溥在內閣承劉吉恣威福報私怨之後一以安靖處之中外咸義海內救寧行政不必出於已惟其是

本朝分省人物考

卷二十七

二十七

南直十七

用人不必由於已惟其賢時稱其有休休大臣之度溥常希范仲淹置義田千畝以贍宗族 上嘉其義特命捐其徭役邑人吳尚書友雲洪武初死事雲南事久湮沒特致書守臣請賜贈謚祀享會以目肯致仕歸一年卒壽七十有二訃聞 諭祭者九命有司營葬事贈太師謚文靖

殷貴

殷貴字南金號惺齋無錫人生有天下之慮每論治必曰嚴明其諸區畫無巨細一於整肅見寬弛之俗痛叱之不容口年十二入邑庠受經於水壑盛公學

日有進然累困場屋至四十二始膺貢卒業大學其為文雖時體必參古法曰不如是不能過人評品精覈不隨人高下謁選授陽山知縣陽山隸廣之連州古所謂天下最窮僻處也始至即為講律令俾知趨避又大書為善最樂四字印給之有兄弟爭田者反覆開諭皆感泣去凡死囚必求生道不得已焚香告天而後成獄獄中置一響板約曰冤未達者擊之有所召集書片紙於門皆如期至數月間恩信旁達近胥嚮而以勞感瘴竟不起病時吏民禱無虛日又走百里求醫連州及其沒也罷市巷哭聲達於野處事本朝分省人物考卷二十七 南直十七

宋 瑛

宋瑛字克輝華亭人弱不好弄稍長知嗜學攻苦窮晝夜日食惟餽粥水豆人不能堪而瑛處之裕如既領鄉薦益肆志于學務窮天下之理究古今治亂興亡之變期有以體之身心措諸事業天順丁丑廷試第四人授工部主事繕工典徒役與中貴人雜處瑛目絕于請屏豪猾求弊端所在而抉剔之憚其嚴而崇其簡易然中貴人滋不悅思中傷之陰使人詐為

儻以偵其過失歲餘無所得更得其廉謹數事加敬禮焉甲申引疾歸時年始四十五乃作延齡會以合族子弟願學者為館穀教養之遠方來受業者甚眾事母至孝居喪哀毀有燕乳白雛于堂時人以為孝感

白 昂

白昂字廷議武進縣人天順丁丑進士授南京禮科給事歷應天府丞十二年陞南京大理寺右少卿十六年改北十八年陞南京右僉都御史二十三年陞南京兵部右侍郎弘治二年陞刑部左侍郎署掌都本朝分省人物考卷二十七 南直十七

察院事三年改戶部左侍郎治河原武四年陞掌院事右僉都御史六年陞刑部尚書加太子太保 東宮出閣進光祿大夫柱國太子太保初昂為給事中劾戶部尚書張鳳不法自南京逮至 詔獄已而釋焉成化初邊警屢至 經筵少輟上言帝堯不以洪水之災而輟明峻德太王不以昆夷之侵而殞厥問 聖德修則邊患息矣時黃霧之災又上言六事大略謂 陛下即位嘗詔罷貢獻矣而貢獻不絕常罷織造矣而織造自如嘗禁權豪不得種鹽矣不得求地矣京城內外不得創寺觀矣而皆不為停止願守

大信勿以親倖而易其度其餘亦當世要務會監察御史謝文祥得罪率僚屬言文祥雖涉狂妄然其心則無他因而竄逐則忠良喪氣直士杜口恐非社稷之福丞應天興學校抑強植弱所定義役至今以爲式會劇寇劉通出沒海上東南騷然昂以都御史調士卒遠近皆會截其要路賊大窘迺宣布威信通挺身納款特於太倉學宮受之諭以禍福出於至誠通感泣迺縱之歸率其餘衆以降東南晏然復奏沿江要害守備等官互相應援遂爲定式河決金龍口將潰運道昂以河故道入渦者今不可復尋迺自陽武封丘等處築長堤以防張秋之決又自中牟決口至尉氏縣下潁州經塗山仍歸鳳陽合淮入海築汴堤高卑廣狹樹之萬柳以固之又於宿州濬古睢河入運河以分徐州之勢築蕭縣徐集等口以殺汴徐之勢又堤運河自魚臺至德州自德至吳橋復修古河堤東平至興濟作減水河一十二道大清河及古黃河以入海每河口作石堰盈則泄縮則潴以濟運河由是河漸復故道漕運無虞高郵湖善覆舟乃議開複湖於東岸以避其患亘四十餘里時議者多不便昂執之堅至於今舟行往來免風濤之患人名曰

本朝分省人物考

卷二十七

三十

南直十七
高宗

白公堤其在都察院凡御史出巡必令巡訪所屬廉污勤惰才鄙狀以報因以所報真僞爲御史升黜又言方今天下衛所士卒十去有五所司侵牟弊孔百出宜預覈尺籍定數使較然畫一案籍搜考庶絕詰擾欺誣之弊又言天下奏報災荒多不實或以荒爲稔以稔爲荒其弊實多宜令御史覈實天下田數高下之則藏之官旱則蠲高水則蠲低庶夙弊可絕咸納焉其在刑部一以矜恤爲心嘗自誦曰君子之心公而恕又曰秋霜之肅何如春陽之溫故凡情可矜疑者多得平反御史李興以詰暴處死無敢言者昂曰不可使朝廷有殺諫官之名迺率衆大臣上言與固可罪然律有致死之罪使興而處死則故勘故殺者又將何以加之興得免死嘗患條例繁多吏得下上爲奸迺芟復釐厘定爲若干條奏頒之内外官司守以爲法於是法令始一矣昂立朝不爲危行議論每依於忠厚善哀高益甲因事爲功平居恂恂若無能臨事決機應變無所疑滯不爲崖岸表裸上自王公貴人下至輿皂無不得其歡心己未以病告允進太子太傅馳驛以歸月給俸以優老旣歸園亭賓客極一日之盛繪圖賦詩以傳癸亥卒年六十有

本朝分省人物考

卷二十七

三十一

南直十七
高宗

九贈太保謚康敏昂雖位極公孤而左右無媵妾於孝友尤篤少時繼母王夫人有疾每夕稽顙北辰既而果瘥念弟昇蚤逝恤其二孤訓迪備至近三品以上得蔭子入太學舍其子而與姪人尤難之在兵部時推范文正公遺意置田若干畝以贍其族貧者或給之耕具立義學二一集族之稚為正字畫句讀一集其秀者授之舉業又立祭田若干歲時三祭自始祖以下咸預祭畢譙長幼又設藥局儲善藥鄉之疾病者多歸焉

秦 夔

本朝分省人物考 卷二十七

三十一

南直十七

秦夔字廷韶號中齋無錫人登天順庚辰進士拜南京兵部主事進員外郎中奏革隸卒之冗者以杜請託成化壬辰出為武昌知府武昌地大政繁而夔一意愛民如恐不及除奸惡植良善課農積穀創養濟院定均徭法嘗至江滸見一婦反接投沙中詰之乃盜所劫欲汚之而不從故投之于此即收置屏處跡得盜寘于法而還其婦于夫優人李昆寓長沙見陸氏女美而多貲百計求得以為室其族兄赴愬于夔乃按正其罪女歸陸氏當是時湖南治行無如秦守者會以憂去凡贖醵羨餘一切勿問服除補建昌府

時廣昌何氏得罪于令竟置于極典而陰令人證之庭獻之際何氏稱冤夔乃逮證者詰之曰爾厚誣平人知非本意然異日罪將歸爾其人流涕吐實何遂免死自幼嗜學徧覽羣書下筆累數百言詩清麗有則字法道逸故所至每考求遺蹟在武昌新張乖崖祠復李太白曾南豐祠皆措處有法役弗及民遇山川佳勝處登臨懷古形之賦咏尤多乙巳擢福建右叅政晉江西右布政使遂以疾致仕作五峰草堂天全亭於九龍山下日吟咏其中以六十三歲而卒有中齋集藏于家

本朝分省人物考 卷二十七

三十一

南直十七

沈 暉

沈暉字時暘宜興人天順庚辰進士授南戶部主事陞員外郎中成化戊戌改南禮部尋陞陝西布政司叅議以憂去服闋除福建未幾進左叅政弘治庚戌陞廣西右布政衛士以缺糧相煽為亂暉捕得首惡三人斬之遂定明年轉江西左布政甲寅陞右副都御史撫治鄖陽下令許民之無田者得耕廢棄地免其租三年歲餘得常稔田數千頃又甓鄖陽城十有二里於襄樊往來要津造浮梁八十艘以便涉者民甚德之未幾改巡撫湖廣時武岡州知州劉遜坐裁

抑藩府被誣暉爲直之戊午召爲南工部右侍郎踰年以言官論劾力求去家居數載而卒賜祭葬如例暉啟歷中外幾四十年頗不失職其爲侍郎較工計直細及錙銖人多怨之用是屢招浮議然暉既去繼者閱牘咸以暉所執爲是云

陸簡

陸簡字廉伯武進人成化元年鄉貢第一二年進士及第授翰林編修預修英廟實錄加俸一級秩滿陞侍讀以續修通鑑綱目成陞右春坊右諭德上在東宮時侍講讀丁父憂服闋弘治元年召修憲

本朝分省人物考

卷二十七

三十四

南直十七

廟實錄至則以舊勞陞右庶子兼侍讀充經筵講官尋直日講實錄成陞詹事府少詹兼侍講學士七年以日講勞特陞詹事兼侍讀學士踰年卒年五十四賜祭葬贈禮部右侍郎簡姿貌秀偉少有俊才頗不自檢制晚益矜持自負當遠到既久滯不顯亦多鬱抑齋志以沒爲詩文峻潔有法不輕應接喜談節義嘗念宋刺史姚訐等九人死難言于有司立忠義祠祀之其自曾祖以下俱襲金姓簡始復姓陸子與章亦舉進士

華山

華山字仁甫別號靜菴無錫人登成化乙未高第知許州遷南京兵部武選員外郎再遷職方郎中改刑部擢湖廣右叅議奉勅提督太和山諸宮觀居二年乃自請致仕以歸是爲正德丁卯又五年壬申以疾卒年六十有六山忠朴謙厚與人恂恂至於執節稟義則抗直不少貶損初在許有王僉事墳之子司馬馬公壻也犯法當死董僉事齡欲曲全之山入分司庭辯至免冠顛天頓首不已董媿謝卒抵于法鈞鄰于許徽藩國焉許有奸民兩以地往獻凡若干頃山執不予董長史彙見許濠有荷華之觀肆言欲請之本朝分省人物考

卷二十七

三十五

南直十七

山曰是不可以言爭即日令決其水荷乃不華民免於擾臨賴民史經左誘其尹指盜誣人尹故爲執政者友監司庇焉因減史罪山請附誣告致死人律上下稱允其在兵部先爲武選後以職方郎中攝其事稽世閱人遷代紀襲惟覈以法不少徇其在湖廣尤著介特襄陽民馮成以罪減死當戍邊久訟避遣山立遣之蔓逮者如獲安業道士有怙勢冒領牒踰禮部數者立置之法鄖陽饑廩無以賑爲發襄陽粟賑之或以擅告不聽房山爲流民藪新作縣治而未城山曰非備也亟請城之其他事類是者尚多不悉紀

白 玠

白玠字宗璞武進人生而聰敏少喪父母落落無所依遂挾書往金陵之句曲山寄跡華陽館從黃冠游忽感悟自奮乃之京師學於翰林編修徐先生之門久之大有所得補府庠博士弟子員益刻厲問學竟領成化戊子鄉試明年試禮部賜進士尋授戶部主事主納通州軍儲以勞疾告歸抵家踰年復起主納內庫銀絹壬辰給賞遼東邊軍往時銀積羨餘所司多侵匿玠悉歸之官癸巳勘理浙江諸路鹽鈔時權貴私販累數十萬商人大沮極力裁革人稱便焉比

本朝分省人物考 卷二十七 南直十七 三六

還陞本司員外郎甲午夏持節充副使往湖襄封王賜予悉辭不受陞陝西司郎中癸卯朝廷以運舟稽緩命催督首責綱運之為奸弊者其徒斂避事賴以濟山陝歉荒人相食議舉納粟之令他如僧道度牒生員入監各以差入銀實官帑其所出納皆玠主之人稱廉明未幾有南京尚寶之命體素瘠而才識豐瞻遇事立辦談議風生故為時所推許性孝友自傷蚤失怙恃因名其讀書之軒曰思親示終慕之意事諸兄敬愛處友和易持身謹憇人未嘗見其過嘗買婢見其有戚容問之知其官人女也養以為女擇良

士配之兄姊老分俸以贍其行義多類此既進列卿復得南畿密邇鄉邑乃於興仁之第築圃鑿池種竹構小軒三楹榜曰隔塵且曰吾得釋去繁劇將管菟裘老焉未幾而卒得年五十有七而已有遠行稿思親軒稿若干卷藏於家

王 沂

王沂字希曾直隸武進人南吏部尚書與之子成化十一年進士授禮部主事歷陞員外郎郎中山東右叅政湖廣右布政丁亥憂服闋轉山東左布政使弘治十四年陞右副都御史巡撫真定等府兼提督紫

本朝分省人物考 卷二十七 南直十七 三七

荆三關累疏乞休不允卒于官年六十二訃聞賜祭葬如例給驛歸其喪沂嚴毅謹恪天性孝友在禮部時外國以獅子來貢希重賞又有貢刀劍數至三萬者沂言夷人貪詐無厭量損其賜直且定數著為例

憲廟上賓凡 山陵 廟祧遷祔之議儀文章創多所考據及巡撫時賦役繁重力為裁省滹沱河水溢壞民田廬奏請築堤捍之功成賜綺幣獎勞沂方髫時母吳溺于北河舟過溺處大慟幾絕生平自處儉約家雖富無貴侈態居官二十餘年終始一致人以為有父風云

張愷

張愷字元之號東洛無錫人成化甲辰進士授兵部主事守山海關任滿改刑部員外謫順德判歷東平知州黎平府知府落職家居用言官薦起知太原府轉福建鹽運司使致仕歸年八十有六而卒為人狷介自植於不潔一無所屑居官所至公廉執法不肯小有所屈其在山海關關故藉錢于旅人以給官用愷移檄永平府使量出關帑代其費至今便之歷順德黎平東平皆有惠利在民務先禮教而後誅罰其自東平徙黎平也東平人至涕泣遮道不忍其去平

本朝分省人物考

卷二十七

三十六

南直十七

生不受人一介人亦不敢以一介溷為進士赴選邑令贖以二十金謝却之其後為運使罷歸諸賈人致羨餘九百金拒勿納也獨在東平時受一帶于郡人太守張鄜鄜重義人也年九十餘矣未嘗干謁有司愷去東平鄜率子弟出餞且贈以兩帶辭不獲而受其一郡人至相語曰惟侯能致鄜出惟鄜能致侯受蓋兩相重云其在黎平獠民竄伏谿峒頑獷不可羈繼而府治寓湖廣五開衛城諸獠入辦稅錢衛捕率為攫取不敢入以是多逋課又舊設撫苗官苞苴贖貨大為苗害愷力請罷之又移文湖廣諸司戢其

官軍由是始出入城郭無所苦而稅錢得完諸苗有仇殺積十餘年不解者與刻日為盟遂解去自是聲著蠻中然雖以廉幹強直為上下所快而亦以此取嫉于人其自刑曹而出順德也會中官羅織諸曹或謂愷居曹未久可自白愷曰諸曹皆無辜我何用獨免為在黎平上官以不時謁為咎然竟不往因力請謝病而又值闒瑾怒罰米而奪之官硜硜不少貶而世亦遂不能容乃其忠信著乎其官靖節乎乎其鄉則雖嫉之者固亦不得而掩也所著有嶼竅餘音若干卷藏于家

本朝分省人物考

卷二十七

三十九

南直十七

邵寶

邵寶字國賢無錫縣人成化甲辰進士授許州知州能以禮讓為國作新廟學諭諸生義利公私之辨及忠孝大節聞者感動次教之讀書為文矩則文風蔚然改觀正穎考叔祠墓改魏文帝廟以祀漢愍帝祀范忠宣公於襄城裴晉公於郟城毀龍骨杖妖巫尤急民事躬課農種做朱文公社倉立積散法行計口給田法為備荒計釐正糧籍民至於今稱便弘治七年徵為戶部員外郎尚書周文端劉忠宣甚器重之十年進郎中操履清潔不可干以私政暇錄戶部條

例并各荒儉數目備記不遺而卹民隱惜財用 朝
 省諮議多采之十三年推陞江西提學副使至則以
 身為教先行檢而後辭藝黜浮崇雅士類勃興修濂
 溪書院清學田定課程遠近向慕十八年陞浙江按
 察使正德二年陞浙江右布政使三年陞湖廣左布
 政使鎮靜簡重足以革浮靡消澆訕而聲望益隆四
 年陞都察院左副都御史總督漕運時劉瑾用事一
 無所通瑾銜之數以危言憾屹不為動乃令致仕去
 瑾誅起巡撫貴州未任改戶部左侍郎疏乞終養十
 四年起南京禮部尚書以終養辭十六年言官交薦
 本朝分省人物考 卷二十七 四十 南直十七

白圻

再起本部尚書疏懇辭 上褒以溫旨不奪其志寶
 性度端雅貞介夙成然未嘗疾言遽色人或數百語
 不能終徐以數語即竟之常曰願為真士夫不願為
 假道學於聲色貨利嬉戲事絕口不言惟達人君子
 前輩舊德則敬之久而弗衰一時儒碩並以天下士
 稱之卒贈太子少保謚文莊所著學史簡端錄二書
 巡撫吳廷舉上於朝又有容春堂集若干卷

漕運以憂去改都水郎中陞浙江叅議時逆瑾柄政
 有承風旨開處州銀穴者圻曰不可目前之利小意
 外之變大乃以贖金充內帑事得已鄞有少年為日
 本館甥已乃隨使人貢鄞人執之以問夷人大噪圻
 曰夷狄不可以中國之治治少年者予之無損治體
 奪之或啟釁端縱之逸長與有田疇於水凡八十頃
 而糧固在民甚病之為奏免轉福建叅政汀漳盜起
 輿疾率兵至大田驛相拒二十餘日會鎮東官軍至
 合擊之賊乃解散進山東左布政使遷尹應天遂擢
 都察院右副都御史提督南京糧儲應天圻父康敏
 本朝分省人物考 卷二十七 四十一 南直十七

公舊治也大興學校招復流移修舉康敏舊政上便
 宜七事皆切時宜京儲歲入一百二十七萬所出乃
 一百五十餘萬石圻奏南京根本重地儲蓄減耗所
 出多於所入何以持久請革冗費冗食劾武臣逋負
 不法坐辜者若干人會聞母訃奔喪歸旋得疾卒事
 聞賜葬祭年五十有三圻性明爽樂於興事而議論
 每依忠厚於故人子弟及貧弱調護周至蓋有康敏
 之風焉至案致樂清徐把總之罪平反安吉知縣廖
 紀之冤窮竟倅干茂之賊而雪副使張豐之濇蠟寬
 恤山東流賊殘破州縣檢奏守志不汙者表章之所

在賑飢恤災尤爲人所稱道云

吳儼

吳儼字克溫宜興人成化丁未進士選翰林院庶吉士巳酉授編修丙辰同考禮部試又克經筵講官兼司經局校書庚申陞左春坊左中允辛酉轉南京翰林院侍講學士正德丙寅召還纂修 孝廟實錄充經筵日講官兼修玉牒丁卯主考應天鄉試時逆瑾恃寵傾陷正直第二場以爲臣不易命題瑾心已惡之又聞儼家巨富陰遣人啗以美官儼峻拒之瑾益慙怒媒孽無所得會朝覲考覈外官以不根之語罷

本朝分省人物考

卷二十七

四十一

南直十七

之瑾誅起用仍舊職未幾擢南京禮部右侍郎壬申召還禮部乙亥轉左侍郎持節冊封益府丙子陞南京禮部尚書丁丑 武宗北幸宣大偕府部大臣上疏切諫以正德十四年五月卒于位訃聞賜葬祭謚文肅儼性方嚴操履清慎當官臨事期於自立秉經議禮多合古意爲文章莊重簡古詩詞清麗可諷

華津

華津字濟之號審齋無錫人成化丁未登進士第授湖廣松滋縣知縣操勵自引庶政斬斬時有奸人挾王府勢強取於民執而法之江溢壞民廬居爲之堤

埠民賴以安滿三年撫按旌異政遂以風憲召聞母疾取道歸省比至陞刑部主事在刑部遇疑獄反覆

叅鞫盡求生之道決囚淮揚諸郡平反爲多屬有疾請告歸遭父喪起復改戶部主事出納惟謹嘗監通州倉有怙中監勢請事者拒之固中監銜之尚書顧公虞其中傷也亟調監七馬房倉其嚴猶通州三年署員外郎奉勅勘田湖廣常德時奸瑾扇虐旣行而有後命遣人追與之牒至則已由水道還矣其人旣還報而津始至衆危之瑾見於左順門顧而謂曰華先生汝來何遲也蓋亟往事事乎竟無他言未幾署

本朝分省人物考

卷二十七

四十二

南直十七

郎中二年陞湖廣辰州知州遭母喪起復補廣平府時當兵荒畢精經畫凡無益之費不急之務悉罷之又請蠲常賦外民不能共者數事惟學校所須不以乏省太僕丞有欲收養馬民免地稅錢十之五者津曰民累于馬甚矣以若所免猶不紓困如征其半民何以堪遂以其事白巡撫都御史轉聞于 朝悉復其故屬邑邯鄲城每山水秋至輒壞民病修築津曰山水挾西河橫流舍河而他圖雖勞無庸乃改河上流北注之漳水勢旣分城乃無墊責戚并民田於清河征歛太橫民訴於朝事下之日削其數什九民咸

歸德尋陞河南副使分守河東道搜剔利弊罷行惟
允發私賄以正官邪禁戢豪強視廣平尤力居二年
上疏乞休不許會車駕西幸境內一切供應之事夙
夜調度者三月繼聞再幸之報巡撫都御史偕津至
代殫力繕備又越二月疾作返臥司廨月餘遂卒年
六十一

薛格

薛格字平甫江陰人少穎悟經史過目不忘弱冠領
成化庚子鄉薦累試不第益肆力于學中弘治癸丑
進士選翰林庶吉士三年授檢討念父年高不得就
養乃疏乞歸省居無何遭疾卒年纔四十有四選庶
吉士時內閣考題為中秋無月中一聯云關山有調
空聞笛鳥鵲無聲倦倚樓館中諸老共相嘆賞以為
必傳惜其文之不全也

本朝分省人物考

卷二十七

四十四

南直十七
列國才

本朝分省人物考

二十七



人物考卷之二十八目錄

南直隸常州府二

秦金

夏從壽

陳策

湯沐

葛嵩

張簡

徐問

龔大有

丁致祥

周衝

王問

周金

毛憲

顧可久

楊淮

王毅祥

本朝分省人物考

卷二十八目錄

一

南直六

談愷

唐音

唐順之

黃正色

薛甲

張華
選察

王瑛

俞憲

白悅

吳性

王立道

林萬潮

萬士和

杭濟

王鑑

周子義

胡濬

吳綸

厲昇

張遜



華 理

張飛卿

顧憲成

補遺

許 勝

趙 敵

吳 淑

唐天恩

薛應旂

秦 鏜

吳中行

錢一本

孫繼臯

本朝分省人物考

卷二十八目錄

二

南直

本朝京省人物考卷之二十八

南直隸常州府

秦 金

秦金字國聲無錫縣人童時穎秀不羣見兒戲卻避之端默自若父授之啓蒙諸書退爲家人解卽能了其大義一日父對客以陸續命課一詩金援筆立就滿座驚嘆謂爲神授丁母憂毀瘠如禮自爲立傳丙午二十由儒士赴選自郡邑以至督學御史三試皆第一是歲領南畿鄉薦越弘治癸丑中進士故相徐文靖溥在位召試館職金以父老急歸省不就文靖

本朝分省人物考

卷二十八

一

南直

愈器重之嘗謂人曰釋褐新進能知忠孝大節不有秦氏子耶乙卯授戶部主事委督太倉糧儲明年監臨清倉勘順天等府災歎監收長安四門倉及象房糧芻剔抉姦蠹撫綏悍獍尋陞員外郎時邊書告警軍食不贍太宰倪岳謂非異才不能急濟乃進爲郎中計處糧餉條陳時宜悉中緩急 朝廷謂得人癸丑丁父憂正德改元服闋除戶部郎中時戚畹恣驕中璫擅權奏討引鹽運袂以攘金持之不可大司徒韓文執奏至再其風稍革而嚙者怨金嗾邏事者橫撫之竟無所得戊辰陞河南按察司副使提督學校

嚴立課程哲於品藻凡所甄拔卒多嚮用朝紳之士
 自郎署以至公卿翹然而賢者半為門人庚午陞左
 叅政分守大梁道時劇賊劉六劉七等嘯聚亡命長
 驅河洛所過焚城邑殺吏民將薄封丘金先期設備
 繕城堡峙糗糧會叅將宋振提兵南下馳檄邀之翼
 以民兵鼓戰遇賊於陳橋大奮擊之斬賊首若干級
 生擒其魁封丘晏然是歲陞山東右布政使癸酉轉
 左重念民遭賊刃極意拊循凡勢要請託翔價賣鈔
 等蠹民數享即日禁除民大感悅甲戌陞都察院右
 副都御史巡撫湖廣督理軍務挾二僕以從所至問
 本朝分省人物考 卷二十八 南直十八 張天叙

疾苦誅姦貪威讙惠流奏上便宜八事繼上十事皆
 艱危切務巨盜盤結四面蜂起乃擒賀璋廖琪於江
 討徭傘於彬桂靖叛苗於香爐峰其功最著己卯逆
 濠告變大駕親征中官李鎮附麗彬賊橫肆誅求禍
 且不測抗辭直奏請以一身當之民免於毒庚辰陞
 戶部右侍郎辛巳改吏部尋改戶部左攝部事清理
 勲戚莊田禁革勢要鹽引創籍勾稽兩直隸十三省
 逋負國用漸充先是柳桂功成陞俸一級廕一子為
 錦衣衛世襲百戶金疏辭免 世宗嗣位錄舊勞賜
 之白金彩幣仍晉俸級如初癸未陞南京禮部尚書

尋改南兵部尚書叅贊機務是冬改戶部尚書因條
 陳時政以備國儲凡數事琅琅千餘言丁亥乞身歸
 田 上賜璽書寶鈔乘傳以歸仍命有司給夫廩時
 年六十一大臣暨臺諫皆請 闕請留既歸言者不
 已章且數十上辛卯復起南京戶部尚書壬辰改工
 部尚書時廟工方殷夙夜在公督事維謹料理有法
 甲午六載考績進太子少保累疏乞歸乙未加太子
 太保改南京兵部尚書丙申年七十據禮引謝奉
 溫旨賜歸既家居賓客過從每語不忘朝廷天下大
 事退率諸孫課其舉子業臨文自為點竄寓城中有
 本朝分省人物考 卷二十八 南直十八 范應時

後樂園山有鳳谷行窩間一造焉退就寢室左右圖
 書日弄筆墨為事問遺故人手自勒狀間發之詩歌
 以相贈答終其身不衰以嘉靖甲辰卒贈少保謚端
 敏

夏從壽

夏從壽字如山江陰縣人蚤慧好學長以文鳴弘治
 癸丑西涯李文正主會試置從壽魁選梓其文為程
 式乙卯授工部主事分司徐州減役裁費廉能布聞
 戊午秩滿改戶部四川司歷陞員外郎中兼司醴政
 有富商賄結巨璫詐言成化間嘗輸粟五萬中鹽河

東久未支部屬從壽往覈直發其好事竟寢承勅理
山東河南屯田事方就緒以外艱去時大司徒爲山
東人所侵屯田被籍入官遂劾從壽不請代擅歸從
壽抗章自辨朝論寤之正德丁卯起復避逆瑾難移
疾歸旣而聞縉紳在告者多被羅織則強起鄉人有
出瑾門下者要重賂曰可得美遷從壽笑拒之遂落
職作樂閑園集賓朋觴詠其中陶陶然樂也庚午瑾
誅復除戶部廣西司時九峯孫公爲尚書請司章奏
事疑且難考多屬之癸酉擢湖廣右叅議丙子冬考
績便道歸省再疏乞終母養不允戊寅陞右叅政寶
本朝分省人物考 卷二十八 四 南直十八 劉檄

萬兩以克懇疏至再乃得請時有沙姓者爲廉憲
人謠曰地暑偏宜夏布風寒共怨紗簾臺諫遂據爲
舉劾焉癸未丁母憂服闋復除河南左轄丁亥擢右
副都御史撫治鄖陽擒巨猾戢罷訟恤貧安富四境
帖然然以執法不阿爲人伎嫉巳丑得命歸聽用乃
卽黃壘新第初涉趣園布十景詠而樂之年踰七十
於所居東營歸全宅命其子勿乞身後恩又於宅左
構東臯書院踰二年卒得壽七十有五

陳策

陳策字嘉言號蓉湖無錫人弘治癸丑登進士授戶
部主事監通州倉有中貴撓法抗言不避盡清其宿
弊而後已陞員外郎中時三邊弗靖軍費浩繁檄往
江浙廣東督其逋負訪究豐凶及侵蠹主名爲施通
融之法不朞月而咸集陝西告急後同侍郎顧公往
備兵食虜退而還擢知饒州府時姚源洞寇與官軍
相持五年矣至則一意招撫比以上計去郡洞寇復
作 朝廷發兵南下適還先驅入犁壁山連戰數日
寇敗散去猶以洞寇復叛追咎前招撫之非是調知
嚴州府爲政務持大體不屑細瑣屬邑有銀礦每易
聚衆作寇嚴錮之修葺富春山子陵祠登高吊古有

餘思焉陞福建左叅政時汀漳寇方熾鎮巡檄策征之道經同安降其巨寇蘇世浩挾之以臨汀漳先以榜示令其出降至則先降者爭出策撫而諭之因以告其未降者曰吾欲返爾田宅親族爾顧欲肉餵鴟鴞乎衆皆投戈稽首曰惟我公命皆散遣之汀漳安堵如故省城軍士有給糧踰期而譁者或喻之使退曰必得陳叅政榜文策至以利啗其黨而渙之渠魁既得餘悉勿問策以民苦急徵軍樂早支亂是之由疏請歲留餘銀九萬兩為軍餉之備論功加俸一級遂遷江西布政左使至則宸濠雖就檻車而地方尚

本朝分省人物考

卷二十八

六

南直六

湯沐

湯沐字新之號沂樂江陰人弘治丙辰舉進士試政戶部監太倉庫以清慎著譽丁巳出知崇德崇德政積弛至則裁決無留務廉問民間利苦罷行之流愛於人徵拜山東道監察御史奉命巡內帑錢穀督河東鹽池弊端多所釐革繼按山西劾賊吏振士風郡

縣官望風懼伏正德戊辰擢湖廣按察司僉事受命取道過家展墓而謫官武義命且下矣於時逆瑾竊政而沐清不染俗勇不避難剛不徇物介不趨時遂見忤乃有茲謫也至武義如在崇德時有流愛焉庚午瑾敗伏誅詔起廣東按察僉事兼督屯田漕政先是奸貪在位多蠹政極力汰除不遺餘力政聲播聞壬申遷福建按察司副使明年入覲時遂菴楊公為冢宰最嚴吏治乃應詔薦天下諸司不堪公輔者僅十六人沐與焉上賜綵幣羊酒以示褒顯尋轉江西按察使乙亥擢浙江右布政使丁丑轉廣東左布

本朝分省人物考

卷二十八

七

南直六

政使會世宗入繼大統陞右副都御史巡撫貴州癸未改巡撫四川其在浙江毛九寇孝豐在四川芒部寇松藩皆率衆平之有白金文綺之賜乙酉拜大理寺卿沐素修謹至則凡所審鞠志在奉公嘗語僚屬曰法者天下之公苟惟意輕重非示天下以公也又曰因情求法故有不可入之刑移情合法則無不可加之罪未幾有五臺山人罹重法者父子當殊死訟請京師上下諸司覆訊三奉讞忤上意乃與顏尚書順壽等並坐免官歸及歸江陰城南有故田廬督耕自給且為園時菊數百本花時延客宴賞其

中又間與耆碩為鄉社取適性坦率不為鈞距尤善汲引後進居嘗暮曾點浴沂之風故號沂樂以見志平生孝友天至雖其先人早逝然歲時廟祀孝敬不衰撫其弟汭極親愛歷官清白歿之日家無餘財嘉靖壬辰卒得年七十有三

葛 嵩

葛嵩字鍾甫號支菴無錫人弘治己未進士授行人冊使周遼二藩擢禮科給事中即劾罷京兆之不職者請專官往覈魏國家眾訟田於民久且濫者直節挺挺無所避忌是歲之薊州諸倉閱實邊儲多所釐

本朝分省人物考 卷二十八

八

南直十六

革還上四事曰謹收納禁饋送抑權貴清屯種皆切務也未幾命點團營軍士往貨免與私役者眾伍恒半虛其弊蓋久嵩倡同事以狀聞正德改元上法祖任相納諫務學四事是冬南都臺省以言事逮至京師嵩偕同官申救甚力既而諸大臣進諫復偕同官繼之於是瑾矯旨一日勒致仕歸者三十七人嵩既歸作三宜亭於後圃日手一卷燕坐其中間與同好者以詩酒相酌適語及朝政邑事者急浮大白觴之瑾既誅廷議起用而已病不能起矣六十有六卒於家

張 簡

張簡字允敬號可齋江陰人自少奇穎嶷嶷若成人長游鄉校輒試異等名隱起江東以壁經授徒學者景附弘治乙丑登進士第正德丙寅奉使嶺表採訪孝廟寶錄歸授兵部職方主事庚午遷武庫員外郎典稽尺籍迄無疎漏時逆豎內專鑾輿出幸中外岌岌乃博考舊章旁羅羣策凡于本兵政務靡不究心會山東江西蜀陝閩廣盜起警報日至遷職方郎中簡夙夜靡遑批荅不暇時有奏對援筆疊疊千餘言切中事機推補將領往往得人自是羣盜漸次削

本朝分省人物考 卷二十八

九

南直十六

平以勞績加祿四品錫之鎡幣僉謂當有殊擢而以執法為時所忌竟出叅廣藩分守嶺東兼南北二道所至威惠並著得甸宣體會天門箭灌三洞賊首雷白眉等合兵稱亂南甸騷動簡以鎮巡交薦握符攻討乃遣將練兵密授方略多得招降脇從之民撫而用之以廉虛實以為鄉導分兵八路以扼其吭全師直擣以摧其堅俘獲甚眾上功天府未及報銓曹以老疾移之致仕晒曰吾志也亟趨裝歸壬午以前功詔進亞中大夫階三品時兩尊人皆白首具慶色養朝夕務得懽心暇日闢圃鑿池雜蒔花竹每致朋舊

鵬詠其間於世味泊如也平生孝友天至與人交和而能敬雅好學博極羣書凡天官堪輿律曆星數之學靡不涉獵為文出入韓柳詩法唐書逼真晉帖至老猶手不釋卷云春秋七十有一

徐問

徐問字用中武進人弘治十五年進士除廣平府推官召為刑部主事歷車駕郎中出知登州以才劇調臨江二州之地瀕江海林莽深椎埋剽盜馮為淵藪問以方略招撫擒獲亡慮數千增築臨江壞堤凡七十二處行者安之鹽運司易汚染人咸不樂官此

本朝分省人物考 卷二十八

十

南直十八 楊甫

問欣然受長蘆使之命曰吾將以薄躬清是官也歷長廣藩能以身任一方利害蠙珠真香產於嶺南中使採獲不中巡按御史憂之將以責諸賈問爭曰珠池有禁如是不趣賈為盜耶惟令所產而獻某不敢避罪竟蒙鑒宥是歲入覲吏部首以才廉列 上與賜章服擢右副都御史撫貴州獨山土酋蒙鉞弑父以叛問提師誓境上親執桴鼓一鼓而元兇就戮捷聞有白金文綺之賜召貳兵部上安攘大計凡八條一時債帥不敢寅緣以入未幾以疾在告者十年詔復起南少宗伯二載進司徒方半載而復歸問自

起家法曹斷獄具文不為苟比當權倖縱橫雖甚威力臨之屹不為動見上官論事侃侃不阿所蒞之處輒先風俗講求禮樂學者見其言與行莫不歎為復見三代遺風

龔大有

龔大有字士謙別號澗松武進人弘治末年登第登仕巖邑惠政宜人強梗從化屢被觀風者旌薦擢任南臺巡視倉場照刷光祿文卷剗剔姦弊殆盡歲已卯濠變聞報即飛章具達朝廷始得正名討賊 武廟有龔御史何如人之問尋罷清戎還南臺益共乃

本朝分省人物考 卷二十八

十一

南直十八 高文

事權姦江彬從史 武宗南巡駐驛留都政厯情過人心洶洶大有憂廢寢食倡謀合臺固請回鑾又欲以笏擊姦邪不果人多壯之庚辰復奉勅清理屯政舊田多為豪強漁獵聞其下車悉首正莫敢隱匿由是怨興謗生辛巳夏例當考察坐謫去任拂衣徑歸曰吾年已逾知命安能以勛力為人盈縮懇乞原官致仕詔特許之家居日課耕讀暇則拉一二朋舊尋幽探勝嘯詠酣暢絕口不言世故或勸其出輒不應微曰吾將留不盡者以遺吾子孫耳性好儉約自奉未嘗過豐拳拳戒子孫勿以奢敗尤喜講學見姻族

于姓質美可進者輒命題呈稿親加點竄略無倦容
弟大倫中壬午鄉試從弟大稔登辛巳進士官至憲
僉嘉靖丙申以疾卒春秋七十

丁致祥

丁致祥字原德別號近齋武進人生而凝重寡言笑
比長通經以古文辭名於鄉鄉之巨族爭延致以師
子弟嚴飭規範多所成立正德戊辰進士第授戶部
主事監居庸德平軍儲出納有方暇與州學諸生講
究經義諸生憬然改聽當正德時天下多事國用匱
乏部使四出致祥往閩廣清鹽榷之匿於奸者數十

本朝分省人物考

卷二十八

十一

南直十八
高文

萬及疏利弊五事於朝多見采納大司徒屬十有三
分理邦計而陝西署主百官俸給易生訾謗乃其爲
郎持衡若一人稱平焉歲漕自江達淮至京多滯部
推督之先興復儀真舊閘專堰利者以浮議沮之不
顧仍集諸名人碑文附以已見爲錄刻之圖永歲可
省費萬計而運遂通擢湖廣布政司叅議分守上下
湖廣荆南道有武弁某犯罪希關節以免竟置之
江右有客於楚者保長與仇誣以盜獄成廉其情白
之湖南歲侵躬自巡省多方賑貸所全活者甚衆武
岡州民業見侵沒於藩府官校歲久莫能決從容諷

王以利害卽斥令割還之民凡五年詢民瘼爬搔
革若切於身必去之而後已擢陝西按察司副使撫
民漢中屬界川陝之交流民逋聚易亂祥平易率物
釋繫囚按賊吏威懷並行部以無事夏秋淫雨災甚
民居蕩析檄郡縣盡括帑藏諸羨餘賑之焦勞萬狀
民得以蘇於是撫按臺交薦之猶在楚也遷河南右
叅政已酉入覲事竣以引年致仕歸

周衝

周衝字道通號靜菴宜興人稍長從仲兄衡受尚書
補邑庠生正德庚午領應天鄉薦明年會試中乙榜

本朝分省人物考

卷二十八

十三

南直十八

授江西瑞安訓導身率諸士白當道建四門社學萃
子弟居業而升其秀者於泮宮旌孝子劉靜以勵風
教刻孝經刊誤養正羣書以代口授庚辰用御史徐
讚薦銓授湖廣應城縣令期望則召耆老詢利弊門
設二扁署一日疏通民情一日願聞已過立十家牌
以彌盜賊東建謝上蔡祠以風文學西創常平倉以
備賑恤舉邑政之宜若干條白巡撫秦公公曰可以
爲式矣俾榜堂左刻遵道錄并謝上蔡語錄心政啓
鑰頒訓于民嘉靖壬午以耳疾收邵武教授其教如
萬安加密馬創會約以資進修復鄉賢游先生祭蒐

集遺書付厥裔孫景壽督學端峯邵公銳重之與之論學及博約知行之說益歎服乙酉進唐府紀善屢以正學啓王尋上定志修學以防逸豫又上修德裕後十二事而明聖學近正人二條尤切王敬重之乞移半祿養母閱歲念母老假使事歸省八月得疾將療聞母訃號慟轉亟卒享年四十有七

王問

王問常之無錫人字子裕學者稱爲仲山先生登正德戊戌進士授戶部主事出監稅徐州尋以母憂起念父樂莘公春秋高疏改南職方主事便養而樂莘

本朝分省人物考

卷二十八

十四

南直十八

公雅不欲行則承命爲繪扇三十握握書一詩曰月日一易之如日侍也已歷陞車駕司郎中尋擢廣東按察司僉事瀕行過省樂莘公於家自循其裾而歎曰吾終不能爲溫太真行至桐江賦詩十二詠以見志遂投劾而歸比歸則旦暮侍樂莘公逆意奉向左右顧無不得所欲者撫幼弟幼妹如已出曰無以此遺翁百歲後憂諸所怡事樂莘公皆此類比父卒世遂不復有仕進志退居湖上迄三十年足跡不一至城府部使者前後疏薦之不起海內大夫士過必造門求識王仲山則署其門曰疾謹謝客嘗書數語於

屏曰訓我以道德者吾拜而師之授我以文章者吾敬而受之貽我以清言者吾洗耳聽之求我以詩畫者吾量已以應之告我以家事者吾既有人以任之語及時事者吾厭聞之語及公府事者隱几不應絕之晚季構亭湖濱寶界山環植竹木華卉疏流泉立奇石其間時時焚名香手周易一卷擁膝兀坐與至則爲詩文或行草書數紙或又時時引紙濡筆和黛墨點染山水人物花鳥問於詩於文於書若畫皆佇興而發不務刻削規矩前人譬之入水泅游赤手奮攫以舟爲馬條然翰墨蹊徑之外人稱其詩類韋蘇

本朝分省人物考

卷二十八

十五

南直十八

州書類米芾又類黃涪翁蓋神理所至懸合古法實未嘗斤斤效也名行既高海內大夫士望之如神龍不可玩狎則爭購其詩若畫寶藏之於是遂以隱操名天下然問故負用世才歷官所至聲輒隆隆起督稅徐州以法裁耗羨米十二三吏胥斗攢咸膠手不得籍氣勢爲奸會獻后梓官下湖湘道淮泗吏執事往返動至旬月問先期督漕舟過徐倉猝指揮若無事者留都額設馬快船七百八十餘艘歲役卒修造至四千餘人謂之幫甲費不貲貧軍坐累轉徙無告有自殺者時問在南兵部發憤白大司馬宋公曰今

縣官不惜數千人之命而惜數千金乎出疏袖中請
官自出年例銀督造議上報允留都至今便之卒管
地舊與齊民錯豪勢盤據且百餘年念法之必多巧
匿爲避罪計乃具爲令縱諸豪自出白而佃之官不
奪其業管地遂清會有 詔覈武職冒濫按籍爲立
決去留權貴人請謁噤弗行時北虜歲入盜邊預籍
武健士以應募人厚其餼比罷歸貲故有餘或請追
之問悉縱遣去曰人則弗靳其死而靳之餼耶一日
縣官復下尺檄誰復 者中貴人某守備留都驕甚
嘗私抵問乞餘軍供灑掃實利其資執不可乃止於

本朝分省人物考

卷二十八

十六

南道十八

是當事者人人稱王郎中才守超軼倫輩業且竟大
用矣以父子臨岐一言攬涕却行其仁孝固可風哉
問經學甚邃尤自謂有得於中庸嘗作圖說以授學
者負笈從之人人得聞所不聞故所成就多知名士
其歿也門人私謚爲文靜先生所著有仲山詩選祇
役稿原筮齋集崇文館稿若干卷藏於家

周金

周金字子庚號約菴武進人也正德戊辰舉進士擢
給事中陞太僕少卿僉都御史轉副都御史致仕家
居六年以薦起爲副都御史陞兵部侍郎轉右都御

史尋轉左陞戶部尚書爲人闊達警敏自在科中則
已練習人情世務章數十餘上度可施行而後言不
效迂生躁激爲名也 工數遊幸晏朝上疏請復常
朝之規退則躬覽章奏以總權綱亦頗見采納時貴
寵用事國儲蠹於冗食金言京糧歲入三百五萬而
食者歲乃四百三萬乞痛加澄汰便又言中官以迎
佛以織造濫討引鹽暴橫道路又言都督馬昂納女
弟後宮外議或云已娠誅昂而還其女後昂雖不罪
而女竟被黜在科九年以久次得擢爲太僕金貌瓌
偉善議論其在科中每九卿廷議軍機大事邊境要
害衆輒目屬之口對甚辨聞者莫不心愜壬申狼山
之捷兵部議有功將士例陞三級金曰不然將士有
實職有虛銜有正副叅遊實職大而虛銜反小有管
哨管隊實職小而虛銜反大今一例陞級則管哨以
下皆可爲督府而叅副以上或止於都司首尾擿置
非便衆是之癸酉廷議用兵土魯復哈密極言西邊
虛憊而土魯險遠且青海之賊窺伺西寧乃欲遠拯
哈密譬之人家囊篋空虛子孫賊獲疲死而盜賊滿
門庭將拯門庭之寇乎抑急比鄰之災乎衆曰是則
然矣如土魯索金幣何金曰彼能效順國家何愛於

本朝分省人物考

卷二十八

十七

南道十八

張天叙

賞不然勦之未晚也已而卒從其議於是衆以金可屬邊事推延綏再推宣府既家居廷臣交口薦猶尚以邊事也在兩鎮值寧夏甘肅大同三變之後既素豁達不拘譎有帥臣體裁又善煦愉接下邊人見其詞色既已心安乃益務寬簡以休嘆帖之嘗欲答一二卒時窮冬多不袴見之惻然曰邊人窘乃若是遂不忍答而百方爲之招商聚粟廣屯積芻以時給其食使人人有重生之心又爲之葺墩墻以衛其居疏石渠以足其水凡有規畫期於利盡而人不勞邊人益愛之嘉靖甲申金在延綏會大同殺都御史報至

本朝分省人物考

卷二十八

十八

南直十八 梁仲德

泣告曰吾在也毋恐即便服出坐院門召諸把總陽罵曰是若輩剝削之過不然諸軍豈不自愛而至此欲盡痛鞭之軍士聞其不委罪若屬也則氣固已平乃擁跪而前爲諸把總請曰非若輩罪也是總制者罔利不卹我衆耳乃從容懇諭以利害衆驚曰公生我始解散去而總制自是亦心愧矣延宣皆虜衝金內撫軍情外策強敵關城晏閉邊毗綏帶兩鎮四五年訖無敗事人益以爲才自金去宣府八年而大同復殺總兵據城亂時起巡撫保定矣遂往扼紫荆擒大同謀者數人送京師會真定巡按李者有疑疾入某邑聞銳聲驚以邑令謀已欲杖死之廣平守力爭又以守亦謀已至遣吏發卒圍廣平捕守一城盡空金聞變星馳往撫定之上章露巡按罪狀而臺長庇其屬爲之訟寃復上章力辨廷論竟直金而黜御史其以都御史出鎮淮淮當士大夫南北衝地過者或不愜所望則益易爲謗然金自如也丙申 章聖梓宮南祔始奉 旨出江而諸護行大臣至儀真議從陸諸官心知不可而憚於以身任江行之險悒悒不敢出語金獨力爭之極言沿江山險路不可通狀且奉 玉體馳峻坂上下撼頓萬一 聖情聞之悲

本朝分省人物考

卷二十八

十九

南直十八

奈何議論往返數日而諸大臣亦密遣人探沿江路果險乃決從江之議以鐵絙維舟行如期至承天遂如期以葬沿江千里居人免於伐樹撤屋役夫數萬人得無走死山谷中金之力也及爲刑部尚書轉戶部益能於其官乙巳致仕歸歸年餘而病卒年七十有四性喜讀書雖裨官小史亦用以資其經略尤喜爲詩歌羽檄倥偬中率不廢詩上谷漁陽稿皆成帙也善字書有晉人風骨其罷宣府家居好獎進後輩與人言娓娓不厭與士人言言讀書與俗人言言勤業莫不被其教益年五十遂獨居未嘗蓄媵妾教

本朝分省人物考

卷二十八

二十

南直十八

諸子愛而有法一飲食必有訓既沒上詔賜葬祭贈太子太保謚曰襄敏

毛憲

毛憲字式之號古菴武進人正德辛未進士選擢刑科給事中卽上疏言人主之德莫大於開廣言路優納正直時諫官實明方以言得罪憲卽抗疏申救以爲不宜塞諫諍之口時大臣有怙勢干內豎權者則又刻切申奏之內外咸肅會議中府衆皆唯諾憲獨慷慨披折不阿不激聞者聳然又嘗見邊防軍政之弛災異水旱之頻乃敷陳古訓疏列遠圖多見采納

冊使荆湘見民居漂溺死徙瘡痍之狀卽具疏馳奏又以先儒陳浩有功禮經宜以從祀武宗西狩諫請回鑾兼論建儲雖觸時諱不恤也未幾以耳疾謝歸歸而置義田義學教養鄉族施愛孤弱又以祿不及親扁其堂曰永思終身不御重味年七十有七卒

顧可久

顧可久字與新號洞陽無錫人正德中進士拜行人時武宗南狩偕同官上疏謂陛下輕萬乘棄九重忽垂堂之誠甘馳駿之游縱不自惜如宗廟太后何上怒詔廷杖之遷國子學正丁父憂去服除拜戶

本朝分省人物考

卷二十八

三十一

南直十八

部員外郎時大禮議起與張桂議不合復杖之闕下已出知泉州府泉好讞訟且怙勢相傾至則作六條以與民約至於獎拔士類尤加意焉王以寧兄弟讀書僧舍蒼頭與僧相毆竟撲殺之株連兩生一訊出之止坐毆者是秋以寧舉於鄉丁內艱歸免喪補贛州府贛當閩廣荆楚孔道商醴往來稅權處脂者不能潤一切斥絕之未幾擢廣東副使按行諸郡咨詢黎倭出沒之處相其阨塞險阻而爲之備禦躬登絕島中盤宛心目繪爲圖說未幾羅活峒黎出劫爲盜安蜀循亦窮治之僭厓諸黎五十二部落聞風款

服境內帖然竟被讒免於是杜門却掃絕交當世屏跡公府時泛舟梁谿之上振策惠山之陽以取適而已文必根理不襲陳言詩有幽深自得之趣所著溫陵虔州珠崖在澗諸集藏於家所纂山海圖說迄今用之輒效為軍中指南云

楊淮

楊淮字東川號果齋無錫人正德丁丑進士選授戶部主事差監出納者凡四先京倉次淮安水次繼通州倉最後內十庫皆有中官同事京倉胥卒積弊久且膠蔓一切革之淮安倉革中官茶果之需江南北

本朝分省人物考 卷二十八

三十一

南直十八

納戶稱快通倉革圍基及額外席草之費內庫勤慎清苦無與為比一茶分悉絕中官供饋雖饑餓不恤也庫夫故有六十人民苦冗役而公不勝蠹奏裁二十人於是楊主政廉介之名藉藉滿朝宁矣會大禮議未決偕同官繼諸大臣後言之越明日伏闕候命眾號慟失聲 上怒命執其疏首八人餘皆固伏不起命俱執送詔獄越三日詔杖於廷各三十淮氣體羸弱病創臥一月餘稍愈尋劇竟不起年三十有八耳死之日空囊如洗家人賣屋以斂其繼室周氏先六月病卒尚殯城外子女幼弱幾不克歸大司徒

鳳山秦公為經紀焉始得歸葬於世墓之次聞者莫不憐之

王毅祥

王毅祥字祿之常州人生有器量童烏之齡即能屬文選充縣學弟子員文恪王公一見奇之曰吾宗千里駒殆此子矣既舉進士改翰林院庶吉士後以政府有私詔悉罷之授工部屯田司主事少宰徐文敏薦調考功尋署文選員外明慎銓藻咸當其人時太宰為婺源汪公鉉專伺政府賢不肖一切倒置每與之忤遂以母老不便北土乞歸侍養 命下予告仍

本朝分省人物考 卷二十八

三十一

南直十八

勅按院覈之遂出貶真定尉蓋以有兄侍母不得緣乞養之例也棄不拜亡何太安人背養居喪敦禮杜門却掃委懷圖史絕戀紛華有田在東郭外課農自給與田父野老談笑移日不知為吏部郎也撫按諸司交相推薦疏累上未報厥後太宰為甌寧李公默素重其人諷御史特疏舉又移書所司為趣駕終不赴隆慶初簡用舊臣超拜南京文選主事地近而易赴僉謂由此可立致崇顛稱疾堅不就眾為惜之郡守永年蔡公甫下車首書清德表其里枉駕造其廬坐床第間相勞苦口不能語稽首作謝狀越明年戊

辰卒爲詩冲澹而不尚綺靡文亦典雅有則書傲晉人不墜右軍大令之風寄興丹青追工摩詰之技篆籀八體並臻妙品晚抱書癖手自抄錄無間寒暑嘗校雖大亮之百卷繕寫孺之三篋刊亡曷過焉所纂郡學志并著詩文若干卷行于世性整潔不爲苟簡室中器物置必有恒所衣服巾履雖敝無點膩可澣足跡未嘗入公府有以事干請者扼其風槩不復敢言客有詆人短者以他語亂之慚色而去

談愷

談愷字守教號十山無錫人生有異徵甫釋極厥考本朝分省人物考卷二十八 三十四 南直十八 携過夏口墮江漂五里竟不沒坐於沙渚觀者神之勿卽奇警有俊譽登嘉靖丙戌進士授戶部主事奉詔使閩還丁內外艱服除補原秩權稅河西通商抑豪及建白利漕四事聲大起轉員外巡通州倉有外戚漁利者請增造船於通惠河疏爭增船五不便乃止尋監兌江西督漕儀真並展清譽陞郎中凡守度支者八年出爲山東副使適少司馬檄開馬場湖歲方大稔同官多役丁夫民苦之愷獨無所役且念可因以寓賑乃懸檄募傭發帑受直三日而應役者三千人旬有二日而工畢癸酉監臨鄉試會御史以試

錄故譴死愷亦坐謫信宜縣典史量移懷慶推官台州同知五遷復授四川副使蜀方有盜警民誣引者多竄伏且集爲亂愷至立釋之命復故業羣黨解散踰年以參政晉左右轄乃拜右副都御史巡撫南贛汀漳時贛賊李文彪海寇徐碧溪等繹騷浙楚閩廣間濱海城邑多陷沒者愷乃開布誠信招降文彪以制碧溪盡殲之於海捷 上有白金文綺之賜進兵部右侍郎兼都御史移鎮兩廣山箐險密蠻寇盤據已久忽突發嶺西聯絡新會溪洞四出焚掠殺千戶黎元愷畫策分兵進勦而平之是役也兵僅二萬時本朝分省人物考卷二十八 三五 南直十八 甫四旬而蕩平諸巢略定五縣衆方擬諸藤峽之捷而忌者抑其功僅得廕一子時在軍久不勝苦瘁且念母夫人春秋高力疏乞歸享年六十有六

唐音

唐音字希古號克菴宜興人嘉靖戊子鄉薦就選爲雞澤知縣雞澤固瘠邑又比歲旱歉庚戌之秋虜犯京畿近邊方者率當做備差科之擾音爲之均節裁省視民力所急與民財所窘必百計思以紓之而才瞻力勁展采錯事務在必行其志毀譽得失則姑置之嘗言于郡守曰上司各行所見未嘗親親民之疾

苦故多操切為事所賴以調停其間者在吾有司耳若上司知操切而有司不知調停則民無所措手足矣時朝令議買馬民不願鬻於官官必威取之音曰吾不忍殉一官以重困吾民也上司督之急請罷職民聞爭願出馬半日而馬具肥好更為諸邑冠蒞任一歲而乞休者三一為市馬一為牌坊其一則論范頂罪情也初巡鹽御史欲為邑宦劉御史豎牌坊音以民窮財訕姑紓其事巡鹽御史檄縣逮主吏杖之音遂以病乞歸太府慰諭之數四范頂者邑之巨猾也以饕淫險疏橫行閭里間人患苦之至是午夜操

本朝分省人物考 卷二十八 南直十八

鐵簡馳入陳國卿家因推國卿而汚其少妻比間羣起縛之音處之如律頂瘦死獄中已而推府疑為衆人所謀卻其獄擬以和姦翻案音具揭論其事且請罷斥其切於愛民而以身任事者皆此類也巡鹽御史惑商言配鹽斥銀於縣歲溢額若干清軍御史覈絕軍產僉民頂軍以實伍音皆以為不可音於上司之言有從有不從皆視民利病苦樂未嘗以文法之緩急上官之意指為趨舍故往往以此得罪然真意為民無所矯飾色雖正而不抗辭雖厲而不激因以見信者亦多有之其尤難者呂公祠建醮凡有職於

其方者自巡撫而下磨集獨稱病不往時惟同府劉與意合音在縣孜孜民事而尤盡心於訟獄徵歛民有訟者貯一空匣中吏初不知為某事也訟者至乃發狀決遣之不旬日而事畢以此獄無留人邑無廢事其所決遣自杖徒以上當治罪者治之小事擬招成案而已不深究也邑中當審差親集應徭者於庭據其籍而訊其業苟籍與業不相應則以所收者與所開者互相檢察必核實而後已士夫自應免外必括其餘業以起役差籍一下百姓受冊者比每年減疆半上自數十頃之貲下至一丁一畝之產吏胥出

本朝分省人物考 卷二十八 南直十八

人之弊一朝盡洗差之輕重與產之高下相應毫釐損益悉得其當一邑無不頌其平後以疾卒於官年五十有五子一舉舉進士仕南吏部有文學名

唐順之

唐順之字應德武進人文行為學者所宗稱為荆川先生嘉靖己丑中禮部試第一及廷試遂菴內閣使鄉人索試策欲首擢之而順之以年少筮仕守已當嚴竟不與通置二甲首其榜首則江西羅洪先也一見知其人品甚高因定為石交授武選主事以幼時嘗竭精神於舉業幾成瘵疾而學問文章未成恐碌

碌仕途無以爲終身自立之地庚寅春疏病得歸值
母艱服闋改稽勲主事調考功居家時素知有司某
某賢後取至京以不通關節留滯不得用卽密白其
賢擢用西臺竟不使其人知之羅峰相改各屬官爲
翰林部中首舉順之拜編修校對累朝實錄於時王
遵巖陳後岡高蘇門皆以詩文名當世一見其作心
服之而未敢以爲然也至其戒行雖苦終少自得之
趣時王龍溪以陽明高弟寓京師盡叩陽明之說始
得聖賢中庸之道矣校對完例當陞賞卻不欲受又
以羅峰愛已將遠其嫌遂告歸張緣是怒以吏部原
職致仕居家三十年不役官府一人不受坊價一緡
會 皇太子立妙選官僚起爲春坊司諫竟以請朝
東宮落職歸自是御布袍嘗居宜興山中與諸生講
學官于其地者欲一見之無從也居恒喜靜坐樂與
方外之士遊曰方外之學雖與吾儒不同而其苦行
堅守洗淨心緣知自求之身者固賢於今之儒也居
恒於書無所不讀無不精究其妙而於歷算尤精然
嘗曰文與詩不過應酬之作更看山中靜坐十年後
文字更何如耳其與人言罄竭底蘊若無所不盡事
關機要則深沈隱默際不可窺于瑣屑之事若不甚

本朝分省人物考

卷二十八

五

南直十八

暹曉至于籌畫世故則辨悉毫芒貌不踰中人而
天下勢之所至若萬鈞之壓卵處之晏然舉天下之
所不敢爲不能爲者獨毅然當之嘗自謂當今少一
竊武子之愚蓋自况也甲寅倭奴起釁流血東南趙
文華以 上命視師海上順之與陳機略趙歸薦於
朝以南部車駕主事起之尋陞北部職方員外陞本
司郎中陞見後卽奉 命查勘邊務繼而視師浙直
計平賊上策當禦之海外而海道不可不熟乃自江
陰與嘉興兩次下海泛大洋至鮫門而還未幾春汛
急自登海船督諸將泊崇明沙沈賊船十三隻斬賊
首百二十級餘賊走三沙陞太僕少卿又陞右通政
於時江北巡撫李遂告急胡總制檄總兵盧鏜往援
順之以江北陵寢重地乃以三沙賊檄鏜堅守身往
江北與李首尾擊賊敗之於姚家蕩又敗之於廟灣
場度其勢無能爲復自江北往攻三沙居海中二月
竟以鹽鹵之故腹疾增劇方回太倉調遣狼兵而賊
乘風雨夜登江北岸矣每以此自愧其斬賊功皆逸
不居而胡公竟上之三有白金文綺之賜每與胡公
論國家事未嘗不泣下沾襟誓以身許國曰胡公計
事先我一着至忠義一念則甚相符合未幾陞僉都

本朝分省人物考

卷二十八

五

南直十八

撫淮揚因積勞病甚不能行然以淮揚重地朝方倚任十一月勉強赴官值歲歉請於朝得餘鹽銀二萬兩以賑又自捐俸金令有司以次捐俸易米散各鎮為粥以食饑民又以淮揚所轄天下要道即有變於內倭寇乘之貽患不細故於賑濟獨勞心焉時病已甚治軍旅不少休三月登焦山望三江歎曰吾第一臬將使吾病而不能展其能奈何然使一病都堂海中則諸將無敢不下海諸將能下海則敵人自奪氣也欲從太倉取道常居海中行至通州而病不起矣將革猶以為與人與學問未成未了十年工夫自恨時

本朝分省人物考

卷二十八

三十一

南直六

天晴皎聞天鼓鳴於舟上者三而氣絕

黃正色

黃正色字士尚江陰人登嘉靖己丑進士初令香山剖斷如流政聲藉藉調知南海南海為粵首邑百務糾紛正色以敏捷當之無不迎刃解者其發奸摘伏多出意表至今有誦其折獄片言者比之包孝肅云兼攝番禺猶不足以窮其技公庭清暇撫琴自適而已薦為監察御史嘗劾駙馬崔元內侍鮑忠不法反為忠所訐誣以大不敬逮赴論死適霍文敏以南宗伯入總官僚謂鞠官曰鮑忠不法兩臺結舌糾劾者

獨正色一人汝曹阿忠殺正色吾必直之乃得減死謫戍遼左隆慶元年召復故官陞太僕少卿請老卒於家其子學海登進士歷贛州知府

薛甲

薛甲字應登號畏齋江陰人嘉靖己丑進士選擢兵科給事中疏上封事攻排異端甚力時方士邵元節以左道得幸親為肺腑與柄相表裏要結乃甚其黨劾甲以佞諛銓部得競進謫湖廣布政司照磨甲初有志於聖學至是以所學驗諸行事有未盡合益取象山陽明遺書而參伍之合異為同反博於約克然

本朝分省人物考

卷二十八

三十一

南直六

有得也陞寧波府通判甲事不避難歷試輒效而詰良懲奸尤為攷疊乙未陞保定府同知再陞四川僉事備兵叙瀘解蒙撒累世之仇靖永播方萌之患陞江西副使備兵於贛振刷宿偷大張法紀時分宜方貴寵而子世蕃干紀亂政諸作奸犯科者率藉嚴氏為城社甲直行一意罔所顧忌遂與嚴忤解任以歸杜門養養斷掃家事一切無得關白自謂平生受益者三友一日貧二日病三日患難貧故知節用病故知保身患難故知處世學者未有不由此而能有成者也又謂一在精中貫在一中約在博中恕在忠中

皆合一之旨此意了了則六經四書與夫大而乾
細而毫芒無非此理皆可一以貫之此學之所以爲
易簡而非遺棄物理之謂也今其傳者有易象大旨
心學淵源錄菀文類稿諸集

張選

張選字舜舉號靜思無錫人嘉靖己丑進士令蕭山
縣道當閩楚要衝素稱難治至則厚儒生興學校尊
鄉飲別淑慝士論民情翕然向服乃稽冊籍以括畝
田之多寡較贏縮以均徭役之重輕實惠之及於民
者種種可紀赴銓擢戶科給事中適 太廟祫祭

本朝分省人物考

卷二十八

三十一

南直十八

上遣勲臣代行選疏極論言傷剝激 上震怒命廷
杖八十杖折者三已出朝瀕死者再幸獲生還抵家
養病禪院授徒贍親出入徒步當春掩骼埋骨暑月
施藥療疾隆冬煮糜粥賜凍餒歲以爲常立論不避
權貴至朋儕相與則肝膽立傾結社碧山與鄉紳爲
真率會嘯歌觴咏竟日爲歡 世宗大漸遺詔厚卹
建言諸臣加陞通政司左叅議致仕隆慶戊辰卒年
七十有五

華察

華察字子潛無錫人嘉靖丙戌進士選庶吉士才名

隆起與同舍陸粲確世故研經義康濟自期而不悅
于當軸出爲戶部主事督淮安稅盡剔其垢徒兵部
晉車駕郎中裁郵傳供應數萬以文行推擇爲翰林
修撰校錄實訓實錄成遷侍讀加正五品服賜金幣
時郡國數上禎瑞諸儒臣相要奏頌察曰春秋紀異
祓我何爲而諛耶 皇太子立諭朝鮮所贖珍值萬
計却弗顧 上欲起用閣臣相李時以察名進同列
忌之構飛語乞省覲歸飭園池植花竹奉封公徜徉
其間不問世事久之起故官主應天試拔瞿景淳于
廢卷高列之明年會元及第爲一代宗工而王世貞

本朝分省人物考

卷二十八

三十一

南直十八

翁大立陳鑿輩知名甚衆其程式文傳誦海內遷侍
讀學士視南篆相嚴嵩喻意稍遲少宗伯察若弗解
以親老乞歸二親相繼沒廬居四載不御葷酒如一
日遂絕意仕進家故素封又蚤貴而天性儉朴食不
三豆以其羨贍族賑貧救故舊代舉婚喪倡助築城
從吏邑令清飛耗得伏田四十六萬門人撫按守理
于地者欲大馬報無從而家祀五座師中年喪偶卽
獨居室無侍媵門無雜賓所著巖居稿若干卷

王瑛

王瑛字汝玉先世居石沙而遷無錫因稱石沙山人

初授書於邊進士伯山伯山讓其華采且謂其幼有成人之度辭不能師為文厭經生類爾力振迅踔厲嘉靖壬午鄉試應天中式三赴禮闈不遇歸則結廬

山中潛心大業探討與眇究明指歸約其闕博以造於深厚爾雅壬辰會試乃成進士授太常博士當是

時 世宗方典禮樂隆郊社日贊秩宗斟酌舊典尋召入臺日司封駁察舉一時論才御史無出瑛之右

者而粥粥守官如故也會議南狩瑛與同官疏留已而議竟寢奉勅理冀北山東河南馬政摘抉姦蠹條

畫便宜牧事修舉為直指使者最庚子出按八閩懲

官邪重民命獎恬退禁汰侈崇教化旌孝烈清寺田以補虛糧復驛傳以蘇疲邑諸所舉措炳在憲牘海

邦頌焉歲當大比綜覈嚴密校閱精允閩士無不帖服者瑛載髯虎目顧步有威而中實無伎刻簡曠激

昂緩急必赴不以空乏為解而實不能阿附權人閩中多碧水丹山靈區異境如鵬海鯉湖武夷雲谷使

節所經必褰帷以廣瞻視於是譏謗叢生及瓜而補外之命已下乃謝病南還恣遊名山勝地旬月忘返

又與鄉士大夫修復碧山吟社家有園林日召故人密親琴阮奕博芳辰令節則廣筵合樂華燭飛觴每

極賓讌之娛事繼母則孝養備撫猶子則慈愛周內行純謹殆庶幾汜毓臧燾焉豈但以官業詩名著江南而已哉所著有溪上集

俞憲

俞憲字汝成號是堂無錫人也嘉靖壬辰進士官至

臬憲有集若干卷為詞林所賞憲生平精力在盛明百家詩一書計百卷搜剔既勤詮釋多當其自序有

曰盛明百家詩予自嘉靖癸亥迄於丙寅始克彙次其集蓋盡平生所藏又四歷寒暑乃得詩一百六十

餘家共詩賦詞一萬七千六百首有奇存之家塾用

詔來裔且以備老景吟諷之資云爾初不敢示諸其人顧當好文之世士多傳說稱誦至有携楮墨固求

印刷者或又以重費相購請予不敢當益為秘藏如在深山石室中也獨念海寓至廣作者日多近承集

刻見投或繕所傳示朝夕勤使不遠千里而來若過讓不遑其謂我何且窮探滄海尚有遺珠未經屠門

詎稱大嚼是猶閱武庫者未盡其甲兵入寶山者自限於擷取也坐是不能自安益加搜訪昔予有云倘

歲月苟延當為增刻一編俾成全書不然終為闕典益重區區之過矣是雖酣後贅言不可忘也爰自嘉

本朝分省人物考 卷二十八

三五

南直六

本朝分省人物考 卷二十八

三五

南直六

靖丙寅迄今隆慶辛未又六經寒暑再得詩百七十餘家共詩詞賦萬餘首通前四十九冊並前後目錄一冊共成百數庶幾海內興文之士一覽可盡雖不免遺珠之詆似亦可供大嚼之歡矣

白悅

白悅字貞夫武進人嘉靖壬辰進士除戶部主事奉使入關中與鄠杜王槐楚武功康德溼上下議論留數日不能別已而之平涼望北地既歸遷主客司員外已又遷郎中復使江西乃遂登龍虎山奇之聞其東即武夷不遠乃即又放舟登武夷諸峰詞調既逸

本朝分省人物考

卷二十八

三五

南直八

而又善晉人書兩使還出紀游詩數十篇一時見者未嘗不種種稱絕也悅為人恢廓而好義與人游有當于心即解劍捐珮以贈不為惜即內所弗合亦陽浮慕之不終拒也以此聲名益顯然亦以此招忌賈禍居頃之改儀制司郎中會天子冊立東宮置官屬補左春坊左司直其年大駕幸承天歸而按劾從官未至者乃謫永平府通判久之轉南京後軍都督府經歷已轉南京吏部驗封司郎中無何復謫河間府通判復轉戶部主事又一歲改尚寶司司丞悅自登第至為尚寶侵尋二十年官不過六品而尚寶又

關曹不得有所建立恒鬱鬱不樂明年庚戌遂病其秋北虜犯京師百司震眩悅臥閣內日引賓客入與計擊胡事明年辛亥病篤有詔遷司丞為江西按察司僉事未拜俄又遭論乃遂以司丞致仕

吳性

吳性字定甫宜興人其始為郡庠生授徒里中修行業文動以身訓畫程著式按而行之始終相較不爽毫髮年三十七舉嘉靖乙未進士於時仕者方喜躁競性獨恥之上疏乞為校官得河南南陽教授南陽人鄙野而尚奇衰即諸生亦然歎曰教之廢也故然

本朝分省人物考

卷二十八

三六

南直八

夫教者徒務責人已乎榜於門盡謝問遺壺漿束脯禁不得入已乃察其有志行者禮之資可進者課督之婚姻喪葬戒母計資賄用浮屠以次教之冠射諸禮士習變焉故事進士就教再期轉胄監三年遷部屬性既無貴援又不以資俸自言於人積五年始遷南戶部主事而意顧恒自得於次當推揚州關稅乃得筦庫不以非序少有怨尤於心久之監浦口倉迎父及伯兄養諸官舍父子兄弟飲醴茹蔬竟日相怡悅歷員外郎中未幾遭父憂丁未服闋補戶部乞改南京禮部主事踰年請告作天真園與朋舊詠遊其

中將遂終身焉既而曰吾本以疾告於出處未明也
壬子強起補南京車駕主事未上乞致仕吏部寢所
奏且促之行不得已至南都又疏以請乃予告丙辰
以期滿至京師改尚寶司丞再上疏乞休固請乃得
致仕性舉進士二十一年在官不滿二考其慕退處
甚於人之嗜進而其圖去視求進者加急雖古達人
隱君無以過也

王立道

王立道字懋中無錫人舉嘉靖乙未進士選為翰林
吉士是歲 天子躬御文華殿授簡命題校第諸進
士得選者三十人時李文康公在內閣月試吉士凡
兩而立道試輒冠其曹由此顯名久之授編修既為
編修列史職曰夫太史之官為其志一代之故集古
先之鑒也乃吾今守其事矣隘而罔識闕而弗修如
職何於是卜僻遠居盡括古墳籍刺取今事大者皆
牒記門下重捷不時啓蓋自其為士時日坐一小樓
連數旬不下即宗黨造者莫得睹其面則耽嗜讀書
其天性也為人靜定沉篤蔑世俗靡靡之好既乃就
故邸復健門著述如曩時不輟居無何病肺同館說
之輟業已察其面霜白兩頰銷縮骨稜稜出又說之

本朝分省人物考 卷二十八

三七

南直十八

歸於是遂疏歸語其友曰脫吾疾瘳以請而得走錫
山也將腰斧伐林於海之側羣樵人徜徉足終吾年
吾誓與雲霄冠珮絕矣疏上未報而卒年四十三耳

林萬潮

林萬潮字養晦號石樓武進人父富兵部侍郎萬潮
以嘉靖戊戌進士為寧波府推官以侍郎公嘗守是
郡歸請所以治獄者受命而行至則恂恂然不敢以
喜怒加人當斷獄務求所以生之者旬日不得不即
斷則相與驚曰一何其肖吾林郡侯也倭夷入貢道
出郡中率爭市以鬪當鬪時矛戟攘切官司無敢誰
何獨萬潮出即釋鬪以窺或訊之曰吾畏司理之廉
明也未幾丁侍郎公艱去釋服補贛州贛當江廣之
衝重商大賈之所往來往為關樞者輒無廉譽萬潮
以當代力辭已而檄攝興國其猾胥善巧伺以愚令
至是故進敝器以嘗之冀少怒即得詐為機利以苛
擾細氓萬潮獨不一問左右請易器曰於余甚宜由
是猾胥搖手相戒未幾信豐大水當道檄齋帑金賑
之聞命即行是時水初退地卑者猶在沮洳中冒瘴
暑乘肩輿泥行沿村塢計口給授夜則會數而哀分
之率不得寢生活者幾萬人而身則病矣當道顧益

本朝分省人物考 卷二十八

三八

南直十八

壯其才凡劇難辦事檄以屬之至憊甚猶時時作手
牘令吏人代爲詰難家人泣諫則曰吾身猶食祿而
可後事乎竟以病卒於宮年三十有八耳卒之日囊
無餘金篋中止古書數十卷郡守林君爲之經紀焉
自提督大府而下咸往弔相與痛惜之

萬士和

萬士和字思節宜興人嘉靖辛丑進士選讀中秘書
試輒高等屬分宜柄政絀之當署諫垣方請部得禮
部主事乙巳使周藩便道歸省明年丁父艱服除補
原秩以母夫人故乞南便迎養改南職方員外巳丁

本朝分省人物考

卷二十八

三十九

南道十八

內艱服除改兵部復轉禮部郎中晉江西僉事蒞饒
疏裁歲貢磁器以千計巳晉貴州副使督學政黔故
箚峒錯壤卽儒生衽戈矛闕疏經術時時進諸生講
說大義巳晉湖廣參政時三殿工亟採木使者旁午
四出轂擊於辰沅之道賴經畫調停民得無轉徙晉
江西按察使巳晉右布政尋轉廣南左轄粵民萬里
轉輸京帑其費不貲條奏徵轉輸費屬計吏領之粵
民稱便故事藩司一切政務專制於左使右署名而
巳曰朝廷並設兩使若左右手非有所輕重也約分
日治事以明大體巳晉應天府尹屬直指初按粵逆

辭之境上遂行而直指以爲倨銜之悉取諸錢穀籍
稽其出納無所得則榜掠篋權吏屬欲以誣引吏忍
死不服曰萬公飲粵地一勺水耳直指愈怒捥撫蓋
亟有香山黃公佐家居養重不可致忽出謁直指直
指心喜巳獨能致黃公也黃曰老夫跡不至公府久
矣今爲萬公來其人固涅不受緇者也直指作甚事
乃寢道拜右副都御史督南餉條上六事嚴考課議
本折省遠倉處水兌減贖緩專委任宿弊一清遷戶
部右侍郎巳遷禮左會華亭罷相新鄭當柄遂引疾
疏四上得予告然身雖歸而名愈重矣萬曆初起用

本朝分省人物考

卷二十八

四十

南道十八

以少宗伯攝大司成事遂晉禮部尚書條上崇儉數
事會災祲雜襲又奏杜倖門客懇直汰冗員抑干請
以回天意時江陵柄國九卿咸出其門下孤子一身
自落落不相合於是求去甚力竟賜傳歸歸數年而
歿當其歿也鄧直指適按其地晨坐堂皇見左右侍
者相向淚承睫詢之曰萬公歿矣嗟乎此豈可聲音
笑貌取哉

杭濟

杭濟字世卿宜興人登嘉靖癸丑進士授稽勳主事
裁節餘糧清稽黃務進副考功協恭同寅考覈臧否

甫正稽勲以親乞歸暮夜有投以千金者峻拒之曰
吾寧愛此以撓吾素既遷副使督學於閩崇雅黜浮
士習丕變爰署司篆情法兼得庭無繫囚當軸銜之
抑不以聞稍轉右叅提秋試多拔名士漳賊方興督
餉進征往來彌歲預遏賊謀以克底平分守邵武民
以大和左叅河南分守南陽地濱湖襄流民豪梗開
示禮法剖斷無滯執法以抗藩王曰殿下不宜以讒
殺人濟固不能以殺人媚殿下曲白釋之尋轉右轄
簡省徭賦民以不擾久之堅疏乞休拂衣而歸兩遇
推恩進階資善大夫歛迹丘園罕入城邑鄭御史閔

本朝分省人物考

卷二十八

四十一

南直六

舊知也見見不得餽金不受嘗論子封曰人顯達即
聲色甲第游佃是好我寧有是耶其清德雅操真足
以敦薄俗矣卒之前日偕弟花下聯詩飲酒盡歡而
罷明曉攬衣撫床問壽否忽噤而逝

王鑑

王鑑字汝明號繼山無錫人領嘉靖己酉鄉薦與計
偕再以病沮益發奮下帷讀不至丙夜不休己未中
禮部試會丁艱歸授徒於山中又六年乙丑始就廷
對出知武定州始至下教勅曹掾曰若所不飭以資
緣為奸利者有法在刺史所不自飭借脂膏自潤者

神鑒如之眾唯唯莫敢犯法無何郡伍伯以他事揭
府帖下州氣張甚鑑廷詰之伍伯偃蹇出不遜語怒
叱曰若豈以守故嚇我耶吾視弃州篆若敝屣耳遂
收之以狀白守守心不能平然卒無以中之鑑亦不
為屈益勵廉節即徵輸之羨肺石之鍰盡以需官庾
先是州賦不時入上官動加呵責每勾校則跳他郡
自匿鑑為科品賦定程期不箠楚而輸自無後者會
當審戶眾多務為欺隱鑑先已廉得其腴瘠主名以
次甲乙之無敢下上者又以諸賦多名色頭緒綜雜
苦於徵解乃設為條編法每歲計受徵者幾何緩若

本朝分省人物考

卷二十八

四十二

南直六

急者各幾何類為籍上之按籍以徵咸有次第民間
舊當種馬解馬入京州長吏走箱籠通長安貴人訊
必有朱提以先尺一悉箕歛於長賦者鑑曰刺史即
不治事奈何剝民脂以自贖立屏之疏請種馬亦第
齋直以往民甚便焉時有高三畏胡雲鵬等相與為
大奸眾咸指目莫敢觸捕械治之有李讓者用註誤
故陷重辟累年不能決一訊立釋焉視事四年境內
大治以廉能卓異擢拜吏部驗封主事改文選務以
精覈行之母下欺母旁撓久之謝病歸會丁外艱服
除家居者十年始以原官召用除尚寶司卿疏言大

小臣僚牙牌多遺失請出入給繳悉籍記之又封誥所用璽不宜非時輒請歲以三九月施用奏可著為令詔持節冊封益藩餽遺甚腆謝不受曰使事有職不敢以私拜君王賜也使還以病不任職疏請免不允乞南職乃得南京鴻臚寺卿久之復以七十上疏乞骸骨言甚剴切於是特進官一級以太僕寺卿予致仕家居歲餘而病作所親往視之舉手相勞言笑如平日亡何疾篤且瞑忽張目曰邵公召我遂卒初在孕時父冲山公夢邵文莊偕一僧入舍既寤而生鑑至是人以為夢生之驗云年七十有一所著有五

本朝分省人物考

卷二十八

四三

南直十八

經摘要楚越記寶界集藏於家

周子義

周子義字以方無錫人為諸生數不利於有司歸而益勤苦自力既而歎曰大丈夫乃以一第市耶謂日所啞啞佔俾者於身心有絲髮益否乃日取五經涵泳之已取漢人註疏參之融融如矣已又取濂洛關閩與薛文清王文成之遺言而體認之稍筆之書其翼經傳者曰穀語其發抒所獨得者曰日錄見聞以嘉靖乙丑成進士選庶吉士益習經術明習國家典故章程諸以筆墨事請者弗盡酬也陞編修分校會

試與修 世廟實錄奉冊封 泰寧王餽遺却不受分理制誥尋遷南國子司業時所舉士余懋學治南垣嘗極論朝政得失於相臣有所譏刺相臣既已逐余而疑疏草出子義手又自始至官及三載考績亡一尺蹠以通相臣益銜之六載始轉司經局洗馬萬曆己卯主順天鄉試庚辰再分校禮闈遷國子祭酒教授諸生以敦行先文藝而釐革奸橐節嗇浮費積金錢數千緡拓飭公廨一切不以煩縣官已遷禮部右侍郎再遷吏部左侍郎掌詹事府教習庶吉士每晨謁必相與論天下大計及祖宗彝訓而後傍及藝文已為會典總裁目披手校昕夕不倦蓋夙昔注精凝神於此至是務加精悉追典成比且上而病一夕卒矣 上聞訃震悼以會典成序遷特贈禮部尚書祭葬俱用尚書恩例謚文恪所集有國朝故實二百卷

本朝分省人物考

卷二十八

四四

南直十八

胡濬

胡濬字原荆號蓮渠無錫人濬生八歲而孤幼聰穎頭顱秀異有力而捷嘗戲緣楹登屋梁坐而誦書母闕孺人見之恐驚而墜伺門中既下笞而泣數之日未亡人不早從地下者徒以兒故兒無賴予安用生

為泮大感悟持闕孺人泣曰兒自今不奉母教誓所
以報父者請死乃折節讀書如成人總角補弟子員
已以教徒自給嘗至乏絕與闕孺人備茹荼蓼矣登
嘉靖乙丑進士授永豐令永豐巖邑民俗囂好訟數
起大獄大者隕命小者覆家連歲不解泮至廉其狀
以本罪罪之多所平反而訟師奸人悉置諸法訟以
大省視身以廉即秋毫不擾細氓僚屬化焉時分宜
籍沒產散旁邑鬻錢入官他邑多私其上貨而以下
者予民取上值民大患苦泮一無所私平值而鬻之
他邑或累月不杜而泮立辦郡守怪其速疑以他財

本朝分省人物考

卷二十八

四十五

南直十八

移入後得其故乃歎服曰吏廉其効如此哉有客邑
中者衣冠頗怪譚性命學而辨有口邑中從遊者幾
千人縉紳大夫亦往焉泮佯為過從察其狀有詐乃
言於衆曰少正卯之流也立驅之出境士大夫頗少
其不好士無何旁郡下檄貌索大盜竟得之講所即
其人也從遊者恥之閉戶不出邑中咸驚以為神令
永豐七月以闕孺人憂歸邑父老子弟號哭遮道至
萬人有書生手抱大豹皮覆棺上泣曰天平西陵之
下北邙之上丘壘纍矣他人不死而死吾明府母以
奪吾明府耶泮在事凜操清苦羨贖發以修蔣孝

祠邑人周是修死建文難族黨坐戍頻年子孫調征
不息力白之臺使者免其軍籍其為政先忠孝大節
如此服除再補安福期年入覲至蕭然不能具素裝
抵京師徒手謁諸貴人頗怪其簡已乃知安福令實
廉更相推重之未幾召拜監察御史巡東城首疏論
中貴人交戟之內相攝以目既而出按遼東會有天
象示異止車輪無東疏時政數千言幾下於理久之
得削籍為編民泮歸貧無以為家慷慨樂赴人急難
或有伏冤遍請於當道必為湧雪之乃已終不令人
知或有知而以兼金為壽者必力却之曰吾傷若冤

本朝分省人物考

卷二十八

四十六

南直十八

為解寧為金也至今邑中若馮生盛生鍾生輩其家
尚世世尸祝之居恒食貧又雅好賓客客時滿座上
供具不給則或質一衣一器取酒脯而與客歌呼豪
飲有一技片長必力為游揚以成其名士以此多歸
之客日益進而家日益困人笑而目之為黔婁孟嘗
云性好游即為令時嘗乘一藍輦入武功山采荔竟
日忘歸入覲同行者道相失則獨登匡廬香爐峯長
嘯而觀瀑布比覲還與三山人下錢塘浮西湖泊七
里灘拜嚴光先生出偃王墓下登爛柯山翛然欲離
塵度世矣比歸里而游道益廣梁楚吳越足跡幾遍

方冠布袍無識其爲故御史者登高陵險饒有濟勝之具每與客捫高嶺峭壁衆方眩慄不自持輕身躍而上竦然離立客自下觀之謂如排風騎氣遂絕天門通帝座矣初見放歸學士華公知其貧捐負郭田二頃餉之謝曰不佞卽貧無賴奈何以逐臣數口累長者後嘗負公賦有司詰之或曰胡公貧甚有司曰胡公數解大獄何爲貧曰胡公所造請非其至戚且友卽冤抑不平者實未嘗私人一金故人待以舉火者不下數十家而胡公家嘗不足客至時時解衣貫酒胡公貧甚有司乃大驚詫之于旄數及又避匿不肯數見也卒之日薪米盡絕至無合金須臾會哭奠賻者塞塗而至是日有見其由惠山泉負杖逍遙入黃公磻者

吳 綸

吳綸字大本宜興人風神散朗操履修潔皜然自疎濯於世之滋垢非其人雖貴弗與也非其義雖貧弗取也非公事未嘗一入城府值好風日或雨新霽肩輿行溪山間蒼鹿一白鶴一夾輿馴繞不驚不逸鄉人遙望之輒曰吳隱君來也扁舟往來吳越間必載鶴鹿自隨至叢林窮壑修篁灌木輒憇終日徜徉吟

本朝分省人物考

卷二十八

四七

南直人

哦不令主人知或知之輒奮絕驚去終不言姓名人亦不知其爲誰人曰其古韓伯休之流耶創別墅二於溪山間南曰樵隱西曰漁樂逍遙乎其間自號心遠居士意以靖節自擬也偏嗜茗飲其出必陽羨顧渚非其地者輒能辨之其掇之必晴藏之必溫烹之必法有茶經所不載其爐竈融鬲灰承炭搗火策之屬亦皆精絕古雅甚自貴重坐客四五人勺少許沫餽紛馥三四啜已罄必啜者有餘思始復進終亦不令飲也人又曰其古陸鴻漸之流耶喜作書雖老矣得法書名蹟必日臨數過其書往往爲鄉人取去藏之間閱古方書製藥餌爲人治療亦多奇效家產不踰中人至義事爭先爲之歲饑富家多閉糴以牟利獨開廩肆糴以賑饑或稱貸數負之又數給之不吝人犯之亦不校邑有蜀山昔蘇文忠公嘗居焉拓地築室春秋饗祀至於今故太僕少卿李貞伯有卜居陽羨之意分田宅招之至蘇必過沈石田流連浹旬乃去餘無所詰

厲 昇

厲昇字文振別號雪菴無錫人由縣學諸生升太學選青田知縣致其事歸鄉士大夫以其有善政於青

本朝分省人物考

卷二十八

四八

南直人

田也因稱之曰青田君自為諸生耿介不妄言笑於
 辭受雖小不苟論事是非人賢否執所見不少徇人
 故或迂之或固之而識者謂其有古人風青田居萬
 山中與福建接壤間更葉寇民貧以猾號稱難治昇
 初至民有周姓者與磐石衛軍某訟五年矣昇聽之
 數語遂服出而哭曰厲公早至豈有是久獄哉邑八
 都地報銀礦發監司臨焉議歲以貢有術者謂山水
 潤秀所產必廣昇直前曰吾聞金能尅木信若人言
 金氣盛矣水何得秀潤如此監司猶未信同官勸昇
 從之昇曰如吾民何申辯數四必寢乃已鎮守中貴
 本朝分省人物考 卷二十八 四十九 南直十八

張遜

張遜字時敏號鈍軒無錫人二十四舉應天鄉試明
 年會試歸益力學越再試乃入太學卒業文譽日起
 遭父喪服闋又再試遂就選授同安知縣時同安缺

官六年帑有隸銀若干兩或勸其悉取之乃盡以充
 備荒糴本民稱其廉期年而政成縣東海上有五戍
 戍長擾民且弗受禁嚴以束約之而止內侍某族大
 而驕人告侵其園田遜立正之一時荒政遜為稱首
 曰此何足稱荒在備耳乃建倉勸民以廣其儲擇耆
 老有行者司之至今不廢民葉宗發以豪干法走避
 嶺下族人往往負稅有死於獄者簿其丁升分勺別
 旬日即稅完尋以治邑高第擢福寧知州福寧亦濱
 海多盜選能者責捕之軍豪張某素負力撓法至是
 斂跡餘悉帖服乃定役法民七軍三井井不紊未數
 本朝分省人物考 卷二十八 五十 南直十八

本朝分省人物考 卷二十八

月以內艱奔歸服闋改涿州涿州在京師西南為天
 下極衝使者絡繹應接不暇而地多宦者家尤號難
 制前守率以劇廢政遜處劇以預處勢以直不激不
 促久而安之凡守之務次第修舉安州監生張錦以
 人命誣宋某株逮者三百餘人數年未決撫按檄以
 勘覈比至一訊而獄立決任丘謝令徑捕張指揮下
 獄訟之且欲搏之死撫按亦以屬之數語而解公暇
 纂修郡志質於宮詹陸公公歎其敏既而有福州之
 擢至福三月理舊務未完者千餘事發解戶以官物
 私販者五百餘事舊收十邑餘錢助附郭軍需即革

去更定驛遞夫以逸補勞民大稱便福在閩爲會府
鎮巡諸司交牒互判遜晨起左右酬應無遺務夜燭
治官書恒至漏下二十刻始罷城中外多火每躬救
之或日夜不再食始覺有疾輿而述職過涿之野民
識遜者奔走相告咸出拜曰今何意復見吾父母比
至城官屬以下郊迎信宿而去還抵家疾漸亟乃諭
其子曰吾受國恩不能報汝曹宜力爲吾補之言訖
而逝年六十四遜歷三官具能其職清勤公敏具在
疏詞民爲立碑者三日愛民曰邵金曰德政所著有

鈍軒稿

本朝分省人物考

卷二十八

五十一

南直十八

華理

華理字汝德無錫人少積學與弟珏俱隸學官爲弟
子員刻厲自奮旣而珏舉進士去爲吏部稽勲郎中
而理七試輒斥循資貢禮部卒業太學選授光祿寺
大官署丞大官掌內庭法膳供具浩穰事關中禁倉
卒皆從中涓取辦其徒率饕餮驕揚往往憑恃爲姦
利稍不厭所欲輒能中人以法理周慎詳雅潔廉自
將又平實沈厚見者沮喪訖其去無有過舉一時卿
僚共相騰譽而理已致仕歸矣其後有司復援恩例
起之卒辭不就理仕雖晚而輒知止足又樂閒曠旣

家居率以良時勝日領客燕遊南昉錢唐北盡京口
數百里中名山勝境靡不踐歷遐矚高寄黠然與思
有古逸人之風家有尚古樓凡冠履盤盂几榻悉擬
制古人尤好古法書名畫鼎彝之屬每併金懸購不
厭而益勤亦能推別真贗美惡時吳有沈周先生號
能鑒古時時載小舟從游互出所藏相與評騭或累
旬不返成化弘治間東南好古博雅稱兩先生焉錫
山華氏履德植義固多有之要不若理之篤意古人
也後以上壽終於家

張飛卿

本朝分省人物考

卷二十八

五十二

南直十八

張飛卿無錫人身頎玉立雙瞳炯炯照人鬚髯奮張
見者改容然氣岸孤騫不同一世雖時貴言不循理
必面折之或謂其宜少異曰天生吾口以出言也當
言反訥惡用口爲吳元年皇明兵破姑蘇大將軍執
士誠送京師遣豫章侯胡公帥師圍無錫僞吳將莫
天祐猶聚土兵固守大將軍遣使諭降天祐殺之大
將軍傳令胡公曰卽不下可屠其城飛卿往見天祐
曰吾民不覩天日十二年於茲矣今張氏就縛將爲
誰守况未必能守耶一城死生定在今夕願熟慮之
天祐沉思良久曰誠如君言乃縋南城而下走謁胡

公曰無錫亦良民安敢自外聲教但耳目塗塞若罔聞知今明公奉揚天威頓兵城下孰敢不懼某不避萬死特為士民請命耳惟明公加察焉胡公觀其氣貌非常言復慷慨喜曰君誠福人城不受兵宜也飛卿還叩門呼曰亟開吾事濟矣兵臨城下天祐出降一城安堵不驚民爭歡呼祝誦額手而謝曰張君生我

顧憲成

顧憲成號涇陽無錫人萬曆丙子領鄉薦第一庚辰登第初授戶部主政壬午調吏部丁亥建言降桂陽

本朝分省人物考 卷二十八

五十三

南直 張忠

州判官戊子陞處州府推官壬辰改陞吏部歷轉至選郎又以抗直不容養病歸戊申補南京光祿少卿聚徒講學為一時所宗未竟所施而卒弟允成號涇凡癸未進士需次待選即申救海剛峰建言回籍戊子改江西南康教授養病歸壬辰陞國子博士改陞禮部主事又以建言降光州判官兄弟並以氣節著尤近代所少云

補遺

許勝

許勝字守謙直隸宜興縣人洪武三十二年舉人永

樂七年由黃州府訓導擢廣東道御史丁憂復補左春坊左司直郎改大理寺評事未幾陞刑部主事建言下獄謫戍保安衛尋復貴州道御史宣德元年巡按江西陞右都御史巡撫卒

趙敵

趙敵武進縣人景泰五年進士除江西道御史建言謫介休知縣尋復職巡按湖廣河南江西累陞按察使致仕

吳淑

吳淑字艾夫宜興縣人成化十一年進士由蕭山知縣選雲南道御史建言廷杖降德陽縣丞陞公安知縣累陞湖廣僉事致仕

唐天恩

唐天恩直隸常州人正德六年知葉縣賊陷城被執不屈遇害 詔贈光祿寺少卿

薛應旂

薛應旂號方山武進人中嘉靖乙未會試第二授慈谿令試諸生首拔袁煒許其大魁天下後果如其言轉南京吏部尋陞浙江按察司副使提督學政試諸生于慈谿得向程許其可發解後得諸大圭卷大奇

之復召向程語曰爾解元爲諸大主奪去矣後放榜諸果發解向居第六其甄別不爽多類此應旂負才磊落不輕許可一時文名與唐順之相峙故語文章宗匠必曰王唐瞿薛云兩浙壬子試錄前後場皆出其手兩浙通誌之成皆應旂所裁定生平著述甚多而文獻通考一書更爲有補于後學

秦 鏜

秦鏜字國和無錫人祖旭隱居敦行旣沒而人思私謚之曰貞靜先生父永孚與弟仲孚俱以孝見旌鄉人稱之曰雙孝至鏜而孝愈篤母疾不能起而瘖鏜

本朝分省人物考

卷二十八

五十五

南直

以意揣其寒溫饑飽時飲食之便溺起坐鏜自抱持如是者十九年舉鄉試不第遂銳爲終養計竟親沒不仕曰祿不及吾親乃欲以衰年爲子孫竊祿計耶遇寡姊曲有恩禮重節緊厲廉隅不妄交遊足不企公府教子尤篤子孫化之脩文守禮恂恂敬讓不問可知爲秦氏子弟也後子涵孫禾梁皆顯而鏜不色喜唐太史順之以爲有萬石之質行而輔以齊魯諸儒之文學云

吳中行

吳中行字子道號復菴武進籍宜興人隆慶辛未進

士改翰林院庶吉士授編脩養病丁丑除原官時值江陵奪情力陳其不可廷杖爲民癸未起原官歷春坊中允洗馬諭德等官元經筵日講乙酉請告回籍癸巳陞侍讀學士掌南京翰林院事仍請告在籍聽用卒賜諭祭辛丑贈奉直大夫

錢一本

錢一本字國瑞武進縣人萬曆十一年進士由廬陵知縣選福建道御史巡按廣西建言革職爲民

孫繼臬

孫繼臬號栢潭無錫人萬曆甲戌一甲一名授翰林

本朝分省人物考

卷二十八

五十六

南直

院修撰給假甲申復除原職乙酉主考浙江丙戌陞右諭德兼侍讀丁亥陞右庶子兼侍讀丁外艱壬辰陞少詹兼侍讀學士癸丑陞禮部右侍郎乙未推吏部右丙申陞左告病庚戌卒繼臬爲諸生時與顧憲成同受知于郡守施公以元魁期許孫果大魁天下顧亦發解南畿而顧之庚辰成進士又出自孫門下繼臬在詞林以含弘博大稱而其中卓有執持鄉評亦共推爲長者

人物考卷之二十九目錄

南直隸鎮江府

秦從龍

郭任

沈固

施禮

虞謙

譚廣

盛祥

王振

胡清

儲懋

段敏

費閻

丁璣

靳貴

卻永

王臬

本朝分省人物考

卷二十九目錄

南直隸

唐侃

呂高

王燁

王樵

王宗茂

姜寶

張祥鸞

王堯封

潘自新

于孔兼

本朝京省人物考卷之二十九

南直隸鎮江府

秦從龍

秦從龍字元之鎮江人丙申王師下金陵遣大將軍

達下鎮江上謂達曰鎮江有秦元之者才器老成

當詢訪致吾欲見之意達至鎮江物色得之時從龍

有從孫承為達部軍因遣還報上喜甚命兄子文

正及朱文忠以白金文綺聘之從龍遂與妻陳氏偕

來上親至龍江迎入時上寓王絲帛家因邀同

處朝夕訪以持政從龍盡言無隱既而上即元故

御史臺為府居從龍西華門外事無大小悉與諮謀

密書漆板問答左右皆不知上稱先生而不名每

歲從龍生日上與太子皆有贈遺或親至其家與

之燕飲禮遇甚厚乙巳從龍從子澤死告還鎮江

上出郊握手送之是年十二月從龍卒年七十餘

上聞驚悼未幾督兵至鎮江親臨哭之命有司厚卹

其家

郭任

郭任丹徒人洪武中以人才薦用三十一年拜戶部

左侍郎勤於職事凡飲食起居俱於公署雖間過私

第亦不久淹一時能聲廉譽達於宸聽靖難師至江
力主抗禦之策師入城不屈戮死其子經亦處斬次
子金山保發戍廣西至次年併三女俱殺之嘉靖中
知府劉儲秀立祠崇祀

沈固

沈固字仲威丹陽縣人生而岐嶷八歲里師授之書
一過輒成誦時太祖初製大誥三編命有司選民
秀課讀之固方九歲即與選以例召赴闕試之終
篇無遺謬賜寶楮十錠以還及年十一補邑庠生甫
弱冠遂領京闈鄉薦丁外艱服闋上春官入選理刑

本朝分省人物考

卷二十九

二

南直九

內臺擢同知山東沂州事始臨民爲政自卓有能聲
搜剔蠹吏莫敢以年少易之嶧人齊泰以沂西寶山
社產銀鑛言於朝請官置局役民采辦以富國詔下
固踏勘固執奏故坑及泉通海不可得鑿鑿新坑爲
力既艱且鑛有無不可知即使其有費重而利輕又
恐民勞致變不如勿開便詔罷之永樂甲午徵入爲
戶部員外郎乙未奉勅使廣海整理鹽課議者以
課久而虧將坐官吏以侵欺國課法固謂鹽之積在
倉久則必自消折以此罪人非明主意事遂釋丁
酉進正郎辛丑拜山東右叅政督餉給軍會仁宗

登極命以本官同武安侯鄭亨督軍事鎮大同賜
璽書以行宣德丙午命與武安及叅將曹儉統兵行
邊設險爲備其規畫多出於固宣宗嘉之庚戌召
赴闕計議邊餉事稱旨辛亥建白安邊四事從之

有言大同人私闢土田自封殖而未輸官者詔遣
兵部侍郎柴車御史熊鐸翼往看定畝起科固以地
薄而賦重人所不堪且戎事方殷宜從寬大爲言乃
得減輕其半人賴以安英宗初位固上言北虜屢
入寇邊迄今未已緣以虜情狡詐我軍守西彼則擊
東及我之東彼則復西勅旨戒其窮追恐虜漸生

本朝分省人物考

卷二十九

三

南直九

輕慢且使官軍勇者爲之喪氣怯者得以飭詞是致
功效無成邊患不息臣以謂不探虎穴不得虎子今
後遇虜之入許令追襲相機而行彼衆我寡則臨邊
固守我強彼弱則出境窮追乘彼不虞且擣巢穴仍
令間諜密探賊踪官軍奮勇取勝連出數次賊必瓦
解縱未得利亦使軍威遠振疏上從之丁巳奉勅
會同征西前將軍方政遊擊將軍楊洪統兵護送朝
貢使臣出境因絕漠度亦山追勦叛虜而還己未疏
上十事皆備邊制虜要務辛酉命兼綜理兵食二
事尚方特鑄總督邊儲印記昇之復陳邊計以兵之

所需惟糧為急將欲安邊當務久計又因阿魯台部為脫歡所破餘眾竄於我邊不無鼠竊狗偷之患而脫歡又復驕矜虎視中原將有覬覦之意至厘 聖慮添調軍馬運蓄背糧邊圍嚴於扞衛蒸庶煩於供億近以二虜一滅一死稍得寧息將卒燕閑然以數萬之眾坐費民供則於國計非便臣在邊年久頗知其要大同地利其中路有青楊林馬頭山等處西路有樺皮溝行院屯等處東路有爛柴溝陽和灘等處上沃而多水草洪武永樂間俱有居民屯種畝收穀至二石後以虜寇犯邊守將自圖遠禍逐民不許耕佃至今荒蕪誠為可惜夫古今備邊長策莫如屯田此趙充國所以為漢之良將也臣謂方今宜於諸屯戍所屯步兵隊分伍比於所近沃野開耕作息以時乘閑講武至秋收成官為歛發而出納之歲會月支足國裕民莫過於此又疏言迺者 勅遣大同鎮守總兵等官會兵出塞諸將既拘 聖旨且欲要功一時並出無留後者夫雲朔地方廣遠西北兩邊密邇瓦剌既變詐叵測而兀良哈或潛懷異圖皆不可不為之備今諸將奉 勅盡行出境萬一為虜所誘牽制我軍以襲我城則無制之兵誰為調度此豈萬

本朝分省人物考 卷二十九

四

南直五

全計哉請自今遇征行有 勅調遣諸將宜出戰居守各任其責庶有所濟而無所誤 廷議咸是其策壬戌拜戶部右侍郎祿二品乙丑以母喪免 上以邊計為重奪情視事因乞終制章再上不允 詔遣官諭祭其母而命馳驛奔喪襄事畢即赴鎮丙寅上邊情大事十策於朝朝議從違不決而罷己巳秋虜果大入 朝廷乃命西寧侯宋瑛往撫師督戰不利諸將或死或遁惟固以居守獨完既而 車駕親征幸大同與廣寧伯劉安率眾出城朝見 上命括官幸大同與廣寧伯劉安率眾出城朝見 上命括官

本朝分省人物考 卷二十九

五

南直五

席金帛以犒虜酋或難之固曰主憂臣辱王辱臣死古之義也 主上有急可顧身為他謀耶且武庫物皆 朝廷所有豈人臣所得專天祐 聖躬倘可以權道餌虜脫吾君於難雖不命猶將為之矧命之及乎請奉 詔設有罪當坐不以累諸君眾乃從之即盡出所有以獻而具聞於朝景泰初大臣掌利權者奏請下吏較勘有無欺隱欲因以中之固不為動吏亦不竟久乃白其年冬以城守勞進右都御史乃上言自虜變以來臣欽承 上命伴守孤城晝夜營營惟圖殺賊以雪國耻今具拙策不敢望其必行伏乞

聖明謀以碩畫擇其可否其策文多不載辛未以却虜功轉左都御史尋赴 闕議事因上章乞致仕從之賜錦衣一襲歸會 英宗復位以璽書趣召入覲上延見便殿褒諭再三即日拜戶部尚書賜以白金綵緞奇南香帶金織雲鶴襲衣 上每宸遊嘉宴輒召以從亦時偕遊西苑數有珍異之賜三年以衰老自陳乞骸骨陞辭賜鈔賜宴公卿祖餞於都門人咸以疏傳方之 憲宗嗣位進從一品階榮祿大夫至是以疾終年八十一所著有耐翁稿若干卷奏議錄若干卷藏於官爲人魁梧儻器宏識遠度量恢廓

本朝分省人物考 卷二十九 六 南直九 劉 眉

多籌略善議論歷事五朝游陞華要身在邊鎮者二十七載前後所承璽書三百餘函而所上章奏不下數百居常不以武衛廢文教修文廟建經閣興學育才孳孳罔怠至於臨危處變拯敗救債卒完成鎮以固邊防及其晚歲起自休閑入主國計精力未衰鉅眷方盛而深惟止足之戒引年而歸亦庶幾完名全節云

施禮

施禮字仲節丹徒人身長廣額自幼才識過人孝親友兄鄉黨稱之名聞上官卽選爲邑庠弟子原讀書

爲文不煩師資制行尤迥出流輩未幾以詩經領鄉薦洪武丁丑登進士第歷行人司副河南參議以方正寡合罷免尋起任淮安府知府復以誚誤被謫所居岑寂行橐蕭然略無怨懟意衣食惟資僮僕耕種一貧如洗優游自得若忘羈旅者永樂三年被召回京除山東道監察御史九載陞大理寺丞尋遷少卿至署行在刑部事陞行在刑部右侍郎九載陞刑部尚書平恕之心益堅水蘖之操愈勵措履方正性度寬平斷獄判決如流未有不得其理者爲御史時嘗曰吾於此職不敢以訐爲直以察爲明惟就事論事

本朝分省人物考 卷二十九 七 南直九

識者已謂有大臣體自是敷歷中外經事四朝始終一致一動一靜鮮不由禮於以保完正氣有不可一言一事盡其爲人者計聞 上卽遣官諭祭每言天不福朕失吾臯陶也 勅賜修墳立碑以表異之

虞謙

虞謙字伯益金壇人也洪武乙亥由太學生擢刑部山東司郎中陞杭州知府永樂初召爲大理寺左少卿尋陞左副都御史命巡視淮揚旱災至則疏民所苦請發廩賑貸官爲贖還所賣男女爲奴婢者復命督兩浙蘇松諸郡運賦建議以丁糧多寡准運之遠

近者為定則巡撫浙江察廉糾貪上言十數事多見施行 仁宗即位擢為大理卿先是都察院論詭騙罪准洪武榜例梟首謙言比奉詔書自今准律斷罪詭騙在律當杖而流梟首非詔書意 上曰虞謙言是天津衛倉災焚糧數十萬石御史廉視還言主典者盜用多故縱火以自蓋追逮幾八百人不勝拷掠皆誣服論死者百餘人謙察其冤白于 上得減論凡法司及四方所上獄皆親閱之必求其平大辟尤致慎焉詔求直言謙上七事其一論用人曰得人則治興非人則治隳人主之職在擇人而已其二論學本朝分省人物考卷二十九 八 南直九

校曰教育之本在師範不惟其備惟其人三曰都察院耳目綱紀之職用以激揚清濁者也今專使治獄非設官本意四曰廣蓄今國用空乏宜預為備五曰北京八府之民困於養馬宜分給無馬郡縣以蘇圻內六曰鈔法不通由於出多而入少今宜多方收之而不輕出民艱於得鈔則自流通七曰京師多盜由于軍民雜處官司不便約束今宜勅五城兵馬司立甲伍之法無分軍民使互相覺察一家有犯十家連坐能捕首者免其罪皆切中時弊謙儀觀甚偉瀟灑絕俗工詩所著有玉雪齋稿

譚廣 譚廣字仲宏丹徒人也父諱添四當 太祖高皇帝起義濠梁居戎籍從征克金壇常州江陰明州等郡遂留禦明州收捕蘭秀山以終時廣年十四補父籍繼被選入補驍騎衛後調府軍為伍長帶刀宿衛誥授昭信校尉燕山中護衛百戶從征乃見不花轉燕山左護衛又征驢駒河黑松林朶顏山等處已而從太宗奉天征討 上知廣驍勇有謀命率百騎伺敵涿州廣生捕陳榮等三十人輒械以聞 上益親信隨戰敗齊尚書兵又戰白溝真定來河功陞指揮使本朝分省人物考卷二十九 九 南直九

又戰敗都督韓觀兵陞大寧都指揮再從征胡先鋒破賊陞都督鎮守宣府正統六年捕虜獲胡馬中律封永寧伯食祿一千二百石錫以誥券九年 上憫其老不欲重勞以事命武定侯郭公往代其任驛召還未幾而薨為人長身玉立膂力絕人平生百有餘戰戰必勝然未嘗妄殺愛人下士恒恐不及士卒勤勩不啻在己寒為之衣饑為之食故去也人慕之其薨也人哭之咸盡哀初所統神機兵鮮明晃耀進止有度望見皆曰此譚家馬 上有所指揮亦曰譚家馬至胡虜相戒亦曰慎毋犯譚家馬迨今猶以為號

所得祿賜一不以私嘗出為學舍浮屠老子宮之用
薨之明年子亨為指揮使

盛祥

盛祥丹徒人永樂中登進士官泉州照磨當道交薦
遷知道州以儒雅飭吏事操介凜然州有虎患禱於
鼻亭翼日二虎渡河一虎斃於祠下未幾卒于官百
姓稿素哭拜合祀于寇萊公祠

王振

王振金壇人永樂中舉孝廉授監察御史巡按交趾
選賢舉能罷其貪墨不職者數十人卓有風槩凡一
本朝分省人物考 卷二十九 十 南道十九
十三年民夷信服清廉之節終始如一改知温州府
未幾致政而歸不挾官中一物蕭然如寒士焉

胡清

胡清丹徒人永樂中舉鄉貢任清平縣訓導超拜禮
科都給事中遇事敢言不避權貴侃侃之節見者凜
栗遷浙江叅政時島夷煽虐於東甌清督兵拒之盡
殲于海洋事聞賜以綺幣子信舉正統間進士嘗知
鶴慶府卓有政聲

儲懋

儲懋字世績丹陽縣人由訓導擢吏科給事中正統

改元命充經筵講官懋儀觀魁偉音語明暢講解稱
旨尋陞翰林修撰與修 宣宗實錄書成進侍講有
白金綵幣之賚遂拜戶部左侍郎時福建用兵命懋
主糧餉得便宜行事懋至諭有司毋急歛困民因令
豪右出粟以助官軍用不乏景泰元年調禮部右侍
郎踰年母卒詔起復視事尋陞南京戶部尚書時已
病不能朝尋卒訃聞命有司諭祭治葬

段敏

段敏金壇人天順丁丑進士累官浙江叅議值峴賊
倡亂所在抄掠民苦於屠虐積歲未平敏至多設疑
兵以誤之閒道提精銳直搗其巢穴斬獲無算眾皆
散解渠魁殲焉會江西起大獄詔敏勘覈敏當積瘁
之後復兼程以進得疾遂卒敏居官廉謹一介必嚴
馭歷中外幾三十年家無中人之產

費閻

費閻字廷言號補菴丹徒人成化五年禮部試第一
第進士選為翰林院庶吉士授編修同考禮部與經
筵陞國子司業秩滿陞春坊左諭德仍管司業事未
幾陞祭酒弘治元年 孝廟初開經筵簡充講官
車駕視學賜坐講彝倫堂及直日講遂改少詹事兼

侍讀同修 憲廟實錄成進詹事兼侍讀學士再越月擢禮部右侍郎病滿三月例停俸 詔特不允弘治六年六月卒年五十有八遣官祭葬如制閭長身偉貌論議疊疊臨事通變慷慨且恭謹自持人恒以公輔期之其在國學最久士子多所造就為詩文清健有則所著有自考詒笑補菴諸集性儉而能達尋常雖故紙敝帛必適於用病未久棺衾即令預製以故雖歿於暑月得無後憾云

丁璣

丁璣字玉夫鎮江丹徒人父元吉學行高古隱居教

本朝分貨物考

卷二十九

十二

南直九

授學者稱為易洞先生璣幼服廷訓巖然早悟弱冠舉進士授中書舍人同官烏傷王君長逾倍尊事之吳文定寬與為忘年交成化末以星變應 詔疏治道本末時政得失反覆數千言而根極於正心諸教東宮振紀綱正風俗慎用人重名器蘇民困理財節兵皆切時政未言方士釋老近之則害治宜斥遠疏入為羣姦側目以同官公過連逮出為普安州判官普安遠夷去中州萬里非人所居璣獨從一僕怡然行泰如也弘治初三原王公恕為太宰雅重璣延見坐語者竟日明日復召不赴奏記言今日無急於正

君然非一人一日之力宜早堅 主上嚮道之志關進賢之路庶本正源清制治保邦之務可次第而舉太宰躋其言欲引為吏部竟為忌者所沮轉廣西通判猾伍以怨誣鄰民為盜斷其舌斃之獄汚鬻其妻女逮伏法同官坐事者處之曲有恩至丐印易牒執不可曰某平生惟辨此一片心事君敢為欺耶內服闋倪文毅掌銓即家起儀制郎尋以副使提學廣東入賀道清遠山水暴發而沒翌日得其屍衣冠端整如生存璣充養深粹居圓運方身不踰中人而任道好古崇正闢邪有萬夫直前之勇羣吠眾譟不震不

本朝分貨物考

卷二十九

十三

南直九

疎有百煉之剛以儀禮周公之典久廢不行家居冠婚喪葬一取衷之其教人正容端坐澄心定氣使躁釋慮消方與開講其析疑義入毫芒而文主雅純其為政先風化而一以誠意將之有去後思室廬不庇風雨子女踰期無力為嫁娶而愛君憂國一出天性蓋儒學不傳得其門者或寡璣窮探力索深融冲粹志之所向不息不岐一以考亭諸子自期待魯齋臨川而下不屑也所著大學疑義中庸語孟說及儀禮注未脫藁大學士靳貴從受學尊事之終身稱其中行獨復於衆醉羣污之中任道甚力制行甚方涵養

其粹德性甚良如金剛玉潤云

靳 貴

靳貴字充道丹徒人也弘治己酉鄉試第一庚戌會試第二廷試第三授編修歷少師戶部尚書華蓋殿大學士贈太傅謚文僖貴素靜重簡默不輕為臧否對客論事恒不盡其辭人或以為過慎比居密勿侃侃正言略無避忌事關宗社同事有所論諫從吏甚力家居率從簡約作師儉堂以示子孫蓋亦休休有容之大臣也而其敷對之詞與應酬之文俱多純正典雅蓋亦與其人相似云有集若干卷藏於家

本朝分省人物考

卷二十九

十四

南五十九
高本

卻 永

卻永字世延別號龍泉 高皇帝起鳳陽諱聚者仗劍從之以死勤事晉指揮使調金山衛遂家焉永生十歲失怙然警敏有大志稍長游庠校讀孫吳兵書弘治壬戌任行伍遇賊輒奮勇獻馘晉僉都指揮乙丑賊寇虞嶺官軍困七日夜永出奇解圍當道交薦聲稱煜煜焉正德己巳晉都指揮同知擢陽和獨石叅戎尋轉遊擊將軍辛未京輔盜興民鮮寧宇永感憤敵愾靡出弗摧斬獲二千降散數萬凡追回掠物給主無王者給之軍士秋毫不已私焉過郡邑搜閱

志圖務稔知夷險俾從事弗迷初承受命止燕幽齊魯及賊南將兵躡之昕夕戰不休或有客謂守界以需功成永曰賊騎深入如病切心腹除惡不務本吾其階厲矣人臣在征戰義得專安可襲常故也迨至鎮江擒元愍殪餘醜而大難卒襄捷上 上嘉悅褒之璽書錫之金幣擢都督僉事屯鎮河間甲戌佩征西前將軍印鎮上谷逾三月虜侵寧夏孔棘移往鎮之旌旗所至倏爾改觀華夷懾服丁丑吐番忠順王入寇 上命佩平虜將軍印督三秦兵剿撫之乃多出文告布于邊徼云茲役討不庭也今已誓番漢兵

本朝分省人物考

卷二十九

十五

南五十九
高本

百萬眾其將可某地某地可某師毋怯毋貪毋虐毋縱罔克有勳毋貸義正詞嚴聲赫靈濯虜謀知祈哀入貢焉既振旅旋廷臣列疏上擢左軍都督府左都督云己卯再受命開府三關逆彬忌之中以事繫於理賴汪給事中抹章獲免焉己佩征虜將軍印鎮遼左時開原封守廢會撫監城之相與提兵境上防護一日既結寨時將晡占象察形以移壘言撫監不可再言之竟遷一舍許無何暴雨如注舊寨水盈丈撫監遜謝之癸未賊以二十萬入寇眾懼謂賊眾我寡勢不相格永徧諭諸將堅壁遏衝躬帥精騎往敵之

沉謀英識懸合妙中計斬四十首輜重無算捷奏
上降勅褒賚焉丙戌以疾懇辭方就閒廷臣更薦之
再佩鎮朔將軍印鎮上谷扶疾出塞戊子疾轉劇累
辭 俞允三月甫痊即起僉左軍都督癸巳賊逼三
晉羽檄日馳復佩平虜將軍印總制宣大偏保虜宵
走會雲中師奸紀偕少司馬劉公源清往問罪焉謀
殄渠魁罔治脅從審機用間懸賞待勳地方寧輯事
竣歸里癸卯再佩鎮朔將軍印鎮上谷永自惟虜頻
年輕我宜示之以強乃毀垣許入賊疑懼無犯越歲
始糾眾寇渡口復躬擐甲冑指揮將佐斬首五十賊

本朝分省人物考

卷二十九

十六

南直十九
高作

氣索然 上聞復勞賞年且暮尚不自倦於勤也如
此塞垣未飢烈懷憂悒用特糗糧平版幹議遠邇揣
厚薄不愆於素屹成巖險乙巳數上章以老辭歸三
載病彌篤進二子訣曰而父官六十年受簡書三十
縉紳薦疏六十戰大小百有奇能識而父言母忘而
父有子矣言畢目瞑 上聞之震悼遣官諭祭議謚
隱懷

王 臬

王臬字汝陳金壇人正德丁卯鄉舉丁丑進士初授
兵部主事諫 武宗南巡忤 旨詔賜廷杖以外艱

歸服闋仍除兵部以母老乞南曹一職以便親改南
京戶部尋改南京吏部考功司主事晉稽勳司郎中
出知東昌府以母老陳情乞便養改寧波仕至山東
按察司巡海副使東昌土曠人稀召人開闢編戶有
土民遷民之異田稅多寡初無定則而豪猾因得以
上下其手富者種無糧之地貧者納無地之糧臬因
民具奏奉 命丈量臬生長南方洞知量田之弊全
由委任不得其人選于所屬得知縣張四維等分任
其事而躬親按校之周一州七縣未嘗費公私一緡
而宿弊頓清均田之後復稽其地之荒熟以均科徭

本朝分省人物考

卷二十九

十七

南直十九
胡王

逃移者聞風復業身率諸屬存恤安插仍為之處給
牛種禁州縣科歛之不時者又本府夫役率為市猾
包攬一身常兼數役空名影射姦弊百端臬至令各
州縣於應該役一半徵銀一半走遞聽民自便不得
抑勒遇有使客往來先儘見在人夫差撥如有不敷
給銀顧募嘉靖七年冬會計一年之間存省夫銀三
千八百餘兩八年新審均徭具申巡撫每夫減銀二
兩有奇河下接遞出給印信長單夫有定數過客不
得多索夫役不得脫逃問菴馬公以舊巡臺經過縣
官送夫頗溢常數馬公輒發還曰以成賢太守之美

泉自蒞任以來清簡牧愛士民歸心惟過往士夫間有不樂者大要接見踈簡及人夫接迎不滿其意耳未幾解任而歸臬真率坦易於事未嘗苟同平生不欺人一語坐無箕踞行無左右顧遇意所不可若嚴厲不可犯而度量寬洪能容人之所不能容終嘉靖癸丑年七十有七

唐侃

唐侃字庭直號嘿菴丹徒人正德癸酉舉於鄉久之選爲永豐知縣遷武定州知州已而擢南京刑部員外郎轉郎中自束髮至蓋棺未嘗一日不兢兢砥厲

本朝分省人物考

卷二十九

十八

南直十九
胡玉

名檢然於廉耻大閑則若生而成之年二十獨居所讀書處夜有奔者峻拒之明日遂移其處終不以其故語人爲孝廉卒業國學偶出游得巨商所遺金不啟囊而還之其於貨利聲色能齟然不汗若此平生尤以忠孝氣節自許諸生時父被繫上書請代弗得乃藉草地寢夏不帷冬不被如是者竟一年父寃白始止居常清苦自刻及爲州縣未常以妻孥自隨數千里外獨與一二垢衣村僕相朝夕而飯蔬羹豆榻茅以居有寒士所絕不堪者其任永豐武定永豐爲江西刁訟邑而武定爲山東悍州侃素愷弟長厚務

掩人瑕爲吏尤欲以教化先之不忍以敲朴苛細爲能故所設科條始若迂濶久之真誠溢出吏民至不忍欺給遂以辯治稱俗尚鬼有嶽神祠居人奔走雜男女香火無空日又喜爲優閭里浸淫耽於欲而匱於財侃曰此大蠹也立痛革之植二木牌於庭左曰從刑右曰從化願就理者左願和者右久之多立於右以求解言當於理雖賤吏必改容謝之其無理雖權勢人百方爲請毫不假貸以是告訐請託之俗爲之一變其在武定則尤以鎮靜拊綏疲人嘉靖戊戌章聖梓宮往承天道山東諸奄橫索百端奴叱諸尊

本朝分省人物考

卷二十九

十九

南直十九
胡三

官鞭撻州縣諸同事者皆懼逃去侃獨以身當之先是命從者舁一空棺密置旁舍中及諸人索錢急佯謂曰吾與若詣錢所受錢乃引之旁舍中指棺示之曰吾已辦死具矣錢終不可得也諸人乃稍稍引去事遂以辦始上官哀民間財甚鉅侃日以半往足矣至是所需又不及其半而以餘還之公帑諸逃者皆被劾逮罪而侃乃受旌侃居常怡愉簡默温然不見臧否其爲吏尤恂恂至其臨利害則鋒鏑凜然敏銳集事絕出於精悍吏所不及者朝覲考滿入京師率空橐以行以是著節亦以是淹滯於世稍遷刑部主

事員外郎然在郡縣久人情吏事益練習居刑曹尤以執法得情著聞卒於官年五十有九貧不能殮部尚書而下咸賻贈之始克歸葬

呂高

呂高字山甫號江峯丹徒人嘉靖己丑進士選授戶部主事劄管太倉時中監尚未盡革事多齟齬高以清肅蒞之弊端翦而公法不廢暇則與余繼甫相唱和詩文日有長益改淮南監視常盈倉事閒肆力讀書文名由此起調轉兵部武選司主事值大同戍卒稱亂勅往遼陽募兵再陞車駕司郎中驛傳積

本朝分省人物考

卷二十九

二十

南直十九
胡三

弊不可勝計又勢要求索難支乃榜其事於驛門即權力者不為忌未久 聖駕南幸張方山行慶以都御史被逮浚川王公廷相帶管清道刊布告示題覆奏章正車駕司事也日夜行百餘里倘事體未熟才思稍鈍者即時獲譴况往返六千里閱歷六十日耶浚川初猶閱稿後則惟閱 旨意而已及抵京欣然稱讚不絕口陞山東提學副使至則行政有要取士無失士有卓異者拔入湖南書院親自督課講明正學務得真才兩次鄉試中式者多優等署臬司印數月雖瑣務且及重大事無不結絕者吏畏民服積年

訟牒一訊立得其情負冤抑者咸願赴藩司之門矣會相嵩深銜御史摘試錄中辭似涉譏訕者以聞 上大怒械致御史并藩臬之有職事者繫之獄罪謫有差而御史竟死杖下臺中以為高從吏之也竟被察典以歸歸則日與錢少叅亮輩酌酒賦詩徧遊金焦諸名勝不但與世無求亦自忘其曾為官也十餘年極盡林泉之樂偶感寒疾汗下不快不數日遽卒年止五十有二所著有湖南訓規三城錄并江峯漫稿若干卷

王燁

本朝分省人物考

卷二十九

二十一

南直十九
李新

王燁字韞孟世為金壇人自少讀書即以古人自程度刻苦勵行舉南畿鄉試第二嘉靖乙未進士為吉安推官治獄明恕以禮義勸導爭者皆悅服而去秩滿遷給事留省風采凝重雖同官亦畏憚之數言事皆剴直嘉靖中相嵩竊柄張威福燁疏論嵩并及其子世蕃時嵩之姦未著而世蕃之惡人亦未盡知燁在吉安蓋得之先見而中其隱曲故嵩尤恨之未有以發敘遷山東武定兵備僉事以任滿赴部踰限奪職舊格所無出嵩旨也遂著為例燁在山東嘗麗御史行部而副使吳龍道病乃入謁御史曰吳副使病

甚危不可委之下人非某往視不可遂辭御史而行
至今東藩之僚猶道之而服其義焉歸里未久竟以
疾卒仕宦有年貲產不增於寒素時婚嫁葺廬多稱
貸於人病時蕭然一榻布被蔽體邑令因問疾見而
深嗟重之臨終語人曰聖賢無自是之學問古今無
自用之豪傑同邑范楷子正親喪三年不入妻室禮
敬之終身唐治慙直負氣常下之讀書之室曰樗菴
有樗菴集若干卷行於世

王樵

王樵號方麓金壇人舉嘉靖丙午鄉試明年遂成進
士授行人丁母憂歸癸丑起補原職遷刑部主事已

本朝分省人物考

卷二十九

二十二

南直十九
李解

父憂服除遷員外郎數以執法與分宜抵牾而給諫
吳時來論列分宜罪狀謂樵與其謀出之東兗遂引
病乞歸徐文貞李文定相繼登軸素相善而堅卧不
起者垂十四年江陵初輔政搜討名實之士以浙憲
副起用尋入爲尚寶卿江陵自負推轂功而樵殊落
落無附麗意又以御史劉臺疏薦樵而劾江陵大啗
之樵竟以星變自陳歸矣江陵敗起太僕少卿累官
光祿大理卿刑部侍郎擢南京右都御史樵爲人恬
默靜慎所至以寬簡稱然能使人不敢以私干而豪

右重犯法講習國家吏事旁達洞解而不肯鶩於局

外若世人插標樹羽沾沾狗名之爲者其爲刑部郎

治律如儒生治經字比勾櫛貫串折衷有手纂讀律

私箋嘗嘆曰士大夫專以留心案牘爲俗吏文墨詩

酒爲風雅夫飽喫官飯受成吏胥而謂之風雅可乎

肅宗末年多有所誅震縱舍以示不測而分宜時借

以行其私宣大總督楊順嘗殺沈鍊以結分宜後以

邊事論紕法當斬分宜欲貰之樵力請於尚書鄭公

宜以去就爭卒論死其巡東兗也會景王之國道出

部內舟千艘役夫二萬樵言派鄉夫則擾民一用顧

本朝分省人物考

卷二十九

二十三

南直十九
舉

募應募者皆沿河積猾縷跣而行自平原至沙河二
千里半月出境當是時閭閻縱橫至繫縛郡邑長吏
以徇獨山東不及於譁爲浙西分巡職兼治兵而西
吳故鹽盜藪樵練士厲兵嚴保伍之法捕治劇賊潘
榜等又兼得其宿豪名猾罪遣之又督調諸將戰覆
四倭艦於徐州洋捷聞贈秩賜金其歷法曹也治城
且書猶故爲郎時曰人命至重彼以一縷懸吾筆端
而敢不盡心乎哉嘗一當熱審兩慮重辟雖死者亦
心服而去及解任以歸徒步里中與後進敵禮與負
擔讓道浣衣脫粟樸邀如野僧寒士擁田僅四頃家

無長物未嘗以貧介念御子弟以慈勝然意所不可少見顏色甚於市撻待人坦率無機絕不為崔峻福截之行然與之周旋能使誕者訥而放者斂杜門却掃郡大夫有終任不識面者其造請詣見嶄嶄如也故論者以為今時之古人云所著有周易私錄尚書日記詩考周官私錄春秋輯傳四書紹聞篇行於世

王宗茂

王宗茂字時育鎮江人登嘉靖丁未進士初授行人晉廣東道御史時嵩方貴幸以其子世蕃恫喝百司挾其賄巨萬虜闖入至都門外而相嵩賄益甚乃郎

本朝分省人物考

卷二十九

二十五

南直九

中學詩御史錦以後先論嵩逮褫職宗茂上書撻嵩誤國負王八大罪罪皆有指是時 上不能無動而外難相嵩顧召當制大臣諭且薄其罪得為溫之平陽丞自宗茂謫而相嵩益盛諸論嵩父子而逮者非死則亦成禍加慘宗茂之丞平陽務為精勤稱職不少見遷人態而其所辨誣良民為島寇導者三十餘人又厲禁其棄女者俄丁母憂歸是時父布政公橋亦以嵩故罷歸晨暮夔夔奉食不敢以毀容見也退而哽咽幾絕者數四布政公老且病時時雜他懼以薦久之布政公亦竟不起茂自是摧毀無復意人間

矣天子尋用御史言斥相嵩戍其子而宗茂竟以哀憤積疾卒相嵩罷與子戍即其卒之日而茂竟不及知也當屬續語不及私唯曰 上活我無以報 上恩煩孺人前泣請訣正色曰某即不肖而終見女子手耶手揮扇自若頃之目遂瞑至 穆宗初下制褒贈光祿寺少卿少卿五品法不得予葬祭 特恩授之復賜諡錄一子春秋祠祀勿絕宗茂貌寢善談笑與人處爽朗無他腸所為詩文援筆立就善騎射於書靡所不窺然畧知其指弗肯竟舉於鄉凡五上春官輒不利矻矻不少阻最後成進士為行人使魯晉

本朝分省人物考

卷二十九

二十五

南直九

二國却其餽御史南京僅三月丞平陽倍之人呼為青天王於其行泣而送者溢道路布政公素嚴難事年五十餘猶宛然孺慕也卒於嘉靖壬戌春秋五十有二

姜寶

姜寶字廷善丹陽人同兄寀力學及遊荆川唐先生之門所聞益進荆川深期許之嘉靖癸丑會試第二人選入翰林為庶吉士丁母憂歸服闋除編修時嚴相當國趨附之人昕夕如市廷善獨與同志數人約不時會聚相見各以身心世務相 講求切磋期於

不負此日權門惡之出爲四川提學僉事轉河南叅議陞福建提學副使其兩任提學敦尚行誼崇雅黜浮士風文體皆爲之一變在河南處伊庶人事潛消不送洛人賴之陞南太常少卿改右通政尋轉國子祭酒申飭監規建復積分之法欲不失國初養士之意期有實用會高相素嫌廷善至是因其駁查魏國家奴事遂中以危法聽勘家居十餘年始得白薦起南太常卿刑部右侍郎改吏部陞刑部尚書改禮部皆在南京以二品考滿贈蔭子皆如制尋引年乞骸骨詔加太子少保致仕家居置義田立義學申宗法以統理族人年八十以壽終

本朝分省人物考

卷二十九

二十六

南直九

張祥鸞

張祥鸞字道卿號虛庵金壇人也性沈靜喜讀書停蓄妙思秘不輕發發必得意弱冠舉於鄉益求四方名士與之遊用是學益進而文益高嘉靖己未舉進士爲戶曹郎十餘年前後老於曹事者皆服其詳練至於文學蘊藉尤爲一時名流所推典滇之大郡郡在會城凡一方夷情邊備及事之難決者部使者必以屬之又勲臣之世守其地者以罪逮嗾其下上下下洵洵爲處之咸鎮靜有體遂以帖然中外倚仗甚重

方謂旦夕且柄用而遽請告以歸其歸也以直一寃獄忤當路意人共爲稱屈而祥鸞絕口不談或謂進退之際尚可徐處不宜過於引決亦惟怡然引謝而已蓋其雅志恬退初不因事感觸而輕於長往也歸來惟蒔花種木去家數里爲別業讀書其間足跡罕入城市其詩有陶阮之欣適兼徐庾之溜亮師頌維之風格撫陳杜之高華文藻而不浮密而有綴連貫則尺幅於丘明騁頓則鑪錘於遷固乃其學業之工悉鏤腑匠心尤爲士子所珍云

王堯封

本朝分省人物考

卷二十九

二十七

南直九

王堯封字爾祝號華崗金壇人早歲爲諸生擅雋聲爲文語必驚人不極其意之所到不止萬曆癸未試南宮第三初授戶部主事條奏足儲之實四恤漕之實四救荒之實五得旨著爲令出守南昌府左遷許州同知先是爲戶部方議開納堯封以開納弊竇惟銓曹效勞官吏爲多欲大爲汰革銓司銜之故中以京察已丁母憂服闕補貳陳州復宓羲之陵於侵蝕脩郡邑之乘于漫漶己亥擢守滄州時礦稅繁興中使旁午加意調劑民用不擾又編審丁戶減舊額幾半歲大稔奉 欽發賑濟躬勸料理人沾實惠長興

丞白某部運過滄挾功司郎勢而橫攬賄為郡猾居
 間乃暴之章白伏辜去復以事謫兖州別駕擢南刑
 部主事繙閱爰書平反甚衆即勳貴無所假借轉南
 戶部郎中時曹多虛員兼攝諸司事文案填委應之
 如流水督倉理鹽種種善獨強項勁骨屢挫不回
 遇事輒發三吳治兵使者有賢聲入臺抨中因對衆
 而折抨者之謬其人不堪並許於朝當事者為先後
 出兩人補外而堯封得黔之思南歎曰身自吾有之
 安能以垂暮之年行萬里途耶疏請以原官致仕歸
 歸則解經刺義為詩酒社眺聽山川吟嘯日月以為
 樂嘗曰吾家世淳茂勿習於澆世清貧勿流於利世
 誦讀勿惰于嬉令鄉里稱為清白吏子孫足矣所著
 有學惠齋稿藏於家

本朝分省人物考 卷二十九

二十八

南直十九

潘自新

潘自新字汝明號用吾家丹徒之太沙沙四面受長
 江而新舍其間若秦風所謂伊人宛在水中央者也
 世耕沙中汚邪田伐菝緯蕭至新始就傳受學年三
 十補潤庠弟子而氣恒矯矯若耻以身浮沉閭里間
 性峭直人有過必面折之人卒諒其無他腸也尋亦
 悟已非是輒佩韋寓警一日有稱東海王心齋先生

本朝分省人物考 卷二十九

二十九

南直十九

用布衣起海濱心獨怛怛動謂聖賢為必可學聞從
 鄉之儒先論道德性命之旨起居飲食家庭間一稟
 於先民程法而鄉之長老相聚笑者曰唉潘孺子之
 為人何為是拘拘者孺子欲衣堯服而操堯行耶
 非也若今之所稱聖人傑士者必掇上第取巍科上
 耀父母次華妻子美官室而富田園赫赫于鄉里者
 真聖人傑士也孺子何不此之務張汝弓挾汝矢以
 射當世之顯貴而乃為此妄庸腐儒之士可笑者也
 聞之重唯唯謝教而中實傲睨之新天性至孝友事
 父東園翁每竭力色養而待弟又新為最友愛一日
 東園翁從沙中涉江望郡城中流遭風逆舟覆時居
 維揚領生徒說詩至欲報之德吳天罔極忽涕泗泫
 淫曰異哉何祥乎少頃家人傳翁變遂徒跣走六十
 里抵江濱大號五日夜曰天乎地乎神耶鬼耶我思
 夫使我至此極者而不可得也於是感諸文學錢應
 昌談自新等具言郡守下合屬延江舟子操舫上下
 百里大索風濤又十日夜所獲江中金鐵及腐肉朽
 骨無算而翁卒屬之蕩然不可問矣是時新兩脛沒
 沙泥中幾敗不支友人慰之曰無以為也而翁之不
 免於水命也且君欲讐陽侯而訟大江之神乎俱死

無益也所為君慮者上有垂白之母下有藐諸孤在也聞之愈益泣而弟與子掖而歸卧苦塊問具棺以翁生時所嘗服御內棺中立營為表命曰衣冠之葬自是三年讀禮啜粥食蔬無笑言悅色終其世不入內室豈所謂天性至孝完行端嚴君子非耶

于孔兼

于孔兼字元贊號景素鎮江金壇縣人萬曆庚辰進士授江西九江府推官丙戌陞禮部主事壬辰陞郎中癸巳建言降安吉州判官乙卯卒

本朝分省人物考

卷二十九

三十

人物考卷之三十目錄

南直隸揚州府

蔣宮

徐司馬

朱顯忠

李敬

翟善

石光霽

成璉

李伯昇

潘原明

茅大方

顧成

董璘

高穀

蔣貴

王業

孫安

本朝分省人物考

卷三十目錄

一

南直三十

曹義

許寧

許貴

馬士權

張文

儲瓘

冀綺

高銓

張稷

陳壁

朱訥

黃瓚

顧溥

劉寧

杭雄

仇鉞



本朝京省人物考卷之三十

南直隸揚州府

蔣官

蔣官字伯離真州人三歲喪母哀毀如成人五歲誦孝經論語左氏春秋十歲善屬文表章庸孟之書居父喪勺水不入口毀瘠踰制從學陳子山子山方銳意釋經而官乃列諸家傳疏得失以進子山異之授以詩書春秋及諸文章大家官輒悟其旨子山謂人曰明敏若官雖汝南應世叔不足多也自是博極羣書於制度沿革陰陽曆數之義無所不通元至正初

本朝分省人物考 卷三十

南直三十

登第未幾丁祖艱負祖母避地浙東以薦授行樞密院管勾服闋授崇明州判官攝州事有聲丙午 皇朝刻平封畛官乞歸田不許會部使薦官方可備史館授翰林修撰洪武紀元擢開封府蘭陽縣縣丞當南北要衝兵燹之餘寇賊充斥居民存者十二三官廣為召募一年復業五千戶弭菑捍患掩骼埋齒通商販理寬滯安反側開學校崇德義邑人大和秩滿朝京以疾卒

徐司馬

徐司馬字從政世為揚州人元季兵亂司馬生九歲

無依 上得之養以為子既長出入侍左右屢從

征伐有功歲癸卯除總制守金華吳元年授金華衛指揮同知洪武元年同曹國公李文忠北征獲故元宗王慶生陞杭州衛指揮使十二月以本衛為都衛陞都指揮使九年遷河南都指揮使十九年正月入覲陞中軍都督僉事二十五年冬率師征越雋還至成都以疾卒司馬好文學接人溫然謙恭為政以惠愛為先所至撫綏士卒拯卹貧困甚得人心尤敬士大夫公事之際退居一室講論終日蕭然如韋布之士自少富貴家無餘貲人稱其賢云

本朝分省人物考 卷三十

二

南直三十

朱顯忠

朱顯忠如臯人初同兄貞事張士誠我師下松江顯忠兄弟率部下來降吳元年授濠梁衛指揮僉事後從鄧愈下河州抵土番還守河州及從傅友德克交州遂留守之至是世貞誘合番寇數萬來攻顯忠戰却之偽夏趙元帥復與世貞合兵攻城城中食且盡外援不至部下皆曰與其陷死地孰若出城求生路乎顯忠厲聲曰為將守城城存與存城亡與亡豈有求活將軍耶詰旦世貞攻圍益急顯忠悉兵出東門搏戰而世貞復攻西門日且暮顯忠被傷裹瘡決戰

汝不支城破爲亂兵所殺千戶王均諒被執不屈罵人磔之于文州東門初顯忠領士卒七百餘人及城破僅二百人旣而友德調兵來援世貞棄城遁去事聞使祭顯忠均諒厚恤其家

李敬

李敬初名鴻漸江都縣人洪武初年以文學徵改名敬六年授刑部尚書本年致仕十四年三月丙申起敬爲祭酒賜之勅謂所用非人致災異疊見賢才避位故遣行人召之癸丑賜敬鞍馬夏四月命國子生兼讀劉向說苑及律令 上諭敬曰士之爲學貴於

本朝分省人物考

卷三十

三

南直三十
陶安

知古今窮理聖經賢傳學者所必習若說苑一書劉向之所論次多載前言往行善善惡惡昭然於方冊之間嘗以暇時觀之深有勸戒至於律令載國家法制參酌古今之宜觀之者亦可以遠刑辟可令諸生讀經史之暇兼讀說苑律令必有所益八月丁巳命敬釋奠於先師孔子冬十月免歸

翟善

翟善字敬夫泰興縣人洪武中由歲貢入國子監授吏部文選主事二十年歷本司員外郎二十六年吏部尚書詹徽侍郎傅友文伏誅命善署本部事善於

上旨特陞吏部侍郎仍署尚書事會 上

以諸司職有崇卑政有大小無方冊以著成法恐後之蒞官者罔知職任政事施設之詳乃命善同翰林儒臣倣唐六典之制自五府六部都察院以下諸司凡有設官分職之類務編爲書名曰諸司職掌詔刻行頒布中外五月奏准各衙門吏三年役滿於本衙門見缺令史書吏內陞用再役三年給由赴京如有餘吏送赴吏部及王府長史司如託故不給由者治以罪十月詔祭酒胡季安選監生年三十以上能文章者三百四十一人命善除授教諭等官二十八年

本朝分省人物考

卷三十

四

南直三十
陶安

實授吏部尚書一日 上諭羣臣曰善雖年少字量宏闊他莫能侔也善明於經濟凡所奏議允合 上心上曰朕有良佐何患天下不治 上欲命工部爲善營第於泰興善曰江鄉地隘宗親且衆誠不忍奪人以自益也况未報涓埃何敢當此 上語羣臣曰有官居鼎鼐無地起樓臺善與寇準同風矣善家成籍 上欲免之善曰戍卒宜增豈可以臣破例 上曰善可謂社稷臣矣二十九年以事免歸

石光霽

石光霽字仲濂泰州人少穎異讀書五行俱下元末

侍讀學士張以寧留滯江淮光霽從之游以寧
 博學善詞尤長於春秋嘗謂後之學春秋者弗據經
 以說經顧任傳以疑經亦惑甚矣故以寧談經每通
 融三傳而兼用之光霽諦聽講解至忘寢食洪武十
 三年以明經舉為國子學正自常教外四方髦士多
 從之游戶外履恒滿十七年陞受春秋博士作春秋
 鈎玄二十卷以闡明先聖之旨學者競傳習之光霽
 感以寧授受恩義旦夕不忘時以寧沒已久遺藁散
 落光霽遣其子往維揚購得其詩百餘篇捐俸梓行
 之後以寧子炬貢入國學以其文藁示光霽光霽一
 本朝分省人物考 卷三十 五 南直十七

成璉

成璉興化人洪武中由國子生授代州學正教諸生
 有規矩以薦陞蔚州知州為政清肅蔚臨邊境璉與
 守將協力修邊備民賴以安 上起義之初璉率壯
 士來謁賜白金百兩命還守蔚州璉復招邊卒勇敢
 者得二千人以進 上嘉之俾典兵餉仍協力守城
 公勞勩 上即位命為參議將大用之而卒遣官

贈吏部左侍郎賜其家白金五十兩綵幣八表
 裏鈔百六十錠官其長子傑為行人

李伯昇

李伯昇泰州人初與張士誠俱起鹽徒元兵圍高郵
 伯昇與士誠突圍出走士誠據姑蘇以伯昇守湖州
 歲丙午十月徐達帥諸將攻湖州伯昇遂出降 上
 命仍其官洪武元年進榮祿大夫中書平章仍兼同
 知詹事院事二年征守陝西三年十一月大行封賞
 賜文綺及帛十六疋 上欲優待之命食中書平章
 祿不署事子孫世襲指揮僉事五年命為征南右副
 本朝分省人物考 卷三十 六 南直二十

潘原明

潘原明泰州人初與偽吳張士誠俱起鹽徒元兵圍
 高郵士誠與原明十八人突圍出走後為士誠守杭
 州歲丙午右丞李文忠師至錢塘原明遣員外郎方
 夔詣軍門納款文忠問之對曰天兵如雷霆當者無
 不盡粉百萬生民間之莫不震懼及聞將軍神德勞

速如犬弗驚皆曰王者之師也以民情如此天意可知不如乞降令小民有更生之望文忠遣歸明日原明卽以款狀來投凡得兵三萬糧二十一萬馬六百疋上以原明全城歸降民不受戮授行省平章其官屬皆仍守舊職洪武三年旣封功臣上于原明欲優待之命食其祿不署事子孫世襲指揮同知十一年定省臺等官歲祿之數原明每歲給七百五十石于官田內取之十四年大兵平雲南擇名臣重望者鎮其地以原明署布政使司與梅思祖同心撫輯民夷安之十五年卒賜葬鍾山之陽

本朝分省人物考

卷三十

七

南直二十

茅大方

茅大方泰興人自少穎敏工詩文爲宗黨所重父友陳堯道寄以詩有計爾生年今二十每懷聰慧舊無如陸機此日能爲賦賈誼何時復獻書之句洪武中以儒士應辟典教淮南考績入朝太祖召對稱旨擢秦王府右長史內出制詞褒美且勉以董子輔相德業等語賜賚甚渥大方以爲特受隆遇懼無以稱益用感激在王左右諫諍規正事事得體踰年泰國稱治因大書揭其正堂曰希董以彰聖訓且身尚友之志建文中累擢右副都御史吏部左侍

鄒人靖難師起憤國命日感嘗以詩寄淮南守將梅殷慷慨激烈聞者壯之詩曰幽燕消息近如何聞道將軍志不磨縱使火龍燔地軸莫教鐵騎過天河關中事業蕭丞相塞上功勳馬伏波老我不材無補報西風一度一悲歌蓋北兵初起爲鐵鉉等所拒尚未渡淮時也太宗臨御坐奸黨不屈與其子順童道壽皆戮死永樂四年幼子文生亦受誅

顧成

顧成江都人狀貌魁偉膂力絕人洪武初兵臨和州成仗劍詣軍門命居幕下數從征有功累陞都督僉

本朝分省人物考

卷三十

八

南直二十

事及靖難兵起軍師縶成至以先朝舊人得釋成感泣歸款後以居守功封鎮遠侯卒追封夏國公謚武毅

董璘

董璘字德文高郵人少穎敏勤學永樂十六年會試第一授翰林編修有時名尋以母老乞歸養一日母病思鱖魚時無鬻者卽詣鎮江禱于神命漁者舉網忽得二鱖以歸鄉里驚異陞修撰與修實錄後憤太常職典禮樂不可昇異流乞以已爲其官遂獲譴歸卒于家所著有玉堂清餘集

高穀

高穀字世用興化縣人甫十歲入邑庠即能奮力於學弱冠遂領鄉薦登永樂乙未進士選庶吉士辛丑授中書舍人甲辰陞左春坊未幾以學行獨優陞翰林院侍講丁外艱服除還行在宣德乙卯主考順天鄉試人服其公正統改元 英宗初御經筵少傅楊士奇等上言經筵講官必得學問貫通言行端正者以供其職遂薦穀與苗衷馬愉曹鼎四人專侍講讀賜三品章服穀每進講敷衍詳明聞者嘆服戊午預修 宣廟實錄成進侍講學士甲子主考應天鄉試

本朝分省人物考 卷三十

九

南直三十 楊悅

乙丑進工部右侍郎兼侍講學士入內閣知制誥丁卯進階通議大夫十四年乙巳秋 聖駕北狩命穀留守尋進工部尚書兼翰林院學士時 景帝即位虜情叵測邊境日嚴選使虜者中書舍人趙榮獨請往迎遂陞大理寺少卿穀加榮之奮忠即解所束金帶與之景泰元年都御史楊善迎 聖駕自北還議奉迎禮穀欲從厚涉疑未定有千戶龔從榮投書於穀言奉迎當重之意穀即袖其書以進且曰武夫尚知此禮况儒臣乎陳循見之悲甚穀執議如初已而 聖駕至百官郊迎穀

領上章以伸前議無所顧忌聞者義之辛未朝廷以穀望重進少保仍以尚書兼東閣大學士穀上言內外諸司惟賢是用况經筵日講關係聖德尤在得人遂薦少卿陳詢學士呂原中允楊鼎都御史王文大理寺卿蕭惟楨疏上命詢鼎侍經筵文入閣甲戌南京災朝廷念 祖宗陵寢所在特命穀往祭祀事竣被災者千餘家悉發廩賑之歸奏稱旨是歲冬給事中林聰忤執政王文等欲害之乃諷御史劾其私而羅織其罪穀獨持正議卒從輕典士論韙之乙亥星變疊見上疏自陳宜譴罷以謝天意不允丙子寰宇

本朝分省人物考 卷三十

十

南直三十 楊悅

通志書成進兼謹身殿大學士是歲秋順天府鄉試翰林院侍讀劉儼為考官執政陳循王文以子入試不中交章奏儼去取不公欲置於法乞詔翰林及六科十三道覆考穀時以疾不出一聞此事即強起預考考畢穀然入言曰大臣子與寒士爭進已不可况又不安於命欲殺考官可乎因閱卷止黜林廷一人餘俱從儼所選由是儼得釋穀之名益振而拂其意者銜之穀屢求退避不允天順改元 英皇復位首召穀慰諭而留之其餘誅斥殆盡穀即上疏辭保傅

地時機務填委穀亦衰老弗堪懇乞骸骨 上憫

其特允所請賜金幣襲衣給驛舟以歸越四年庚辰以疾卒壽七十贈太保謚文毅天資簡重操履清介視義所在勇於必為雖違衆不恤也在位論薦尤號得人所著有育齋集八十卷

蔣貴

蔣貴字大富揚之江都人父從龍以義勇附太祖起淮甸洪武十一年隸燕山中護衛貴生有大志恒念父功屈人下甫官卽代役三十一年舉義克雄縣攻大寧及敗平安軍於肥河戰靈壁收泗州遂渡江入京師功成論次自千夫長陞至昌國衛指揮同知

本朝分省人物考

卷三十

十一

南直三

後征交趾四征沙漠敗阿魯台子於龍口洪熙元年復至大松嶺擒殺賊衆陞都指揮僉事調掌彭城衛事宣德二年四川松潘夷叛以貴充右叅將率軍捕之首募鄉道從東路險絕處攀緣而進賊驚曰兵從天上來邪一日戰十數合以全勝聞賜勅有奪橋斬關如古良將之譽明年陞都指揮同知鎮守密雲諸關番夷復叛仍充叅將討之尋陞左軍都督僉事充副總兵貴謂夷性變詐非長驅撲滅患未可弭乃大閱士連破黑虎等四十餘寨斬首千五百級生擒稱長崖死者無算夷遂寧謐賜勅獎諭陞都督同

知總兵官佩平蠻將軍印鎮守其地凡事有利害悉奏罷行之就戚州千戶所建州治興儒學使知所教列屯而耕堡壘相望使知所守廩庾以足人心大安正統改元召還陞右都督時西戎僞王阿台等寇甘涼邊將屢失利命佩平虜將軍印率京營五千騎征勦凡陝西及甘肅涼州等處官軍悉聽節制兵至鎮番出魚兒海子哨還時虜酋把禿孛羅率衆犯莊浪貴命將禦之生縛孛羅等百人又謀報阿台屯伏河西遂躡踪倍道至亂山奮勇衝入且追且殺至石城泉斬首二百餘盡獲其馬駝衣械虜有逃奴來言

本朝分省人物考

卷三十

十二

南直三

阿台府在貴議卽往副將李安沮之貴拔劍厲聲曰汝任邊寄肉食且數年坐視其縱橫不制尚掉三寸舌以撓我師敢復諫者死乃策馬前馳見賊遂整陣而前生擒男婦數十人送營復令軍士疾走至兀魯猝見虜衆牧馬遂突衝馬羣以鞭擊箭聲驚之馬盡伏虜旣失馬皆輓弓步戰卽令衆躍馬揮刀齊入以旗牌手督之遂大捷又分爲犄角勢列五百騎爲左右翼縱百騎登高峻疑之旣遇賊夾擊戰逾九十里阿台亦窘死西土遂寧捷聞遣中官齎綵段白金封定西伯食祿千二百石給世襲誥券晉鎮甘

諫凡年召還以雲南麓川宣慰思任發累寇邊六年命克總兵官佩平蠻將軍印賜蟒袍銀盃甲以行貴與總督兵部尚書王驥至雲南遂遣兵勦之賊勢稍却師集金齒分三路進而貴與尚書從中路令上江兵夾攻會南風大作縱火四面矢石俱下如雨貴乃擐甲鼓勇而前賊大潰斬首十萬餘級江流盡赤移屯騰衝賊據木籠山為連環七寨又驅象為陣合數十萬人於馬鞍山悉破之勢如拉朽直擣巢穴蕩無遺氛賊父子僅以身遁凱還詔戶部侍郎王質持羊酒迎犒臨清至則上親慰勞遣中官賜金幣羊酒

本朝分省人物考

卷三十

十三

南直三十

於家擇日御奉天門設教坊樂部勞平夷功陞定西侯賊父子既遁聞被擊於緬甸八年命與尚書下緬取賊仍寵賜以行時緬人數報送至而潛以金樓船載賊離五十里而不至貴曰此給我也過江則絕我歸路且瘴癘將發不乘此而剪之可乎於是誘緬人聽賞貴則往焚其舟大戰一晝夜其賊首已先去賊子思機發之在孟牙者亦遁去盡俘其妻孥象馬以還破其賊寨二百餘處燹夷遂平九年還上復親宴勞加祿二百石賜白金絲段金酒器鞍馬以寵異之六之子雄見賊去亟率漢達官軍三十人追殺不

及賊反阨其後眾寡不敵自刎沉於江時年二十四其三十人亦從之死上嘉其忠勇贈懷遠將軍彭城衛指揮使十二年瓦剌遣使來朝謀者知脫脫不花及也先候使回即分兵入寇上命貴總兵禦之至境嚴耀威武賊引去召還嘉勞甚至十四年正月忽感風疾薨於家享年七十訃聞上震悼罷朝遣禮部尚書胡濙等諭祭前後十四壇及賜齋糧孝布明器等物進封涇國公諡武勇

王業

本朝分省人物考

卷三十

十四

南直三十

王業字時泰興化人體貌豐偉明敏多才幹幼從戴雲朋學書過目即成誦能盡得其旨業年十六襲父職京師適車駕北征例當扈從業在中軍勁循紀律而勇略過人同事者皆驚異之曰南人少年能是乎既凱還復任吉安時年雖少而遇事敢為慷慨無所顧避境有急必以屬業梅花洞寇作僉議曰彼恃險為亂攻急則退不與戰緩則肆非業莫能平也往未踰月果平之永豐大盤山賊首曾子良聚眾劫殺勢甚熾將及於縣縣遣人告急業即奮然以行曰兵固不敢擅調然民患之急如此可坐視乎古有先發後制者我其行矣即日選精兵二百餘人倍道以行或

魏急業曰彼烏合之衆耳急則計無所出若少緩則得以爲備法固各有所用也猝至逼其營壘賊惶懼出戰一鼓而勝之大盤平事聞陞本所正千戶益精熟武經諸書練習士卒以求報稱既數年閩浙寇起朝廷遣大將寧陽侯往討之吉安軍當調業統以往從都督劉某禦賊于丁公崖常爲先鋒大軍潰而業之軍獨全常竊嘆曰吾不得自用其知而動輒牽制於人上不能爲朝廷殺賊下不能爲生民除害吾甚負此職矣爲人輕財好義遇賢士大夫傾竭無所惜居家孝友接人恭而有禮其御士卒嚴而有恩駸駸乎大用而竟齋志以歿年四十有九

本朝分省人物考

卷三十

十五

南直三十
杭杰

孫安

孫安高郵州人永樂中代父煥職爲大興左衛指揮僉事歷陞都指揮使正統己巳陞後軍都督僉事總督獨石馬營龍門等處備禦景泰辛未進同知甲戌以疾罷鎮成化七年十一月卒賜祭葬如例己巳之變獨石等城爲虜所攻守備都指揮楊俊等聲言城孤懸難守皆棄歸遂鞫爲荒墟安既受命總督與協贊軍務山西右叅政葉盛請修復之躬率士卒芟蓬蒿

爲城于時議者謂其保境之功居多子驥襲衛指揮僉事

曹義

曹義字敬方儀真人父勝指揮僉事義弱冠襲父職扈蹕征虜至會州時太宗方欲肅清沙漠將士非遴選不得從宣德初擢都指揮僉事江西梅花洞賊施州衛刺惹洞蠻憑險竊發義往捕撫咸底靖謐擢中府都督僉事英宗登極充遼東副總兵擊虜于寧遠至白雲山取其輜重璽書賜征虜前將軍印爲正總兵與成國公朱勇會兵兩河口襲虜功尤多陞都督同知虜犯義州戡之于羊腸河陞右都督正統己巳與虜戰遼河摧其前鋒旋師至廣平山東川洲虜復踵至迴騎擊破之陞左都督景泰初追虜至梨皮峪鷹湖東與叅將胡原分左右翼夾擊幾殲焉巡視邊戍至仙露寺虜穿塞垣深入與副將焦禮等設伏以待薄暮虜至奮擊大破之前後大小戰無慮數十所俘斬虜衆鹵獲雜畜器械輜重無算于是虜畏其威名不復敢盜東北邊矣屢賜白金綵幣英宗復位進爵豐潤伯祿一千三百石子孫世襲賜鐵券未幾以年益高不欲使居極邊召還入見慰勞甚至

本朝分省人物考

卷三十

十六

南直三十
杭杰

賜酒居京師奉朝請久之以疾卒時天順庚辰
享年七十有一

許寧

許寧字志道江都縣人正統末襲父職為羽林左衛
指揮使以薦陞署都指揮僉事守禦柴溝堡成化初
充大同遊擊將軍累立戰功陞署都指揮同知六年
陞都督僉事充總兵官鎮守延綏十八年陞都督同
知仍充總兵官鎮守大同時虜衆入寇與鏖戰二日
一夜虜解去降勅獎諭二十年以下米莊之敗降羽
林左衛指揮同知開任天治五年以言者交薦陞署
都指揮使坐營管操未幾卒贈都督僉事寧自束髮
行陣凡經一百十九戰麾下知名士若劉寧神英李
杲等十餘人咸為效力致死故所向克捷性沉毅自
負不屑進取一時稱邊將者殆莫能過大同之役寧
知虜勢方熾欲持重以俟動而代王督趨甚急至使
衆哭於轅門寧憤激以出遂至於敗議者惜之子泰
試武舉第一

許貴

許貴字用和江都人父諱成元季成通州從高皇
帝義陞燕山中護衛百戶後從文皇帝靖難累

本朝分省人物考

卷三十

十七

南直三

謝功賜誥券封永新伯食祿一千石子孫世襲指
揮使貴十餘歲即善騎射長精孫吳兵法喜讀儒書
永樂中襲羽林衛指揮使宣德丁亥總戎以掌衛事
者不得其人薦貴代之百廢咸舉正統甲子朝廷命
廷臣舉武職之有謀略善騎射者各一人以禦邊患
前安卿伯張安以貴應召授都指揮同知調山西行
都司以擊敗北虜有功陞都指揮使歲庚午奉勅
充右叅將備大同西路累敗虜于蒲州營及高山陞
都督僉事是年秋又以破虜功陞都督同知明年以
疾乞還京師至天順改元疾愈佐理左軍都督事項
之調掌南京左府辛巳冬四川松潘叛驛召赴闕命
充副總兵官往守其地會叙州府山都掌夷寇叛尋
詔追于路俾先平之而後往松潘貴直搗其巢穴斬
首數百級降五十餘寨遂感深箐嵐氣以成疾及振
旅西沂僅次成都而卒得年五十有六始疾革呼寧
謂曰我死亦慰地下矣又作詩有夷醜掃不盡衷心
尚未足之句實忠憤所發云

本朝分省人物考

卷三十

十八

南直三

馬士權

馬士權泰州人讓官於弟寓京師教授博極羣書多
其士先生遊劉元博徐有貞輩凡疑必往質士權

故徐尤厚天順元年石亨曹欽等引有貞共爲南城之計不久權勢相軋遂相誣構自武功伯降廣東叅政猶慮其復起必欲殺之令人僞造奏本毀謗朝政石曹因譖有貞怨望使親信馬士權爲之上命權倖門達分遣邏卒追有貞於途收士權等下錦衣獄達陳諸惡刑於廷必欲士權承服以及有貞士權遍嘗荼苦幾死者數終無一言使是時若少齟齬有貞禍烈矣七月二十五日以天變得釋有貞出獄感士權許以一女嫁其子以奉湯藥灑泣而別天順四年有貞自金齒歸蘇士權自泰州來謁欲成婚約有

本朝分省人物考

卷三十一

十九

南直

貞頗有難色士權辭曰貧儒不能當侯家女有貞遂從其言而以微物贈之士權略無怏怏意遂歸士權貌甚寢長不踰五尺言論雄偉氣節凜然無一言以及徐真信義士也

張文

張文字存簡泰州人天順己卯舉鄉試第一人尋遭父喪悉用朱氏禮一鄉化之成化丙戌登進士第泰州入國朝預科甲自文始筮仕刑部主事壬辰進員外郎郎中文在刑曹最久有所讞必本於公恕他司獄有未具者多移鞫于文既讞無後言丙申以日

倉生變詔選十三人錄繫囚于天下文分地畿內平反誅死者百十有六人雪徒流以下千有四百人其辨馬平兒事尤愜人意平兒報父讐殺人抵罪文上言君父之讎臣子所必報反覆數百言讀者感動畿內人有繪其像而祀之者丁酉大水歲侵復有詔選使五人賑恤之文分地兗州規措勸分不遺餘力又上疏請分府庫餘資以慰倒懸語益痛切益活饑民復流移者無算他如通貨財修祀典申掩骼埋胔之令皆自文發之己亥陞浙江按察司副使亦醴商李成誣販鹽者爲盜轉引至十九人初訊者以爲實多

本朝分省人物考

卷三十一

二十

南直

疫死獄中存者僅六人覆訊疑之審詰得其情六人者幸不死一省稱快餘平反者尚多在湖陰年大率以洗冤澤物爲己任蓋未竟其所施而以家艱歸矣亡何以疾卒得年五十有七

儲瓘

儲瓘字靜夫其先毘陵人也宋時徙海陵今遂爲泰州人生而秀穎少攻文辭成化癸卯舉應天鄉試第一甲辰舉會試第一廷試賜二甲進士第一當是時泰州儲君名動京師矣太宰濟南尹旻欲選爲屬

嘗以一官得實尚書耿九疇忽又改評瓘不從且云
 公所執何異王介甫兩侍郎方並坐省中九疇大慙
 良久曰我為渠知已然非我莫能容也後尚書某繼
 耿亦欲有所改評瓘指其官注籍云嫌涉部長鄉里
 遂不改弘治丙辰當黜陟天下官員瓘考如臯令某
 不稱職令囑某太監為之請瓘宣言於署廳曰某某
 雜職尚能名節自檢有以進士宰邑反不自立且託
 內侍干請亂法語人云方發如臯令干託時吾幾媿
 死曾疏薦丁璣等五人可補諫職之缺科道官龐泮
 等論事下獄為之申抹人服其敢言丁巳陞太僕少
 卿乙丑陞本寺卿蒐訪馬政得失剗革蠹弊修舉所
 當興復者疏四事以聞 詔皆報可又上章請紀注
 孝廟言動以示將來正德丁卯擢都察院左僉都
 御史總督南京糧儲首釐正倉庾宿弊條上應議數
 事省糧戶及京邑供給之費戊辰進戶部右侍郎已
 巳轉左庚午春以疾乞休溫 詔答之賜乘傳歸是
 冬召復舊職辭不就壬申春起為南京戶部左侍郎
 癸酉改南京吏部左侍郎甲戌卒於官瓘有內行事
 親至孝撫從子洵如已出授經學竟以進士顯門人
 卒者多取科第時李夢陽何景明等倡古文辭執

本朝分省人物考 卷三十

三十一

南直

政才嫉才欲擯斥之瓘以文章復古為國家元氣故
 於李何極其扶植得不傾陷性好學老而彌篤文法
 律森嚴詩冲澹沈蔚有陶韋之風所著有柴墟文集
 駟野集奏疏各若干卷嘉靖癸未禮部以易名請賜
 諡曰文懿

冀 綺

冀綺字汝華寶應人成化己丑進士授戶部主事歷
 員外郎郎中以歲饑賑濟河間諸府稱旨往偏頭關
 督餉有功加俸一級累遷應天府府丞南京太僕寺
 卿應天府府尹嘗陳邊務及捕盜輯民二十餘事頗
 見採納已而自陳致仕正德五年卒

高 銓

高銓字宗選揚州江都人成化乙酉舉鄉貢己丑登
 進士第或諷使增年以備臺銓曰某不敢為欺也授
 大理寺右評事上疏言時政六事丙申錄囚福建平
 反至百餘人及會勘大獄不為私撓擢山東按察司
 僉事改浙江河南歲饑人相食 朝廷遣侍郎一人
 與銓往賑驗丁口程遠近審緩急務均實惠屬吏為
 侵尅雖有所憑附亦按治之流移四集者蒸染為疫
 癘青給衣糧亟散遣之其全活多至不可數歸德有

本朝分省人物考 卷三十

三十一

南直

黃元退地千餘頃為親藩所據州守亦以租員被訟於朝命中官及侍郎都御史按其事銓謂租負責之州地則民所恃為業者中官挾以禍福執不變後他藩亦以河退地請其官長欲私於長史以其半兩釋之詮不可民賴以不病凡一官歷二臬九載四薦乃遷浙江副使即攝司事清案牘勤聽斷羣吏斂手勾考戎籍姦慝無所伏壬子擢河南按察使河決張秋命官浚治銓以贊畫勞賜白金文綺乙卯歷遷左布政使丙辰擢都察院右副都御史巡撫保之諸府兼督鴈門諸關定徭役修要害有妄指民田獻為皇莊者命侍郎二人會勘民冤聲撼野至歐州縣吏不得行眾頗縱之欲藉以塞命銓曰若是則尺重得罪請勘實以聞主上仁明當不忍奪民利以徇左右已而果然庚申陞南京工部右侍郎累攝吏戶兵三部事癸亥江淮饑復領賑濟所活亦眾陳荒政八事多行之進南京右都御史掌院事正德丙寅擢為南京戶部尚書令衛士廩米與折銀每月兼給人甚便之丁卯南京吏部及北院相繼告闕兩被召薦會逆瑾竊柄與銓相忤特令致仕猶銜之不置逮就詔獄文文無所得乃放歸後竟撫他事禡其官庚午詔復

本朝分省人物考 卷三十

南直三十一 劉汝思

以不官致仕中外方冀其再用而以疾卒矣銓慮周悉通貫條格每自謂治律之功不減治經凡經史以及陰陽祿命堪輿醫藥之類罔不涉獵始號平山晚更號貽安老人所著有平山貽安二稿若干卷後以例請於朝特贈太子少保賜葬祭

張稷

張稷字世用寶應人少有器識弱冠為縣學生穎脫儕類御史見其文驚曰是當為場屋魁比試有司屢弗利成化戊子始舉鄉貢壬辰登進士第觀政戶部嘗預收京儲給河南潼關諸軍賞皆有能聲授太常博士凡值郊祀廟饗左右執事甚閑禮度有白金文綺之賜居數年被簡為四川道御史監光祿寺出納明慎及按福建樹風采嚴號令鋤強植弱敏於聽訟立判曲直然未嘗恃以為能每錄重辟必衷之情法所全活者甚眾有藩閩武臣怙勢為民病列其罪奏斥之名益彰尤重文教以作人厲俗為事間又訪先賢遺跡興廢補敝存問其子若孫或吊古感物輒形歌詠而未嘗以妨政務及受代簿牘無留者時官數多冗至有冒名匿罪以干者別有擬奏而病已作竟不其上一云稷閩爽明達博交泛愛而臧否自別有不

本朝分省人物考 卷三十

南直三十一 劉汝思

當志輒見辭色旋亦消釋不復著胸臆間憫窮赴急義氣所激視財利若土苴在官十餘年不問生業未嘗增寸土一屋服器儉朴蕭然若諸生時為詩文清拔有思致至於辨別體裁評騭高下尤介介不苟所著有竹西稿若干卷

陳壁

陳壁字瑞卿高郵州人舉成化壬辰進士授嘉興縣知縣性抗直不折節權貴人凡上司以事臨者與辨析民情利病侃侃不撓終能以氣節服人後因薦擢江西道監察御史益勵風裁不為委瑣齷齪衷尤坦

本朝分省人物考 卷三十

三五

南直三

直披肺腑論天下事常持大體而臺紀克振久之進山東兵備副使分守臨清臨清漕河所經夫役百需蠱弊甚一切裁省冗濫有貴璫怙勢搖吻于民難壓壁折以法璫恚怒竟莫能奪其他均徭役剔奸宄披良善清武備清源一帶德如父母進本司憲使時郡縣吏日為東濕煩苛之政民不堪命首下令禁之繩貪墨甚嚴其倚法為奸有所侵牟者黜弗貸境內諸猾悉斂戢無敢恣者十五年陞南京太僕寺卿馬政自兩京並設以來留坳僅列職銜堂宇廊廡日就傾圮則節縮帑餘重修飾之又建棲雲環山二樓分

臺不累於民而所履躑然會邊鄙不靖兩京歲取備用馬萬匹南直隸止三分多准折價以便寄養壁從容處分州縣安輯無擾尤與人信不侵為然諾察屬有過率指摘之亦莫不委情輸素若投醪然踰三載陞右副都御史整飭薊州等處邊備兼撫順永二府即奉身勇退以養病歸家性孝友重行誼事伯兄如父嘗以御史居家久以微譴受朴無難色人皆高其義云

朱訥

朱訥字存仁寶應人年十三父令坐肆治買一歲間市價金品俱不習父怒曰爾日何為曰第誦書耳父曰能日記千言乎歷試之果然聽之以成化丁酉舉鄉試屢蹶公車就選得知鄞縣縣一歲中供應費萬金郡太守姜昂自訂會籍削其半置于郡庭訥固請下籍于縣行之歲終會又省三之一姜曰府怨不避

本朝分省人物考 卷三十

三六

南直三

是難能也倭夷來貢守臣怪倭久留鄞趨有司牽海舶行倭操短兵謀呼出殺牽夫數人訥馳騎入其曹語譯者以禍福約三日出關倭乃定增修錢湖七堰水不暴田歲以屢稔改治江陵江陵以丁夫車馬為大費訥乃窮詰主者出匿錢萬緡并計每歲費若干

仍其數籍之果有羨者以母憂去既免喪遂不仕日與親故譚名理商榷古事或御小舫往來東谿田廬體物賦詩以為樂嘗謂友人曰文主揚道不限世代豈必專師馬遷詩欲近情且兼情豈必止範漢魏以上壽終于家子應登進士歷官憲副

黃瓚

黃瓚字公獻儀真人自少性簡重不妄言笑不與羣兒嬉年十五補邑庠弟子員每宿號舍秉燭讀書率至夜分提學御史戴珊深器重之成化庚子舉應天府鄉薦甲辰登進士第予告歸省時大母病篤壽已

本朝分省人物考

卷三十

二十七

南直三十

九十亟喜曰吾及見孫榮於願足矣弘治改元授南京戶部主事督輸稅糧出納唯謹人不敢欺進本部員外郎嘗監收內庫公需宦者致餽食瓚不顧而去以父憂解官居喪一遵於禮外寢三年未嘗入內士夫難之服闋遷本部郎中供職益勤久之擢四川布政司右叅議督理松藩糧儲祛宿弊足軍餉藩賴以寧尋丁母憂除服轉本司左叅議時鄢藍諸盜起西蜀騷動都御史林公俊雅重瓚檄董戎馬深入通邑盜衆解散陞浙江布政司叅政適浙西海潮為害蕩沒田廬瓚分守其地極力拯恤民咸安之陟江西右

布使湖廣左布政使益務簡儉省宴會止餽送官財民力一無所費嘗奉表至京不私謁當道當道益重之及入覲吏部尚書還菴楊公疏其治行為天下第一賜宴於禮部蓋異數云入拜應天尹應天為京甸百司所需民苦於供應瓚以法節之減十之六七在應天甫三月超陞都察院右副都御史巡撫山東適兵寇之餘瓚示儉朴為諸司先歲早躬禱於岱宗雨輒應冬無雪復禱於華不注山下雪亦隨降東人德之疏言臨清一州既有戶部工部糧少管閘兵備等官今所臨不過二倉又增內臣十五員民何以

本朝分省人物考

卷三十

二十八

南直三十

堪下部知之 武宗南幸遣使賜瓚一品服六襲金帶一束瓚以無功不敢冒賞置官庫貯上疏辭未幾擢南京兵部右侍郎適逆濠叛瓚佐叅贊喬公謀畫禦之留都恃以無恐 世廟登極方謀任老成瓚以直道不合遂引年乞休允之 上念舊臣仍以所辭襲衣金帶昇瓚再賜金緋四襲白金五十兩以酬留都備禦之勞家居杜門却掃左圖右書劬嗜益篤雖鄉人罕見其面士夫過者輒就而問之享年七十瓚外貌古朴而内存沈靜蒞官御物一以簡鎮之人不

平居寡言至論經史辯政事則疊疊不倦與人

交既不苟取亦不妄予以是寡合其儉素出於天性雖貴而顯敝衣蔬食有寒士所不及然敦孝友恤弟姪酷於好學老而不怠所著有山東總志東宦錄雪洲詩文集各若干卷藏於家

顧溥

顧溥字宗泰先世自長沙湘潭徙揚之江都高祖諱成從 太祖定天下累功擢後軍都督府右都督及從 太宗靖內難封鎮遠侯仍前都督事贈夏國公謚武毅溥以成化癸巳嗣爵時年方十有三 憲宗特命朔望朝謁尋以例與公侯伯幼少者入國學肄

本朝分省人物考

卷三十

二十九

南直三十

業因涉獵經史尤精韜略習楷法間持節冊肅唐二王久之用薦掌五軍右掖弘治戊申 孝宗親耕籍田充三公行五推禮又以登極事往告岷王已酉始有湖廣之命佩平蠻將軍印以行政令簡肅官屬才俊薦拔幾百人黜不職者稱是諸衛歲給柴薪及軍從錢悉拒弗納桑植安撫司土官殘虐苗人奪其印溥督兵捕得首惡釋其餘黨勿治貴州苗倡亂滇蜀道梗受命統諸路兵十萬討之先正紀律戒部曲侵掠比至境覘知逆順雜處檄不從亂者毋得驚擾由是四百里餘寨皆獲保全分兵五路自帥精兵由間道

刻期並進賊駭愕奔潰生擒偽王妻子及諸偽官斬首百千萬級招還流徙五千餘戶修復爛土長官司奏劾都勻府二州一縣境內悉平 上降勅獎勵詔班師還鎮論功加太子太保增歲祿二百石特賜誥命乞解兵柄疏三上被召總督團營掌前軍都督府事益持重守法與中貴臣閱視諸營內外官簡選軍士及督工修繕禁門城垣社稷壇事皆集以母喪乞假歸葬 上命其弟錦衣衛千戶淵代之行自出鎮至今官凡被賜白金文綺寶鏹佩刀蟒衣珍饌諸物不可勝計癸亥有疽發于背 上命御醫診視遣中

本朝分省人物考

卷三十

三十

南直三十

官備物臨問六月十四日訃聞 上震悼遣官諭祭者十有五給賻米百石布百疋令有司具棺槨治葬事賜謚襄恪

劉寧

劉寧字世安山陽縣人成化初世襲永寧衛指揮使以功累陞都指揮同知都指揮使充左叅將左副總兵擢右都督尋轉左柱平羌將軍印鎮守大同甘肅寧居邊三十年大小四十餘戰皆多取勝為叅將守大同時遇賊鴉鷂峪霸王村四戰皆捷斬獲甚多威名自是大震賜勅獎勞為副總兵時有虜酋挾數萬

人人貢陰蓄異志寧知之率二十騎躬詣賊營處
疑不知所為有勒馬引弓以待者寧以馬箠指畫宣
布朝廷恩威復下馬與羣酋坐一酋語不遜寧掌其
面奮臂而起會首叱其酋退且留坐寧乃霽色呼酒
與飲反覆開諭羣酋咸悟卒如約後復移鎮甘肅嘗
繹古番兵之法以五十人為隊隊五重為陣建五色
幟又各建五巨幟於中軍中幟出則同幟應之循環
無端每戰用是取勝弘治十七年五月卒賜祭葬如
例贈廣昌伯寧軀幹願偉勇略過人亦一時名將云

杭雄

本朝分省人物考

卷三十

三十一

南道三十一

杭雄字世威海門人成化甲子以總旗從征清水川
克敵陞百戶弘治正德中數馘虜酋五遷三指揮使
壬申陞署都指揮僉事奉勅勦賊四川守備甘肅西
寧甲戌充延綏遊擊將軍隨總制太保彭公略定哈
密丙子冬十月兵集崑崙大破虜衆奏捷旌賜蟒衣
一襲改叅將陞右軍都督府僉事統邊兵京操時
毅皇帝狩宣大雄周旋扈從 上嘉其忠誠命佩征
西前將軍印拜總兵鎮守大同頃之加特進光祿大
夫右都督嘉靖初仍都督同知以延綏河曲虜數出
掠改佩鎮西將軍印鎮其地明年陞後軍都督府事

會者夷讐亂告急朝議薦其梟略奉溫旨褒諭宴餞
授平虜大將軍印節制陝西延綏寧夏甘肅四鎮軍
務同兵部尚書金公撫勦廕祿錦衣千戶乙酉復佩
征西將軍印出鎮寧夏己丑年七十有一解組歸庚
寅七月以疾卒雄性彊猛接人謙和機謀內含質樸
外著扼衝突戰奮臂先倡料敵揆策舉合陰符嘗逐
賊涉河一賊急握其兩手水中鬪力撲賊殺之一日
以數騎出值賊稍衆雄令悉下馬取馬鞍為壘跪射
賊退解衣腋中落血塊如林蓋中飛矢不自知也又
能同士卒甘苦恤貧摩痛若保嬰孺羌胡部落知杭
不剽分省人物考

卷三十

三十一

南道三十一

大帥名望風嚙指既老益銳官雖極品勛績而非惡
自持不為驕奢 武宗幸大同見其矧惟以甚曰老
杭酸窮乃爾邪會賊至 上親欲出擊雄叩馬諫曰
今主人畜犬備盜也苟盜至主人自吠齧之奚用犬
為願聽臣等効犬力 上笑而止少給役都御史府
既貴每至府必不正席坐曰此當年役所也曷敢忘
之初雄疾以積金授從子祿呼祿屢不來問故祿曰
人貴富以利身也公日糲食衣不帛而余乃有之邪
迨葬祿為車帷幡旒飯僧誦經識盛伎樂郊列廣筵
燕饗送賓客費蓋以千金焉抑雄之德素有以感之

也

仇 鉞

仇鉞江都人世指揮同知以功陞指揮使充寧夏遊擊將軍驍勇敢戰正德五年真鑄反鉞陷賊中京師訛言鉞從賊與武營守備保勛者又與賊聯姻為之外應李文正曰鉞必不從賊勛以賊故姻遂疑勛不用則諸與賊通者皆懼不復歸正矣白 上用勛為叅將以鉞為副總兵討賊命下纔數日勛疏上言臣母及妻子俱在賊中臣義不顧家恨不飛渡黃河食賊肉謝朝廷鉞亦稱病卧陰約遊兵壯士候保勛楊

本朝分省人物考 卷三十 三十三 南道二十 高梁

英諸兵至河上乃從中發為內應俄蒼頭書童沒河潛入見鉞言諸兵已至河上列營鉞噉人謂賊何錦宜急出守渡口防決河灌城遏東岸兵勿使渡河錦果出而留賊周昂守城鉞又稱病亟昂來問病鉞猶堅卧呻吟言旦夕且死蒼頭卒起捶殺昂斬首鉞起披甲仗劍跨馬出門一呼諸遊兵壯士皆至遂奪城門擒真鑄事平充總兵寧夏封咸寧伯食祿千石與世券仍總兵方真鑄之變朝廷遣張永同楊遂菴將兵出討遂菴謂永曰寧夏事不足平仇鉞在彼不久當有捷報蓋鉞自列校楊公識拔以起者其蚤受知

于大賢如此七年充平賊將軍征流賊功進侯與世券加祿百石十六年子恩病恩子鸞嗣侯以罪誅

本朝分省人物考 卷三十

三十四

南道二十

人物考卷之三十一目錄

南直隸揚州府二

徐蕃 趙鶴

凌相 胡憲

盛儀 楊果

冒鑾 顧仕隆

張鵬霄 張聰

崔桐 周臣

王大用 蔣山卿

俞敦 王良附于壁

本朝分省人物考 卷三十一目錄

林春 朱應登

曾銑 宗臣

顧寰 陳大科

補遺 冒政

顧謙 顧廷對

柳琰 李植

顧養謙

本朝京省人物考卷之三十一

南直隸揚州府二

徐蕃

徐蕃字宣之泰州人弘治癸丑進士乞終養調選授南京吏科給事中十五年疏蕃畜牧以威遠事下兵部議之正德元年十一月同給事中戴銑等上疏黜權闕正國法留保輔大臣以安宗社劉瑾銜之逮繫錦衣衛獄二年瑾矯旨杖三十發為民榜示朝堂五年九月瑾誅復職歷江西叅議七年陞浙江提學副使抑浮靡崇理學九年吏部旌方面官碩望素孚者

本朝分省人物考 卷三十一

如入順間例以勵天下副使獨蕃與姚公鎮湯公沐與焉十年陞山東左叅政十四年陞山西左布政使十六年陞順天府府尹嘉靖元年陞撫治鄖陽右副都御史改工部右侍郎提督易州山廠六年養病歸里以疾卒於家 賜祭葬如例

趙鶴

趙鶴字叔鳴江都之瓜洲人骨聳神清兒時即已篤志窮經博極羣籍年十四遊京口靳貴之門大見稱許弘治丙辰舉進士大學士謝遷脩撰李旻閱其卷以為夙學及宴見其年少益奇之初授戶部主事精

文法吏事而飾以經術爲司徒鍾所知歲壬戌天下
大侵代草上寬恤事宜詔文武大臣會議蠲諸不急
因著爲例若干事陞本部郎中奉 勅督理永平山
海薊州糧草兼視屯田條上十六事曰嚴巡歷慎經
收重監守謹追賂稽攬納舉屯政清逋欠均耗折廣
儲蓄增折放究監臨添分委計支應便徵納防冒濫
懲挾詐皆邊場之急務也又以收徵豆草積久腐敗
民抱苦冤軍無實惠奏請折價貯庫臨時和糴以給
軍需其古北等口倉儲不足以供遊兵則請分番操
練遇警調發於是財節兵精而虜可備矣正德初出

本朝分省人物考

卷十一

二

南直廿一

知建昌府益藩軍校估勢虐民莫敢誰何一繩以法
府中帖然未踰月逆瑾以先嘗窺賂不得遂搜薊州
耗糧事左遷南安同知去之日建昌民老幼扶携遮
道涕泣車至不能前及治南安惠愛猶建昌也屬邑
流賊竊發鶴率兵捕擊渡河及半敗反攻之兵潰執
鶴鶴曰寧殺我毋殺百姓賊詢知鶴姓名驚相謂曰
趙東衙好官也不可害翼至大宅關壁有爲民爲國
凡人如及大節臨危要不渝之句於是百姓歸迎歡
呼多泣下者庚午擢知金華俗好淫訟多溺女鶴首
禁之爲正婚娶之禮嚴告許之禁選八邑諸生之俊

者除舍給餼督之治學躬臨講授文風彬彬興焉
東萊仁山北山魯齋白雲五先生遺書爲正學編集
范香溪以下諸大家之作爲金華文統慨劉孝標首
開文學將興唐舒駱及近世文士四十餘人日就泯
沒求其草之僅存者爲文統拾遺刪正范忠簡文集
敘而傳之以忠簡與潘默成忠清絕代則表其里居
以金文安家祠不食垂二百年則訪其十二世孫敏
嗣之且展其墓立石封土焉在郡嘗抗疏論事無所
顧忌有曰推德意以廣折徵計軍儲以革漕攬補存
留以充糧廩嚴儲蓄以備賑貸寬加派以完織造此

本朝分省人物考

卷三十一

三

南直廿一

又外臣之所不敢論列者也歷二載監司部使者交
章上列治行 朝廷嘉之進山西提學副使值父喪
不行服闋補山東時士習縱弛教法幾廢鶴奉 勅
諭乃秉正約邪振頑警惰尤汰其無良者十之五六
士洵洵弗任竟相媒孽造爲飛語謗之鶴卽上章乞
歸不俟命行矣鶴歷官二十餘年家無厚積最篤孝
行養寡嫂卒葬之嫁其女如已出平生嗜學迨老不
衰詩耻凡語於古愛謝靈運於唐愛孟郊於元愛劉
因嘗曰此道不宜淺淺則庸葺下矣晚所論著有書
經會註武經傳孫武子十三篇定本示敬錄沐泗言

仁續錄鮑勝集文山寓揚忠憤錄維揚郡乘正要素
稿具區集姑蘇顧璘評其登泰山金焦諸篇言言自
作更不隨人真凌駕千古殆確論哉

凌相

凌相字忠甫號芹溪通州人生而體貌豐偉穎敏強
記弱冠領弘治乙卯鄉薦登己未進士辛酉授山東
沂水知縣沂水民健訟徃役歲不均相至懲惡樹善
定額限徵無何沂民畏威懷德逋負報足當道上其
狀尋擢南京監察御史守正不阿苞苴不入嘗論劾
不職大臣數十人論直之辛未遷廣東按察僉事

本朝分省人物考

卷三十一

四

南直世一
劉仕任

兵備惠潮諸郡會巨寇太峰嶂李四等據險為患躬
親奮擊火其巢穴巨寇悉平捷奏 賜金幣陸俸一
級丁丑以內艱服闋補山東僉事戊寅遷遼東行太
僕少卿嘉靖癸未遷苑馬寺卿居遼六年清理餘丁
匿馬歲增萬計兼署分巡決大獄不為豪右所奪當
道廉其才能檄以督修邊城負城有山曰十方寺高
數十丈廣可十里為夷虜駐馬所得伺城中虛實相
指麾散東圍之境內且諭以吾故地與之立券示無
相背監司奏績賜銀牌絲幣陞俸一級丁亥遷四川
右布政使時有芒部之役督餉有方大軍倚之左右

有以買木羨金五千私之者即日移文具白撫巡蜀
人咸清其操已丑遷雲南左布政使夷情有積歲難
處者從容籌畫動無遺策為當道所器重庚寅遷都
察院右副都御史巡撫湖廣督理軍務湖省有鎮守
內監及總兵官諸冗員悉奏革之民賴以蘇是歲甘
露降嘉禾生黃岡民有一乳三子者表上詔賜鏹幣
以異其政協修顯陵工成復賜鏹幣居二年以病懇
疏乞骸骨得溫旨慰諭不允辭相素短視前任滇南
日偶失禮於部使者諷其同類追論相疏請乞休壬
辰得致仕歸

本朝分省人物考

卷三十一

五

南直世一
李禹

胡憲

胡憲字時臣興化人舉弘治己未進士授監察御史
七日上疏論朝政得失極言竭論皆天下大計兼劾
戚畹中官吏部尚書暨都御史不職狀柄國者惡其
憚下之獄時戚畹欲令必致之死端肅力爭之得落
職補藍山丞未上遇恩宥進宜陽尹當是時憲之名
聞天下士大夫自期以他日居言路必以直言自效
者人必擬之曰汝便是胡憲也端肅公累言於吏部
起憲補南京都察院經歷正德中進廣西僉事董學
政動以身教崇雅黜浮敦重行檢所至凜然人不敢

平以私試畢詣學傳籌召諸生以敘上講書史令人
人自以所得自陳誦舛謬偏重審訥不出者温言諭
之為正其誤使人人各厭其意而去立為程法夜張
燈觀書至丙夜不輟取士精密銖兩不差夜復該覽
載籍用志不分終以是致疾正德五年卒於官朝命
進福建視學副使而已不及見矣

盛儀

盛儀字德章號蜀岡江都人襁褓中即能記誦少長
若志績學不憚寒暑領弘治戊午鄉薦第六人乙丑
登進士儀於古今書無所不讀故於難易事無不能

本朝分人物考 卷三十一

六

南直廿一

為觀政吏曹時能抗逆瑾不為致書冢宰剛介之聲
藉藉在人及主事禮曹數以外夷進貢事抄權倖王
永又執奏不當加賞以誘降夷銓曹以為賢改監察
御史劾天下不職吏若干人具奏 病若干條
風稜棘棘無所忌避外補山東 使有巨寇
劉宸輩攻城邑殺長吏勢甚劇儀募 驍卒躬親
矢石間多為方略斬首千餘級境內以寧後二年商
河盜起復建議官軍入城支糧緩不及事請遣官齎
銀隨所至買糧以給賊遂撲滅至若黜賊吏誅權猾
寬疑獄理侵漁卹夫役凡可以興革者不難以身任

之東藩之政一時為新丁內艱歸服闋改雲南典屯
政摘發諸衛侵冒糧銀吏百餘人咸帖然輸服無稱
究者遷湖廣廉使久滯之獄剖決如流守令雖遠在
數千里悉廉其才否以公舉刺時湖省多盜建議置
僉事一人專督江防兼理兵備嗣是水陸無虞民歸
德焉遷本省左布政使會朝廷遣大臣取大木索價
徵夫一省騷動請以買木羨餘次第顧役民困稍蘇
又顯陵之役計費不貲迺贊翊內使崔文務在節省
又歲凶民饑人情洶洶獨負已責散儲拚幣所全活
者甚眾會入覲以可否屬吏忤當衡久之始遷太僕

本朝分省人物考 卷三十一

七

南直廿一

卿時甘肅用兵詔解馬二千匹給軍事獲不擾又議
置別庫以儲露積無何以不偶於俗被論得閒住後
以顯陵功詔致仕性至孝友學術醇正嘗議定曾子
廟制應詔陳言請崇尚周朱釐正文體為士論所避
居官勵志清白林居惟舊廬數椽足以容膝薄田數
畝足以充虛愉愉焉著書授徒訓子力農不以為窘
也對客譚論經史品題今昔人物疊疊不倦語及求
田問舍事笑而不答每出城市雖鬪鬪鄙夫亦曰盛
公來矣

楊果

楊果字實夫興化人弘治戊午舉鄉試己未不第歸聞蔡虛齋精於易問易其門盡得肯綮壬戌遂以易魁禮闈登進士第卽告歸省父會丁父憂服闋授戶部廣東司主事凡本科章奏多出其手時逆瑾用事屢疏得歸復起爲南京戶部主事陞南京刑部員外郎比情執法不避權貴政暇閉戶讀書并稽古行實以自考鏡後入爲吏部文選員外郎進郎中覈取實才請託不行又培植善類崇獎恬退楊尚書廉謂其門可羅雀不負官箴踰年陞南通政司左通政攝刑部事三大讞誅死罪人無寃者未幾改提督騰黃聞

本朝分省人物考卷三十一

八

南直廿一

寧潘變建言九事以養母請歸嘉靖改元以論薦起爲南京太僕寺卿陳馬政便宜數事從之界志趣朗爽又介特不與塵俗浮湛每慕歐文忠爲人多所表揚值滁守陳則清請重葺豐樂醒心壯懷諸亭爲之授材續費左右其成因紀之取易日中則昃月盈則食之意名堂曰保豐堂使知豐不可恃樂不可縱必本之先民之憂以爲憂踰年進太常寺卿又以母老歸養七年復起南工部右侍郎尋改南戶部署篆總核部政秩如中貴家人有冒攬內府紙價者必寘之法并叅其相比爲奸者特服其剛正未幾卒於官衆

多惜之果天性孝友歷官兩京以母老在堂不挈妻孥業師家有四喪不能舉者皆爲葬之而卹其孤嘗曰予自視實多曠廢惟不識瑾寧彬三凶差可免愧耳斯亦足規其品概云

肩鑾

肩鑾字廷和號得菴如臯人弘治癸丑進士授南京刑部主事丁父憂歸服除改授武庫主事壬戌分校禮闈轉員外郎中時諸邊缺戰馬舊例淮揚止納折色至是欲令納馬計其費數倍於昔立疏上之得復舊遂革減其半陞福建左參議初建寧都司聶賢和買軍民貨物妄受詞牒私役軍人鑾立遣私役者歸伍又以法諭衆和買妄受者俱息汀州大茂山剽賊肆劫掠遣人諭以威福賊衆乃降給業與居地方獲安久之念母老病疏請終養得歸無何母病卒亦竟以憂瘁不能起

顧仕隆

顧仕隆字仲勳別號葵齋江都人溥之子也仕隆生而秀穎沉嘿授以章句大義無不了了迺更善爲詩歌熟習昭明文選彼以孝廟甲子襲侯爵樸愿之性根於天植退朝家居蕭然如寒士冊封遼荆慶三

本朝分省人物考卷三十一

九

南直廿一

潘饋遺無所受薦贖滿公車典司神機營戎務會

武宗登極賜賚勲臣視學祀先師 命坐聽講賜宴

饗俄兼管紅盔將軍復領宿衛禁兵帶劔侍衛奉

勅管理官軍牧放馬匹一時勲臣中材猷幹略無出

其右者久之陞督漕總兵仕隆素有慧業多心計凡

錢穀之出入庸直之支給綜核精審便宜斟酌而盈

縮焉歲得羨金以萬計漕政一新在淮十餘年疏凡

二十餘上皆鑿鑿可行其大者謂士卒之冒寒暑勞

率餉道晝夜不能休 仁宗下詔哀憫有附載什物

者勿禁都御史馬文升復申明之而刻核吏抗旨苛

本朝分省人物考 卷三十一

十

高世一

索不近人情臣以為寬一分以振羈人之困乏可也

惟私鹽則禁耳又數為士卒請月糧士卒之死而旅

視無所歸奏請恩卹軍士無不感泣者復請疏開會

通河至今稱便蓋京城大通橋至張家灣一帶河流

為元時轉運通渠也元都水監郭守敬疏鑿通州通

惠河引水置閘永樂間亦循故道抵京竟為浮言所

阻正統元年始一行之奸徒倡議復中止夫節浮費

以舒民困興國家自然無窮之利杜後世意外不測

之虞計無過於此者後虜薄近郊闕通州廩粟賴此

獲全人始追服其淵謀大略云逆賊劉七擁惡少劫

掠江淮間焚運舫 詔勅相機勦捕仕隆募驍勇扼

其吭賊窘入海困狼山無一得脫者宸濠反 武宗

南幸佞彬指麾號召徵索無厭成國公長跪媚彬求

活仕隆獨抗不為屈彬怒數窘之會 上至淮安屏

侍衛徒步入城幸其第彬始不敢肆其譖 世廟登

極奉詔鎮守湖廣淮之軍民耆舊從闕下借留不獲

遂勒石立碑頌其清介謂在淮十年如一日餼廩外

一無所取也 上聞而賜勅褒諭併賜白金綵段未

幾召還提督三千營操練俄攝右軍都督府事仍兼

營務會京師地震下詔修省遣祭告天地山川二年

本朝分省人物考 卷三十一

十一

高世一

孝惠皇太后梓宮至山陵祭告后土天壽山及七

陵癸亥以久旱風霾祭郊廟七月奉迎 恭穆獻皇

帝神主至京奉安於觀德殿祭告羣神皆仕隆典其

事八月 賜手勅特加太子太傅調掌中軍都督府

事提督都門鎖鑰兼督三千營如故屢賜 恭穆獻

皇帝宸翰 御製敬一箴洪範序文獻通考諸書先

是錦衣千戶王邦奇者以汰去疑詔出大學士楊公

廷和手乃上疏陳邊事言哈密夫國番夷內侵由彭

總督賂番求和開邊啓釁故 上震怒詔逮繫彭公

澤楊公和等仕隆疏言彭澤楊廷和當權奸專橫之

曰保全神器歸於陛下持危定傾功亦不細矣邦奇
小人假邊情肆邪說惑聖聰傷國體此之謂利口亂
政宜放諸四夷者也夫察上官之詐白伏波之寃干
古以爲美譚柰之何惑一羣小而使堂陛之凌夷至
此天下後世謂陛下何如主乎議上有詔切責仕隆
遂移病乞假解營務竟以七年己亥卒於官年四十
有五訃聞賜太傅謚榮靖 諭祭十五壇遣官營兆
域

張鵬霄

張鵬霄字圖南號葵軒江都縣人脩軀通臂豐頤踈

本朝分省人物考

卷三十一

十二

南直廿一

髯面如紫玉目若朗星正視不見耳聲吐如鍾尤精
騎射壯膂力年十五襲官初將兵守寧夏已改守榆
林已推衛僉書已又陟掌衛事並能舉職効才一時
察佐咸推伏莫及 敬皇帝時北虜據衆入寇大將
武安侯檄統兵應之率騎兵二百遇敵於滿受堡曰
衆寡弗當也殊死而已令諸軍下馬馬盡入堡步戰
移日督擊愈厲忽一虜朱甲青錐揮刃突來直前斬
之朱甲青錐者蓋酋長云虜懼道我軍無傷事聞
天子壯之賜白金綵幣若干是時他將兵孔壩溝者
全軍皆沒坐免者衆人以是咸服其勇會少傳遂庵

楊公總制三邊事召致幕下谷兵略建圖畫計山川
夷險之形暨奇正分合之勢炯炯有條楊覽而奇之
太息曰大將材也欲大用不果後環慶地方弗靖有
才總制者疏以守備環慶陞署都指揮僉事至卽懸
賞募兵招商實廩斥堠繕飾城浚隍又奏歲增銀布
以犒士卒寘鑼亂諸路兵會靈州乃謀於諸將曰賊
據城不出黃河伊邇可引灌使下脫南渡河患不可
測矣於是令善渡者若干人夜奪河船盡使不得南
賊聞自相殺因攻之約諸將協應賊遂平事聞 天
子降勅褒諭賜白金若干兩及紅金虎豹衣二襲陞
本朝分省人物考

卷三十一

十三

南直廿一

都指揮同知居無何擢掌陝西都司事比年來事務
弛廢因仍相踵莫之或振憤然曰不振則不立於是
刷姦剔蠹著令布條咸斬斬有實軍吏惴縮無敢犯
都司稱治久之蜀中盜起流擾漢沔湘洛間橫不可
撲大司馬辛菴彭公檄督三省十九路兵將以討賊
渠魁相繼授首俘馘以萬計時論功第一會與紀功
給事相忤竟掩其功弗上止得賜白金及金衣二襲
論者憾之又平關中盜斬獲千二百有奇又平洛南
盜平石門山巨賊擒其首盡收餘党以歸屬冬雪沒
徑墮馬傷足以病告歸居數年還菴楊公復總邊事

再出董旅期大得志於時揚壯之嘆曰孰謂廉將軍老尚可用也令代巡諸邊乃即疏掌寧夏都司事不報曰今之仕宦者余知之矣不蹊徑率貶折爾子終不能覲焉以內媿於志楊公去遂杜門謝事後中丞王公御史楊公連疏薦之竟不出惟課園觀書絕口世故歲時家廟展祭畢坐堂上令兒孫及家衆羅拜堂下訓以內政甚肅生平不疾卒日猶三飯如常得年七十有九

張 聰

張聰字鵠舉號南溪泰興人幼即穎敏有異質往往

本朝分省人物考 卷三十一

十四

南直廿一 劉光

出語奇絕驚人以儒士補邑弟子員勵志力學不以寒暑少間必丙夜乃罷為文根極理要耻作尋常語每構思則對齋前古柳揮指設刺久之樹膚盡裂正德丁卯舉於鄉學士東江顧公覽之棄卷中甲戌中會試第六主司特梓其文以為程式初授戶部主事丁母艱服闋補禮部值 武廟南巡兩抗疏極諫杖闕庭時伯兄侍御公亦上書請斬逆瑾下詔獄兄弟直聲凜凜震朝宁間尋陞主客郎轉兵部武選武選職司邊帥暨諸勳胄往挾賄怙勢習以成風乃一裁以法無毫髮假借以故側目者衆遂據禮曹舊僚

辜波及謫廣之饒平慕其地即韓昌黎所稱潮陽也歎曰韓公以直貶斯地予何幸踵其後耶飄然獨往忘其為謫且遠也至則創立書院遴士子之可教者羣聚其中日為課業一時遠近風動負笈從遊者輒數百里而至厥後以科第顯者數人會 世廟新政錄用言官稍遷海鹽尹輕徭薄稅興利除害多所善政民至今思之不忘未幾陞湖州府同知陝西僉憲河南副憲俱以夙望遷遷已又督學湖湘乃頒條章飾教典務以崇尚德行釐正文體而士子為之丕變其所拔識皆知名士既參陝藩政掌貴州憲晉四川

本朝分省人物考 卷三十一

十五

南直廿一 劉光

右轄江西左轄復改河南惟陝西最久被澤為獨深陝之人立祠以祀者三而河南則繼伯兄羽後凡一切例所應得者悉從謝絕一如伯氏舊政洛中有一世兩清之稱士論榮之他如酌處海關備服強宗又其最著稱者壬寅陞都察院右副都御史巡撫延綏榆林等處榆林孤懸塞外於九邊獨稱難守甫至即舉邊務之最急者條上十餘事 上悉嘉納著為永規比虜兩入兩捷之捷聞降勅褒獎加右司馬仍錫金幣自是黠虜歛退烽燧頓息久之嬰疾再疏乞休召貳南戶部而去志決矣遂解組而歸角巾野服笑

傲山水怡情觴詠日與二三朋舊過從暇則課諸子弟以經史其他不復問凡族之貧不能婚葬及鄉隣之乏者每捐俸餘助之不少恡惜邑故無城首倡議築卒之工甫就而海寇猝至境內賴以保全卒於嘉靖乙卯年七十有七

崔桐

崔桐字來鳳維揚人性恬素不靡於紛華組繪之習正德中發解南畿進士及第歷官翰林藩臬太常卿國子祭酒進兩都少宗伯尋致仕歸日杜門纂言以自娛快陶陶然若於世一無所預者其子孫族黨亦

本朝分省人物考

卷三十一

十六

南直隸

莫不循循煦煦無怙勢常態嘗綴其所為文若詩得二十卷因物賦形無所沿襲世咸矜重之

周臣

周臣通州人由進士改刑部主事有大臣子坐奸淫竟正其罪以是出為薊州同知清審徭役蔚有能聲轉順天府推官會疏逆瑾責朝官廷跪於日中臣抗聲辨詰校尉叱之則擊以手板至晚氣絕士大夫惜之

王大用

王大用字時行號檠谷興化人正德戊辰進士授工

部主事管臨清開時劇賦劉六等攻劫郡縣所過無遺時濟寧已破直趨清源臨清分署在城外城閉矣乃拔城外之壯勇者督率之據險迎敵城中時出兵以應援賊乃解去墟市獲完改刑部員外郎以病疏歸乙亥赴部擢廣東僉事備兵清遠其地深垣巖阻積為盜區樂昌高快馬偽稱天王流劫彬永等州

上命合兵討之帥兵直搗巢穴獲首級一千四百有奇陞俸一級宜章民與樂昌黃圃民相仇殺湖帥議勦力持不可出示諭之黃圃民自擒十六人以獻餘悉不問又清遠徑盜張甚復帥所部將渡滘江得賊

本朝分省人物考

卷三十一

十七

南直隸

黃圃水寬部將斬首千有餘級又攻黃華洞十八山諸巢斬首二千餘級陞本司副使 世宗登極以征夷獠功寵賜金綺已而累陞廣東左布政入為順天府戶尋擢右副都御史巡撫順天 部以大用習塞上事疏請出撫大同至則破三寨善果傳首京師迺條邊備四事謂臣待罪行間徭贖諸鎮他鎮邊垣離鎮不遠候望尚易惟大同道里遼曠亭郭埤坵各不相屬卒有緩急何以救助而游兵偵卒恐遠覘為虜所獲輒伏匿近地故牒報不符情實而偶為虜生致者又盡以我軍虛實告之宜添設墩堡環相縈絡

以成臂指相使之勢 斬論是之已朶顏三衛擁達
虜千餘詐稱入貢詔大用督叅將等詣關閱實大用
乃單騎入城調兵扼險設兩伏為左右翼犄之虜謀
泄宵遁後復誘其酋長幹維者令獻黑谷關地至太
平寨延袤五百餘里可繕為邊垣以省關營大半幹
維已得專約且輪盟而去言者竟劾大用生事構怨
坐免久之復起用四川巡撫大用在蜀獲白兔不表
聞而地震水旱勤請脩省蠲租不置時天子方齋祀
太乙見大用疏心殊厭之擢南京刑部右侍郎乞致
仕以歸年七十五以疾卒於真州之寓

本朝分省人物考 卷三十一 南直廿一 十八 經坤

蔣山卿

蔣山卿字子雲儀真人以進士授工部主事正德已
卯 武廟南狩與同官林大輅何遵伏闕上疏諫曰
昔太康遊畋不返夏德以微昭王南征不復周道遂
衰逸遊之戒聖王所謹今 皇上北臨宣代西幸榆
林廢宗廟之禮曠定省之儀且今宗藩無道方肆窺
覷萬一禍生不測如宗社何疏內指斥激忤時貴
上震怒幾斃杖下謫南京前府都事嘉靖改元 詔
復原官改刑部歷員外郎郎中出為河南知府改潯
州再改南寧時思田土官岑猛倡亂有 詔命撫臣

帥師討之山卿督餉調度有方師得宿飽羨餘鉅萬
言於上官以十五代民租計餘以賑饑郡以軍興之
故瘡痍殊甚隨事經理誠心拊循民又以安舉最進
廣西叅政總督都御史林富雅知其才方倚為邊鎮
之重而山卿以讒言罷矣在南寧入覲奉 詔上地
方利病事曰夫思龍之民便於立縣者以租繇近可
便於輸納也若割思龍使為廂民以供流官將田州
自為土民以供岑氏是導之使携而為貳情不相屬
而血脉不相通且思龍何罪哉供億之煩夫役之擾
視昔反多異時田州萬一有如盧蘇者起則其禍必

本朝分省人物考 卷三十一 南直廿一 十九 經坤

首思龍割肉補瘡之害立見矣若荒田之民則尤有
可痛者往歲田州之亂止戈實當其鋒攻劫焚掠慘
不忍言昨王受既降前罪已赦百姓贖妻子者必與
之直直不入不得贖也止戈之人恨不得食其肉今
乃移思恩而逮府治於荒田割止戈之民為之祗侯
而築城之役又不勝疲勞且思恩荒田相去百里是
棄而遠之彼將何所忌憚哉有司撫恤之恩加於思
田者蓋謂寧勞吾民寧費吾財分毫無擾於彼則彼
將感激而自安然恐自此遂成姑息之政而非久安
長治之圖也卒不幸他日再變朝廷將何以處之乎

又言兩廣總兵率用侯伯此皆統袴膏梁子弟坐享厚祿營求出鎮惟能剝削軍士需索有司詐嚇土官牢籠商賈於閭閻之疾苦軍兵之強弱山川之險要夷狄之情狀皆所未知塊然土木而委之三軍之命非計也乞選自行伍間素有謀勇不事干托者徃充其任須責以鎮靜不擾撫輯民夷有事則身親矢石奮勵先鋒庶邊將得人地方寧謐矣又言廣西夷多民少右江如柳州慶遠各州縣左如桂林平樂各州縣城池圯壞墟里荒涼甚至二三百里行無人煙狂賊得以出沒其間侵奪田地是以戶口益減商旅不通而居官者亦無固志乞行撫按守巡閱視州邑修築其城池招集其墟里繕道途置傳舍如錢糧無可措辦則於梧州動支抽分鹽課給發爲工役之費夫如此則官司有所止百姓有所聚行旅有所歸彼夷獠見吾之整肅亦將望之而遠遁矣督費而永寧一勞而久逸計之得者也其經略大槩若此惜其用未究歸田惟徜徉詩酒校讐文藝所著有南泠集休園集

本朝分省人物考 卷三十一 二十 南直世一

俞敦 敦字崇禮江都人進士初選授翰林院庶吉士未

幾改刑科給事中敦侃侃有直氣在諫垣首劾遼慶撫臣及諸藩守臣不職次陳禁門守衛之弊緣邊賞賚之宜薦舉臺閣之公皆鑿鑿有裨家國而江彬不軌一疏尤凜有節操戊寅領特旨行勘河南總兵張璽等不法事下車之夕夢巨人書天理人心四字後按罪狀果符踰月獄成衆拱服錢寧重其名求與交納敦峻拒之竟不少爲延接士論重之時 上亦特賜銀牌金織衣以旌其功遷禮科右給事中 世宗嗣位敦首疏四事一去壅蔽二親儒臣三立紀綱四惜名器後捧詔使安南賜麒麟服進都科至廣西梧州府病卒敦生四歲失怙母氏勞苦鞠之後母喪敦哀毀骨立不盥不櫛終喪如一日事庶兄敷敞曲盡恭誠人咸稱其忠孝而惜其不竟厥施云

本朝分省人物考 卷三十一 二十一 南直世一

王良 良附子璧 王良字汝止泰州安豐場人場俗故業鹽無宿學者而汝止孝出天性寒日見親以冷水沃面乃痛哭曰其爲子而令親天寒盥冷水乎出代親役入 席晨省夜定如古禮唯謹久之行益純忽心量洞明悟性無礙而天地萬物爲一體自此行住語默皆在覺體中於是謝役秉禮爲儒者而人未之識也未幾

王文成以副都御史撫江西會有客安豐者聞汝止說論語詫曰此絕類王巡撫之談學也汝止乃大喜即日造江西服古冠服執木簡賦二詩為贄以賓禮見文成異之下階迎入良長揖上坐論學居數日有省曰吾人之學飾情抗節矯諸外先生之學精深極微得諸心者也反服執弟子禮已文成居越時時造越中請質已太息曰是某之罪也辭還家駕小車從二僕北行所至以師說化導人聚聽者無慮千百抵京同志相顧愕眙共匿車勸止留一月竟談眾心而反汝止骨剛氣和性靈朗徹見人眉睫即知其所存

本朝分省人物考

卷三十一

三十一

南直二

學者意慮稍疎漏見之不敢正而視也接引人無間僕隸雖顯貴悍戾聞言皆愧悔謝不及有蓄疑不解者旁及他事使本疑頓解機應響疾諸聲應氣求者望庭為歸與剖析精審莫不虛往實還而喜溢色眉也蓋汝止之學以悟性為宗以反已為要以孝弟為實以樂學為門以太虛為宅以古今為旦暮以明學啟後為重任以九二見龍為正仁其言曰只心有所向便是欲有所見便是妄既無所向又無所見便是無極而太極又曰知愚夫愚婦與知與能與鳶魚飛躍同一活潑潑地則知性矣語持功太嚴者曰君子

不以養心者害心有間放心難收者呼之輒應而起曰汝心見在更何求乎曰即事是心更無心矣即心是事更無事矣或問先生何不仕曰吾無往而不與二三子者是某之仕也或勸之著述不應洪御史垣構舍居其徒吳御史悌抗疏薦不報大學士趙貞吉誌其墓以為契聖歸真生知之亞晚作格物要言勉仁方諸篇或百世而不易云子璧字宗順學者稱東崖先生生九齡隨父之陽明公所士大夫會者千人公命童子歌多躡喘不能應宗順意氣恬如歌聲若金石公視召之知為心齋子詫曰吾固知越中無此

本朝分省人物考

卷三十一

三十一

南直二

兒也輒奇而授之學是時龍谿緒山王芝皆在公左右宗順以公命悉師事之踰十年歸娶已之越復留者八年師友相陶汰氣竦神涌二精日明標樹山嶽之上越軼風霆之外繇枝葉而達其根派流而邇其源沛如也久之陽明卒心齋始授徒淮南宗順相之覃思悠然講論鏘然不啻陽明之存也心齋歿宗順望日隆四方聘以主教者沓至歸則隨村落小大扁舟往來歌聲與林樾相激發聞者以為舞雩詠歸之風復出至是風教彬彬盈宇內矣天臺耿公嘗晤宗順迎謂曰衆多君解了於道有得君自謂若何曰道

者六通四闢之塗也藉謂我有之將探取焉而又曰
我能得之則已離矣聞者大賞其言至金陵與多士
講習連榻累旬博問精討靡不愜其欲以去揚道南
紀之云東崖子至而論學也問學何以曰樂又問曰
樂者心體也有不樂非其體也吾求以復之而已然
則如之何而後樂曰吾體自樂曰如之何而後樂是
加于體之外也然則學可廢乎曰否莫非學也而皆
以求此樂也樂者樂此學學者學此樂吾先子蓋言
之矣樂有辯乎曰有所倚而樂者樂以人也喪其所
倚則不樂無所倚而樂者樂以天也舒慘失得欣戚
榮悴無之而不可曰無倚而樂非樂道耶曰樂即道
也而曰樂道是牀上之牀也學願止此乎曰孔顏曰
不改其樂曰樂在其中于此蓋終身焉而何以加諸
然則何以曰憂道曰君子非以外物為戚戚也所憂
者道也憂道者憂其不得乎樂也云爾平生孔孟之
言未嘗一日去于口其推而與世共也未嘗一日忘
于心而大意具此矣居恒不煩繩削而動應矩矱非
其義千金至前不一盼也喪祭必遵古禮建先祠置
祭田月朔率子弟肅衣冠致奠隨考一月中所為竟
日乃罷蓋心齋以脩身格物為鵠宗順嚴取子敦孝

本朝分省人物考

卷三十一

二十四

南唐世一

弟聯宗族關於行誼者毛髮必謹宛然先人之法度
中丞凌海樓疏薦於朝部擬召用宗順堅臥自如臨
終屏婦女母使近諭門人子弟親賢講學語不及私
林春
林春字子仁號東城泰州人父為漕卒春獨與母妻
居晝織屨治生夜讀書常以竹筒注膏繫衣帶間惟
所適則出膏於筒燃火讀書夜不寐以為常日炊不
繼行歌自若久之得聞王文成良知之說則心喜之
日以朱墨筆點記其意向滅否純雜以自攷鏡久之
復自悟曰此治病於標者也駸駸乎有意於反本矣
本朝分省人物考 卷三十一 二十五 南唐世二
嘉靖壬辰以會試第一人選戶部主事調吏部文選
主事吏部故矜厓岸鎖門謝客雖親故人不得拜示
自尊重春門無留宿日盱出部則獨走剡答諸賓客
其尤厚者則相與挾衾被櫛具往宿觀寺中講學竟
夕以為常是時縉紳之士以講學會京師者數十人
其聰明解悟能發揮師說者則推山陰王汝中其志
行幅實則推春與吉水羅達夫羅最沉密矣而春猶
面疵其露才其自歛飾可知已居一年母安人病癱
臥乃謝病歸養母病少間出寓故所讀書處聚友輩
講學以其間走山陰就王君汝中叩所疑義每往必

喜幸以為聞所未聞久之赴官補稽勳郎中調文選
 泰州守黷而虐請於尚書黜之尚書趨起曰某未有
 劾者柰何春曰不實則罷郎中頃之南御史劾章至
 則其人也赴官泊淮淮守某以次謁諸過客舟始及
 春供張又薄若不知其為吏部者後淮守入覲考下
 當遠調具白尚書以過淮事薦其廉靜乞留之二者
 其一遠嫌者不敢為其一怙勢者不能為也嘗自謂
 曰選曹之職欲上通於君相與冢宰之心下通于選
 人與天下人之心居其間欲兩合焉難矣雖然求無
 負乎吾心已耳居無何病一夕卒卒之日猶在曹不
 自知病病且革乃昇歸舍先是嘗於會中講曾子啟
 手足意甚懇惻聞者皆怵惕未數日而卒年四十有
 四耳出其橐得銀四兩不能棺其寮友為之棺以歸
 歸不能葬州守黎君賻之錢以葬

朱應登

朱應登字升之號浚溪寶應人也生而犖奇童時即
 解聲律諳詞章十五盡通經史百家言而力殫于淵
 學於是飫醇探纒程猷經用噴英擣華樹
 年二十舉進士時顧華玉劉元瑞徐楨鼎
 才子乃與竝奮競騁吳楚之間歛為俊國一時篤士

本朝分省人物考

卷三十一

二十六

南直廿一

之士聲慕嚮臻樂與之交而執政者顧不之喜惡抑
 之北人樸耻乏黼黻以經學自文曰後生不務實即
 詩到李杜亦酒徒耳而柄文者承弊襲常方工浮華
 靡麗之詞取媚時眼見凌谿等古文詞愈惡抑之曰
 是賣平天冠者於是凡號稱文學士率不獲列於清
 銜以登為南京戶部主事陰欲困之登劾劾斷錯事
 不留行而其學愈淵博出知延平又復優於吏治善
 政種種公餘之暇不廢咏歌尋陞陝西按察副使提
 督學政闢正學書院羣士之俊異者於其中豐餼嚴
 約談經講道至者且數千指風教大行文自韓歐來
 學者無所師承迷昧顯則我明既興隆本雖切然要
 與本聞也及應登等出創觀駭疑大不容於人各以
 所不勝相壓而性復挺直不解假詞色於人更哆憎
 口恨不即穿之例調荒裔往禦應登詩陞參政卒罷
 去歸里後潛伏草莽中溫繹舊業期十年盡償所願
 而竟以疾不起得年五十已耳

曾銑

曾銑字子重江都人嘉靖己丑進士銑有機略初為
 御史巡按遼東會廣寧撫順兵變銑密運方略悉捕
 首惡誅之全遼大定時翕然重其才會虜患棘遂超

本朝分省人物考

卷三十一

二十七

南直廿一

拜都御史巡視西師倡復套議大學士夏言力主之
銑竭謀畢智一切行陣壁壘之間井然有條戰功屢
捷自謂績可必成而嵩與言不相能常思有以中之
乃間上指謂其非計臺省遂附嵩騰疏攻言以去
會成寧侯仇鸞時方挾寵而鸞先為銑所劾有旨逮
詔獄鸞赴闕自理至是嵩乃授鸞意令以復套事攻
銑賄言表裏作奸覬圖大福校繫來京法司擬罪凡
再竟以交結近侍律言與銑俱論死銑既死家無餘
貲妻子流二千里嗣是無敢復言套事者而中原內
境陷于虜庭天下咸比於岳忠武之冤云

本朝分省人物考

卷三十一

二十九

南直廿一

宗臣

宗臣字子相號方城興化人幼負氣豪雋自喜以時
藝擅盛譽學使者每試必冠諸生登嘉靖癸丑進士
授刑部主事太宰李公默奇之調為其屬得考功故
事吏部郎自相貴重絕不復通他曹而臣日夜與其
舊曹李於鱗王元美徐子與益相切摩為古文詞竟
以湛思略血謝病歸病良已築室於所為百花洲者
讀書其中不復問世事居二載李公復入政府移書
敦迫不獲已為強起補考功三月而調文選遷稽勲
郎中臣強敏於職不廢時時佐其長有所推進而其

好為古文辭日益甚會李公與相嵩交惡見法而臣
又嘗購故楊忠愍公揚亦札相嵩坐論者於是嵩啣
之甚幾用考公令斥之會有救者獲免竟出為福建
參議比至而旋有倭難守城之西隅鄉民襁負求入
者幾萬人戒門者內之入甫畢賊至先求得善火具
者百人手白金人為勞且約曰俟吾鼓而俱發不然
母動也賊輕城無兵凌埤堦魚貫以進鼓之火具累
百發洞中賊死者無筭遂以潰去督府檄護狼兵歸
乃下令曰吾日一酒食犒若若不歸伍宿吾不虛寢
也夫法不能貸若矣竟度嶺無敢譁者遷副使督學
政每按部校士坐堂皇上取試題為程義以夕及旦
日閱卷以又次日進退諸生無不人人厭服已徐出
所為程義示之又無不人心折也既精強於其職
而臺使者諸司道大夫以文事造請者填委又以其
間劇意騷雅謳吟非丙夜不已遂寢瘵日以亟疾革
衣冠坐聽事手書三詩於帙飄飄然有御風凌霄意
已擲筆而逝臣才氣橫放雄厲莫得而羈斂務出意
象之表以自愉快寧暇而璧寧蹶而千里至於論說
千古成敗慷慨擊節幾令懦夫可奮而為責育矣得
年僅三十六

本朝分省人物考

卷三十一

二十九

南直廿一

顧寰

顧寰字君錫江都人仕隆子也寰生而魁岸奇偉不與羣兒為伍獨敦詩書而悅禮樂為小侯時流覽百氏遠識沉通室嗜欲寡言笑資貞幹事廉隅其嗣侯也為肅皇帝七年姿儀端潤趨眇淹華明年授五軍管坐營又二年將諸陞楯郎直宿衛小心忠謹止進有常度甚見親信以給事魏良弼首薦僉左督府事坐鼓勇營其年改中督府十四年守備南京 賜金綺以行先是三法司獄囚五年一審情真矜疑奏請發遣自正統初遣巨璫金英遂著為令內豎驕恣張

本朝分省人物考

卷三十一

三十

南直廿二

蓋擁駒從入寺堂而高拱南嚮御史大夫西向坐從郎曹引囚廷審大所不堪 肅皇帝在王邸中知民間苦內豎桀驁罷鎮守十六年特以武定侯暨夏李二大學士理冤獄罷內豎不與已而武定侯題稱南京及各省南北直隸一體會審特允所奏 勅寰欽卹大獄寰奉 詔讞訊所釋大辟十九人稱明允十七年南都春漲衝齧 詔寰祭江神修陵寢 孝陵工完賜金幣有差俄掛印充總兵官提督漕運鎮守淮陽淮陽之追慕榮靖者故老扶杖郊迎寰相對涕戲泣下取榮靖公所撰漕規數帙置几案蕭規曹隨

本朝分省人物考

卷三十一

三十一

南直廿一

增輝世德有大小馮君之號焉先是運舸迴避梓宮不得前梓宮發而河流溢迨巡而北凍裂層冰阻阨者幾二千九百餘艘河泮時始得還則後期不復能領運矣且所在災傷民不堪命允運亦不能如期會發徵奏請暫將前船免一年轉輸計所轉輸可九十萬六萬七千四百餘石即以各災傷地方量准折色同本色米以時入太倉一以省凍阻之役一以振黎元之乏允運無虧軍民兩便 上嘉納之復條陳七事一謂有司當交允時擅繫官軍詣簿對頌繫旬月今後一切詞訟俱俟役竣會漕司問理無得逕自拘繫一謂運官赴尚書期畢其役於治粟內史其他寺署候交執席等務可不謂非王事哉而槩以後期叅究非人情也一有司審編旗甲須覈戶丁報漕司有逋逃侵盜者選編者一體連坐一輕齎銀抵都方給子有起撥無辦者將米價賤鬻比入太倉而廩不足宜聽把總酌量疏實以報一各倉交糧宜用刮鐵收受禁軍人無得高下其手一每版交席六千止用三千不用者朽今但將三千隨米交倉餘令折銀交庫一運官犯法懲創則有漕司刁軍擅赴隔別衙門挾告運官罔上行私冠履倒置漸不可長奏入 詔悉如

議行之議行而謗興矣言官竟以飛語中之賜罷斥而直指御史按驗寔無罪罪在言官言官遂以計典逐而寔復僉書右軍都督府事俄命神機營坐營淮陽人德之深願復借一年天子許之會有獻策取安南者安南都統使莫福海死子宏瀛當襲職族人莫正中欺其孤幼陰欲謀奪謀洩正中窮蹙命入中土詭詞搖惑侵擾內地粵塞不得寧而廟議以為憂上乃命寔鎮守兩粵便宜行事總戎藩臬以下俱受節制與提督同提督侍郎周公延同心計畫送宏瀛還國襲封貢正中仍安置原所勿遣先是廣本朝分省人物考卷三十一 三十二 南直廿一 西桂林平樂徃徃破掠城市大肆焚劫連歲無虛月寔至而蕩平之擒斬俘獲無筭捷聞賜金綺是役也或有議召募四方兵集粵大剝之者寔獨養威持重相機備禦百姓安堵而寇亦殄矣已復去粵入淮淮陽之人欣喜踴望先後凡四鎮淮始終如一日無何倭寇通州如臯海門等處如臯縣令據城以守寔亟集兵餉分守洋麻港雲梯關廟灣東西海島要害倭悉殲詔賜金綺而總督京營之命下矣先是武廟集九邊將突騎數萬人聚京師號威武營上自為大將軍江彬許泰為副將軍而十二營自如嘉

靖初散邊兵用武定侯郭勛為帥二十餘年培克鉅萬中外切齒尋得譴以去而代之者成國少不更事至庚戌之變兵出死禦者不可勝數咸寧侯仇鸞奏調邊軍驍勇者數萬人隸近畿陽言京兵雜征戍陰匿占鬻遺如故肘腋之間厠以豺虎蓋人人寒心也鸞死而磔其屍正其罪代之者愈益甚至命寔總督京營戎政人人舉額歡聲載道謂寔為名將家子且所在廉平澤南洽而威北振矣時天子居西壽宮修祕祝祠作大光明殿及玄熙玄都殿玉熙及新宮而會奉天三殿及朝門裁又戎虜築長城起永定本朝分省人物考卷三十一 三十三 南直廿一 七門修蘆溝橋諸大繇作寔時督諸軍具畚鍤助諸匠工天子益憐其勞進宮保下詔褒予數被金綺之賜時輟大官珍醴藥物賜之親寵於諸侯為冠有省臣游甲者議京營諸衛兵雜各營無可稽覈請以大小衛分配一衛專隸一營部覆議從之寔力陳以為不可謂五軍營每營妙選三千餘為備神樞神機兩營亦選其強壯者聽調倘序衛順營而分配之無論改隊伍不便秋防在邇兵與將不習強與弱混殺何以禦敵乎上可其奏而戒部臣勿輕覆諸建白亂舊章者寔復條武備者八刷班軍者五皆切中

時宜 天子以為能或謂春防急矣破敵摧鋒須戰將 肅皇帝拊髀咨嗟有頗牧之思焉數密諭輔臣較數熊罷士文武大臣中有能備干城衛社稷者乎對曰臣有帷幄運籌有鄭曉而曉老矣顧寰雖非戰將練京兵善操縱京兵素驕矯操未畢而遁叅將縛其人矢貫其耳一軍皆譁寡撫諭乃定蓋寰之得士卒心已久故統理戎政卒未有易寰而代其任者迨肅皇帝晏駕 穆宗 神宗相繼御極凡舉大事有事于郊廟必充上公往禮成必加齊陵寢壇壇耕籍大闕亦如之間復遣行督漕竟以老屢疏乞休

本朝分省人物考 卷三十一 三十四 南監世一 陶太

天子益褒予加少保奉朝請蓋異數也其後二年乃卒年七十有九計聞上震悼賜祭十六壇贈太保謚榮僖

陳大科

陳大科號如崗南通州人登萬曆辛未進士授河南府推官丁父憂去服闋補紹興府以卓異內召擢吏科給事中上弭災議一祗事兩宮二慎選婚三召見輔臣四免汰潘臬五蠲織造之徵六釋因公犯科之罪皆侃侃持大體在省九年一被命督慈寧宮再主鄉試考用久次陞通政司參議歷太常光祿卿時朝

講久輟給事李獻可等十八人皆以言事得譴自以故言官不得坐視上疏力爭之不報久之擢右都御史總督兩廣會田州土官告變授計又江道討平之疏善後七策要以弛征撤戍柔懷新附為本陞兵部右侍郎廕一子入太學值岑溪七山等山獠嘯聚復授計左江諸道討平之而疆外諸蠻黎莫二姓兵又起請於朝為布立恩信以術籠駕招徠之久之二姓皆請降以功晉副都御史賜金幣六上疏乞骸骨以歸居鄉抑抑下人逢掖寒峻皆狎而與交主操之能尋尺之善往往掄揚不容口時亦有奮力爭是非立

本朝分省人物考 卷三十一 三十五 南監

顧謙

顧謙儀真縣人洪武二十一年進士由行人選山東道御史巡按山東改河南道陞通政司叅議建言廷杖謫本司知事陞江西僉事丁憂復補浙江致仕

冒政

冒政字有恒泰州人成化乙未進士授南京戶部主事歷員外郎中出守武昌守正奉公多所興革陞山

東叅政弛南旺湖禁以食貧民陞江西布政將戒行以所餘餉銀千兩歸于代者毫髮無所取晉右副都御史巡撫寧夏忤逆瑾逮治罰米三千石輸邊累歲事方竟褫職以歸瑾敗復職致仕尋卒賜祭葬如例

柳 琰

柳琰字邦用儀真人進士弘治初守郡嘉興廉慎淳確政有調理卒於官士民惋惜之琰病劇僚友傷其廉悉索琰在郡所積羨贖得銀若干兩請以歸之妻孥亦以言琰曰吾豈以垂盡易所守哉言畢而逝郡故無誌琰聘平湖教諭林光緝之光另有傳

本朝分省人物考 卷三十一

三十六

南直

顧廷對

顧廷對字子俞南直泰州人嘉靖己未進士任平湖知縣剛介廉明遇事敢為辨疑獄洞得其情吏胥莫敢為奸先是較田多寡以力差役民民以田為仇而賤售之廷對創條鞭均徭均平法摠計而年徵之貯于官以貼役者力均而不病上官初弗之許廷對請益力反覆陳利害十數條始得如請令下民若更生逾年南海龐公尚鵬來按浙以其法行各郡邑在在稱便至今湖人田畝皆曰顧令公之惠也遷御史去地方追思之

顧養謙

顧養謙南直通州人嘉靖乙丑進士歷官薊州兵備陞僉都加右副都巡撫遼東尋陞南京戶部侍郎改兵部又以本部左侍郎總督薊遼保定軍務養謙才望表表一時別歷邊陲動著勲猷而經畧朝鮮之政恩威並用內安外攘實倚藉之無忝北門鎖鑰云

李 植

李植號順衡泰興人萬曆丁丑進士改庶吉士已卯授湖廣道御史陝西巡茶已而巡按順天陞太僕少卿乙酉降戶部員外郎調綏德知州再知沅州陞兵

本朝分省人物考 卷三十一

三十七

南直

部郎本年陞南大理寺丞以光祿卿擢右僉都御史巡撫遼東庚子准回籍植以建言受知于 神祖屢 性久而彌堅蓋卓乎品行之不易 得者



人物考卷之三十二目錄

南直隸淮安府

楊靖 韓政

張士彬 劉榮

羅銓 金濂

丁泰 王瑜

沈翼 劉安

沈麒 畢德

葉淇 宮安

葉贊 李瓚

張素 石渠

楊理 徐聯

曹琥 陳讓

楊宏 孫清

張朝瑞 楊旻

岑義

本朝分省人物考 卷三十二目錄

南直隸 高橋

本朝京省人物考卷之三十二

南直隸淮安府

楊靖

楊靖字仲寧淮安山陽人洪武十八年乙丑舉進士為庶吉士試事吏科以才能著聞隨擢戶部試右侍郎實授左侍郎在職公勤 詔有司復其家因進士監生犯罪不悛 御製大誥指示而激勸之曰如通政使韓宣左通政茹常戶部侍郎楊靖工部侍郎秦達皆同時由進士監生而登顯職各能率職以稱朕心惟恪遵先聖先賢之道故能伸於羣職之上其犯罪不悛者終至於殺身而已二十三年陞刑部尚書二十四年命以尚書兼太子賓客給兼官俸靖資性明敏有識善敷答理刑平恕 上數獎勵之尋以事免 命出使安南還改左都御史至是鄉人坐事繫獄家人擊登聞鼓訴狀靖為改狀草御史劾之 上念其才不之問御史論不已 賜盡於家父懋兄安奉 上命歸葬於淮年三十八平生自負忠赤東書入京不十年位崇台輔以布衣奉使海外蠻貊敬信則其人可知矣

韓政

本朝分省人物考 卷三十二

南直隸 張忠

韓政睢寧人元季爲義兵長 上定江左來歸授江
淮行省平章政事李濟據濠爲僞吳守 上命善長
書招濟不報 上曰濠吾鄉濟爲僞吳守是吾有國
無家可乎命政率指揮顧時等以雲梯砲石四面攻
濟濟出降留時守濠召政攻安豐以兵扼四門攻不
下潛穴城東龍尾壩二十餘丈壞城遂破安豐忻都
竹昌左君弼皆出走追獲忻都昌君弼走汴竹貞來
援又破貞克安豐至頴獲糧艘歸淮東西悉平從平
浙右北伐中原分兵扼黃河斷山東援兵取益都濟
寧濟南東平改山東行省平章政事大將軍取元都
本朝分省人物考 卷三十一 南直世三
檄政會東昌鎮撫臨青元都定又令政分兵守廣平
蟻尖寨者在林慮西北二十里元右丞相庸等據寨
剽剽旁近以給軍食徐將軍收諸山寨蟻尖寨據險
絕未下政進攻庸降調征陝西還兵守禦河北洪武
三年封東平侯食祿千五百石與世券移鎮山東未
幾復征河北招撫流移出居庸搗應昌取河林深入
土刺進至阿魯渾河大獲而還出巡河南再巡陝西
練兵臨清十一年卒贈鄆國公子英散騎舍人

張士彬

張士彬山陽人洪武中以才行卓異薦授江寧知縣

政尚寬簡能以和民尋遷監察御史益著直聲陞河
南按察使所在風紀振揚貪墨屏迹未幾卒于官

劉榮

劉榮宿遷人爲總旗從靖難立功夾河藁城泚河陞
督府僉事出塞討馬哈木阿魯台進左都督充總兵
守遼東改名江當是時倭寇數入永樂十七年倭船
入王家山島傳烽至榮率精兵疾馳入望海埭明日
倭數千入分乘二十艘直搗馬雄島圍望海埭發伏
出戰遣奇兵伏山下斷其歸路倭奔入櫻桃園榮合
圍斬捕甚衆自是倭大創迄今不敢犯遼東詔封廣

本朝分省人物考 卷三十一

三

南直世三

寧伯食祿千二百石與世券還鎮十八年卒贈侯諡
忠武子安嗣正統十四年從征降都督同知景泰中
守大同詔復伯爵時 上皇至大同安邀郭登出見
郭曰虜不可測吾二人者守土爲職脫有變柰社稷
何擐甲登城北面拜曰臣義與城存亡安竟出見命
進侯從 上皇入京言官葉盛劾安落侯復爲伯天
順元年進封侯加祿六百石與世侯券成化七年卒
贈嶧國公諡忠信

羅銓

羅銓字文衡山陽人永樂辛丑進士宣德丙午擢監

察御史丁內艱歸服除補原秩銓靜專沉毅晰于律比廣東民墾兵後荒田厚獲境內屯卒欲攘之不得因結眾夜竊所獲民覺起逐之有三人失道溺死按察司以民三人抵死獄上銓言於都御史顧公律竊盜棄財走主追殺者免罪矧溺乎於是三人之罪乃釋常州奸民告豪家謀作亂株連甚眾奉命往按之皆妄遂抵告者罪其明于治獄如此刑部郎有私忿相詬聲徹堂上大司寇不能制銓曰是可長乎遂劾奏忿詬者皆降黜超擢湖廣按察使既至獄有繫囚二千五百久未決數日發遣殆盡時民間征調繁夥

本朝分省人物考 卷三十一 四 南直三

有司往往罪之銓率從其輕典每語其同官曰內執法獄議或失中有大理寺為之平外莫與平者何可不盡心景陵令楊季安廉正不阿見嫉于州州誣其罪於鎮撫使已下楊獄銓為白之復楊任而罷州官之造誣者都指揮陳震縱私不法奪公廨為私居糾正其罪武臣有搖言以撼者卒不為動未卒前數日猶力疾草奏言都司官係一道武臣儀表不可濫授犯賊罪者宜徑削原職不得循例罰役復任奏減各郡驛馬千二百疋遞運所夫七百餘人以舒民力年甫四十有七而卒湖湘之人若喪所親

金濂 金濂字宗瀚山陽人賦性警敏銘達自少勤問學經傳子史疊疊成誦永樂戊戌第進士拜湖廣道監察御史凜然卓持風裁宣德初巡歷廣東江西所至有聲既還浙江豪徒史慶真亡命有司索之不得皆被累詔濂往捕獲之以父憂去官尋起為陝西按察副使方是時虜酋朵兒只怕擾邊遂勅濂巡撫兼督甘綏各郡糧餉規畫有方兵食給足以功擢都察院僉都御史分鎮寧夏久之陞副都御史虜既款附邊境又安暇日輒詣學命諸生講論經史將校環聽之雖

本朝分省人物考 卷三十一 五 南直三

寒暑不廢西人翕然頌濂之理不獨邊務修而且教化成也未幾 召還陞刑部尚書在職悉心庶獄姦慝無所貸而欽恤一念不忘正統戊辰閩寇鄧茂七作亂甚張命偏師往勦之而以濂理兵政時將校多不戢寧濂患之有犯者一繩以法授諸將以方略而躬撫輯其民俾各有寧宇賊竟盪滌民用又安遂全師而還濂之功為多隨兼太子賓客尋太子太保兼戶部尚書景泰初邊務方殷供餉匱乏日夜經畫以濟一時之急有所見輒言於 上汲汲以足國為已任怨訕紛騰毅然弗顧也聞四方水旱憂形於色講

求荒政奏遣使賑卹嘗辭師保之俸詔優答之謂其於軍國之事多所用心濂益感激自效日忘其勞景泰五年以疾卒於位享年六十有三濂自入官以來歷事五朝盛名偉績卓然一代重臣訃聞命有司治葬事遣官諭祭追封沐陽伯謚榮襄

丁泰

丁泰海州人永樂中鄉貢選授戶部主事立朝以剛正自持人呼爲鐵面丁後謫判興化清慎愛民賑歲饑弭虎患綽有善政莆民至今思之

王瑜

王瑜字廷器山陽人選隸趙簡王護衛永樂癸卯五月太宗皇帝微不懌數日未出見羣臣仁宗皇帝在東宮軍國政務悉啓聞施行邪僻傾險之徒不得騁其私戚所不便簡王時留北京敬修孝弟其護衛指揮孟賢等十數輩潛結曆官王射成等及內侍養子共構邪謀欲俟官車晏駕矯詔從中出立簡王而已得志焉實秘不令簡王知蓋慮不從卽事敗齏粉而尸其謀者瑜之姻家高以正也布置已定高密以語瑜駭曰此天壤間極惡大罪鬼神所不貸者奈何甘爲覆家滅祀計高不聽又涕泣戒之高怒而慮其

本朝分省人物考

卷三十一

六

南直廿二

泄也謀害之遂詣闕密疏 上覽之初疑其詐諛曰豈應有是反覆詰難衆爲瑜危辭不少挫旣捕賢等至 上親問狀得其邪謀本末及所造偽詔立誅之陞瑜遼海衛千戶後賢等皆伏誅召還又陞懷遠將軍錦衣衛指揮同知有旨戒其同官事必關白瑜勿謾瑜正直坦明每事求大體所隸官校心歸之無間言見知於 上宣德中陞都指揮僉事僉署左軍都督府僉事克左副總兵佩漕運印總督江南民之輸北京者兼守淮安正統初實授驃騎將軍左軍都督府都督僉事在淮安承平江伯之後謹守其遺法不

本朝分省人物考

卷三十二

七

南直廿二

變展誠布公虛已從善處同官能讓淮安兵民禱處素怙勢厲民瑜至首下令禁戢爲政重倫理有富民親在而與弟競產訴於瑜者瑜曰爾富而委親之養於弟而又訟弟孝友二行皆缺矣杖而斥之人服其明臨政務寬有二卒盜敗舟一板臬司坐盜官物抵死以質於瑜曰兩卒之命抵一敗舟板耶改坐不應平恕多類此好以義感人有婦翁以白金畀贅壻爲市取息者壻不善市不能償索之急欲自經翁執以告又有自顯官歸資橐豐厚其弟有宿逋貧不能償索逋者急弟乞償於兄纖芥不得瑜聞之皆爲代償

荒歲發廩多所賑活嘗覽農桑撮要歎古人用心民事遂益其所未備者十數事刻梓以傳南有浮圖人簧鼓師說所至惑民淮安典兵者與之暱為建刹居之而廣效地為民厲瑜笞而逐之悉復民地淮人死不葬焚屍而委於水瑜相城外多空地畀民以葬遂革焚屍之俗築室所居之側延師以訓武臣子弟閒暇躬往督勵如已子弟然嚴於自守於利非分一介不取服用清約門無私謁致勤於公雖病不廢至是以計事詣北京力疾入見又明日出視漕舟竟不起享年五十有七

本朝分省人物考 卷三十一

八

南直廿二 高用

沈翼

沈翼字克敬山陽人宣德庚戌進士授戶部主事正統八年出征雲南命轉輸糧餉事以克集十二年命徙沙州達官安置東昌平山諸州縣陞戶部郎中翼有心計持已精廉蒞政勤慎十四虜入寇欲據通州勅翼焚其積聚無資盜糧翼乃偽燒腐草煙蔽蔽天虜遁去 上嘉其才又以芻糧不給軍餉告乏而翼久在戶曹計慮精密超拜本部右侍郎即勅催僭驚散糧船同平江陳豫鎮守臨清疏築城隍訓練士卒防遏奸宄仍兼督漕接濟京儲癸酉陞南京戶部尚

書適山東大饑居民流徙奉勅暫留賑濟民用救寧比至留京祛弊革蠹部政一新時廩庾告虛多方儲時久之忽有歸志屢疏乞致仕得歸日與宗黨父老賞會游燕以自樂其天年得壽六十有六性鯁介不阿雖善者一事未當即面斥之不善者能自改悔即稱許不置故人皆敬憚悅服而不及於怨云

劉安

劉安字志康其先泗州人國初徙居山陽因家焉安幼警敏過人父曰他日顯劉氏者必此子也幼失怙恃既長質貌魁偉舉止端重嘗撫松楸歎曰有親而不得養與夫有子而不能顯揚者同一不孝因肆力於學入郡庠為弟子員累舉不第貢入太學宣德癸丑擢知南宮縣慎於操守勤於撫字教民以樹藝聯士子以進修置義倉義塚貧有養死有歸北方賢有司莫能或之先也甲寅夏境內旱蝗率吏民禱三日乃雨蝗亦頓絕是歲鄰邑皆饑惟南宮大熟明年鄰邑復蝗獨不入境又大熟民歌之曰侯宰南宮民和政通蝗不入境今之魯恭頌聲播遠邇時有賊張普祥等以白蓮教聚眾倡亂河北騷動安捕其黨仲五等檢其家得簿書錄妖者姓名吏欲送府窮治之曰

本朝分省人物考 卷三十一

九

南直廿二

不可亟火之全活者幾萬人邑南有李陽水廟碑高丈餘歲久祠頽碑且仆一日率僚屬祈雨至祠下見碑石甚巨非數百人不能起告於神曰神如有靈碑自立安當新其祠翼日雷雨大作四野霑足碑且起立安以銀豚奠神就付諸廟中因其事 上聞且請新其祠詔許之召工薙草萊增基址興版築掘地獲錢六十萬緡遂爲修葺之需期月而廟成正統辛酉春慨科目久乏乃割俸資市巨木送學官語諸生曰吾以科目望汝輩不負所望者當以此木表其坊是秋白圭鄉薦舉進士歷官學士太子太保兵部尚

本朝分省人物考

卷三十二

十一

南直廿二

書遂以所市木立鄉貢進士坊又出俸金厚贈之自是人才輩出科目有人九載秩滿民攀號塞道車不得行旣又詰闕借寇不果留尋被薦陞知杭州府府衝繁難治安處之易於庖丁解牛未幾陞浙江布政司右叅政二年病卒年六十有二安有士行有吏才英敏果斷寬裕有容其在南宮安與主有父師造就之恩在浙藩圭與安有僚友交承之誼處之各盡其道人皆以爲難云

沈 麒

沈麒沐陽人爲邑諸生正統中山東盜起掠至淮安

郡守被執至沐陽民皆逃匿麒以母病不去俄聞守見執徑趨賊壘諭以大義賊爲感動旣釋郡守復贈麒米肉而歸御史張惟恕大書忠義表其閭

畢 德

畢德淮安人正統初朝廷募力輸芻粟助邊德慨然應詔從子瑛授職千戶而冠帶給德丁巳徐淮大水民饑發粟二千石賑之已巳朝廷命將南征士阻淮漲不可渡乃造巨艘二於清河口濟之民有李氏婦以舅氏牛借鄰耕作未幾牛死欲賣身以償卽代償之天順癸未黃學士廷臣謫廣沒妻孥扶柩歸葬甲申夏舟阻淮上不能歸巡撫王都憲公度弔而憫之詢可任後事者淮之父老咸曰非義士德不可德卽請館於家買地葬之市屋居其妻孥財物俾不失所成化丙戌民饑鬻子女者衆悉以善價收育立合券約歲豐還之鑿義井十餘口以濟汲置義阡三區以便葬造橋四座以利往來設義學清平坊以教貧家子弟施藥餌圓明寺以療人疾疫婚無以娶者錢帛之死無以斂者棺衾之其汲汲焉爲義若饑渴之嗜飲食惟恐不及於是義聲溢於淮甸雖販夫野婦皆知德之篤於義也尤好崇飾祠宇像設費貲鉅萬至

本朝分省人物考

卷三十二

十一

南直廿二

重建徐節孝祠尤為義云

葉淇

葉淇字本清山陽縣人景泰五年進士授監察御史歷陞廣西按察司僉事陝西副使按察使擢都察院僉都御史巡撫山西未幾改大同贊理軍務建議設井坪千戶所及加減徵草罷土兵戍邊之不便者弘治元年召為戶部右侍郎至尚書加太子少保時奸民有私獻大名府為皇莊者貴幸復主之淇用眾議率歸之官哈密為土魯番所陷守臣請暫給廩食處之內地淇曰是自招禍也事遂寢充廷試讀卷官忽本朝分省人物考卷三十二 十一 南直世三 劉光

官安

官安山陽人累官廣東按察司僉事持憲嚴明綱紀振肅致仕歸行橐蕭然圖書數卷而已時都御史王竑嘆羨以為不可幾及家居十餘年足不及城府有司至不知邑中有官僉憲者後以上壽終

葉贊

葉贊字崇禮山陽人天順甲辰進士任刑部主事歷員外郎郎中鞫讞明慎人稱不寬出為嘉興府知府改台州廣信以操履清謹聞既去民皆思之遷四川布政司叅政江西左右布政使徵拜右副都御史總督南京糧儲潘僚以故事餽贄謝不納其督糧儲嚴出納清宿弊繼者多遵其法轉南京工部右侍郎又轉刑部請老而歸足跡不至公府郡大夫賓之鄉飲亦不赴未幾疾卒賜祭葬如例

李瓚

李瓚山陽人天順間進士選庶吉士任吏科給事中本朝分省人物考卷三十二 十三 南直世三 經坤 封駁彈劾不避權貴時負剛直之稱歷官浙江布政使所至咸著能績以致仕歸卒於家

張素

張素字玄卿號檜泉山陽人領成化乙酉鄉薦五上春官不第謁選授河陰令初至適歲大稔饑殍載路又承凋弊之餘百蠹孔棘素惟是簡訟獄罷追呼節厨傳平市價禁和買停權稅裁靡文息奢風寬征輸與民休息賴以救寧邑有廣武山政暇邀一二廣文登山酌咏析楊晝臥邑庭空寂聞其無人當事者屢薦其治行方將有不次之擢而浩然決歸兩臺勉留

之不得給舟遣贖以行林臥三十年足不入城市田園廬舍不改其舊日以文墨自娛有檜泉集藏于家年八十有九而卒

石渠

石渠字翰卿號天全道人清河縣人穎敏超卓剛毅老成舉成化乙酉應天鄉試登丙戌進士擢刑部主事遷員外平允守法陞山東按察司僉事分巡遼海東寧道兼管糧儲遼陽食糧腐爛者半首按官吏奏黜爲民州衛貪婪者聞風落膽有改行自新者卽加獎籍以勸其進人皆感服在遼陽數年撫卹官軍禁

本朝分省人物考

卷三十二

十四

南直三

革奸弊邊境賴以安堵擢本司副使一日郊行遙見人影出沒林木中近復不見命部卒搜叢林中得頂包僧十餘人解其包有物在焉鞠問之昨宿尼寺殺商人而奪其貨驗屍賊皆伏辜奏毀其寺尼配諸鰥夫癸卯山東大饑奉檄齎銀五萬兩賑穀江南太平府渡揚子江風浪大作舟幾覆人皆號泣渠獨神色不變焚香祝曰此行爲救數百萬民命渠何足惜神其鑒之言未旣風浪頓息載穀而歸上下胥慶分賑饑民賴以全活未幾陞本司按察使審核重囚日有平反察舉貪廉憲體振肅雖老吏進呈文移惴惴焉

莫敢仰視黜姦猾舞文者數輩令行禁止丁未會朝覲考察主其事者頗有宿憾必欲置之散地先期有聞遂拂衣而歸置萬柳莊奉二親正德丙寅恩詔進階一級病卒年七十一

楊理

楊理字貫之山陽縣人成化丙戌進士授刑科給事中陞鴻臚寺少卿十五年遷大理寺左寺丞十八年轉左少卿任法平恕時陽曲王府獄事涉疑聞理奉勅勘覈悉解冤濫二十三年陞右副都御史巡撫河南值歲歉河復決於汴民心懼議徙省避之理至

本朝分省人物考

卷三十二

十五

南直三

乃增高汴堤水不爲害又以流民入永寧者甚衆不俟奏報發倉廩賑之比勅至悉如所議所活不可勝紀汴賴以安民有以租田詐爲閒地投獻諸王府者槩爲陳乞申禁之弘治三年入爲工部右侍郎卒於官詔祭葬如制仍錄其一子入太學

徐聯

徐聯字成章淮揚衛人弘治丙辰進士拜南京大理評事明習法比獄多平反嘗劾罷刑曹舞智亂法者一時無敢高下其手歷九載轉寺正陞河南僉事備兵信陽地當四省交會多山谷奸盜藪藏聯以靜廉

寬仁治之政簡民和以母喪歸服除仍補前職有巨盜賂鎮守中璫廖堂求脫必寘於法堅執不搖久之陞陝西右參議時冢宰張綏欲營私第假檄取帑積擲其檄於地不從陞本省副使治兵肅州時有虜警置家屬於鞏昌單騎即戎指授方略扼險守禦虜卒遁去乃謹斥堠厚糗備精簡閱禁諸將之侵漁及絕入貢哈密土魯番諸夷私覲內外帖然忽得瘖疾遂乞致仕家居五年卒於家年五十有七生平清修苦節仕宦二十年圖書之外無長物每去任凡有司器什必按籍檢還所著有畏齋稿藏于家

本朝分省人物考

卷三十二

十一

南直世二

曹琥

曹琥字瑞卿號秀山巢縣人弘治乙丑進士奉命遼左犒軍歸授南京刑部主事丁內外艱終喪改戶部主事時錢寧以孽嬖上冒國姓權傾一時士大夫無敢正言不諱以發其奸者御史王巖周公上疏歷數寧罪謫為嶺外驛官琥直前論救謂嬖倖當遠忠直當容竟以朋比為罪左遷河南府通判寧以為近矯旨改調雲南尋旬琥怡然就道不為沮挫量移黃州未幾陞廣信同知時逆濠及鎮守中官假進獻檄取郡中茶葛諸物濠倚寧勢雷燄薰天莫敢忤視琥言

此非額譟抗不與以狀申臺使者必得罷而後已久之權鞏昌知府將之任道病還卒於家嘉靖初巡按御史列其狀以聞詔贈光祿寺卿遣廬州守諭祭於墓

陳讓

陳讓字德光別號雲軒山陽縣人弘治間登進士拜寶坻令民俗健訟讓聽斷明決羣惡竊視皆遁去卒擒首惡寘之法一縣帖然歲凶勸富民出穀賑貸及歲稔如約給還咸服其威信陞尹宛平縣都人倚勢包攬糧差積年殃民牢不可破乃均定賦役公收糧

本朝分省人物考

卷三十二

十七

南直世二

稅權貴請託一切不行權知杭州府息器訟均賦役抑驕侈敦薄俗境內大治時海漸內徙逼海寧城部使者訕羣策莫能治乃請去城一里許開支河築內堤延袤十里以寬制猛不與海爭海果至堤而止上下神其識鑿海寧人立生祠以祀省城奸人多托權勢家避匿糧差悉查覈歸正無敢怙終者大理卿夏時正居家挾老姦持上下官短長強占孤山三賢堂并祀田民田力奪還官給主夏銜之誣奏勘官朱守孚不察其為清白吏望厚賂欲妄加參論人心不平有二三義民潛欲出金賂之讓聞之曰吾本為利民

豈反以擾民乎持不可竟被參奏落職都御史楊繼宗上章論救不報闔郡吏民冤號攀戀不忍其去貧居二十年杜門不出一介不取予一刺不入公門會赦復官病卒年六十八卒之日室如懸磬親友治其喪事三十年後太僕卿仁和邵銳言於浙省巡察祀於名宦祠過淮言於撫鎮應祀鄉賢祠而時已祀矣亦以見人心之同然云

楊宏

楊宏字希仁號容堂海州人而豐頤廣頰音吐洪亮雙目炯然稍長精通經史才氣勃勃逼人以廢叙
本朝分省人物考 卷三十一 十八
宏指揮使尋掌衛事於是平差力限錢穀練兵馬抑家強嚴禁令曾臺有失馬者愬之宏曰去盜將還汝馬矣明日果遺馬空室中人咸以為神弘治己未檄守紅城尋守備固原時遂菴楊公總制於斯宏獻策以紅古城乃北虜入寇必由之路宜築城鑿池募眾屯田庶幾無患甫閱月軍士雲集築邊墻凡數百里楊公聞於朝賜大紅彩幣六襲正德己巳掌陝西都司事漢南盜起檄宏征之迎戰於西鄉追至巴縣蒙擗斬首八百餘級賊遂平庚午充右叅將尋陞總兵官鎮松潘番酋雪郎王大肆虜掠久無能制者宏督

眾往薄其族擒雪郎王斬之以徇百姓大悅事聞詔賜彩幣白鏃壬申蜀盜鄆本恕等數萬人聲勢張甚受勅充總兵官節鎮巴蜀宏謂總帥洪公曰逋誅之寇潛伏山野實無異圖但巢穴深遠地里遼遠耳若四省夾攻勢蹙必散是時賊侵清微宏遣部兵先進自統大兵繼之賊奔潰乃遣人詣軍門乞降巡撫都御史高文明信之不疑將報功邀宏署御宏曰此偽降也不從未幾賊果叛而當事者反羅織以歸罪於宏遂謝事家居乙亥以大臣論薦召至京遷南京右都督府都督尋受制勅節鎮淮揚督理漕運 世廟

本朝分省人物考 卷三十一

卽位有白金彩幣之賜漕運舊規歲久廢壞至正德末年極矣比至晝夜經畫剔抉弊竇清查逃逋增造淺船每歲運船至通州車運太倉歲費四十萬緡宏考元故道建閘蓄水設官置役由朝陽門直至京師又疏趙皮寨渠以殺水勢故事漕司額外耗米折徵輕齋綱吏隨便益哀漸至那移弊不可詰又權要多索運蓆諸物事雖微細積累不貲一切禁革踰五七年所積者運銀以二十萬兩計蓆銀以九萬計車脚銀以二十萬計省造船銀以三萬計戊子注安大饑上四事曰節民力寬商稅弛鹽減漕糧復捐金施粥

存活無算累疏乞歸致仕壽七十有九好讀書至老不輟發為詩文可追古作者所著有漕運志容堂雜稿自考錄藏於家

孫清

孫清睢寧人縣學生少孤事母以孝稱於鄉黨正德七年母卒時流賊入境清守柩不移竟日哀慟賊為感泣相戒勿犯隣里亦賴以不擾事聞 詔旌其門

張朝瑞

張朝瑞字子禎海州人隆慶戊辰進士時州有倭警議築城即捐坊金為倡事以易集授安丘令有能績

本朝分省人物考 卷三十一

二十

南直三

丁內外艱歸服闋補知鹿邑至則賦溢額者蠲之土蕪蔓不理者闢之集流移舉鄉約嚴什伍大約以惠元元過奸宄為急邑疆半侵于衛衛者虛賦乃履畝以覈復侵地七千餘頃於是聲譽益著二輔間矣遷戶部員外晉郎中凡鈔關板關之役有膏脂可潤者力辭不行時稱貸為朝夕費至事闕大體則悉心以籌大司農倚重焉出守金華會歲饑穀涌乃出帑金貴糶而平糶民忘其災郡故有先賢祠日圯更葺之拓為書院置田二千餘畝延師儒貯載籍以教之遷濟安兵使者兼治河時有議鑿性義嶺相度川原

謂鑿險而勞數十萬人之力損大農金錢非便慨然建議有三當謀八可已二可患之說與總河意忤杜門求去因調金衢而總河糜度支水衡錢無算功卒不就移湖廣叅議黜貪屏殘一以靜安為理疏請止礦民尤戴之召為京兆丞遷鴻臚卿會黃河西注漕綱為梗抗疏極論之大旨塞黃壩口復徐邳故河謂黃壩口不塞則徐呂水不流江南四百萬漕艘無入京之路疏上主計者不決攝南京兆篆向置學田額租久負鉤搜伏匿得五百餘金益買良田以贍士之貧者京兆有表忠祠祀遜國諸臣益檢括史志增

本朝分省人物考 卷三十二

二十一

南直三

楊旻

楊旻字克彰淮安人然鄉族之長老交游之士夫未嘗名之字之難田夫市卒廬兒鬻婦咸呼之曰楊孝子故楊孝子之名達諸京師聞諸四遠也天性端慤自幼事父母孝事兄極恭父蚤世哀毀甚母陸慰解之即強顏以悅母心而哀不衰事母之道備至家無厚資而甘毳饋養必如母志母酷愛其孫時牽率抱

弄於前枚指之曰某可承家某可事生業某當作官
 以顯門閭母聞之大悅門戶有憂戚不卽告母嘗愉
 色婉容在左右以安母心暇則坐塾中誨諸子及鄉
 鄰之秀彥必以躬行孝弟爲先才質輕俊善文章者
 少忽於孝弟則懇懇諭之弗改則厲聲斥絕之母嘗
 病醫禱無所不至晝夜未嘗安寢飽食母歿哀號頓
 仆水漿不入口者數日及葬遂廬於墓側衰經不解
 晨奉櫛頰夕奉浣濯如生時不少廢哀號之聲聞者
 感動鳥爲之翔獸爲之伏左布政使蘭陽丘陵時爲
 太守兵部尚書王竑時爲都憲鎮淮爲孝子名廉得

本朝分省人物考 卷三十一

三十一

南直三十一

其實遂上聞旌其門

岑義

岑義邳州人自幼以至孝聞問安必拜跪飲食湯藥
 必親調而後進母盲義朝夕舐之目復明父母卒義
 哀毀苦次幾於滅性及葬負土成墳廬墓三年甘露
 降於墓樹有司上其事詔旌其門

本朝分省人物考卷之三十一

人物考卷之三十三目錄

南直隸廬州府一

趙庸 俞通海

廖永安 廖永忠

楊璟 張德勝

桑世傑 花茂

胡通 袁義

陳聞 吳復

楊廣 薛祥

劉真 周顯

本朝分省人物考 卷三十三目錄

一

南直三十三

劉謙 許榮

朱亮祖 王珪

汪河 陳瑄

張子貞



本朝京省人物考卷之三十三

南直隸廬州府

趙庸

趙庸合肥人 高皇起義兵庸率眾歸附從渡江拔采石克太平定金陵累立戰功陞樞密院僉事從破安慶下九江與陳友諒大戰於康郎山借諸將連擊敗之友諒欲自湖口逸去庸等邀擊之友諒中流矢貫睛及顛而死其子理奔武昌復稱帝從平武昌回克廬州并兩浙進圍姑蘇與諸將分門而軍各嚴所部四面困之城破士誠就縛師還 上詔庸於戟門

本朝分省人物考 卷之三十三

南直隸

賜絲段衣裏陞中書左丞明年從大將軍取山東下濟南戊申 上卽帝位詔庸以中書左丞兼太子詹事率步騎自中灣進取河南克之遂命庸居守大將軍達既拔關陝擇將鎮禦遂班師謀取元都庸與諸將各領軍衛分布士馬以次平定元將也速兵侵通州 上命庸從常遇春率兵東還拒之遂搗永平至大寧也速遁去連破開平元君北奔追至北河俘其宗室大臣及軍馬衣械之類師還燕時慶陽未下 上命庸副李文忠率師往應大將軍合攻之行至太原聞元兵攻大同遂出鴈門至馬邑進次白楊門與

元將脫列伯大戰生擒之孔興走綏德其部將復斬之來降元主知事已不濟無復有南向意矣未幾慶陽亦平已復同文忠率師北至應昌克其城獲元君之孫買的里八剌及后妃宮女金寶玉冊省院諸官時元君已殂太子愛猷識理以數騎北奔追之不及而還過中興擒元將江唐國公凡紅羅山擁兵自固者皆降大軍所至朔庭遂空師還定封典庸爲南雄侯食祿一千五百石 賜誥券予世襲十四年秋閩南廣東羣盜猖獗 上命庸率師討之漳州南靖民亂掠鄉邑庸遣兵擊捕其黨又平海陽亂民及程鄉

本朝分省人物考 卷之三十三

南直隸

俞通海

俞通海字碧泉巢縣人父廷玉聞 太祖開闢河陽歲乙未父子與諸將率舟師來歸 上大悅謂幕官李善長曰吾欲渡江正乏舟楫通海父子以舟師全附良應我機是年五月親率兵至巢湖諸將迎 上登舟謀出東口因大水舟至桐城闌未入江中丞蠻

子海牙集樓船塞馬腸河口諸兵受阻屯黃墩將號
雙刀趙者陰畜異志通海父子與李普勝及將軍廖
永安桑世傑等密露趙機 上脫身歸河陽集商人
舟載猛士復至黃墩督其兵攻蠻子海牙敵高船大
通海與永安德勝操舟如神勇不可犯直趨和陽攻
中丞水寨賊眾潰散繼攻鱗魚洲水寨及新沙舟大
獲而還授萬戶六月從 上渡江克采石取太平有
功遂攻取涇縣溧陽復取三汊口敗蠻子海牙十二
月於灌渡橋河口擒獲賊帥時蠻子海牙悉驅戰艦
結寨采石元帥也先子陳兆先合淮兵數十萬屯營
方山相為犄角窺伺太平丙寅正月通海從 上攻
采石寨蠻子海牙遁走三月從平陳兆先營是月克
臺城歷沙縣焦門克林苗軍水寨拔鎮江置秦淮翼
元帥府以通海為統軍元帥四月取丹陽金壇丁酉
常州平陞行樞密院判官尋克江陰州宜興四月克
寧國經東洞庭山元兵暴至通海不為動賊不敢逼
戊戌討江陰復取通州十月克太湖宜興等處時雙
刀趙據樞陽擊敗之復池州陞僉書樞密院事庚子
陳友諒犯松江通海擊走之縱火焚其舟賊眾大潰
陞樞密院同知八月從討友諒遂克銅陵搗同安又

本朝分省人物考

卷三十三

三

南直三

搗九江等郡壬寅取武昌癸卯張士誠圍劉福通於
安豐通海擊敗其眾回攻廬州七月丙戌 上大發
兵帥通海等討友諒丁亥遇於康郎山戊子通海等
進兵薄戰擊敗前軍己丑復與友諒戰自辰至酉殺
死者無算乘風縱火焚戰艦數百艘烟焰漲天湖水
盡赤明日通海等復以六舟深入鏖戰旋繞敵船勢
如游龍呼聲動天地敵兵大敗通海等還 上勞之
曰今日之捷諸君之力也八月我舟入江駐南湖嘴
水陸結營賊舟不敢出糧且盡計窘繞江下流欲由
禁江遁回通海等軍追擊之友諒中流矢貫睛及顛
而死甲辰攻武昌陳理出降三月陞中書省平章事
四月廬州平命通海守禦廬州綏定以恩復業者眾
丙午四月從取濠州九月征浙西克湖州十一月太
倉崑山崇明嘉定松江降吳元年三月圍姑蘇徐相
國檄通海共討賊賊敗提兵蕩其營中流矢創甚以
四月九日歸自軍中 上幸其第見其病革顧曰平
章知予來問病乎通海不能語遂揮涕而出明日薨
年三十八駕復臨哭之慟葬金陵城南聚寶山
廖永安

本朝分省人物考

卷三十三

四

南直三

廖永安

廖永安字彥敬巢縣人永安少儻以氣自豪元季

江淮兵起與弟永忠聚兵保鄉里甲午屯湖中爲水寨以捍寇患左君弼據廬州作亂永安等頗爲所窘乙未春聞 太祖駐河州乃謀納款乞援 太祖大悅以歲夏五月親率兵至巢湖援之永安與弟永忠等迎 上登舟出湖口中丞蠻子海牙集樓船塞馬腸河以阻諸兵 上歸和州集商舟多載猛士至黃墩與中丞戰於裕溪敵舟高大不利進退永安等操舟如飛左右奮擊大敗之遂率兵入大江至青沙坊再攻中丞水寨獲關船一十五艘由是從容侍上還於河州攻破鱗魚洲六月乙卯朔永安引舟從渡江

本朝分省人物考

卷三十三

五

南直三

時西北風順舳艫齊發永安舉帆前行向牛渚頃刻及岸守者大駭出兵來拒 上麾甲者以進敵不及支卽走諸軍奮擊遂拔之乘勝徑克太平蕪湖等處蠻子海牙僅以身遁三月統兵攻擒陳兆先復攻集慶克之得軍民五十餘萬改集慶爲應天府置天興建康翼統軍大元帥府以永安爲昭武大將軍統軍元帥克鎮江平太沙下沙等寨取金壇常州宣州張上誠兵寇瓜埠永安擊敗之十一月徐達等圍常州永安自其壘來援內外夾擊大破之丁酉三月常州平以功陞同僉江南等處行樞密院事宿衛帳下十

月同大元帥常遇春自銅陵進攻池州永安合攻之遂克戊戌與俞通海等攻江陰并取宜興無錫等處生擒朱元帥陞同知樞密事六月士誠兵寇常熟永安與戰大敗之七月庚子破士誠兵於通州狼山八月總兵征蘇州宜興復叛十月與徐達邵榮復宜興旣拔其城復率舟師擊士誠衆於太湖乘勝深入後軍不繼俄水淺舟膠與戰不利遂爲所獲士誠欲降之永安不屈遂拘囚之後徐達援常州士誠弟來戰達遣王玉擊敗擒士德 上喜曰士德士誠謀主其人智勇今擒之張氏之成敗可知矣遣人往求和好

本朝分省人物考

卷三十三

六

南直三

士德母痛之議歸永安以易 上不從士德死竟不獲歸甲辰 上念永安陷於強敵守義不屈遥授中書省平章事封楚國公賜誥丙午七月卒於姑蘇年四十七訃聞 上哭之慟親爲文命配祭功臣廟洪武元年命築壇於鷄籠山祭之二年祭 太廟以永安配享下禮部議定謚號曰武閔

廖永忠

廖永忠楚國公永安弟也少豪邁有大志智勇過人甲午屯巢湖乙未來歸 上見其年少謂曰汝亦欲圖富貴乎以水將屬永安永忠爲副從渡江拔采石

太平蕪湖擒陳兆先破蠻子海牙乘勝定建康克鎮江宣城討江陰海寇皆有功永安陷敵授永忠樞密僉院總永安兵攻普勝柵江營追殺賊衆復樅楊友諒襲太平犯龍江諸將據險張德勝總兵進擊永忠大呼殺入諸兵從之友諒敗復太平陞同知樞密院事上率舟伐友諒至安慶敵固守永忠擊其水寨破敵舟追至小孤山次湖口未至江州五里友諒知之窮蹙挈妻子棄城走武昌遂入江州是時友諒圍南昌上討友諒大戰於鄱湖永忠以七舟載葦荻置火藥其中乘風縱火焚戰艦數百艘煙焰漲天湖

本朝分省人物考

卷三十三

七

南直三

水盡亦大敗敵兵友諒移舟迎湖口永忠邀其歸路友諒中流矢擒其太子善兒以獻友諒次子理奔武昌復僞稱帝上復征理至武昌永忠等分兵柵四門又於江中聯舟爲長寨絕其出入上還建康留永忠等守管柵忽與戰上復往武昌視師督攻城降理陞永忠湖廣行省左丞攻廬州左君弼敗走復援安豐取江西未下州郡從徐將軍常將軍取淮東克海安高郵淮安從拔姑蘇陞中書平章政事湯將軍既下温台慶元等郡方國珍遁入海島永忠爲副帥率師自海道會湯將軍討降國珍得兵械舟楫萬

計取福州洪武元年兼同知詹事院事略定閩中執友定充征南將軍朱亮祖副之率舟師由海道取兩廣永忠自福州遣人諭何真真以廣循惠降師至廣州龍潭元將盧左丞降破僞叅政邵宗愚山寨獲宗愚等捕誅諸叛土豪諸郡相繼降檄諭九真日南朱崖儋耳三十餘城皆納印請吏遂取廣西至梧州潯貴等州郡皆降師次貴州遣亮祖會陽璟收未下州郡兩廣悉平明年還京上命太子率百官迎勞龍灣入見命太子送還第二年撫定泉漳三年封德慶侯食祿一千五百石賜世券是年湯將軍充征西將

本朝分省人物考

卷三十三

八

南直三

軍永忠爲副率京衛荆湘舟師由瞿塘趨重慶伐明年四年和克歸州駐師大溪口永忠率所部先進至瞿塘關蜀設鐵鎖飛橫據關口我舟不得進永安密遣數百人舁小舟踰山度關出上流人持糧糗帶水筒禦饑渴蜀山多草木將士皆衣青蓑衣魚貫出崖石間蜀人不覺已至率精銳出墨葉渡分兩道夜五鼓攻水陸寨將士皆以鐵裹頭船火器而前黎明蜀人盡銳來拒永忠已破其陸寨矣既而將士舁舟踰山出江者一時俱發上流揚旗鼓噪而下蜀人大駭下流之師亦擁舟前進發火器夾攻大破之斬其將

遂焚三橋斷橫江鐵索斬溺死者無算飛天張鐵頭張等皆遁去永忠入夔明日湯將軍兵始至永忠乃與湯將軍分道並進湯將軍率步騎永忠率舟師會重慶永忠抵重慶次銅鑼峽昇遣使詣永忠軍請降永忠俟湯將軍至受降下令將士不得侵掠撫諭向大亨戴壽等家令持書往成都招諭遣指揮萬德送昇等并降表京師蜀平凱還賜第京師又出征胡捕倭八年卒

楊璟

楊璟合肥人本儒家子少沉毅讀書不喜章句好武

本朝分省人物考 卷三十三

九

南直三

略本歸授管軍萬戶以溧水句容金陵功陞管軍總管鎮江江陰功陞親軍副都指揮使婺州諸暨功陞樞密判官從征友諒克九江黃梅廣濟立湖廣行省璟為叅政移鎮江陵討斬叛寇進攻湖南洞蠻駐師二江口陞平章政事充征南將軍廣西降土官黃英衍岑伯顏還京為偏將軍征山西平唐鄧南陽留鎮未幾招撫明昇昇不從璟還復書與昇謂欲以一隅之地綿頃刻之命不可謂智若謂險阻可恃蠶叢魚鳧之鄉不至足下矣鄱陽一戰友諒授首旋師東討張氏面縛此非人力實天命也幡然覺悟自求多

福豈不謂賢智哉儻屬下或以郡獻或以城降各自為身計取富貴當此時老母弱子將安歸乎昇不能從湖廣慈利土酋諸蠻為亂璟討之賊遁溪洞還兵洪武三年封營陽侯食祿一千五百石與世券從伐蜀次夔州進攻瞿塘不利赤甲白鹽之帥亦退還歸川蜀既平 上以璟無功不賞沅辰蠻亂為副將軍討平之師還佐大將軍鎮北平召還又赴北平練兵兼領遼東訓練士卒十五年卒贈芮國公謚武信子通十七年與靖寧侯葉昇補象廣西之左江二十年領韃靼官軍往戍雲南多道亡降普定衛指揮使次

本朝分省人物考 卷三十三

十

南直三

達亦官散騎舍人云

張德勝

張德勝字仁甫合肥人至正壬辰江淮兵起德勝與廖永安俞通海等所部泊據巢湖結水寨以觀時變會左君弼據廬州與黃墩將趙普勝聲勢相倚乙未聞 太祖駐師和陽乃謀通欵 上大悅親師兵至巢湖諸將迎 上登舟入江中丞蠻子海牙集船塞湖口以阻諸兵趙普勝陰蓄異志德勝等密露趙機 上歸和陽集商舟多載猛士復至黃墩攻蠻子海牙敵船高大不利進退德勝等以小船與戰操縱如

飛左右奮擊大敗之直抵河陽營於新河是月二十八日破鐵長官水寨新生沙寨獲人馬還授萬戶六月朔朔上渡江時風順水湧頃刻達牛渚守者駭走遂拔采石乘勝徑取太平義兵元帥陳也先與其將水陸分道寇城德勝同湯和擊其水軍會徐達鄧愈擊其步軍遂擒也先擢太平興國翼管軍總管分兵擊溧水克之是年冬蠻子海牙結采石兆先復屯管方山率衆十萬犄角相望以伺太平丙申二月攻采石若德勝同永安以舟師進破之蠻子海牙僅以數舟遁去三月 上率德勝等取集慶路大破方

本朝分省人物考

卷三十三

十一

南直三

池州九月引兵自無爲登陸夜至浮山若擊走普勝將胡總管敗之於青山追至潛山界陳友諒參政郭泰領兵至沙河迎戰德勝復大破之斬郭泰獲軍資無算遂克潛山庚子陳友諒以重兵襲太平直犯龍江 上大怒命諸將據險以禦以德勝總水陸大軍擊之既而陳氏兵大至陣旣交殺傷相當德勝乃從中大呼麾諸將士奮擊友諒敗走斬獲不可勝計上遣德勝與徐達馮勝等追友諒至采石與大戰德勝死於陣追封蔡國公洪武三年贈同知大都督府封晉侯 謚忠毅伯享 太廟子宣中軍都督府僉事坐累降世襲廬州衛指揮同知

本朝分省人物考

卷三十三

十二

南直三

桑世傑

桑世傑無爲人元亂與廖俞等結水寨巢湖乙未納欵趙普勝蓄異志洩其謀 上得歸和陽集商舟載勇士至黃墩攻敗普勝及蠻子海牙 上趨入和陽諸軍大集即攻破采石取太平擒也先蠻子海牙遁擒兆先入金陵拔鎮江陞秦淮翼元帥下金壇丹陽從圍常州攻寧國常州平陞判行樞密院事取江陰下太湖收宜興尋與諸將攻江陰石牌海寇樂瑞奮戈躍馬陷陣死諸將大怒奮擊盡獲海舟擒瑞 上

詔贈永義侯侑亭 太廟子敬以父故陞督府僉事立功洪武二十三年封徽先伯食祿一千七百石子孫世嗣二十四年練兵邊塞召還明年又出南陽信陽練兵繕浚城隍經略屯田明年閱民籍軍平陽已而屢出山陝練兵病卒

花茂

花茂巢縣人元季起兵從陳世光歲丙申歸附癸卯援安豐敗張士誠兵又於鄱陽湖戰滅陳友諒甲辰平武昌授威武衛百戶累以功多陞神策衛指揮僉事十三年調廣州左衛勦平陽春等縣叛賊十四年

本朝分省人物考 卷三十三

十三

南直三

收捕清遠博羅諸縣山寨十五年討海南叛蠻出海捕倭十九年東莞龍川民作亂統兵討平之二十年陞廣東都司指揮同知夷電白等賊二十一年破歸善等縣賊寨二十二年陞本司都指揮僉事五月陞都指揮同知賜誥子孫世襲廣州左衛指揮使是年擊南海香山黃連等寨二十四年七月收勦連州廣西湖廣等處徭賊三萬餘二十六年正月致仕上命其子為東勝右衛指揮僉事茂仍蒞事四月統軍蕩滅東莞筍岡等處二十七年茂上言徙廣東沿海地方東莞香山等縣逋逃蛋戶為兵又奏添設沿海

依山廣海等衛所二十四處築城濬池收集海島隱料無藉等軍仍於要害議立堡撥軍屯守詔皆從之二十八年征捕海南等處山峒黎賊明年二月入覲上慰獎之且曰爾回令次子英來朝朕將用之六月茂回會番禺後山等寨賊叛命英同肇慶衛指揮夏忠領軍捕之獲其首從七十五人即遣英赴京十一月茂在任奉制陞本司都指揮使三十年上命英為廣東都指揮僉事與張春共殄賊目黃黑面等地方靖寧四月二十日茂卒賜葬牛首山安德門外廣人祠之於粵秀山英武毅有父風自以軍功陞本

本朝分省人物考 卷三十三

十四

南直三

司都指揮使永樂中累建大勳後致仕

胡通

胡通合肥人至正乙未 太祖駐師和陽通挺身來附從渡江拔采石取太平攻溧陽破蠻子海牙水砦克建業定京口以功授總管從攻毘陵尋取宣徽戊戌從 上取金華已亥克諸暨攻越州陞鎮撫庚子偽漢陳友諒陷太平遂犯龍灣從擊敗之辛丑從征友諒破江州偽都徇下南昌自是戰彭蠡平武昌陞指揮副使甲辰從征贛州乙丑熊天瑞出降轉贛州衛指揮副使洪武元年會征南將軍廖永忠等征廣

東率師由韶州直據德慶四月率師略定英德清遠肇慶等郡邑進攻德慶遂引兵會永忠於廣州降元守將盧左丞陞指揮使陞僉大都督府事改前軍都督僉事數年致仕而卒

袁 義

袁義廬江人初爲篋刀趙總管守安慶左君弼招之弗從庚子始來附命爲帳前親兵元帥辛丑從征友諒搗安慶江州壬寅下南昌授管軍千戶癸卯攻廬州殲友諒於彭蠡甲辰克廬州從 上擊吳將敗走討平兩浙從攻蘇州陞興武衛指揮僉事隨征中原

本朝分省人物考

卷三十三

十五

南直世三

沂州益都濟南東阿拔之洪武元年取東昌河南陝州潼關衛輝等郡敗元平章掩普達通州破元都同曹良臣追元宗室至龍興克永平逐北也速下保定從取太原于澤潞擊賀宗哲詹同獲其人馬略西京二年克鳳翔鞏昌與諸將合攻慶陽張良臣以兵薄義營義堅壁徐乘其困攻破之三年刻王保保營取興元陞本衛同知四年調羽林衛總領官軍防送馬都指揮渡海鎮遼五年統兵入海捕倭十四年勅征雲南克普定曲靖等處有功十五年鎮楚雄時虜累叛義積高壘調兵力戰虜遂道去陞楚雄衛指揮使

二十三年入朝 上慰勞之且借其老命太醫院爲染其鬚髮俾回撫治以威遠人特賜銀印與掌以寵重之三十二年陞右軍都督僉事卒於官子聚襲府軍左衛指揮使

陳 聞

陳聞合肥人元末爲義兵千戶歲乙未六月 太祖渡江克太平遂率衆歸附授管軍千戶克溧水敗左侍御軍馬七月從總兵湯和克句容從克溧陽取采石克陳也先營進取南京攻常州破其城取寧國縣擊敗宣州援兵克江陰新安從攻湖州擊天目山等

本朝分省人物考

卷三十三

十六

南直世三

寨克婺州諸暨尋取紹興衢州庚子同兆先征安慶尋拔江州調守龍江十一月從援長興明年以兆先薦授管軍百戶九月修築安慶城池從征武昌甲辰下武昌陞管軍千戶九月取荊州移戍歸州洪武三年僞夏來攻聞出兵奮擊大敗賊衆移守德安十一年陞成都衛指揮僉事十二年梁山竹等處賊人叛亂奉調統官軍討之殺獲首級一百餘顆生擒五百人抵墊江高灘洞殺賊擊散之遂攻滅梁山龍馬槽寨平大竹縣賊從征雲南擊散大水腦通化等蠻論征南功陞成都右衛指揮同知與世襲二十四年

致仕子瑄襲本衛指揮同知累以平蠻功陞四川都指揮同知進都督封平江伯卒贈平江侯

吳復

吳復字伯起合肥人甲午率眾歸濠領前驅從克泗滁采石太平歷陞萬戶定建康授總兵攻鎮江守常州吳兵奄至死戰躍馬持矛追奔數里援宜興戰高橋仍守常州從征陳理圍廬州先登克漢沔授鎮武衛指揮同知守沔陽克汝州陞安陸指揮使調征陝西土番克河川從穎州侯平蜀從衛國公平九溪蠻進督府僉事從西平侯再征土番洪武十二年封安

本朝分省人物考 卷三十三

十七

南直三

陸侯世指揮使從穎川侯鎮雲南克普定充總兵官勦殺蠻寇北取廣西轉餉盤江卒追封黔國公謚威毅與子孫世侯券

楊廣

楊廣巢縣人初事雙刀趙為元帥以智勇聞歲丁酉四月歸附授左翼元帥副使十一月從總兵徐達攻池州克復宜興先是宜興復叛上命達率師討之未下至是達遣兵絕其餉道帥廣等併力攻城遂拔之十二月從下婺州克諸暨攻紹興還婺取衢州庚子攻高郵先登策應濠州江州既破陳友諒走武昌

壬寅遂下洪都留守禦癸卯攻吉安甲辰武昌平遂討熊天瑞於贛州乙巳正月天瑞降南雄韶州亦附丙午征進湖南益陽陞武英衛管軍千戶八月諸將伐張士誠廣乘海舟取湖州十一月合圍蘇州明年城破士誠就擒論功賜綵段超遷鷹揚衛指揮使十一月取沂州益都東伐萊陽洪武元年克河南路搗潼關階昭勇將軍渡河與偽官楊呂二平章大戰賊眾奔潰攻漢中克鳳翔鞏昌擊番寇敗去未幾奉旨開設鞏章衛授世襲誥四月襲王保保軍夷其管落征鐵石岷州回衛復奉旨統領官軍開設泰州衛隨

本朝分省人物考 卷三十三

十八

南直三

穎川侯傅友德克蜀階州文州援漢中進克成都八年詔領兵馬赴京調驍騎左衛九年隨徐大傅北征營於薊州五月師還改河州左衛指揮使十二年率所部隨西平侯沐英征洮州十八族等擒斬甚眾復於故城遇賊與戰中矢傷左脇尋卒諡 上為之惻然勅有司歸其柩所過郡邑致祭賜葬於巢之柘臯命詞臣撰碑銘以昭勲節子潮初充參侍改散騎舍人十二年征西有功襲興武衛指揮使十四年隨徐太傅討松州旋師北平即從傅穎侯征雲南克普定羅具砦盤江普安曲靖擒司徒平章達里麻攻烏

撒土酋率衆迎戰擊敗之遂領本衛官軍城烏撒克
霑益十五年刻雲南大佛龍海等砦四以策應大軍
於金沙江及東川又從穎侯追東川寇至勝石上官
渡楊柳江八月大破阿吉魯等山砦十二月援大理
克佛光砦十六年討古州龍里洞砦又明年從宋國
公北平操練二十一年卒孫海襲本衛指揮使

薛祥

薛祥無爲州人字彥祥元季兵亂乃集義兵保障邑
郡適 太祖駐師和陽祥遂從俞平章內附扈蹕渡
江表爲水寨管軍鎮撫越明年丙午克臺城已亥攻

大明分省人物考

卷三十三

十九

南直三

安慶壬寅下江西癸卯復廬州戰鄱陽得侍御黃船
與議軍政 上語俞平章曰汝之功業非薛彥祥不
能成就若總大兵攻湖九破姑蘇下中原凡傳 旨
密報惟祥是命洪武元年漕運河南孟津 上遣人
謂曰聞有亡命者潛伏衝要恐來劫掠儻彼衆我寡
不得輕敵時夜半抵蔡河賊果至祥諭之曰汝衆良
善也兵亂嘯聚情出不得已今 聖天子出矣汝等
當歸守家業無累妻孥縱汝百千人不過劫得千石
我所部不下十萬餘待曉縱兵蒐捕汝何以存衆服
其言而散 上聞之大喜嘗謂祥曰汝歷多軍功當

授武職而今用兵山東供億糧餉未得人汝相從于
起事之初固有年矣簡在朕心若古之蕭何寇恂匡
弼漢室不絕糧道欲汝效之授中順大夫京畿都漕
運使自揚至蔡達濟壩堰皆崩塌䟽築晝夜無息考
滿還京淮泗之民祝曰願公再來作我父母攀轅者
遮道陽海州亂駙馬都尉黃琛俘馘萬餘人皆有名
號註誤連坐者率皆良民祥與駙馬會問力排之曰
無名號者不許妄指由是獲全者甚衆咸寫真生祠
之乙卯誥授工部尚書明年改天下行省爲承宣布
政司以北平爲重邊特授資政大夫北平布政使屬

本朝分省人物考

卷三十三

二十

南直三

縣民多貧乏尚有鬻子女者至卽責問以俸贖給時
宰不悅罔以誣坐出知嘉興府明年召祥復侍東宮
上謂曰姦臣每讒害汝汝何不言祥曰臣罔知其
故竟以謗累卒

劉真

劉真合肥人乙未歸 上從克溧水句容溧陽破中
丞水寨陳也先管授總管攻常州又略石埭遇陳友
諒戰敗之克婺衢復太平下南昌吉安敗張士誠於
安豐慶友諒於鄱陽戰之湖口克武昌下湖州取無
錫從征中原克沂州益都等郡取河南潼關潞州授

澤州百戶陞太原護衛千戶又陞興武衛指揮僉事
調府軍衛從征南克普定盤江雲南諸郡調陞金吾
後衛指揮使尋陞河南都指揮招降納哈出又征捕
魚兒海哈刺陞右軍都督僉事督軍陝西總兵征西
破哈梅城擒偽王子征廣西叛酋黃氏等山砦又征
南丹州慶遠府分剿大藤峽及大雲黃土石塘池南
等洞俱破之尋改左軍都督僉事三十五年陞右都
督鎮遼東

周顯

周顯合肥人歲乙未 上駐師和州顯自黃山來附

本朝分省人物考 卷三十三

二十一

南直三

六月朔從渡江拔采石取太平充帶刀先鋒克溧水
句容溧陽丙申破中丞水寨搗陳兆先營取南臺鎮
江下金壇丁酉取常州橫林樂杜等處四月克宣州
收江陰征常熟與張士誠戰於望亭又擊敗陳保兒
陞前部先鋒戊戌隨邵平章征湖州十一月從克婺
州已亥克諸暨援常州陞帳前都先鋒庚子敗陳友
諒兵追至采石遂復太平辛丑從援長興癸卯張士
誠將呂珍盛兵寇安豐 上親援之顯從行擊走珍
七月戰鄱陽湖甲辰平武昌回克廬州乙巳五月取
安陸襄陽等處平章常遇春上其功陞驍騎衛千戶

十一月克泰州丙午從征浙西克湖州元年從破蘇
州擒士誠陞金吾左衛指揮同知十月從征中原洪
武元年正月從棣州尋援之三月克汴梁克河南府
時 上以汴梁為北京五月親往巡狩回軍扈從七
月攻取泉白寨又於汝州攻破毛葫蘆劉叅政營調
策應陝州十一月征探潞村梅右丞逆戰顯手刃之
十二月奉檄總領兵邏絳州路遂克河中二年改驍
騎前衛指揮同知征迤北四月從常遇春至錦川追
江文清六月至全寧追也速於北黃河克上都八月
從李文忠援大同九月克馬邑進抵海峪口敗脫列
伯軍獲樞密知院等逐孔興至東勝州而還三年復
從征沙漠二月克察罕腦兒進取上都五月克應昌
府從左丞趙庸追蠻子太尉擒偽平章等復進江國
公軍馬降之六月克紅螺山陞昭勇將軍驍騎前衛
指揮使四年復從文忠北征六月進兵阿魯渾河與
虜戰沒

劉謙

劉謙合肥人元季與兄友仁各起兵保鄉井聞 太
祖義師為衆所附遂與兄俱來歸命叅隨胡大海克
取縣縣祁門建德等處授友仁中軍左元帥府右副

本朝分省人物考 卷三十三

二十一

南直三

元帥守禦太平縣與雙刀趙對敵歿於陣已亥謙襲
兄職征進饒州克猪湖寨八月征浮梁攻饒州辛丑
從上征陳友諒拔九江偽都取興國府石榴寨狗
下黃梅廣濟十二月招安江西壬寅調守江西癸卯
三月調從征七月大戰陳友諒解豫章之圍克復吉
安招徠安福州復克永新策應袁州甲辰征進平鄉
虎背寨茶陵州調征湖廣岳州乙巳奉檄守禦吉安
吳元年三月調除南昌衛副千戶十月隨征福建洪
武元年克建寧等處四月扈從車駕幸北京陞河
南右衛正千戶閏七月收信陽光石腦等處寨克王

本朝分省人物考 卷三十三 南直三 李郁

保保軍十月調守陝西七年陞廣武衛指揮僉事調
守潞州十一年陞特進榮祿大夫中軍都督府尋以
疾乞致仕後封流伯永樂十二年卒遺祭卹典優備

許榮

許榮字榮卿舒城人儻好施果決有為元季橫潰
之餘邑民顛連無告榮乃團立烏沙屯戍加以招懷
綏輯散亡復合生齒蜂集室廬櫛比甲午春有青軍
大肆殺掠腊肉爲食灑血爲漿凡所經由不遺噍類
榮發令運謀以防不測連營扼險設伏乘機以禦之
卒獲安堵是秋趙雙刀攻陷廬州榮則攻擐甲胄士

卒奮勇竟逐之遠遁已乃脩治溝壘營繕器械勞必
身先寢食幾廢又爲城建七門堰防三水樓櫓如畫
過者不敢仰視焉甲辰高皇帝統御六師蕩平海
宇榮乃焚香誓衆曰我堅守十年於茲者豈貪天功
爲己力爲爾鄉井全生計耳今天命有歸吾屬其無
憂矣時卽表上符印其軍實名數租賦悉版以獻有
旨邊事未寧仍領所屬卽授廬州府同知士民愛戴
甚於父母比其卒相與立祠祀之曰許侯惠民祠世
世尸祝勿絕

朱亮祖

本朝分省人物考 卷三十三 南直三 李郁

朱亮祖六安州人元義兵元帥乙未上克寧國擒
亮祖喜其勇悍賜金帛俾仍舊官居數月復叛數戰
敗我兵七千餘人丙申下建康明年克毘陵遂遣徐
達等討之進圍亮祖於寧國常遇春被創而還上
自往督戰亮祖兵敗縛以見上上曰爾將何如對
曰生則盡力死則死耳上壯其言鞭而釋之留置
麾下自是從軍四征所向克捷以功陞元帥至院判
從征友諒克九江下南昌江西諸郡大戰鄱陽湖平
武昌陞廣信衛指揮使會胡深討陳友定取浦城克
崇安建陽等處乙巳張士誠兵寇諸全新城亮祖以

兵擊之焚其營落數十攻桐廬圍餘杭降偽平章潘元明陞浙江行省叅知政事副李將軍守杭吳元年丁未帥馬步舟師討方國珍國珍拒戰敗劬夜走黃巖亮祖入其城遂徇下仙居諸縣進兵温州國珍子明善戰敗挈妻子遁去克其城分兵徇瑞安還至黃巖方氏父子來降送建康洪武元年二月 上以浙閩既平乃命亮祖為征南副將軍與廖征南取廣東進取廣西師還 太子率百官迎勞龍灣洪武三年封永嘉侯食祿一千五百石與世券四年三月 上以諸將伐蜀久無功復命亮祖為征虜右副將軍率

本朝分省人物考

卷三十三

二十五

南直三

往助之肅兵至蜀傅友德已攻克階文永忠克重慶乃分兵徇下州縣之未附者蜀地悉平還師與何文輝同鎮北平移鎮廣東番禺知縣道同上言亮祖不法數十事 上念功臣不下吏置職令居江寧之安德鄉十三年以疾卒 上為為城以侯禮葬之

王珪

王珪合肥人慷慨有大志少時為淮西廉訪司隸卒見官長儀衛尊崇輒慨然歎曰將相無種在人為耳及元末兵亂募集鄉民守廬州自稱萬戶 上取陽珪自廬州來歸遂從渡江克太平命珪仍為萬戶

守太平積功陞左軍都督府都督僉事子安富從上征婺州守南陵取潛山擒獲甚眾攻安慶被創而死仲子安貴從征江州亦戰沒至是珪以疾卒季子寬襲職未幾亦卒

汪河

汪河舒城人少有大志倜儻傑出嘗師武威余文忠公蓋其底奧其宏材遠略卓邁流輩元季紛亂靡所適從 太祖高皇帝渡江首被知遇用為行省掾吏累陳時務 上高其才識叅謀帷幄贊畫兵政大有裨益擢大都督府都事出入左右跋歷中外惟所任

本朝分省人物考

卷三十三

二十六

南直三

使元察罕帖木兒克復汴梁兵威甚振 上命河使察罕與之結援議論稱旨察罕子擴廓帖木兒遣使來通好 上即遣河與俱往答其意河至河南擴廓拘留之時虜尚盛兵中原 上方有事江漢未遑讐校及陳友諒亡諸郡咸附 上乃以書與擴廓帖木兒責以拘留前使書至不遣凡三以書遺之仍不遣後元罷擴廓官奪其軍洪武元年王師下河洛擴廓懼始以河還河被拘凡六年抗厲不屈完節來歸 上嘉重之即陞為吏部侍郎河備陳虜中事且上方略擴廓竟由是取敗二年秋推陞為御史臺侍御史

歷陳讜論內外諸政補益甚多九年上封晉王于太原簡朝之重臣爲之傳以河帷幄舊勲先使虜域忠節顯著繼在中臺功業茂隆遂拜爲晉王相親御便殿面諭而臨遣之河領眷命普殫心力時天下初定干戈甫戢民力未舒河以身任之咸底厥績其在王所也啓沃彌綸鞠躬盡瘁居數歲竟大治竟卒於官

陳瑄

陳瑄字彥純合肥人父聞開國功歷陞成都右衛指揮同知父謫戍遼陽瑄請代戍從征卜木瓦寨冒險先登敗賊復從征餘寇一日十三戰明日又七戰擒

本朝分省人物考

卷三十三

二十七

南直三

賈哈刺陞四川行都司同知進督府僉事建文時召防江靖難兵至江上具舟迎降封平江伯食祿千石世指揮使永樂初北京遼東軍儲不足充總兵都督帥舟師海運歲米百萬石請建百萬倉直沽尹兒灣城天津衛籍兵萬人戍守舟經海島下令交市人不敢譁兩便之會有倭劫沙門島瑄以漕舟追至朝鮮境盡焚其舟殺溺死者甚衆三率舟師備倭闖海海溢江北岸崩瑄起堤自海門歷通泰北至鹽城凡八百里又役夫二十萬起高丘嘉定爲海運表識名寶山上爲文樹碑山上旣開會通河罷海運乃建議

造淺艦二千艘歲運二百萬石復增至五百萬石疏清江浦引水由管家湖入鴨陳口達淮就管家湖築堤亘十里以便引舟浚儀鎮瓜州通潮鑿呂梁百步二洪開泰州白河通大江築高郵湖堤堤內作渠亘四十里淮濱作常盈倉五十區貯江南輸稅徐臨清德州皆建倉便轉輸河淺處輒膠舟濱河至舍五百六十八所舍置淺夫俾導舟可行處緣河隄鑿井樹木便人行 獻陵初下詔求言陳七事其一言江南轉漕軍民並困 上覽之戚然令有司議所以寬恤者仍 勅獎與世伯券 景陵時鎮守淮安兼督漕

本朝分省人物考

卷三十三

二十八

南直三

張子貞

張子貞字彥誠英山人洪武間由國子生授兵部車駕司主事進本司員外郎未幾以言忤謫戍嶺海尋起爲刑部員外進郎中出爲山東僉事以切直不容于時又謫死馬寺戍留題有君臣義莫忘之句 太祖聞之詔復其官尚書蹇義嘗歎曰做官不必遠法古人近法張子貞可矣尋起爲車駕司主事歷官叅

潘岳

劉會

馮禎

姚壽

丁鏞

寶子備

本朝分省人物考

卷三十四目錄

二

本朝京省人物考卷之三十四

南直隸廬州府

郭彥仁

郭彥仁無為人少讀書有勇畧尤長於吏事歸附太祖以忠謹被知遇事多委任李文忠用兵浙西命彥仁往為參謀多所裨益歲戊戌三月文忠以克嚴州功陞帳前左副都指揮守嚴州命彥仁充本司督事時胡大海亦以平嚴州陞院判文忠與之有隙四月上批示彥仁云保指揮我之親男胡大海我之心腹前者曾聞二人不和且保指揮我之身也胡院判即我心也身包其心得其安心若定身自然而定汝必丁寧說知彥仁懇道 上意將領和愜所向成功文忠待彥仁禮甚隆凡攻守機略悉預畫提師擊寇有功賜銀幣壬戌二月金華苗將蔣英等作亂殺守臣叅政胡大海文忠即遣彥仁率兵討之彥仁兼程而進至蘭谿英等懼夜半遁去彥仁遂入金華撫其民時處州苗將李佑之等亦殺守將耿再成文忠復調彥仁領兵屯縉雲以遏其侵軼後援新城取杭州平浙西皆預有勞績授嚴州府知府

瞿能

本朝分省人物考

卷三十四

一

南直隸

瞿能字世賢合肥人開國功臣都督通之子也驍勇絕倫力學為文以禮下士少隨父累立戰功洪武中以四川都指揮使夜渡大河擊西番克捷頃之判酉月魯帖木兒據建昌能討平之移鎮雲南是時麓川刀幹孟構兵逐其主思倫發能率兵大破其眾復征寧遠金齒皆平之靖難兵起建文召為右都督同大將李景隆北拒奮勇力戰景隆忌能成功率牽止之次於白溝河南北合戰諸將皆異懦不前能父子先登所向披靡明日再戰矢盡劍缺人馬俱疲能復引眾躍前大呼斬首百餘前越雋侯俞通淵復引兵赴之時旋風大起北兵乘風突擊乃以輕騎繞出其後合兵大戰移時南軍遂北能父子猶揮劍斬十餘騎死之

大明分省人物考

卷三十四

二

南直廿四

陳植

陳植廬江人元舉河南鄉試不仕洪武間起為吏部文選主事歷官兵部侍郎靖難兵至植受命督師江上有督將密議降者植責以大義督將啣之遂遇害督將率眾奉迎自陳邀賞 文皇立誅其人具棺殮植遣官護喪葬於白石山

廖鏞

廖鏞巢縣人祖永忠開國功封德慶侯父權嗣封鏞以適子任散騎舍人歷官至都督建文中與議兵事時宿殿廷靖難後 文皇以廖權兩子鏞與銘嘗受學方孝孺令召之孝孺怒曰汝讀幾年書還不識簡是字兩子復命 文皇大怒令收孝孺刑之聚寶門外凡七日罵聲不絕廖兩子拾遺骸聚寶門外山上甫畢而廖氏亦見收鏞銘送刑部論死鏞弟鉞及從父淮安指揮僉事昇俱謫戍邊鏞母東甌主長女也并銘女送浣衣局

孫鎮

大明分省人物考

卷三十四

三

南直廿四

孫鎮字希武合肥人為諸生以經明行修中制科卒業太學除戶部度支主事通敏練達 高祖嘉之賜鈔若干緡以旌其能頃之 上以課程事連坐三部官鎮上疏諫不宜連坐以傷國體語多峭直遂謫戍滇南已卯春廷臣郭資等論薦召復其官應制賦禁柳詩稱旨拜衛輝知府毀淫祠撤浮屠興學課士教民樹畜驅蝗禱雨神率效靈壬午靖難兵南下守備內臣倡謀迎附鎮堅守不下迨 文廟登極以抗節不附者置之法乃謫戍山海歷二十餘年宣德初御史王紹首薦赦回至京師除上饒丞不就卒於京即別

號冲玄子所著有冲玄稿若干卷

蔚 綬

蔚綬字大章合肥縣人秉心淳實履行端方洪武中由監生授戶部度支主事歷員外郎精核出納下人不得緣以為奸革除中陞山西右叅議再著賢聲永樂六年陞戶部右侍郎本年改禮部右侍郎時尚書呂震恃才自用又深刻難測小心謹畏震亦雅重之屢知貢舉及廷試提調官關防嚴密類多得人十九年定鼎北京震改北部綬掌部事二十二年綬奏四川雲南官民生駱進等六十一人例當給賜夏衣具琉球官生周魯美等尚猶未行宜一體給賜自後近年冬夏衣皆本部行文南京工部成造依時給賜不待奏請著為令馳奏以聞 上從之至洪熙元年陞禮部尚書宣德四年致仕後卒於官賜祭葬

邢 寬

邢寬字用大無為州人自少穎敏力學不輟永樂甲辰廷試初以孫曰恭為第一 太宗皇帝以曰恭一暴字耳及見邢寬二字甚喜遂擢為第一授翰林院修撰與修 仁宗實錄成陞侍講正統戊午復修宣宗實錄賜金織文綺陞從五品俸已未同考會試

本朝分省人物考

卷三十四

四

南直廿四

尋引疾家居上言民情十餘事丙寅召至京命復任事丁卯主考順天鄉試景泰壬申陞南京翰林院侍講學士署南京國子監事景泰五年六月卒遣官諭祭寬居家孝友與人交終始不渝且處已坦夷於物無所忤以足疾不良於行故不得久於內朝云

張 敵

張敵合肥人字伯起修髯魁幹卓有時名永樂中貢入太學除廣東道監察御史扈從 車駕北征軍令嚴肅凱旋有金牌鐘幣之賜 欽差開辦延平銀場局課歲輸一毫不染歷五年閩人頌其清銓部考最擢陝西按察司僉事致政尚平恕務存大體後被謗左遷廣平令怡然之任興學勸農惠政遠敷歷九載上疏乞休 上命復僉事致仕子鑑國子生篤行懋學克振家聲未仕卒

湯 鼎

湯鼎無為州人宣德二年進士授吏科給事中時交趾復叛 上命鼎往撫之鼎至敷宣聖德指陳利害夷人懽服奉貢表謝私餽一無所受中外重之

薛 遠

薛遠字維遠無為州人登宣德壬戌進士授戶部主

本朝分省人物考

卷三十四

五

南直廿四

事勤慎精敏不避艱險遷員外郎中承部檄覈實南
直逋稅文案山積洞燭肯綮得羨餘萬石歸之於公
又同御史倪敬按大同邊儲搜抉隱匿邊餉以足天
順元年命使交趾還晉戶部右侍郎尋丁母艱四年
河決河內詔起復以工部侍郎總督河道至則集工
壯三萬餘人分工授任決口遂塞又自揚州海門鑿
河四十里以洩積潦蠲災賑饑伐材為屋以居流徙
還復授戶部會兵討蠻獠督餉征調諭其眾能破賊
者即有輜貨人人奮勇師至大藤峽躬冒矢石腹背
夾攻賊平陞左侍郎有白金文綺之賜尋進尚書總
督京儲時與巨璫汪直相忤嗾言官論之遠力請致
仕予告復以近侍吳綬力薦詔起南京兵部尚書叅
贊機務以疾辭不允而汪直必欲力驅之復嗾言官
論劾復懇乞致仕得歸廕一子中書舍人弘治乙卯
卒年八十有二遠性敏而好學凡禮樂兵刑天文律
曆無不涉其要尤熟國家典故仕宦四十年家無長
物食無兼味室無媵妾曰吾少時恒不足今安忍有
餘哉人以是稱其守

王清

王清字一寧合肥人世以武功為濟寧衛指揮慷慨

本朝各省人物考 卷三十四

六

南直廿四

多勇略常領兵入衛宣德間率所部出喜峰口及至
鴛鴦海規虜累立奇功正統二年陞廣東都指揮以
親老不遂迎養陳情乞分俸於原衛詔許之蠻夷叛
據大藤峽清往討有功戊辰總督廣東軍務已巳協
同總兵駐軍高州廣賊黃蕭養劫鄉民叛眾十餘萬
圍攻廣州清帥舟師赴援至沙角尾水淺舟膠失利
被執賊素知清威望不敢害清投水不死因寄衣還
廣城中大書一詩兩捧 天書鎮百蠻偶因兵敗不
生還飄零身世輕於葉磊落襟懷重似山半夜愁吟
珠海寺幾回夢墮鬼門關憑君獨有衣相寄為我招
魂宇宙間數日賊擁清至城下使諭眾開門降清罵
不絕口遂遇害朝廷憫之加子爵二級清善律詩所
著有建彙集行於世

余斌

余斌合肥縣人前浙江都指揮同知成之子年弱冠
襲職為處州衛指揮使戎務之暇留心經史延禮文
士商確政事宣德五年調除定海衛自建義學延師
儒令官家軍民子弟願學者咸肄業焉公暇躬詣考
閱而激勵之務期有成以燕自持自撰公勤廉謹四
銘書於廳事以自勵城南海山有大泱渡常覆舟溺

本朝各省人物考 卷三十四

七

南直廿四

人自撰文祭其神後遂無患六年仍調處州衛捕盜
有功七年陞浙江都指揮僉事九年冬以疾卒年才
三十有二衆咸惜之

陳儀

陳儀字叔度合肥人自少端重謙和無綺紈之習好
文章喜韜略務窮其所至欲以自立於世當時論勲
臣子弟有文武才具者必稱焉永樂中 宣宗皇帝
爲皇大孫詔選良家子入侍儀與焉 上雅知其才
特見親任有所顧問必盡誠以對漢王蓄異謀數言
其姦狀事定以俘獲賜羣臣儀得與侯伯等益異恩

本朝分省人物考

卷三十四

八

南直廿四

也車駕巡邊出喜峰口以驍勇選當前鋒適虜寇犯
邊多所殺獲其後屢出巡邊儀皆扈從有勞績正統
成國公朱勇等交薦詔大臣試所業其言出奇制勝
之道皆合古兵法而復精於騎射引弓連發中的諸
軍皆大呼稱快同試者皆自以爲不及遂擢爲勳衛
日帶刀侍從益以忠謹見稱瓦剌使朝貢 上命豐
城侯李賢率兵送之出境言於 上曰今兵出遠慮
或有緩急願得勳衛陳儀者偕往可計事出塞二千
餘里而還虜寇孕兒只伯擾西鄙 上言請於寧夏
甘肅簡精銳俟春暖俱發諸道並進且先約瓦剌相

爲犄角殘虜破敗之餘必就擒戮此萬全計也 上

然之正統五年麓川叛 上命儀從定西伯蔣貴兵

部尚書王驥往討之明年抵其境蒲羅諸蠻作亂道

梗不通儀率衆直搗巢穴擒其首惡殺數十百人諸

蠻遁走師遂進招降斬殺儀功居最陞錦衣衛指揮

同知其冬攻克孟雷諸寨斬二千餘級又領軍獨進

抵南甸所向摧靡駐營馬鞍山下爲大軍後援遂以

成功師還永昌蔣公王公命爲文勒諸后以彰聖德

還朝論功陞指揮使賞賚甚厚明年陞都指揮僉事

留守雲南積糧治兵爲後圖而乃以疾終享年五十

本朝分省人物考

卷三十四

九

南直廿四

有二視還葬應天大山之原

李春

李春無爲州人正統七年進士任兵科給事中直聲
表著權貴忌之陞福建叅議時汀州有劇盜肆掠鄉
邑無可誰何春親抵賊巢諭之衆皆投戈泣降陞江
西左叅政尋陞按察使所歷三藩咸著能績

汪霖

汪霖字潤夫六安州人登景泰甲戌進士拜監察御
史出按雲南操已慎布憲公讞獄多所平反吏民頌
之丁父憂復職按浙江操持益勵時錦衣衛指揮門

達方秉權酸其子商於浙自鎮守官以下皆曲意悅之以霖獨不禮也歸諧之達怒遣校尉偵之卒以無罪免還掌江西道適 憲宗嗣大統言官劾門達抵罪霖力薦前都御史王公竑李公秉皆復任天下謹快先是兩廣蠻寇出沒且十載屢征不克至是命都督趙輔率師征之而以霖監軍事申嚴軍令肅然憚之自京抵兩廣所過安堵既而審功論級功罪咸當凱奏拜大理寺丞秩滿陟本寺右少卿成化十三年擢都御史被飭邊撫巡之命遂乘驛徧所治戒將佐練士卒葺城堡樓櫓簡器械軍聲用張虜莫敢犯且

本朝分省人物考

卷三十四

十

南直廿四

勵守宰俾勤恤民隱無或怠違舊例邊軍糧餉永平府給古北口薊州給山海關皆以車運費重而途艱霖請以銀代糧分給之兵民兩便皆歡欣感戴至成化十六年卒於京壽六十三

鄭時

鄭時字宗良舒城縣人景泰辛未進士授監察御史以能稱出按湖廣江西所至風裁凜然彈劾不避權倖天順五年為用事者所忌左遷河南內鄉縣知縣拓城郭增水利興起教化有異政成化元年擢知福建延平府政尚嚴明禱雨輒應民為立應雨亭紀之

去任更名曰去思三年丁亥父母繼歿廬墓三年有白兔馴擾之異有司上其事追而止之會歲饑發廩為粥里人貸券悉焚之六年服闋改知福州十三年遷四川左叅政十五年進按察使十七年轉湖廣左布政使聲聞益著十九年擢都察院右副都御史巡撫陝西大饑人相食百方賑恤言於 上得內帑金四十萬以濟既至乃命布政等官分守城門給散無敢漁者朔望必至文廟行香講書人問其故時曰方今人情涵涵吾既賑之復儆省以大義亂何由起又符移六道周恤民隱疏平涼利民渠民多感之江南本朝分省人物考 卷三十四 十一 南直廿四 湖廣等處盜起遣人諭之多解散擒其渠魁戮之更奏於寧羗分水嶺設縣巡司以便統屬成化二十二年因左道惑眾倖因之以階進取上言利國保民五事一盡誠敬以回天意二明理義以杜妖妄三減進貢以蘇民困四息傳奉以抑僥倖五重名器以待有功辭多切直觸時諱尋有貴州左叅政之請行然就道陝西之民如失父母所至遮道不得行至有繪像以祀者弘治改元陞左副都御史撫治鄖陽本年改撫湖廣三年轉南京兵部右侍郎四年進南京刑部尚書留心政務益大厥施讞獄必求其情矜疑者

輒辯之一時無稱寃者八年屢疏請老 詔允之命
給尚書誥命以歸為人嚴重狷介百無所好惟好施
予處人以恩信不忍言人過敷歷中外四十餘年庶
慎之行始終如一優游桑梓清節不改以壽考令終
鄉人無分遠近咸哭吊之

秦民悅

秦民悅字崇化舒城人天順丁丑進士授行人遷工
部屯田員外郎賑濟京畿諸縣多所全活成化壬辰
遷廣平知府剛毅開敏能卓然自立政出公平百廢
修舉檢勘荒田馬地共三十餘頃辯寃理滯招撫流

本朝分省人物考

卷三十四

主

南直廿四
劉汝奇

卓然在人耳目考政為郡守第一九載去任民立
祠樹碑以思之甲辰遷江西叅政弘治改元擢右布
政數月轉左凡三任皆在江西熟諳民情 貶奸吏
抑豪強均賦平役民賴以安辛亥擢右副都御史整
飭薊州等處邊備兼巡撫順天等府奏乞減莊田租
課以舒民困增密雲古北口官軍招募土兵以防衝
突皆蒙嘉納其年遷戶部右侍郎甲寅改吏部右侍
郎明年以父喪去服闋添註都察院右副都御史未
幾改吏部右侍郎己未拜南吏部尚書庚申改南兵
部癸亥丁繼母憂乙丑服闋復南戶部正德丁卯致

仕以辛亥年卒年七十九計聞賜祭葬如例謚莊簡
民悅沉靜謹恪進止有常平居手不釋卷操觚染翰
至老而猶不倦云

潘 稹

潘稹六安州人字景徵監察御史岳之子也登天順
甲辰進士授監察御史直節直聲為流輩所推按廣
東振揚風紀兩劾統兵者之不律都御史韓雍銜之
欲摭事中傷竟不克擢福建副使明慎果斷獄無寃
滯福寧產銀曠先是輸課者加耗息至則陰發其奸
而以補他課之逋擢四川按察使視篆不越月出滯

本朝分省人物考

卷三十四

主

南直廿四

獄千人雪死刑至有生祠於家者豪僧恃王國勢要
武斷鄉曲卒擒寘於法民歌頌之陞四川左布政使
值貴州苗寇猖獗徵兵餉於蜀開府重臣罔知所措
稹請以夷攻夷而以近疆播州龍州之卒應之咸服
其有文武才會試正榜額以南北中三數取人而中
數額最少嘗建議請調停之中貴人舞權藉上供之
名責公帑銀二千以市土物稹堅持不與鄉貴請託
一切謝之由是得謗致政卒終於家所著有正鳴集

朱 賢

朱賢六安州人字從善登天順庚辰進士性剛介美

李儀潛心理學與天台陳選齊名拜監察御史每抗
疏切諫 朝廷呼為梓潼御史後以言事忤 旨謫
花林驛丞尋復職按福建風紀肅然監文衡所著論
式人謂歐陽起鳴法度一時縉紳稱為三絕云

吳廷翰

吳廷翰字崧伯無為州人生而穎異業禮舉應天第
五人明年登進士授兵戶二部主事推督德州等處
糧儲改吏部文選僉廣東尋改浙江轉山西參議致
仕所至不激不隨撫循建白皆井井可法晚年手不
釋卷益旁通經史百家所著有漫錄叢言續記甕記
本朝分省人物考 卷三十四 古 南直廿四
志略考及湖山小稿蘇原全集若干卷子國寶第進
士詩文有聲云

王恒

王恒廬江人字克昌敬之子幼穎敏以童子從父南
雍能習詹孟舉大書年十二隨父謁選惟讀書以圖
報補父以 上聞 英廟召見御前作天下太平四
字 上覽之喜賜寶鈔半酒送翰林院讀書學士丘
仲深見其所屬詩文深器重之天順四年擢中書舍
人尋進太常寺丞性不苟合左遷工部主事分司燕
湖既蒞事征權以法羨餘數千緡悉輸之公及領尚

書度支司漕淮上利興幣革多所建明弘治間進階
中憲大夫卒

吳凱

吳凱合肥人字廷輔天順壬午領鄉薦成化壬辰進
士乞歸省親會母疾抵城即步入趨候衣冠拜牀下
晝夜躬湯藥母死既葬每旦至墓所號泣進香饌運
土封植不資傭役服闋拜兵科給事中一時如濡須
仰昇同邑方陟皆入諫垣語曰淮西三鳳凱在兵科
詳封駁善敷奏動存大體適邊陲告匱承 旨往勘
剪抑豪右明典守之罪邊儲賴以充實同寅知凱果
本朝分省人物考 卷三十四 古 南直廿四
敏推凱清理京衛軍凱劾武弁不職四百餘員軍政
肅清憲廟嘉獎賜酒饌賞資甚厚歸展松楸終養厥
考有廣東少叅之命卒於道

張淳

張淳字宗厚合肥人僉事敵之孫也成化丙午薦於
鄉明年登進士初令瀏陽有逋賦歲積萬計乃糧長
侵費淳至諭以忠言皆感泣來輸三年政成召為監
察御史會岷府奏逮知州劉遜臺省疏掇俱下獄淳
方自外還抗疏請惜耳目以庇元首 孝宗意解尋
釋之出按貴州有負固者乃招撫之擒渠魁會安阿

保父子餘黨五十九寨悉爲徧氓轉吉安知府吉民
健訟蔓引動數百人經歲不決淳惟取當逮者訊之
剖析如流輒手書片紙示吏吏無所措其奸版籍多
巧僞淳廉得其實役均弊絕久之豪猾屏迹公庭晝
靜若無事者自奉甚薄朝夕惟一鮑魚秩滿歸橐如
罄又復課農桑興學育才修里社敦尚節義民爲矧
賢侯祠尋陞四川按察司副使整飭松藩兵備適諸
番叛乃召集諸將授以方略皆相繼授首諸番懾服
進太僕少卿綜理馬政務在便民轉應天尹多惠政
士民賦京兆十思擢右副都御史撫治郎陽時四川
本朝分省人物考 卷三十四 七

周 璽

周璽字天章合肥人弘治丙辰進士任吏科給事中
始事 孝宗多所建白上一一採納迨 武宗卽位
逆瑾專權疏其擅改成命竟違詔旨罔上行私氣焰
逼人朝士斂手以避乞明正典刑以謝天下疏上瑾
銜恨乃囑陞順天府丞使去言路思設計以殺之嗾
錦衣指揮楊玉誣以蔑視使臣遂矯制收付於獄令
玉自鞠玉杖之三十略不少屈曰吾死不足惜令忠
義畏慄可惜耳瑾聞而益憾之又令加挾遂死於獄
卒年四十七後瑾伏誅正德朝賜祭至世宗卽位復
賜諭祭有抑鬱未伸遽焉淪沒之句廕其子仍廕其
本朝分省人物考 卷三十四 七

潘 鏜

孫勅建崇祠於合肥城東春秋令有司特祭焉

劇賊新敗疏請駐兵房竹等處以防奔突賊平有金
幣之賜改巡撫保定兼提督紫荆等關是時傳報邊
警淳經略邊務悉心區畫虜遁去河間諸郡告饑奉
勅賑濟全活者以萬計進階通議大夫上疏乞歸
上以溫旨慰留疏三上始得奉 旨馳驛回籍淳
居身清約惟敝屋數椽山二頂園一區客至談說經
史或世故移日不倦有請託者禮遣之故人不取干
以私卒年六十有六葬祭 恤典恩禮有加焉生二
子長卽相次子標

數百里乃捨去樹碑頌其遺愛居喪哀毀骨立殮葬有禮服闋除滑縣知縣滑為畿輔大邑賦重民玩前令率坐廢下車首聽滯獄風行雷斷五日而囹圄為空乃理逋賦壅蔽者曰民猶水也塞則潰疏則流於是解勞剔蠹犁然有條人人以為惠爭先輸納閱三月而租入大集郡守韓公嘆曰民豈不可化哉何滑民昔狡而今良也縣籍口賦里胥故多為奸乃誓諸社曰所不惠於民者神有顯殛籍成踰月忽有抱策懇庭下者曰某等負公作奸者盡疫死某幸生願正此籍因許釐正為式人謂其誠信通於人神初至滑

本朝分省人物考

卷三十四

六

南直廿四

前令擅移官帑銀數千兩籍亂不可稽曰殆哉殞身非于其誰掩此乃檢括規畫俅充其數竟不令前令知也被徵去府人出羨金二百為贖曰欺人不誠贖貨不貞吾豈以毫末而敗吾素令籍之庫父老請立石以識曰無庸第無忘今日可也甲子拜監察御史首論時務大計四曰敦大體權時宜重將權倡士氣太監高鳳蔭從子曰此王振曹欽之漸不可長也請加黜罰奉命勞軍遼東廉公有威邊將斂手歸上備邊五策曰酌戍守之宜憫戍卒之苦儲將來之用豫未然之戒革科歛之弊皆中肯綮

南便養

得改南京湖廣道無何鳳與瑾相比矯旨削籍明年詔罷黨惡若干人鏗與焉蓋正德丁卯也家居以御史罪前後輸米三百石鬻產供命庚午詔復冠帶文安賊寇六安郡人視以為去留乃謂子弟曰我世臣也當為國捍患若等宜避地以存宗祀遂與守臣設策拒守城被圍者三日竟得不陷癸酉起授廣東按察司僉事持法平恕人以無冤有縣丞楊某者以貪見黜辭去泣下不已太守李君嘆曰焉有奪人官乃感泣者哉吾不知潘公何以致此有知縣黃某者懷百金見謁曰與尹處及期而不見信吾不德也若

本朝分省人物考

卷三十四

九

南直廿四

暴尹罪以章已蕪吾亦不為黃慙謝去廣山猶剽掠為近鄙患奮計率兵夜擣其穴諸公首鼠兩端曰我任之母憂公等也功成不失一矢眾咸嘆服有常氏兄弟爭財久不決開諭義利自相引伏乙亥年踰五十嘆曰顛毛種種矣猶俯仰逐人後志其終不可行邪遂上疏請老銓司下檄慰止御史丁君濬曰請小屈以易腰帶笑曰歸敝廬後當弁服與野人俱帶且棄去何有於金復上疏不待報而行蓋入廣往返僅一年耳歸五年疾作遂不起鏗孝友之誠出自天性事繼母曲盡顏色寒煖饑飽躬自慰問珍果名醞獻

而後嘗謹於祭先非疾病不敢不親尤重立春之祭
曰謂有僭於禮乎非此則祧與殤不血食矣祭畢會
宴昆弟子姓務盡歡愛凡臨父母忌日則素服屏居
不御酒肉善事孀姊俾安其節處諸昆弟及兄弟之
子內不吝情外不吝力親疎有差無不各當其分性
寬大明坦能恕人所不及忘人所不道與人交不設
城府久益誠信其為學有源委不事枝葉嘗曰古人
之學惟求此心今人外心以為學故汗漫無歸凡與
學士談聖賢之道如啖飴蜜甘而有餘味也文尚氣
骨下筆輒千百言奇正變化具有繩度作詩冲淡爾

本朝分省人物考

卷三十四

子

南直四

雅酷愛陳拾遺及韋柳古詩故擬古之作恒多初號
平湖後田於團山之間更號團山野人所著有團山
集十卷藏於家春秋五十有六

魏 澆

魏澆合肥人正德戊辰進士六年任鴻臚寺左少卿
九年考滿陞本寺卿初通事缺人見在通事假訪保
名橫行求索視利輕重為出入嘉靖元年澆疏其
凡選補各國通事除丁憂緣事俱不作缺其見缺
人以上及一國全缺者在外行各邊鎮巡每缺精選
一人送部在京不必通行通事訪保禮部劄鴻臚寺

召選真正籍貫子弟取具印信保結粘送部覆審相
同再試每缺精選一人奏送該寺分派各國年深老
成通事教習如本國無人許其自從師受業或鄰邦
通曉者教之一年之後同邊方訪保到部之人通行
試以夷語上者收補次者候下者黜退不得稱守候
多年以濫收選時勘結人員不得以過犯頂冒之人
竄入著為令禮部覆議 詔從之歷太常寺卿掌鴻
臚寺事

彭辯之

彭辯之霍山人字問夫登正德戊辰進士知餘杭縣

本朝分省人物考

卷三十四

子

南直四

時逆瑾舞權淪省苦於織造力裁之邑得不擾擢工
部主事尋調兵部武庫司建修舉邦政四事頒行天
下出補饒州守政靜民安崇素若蕭布然與官道不
合歸部使者稱其操貞水漿復起彭德守清聲茂著
遠邇懷服進山東叅政投牘勇退

潘 銳

潘銳六安人字宗魯鏗之從弟登正德丁丑進士初
授行人伏闕諫止巡幸跪曝十日廷杖謫南京國子
監學錄 世廟改元 詔復行人上言當事大臣尋
又杖謫其剛直蓋天性云

沈俊

沈俊廬州人正德丁丑進士知萊陽縣時寇盜甫戢縣治殘毀民流竄者過半俊露處視事以撫流亡不期年安堵如故民忘其亂擢御史按山西湖廣去奸黜慝時咸服其威明

吳蘭

吳蘭字欽佩霍山人嘉靖壬戌進士初授濰縣知縣蘭風韻古雅脫屣塵凡不喜對簿書為俗吏謝令改衢州教授談道為樂有春風沂水之況擢國子監丞進禮部主事以盛名取直內閣兼翰林典籍內艱歸

本朝分省人物考 卷三十四

三

南直廿四

篤孝秉禮服闋游泳潛臺勝境陟南嶽孤峰俯視煙海不復有宦況矣或勸之出遂焚棄官符性真率鄉人愛之即蓬華下室亦可招延居第蕭然為文冲淡流鬯有陶謝風援筆立成灑翰尤適勁有法卒於家

黃道月

黃道月字德卿合肥人也美姿態工文詞喜讀相如書與百家之言五七言長句絕似李青蓮少好擊劍江淮之俠無不從游且不惜百金購名馬挽強弓蓋其志摘豔秣林揚戈溫隅絳旗雷鼓與昭銘鴻勒共耀當年矣萬曆丙戌計偕飲陳通叅所汝南劉玄子

後至見座上有美丈夫即欲把臂為懽問姓字各驚訝客散陳獨留此兩人接祛連觴漸近談咲陳公喜曰二賢已列榜中各大咲醉去旦視榜僅隔一名繇是與同榜潘元徵平湖王銘新秀水黃履常無錫安小范共玄子為生死交元徵置酒招諸子小范夜方至曰余非由五侯七貴家來與安三來自滿井耳井水澹溢余樂之飲大醉即提巾脫頂髮委地鏡人坐誦所賦滿井詩若白雪清風與俱飄飄謫仙人也嘗與子春玄子小范遊西山岍幘衣半臂紫袷坐連錢驄馬挾彈飛鳥應手而落遊人從之如雲即以鳥犢

本朝分省人物考 卷三十四

三

南直廿四

游人為之語曰得山禽從舍人嘗見楊司徒曰黃舍人偉幹雋流終當建勳萬里外不爾風節矯矯表論朝宁匡衡劉向之儔非腹背毳故公卿見者莫不以是望之嘗謂玄子曰衷藹逢干之心略非仲毅之智理無蒙莊之達寧人乎今世文學北地信陽它無聞也吾黨豈弗肆咤天下今邊如奕非亡奕秋亡枰子耳枰者馬也子者兵也亡之即奕秋且袖手有之則戰者必也寧與角和平一日曾司空楊司成談性命學楊司成問曰何謂朝聞道夕死可也道無生死生而非生死而非死虞澹驚顧玄子曰孰謂仲子雄於

詞豪於技哉頃聞父訃仲子嘔血立毀別玄子燕市
留詞曰燕雲斷兮雲飛黃鵠决兮羽稀江有蘭兮愁
余虬螭螺兮脚踏生有交兮死不離嗚呼此非屈靈
均招魂息夫躬絕命詞與既葬其父號於墓而仲子
死仲子之哀又何烈乎孝弟自其天性然矣所著書
若干篇行於世

潘子嘉

潘子嘉字汝亨六安州人御史鏗之子也幼承家學
穎異老成聞甘泉湛先生開館於南雍負笈往從問
學甘泉子曰在聞道問道日子能知本體不假人力

本朝分省人物考

卷三十四

五

南直廿四

故知勿忘勿助之間無所用力者斯得之矣問忘助
曰忘助皆私心也滯於物勝於事皆忘也矜持欲速
皆助也問勿忘勿助之間曰無在無不在也中正而
不息易所謂神而明之存乎其人聞之頓然有悟乃
與蔣道林沈艾陵諸公日夕研究歸聞當道有惡人
講學者遂謝去餼廩讀書山中越六年聞人督學庶
其恬退命有司以禮致之強之復學以歲薦貢之南
宮未幾歸以疾卒子嘉居家孝友事繼母不違顏色
待異母弟推讓財產壯年失偶不再娶計聞京師蔣
道林諸公胥緘辭哭奠有惺菴文集藏於家

鄭杲

鄭杲字義民合肥人少穎敏有大志補邑庠弟子員
經史子集靡不通曉一日有省厭舉業作詩云人生
如朝露光景不可留胡爲名利間趨逐恣所求本分
有真樂乃復事遠謀涉海浩無涯甘作濡首遊及時
不鞭策歲月爲我讐嘗出遊訪豐城楊先生庶聞鑿
間賀公欽有古人風將往卒業焉頃之丁外艱廬於
墓所哀毀骨立染屏疾不起作絕命詞云不孝罪通
天一病幾五月調攝弗自遑遂爾成永訣三年未終
竟四物尚茲缺老母孤且衰誰爲侍巾櫛萬事吾已
本朝分省人物考

卷三十四

五

南直廿四

休含恨向夜穴遂卒卒之日年二十九新淦于鳳題
其墓碣曰篤孝鄭生

張梅

張梅合肥縣民梅家甚貧事母常能盡子道萬曆六
年母病肺甚篤乃嘗其穢并其痰焚香告天願以身
代母果病愈十一年母復病癱親爲吮舐其母病復
愈又塋祖綬適隆冬大雪泣告天地僵臥穴中忽然
晴霽又父文貴病歿築廬墓側日夕悲號三冬之時
山花徧發人以爲孝感之祥名著一方年逾六十

補遺

潘岳

潘岳六安州人永樂丁酉舉人授鄭州訓導經明行脩善于造士出其門者科第不乏任滿績著選拜雲南道御史以言事忤 旨充祿帥府帥待以優假曰非 朝廷意也佩吏服操事不懈六閱月復原職兩按浙江福建單騎問民疾苦所至肅清盜屏民安辭疾家居置祭田義田敦行睦族間黨莫不仰慕之

劉會

劉會英山縣人正統乙丑進士授戶部主事十四年扈 駕北征土木之變捐軀死難奉 勅褒贈錄其本朝分省人物考 卷三十四 二十六 南直

馮禎

馮禎舒城縣人由綏德衛旗軍累功至都指揮僉事充叅將分守寧夏西路寘鐫之變禎及協守孫隆寺馳奏告變事平陞署都指揮同知正德七年巨賊劉六等流劫伊洛間禎奉命徵至河間忽與賊遇督所部鏖戰下令毋顧首級毋貪所遺輜重追奔數十里斬獲數百人論功陞都督僉事比至河南而賊復有西平之敗由上蔡商水遁去巡撫鄧璋等狃于一勝過汝寧朝王宴飲連日賊得招集散亡勢復猖獗攻

鄆陵西華長葛新鄭等縣所過殘害遂至河南府圍

城三日諸軍始追及之無復部伍賊乘我軍饑疲率衆迎戰禎及副總兵時源叅將神周方列陣而叅將姚信所部京軍馳突禎前與賊交鋒竟失利先遁我軍陣亂賊麾衆驟至禎下馬步戰手刃數十賊死焉事聞璋等奪俸戴罪征討而贈禎洛南伯賜祭葬子大金襲陞都督僉事後每歲當禎死日其地遂風霾大作洛人乃往伊府奏聞 勅立祠洛濱於死之日祭之

姚壽

姚壽字維祺舒城縣人成化二十年進士由行人選御史屢疏忤瑾降貴陽驛丞卒

丁鏞

丁鏞字元聲無爲州人由歲貢歷官廣西左叅議致仕清介端方鄉居二十餘年不入城廂不以毫末干有司惟着白布袍以耕讀自娛郡守朱公高其誼繪淵明圖贈之

竇子備

竇子備號淮南合肥人中萬曆乙酉鄉試壬辰成進士授大理寺評事甲午貴州主考乙未陞寺副本年

陞刑部員外丙申調戶部郎中管宣府糧儲戊戌陞
泉州知府辛丑陞湖廣提學副使甲辰陞福建參政
巳酉補江西參政辛亥陞浙江按察使陞右布政壬
子致仕起福建右布政癸丑陞本省左布政乙卯致
仕子備歷任中外俱以清節顯而楚中督學之政秉
公執法甄收多知名士至今籍籍輿誦云

南直隸安慶府

二十八

南直

人物考卷之三十五目錄

南直隸安慶府

劉燾 吳昇

韓隆 謝祐

姚旭 董寔

柳溥 葉華

方佑 程亭

江弘濟 方向

王端 余順

李璉 錢如京

李淳 余珊

方鵬 張澤

趙鈇 阮鶚

彭寶 夏恩

補遺

徐之鸞 金燕

目錄終

本朝分省人物考卷三十五目錄

南直五

本朝京省人物考卷之三十五

南直隸安慶府



劉燾

劉燾字尚載太湖人洪武末年以太學生授廣西柳州知府燾寬厚不苛留心民瘼諸所興革咸當人心邑有以屠牛為業者牛啣刀奔入府跪于階下悲鳴如有所訴召其人至諭以善語復厲私殺之禁久之一邑皆化無復有食牛肉者在郡數年不事鞭扑不善者但從容教誨之人亦相感而為善良陞河南副使 肅王聞其賢特加禮敬書霜月軒贈之所在皆

本朝分省人物考 卷三十五

南直隸

祠於名宦

吳昇

吳昇字亨晦懷寧人宣德間登進士擢工科給事中昇在科有直節遇事敢言正統庚申 廷議郡縣守令聽大臣舉薦昇以為可暫而不可常否則受官公朝拜恩私家矣又議大臣舉御史既被大臣薦則大臣有不法御史肯背私恩而抗公言哉咸奏止之其他封駁糾正尤多有聲於時正統癸亥閩浙間礦徒為盜勢甚熾殺叅議竺有司莫可誰何陞昇浙江右叅議督兵往輯至則捕其酋而斬之撲其黨廉其

失機都指揮以下數人 奏寘之于法眾乃股栗不二載賊屏息政績著聞後致仕歸

韓隆

韓隆桐城人永樂中以太學生任永安令時邑方初建當百務草昧之時隆至築城隍建學宮創公署新祀典暮年之內煥然有章造浮梁以通津渡邑有巨寇設計擒獲殆盡邑先有虎患至是木拔道通生民樂業虎北渡河而去民甚德之借留歷十二年卒於官相與立祠以祀

謝祐

本朝分省人物考 卷三十五

二

南直隸

謝祐字廷佐桐城人天姿雋爽幼有巨志父早卒家貧母躬紡織以拊之嘗牧牛田野間每讀書於牛背上人咸異之甫成童縣尹欲舉民秀增廣學校生員祐願往母惜之為泣下祐慰母曰兒得為秀才不愈於牧牛乎遂補庠生勤于課業矢志諸書無不博覽工詩賦及駢儷之文正統丙辰登進士第觀政刑部邑自國朝開科以來無登進士者登進士自祐始丁巳授本部陝西司主事讞獄公恕已未秋以疾辭歸辛酉疾愈赴京壬戌春調戶部四川司主事蒞政有能聲命解官銀萬鎰赴遼東糴糧以實邊陲陞署本

部廣西司員外郎已巳秋北虜入寇改監察御史出鎮大名練兵保境以爲京師聲援至則修城垣造器械拊流移訓士卒號令嚴明百度振舉民皆帖然安業事定還朝陞署本司郎中復奉勅往督山西邊儲接濟大同宣府事還與實授未幾陞廣東右叅政天順改元陞河南左叅政戊寅陞山西右布政使蒞官慎勤存心仁厚凡所設施務使民沾實惠前後志操始終一致成化丙戌年方五十六苦風疾具疏懇乞致仕歸家杜門養和不干世務奉觴壽母樂其天倫爲人器宇軒豁脫略羈馬絕無町畦發言談笑一座

本朝分省人物考

卷三十五

三

南直世

蓋傾好評論人物窮其底裏人多服其至當作文雅淡詩有唐人風致書簡得歐蘇體有宦遊藁藏于家晚於祖基作室爲佚老所鑿池養魚開圃蒔蔬周垣植以嘉樹客至則開宴堂中觴詠爲歡或散步園池以爲適後以壽終

姚旭

姚旭桐城人正統辛未進士選授刑科給事敷奏詳明直聲動朝宇以見忤權倖謫判鄭州清慎自勵勤於愛民擢南安知府以寬簡宜民而守嚴一介尤興文立社孜孜以學校爲先歲水旱遘災每禱輒應擢

雲南叅政未幾致仕歸

董寬

董寬字世宏懷寧人國初以武功世襲指揮使寬生而駢脅鐵面膂力絕人性沉毅寡言笑識者以爲不凡稍長從師涉經史誦金版六弋善騎射繼襲父職敷政訓戎吏士咸服每境內有劇盜輒控弦從以數騎手殪之而返正統己巳虜入寇以薦召赴京師廷議大發兵襲虜寬力言國兵新創賊勢方張不若自守以同邦本賊內不得戰外無所掠必將自遁少保于公亟納其言時舊降虜安置畿內者並起爲盜于

本朝分省人物考

卷三十五

四

南直世

公請授寬署僉都指揮事將一軍自京師抵河間狗捕之且督操河間瀋陽大同三衛兵盜聞解去尋被勅鎮河間池張軍務深協時宜而尤以端嚴自持親族無敢撓法者河間地瀕水經營繕葺增重門及樓櫓皆鞏壯殊舊居人賴之景泰癸丑召還督操神機營中軍乙亥從南和伯征湖廣苗賊銅鼓五開賊尤熾分兵擊之經四十餘戰皆捷進至檣羅檣網二寨山益險惡衆驚顧莫敢前奮勇先登不終日克之以奇功獲重賞授都指揮僉事班師復官天順改元

皆中屢蒙賞勞異日 上指公謂諸將曰此黑面都督最善射特賜楮幣二千辛巳逆賊曹欽夜犯闕聞變急率麾下士邀賊于西長安門外以神礮攻其家遂破擒之實授都督僉事尋被勅總督楊州諸路備倭官軍開府于吳厲將士嚴斥埃簡修戰船戎器威令赫然震海表暇輒延儒禮士凡武生與鄉選者厚贐之肄社學者亦蠲其徭役賢聲用彰尋復賜勅兼督常州及蘇州通泰諸路時鹽賊錢厚糾衆僭號江海寔畫圖刻期分道進兵策賊敗必走江北嘹角嘴檄巡鹽御史伏兵數百為援且曰如約則當捕賊無

本朝分省人物考 卷三十五

五

南直五 范王

餘不然且逸其半已而失約獨以所部兵進獲厚及其黨數十人餘奔嘹角嘴其明于料敵若此癸巳以疾得請還居京師閱十有一年而卒享年七十 上聞訃悼惜諭祭且給麻布齋糧營冢墓臨葬復諭祭焉

柳溥

柳溥字廣達懷寧人父升以千戶從 太宗靖難歷陞都督僉事永樂五年俘獲交趾賊黎季犛父子封安遠伯已進封安遠侯宣德初戰沒于交趾贈融國公謚襄敏七年溥襲侯爵正統三年秋掛征蠻將軍

印克總兵官帥湖廣等都司官軍守廣西是冬征大藤峽殺賊楊容拾等五月討柳州等處六年復入大藤峽破石門等寨十年征思恩賊獲常萬王等斬之寇遂平十四年還進太子太師總神機營兼掌右軍都督府事復命守廣西天順改元召進太傅仍掌營府事冬十二月虜寇涼州掛平虜將軍印率兵進討俘獲人馬無算虜遁邊境以寧二年師還以疾解機務養於家四年疾稍愈詔起總神機軍務至春疾復作 上命醫調治弗起中外聞之無貴無賤咸咨嗟悼惜

本朝分省人物考 卷三十五

六

南直五 范王

葉華懷寧人天順丁丑進士知沂州時州有逋賊潛出為害民不勝騷繹華多方跡捕盡掩獲之民居乃寧又疲于轉輸曲為調停區畫咸當至今民猶賴之未幾卒于官巷哭市號如喪厥考立祠祀之

方佑

方佑字廷輔桐城人天順間登進士第拜監察御史佑風裁凝峻孤厲而貞於時咸呼為鐵面御史既按畿內捕盜錦衣官校素怙寵為姦莫敢禁者聞佑風惴惴斂衽繼按陝西刷卷佑稱姦剔穢貪汚吏一無

所容咸望風解印綬去繼又按蘇浙巡鹽一洗風弊
鹽利盡歸于公府於是恃勢漁獵者盡啣佑矣繼按
廣西苗窺桂林城守告急佑悉居民尾軍士後令披
甲執器出南門入東門旋轉者數週苗錯愕走佑因
陳弭盜數事謫都憲一人藩臬長以下罰有差繼同
中貴人視刑邊地佑廉得其寃因與中貴人異同以
聞會銜者柄用乘間為請遂出知攸縣佑至攸求民
利害廢置所宜令出而民稱便四年陞桂林舊按地
銜者陰置之也在桂林八閱月以病歸結屋萬松間
足不及城市超然自得優游以終

本朝分省人物考

卷三十五

七

南直廿五

程亭

程亭懷寧人天順間以太學生擢監察御史出按江
西湖廣驄行豸觸弊絕風清雖奸內之奸必窮其根
穴雖貴官大吏不少屈抑能聲甚著而負怨亦多轉
江西按察僉事收捕南贛巨盜尋督學政士子咸服
其公明以致仕歸

江弘濟

江弘濟字本深桐城人成化間登進士授直隸清豐
知縣弘濟於清豐以公廉明怨得民心治行卓異拜
監察御史弘濟持重有操守不凌不矜常云御史綱

紀所繫糾察在當人心論諫在識大體識者躋其言
而重其為人既以視鹽法按長蘆風裁凜然人莫敢
犯繼以清戎按雲南凡所設施皆有法不為權勢齟
齟成化庚子以疾卒于行臺卒之日總鎮潘臬諸公
往斂之見其行李中雖敝衣亦止數襲眾為流涕有
哭失聲者諸總鎮為綜理歸送其喪復疏其清苦于
朝乞賜表勵弘濟外若和易而內實剛正與人交務
盡誠敬見人之善若已出之有不善則掩之平生
不釋卷讀書數行並下為詩文必根於理不逐時好
為進士時居近長安門每起必四鼓久而不替其蒞
官行已為時推重云

本朝分省人物考

卷三十五

八

南直廿五

方向

方向字與義桐城人成化間登進士授南京戶科給
事中南京權貴怙寵向特持風裁王端毅公嘗曰方
給事真男子弘治己丑以天變連疏劾守備太監及
府部大臣陳祖生等十數人 敬皇帝為黜三人餘
勅責之祖生等乃銜向遂緣盧主事事逮向下獄事
既直祖生等益恨向已酉御史復劾祖生等祖生等
因抵向前獄失出 命內外大臣鞠之鞠時獄具烜
赫同事者或股票向不少挫勘者知其寃然不敢直

後竟貶向雲南多羅驛丞廷臣交章爭之皆不報由是向聲聞動天下多羅在西南萬里外向即日就道既抵任署縣掌學咸有惠教熨人翕然就治以母憂歸乃築室山中遂欲終焉乙卯以薦陞四川資陽縣知縣資陽久弊向至一洗而新之有坐殺人十年不能決者向廉得其証辨之聞者歎服復以父憂歸後陞湖廣安陸知州安陸素頑獷梗化向先聲所至亡不懾服一日剖決訟獄數十豪橫斂衽 潘府嘗謂其下曰慎勿千方給事彼不爾貸也癸丑特註廣東瓊州知府瓊在南海中政尚羈縻向至諭以 朝廷

本朝分省人物考 卷三十五

九

南直廿五 余五德

王瑞

王瑞字良璧望江人成化間登進士授吏科給事中瑞正色立朝多所建白歲壬辰於 文華殿抗言內寵滋甚詞氣鯁直 上震怒同列戰慄瑞無懼色辛丑進都給事中京市亾賴競以奇貨靡費瑞劾其盡利罔上乃咸真干法是時謀倖進者多以左道淫巧資緣得美官有至太常卿者爵賞之濫極矣 上詔

吏部降四人黜六人下九人于獄時久旱厥明乃雨雪學士楊公守陳以詩紀之有 聖主無私從直諫 皇天有感兆時豐之句傳聞 禁內甲辰京師地震乃上疏論斥權貴或勸其少沮瑞曰苟有利于國家禍患非所恤也

余順

余順安慶衛人成化間進士知安吉州創學建倉勸強恤貧政有便于民者攘臂為之竟以剛直忤當道落職歸杜門掃跡不入公府雖宴會亦不赴

李璉

李璉懷寧人成化間進士蘭谿知縣惠法兼濟治行著聞被召入京民有來何暮去何速之謠拜太僕寺丞擢贛州知府時大水且疫璉百方拯救多所全活愛民禮士政化大行閩廣盜入境我師失利勢甚猖獗璉築屬邑城凡五督師深入備嘗劬勩二年擒滅論覈功罪反被讒構謫判大同未幾卒

錢如京

錢如京字公溥桐城人弘治間登進士初授浙江青田令有異政調定海選監察御史清戎江西巡按畿內所至有真御史名清河蓮花池鹵地數千頃為貴

本朝分省人物考 卷三十五

十

南直廿五 余五德

戚所據歲徵一萬七千餘兩民不堪命京以奏下悉請歸諸民民德之立祠貌像祀焉陞副使兵備天津時武廟南巡經費不擾時論躉之嘉靖初改江西陞浙江按察使有嫉之者左遷貴州公論不平賢聲益起擢湖廣右布政山西左布政南京太僕寺卿遷都察院右副都御史巡撫保定等府畿內大饑悉心賑濟請發內帑數萬緡給之民賴有生轉工部右侍郎奉勅提督修葺歷代帝王廟宇以省節完美稱上意加從二品俸改兵部左侍郎聖駕幸太學侍坐賜茶大同兵變京協贊籌畫有功兼左副都御史

本朝分省人物考 卷三十五 十一 南直廿五

提督兩廣軍務所轄多苗獍未馴田州土官仇殺獄未決當事者利用兵以希功賞京謂夷性不常驅我良民置之鋒鏑可乎疏請褫職立功自贖兵不血刃而地方以寧識者稱爲得體陞南京戶部尚書三載考績命改刑部懇乞致仕上曰卿老成廉靜方膺簡任不允所辭九廟災軍士入運瓦礫得金珠煨燼中爲緝獲下獄司官恐上怒以盜祭器論罪京曰金非器器非珠也始得末減五年審錄上命中官蒞之法司具在秉筆可否惟京是視上嘉其明允勞以羊酒六上章乞致仕乃得俞旨家居足跡

不及公門惟山水觴咏自娛者五六年卒于正寢卒之夕有大星墜于城中事聞上悼惜加太子少保諭祭者二遣中書治葬如制京端嚴寬厚平居恂恂不見喜愠色臨大事決大疑徐出片言動中道理夙性孝友雖位至六卿接親友宗族樂易款容如未貴時故鄉評以德量享榮祿而不涉驕侈者惟京莫及焉別號桐溪先生

李淳

李淳字元朴太湖人登進士弘治間仕爲行人司行人擢刑科給事中抗志敢言多所裨益以忤逆瑾轉

本朝分省人物考 卷三十五 十二 南直廿五

浙江按察司僉事適浙東盜起督兵勦捕之會有星變出揚州分淳曰杭必有災於是令民間儲米以備之已而杭城中果火人奇之以與時不合復調廣西按察司值撫江土獨爲患淳平之及蠻酋讎殺衆推淳督征應機決策而懾服之臺臣薦于上命未下而淳卒矣淳純厚無僞望之若無能人及其臨政則又敏而不滯博學多藝能凡天文陰陽醫卜兵數咸能究其奧云

余珊

余珊字德輝桐城人登正德戊辰進士授行人選監

察御史遇事敢言不避權倖 乾清宮災疏陳弊政
 內直指假子西僧聞者悚然尋以鹽法忤中貴下獄
 杖幾斃謫判安陸州復補開州擢知澧州澧地聯夷
 峒難治珊首捕桀猾武職毒民疏去之境賴以安嘉
 靖改元 詔起言事落職者擢江西僉事平梅花洞
 大盜尋擢四川威戎兵備副使威惠並行番夷讐服
 上十漸疏剴切餘萬言俱中時弊朝論翕然稱韙以
 外艱歸補湖廣副使撫治荆岳適歲饑多方賑濟全
 活甚衆陞四川按察使抵任閱月而卒珊性專學博
 尤邃于曆數禮部主政鄭善夫薦司天文不報居官
 餘一十年而清節始終如一歷內外臺多建言載于
 皇明疏議輯略者甚備其歿也人咸惜之

本朝分省人物考

卷三十五

十一

南直五

方鵬

方鵬字其大安慶人登嘉靖丙戌進士幼為庠生時
 家甚貧繼母馬氏遇之無道百計順承焉有女云嫁
 我女必鬻其居及母死不忍食言果鬻居稱貸以為
 糗奩助父殮病篤吐血一升跪接而吞之幾不自保
 尋父歿親刻木像飲食必祭曾他出夢父有怒色醒
 即歸視有家僮簪其像號泣治之孝感如此性嚴毅
 贍文學有排難解紛之才千金不移之節適歲饑家

無宿儲有司知其賢即周之穀二十斛隨遇告乏者
 即分其半與之及得第痛父母之養不逮祿遂終身
 自薄其奉始官南京工部都水司主事分理龍江關
 督造戰艦工役德之為立去思碑轉北戶部員外郎
 權稅滸墅自足國儲外毫無取贏有權家挾勢漏徵
 寘之法不為少貸且建議塾課生徒于其中後督運
 與附權者訐奏因謫令永淳有異政士民祠祀之旋
 陞廣東提舉不數月陞陝西督學僉事未及赴任而
 終年五十有九別號天池先生

張澤

本朝分省人物考

卷三十五

十四

南直五

張澤桐城人大父傑累行善事鄉里德之有鄰叟夢
 大石立其庭金標古篆不盡曉惟記澤被萬里四字
 明年澤生從夢中語名之曰澤字曰大被冲年穎異
 七歲授論語至事父母竭力事君致身喟然嘆曰忠
 孝當如是夫人咸訝其識度非常為郡諸生有文譽
 從遊者甚衆澤語之曰二三子欲為聖賢乎將榮肥
 是計乎先正之訓謂何而升斗為榮實惟六經之辱
 踴躍獨立鮮知之者少司徒盛公汝謙獨重之數過
 其館劇論移日嘉靖戊戌選貢計偕丁未授沅江令
 沅多曠土招民開墾資牛種省阡陌沅江大治故事

長吏不他攝澤以沅江攝武陵時洞寇肆掠率兵禦之佯却縱賊大掠翌日復却賊懈陰使奇兵搗其巢獲渠魁遂平無何以憂去既闕補巫山值歲飢興發捐俸爲粥飼羸危存活甚衆俗尚女巫杖之火其神巫風頓息戊午陞衢州別駕通賦者盈囹圄寬爲期而出之咸感泣願輸時督撫胡公宗憲威傾兩浙其前驅求索無厭二千石以下唯唯澤獨杖而縛之白其情願解綬去胡公更延以賓禮戒部下曰而不知此郡有廉吏乎督府新募之兵數百擁主糧者而譟澤馳而諭之曰張公至矣遂凜然散有曠寇擾處州

本朝分省人物考

卷三十五

十五

南直五
范王

當道雅重之事輒檄委至署七篆簿書旁午益勵精不遑食尋改武定時屬夷興亂中丞檄澤率兵討之分兵爲四哨約並濟自當一哨麾其衆前半渡伏起截流而鼓後三哨不及援兵潰被執遂遇害三日賊歸其屍面色如生事聞贈光祿少卿廟額忠節歲時祭祀廕一子入監

趙鈇

趙鈇字子舉一字鼎卿別號八柱野人世家桐城鈇瑰異八歲善屬文邑令蔡公銳見而奇之置膝撫其額曰驥子神駿當一日千里也甫弱冠游邑庠每試

本朝分省人物考

卷三十五

十六

南直五
范王

輒冠諸生嘉靖庚子舉于南畿第一人甲辰第進士授刑部浙江司主事讞獄明允時稱神明改禮科給事中庚戌同考會試是歲母太孺人年八表以冊封得便道歸上壽還朝轉工科左給事中巡視京營時咸寧侯仇鸞怙權寵占役軍卒鈇抗折不撓勒士歸伍因條款軍政六事奏入下所司議行戎政一飭仇嚙之鈇不爲動會父憂奔歸服闕補吏科都給事中丁巳京察考察疏言虞廷黜陟能使庶績咸熙三苗向化夫考績非以威遠也然公道明則人心正中國安則四夷服今南倭北虜警謀未息宜簡檄愚母爽

國是使賢智奮庸著績安攘甚盛比命下所去留抨彈咸當僉服其公戊午陞南京太僕寺少卿專蒞馬政是時民養種馬而官驗之恒峻其罰錢曰畜馬禁騎坐是贅物也弛令自便民德之立祠祀焉嘗與僚佐游瑯琊山見農人苦旱躬禱於豐山雨隨注滁俗耕者專仰雨澤遇旱潦不飭備乃為文諭之民用興厲陂塘溝澮以時修浚種稔被野作亭豐山鏡之石以章久遠滁舊有陽明書院歲久漸圯斥羨金新之朔望聚諸儒生闡明良知之學諸儒生習其指者皆興起累遷南京鴻臚寺卿通政司通政太僕寺卿晉

本朝分省人物考 卷三十五

十七

南直廿五 朱金

無何有冒兵功者當道惑之調錢南京有復倡議裁革軍餉者貽書大司馬虞坡楊公言不便狀且曰錢逐臣也猶喋喋不置此棄婦願梁笱耳其忠不忘君類此錢歸建祠堂五所以奉先世之宜廟食者而蔡謝二邑侯則列祠于念初堂報知已也歲以冬春二孟舉祭祭之日合宗人讀律法寓勸誠置義田區收其租入以供二祭有餘遍施三族周其婚嫁衣食之不給者暇日與諸昆弟觴酒過從竟白首無間與人交肝膽洞視側儻有大度好禮賢士作宜秘洞招延賓客廩食其來學者晚悅佳山水勝日肩輿往來龍

本朝分省人物考 卷三十五

十八

南直廿五 朱金

眠浮渡麒麟諸山灌園桐陂復自稱瓠園丈夫預營壽藏于石鼓山題曰俟丘取修身以俟之義云為文章自出機軸闢方士論講學諸說皆闡明理道出前人所未發詩律清遠樂府古體興雅不凡所著有古今原始無聞堂藁鷄林子九夷古事等集行于世隆慶已巳卒得年五十有八

阮鶚

阮鶚號山峰桐城人嘉靖甲辰進士授南京刑部主事敬簡明允精于讞比時有殺人而櫃于市者都下譁然莫知其由邏者偵捕宋監生甥抵之業已誣服

鶚心疑爲冤齋沐禱神竟得真殺人者於是聲名大振三載奏最改監察御史巡按順天時任丘進士王聯豪橫數殺人擬大辟乃撫拾胡公纘宗詩誣奏誹訕上怒逮下詔獄并逮撫按藩臬郡守三十六人鶚曰以言語罪人非盛世事矧誣構乎漸不可長乃極力調護事竟得白尋改畿內督學適虜薄都城適校士涿州涿固都城要地也選率生徒張皇號召士氣倍振虜退條上禦虜十事癸丑擢浙江提學副使浙方歲苦倭寇甲寅尤甚令諸生操弓矢習射作忠義之氣乙卯省城戒嚴撫臣檄諸司畫地防守鶚守

本朝分省人物考

卷三十五

九

南直廿五

直抵舟山賊方除夕酣醉遂擒斬無算而賊烽始熄已改鎮福建時倭犯福寧犯會城又犯福清羽書狎至日夜治兵儲餉奮擊賊衆于古源陽崎長樂港閩安鎮凡十餘戰皆奏捷而言者謂其糜費儲餉交疏論列被逮至京落職歸里後有論督府宗憲侵浙餉者復以波及至隆慶丁卯始題覆行兩省巡按覆勘事得昭雪而卽以是冬卒享年五十有九

彭寶

彭寶字惟善桐城縣諸生少事父母甚恭其父母性皆卞急每交怒寶踣膝求解不得則涕泣叩頭必得

本朝分省人物考

卷三十五

十

南直廿五

解乃起一日天雨雪父醉怒母就臥寶跪限外旦啓門見之問寶何爲者對曰兒不能和兩親乞賜筆楚父曰我偶醉詈汝母汝何罪引入就爐寶再拜父母自是不復相怒矣妻事姑稍不敬欲去之里戚百計留不聽母曰新婦素事我善今小失豈遂處於不可自新之地乎寶跪受教退謂妻曰妻者齊也而事親不我齊乎其妻感泣卒以婦道稱寶於父母所親者必善遇之弟容病心父欲置之死寶諫曰弟病當救治奈何罪之友愛益篤數年弟死撫其孤世父濟無子寶鬻書爲營塚壙從妹李早寡守志以沒寶嘉其

節而傷其無傳哀悼切至祖考妣忌日必齋居素服致祭家雖貧好施宗族間里之困者量助焉南北郭舊有義塚往往露骼沙間時聚而瘞之喜放生童子取雛鳩與一扇使還巢雛翼成鳴窗前若有德者寶曰吾所活當再鳴則跳向寶鳴不休省齋何先生倡聖學師事之毅然有志於道條其規曰正心術堅志向防嗜慾明世務戒矜伐擇師友務實勝嚴課程母苟簡毋掩襲寶日省此十者而尤以孝為標作慶五圖圖列五等一父母二兄弟三夫婦四師友五天王曰達道始父母終天王天生萬物惟人具之可不自

本朝分省人物考 卷三十五

十一

南唐五
未徐

慶乎因以慶名其軒何先生嘗稱惟善德行子恒文學子恒者趙州守銳也寶嘗夢道傍遺金顧而不攬子恒曰羨心未忘耶不攬則已安用顧為寶嬰然不寧者屢日立稽過錄一行失則書一念妄則書月朔正席自數之曰奈何過而不改乎書古聖賢列上坐衣冠跪拜以為罰曰奈何不改過而愧聖賢乎常曰昭昭之惡寶不敢有冥冥之過寶不能無自訟切至如此嘗獨坐正襟凝神內會忽自語曰好光景人莫測其衷學博陳儀良師也數月卒弟子為義喪頃多懈寶獨三月服東向再拜後釋之朱司農墓在縣西

二十里寶曰桐之遺愛也親持酒脯為文以祭因諭墓旁居民掃祀不怠者十數歲寶學日進然劣於文督學者論文當黜邑諸生乞優容孝德以敦風教太守羅公為言得不黜仍表之曰彰善後每試更以孝行加賞逾四十侍父母益愉悅衣服飲食盥滌必親夜尤拭枕席伺寢取襦袴冠履定之父病躬湯藥虔禱祀不愈丁外艱慟絕復蘇治喪準家禮處外寢苦逾年病以事母屬其子曰居喪死當以衰經斂遂卒知與不知皆為流涕

夏恩

本朝分省人物考 卷三十五

十一

南唐五
未徐

夏恩桐城人有至性六歲失母嗚嗚孺子慕持服如老成人里中目攝何物兒乃知禮父龍淳樸忘機為諸生酷貧博童子修以自餉恩旅館侍寢食未嘗有違色嘉靖甲辰甫九歲父寒病瀕危涕泣徬徨不知所出禱天地假屠兒刀潛於暗室剖左股一瓣六寸許躬烹羹以進父食之遂愈翼日創臥父詰何創乃知向所食者子羹也驚而大號奈何生父故死兒乎鄰父老趨視嘆異聞于縣令胡公枋義申府太守胡公麟先一夕夢王祥來謁禮之詰朝得申孝子文訖曰孺子殆祥後身哉賜名子孝字以志請於督學使

者胡公植植曰孺子能孝性固天授未可以中行樂
 責之命籍邑博士諸生月給廩五斗膳百文胡守復
 以屬貢士趙簡授之經義及長受經儀部阮公自嵩
 臬副戴公完之門已而漢川張公遂署桐諭倡明理
 學首表恩館穀之以風多士毅然繫籍理學癸亥冬
 父天年終哀慟幾絕明年春正月葬孔城之麥園墩
 構茅廬一楹於墓側獨居朝夕奠哀聞於野二月間
 鄰魏國者夜出遙見墓所有火炬百人尺許者千良
 久滅旦詢之於恩無所見也季冬虎哮桐梓山恩子
 棲自如廬墓三年身無完衣口無甘味鬚髮皆焦形
 本朝分省人物考 卷三十五 三五 南直廿五
 容槁瘁服闋始奉主反室始往子甫歲有半女三月
 及及子女能貌人不知其為父也驚問母曰徑入室
 者為誰既終喪游四方博訪有道者下秣陵沂荆楚
 汎越浙客盱江歷事楚侗耿龍溪王甌山張近溪羅
 惺堂史質疑請益得一懿訓不啻拱璧耿公督學陪
 京攜之歷廬鳳應天諸郡所至留邸與諸名士俱耿
 公欲類奏固辭曰不肖子不忍以亡親買名耿公曰
 成子以辭名經歲不過家郡邑大夫益重之司理郭
 公嵩錄其行請于直指劉公移文獎之賜文綺白金
 將疏聞會病卒年五十有六囑其子曰葬我父墓側

人稱瞻雲先生

補遺

徐之鸞

徐之鸞字瑞卿桐城人正德間進士吏科右給事中
 以言事忤 旨左遷崇德丞勤政愛民百姓至今稱
 之擢知長興終副都御史

金燕

金燕潛山人進士嘉靖三十三年知桐鄉性廉介才
 猷過人始蒞任時倭寇圍城盛為攻具以計禦之孤
 城得全生靈安堵召補禮科給事中士民感慕立生

本朝分省人物考 卷三十五

三十四

南直

祠



人物考卷之三十六目錄

南直隸徽州府



汪 獻 朱 升

詹 同 汪克寬

趙 汭 汪致道

詹 徽 胡壽安

高斗南 鄭居貞

程 平 程 通

莊 觀 方 勉

程 富 鄭汝敬

本朝分省人物考 卷三十六目錄

南直隸

吳 寧 楊 寧

程思溫 汪回顯

程 泰 饒 欽

汪 進 汪 溥

潘 珏 汪舜民

胡 富 洪 遠

程敏政 汪 奎

方 權 謝 復

謝 顯 吳 鵬

胡 德 戴 祥

葉 琦 趙時勉

黃 鏜 游震得

鄭 燭 王獻蓋

許象先 程弘忠

本朝分省人物考 卷三十六目錄

二

本朝京省人物考卷之三十六

南直隸徽州府

汪 獻

汪獻字仲魯號一貞婺源人洪武初駙馬王公克恭由新安移鎮會稽從調八閩獻長子澤先從事王公幕下素知學行迺專使禮延至三山關館於鍾山之陽載越歲以疾辭歸洪武甲子孟秋 朝廷復下徵賢之詔有司敦迫上道至則司禮官引見 上舉書之西伯戡黎篇命釋之獻詳析發明深愜 聖意時受顧問俾翊贊 儲皇授承務郎左春坊司直 上

本朝分省人物考卷三十六

南直隸

亦日召侍講周旋於 兩宮之間與朱善劉三五二學士趨朝則同班賜坐則聯席入稱三老開陳善道從容獻納 天顏每為霽威 上嘗憫其年老氣喘勅賜朝房俾便於趨朝萬幾之暇命續製薰風南來詩諸作皆稱旨諸近侍臣僚亦皆推遜遇春夏萬物發生之際人有罪至死者輒涕泣俯伏進諫請決以時無傷天地生物之仁 上允所奏常稱爲善人明年頒 詔寵諭再踰年丙寅仲春喘疾大作力疾奏請歸家療病期秋載至可其請二月朏 上御奉天門勅中使傳宣召之至賜坐語次顧曰若知所以召

見意乎獻起對曰未知曰日昨嘗以老病故請暫

婺源期秋載來朕可其請有不須辭別之旨已乃思之光陰有限言歸有期喘嗽爲病誠劇然恒見此病者往往壽考矧若龐眉有壽之徵若之心事朕深知之孔子不云鄉人之善者好之其不善者惡之乎若多讀書何理不窮第心素善於人之善者固好之不善者亦不惡之耳朕今許若還鄉毋庸再來矣所戒者近侍之歸郡若邑官來見當閉門以絕否則筆之於東俾僮僕輩示之若曰仲魯幸蒙 聖恩予告還鄉理宜杜門謝客輪租應役則有恒制矣其敢以是

本朝分省人物考卷三十六

二

南直隸

自速厥戾如是則可考終命矣獻叩首謝曰 聖上愛人以德適茲 聖訓是欲臣全其晚節者敢不欽佩以矢毋負 上心明日辭 朝都門送車百兩觀者填道莫不嗟咨詠歎以爲千載一遇也生平爲人和而絕其用莊而毅內之孝外之仁默而智言而信窮而不憂樂而不淫所爲文章博厚淡雅賦頌詩歌其要咸歸於正積有十帙名曰浯溪集又十有六年考終於正寢年七十有九

朱 升

朱升字允升休寧縣人幼師鄉進士陳櫟深器之元

至正癸未聞黃楚望講道溢浦偕趙沔往學焉既有
 得乃歸讀書紫陽祠中乙酉舉鄉薦授池州路學正
 壬辰淮甸斬黃兵起升所居窮僻雖避兵逋竄著述
 不輟脫去俗學直造本真究極玄微覃精大道丁酉
 高皇帝遣元帥胡大海等至徽州路改徵為興安府
 升以鄧愈薦被徵入見顧問稱旨 上問之對曰高
 築墻廣積糧緩稱王 上嘉其朴遂參密議凡禮樂
 征伐典章文物多所贊畫吳元年丁未拜侍講學士
 知制誥同修國史 上親製誥詞有曰眷我同宗之
 老實為耆哲之英無何陞為本院學士特免朝謁以
 本朝分省人物考卷三十六 三 南唐三
 中六
 優禮之洪武元年 上御東閣顧謂升曰近觀周禮
 有所謂六夢者朕嘗感異夢厥兆維何升對曰人之
 精魄上通於天此 陛下受命之兆也軒轅夢遊華
 胥天下大治帝王之興自有天命蓋振古如茲矣三
 月辛未命儒臣修女誡又諭升曰治天下者修身為
 本正家為先始於謹夫婦后妃雖母儀天下不可使
 預政事至嬪嬙之屬不過備機事侍巾櫛若寵之大
 過恐驕恣犯分上下失序歷代宮闈政由內出未有
 不為禍本者卿等為朕述女誡及古賢妃之事可為
 法者示後世子孫有所持守升受命纂輯二年三月

戊戌復命撰齋戒文是月請老歸石門乃居梅花初
 月樓 上親灑宸翰以賜卒年七十二學者稱為楓
 林先生所著有易書詩周禮儀禮禮記孝經四書小
 學旁註及書傳補輯諸書傳解行於世子同為禮部
 侍郎

詹同

詹同字同文舊名書婺源縣人生而穎靈獨抱奇氣
 元學士虞集以其弟榮之子妻之至正中舉茂才異
 等授郴州學正遇亂道梗因家黃州陳友諒徵為學
 士承旨兼御史 高皇帝平陳首召為國子博士易
 本朝分省人物考卷三十六 四 南唐三
 中六
 其名曰同尋陞考功郎中未幾以為侍制起居注丙
 午年四月命有司求遺書 上謂同曰三皇五帝之
 書不盡傳於世故後世鮮知其行事漢武帝購求遺
 書六經始出唐虞三代之治始可得見大有功於後
 世吾每於宮中無事輒取孔子之言觀之如節用而
 愛人使民以時真治國之良規誠萬世之師也遂命
 攷宗廟時享禮吳元年四月 上諭同曰國史貴乎
 直筆是非善惡皆當書之昔唐太宗觀史雖失大體
 然命直書建成之事是欲以公示天下也予平日言
 行可紀其事是非善惡汝等皆當明白直書勿宜隱

諱使後世觀之不失其實也洪武元年四月命畫古
孝行及起家戰伐歷世愁苦爲圖以垂世訓 上謂
同曰朕家本業農祖父皆長者世承忠厚積善餘慶
以及於朕今圖茲以貽子孫俾知王業艱難也同對
曰 陛下昭德垂訓莫此爲甚 上曰富貴易驕艱
難易忽久遠易忘後世子孫生長深宮惟見富貴習
於奢侈不知祖宗積累之艱故示之俾朝夕覽觀庶
有所警也是年十二月以同爲直學士二年三月陞
侍讀學士會中丞劉基疏請加禮大臣同因取戴記
及賈誼疏以進且復開說剴切 上深納之又諭同

本朝分省人物考

卷三十六

五

南直其六

張文

曰古人爲文章或以明道德或以通常世之務典謨
之言明白易知無深怪險僻之語至如諸葛出師表
亦何嘗雕琢爲文而誠意溢出使人讀之自然忠義
感激近世文士不究道德之本不達當世之務立辭
雖艱深而意實淺近即使過於司馬相如楊雄何裨
實用自今翰林爲文但爲通道理明世務者無事浮
藻四年乃陞爲吏部尚書 上諭曰吏部者衡鑑之
司鑑明則物之妍媸無所遁衡平則物之輕重得其
當蓋政事之得失在庶官任官之賢否在吏部任得
其人則政理民安任非其人則瘵官曠職卿等居銓

衡之任宜任公平以別賢否六年七月以同爲學士
承旨兼吏部尚書 上御奉天門謂同曰論行事於
目前不若鑒之於往古卿儒者試言古先帝王爲治
之道同對曰帝王之治莫善於唐虞三代可爲萬世
法 上曰三代而上治本於心三代而下治由乎法
本於心者道德仁義其用爲無窮由乎法者權謀術
數其用有時而窮然爲治者違乎道德仁義必入於
權謀術數甚矣擇術不可不慎也八月同與侍講學
士樂韶鳳等上所製釋奠先師孔子樂章 上曰祭
貴乎誠若省牲告克告脰及禮之煩文者並宜革之

本朝分省人物考

卷三十六

六

南直其六

張文

九月同等上言自 上起兵渡江以來征討平定之
蹟禮樂治道之詳雖有紀載而未成書乞編日曆藏
之金匱傳於後世 上從其請命與侍講學士宋濂
爲總裁官 九月詔科舉暫且停罷令有司察舉賢
才必以德行為本文藝次之仍令同選國子成材者
與所舉參用授主事給事中御史等官時用彭通等
爲給事中并國子生李擴等入文華武英二堂謂之
小秀才七年五月丙寅 皇明寶訓垂成同以老乞
歸 上賜勅褒答允致仕未幾復起爲學士承旨六
月 上謂同曰大祀既終獻方行分獻禮於禮未當

卿等具議之於是同與學士宋濂議以 上行初獻禮奠玉帛將畢即分獻官行禮初獻亞獻終獻皆如之 上從其議又謂古人祭用香燭皆所以道達陰陽以接神明初無上香之禮遂定凡祭祀罷上香復以老乞休卒於家所著有天衢吟嘯及海涓集子徽為左都御史兼太子少保吏部尚書以事坐廢徽子板為太子洗馬改尚寶司丞

汪克寬

汪克寬字仲裕祁門人少穎慧從鄉先生學每屈其師日益月異至十歲父取東山問學于饒先生講授

本朝分省人物考 卷三十六

七

南直共六

之書及當時問答之言與之觀玩遂於理學有悟乃取四書自定句讀晝夜誦習恍然知為學之要專勤異於儔輩或達旦不寐父呼而諭之曰讀書以養氣為主不宜過勞曰某自樂此不為勞也自是讀六經諸子歷代史通鑑綱目等書悉皆成誦延祐四年丁巳年十有四歲是秋鄉里傳錄江浙秋試三場題目揮筆成篇鄉先生驚異曰此天才也明年郡守延雲峰胡先生柄文於郡庠開堂試以激勵後進竟與庠序諸老成相頡頏矣既謁吳仲廷先生而歸遂篤志聖賢之學闢書齋于居室之東偏扁曰思復銘于齋

以自勵焉泰定丙寅邑長令聞其學行邁異舉應江浙鄉試即中前列次年春至京會試論春秋與主司不合又兼對策切直遂見黜于中書欣然南歸刻勵為學痛自修飭遂厭科舉之文慨然曰道不行於當時矣乃取聖人手筆之春秋傳考諸說之同異得失以胡文定公之傳為主而研究眾說會萃成書名之曰春秋經傳附錄纂疏行於世易有程朱傳音義考詩有集傳音義會通禮有經禮補逸綱目有凡例考異其餘論著未可枚舉寬於經史聖賢之言心融神會造詣深劇故為文略不經意而渾融典雅其教

本朝分省人物考 卷三十六

八

南直共六

學者誘掖獎勵無不成人後以經學教授宣歙間數與師山鄭公講理論學意氣相得四方學者從遊甚眾鰲峰王署請老欲以文章舉薦而寬篤志著述不以一毫利祿動其心諸從學者以所居山谷園遶稱曰環谷皆曰環谷先生迨至正壬辰蕪黃兵至乃率長幼避兵深山所居房舍資財為賊焚掠殆盡簞瓢屢空晏如也自是連歲兵戈擾攘至 聖朝戡定始返故廬洪武二年朝廷命行人賫幣禮聘至京同翰林潛溪宋公刪修元史是年九月事畢特旨一班俱留祿仕寬以老疾力辭不受乃命禮部設宴賜白金

三十兩采段二表裏給驛而還泚家以洪武五年壬子卒年六十有九

趙 沆

趙沆字子常休寧人受學于九江黃楚望復以書謁臨川虞集求草廬吳澄道學淵源嘗以為周易春秋二經皆夫子手筆聖人精神心術所存必盡得不傳之妙然後孔門之教乃備其于春秋不舍史以論事不離傳以求經不純以褒貶泥聖人以為左杜主史釋經而不知筆削本旨公穀知求筆削之旨而不考魯史舊章俱不能無弊乃離經析意分為八類辯而

本朝分省人物考

卷三十六

九

南直三六

釋之名曰春秋屬詞以著聖人筆削之旨作春秋集

傳十五卷以明聖人經世之志著左氏傳補註十卷

師說二卷以為學者求端用力之階又著葬書問答

一卷至正末起鄉兵輔婺源汪同保鄉井洪武二年

召修元史乃如京師事竣不願仕還未幾卒年五十

二學者稱東山先生有東山集

江致道

汪致道字成德黟縣人元至正壬辰兵變所在剽掠乃損家貲以保鄉里繼募義兵從官軍復郡邑主帥李克魯上其功署黟縣簿歲丁酉天兵南下寧河王

時僉樞密院事總兵克定徽郡即以所部義兵散歸

田里而籍其名數于有司邑令賢其為人具書幣禮

請至仍牒委以縣簿率吏民往築郡城晝夜盡瘁民

忘其勞歲癸卯郡守李納薦于朝授滁州全椒縣簿

之官未踰年改監安慶湖池規畫有方錫報優異中

書省以才幹委覈鎮江之丹徒丹陽金壇民兵單騎

而往躬循村落召集隣戚叅詢互考實稽無隱休役

家居者論令還戍逃亡戶絕者官蠲其產鰥寡廢疾

者削籍為民既復命洪武戊申陞知徐州蕭縣地當

南北之衝累年兵燹人民散逃下車之初竭力招懷

本朝分省人物考

卷三十六

十

南直三六

禮下賢俊恤孤抑強既踰時民襁負歸耕庶務咸理

治為諸縣最俄有黠吏以飛語中之部使者廉其治

行懲吏奸欺置于法略不自辯唯求解印南歸既歸

田里日以詩酒自娛散步丘園遇田夫野老笑談忘

倦自號高閒野叟友愛其弟至老不異待宗族鄉里

恩義不爽接朋友久而能敬初倪先生葬未得地即

與其弟謀捐重貲購地于余思塢力為遷葬接人待

物忠信端慤終始不渝故人無貴賤皆聽信之鄉里

稱之曰成德之排難解紛如魯仲連望廬息訟如王

彥方其為人所欽重如此

詹徽

詹徽字資善婺源縣人吏部尚書同之子也徽有才
智見事敏決洪武十三年以薦舉擢監察御史性嚴
厲不以色假人善持風紀 上嘉之十七年陞都察
院為正二品設左右都御史并左右副僉都御史及
十三道御史專糾劾有司辨明冤枉提督各道一應
不法事務特陞徽為左都御史徽持憲多務嚴苛諸
司凜凜不敢犯十八年吏部尚書趙瑁伏誅命徽兼
吏部 上以徽在職公勤詔有司復其家又以北方
學校無名師生徒廢學命徽於南方學官選有學行

本朝分省人物考 卷三十六

十一

南直其六

胡壽安

胡壽安字克仁徽州人洪武庚辰領鄉薦入成均
歷事大曹筮仕河南信陽令大著能聲尋調真定之
獲鹿政益著未再募丁內艱承樂甲午冬服闋復宰
新繁視篆初首詢民瘼事有不便於民者罷之有益
於民者舉行之每歲初自巡視鄉村勸民播耕遇出
畝荒蕪或垣屋摧壞者詢其窘乏之由必損俸資給
常以古靈先生教民之言諭鄉耆里甲俾知親睦安

分之道率皆從化戾性清儉在官惟簋衣糲食如羣
布士嘗臥一紙帳自題句云紫綵步障簇春華臥雪
眠雲自一家雪又不寒雲又暖扶持青夢到梅花其
雅淡之情槩可見矣永樂乙未夏數月不雨田疇龜
裂齋沐禱於神二日果大雨後圃種蘆葍數畦使客
往來者採之以供盤飮或為餽遺之禮人呼為菜知
縣其子從新安來省兩月烹二雞怒讓曰飲食之人
則人賤之矣吾居官二十餘年常以奢侈為戒猶恐
弗能全始終之志爾今好大嚼詎不為吾累乎其子
服訓亦甘淡泊三宰大邑未嘗攜妻子之任戊戌春

本朝分省人物考 卷三十六

十二

南直其六

將考績囊橐罄然惟畜一馬欲售為程途費馬忽病
命醫獸治之數日弗愈其家人來報曰汝妻死矣待
汝歸方殯陳聞哀慟良久曰妻已死我至家安得生
我宰公平日粗衣糲食撫民如子未嘗取我民半錢
吏不敢欺我里甲無敢擾我俾我民安於耕鑿皆宰
公之恩也今赴京而馬病若此我若離去馬必危矣
宰公以何為路費乎我寧負亡妻不可負宰公乃遺
書諭其子曰喪具稱家有無日吉則窀穸母候我歸
當祖道日邑民遮泣於道者千數雖婦人小子如悲
親戚民以贖獻者皆却之

高斗南

高斗南字拱極徽州人體貌魁偉語聲若雷聽者歛容才識明敏慨然有遠志國初以州司薦授四川定遠知縣惠政多百姓感頌至為謠曰江上高樓鼓角鳴至今吹出斗南聲自從來作公平吏多少人傳去後名三載考績以他故下刑部獄定遠耆民劉興等相繼奏其廉能公正太祖知其賢而赦之復命知定遠且賜以錦衣紵絲表裏靴帽金銀筵宴時舉天下廉官數人斗南在其中列其事於聖政記九載最績陞雲南新興知州德政為新興人所愛戴不異定遠時居數年以衰老乞開上疏薦子恂以自代上允之後遣以歸年七十而卒

鄭居貞

鄭居貞徽州人豐頰美髯從父潛官萬中師貢師泰洪武中舉明經授鞏昌通判陞禮部郎中文行為時所重二十三年進河南參政承樂初坐方黨論死初孝儒之教授漢中也居貞嘗以詩送之曰翩翩紫鳳雛羽翮備五采徘徊千仞翔餘音散江海於焉覽德輝濟濟鏘環珮天門何嵯峨羣仙久相待蓬萊時朝陽夜息飲沆瀣如何復西飛去去秦關外岐山諒匪

本朝分省人物考

卷三十六

十三

南直隸六

陳元

遙啄食良自愛終當巢阿閣庶以鳴昭代孝孺亦贈之文謂其參政河南三年而去吏民以不能留為憾歡然兩相得也平居共以忠義各相砥勉死之日從容赴市無一言及私

程平

程平字德正績溪人幼失怙恃稟性溫厚恭恕言貌恂恂與物無競鄉里稱之素與里人張德良友善洪武初德良坐事羅法株累百餘人平亦波及焉御史廉得其情喻之曰灑於衆則汝免矣平起謝曰家世業儒非義不敢為平不幸為人所誣而又誣人欺天者也天可欺乎寧以身待罪御史深歎異之尋謫延安與郡人朱仲杰偕行仲杰悍戾不以道相遇盛暑同休憇道傍樹下仲杰曰德正守行李我前問店乃趨酒家久不至俄暴雨水漂其行囊平自救不暇仲杰還盛怒責償如數償之不與校逮至延安仍與同處仲杰以醫自託于梅百戶明年仲杰臥疾知不可療以其所有盡寄之梅曰必吾子至乃付之既卒梅調守他郡仲杰死平備棺衾殮之或曰其人待子如是獨無憾於中邪平曰彼自虧其德耳且與同郡而生同患難而來死無所歸於我乎殯聞者莫不歎服

本朝分省人物考

卷三十六

十四

南直隸六

陳元

朱氏子德生以母命來省行至汴聞其父已死而變
 篋又為梅百戶挈之他往中道還家給其母曰吾買
 地葬父于城東矣又出其所攜衣曰此父遺物也越
 三年庚申平子寔往延安省侍遂命負其遺骨歸績
 溪信報朱氏子令迎柩還葬德生怡然不復顧丙寅
 秋平自延安歸知朱氏柩尚留殯後園不悅曰延安
 數千里尚為負之歸由績溪距休寧僅百里豈可棄
 乎且德生既給其母必慚懼不來即命孫通送至其
 家其接人待物存心忠厚如此子寔字以誠亦剛直
 尚義有族弟以忠由河南永寧令轉知潮陽程鄉縣

本朝分省人物考

卷三十六

十五

南直隸

洪武乙丑以忠之子泰乙年稍弱偕寔與省父中途
 聞以忠因事繫獄泰乙求回寔變色責曰汝父官所
 坐事正當捐生赴救舍之而歸獨何心乎曰將如瘡
 癩何復叱曰但當力以赴援瘡癩非所恤也至潮陽
 月餘乃還過文江寔果冒瘡而殞年五十有一

程通

程通字彥亨績溪人少有至性動必遵禮嗜學不倦
 年十四補庠生洪武乙丑貢太學時年二十二丙寅
 父以誠死嶺南通徒步扶喪還葬廬墓下二年哀慟
 毀形妻子至不相識戊辰復上太學時祖平謫戍延

安已老通上書言臣壯而無父祖猶父也臣祖老
 無子孫猶子也更相為命今邊徼戍卒如林豈少臣
 祖者詞極哀切 上憐之持其章不下陰命兵部驛
 召其祖既至并召通立階下東西相向 上顧通曰
 汝識此人否於是祖孫相持而泣哽咽不能仰視
 上嗟歎良久下令兵部除其籍驛送平還鄉庚午秋
 通取應天解時遣諸王將兵行邊 上以封建策諸
 貢士於廷獨通所對稱旨親置第一除遼王府紀善
 辛未從王閱武臨清壬申從之國時遼西王府未建
 以祖喪免歸廬墓三年服闋復任已進長史悉心輔

本朝分省人物考

卷三十六

十六

南直隸

導王敬禮之事必咨焉府中有衛士紀綱者狡猾善
 邏偵得幸于王通每召而笞戒之會靖難兵起潛遣
 人與王約通疏上封事數千言既登極紀綱以入賀
 留侍歷官錦衣衛指揮使數被顧問因乘間言及封
 事遂有 詔械通至京死獄中家屬戍邊下績溪簿
 錄其家得楠田數十畝遺書數百卷牯皮數張而已
 通居常恂恂如有弗逮至臨事則毅然不可奪所著
 稿百餘卷悉毀于官績溪程姓最眾賴使者仁恕罪
 止一房餘獲免焉

莊觀

莊觀字居正歙縣人年十四執父喪有禮弱冠游郡庠才識穎敏讀書過目成誦同輩皆推讓之永樂辛卯以春秋應鄉貢明年會試中乙榜分教浙之義烏素明理學善屬詞造就弟子有法歷三科得秀士八人皆爲世用滿考優等陞辰溪教諭一以教義烏者教其弟子文風翕然未幾丁內艱起復赴京擢國子學正弟子居座下者皆知明理屬詞出而從宦悉能推其所教以措諸用正統改元新制每省以憲臣董儒學各舉所知大司馬王公驥以觀薦擢陝右按察僉事董八郡秀士以督其成首立教條次嚴紀律務

本朝分省人物考

卷三十六

七

南直

方勉

方勉字懋德歙縣人永樂乙未進士選庶給士尋奏回畢姻陞辭命兵部給脚力又錫鈔爲婚禮費尋赴南京復任扈從北京尋丁外艱服闋除行在太常博士復丁內艱免喪正統二年授行在監察御史劾都御史李儀巡皇城四門審獲王振家人卽日上聞巡五軍教場覈奏鎮遠侯顧興祖并彈工部尚書吳中所舉非人出按江浙回朝力言浙江急務莫大於防倭而防海都指揮張翥年老且貪不堪備禦陞湖廣僉事時永樂宣慰使彭世雄與桑植安撫使向晟有隙誣奏世雄以篡竊事奉勅往治勉躬詣其境召其屬南渭等州并各長官司官吏訊之以實上聞錄晟之罪陞湖廣右叅議以捧賀入京陳言二十事天順元年滿兩考復入京疏乞致仕不允回任復請乞骸骨歸詔進階朝議大夫致政歸里成化庚寅二月與客談論當時務因呼諸子曰我平生得力惟一忍小子識之是夜疾作黎明起盥櫛就床而瞑享年七十八

本朝分省人物考

卷三十六

十八

南直

程富

程富字好禮歙縣人永樂甲午中鄉試歸丁內外艱癸卯赴春官卒業成均 宣宗臨御三年大黜御史

不職者選國學才識之優者任之初授陝西道監察御史提挈紀綱劬豪猾庚戌命巡廣東其地阻隔山海使者往往憚之富至不避瘴癘躬歷蠻區鋪太和以惠鰥寡用重典以戢奸暴吏無乾沒之患民有奠安之樂一切官吏貪墨土豪為民害者悉去之不畏權力聲威振動民到於今稱之甲寅秋以江西歲連稔民不得安命悉出倉穀以賑饑氓活者不知其數樂安永豐新淦三邑有劇盜曾子良以妖術動眾聚至數萬柵巖穴豎旗號為永順王成國公都督等官焚劫殺人其勢猖獗有司不能制或言宜招諭

本朝分省人物考卷三十六

十九

南直隸

以安之富曰招諭云者宜施於寇盜窮蹙之日今彼因民饑蠱惑其心勢焰方熾安肯輸服稍緩燎原為患不淺此宜急擊時都司缺軍檄長河都指揮吳堅領兵討之恐其弗敵調吉兵鳩民壯躬率抵賊境為援兵未至出榜諭以朝廷威德從違利害之故以携離其黨賊恃眾蜂屯蟻聚求抗我師乃出奇敗之賊用蚩尤之術又召術士開之戒眾以待曰霧散必來須臾賊果至富鼓勇自將擊之無不一當百賊不能支敗北乘勢擣其巢穴獲男婦數千餘人既而府兵既至賊亦窮蹙盡俘其眾皆欲屠之富曰槩而誅

之豈仁義之師哉審放平民一千有奇一郡寧謐曰程牙冠破大盤逆賊死吾民安奏捷上降勅褒譽陞大理寺左少卿賜紵絲寶楮時江西苦造紙鑄錢二局為奏罷之又奏免梳心杉樟等木二百四十餘萬以甦民困還署棘寺印平反庶獄民稱無冤正統三年進階中憲大夫薦邑士江彥傑休寧王永華以賢良進用明年乞假焚黃上憫其孝思賜寶鈔路費既歸作壽藏於歙東之古城關五年還京時甘肅缺參贊召陞右僉都御史出鎮張掖裁決軍務糾察貪廉訪傳識士以咨所疑定未來策以防急猝小

本朝分省人物考卷三十六

二十

南直隸

事立辦大事驛聞上而總戎將佐下而部曲卒伍莫不畏服富在邊凡軍民利病知無不言一日陝西行都司梁州等衛城內多空置地官豪占據軍士失住艱苦無訴乞取各城被占地盡撥與軍俾得安生以養銳氣二日沒官田土加添稅糧反貽鄉里之累自今藉沒產土乞依時價買米上倉民免負累官無逋程三日禦敵殄寇全仗勇敢之士若非平日周養臨時何以責効甘肅梁州莊浪等十四衛官軍多有勇敢之士精選另編隊伍全支月糧加賞冬衣使異於眾遇有寇盜必收成效四日蘭縣過河抵甘肅城堡

往年胡寇犯邊多被虜掠許其所以由于平昔不曾操練故寇至不能抵禦乞令空閑軍餘各給軍器每月操練遇有緊急可相救護五日古人立賢無方有文學者或迂於政事有政事者或劣於文學若不廣求恐未得人乞凡遇科舉不拘名數但文可取者取之會試亦然授職之後嚴加黜陟則人才得矣其言皆切中時務六年辛酉還理院事雲南連年征討麓川邊儲不給無功七年壬戌命往區畫餉道崎嶇負戴者難之富謀於上下途董簿校羣聚樂趨糧芻克羨士無飢色民不告苦大功用集八年癸亥就軍中

本朝分省人物考

卷三十六

三十一

南直共

陞左僉都御史甲子事竣還 賜以白金紵絲陞右副都御史明年上章乞歸於天順二年卒年七十

鄭汝敬

鄭汝敬字行居歙縣人生而秀異凡知向學里舉克縣庠弟子員攻書綴文日出人表尤善爲詞說明白委曲以達聖賢立言之旨部使者至有司輒引之進講無不愜服嘉獎然屢赴秋闈弗利入太學年甫二十九時胡公儼爲大司成一見奇之教之問學大進公退謂人曰頃得胡公講明所學僅三月爾雖讀書三年弗及也未幾連舉永樂乙未進士觀政秋曹適

吏部掄選天下候銓官先後倒施物論不平公曰進賢不能以公其如天下士何遂以疏聞詔從其議吏部滋不悅然 朝廷由是知汝敬名命往督陝右糧儲性嚴毅所過有司督責無少貸多忌之者遂中以罪坐役北京平居與兄迪簡弟懋簡極友愛至是皆傾貲赴難先後死逆旅聞者悲之縉紳多爲詩歌以道其事者役滿除知順天府永清縣事永清爲畿內大邑號叢脞治之有方不煩勞而事以次理嘗有中貴人臨縣索賂甚急漠不爲動遂紿入見縲紲之欲置之死士民遮留解還卽以狀聞 太宗皇帝怒欲

本朝分省人物考

卷三十六

三十一

南直共

置中貴人罪會 仁廟嗣位赦免無何得代去朝廷適有大役工部復命監焉旣文謂工不宜久興勞民非便上言息其役調紹興府上虞縣先是爲令者適以貪冗去民素知其名皆踴躍歡迓載道敬亦樂民之向方也爲之抑豪右勸農桑賑飢窮治輿梁棧道官無愆期之需獄無留滯之訟居二年邑大治監察御史尹崇高號嚴厲有司多望風引退獨嘉賞之嘗問紹守六邑令孰優守曰惟鄭令清介肯爲但其人

氣大爾公曰人惟有氣斯能生聖賢能養是氣故克

宙可無氣而爲人乎守不能答旣而考浙江七

十二縣令置為第一凡別邑有疑訟不決者多檄徵理之敬亦悉心民隱不遺餘力然同僚猜忌日甚先是邑有耆儒曰柳南仲賢而有文敬雅重之閱其貧贈以綿絮南仲狷介亦不欲直受令君惠以錢百文索詩為謝敬辭錢受詩而同僚卒以是誣之議者不覆將左遷曰是尚可以仕乎且母夫人年高無以為養遂自解職歸上虞人請畱不得相與擁泣而去其居家也首朔祠堂朔望奠祭一用朱子禮曾坐母夫人于堂上菽水盡歡訓諸孫讀書以無墜先人之業暇日幅巾長裾逍遙泉石間或引觴賦詠世事一切不以介意閣老陳公循尚書徐公琦孫公原貞通政畢公昌知府張公巖累復起之力辭不出天順己卯卒享年七十有五

吳寧

吳寧字永清歙縣人以春秋領永樂庚子鄉薦乙巳許安人逝懼弗得吉地襄大事哀傷不已夢有人指其處及遣術士視之果吉遂葬焉人以爲孝感所致宣德庚午中進士乙卯授行在兵部武庫司主事廉勤有為聲稱籍甚正統戊午陝西京州守臣以回回迭力等類雜處內地非便奏送京師 上命馳驛傳

本朝分省人物考 卷三十六

三十三

南直廿六 范王

送浙江沿海地方安插聽其貿易生理寧言此類貧者居多若止許貿易而資糧弗給竊恐語言不通水土不服未免失所有虧柔遠之仁 詔許可大者月給糧四斗小半之遂以為例乙丑遷職方郎中丁卯持節冊封楚府餽送悉却不受歸未幾以瓦刺也先勢猖獗不可不預為之備言於尚書鄺公堃以湖廣南畿征進麓川凱還官軍撥充攢運以江東河南江北直隸漕運官軍留京操練一旦有警易於調遣鄺是其言之戊辰福建沙盜起命都督劉聚率師征勦 勅往南京會同守備豐城侯李彬等簡閱軍士

本朝分省人物考 卷三十六

三十四

南直廿六 范王

付聚統領比至清出私占之數居多人心稱快已巳虜寇犯順 英廟親帥六師討之已而土木失利寧慮逆賊必犯順奏留山東河南都指揮官員仍乞遣近臣分行口北地方防衛及護守京城八月陞本部右侍郎同于公謙盡心戎務九月賊入寇大同邊報甚急 景皇帝命于尚書謙總督諸軍禦之寧獨掌部事十月賊入紫荆關布列郊外 上命出都城與總兵議殺賊方略即詣德勝門外營會議比歸門弗啟賊騎充斥從者各驚散城外居民潰入城者塞路寧立露雨中移時衣盡濕賊退方入是時畿內民庶

朝夕相率南奔弗可遏總戎欲頒詔天下勤王寧不可曰如此則人愈驚疑莫若具官軍勝賊本末移檄郡縣出榜撫安庶可弭變因具奏行之賊既遠遁京畿奠安寧以勞傷成疾景泰元年疾大作不能事事遂陳情乞歸田里優詔許之既歸疾漸平復杜門謝客足跡不至城府族姻故舊恩義兼至與鄉人處漠然無官貴勢自郡邑大夫至閭巷之人靡不敬而愛之卒之日遠近赴吊門不能容莫不哀悼痛嗟而去

楊寧

楊寧字彥謐歙縣人生穎異甫三歲祖父引至膝下

本朝分省人物考

卷三十六

五十五

南直共六張文

口授以詩即應口成誦八歲能通大學語孟十一能屬文十八即以春秋魁永樂丁酉京闈兩中乙榜不就宣德庚戌成進士尋 詔歸進學壬子赴召明年授刑部主事讞獄明恕蔚有詩名正統己未麓川宣慰思任發反寇虐隣境 朝廷命將征之簡文臣有才識者隨征寧其首也師次麓川境賊遣人款軍門約降主將欲許之衆莫不喜悅乃獨進曰不可兵未加而敵降是必詐以誘我也許之懼有後悔弗聽固請不已衆謂其迂檄令督運金齒不旬月賊衆奄至士卒多陷比還京將兵者卒以失機被譴寧獨以勞

被 褒賞特陞郎中歲辛酉大舉伐麓川總督軍務兵部尚書王驥知其料敵之審仍以寧行師入境王公指授諸將進取方略以寧督戰乃渡江攻上江賊砦賊矢石如雨寧奮不顧身督戰益力士卒咸用命遂克之又進攻杉木籠山賊柵險拒守寧曰賊狙於前勝當多方以誤之使不暇併力乃可圖王公用其言令諸將並進連破七寨餘賊奔潰遂乘勢擣賊巢圍之賊以死守晝夜攻戰不息因乘風舉火煙燄漲天賊不知所爲死鋒鏑及墮崖溺水不計其數師還英宗親宴勞於奉天門賜白金楮幣拜刑部右侍郎

本朝分省人物考

卷三十六

三十六

南直共六張文

壬戌丁母憂甲子奉命參贊雲南軍務至則練兵伍督屯耕興利去害不爲勢撓先是有頭目恭項者嘗効力隨征具奏請置隴川宣撫司以恭項爲宣撫用旌其義民皆悅服有言騰衝險要宜城之以控制蠻夷者 上命往城或謂寧曰其地險惡多瘴非時冒之輒死盍徐圖之寧曰我知奉命而已違卹其他卽往相地度工計財費勉勵將士使効力越四旬有五

有所向者先遣奉祠責緬人懼哀求殺賊自效卒
 誅大憝函其首以獻自是朝廷無南顧之憂丙寅侍
 郎侯璉代還朝戊辰春 上以清明謁祭三陵俱命
 留守未幾閩浙東廣草寇發師征未寧命巡撫江
 西至則按視郡縣當賊衝者增修城垣立排柵以斷
 要路團集鄉兵訓以武藝有侵軼者輒擊斬之以故
 賊聞風畏避不敢犯於是益鎮以簡靜暇則遍歷諸
 郡宣上德達下情崇獎學校詢求民瘼而弛張之遠
 近畏慕景泰初還京奏對稱 旨有織金文綺羊酒
 之賜明日拜禮部尚書與毘陵胡濙協心政務濟寬
 以嚴人謂得體後二年以病足艱於步履調南京刑
 部示優禮也其在刑部凡五六年斷獄一用寬恕民
 以不冤天順改元致仕家居踰年以疾卒壽五十有
 九有白雲稿臥雲稿藏於家

程思溫

程思溫婺源人正統己未進士授中書舍人進禮部
 員外郎以清慎著聞己巳扈駕北征死于土木之難
 景泰癸酉追贈光祿少卿錄一子太學

汪回顯

汪回顯祁門人正統間進士授戶部主事己巳北虜

犯邊督芻餉于畿甸奏行勸借賑恤之令人得甦息
 景泰初監運懷來永寧軍餉備嘗險阻明年買牛具
 于河南轉送大同給濟軍民耕種于時饑莩塞路奏
 發廩賑恤全活甚衆又教民掘蕨爲粉以療饑民立
 祠祀之又嘗使西蜀覈實鹽井奏除冗課十餘萬後
 歷知廣惠二府政尚寬厚不任刑罰以老致仕歸

程泰

程泰字用元休寧人登景泰甲戌進士觀政戶部乙
 亥奉命犒師宣府總帥厚餽悉卻之天順改元授戶
 部江西司主事己卯犒陝西復賜勅命督餉淮安一

本朝分省人物考卷三十六 三十八 南直隸 劉光
 年代還上書乞歸省從之癸未會試克同考試官未
 幾進員外郎督負徵於天津諸處成化改元晉郎中
 是歲用兵遼東遣泰給軍實師賴以濟庚寅遣視山
 東災上書言四事曰存漕運以防民饑整兵備以衛
 民生減養馬以安民心增接遞以紓民力事多舉行
 比還擢廣西右叅政安南以地界不定數犯邊冒險
 往定之乃已理募修墜政漸以成壬辰以母憂歸繼
 丁父艱喪葬一以禮拓先祠以謹時祀輯先德爲世
 芳集以傳服闋改河南右叅政奉璽書專理儲定轉
 輸遠近適均法以便民又以其暇時葺二程夫子祠

宇以風其士人戊戌晉右布政使明年晉左布政使律已守法以倡僚屬一方晏然欲自引年章具未上而疾作矣聞者愕眙以為善人之不幸距生年六十為人恂恂謹恪口未嘗及人之過然其中涇渭極明有確然不可易者平居恬澹寡嗜好疑若不柰繁劇而居官不急不徐喜功邀譽者反出其下人陰被其惠澤甚多而世亦未盡知之為學不事詞藻雖時賦詩以自適而緘其稿終不以自見也其不自伐如此

饒 欽

饒欽字克恭祁門人天順庚辰進士授戶部陝西司

本朝分省人物考

卷三十六

二十九

南直共

主事有福建林舉人者以白金一緘寄欽而入會試死于火欽召其家僮還之家僮初不知也欽行素不欺由此名益顯嘗差監收通州等處糧儲平料量時出納軍民便之改南京戶部建議修造烏龍潭等處倉廩尋遷激江府知府激江古荒服地夷羅雜處欽至首興學校與民休息民俗丕變所屬路南州土官無子欲以女襲職厚賂欽却不受即日上奏以職官易之王恕巡撫雲南屬吏望風解印獨謂欽有古循吏體特剡薦之入覲民為之攀轅泣留

汪 進

汪進字希顏婺源人天順甲申進士授刑曹郎執法

不阿治獄多所平反陞山西按察僉事後改湖廣政尤卓異初岳州平江民為江西寧縣民所誣構數載不解几至生變巡撫以其事下三司參讞進乃約期于界上結茅為行署以會江西官卒伍從者千數進惟數人給役而已時逮繫者四百餘人進誓已秉公諭以國法兩造以判施州衛所轄夷官多為中國人所冒誣訐群部夷甚苦之欲為亂進追奪其印置之于法夷情遂安尋陞福建副使巡海時暹夷數千人乘大艦假以入貢迫境進察其奸率官軍聯舟鼓譟以往夷遁去遷貴州按察司時都勻苗寇猖獗朝廷命進討之師大捷陞陝西左布政使進以錢糧根本之地務持大體雖細務亦加之意民困獲甦遠以疾終進性峭直不畏權勢事親以孝聞撫孤侄曲盡恩意官居三十餘年家無餘貲人至今仰之

汪 溥

汪溥字原學績溪十一都人領天順己卯鄉薦授薊州知州州近輦轂當要衝且有二衛官民雜處溥以誠篤廉謹蒞之南有龍池河壅塞為患數疏導不通歲甲午河忽東注民患以息丁酉有蝗集于葛莊率

亭長禱之俄有黑蟲飛蟄蝗滅禾亦大熟人謂德化所致秩滿百姓遮道赴闕保留上賜誥命陞從四品祿俸再任三年以慰民望立碑紀德尋陞廣西慶遠知府地僻邊隅猺獞雜處素號難治溥至撫御有方民夷安之亡何以外艱歸軍民屢陳撫按交章奏保復知慶遠陞廣西按察副使整飭柳慶南寧等處兵備經略規畫悉體民情猺獞向化以卓異見旌卒于官民夷聞之皆流涕溥學行俱優所著有仕優藁

潘珏

本朝分省人物考卷三十六

三十一

南直共六

潘珏字玉汝婺源人賦性醇篤自幼劬書十歲作詩有驚人語十有二歲從鄉先生張文輝受尚書歷五寒暑學成會戶當遠役而母病兄弟皆弱時府事間經歷以御史左遷珏持詩文謁訢閤才之遺補邑庠生免其役天順甲申也初兄弟析產以水田若干畝佐讀書父沒終喪請於諸兄合爨作風樹圖以寄哀成化癸卯領鄉薦連登進士乙巳奉檄督賦南畿明年授湖廣蘄水令至縣閱倉粟得六百斛駭曰為民父母而令水旱無備奈何爰下令諸贖刑及訟紙咸入粟縣治門中兩旁建倉貯之號阜民倉越二年大

早盡發倉儲以賑貧乏簡下戶丁壯分隸上戶俾得傭作自給多種麥為來年計復勸分助賑以濟不足是歲飢不為害自是益廣儲蓄更建倉縣治之北號聚民倉前後積粟八萬餘石久益賴之縣之南門渡恃舟以濟水涸易以木梁歲費百金不免覆溺之患乃合二年費為浮橋經久不病又以廟學湫隘闢而新之作與士類每為講授成材甚眾邑故多盜令鄉民聚居列柵啟閉盜乃沮義官劉洪者實黠盜其子恥與同惡洪殺之事洩亟遣人分捕并獲其黨十數輩既而司府將脫之具獄請對卒如初按初勦府致弊于珏對使封貯官庫別以禮報之嘗使人諷欲婚其子珏不可既又以所作畫來珏為啟事辭謝久之王以罪廢珏無染焉治蘄凡十二載秩滿當去賦別思詩士民遮道共立去思碑弘治戊午遷金華同知職專清戎尤慎勾稽未嘗徇權勢為取舍有蘭谿民誣姪夜歐叔殺其妾縣官治姪死罪累年莫辯珏閱成案見其初驗屍時不云何衣悟曰此必就寢所計殺之也豈有婦人裸而救鬪者耶詰之果服坐叔故殺罪而出其姪巡按陳君不悅曰獄屢經臺憲矣何若是子盾耶力爭之陳不能奪三載奏績便道省母

本朝分省人物考卷三十六

三十一

南直共六

孺人于家遂有歸志還次嚴州投牒告繳部檄郡人
士相率挽留而上官亦弗許尋就職乙丑 武宗卽
位入賀陞福建僉憲奉勅督理屯田考簿書革奸弊
豪猾侵尅之徒悉寘于法屯政漸復一日監斬夜歸
病不能寢食歎曰戮人不當其罪而力不能救何以
仕爲遂遣人上京乞骸骨時逆瑾擅權所知恐其得
禍勸止之尋以鹽法忤中貴人中貴人陰主去戊辰
吏部書以年老致仕瑾猶坐以他事罰米百五十石
時六十有三得謝爲幸云歸十有五年足跡不出山
惟赴鄉飲避寇兩至縣耳優游林泉文詠爲樂夜課
不朝今省人物考 卷三十六 三十三 南直其六 徐信

汪舜民

汪舜民字從仁婺源人成化戊戌進士授行人擢河
南道監察御史巡按陝西甘肅等處多所舉刺從父
奎以御史言事廷杖舜民扶掖之坐謫雲南蒙自經
歷歷遷廣東東莞縣知縣擢江西按察司僉事詳讞

明允剖決如流擢雲南副使孟養餘孽思六叛據孟
密承檄往撫定之以母憂歸服闋赴京會淮揚大侵
議遣官賑濟之用薦改注山東理其事兼徐州兵備
以便宜出納奏停不急之徵流民多復業擢福建按
察使盜竊福清縣庫怨家有所詆指獄已成舜民廉
得真盜而罪誣者脫三十人于死擢河南右布政轉
左擢都察院右副都御史巡撫鄖陽居一月召還道
改南京都察院正德二年卒舜民有才略平生矯矯
以風節自勵至老猶不改其操云

胡富

本朝分省人物考 卷三十六 三十四 南直其六 徐信
胡富字永年績溪人成化戊戌進士仕至南京戶部
尚書卒贈太子少保謚康惠富爲福建按察僉事時
分巡至福寧州閱獄囚三百餘人有五六年不釋者
審決不五日而囹圄一空爲山東僉事會 朝廷封
衡王於清州遣太監丘督造府第隨從之徒恃勢擾
民有司患之廉得其索財罪狀并捕第丘棊置之法
自是畏憚不敢肆役鉅而民不擾富之力也陞廣東
副史適四會民徭作亂委富督兵勦之擒五百餘人
又瀧水徭賊出沒不常其所經路側有荒田三千餘
頃訪徭所畏者獐人而獐人素不爲盜乃於路口設

一獐圍移文廣西招致獐人住圍耕種自是獐人不
敢出百姓亦倚獐人分種三分之一舊路復通海南
黎人集眾數千寇儋州攻圍城池勢猖獗甚議跨海
征之富與參議劉信往觀其營賊突至攻圍甚逼富
奮力揮刀突賊圍而出手砍劇賊一人賊皆辟易無
敢敵者還請益兵勦之地方始靖陞陝西布政關中
文牒山積晝夜分處案牘立清會府有重獄訊決悉
得其情冢宰三原王公聞而稱曰胡方伯真老法司
也陞順天府尹時正德初羣閹用事逆瑾勢熾方熾
遇事盡心行之不事表襮堂食分毫無取勢要畏其

本朝分省人物考

卷三十六

三五

南直隸
陳元

廉白無私囑進大理卿轉南京戶部右侍郎富在大
理時嘗會問勢家與民爭田土事逆瑾受賂示以意
嚮富惟據冊決斷忤瑾遂令致仕瑾誅復原職未幾
陞本部尚書南京倉糧惟會同館廩米最苦賊納乃
通計京糧每一千石撥二十石交會同館不至獨累
一處甚便之先是京儲不及一年在部二年將有六
年之積每語人曰南京根本重地倉廩何可空乏今
幸克實而冗員蠹食之弊不除終非經久計也乃條
革民患數事奏下關涉府廠多尼不行歎曰杞人有
憂而志不克遂久戀祿位而不能去是誤國也乃引

年乞休疏六上始允富保全清節至死不淪嘗語諸
子曰予居官四十餘年無他長但清白二字平生守
之勿失爾曹他日有官守務全名節金帛易動人遠
而弗親自然氣壯而事理宜無忘予言也

洪遠

洪遠字克毅歙縣人成化甲午舉鄉試講學于內翰
謝公遷之門戊戌舉進士授莆田知縣前尹多苦勢
家請託遠于廳事後置鼓客來坐未定擊鼓者三羣
吏鴈行進立侍卽有請託者屏息不得出一語去莆
地濱海海賊時發輒損戍兵巡海憲臣議僉民壯代

本朝分省人物考

卷三十六

三十六

南直隸
陳元

之力言不可替年丁內艱既去而莆人思之甲辰改
濬縣歲荒極力賑濟全活甚眾議者以濬大欲分隸
湯陰濬人謹曰是使我離慈母去吾不忍也再踰年
丁外艱弘治庚戌改交河縣其惠政如前尤加意學
校公暇親爲諸生解講文義不倦部使者交章薦之
甲寅徵授南京監察御史數言事不避權貴庚申陞
浙江按察司僉事歷巡五道所至以鋤豪強撫孤斃
佑良善爲先務壬戌兩浙飢分賑嘉湖放富鄭公青
州朱文公浙東舊法參酌行之二郡獨無流殍巡視
憲臣疏其事有羊酒之賜甲子轉副使巡海道按察

使缺攝司事且一年諸道肅清先後巡按者列上其治行正德丁卯詔裁方岳刺員調湖廣時有兩制使在楚一督逋負操切嚴急遠下令勿亟民不忍累爭先輸足一專賑饑擇官分理獨委遠以全楚之半已巳晉廣西按察使廣西郡縣多土官簿書期會往往牽制或至十數年不結嚴為之限辨治如中州無復敢後者庚午遷四川右布政使時盜賊充斥百務倥偬遠攝左轄慎出納裁冗費積羨萬餘緡悉以給軍餉辛未晉陝西左布政使尋擢右副都御史巡撫雲南獎廉吏出貪鄙遠徼以安十八寨夷舊常剽奪為邊患遠至皆出降或欲乘機擊之不可曰殺降不信置無辜于死地不仁掩其無備而襲之不武諸夷聞之益畏服部內有銀礦開則攘奪並起命錮之三載遂定鎮守中貴誅求害人數裁抑之屢欲中傷索之無可得乃已甲戌改南京大理寺多所平反乙亥轉南京右都御史諭諸言事者務存大體切時弊勿以詆訐為事御史林有年諫取佛忤 旨逮赴詔獄率臺官上疏救之已卯三載考績在道拜南京工部尚書徑趨闕下謝且辭優詔答之有清譽素著之褒還任越三日即疏乞休致會有江西之變南京調兵備

本朝分省人物考

卷三二六

三七

南直共 鄧明

禦凡器械悉取之工部時以疾作勉強視事勞瘁甚遂至不起得年七十計聞命禮部諭祭者再工部治葬域遠守官四十餘年勤慎如一日當逆瑾用事時驅馳遠方無所附麗疾革子佺問以家事不答但曰爾輩以忠孝立身足矣語畢正衣冠而逝朝食時猶對部屬處分公事相去僅七八刻耳其靜定不亂如此

程敏政

程敏政字克勤休寧人父信以河間學生舉進士官至南京兵部尚書謚襄毅十餘歲隨襄毅公叅政蜀

本朝分省人物考 卷三十六

三六

南直共 鄧明

潘巡撫侍郎羅綺以神童薦之朝 英宗召試出題命對曰鵬翮高飛搏扶搖之九萬敏政云龍墀獨對陳禮樂之三千 上首肯之且喜其拜起如老成人命賜食詔館閣試之即日賦 聖節及瑞雪詩并經義各一篇援筆立就文采粲然諸閣老翰長嗟異之暨進呈 上喜甚詔讀書翰林院官給廩饌時大學士南陽李賢安成彭時學士嘉興呂原中允壽光劉翊咸當世碩儒皆就之講授李公尤愛之因妻以女踰冠舉進士中成化丙戌科第一甲第二人授翰林院編修同修 英宗實錄已丑同考禮部貢舉時刊

布 大明一統志洪武正韻資治通鑑綱目皆同校勘尋同修續資治通鑑綱目如石守信王審琦不預陳橋之謀韓通李筠李重進書死節開寶八年李煜降始罷分注書正統張世傑死之下始書宋亡之類皆出其手書成遷左春坊左諭德且以宋藝祖太宗授受大事也當時史臣不能詳記遂啟千古之疑乃取宋李燾宋史長編元史臣歐陽玄等宋史本紀以爲正而考訂發揮之餘黜陳涇胡一桂之繆別著宋紀受終考三卷乙未春廷賜進士克受卷官俄詔侍講經筵尋兼 皇太子侍講未幾丁襄毅公憂服闋

本朝分省人物考卷三十六 三十九 南直共徐陽

入朝丙午秋主考南京鄉試丁未 孝廟踐祚叙進宮臣遷詹事府少詹事兼翰林院侍讀學士克日講官時 茂陵工將訖詔議 憲宗皇帝升祔當定祧遷之制 孝穆皇后神主當有奉享之禮太傅英國公張懋等上議以 德祖比周之后稷 太祖成祖同周之文武俱百世不遷宜奉祧 懿祖一位別建祧廟奉藏歲暮則奉迎 祖主祫祭於 太祖之廟 孝穆皇后比周之姜嫄及宋之章獻章懿二皇皆別廟奉享宜於奉先殿旁近宮室改別廟太保襄城侯李瑾等復上議以爲宜於奉先殿 憲宗神主几筵

之右別設幄殿以安 神主勅內官監於宮中相度吉地候明年春營建別廟奏 上皆從之俱藁出其手弘治戊申同修 憲宗實錄尋詔敏政率其屬侍上將視學時禮儀簡略不稱詔議儀注敏政倡議預齋一日加帛一段樂設不作改分獻爲奠從之初開經筵詔侍講仍日侍文華殿講讀 上初卽位雅重講幄儒臣呼先生而不名嘗因講罷賜講官冠服敏政得金織緋袍一襲金帶冠履各一慰勞甚至徽州府儒學訓導周成進治安備覽詔看詳敏政摘其中多竊宋趙善瑋自警編元張養浩牧民忠告或襲用其標目或全剽其語言然此之猥不及彼之精況以治安爲名而不及君德心學謂秦商鞅有見於孔門立信之說則又踵王安石之故智其息異端等說亦非拔本塞源之論鄙俚而無雅馴之言迂妄而非經久之策詔以成狂妄置不問責還其書時詔議從祀孔子廟庭諸賢上疏曰臣聞古聖王之治天下皆以祀典爲重所以崇德報功而垂世教淑人心也故有功德於一時者一時祀之更代則已有功德於一方者一方祀之踰境則已先師孔子功德及於天下萬世其廟庭侑食之人豈可苟焉而已者若戴勝身陷

本朝分省人物考卷三十六 四十一 南直共徐陽

賊史子爲賊徒劉向喜誦神仙方術謂黃金可成不
驗下吏賈逵附會圖讖以致貴顯馬融爲梁冀草奏
殺忠臣李固何休春秋解詰黜周王魯注風角等書
班之孝經論語王弼與何晏倡爲清談取老莊之言
以爲易注王肅女爲司馬昭妻佐昭篡魏杜預所注
之左氏集傳其守襄陽則倍尅以饋遺洛中諸貴破
吳則盡殺江陵讖已之人爲吏不廉爲將不義凡此
諸人其於名教得罪不小而議者謂能抱遺經轉相
傳授不爲無功臣竊以爲不然夫守遺經者若左丘
明公羊高穀梁赤之於春秋伏勝孔安國之於書毛
萇之於詩高堂生之於儀禮后倉之於禮記杜子春
之於周禮可以當之若融等又不過訓詁此九人之
所傳者爾請黜戴勝等八人褫爵罷祀而加后蒼封
爵與左丘明一體從祀及考孔門弟子見家語者顏
回而下七十六人家語出於孔氏當得其實而司馬
遷史記多公伯寮秦冉顏何三人文翁成都廟壁畫
多遽瑗林放申枏三人邢昺論語注疏謂申枏在家
語作申續史記作申黨重複無稽一至於此况察愬
子路以沮孔子而孔子嘗稱瑗爲夫子決非及門之
士放雖嘗問禮諸家皆不載之弟子之列秦冉顏何

本朝分省人物考卷三十六

卑一

南直廿六
陳元

疑於字畫譌誤臣請於棖黨位號宜存其一寮瑗冉
何放宜罷其祀請進隋王通宋胡瑗加以封爵列之
從祀且顏回曾參孔伋孔軻之傳道配享坐於堂上
而回之父無繇參之父哲伋之父鯉皆坐食廡下恐
諸賢於冥冥之中未必安於心也宋大中大夫永年
伯程珦嘗不附王安石新法而二子顥頤實接道統
之傳獻靖公朱松嘗不附秦檜和議而其子熹實集
道學之大成今宜以杞國公顏無繇萊蕪侯曾哲泗
水侯孔鯉邾國公孟孫氏及程珦朱松配享啟聖王
叔梁紇俾學者知道學之傳有開必先明倫之義不
本朝分省人物考卷三十六

卑二

南直廿六
劉汝思

疾言遽色及其學成而歸程子目送之曰吾道南矣一傳而得豫章羅氏再傳而得延平李氏以授朱子號為正宗文定胡氏親承指授而春秋之傳作南軒上沂淵源而太極之義闡心學所漸悉本伊洛使天下之士曉然知虛寂之非道訓詁之非學詞章之非義則龜山傳道之功不可誣矣當崇寧之世蔡京柄國躋王安石於配享位次孟子而頌其新經以取士尊安石為聖人不復知有孔子誦新經為聖言不復知有古訓僭聖叛經凡數十年龜山入朝首請黜其配享廢其新經又請罷綱運以收人心斥和議以張國勢竄權臣以正邦憲培主德以崇治本則其衛道之功亦不可掩朱子謂龜山之出惟胡安定之言最公當時若能聽用決須救得一半且若朱若張皆淵源于龜山者咸在侑食之例獨其師有傳道衛聖之功反不預焉揆之人心誠為闕典今以龜山躋於從祀列東廡司馬光之下胡安國之上宜矣其應封伯爵行移翰林院定擬仍行國子監及天下學校一體從祀從之尋丁內艱十一年服闋入朝未至轉詹事府詹事兼翰林院學士 陛見後遷禮部右侍郎兼學士會典副總裁仍掌詹事府事侍東宮講讀已未

本朝分省人物考卷三十六

聖三

南直隸六

春主考會試未揭榜給事中華景劾其鬻題賣士下詔獄敏政疏請致仕且引咎自責乞釋景以全諫臣既而獄上亦以諫官一時風聞無迹可指而同列林廷玉再疏劾之敏政曰有識者皆知景為妄吾所以不深辨者顧存大體爾今言之不置是豈得已乃請與廷辯廷玉景語塞坐罪敏政致仕未行卒年五十五贈禮部尚書敏政秀眉長顙風神清茂於書無所不讀文章為一代宗匠天稟既高而又上沂伊洛淵源深探而精擇嘗考合朱陸二家始之所以異而終之所以同名曰道一編其造詣繁可見矣侍經筵久

本朝分省人物考卷三十六

聖四

南直隸六

每進講篇終必有規諫諷切深至 上每欣然聽納喜接士大夫不以貴自倨不以才自負升其堂者屢談不厭叩之者不能測其涯涘雖遭多言至於逮繫言動如平日未嘗有幾微不平所著有篋墩稿續稿三稿新稿共百二十卷行素一卷編類皇明文衡一百卷蘇氏檇杙若干卷道一編六卷瀛賢奏對錄若干卷新安文獻志一百卷宋逸民錄十五卷修定程氏統宗譜四十卷陪郭支補三卷程氏貽範集四十卷附注真文忠公心經三卷大學有重定本子堦以襄毅公功官錦衣衛千戶

汪奎

汪奎字文燦婺源人成化丙戌進士授秀水縣知縣擢監察御史丙午以災異上疏言及宮闈忤旨被杖謫夔州府通判弘治初陞叙州府同知成都府知府歷陝西右叅政廣東按察使廣西左布政使辛酉陞右副都御史巡撫貴州有平苗功未一年言官劾奎老疾遂致仕以壬辰卒賜祭葬如例奎性簡靜尚氣節不妄取與居官以篤實從事恥務奔競雖無時譽其自守有足稱者

方瓘

方瓘字時素婺源人生有異質既長厭科舉學慨然有向道之志聞湛元明講學南都往從之湛與語奇其授以宗旨令為國子諸生向導瓘潛心晝夜不避寒暑湛喜曰吾道不孤矣及湛北上瓘不憚險阻徒步遠從之歸以所學策勉同志親喪哀毀逾禮有再從兄弟異居既久貧不能存瓘慨然曰昆從莫非一體奈何使失所乎與之合爨遠來從學有不給者輒贍之坐是屢致窘乏無怨悔湛歸廣城瓘遠造請返而同行友王子墩罹瘴死舟中例不載屍乃秘不發同屍寢數日至韶始發之時韶守為瓘故人遂得賻

本朝分省人物考卷三十六

聖五

南直隸六

斂舉歸尋復與洪垣卒業東廣湛建二妙樓居之曰吾道之託在是矣督學胡植按郡聘入試不舉遂絕意仕進卒年四十五平生無意著作其正學存稿乃門人所錄緒餘督學舉入鄉賢祠表之曰正學云

謝復

謝復字一陽祁門人自幼聰敏性復純篤父常攜之遊文廟問曰儼然而肖像者非聖賢歟夫非盡人之子歟翁奇之稍長授春秋於于翰林竹坡先生即了大義已歎曰學以謀道滯心文義以干祿吾弗為也於是潛心經史以古人自期聞康齋吳先生講道小

本朝分省人物考卷三十一

聖六

南直隸六

陂遂棄舉子業不遠千里往從之凡有得於講授者必心體力行以求自得三閱寒暑弗少懈康齋喜曰吾道有望矣既歸益修躬行日率其弟嘉侍親側饌具必躬治坐立不敢南面退與其妻葉氏相敬如賓與弟嘉敦友愛親歿不御酒肉蓋孝友之性發自天至垂老如一復率族人即城南建祠祀始祖唐金吾公以下冠婚喪祭悉遵古禮為鄉人倡平居寡言笑接人和易有問應答如懸河然嘗聚徒南塘每開廸以孝弟為先窮年一室討古論今遇感有作然發其養弘治中與修邑志太守幸菴彭公深敬禮之

造詣既久遠近知名葉畏齋問學曰知行並進否則落記誦訓詁格矣令鄭公問政曰辨義利則知所以愛民厲已時以為名言世居庠西晚徙築西山之麓學者稱為西山先生其曰南塘漁隱曰廢翁曰無慮子皆其自號以弘治己丑卒得年六十有五所著有西山類稿

謝顯

謝顯字惟仁祁門人生而沉慧異凡兒稍長苦志問學家貧甚或勸之治生顯應之曰治生孰若治心志益勵弱冠卓為人師嚴毅方正不徇時好聞人有謔

大明分省人物考 卷三十六

寧七

南直其六 徐五

浪語輒不憚鄉里敬憚之博綜經史尤邃于易嘗自誦曰欲作天下屠龍手肯讀人間非聖書湛元明講學南都顯往質焉屢問而屢不答顯茫然自失覺其始之所學猶外也退乃于靜坐中求之久而有得元明器之歸構神交館與謝芋及六邑之士方瓘等日相究竟芋學力行真確而元明屬望顯與芋益篤顯曰人一念差一言差則天地萬物為之解體又曰精神須醞釀得到又曰此學如過獨木橋相似絕無幫貼倚靠有立脚處皆格言也所養于是為至年四十九卒所著有 聖諭演易說并文集諸書督學耿定

向廉之從祀鄉賢祠評之曰跡其所至已在善信之間克其所志不底于聖人不已也

吳鵠

吳鵠歙巖鎮人與兄鼎弟珊客黃州衆夜闕殺人誣鼎吏捕之急鼎不知所出鵠曰兄年高未有子弱弟老母所憐皆不可死獨鵠子已長願代兄以塞禍遂請吏就繫鼎寃之求直不已鵠謂曰空自苦必無生望不若保餘貲善事老母撫弟姪立門戶母以弟為念也其夜具衣冠自經死州人傷之曰于府即獄中棺轉出以禮殯之時陳司徒金劉司寇天和義其事

大明分省人物考 卷三十六

四十八

南直

以詩文吊之正德中郡守張公書取義字表其門鐫其名千里之節孝坊

胡德

胡德字 之婺源人登正德戊辰進士授南戶部主事有輪閩浙時有巨璫搜其篋止扇數握後以四川叅議歸養 詔訪司道可大用者吏部奏起之累陞至雲南叅政大理土官侵竈戶鹽利垂九載部使者請兵德至獨單車深入召父老諭之曰激之者罪也荷戈豈良民乎父老叩頭願死德為正土官罪逋課數萬悉處分補之撫按論功固辭數月乞歸養家居

三十餘年謝跡城市有迂樵雜著等稿

戴祥

戴祥字應和績溪人登正德辛未進士父驕知棠邑為清白吏祥謁選適選曹為棠邑人或言見之可得美秩祥謝勿往授行人奉使藩府贈遺一無所受陞南工部員外掌蘆課以廉稱轉戶禮正郎敷歷三部清慎一節陞雲南尋甸知府引疾致仕歸冲淡夷曠日與泉石友唱和足跡不履公府約已力學田宅不增尺寸奉二親撫庶弟以孝友稱邃于經學門下士多通顯有聲子嘉猷中丙戌進士知烏程有惠政拜

本朝分省人物考

卷三十六

四十九

南道

給事中上謁

興獻帝園陵疏諫詔杖

闕下謫廣

西尉後起官至浙江海道副使

葉琦

葉琦字廷珪祁門人生有異質日記萬言稱神童年十一補邑諸生十八發解南畿甲戌成進士觀政工曹即焚香自矢以立身行道為先忠君愛國為念以范文正陸宣公自期待忽聞父疾篤即上疏乞歸虔禱願以身代藥必躬調衣不解帶凡七日夜忽有異人授摩運法疾脫然愈眾謂孝感所致當道強之仕竟以親老終養力辭不赴創宗祠置義田義塾坐是

家窘恬然自安鄉人重之相稱必曰葉先生云

趙時勉

趙時勉字誠之歙人幼孤貧事母及贍寡嫂以孝友聞舉正德八年鄉試詣闕上時政二十事多所條切選授武城縣歲饑民流大施寬卹之復具疏請賜蠲拯得除民租之半節厨傳費歲積數千緡民賴以復業卒于官武城誌止名宦五人時勉尤見稱配祀于其邑陳太守祠著有存笥詹言及奏疏稿于家

黃鏗

黃鏗字德鳴歙人家貧力學正德己卯與計偕令蘭溪有聲擢廣東道御史武定侯勛怙寵驕恣鏗目攝勛欲糾之未發而語已傳為勛所啣會奉 勅行邊時邊將僨事者罰金例多括之士卒鏗廉其弊議以輕重行黜責發贖將私覲之罪諸將懼流言御史嚴將不為開府地撫臣因先發御史不禁送迎使信地空壁下御史大夫議議上行邊 勅印在焉體得護行而侯勛從中彈之竟謫浙按察知事稍遷九江判既守濱州貳撫州府所至能盡職在浙幕攝諸暨有泌湖没于豪右吏莫敢問鏗至復為官湖利賴數邑居州歲稔鏗請捐逋減額躬行阡陌勞來流徙戶口

本朝分省人物考

卷三十六

五十

南道

盡復瀆人尸而祝之助敗進南京刑部四川司郎中
部獄多所爭于司寇歸里疾卒子應坤官至大理丞
以克世著

游震得

游震得字汝潛婺源人家故壁立父泰亨博學力行
蚤歿母汪課之備艱苦戊戌成進士選行人後擢給
事南禮科侃侃言天下事議東宮禮請講學疏尤切
直丁艱補戶科尋轉兵科左給事出備兵南贛值大
水壞民廬舍多方賑採賴以全活叅政湖廣治辰州
採木採金採砂之令雜下一切調劑夷裔無擾陞本

五月入會物考

卷三十六

五十一

南道

省廉憲轉福建右藩使旋晉右僉都御史巡撫福建
倭患充斥疏請將軍戚繼光將浙兵戍守積寇漸平
無何戚解戍去留之不得黜倭遂掩入殘興化引咎
代還倭亦旋掃滅人推其綢繆功不可滅 穆廟求
巖穴召起僉都御史總督南京糧儲已而言者猶以
前事侵及遂歸里所司交薦不復起生平敦尚風節
避權門若熱家庭篤于孝友捐貲置義田倡文會以
成就宗黨之貧者族子弟咸藉興起宗姚江良知之
學者談稅要錄周易會通諸編多所發明所居瀕溪
嚙於水乃割其半以受嚙曰吾能讓則不患嚙矣以

嚙餘構屋數楹郡守鄧文溪為題讓溪書屋學者因
稱讓溪先生

鄭燭

鄭燭字景明號遠齋歙人少嗜學補郡博士弟子從
學湛甘泉鄒東廓之門歸而講業郡邑及門者數十
百人持論一稟中庸或有據先哲遺行發人隱者問
輒不答強質之則徐曰論何及此第師其善者足矣
前後學使者衡文行並首舉燭貢入成均四方講德
之士多依之敝衣糲食潛心遺經有見其衣冠質朴
美其率真者燭曰率真未易言先須識真耳選河間
本朝分負物考 卷三十六 五十二

王獻蓋

王獻蓋字德忠歙人員外郎寵之子虞衡郎中獻芝
弟家世科第獻芝任御史著風裁歷官廉正獻蓋天
性孝友人無間言杜門自守以成父兄之德族有千
金之產乏嗣以繼議及者引義不就自少志聖賢學

動循矩矱博覽墳典尤嚴心於三傳著為論說於
多所發明居常下帷授徒聞呂涇野講學留都往師
之其學以躬行為先以經世匡時為己任未及施而
卒

許象先

許象先歛縣諸生也立志以聖賢為必可學篤脩實
行不尚浮華父歿于淮奔喪歸葬三年不入內室楹
二守同門友也禮待甚優皇木商以百金求為寬限
嚴拒不納族兄弟相訟賄以求理拒絕尤峻率族人
為家會居恒講明聖學務祈折衷歸于至當而後已

本朝分省人物考

卷三十六

五十三

南直

毋病旦夕侍側藥餌必親嘗而後進母歿擗痛廼甚
半月卒于喪次有司申請祀于賢祠

程弘忠

布衣程弘忠字汝一別號天津歛人父業賈貧不能
資之學性敏嗜文義間發為詩士人覽之曰是深于
學者也年二十九師王心齋于泰州遂專意問學三
年欣然有得因涉歷四方徧從鄒東廓王龍溪羅近
溪耿楚侗考業一時賢碩咸嘉樂焉後遊衡岳曾植
齋延之書院數年所至啓發人無賢愚必有興起萬
曆癸酉自衡之粵謁陳白沙湛甘泉墓還疾作卒于

廣城書院其學宗心齋而自經參悟不為依傍學者
樂就之衡陽人士繪像祀石鼓書院曾植齋侍郎尤
信服之至祀于家云所著有雅音集



本朝分省人物考

卷三十六

五十四

南直